

孤本元明雜劇

序

破審記

陳母教子

金鳳釵

降桑椹

剪髮待賓

鎖魔鏡

衣襖車

校例

單刀會

東牆記

圯橋進履

伊尹耕莘

黃鶴樓

千里獨行

目錄

裴度還帶

颶池會

蔣神靈應

智勇定齊

翫江亭

博望燒屯

提要

哭存孝

襄陽會

莊周夢

三戰呂布

昇仙夢

飛刀對箭

五侯宴

趙元遇上皇

貶黃州

老君堂

九世同居

雁門關

VISIT...

LANZAROTE
Caliente.COM

孤本元明雜劇



2 039 9790 6



出版說明

孤本元明雜劇共收雜劇一百四十四本，其中包括久已失傳的孤本一百三十六本。原書從涵芬樓所藏也是園古今雜劇抄本和刻本二百四十二本中選出，在排印時，曾做過一番整理工作，一九三九年由商務印書館出版。

由於也是園戲曲藏本的發現，使元明雜劇的內容大大豐富，給戲劇遺產提供了許多寶貴的資料。因此，自孤本元明雜劇出版以來，它一直受到學術界的重視；但當時僅印數百部，目前已極難看到。爲了供戲劇工作者的迫切需要，現在我社據商務印書館原紙型重印。

原書線裝三十二冊，現改訂爲精裝四冊；精裝本每冊包括原書八冊

中國戲劇出版社編輯部

一九五七年十一月

2017/6/8

序

雜劇之名始於宋初。顧其詞盡佚。體裁如何。不復可徵。有元崛起。作者最盛。沿及明代。流風未泯。前後三百餘年間。海甯王君靜安曲錄所載。凡九百四十一種。可謂盛矣。然王君當日親見其書者。元曲選百種。及零星刻本十數種而已。近三十年。學者皆注意於此。於是武進董氏誦芬室。吾吳吳氏奢摩他室。蓋山圖書館。日本京都大學及節山鹽谷氏。皆印其所藏珍祕。以公之世。誠爲藝林盛事。然除去重複之本。總計種數。不足二百。是則亡失者仍十之七八矣。茲者也是園所藏元明雜劇。忽發現於海上。全書七十二冊。都二百六十九種。缺八冊。凡二十七種。除已見之元曲選及近

日印本者九十四種。重複之本四種。計得往昔未見之本百四十四種。涵芬樓假而印之。名曰孤本元明雜劇。屬余以校刊之役。是書最初爲明趙元度所搜集。抄自內府及東阿于小谷者居多。元度名琦美。常熟趙文毅公用賢之長子。好藏書。自號清常道人。有脈望館書目。讀書敏求記云。清常歿。其書盡歸牧翁。武康山中。白晝鬼哭。書之精爽若此。然絳雲一燼之後。凡清常手校祕書。都未爲六丁收去。牧翁悉作蔡邕之贈。豈非幸哉。然則此書乃由脈望館絳雲樓以轉入也。是園者也。其中明刻本六種。餘皆明抄。大都。有清常校題。然於誤字頗多未改者。亦有改之未的者。抄校雖未精善。而三百年沉埋之古籍。今得讀之。吾輩眼福不淺矣。校讀既

竟可釋昔時之疑者。蓋有數端。臧氏百種。或疑其去取未當。不免采礧硤而遺珠玉。以此書證之。則臧氏所遺。誠然有之。特尙不多一也。古今談曲者。咸以關漢卿爲巨擘。以此書證之。則寧推實夫仁甫。駕而上之。更有不著姓名之本。如劉弘嫁婢村樂堂等。古拙清新。兼擅其長。堪爲元曲中之絕唱。未可貴耳賤目。以古人之說爲定評。二也。伶工學習南曲。便於趕板。每將應有襯字。妄行刪去。故其脚本如綴白裘之類。比傳奇原本襯字爲少。今此書亦爲明代伶工傳習之抄本。而多疊床架屋不可通之襯字。以與有刻本者（如鎖魔鏡及與元曲選重複之各本）相較。則刻本固文從字順。其襯字遠比抄本爲少。乃知抄本中不可通之襯字。皆係伶

人妄增以字代腔使便記憶非撰曲時所本有三也臧氏選劇務取名作士禮居三十種及盞山圖書館二十七種皆元明刻本亦多佳劇讀者於元明劇本徒見文人學士稱賞之作莫見草野俚俗嗜好之談此書荃茅並采其中拏妖捉怪拳棒跌打諸劇取悅庸衆耳目雖文字無足取要可見當時流俗風尚四也故此書出而元明兩代之雜劇非特驟增一倍且於雅俗兩途可窺其全爲研究兩代草野風俗人情者所不可缺也校印旣畢撮其大略以告讀者辛巳仲春朔日茂苑王季烈時年六十有九

滄州孫子書君楷第著有述也是園藏劇之圖書專刊二十萬言考訂甚詳足使此書增價余於校印畢後始得讀之因略采

其說入提要中。至此本初校者。爲我吳姜佐禹君殿揚。覆核者。爲海鹽張菊生君元濟。函牘往返。推敲入細。皆有功此書之流播者也。敬附識於此。烈又記。

校例

一是書爲錢遵王也是園舊藏。今擇其久未行世者。刻本六種。鈔本一百三十八種。一律以聚珍鉛字排印。

一全書次序。仍依錢氏目錄。首元人所撰。次無撰人姓名可確定爲元人所撰者。次明人所撰。次歷朝故事。次古今雜傳。次釋氏神仙。而以教坊所編演者殿於後。其原編間有不合者。如十樣錦諸葛論功。關雲長大破蚩尤。均屬宋朝事實。原錄誤列三國故事。今已訂正。

一原本行式參差。曲白句讀。概無標點。今一律以單圈斷句。版式畫一。其爲明刻善本。分有正襯者。悉仍舊貫。

一原本有四十種楔子折數。均不分析。今一一爲之增補。又有二本楔子誤併入第一折中。今亦校正之。

一原本做科云唱。詳略不一。今加以整理。較若畫一。俾讀者易於明瞭。

一原本有趙清常校筆。趙氏確守以本校本不爲是非去取之例。然覺有未盡妥適者。今擇是而從。原文的誤。卽照趙校改正。原文義長。趙校遜之。則以趙校入注。反是則以原文入注。

一本書係彙集衆本。寫官程度。高下不一。趙校而外。其形聲近似疑誤之字。層見疊出。其確爲訛誤者。卽行更正。其無可推測者。則未敢率改。僅加注疑誤字樣於下。

一原本間有重出衍文。確係誤寫者。徑與刪削。其爲顯然脫誤者。則依上下文情節增補。並於兩端加「」以示區別。

一原本劇中有襲用之字。如則作子。者作咱。穀作勾等。音近而義不同。究屬不宜混用。今已改從本字。

一原本人名。尤多舛錯。如邳彤誤作邳仝。姚期誤作姚期。徐懋功誤作徐茂公。康君立誤作康軍利。凡有正史可考者。亦加改正。

目錄

第一冊 序 校例 目錄 提要

第二冊 破審記 元王寶甫撰 單刀會 裴度還帶 哭存孝

第三冊 五侯宴 陳母教子 以上五本元關漢卿撰 東牆記 元白仁甫撰

澠池會

第四冊 襄陽會 趙元遇上皇 以上三本元高文秀撰 金鳳釵 元鄭廷玉撰

圯橋進履

第五冊 蔣神靈應 以上二本元李文蔚撰 莊周夢 元史九敬先撰 貶黃州

元費唐臣撰 降桑椹 元劉唐卿撰 伊尹耕莘

第六冊 智勇定齊 三戰呂布 老君堂 以上四本元鄭德輝撰 剪髮待

賓 元秦簡夫撰

第七冊 黃鶴樓 元朱凱撰 翫江亭 元戴善甫撰 昇仙夢 元賈仲名撰 九

世同居 鎖魔鏡

第八冊 千里獨行 博望燒屯 飛刀對箭 鴈門關 衣襖車

第九冊 射柳捶丸 劉弘嫁婢 雲窗夢 病劉千

第十冊 十探子 黃花峪 以上十三本皆元人撰姓名未詳 卓文君 冲漠

子 以上二本明甯獻王朱權撰 靈芝慶壽

第十一冊 十長生 神仙會 賽嬌容 海棠仙 以上五本明周憲王朱有燬撰

流星馬 明黃元吉撰 王蘭卿 明康海撰 洞天玄記 明楊慎撰

第十二冊 太平仙記 明陳自得撰 獨樂園 明桑紹良撰 僧尼共犯 明馮惟敏

撰 臨潼鬪寶 伐晉興齊 以上二本春秋故事

第十三冊 孟母三移 吳起敵秦 樂毅圖齊 以上三本戰國故事 暗度陳

倉

第十四冊 騙英布 衣錦還鄉 以上三本西漢故事 聚獸牌 大戰邳彤

第十五冊 定時捉將 捉彭寵 雲臺門 薛苞認母 以上六本東漢故事

桃園結義

第十六冊 單刀劈四寇 杏林莊 單戰呂布 三出小沛

第十七冊 石榴園 龐掠四郡 陳倉路 五馬破曹

第十八冊 怒斬關平 娶小喬 以上十一本三國故事 東籬賞菊 晉朝故事

魏徵改詔

第十九冊 智降秦叔寶 四馬投唐 鞭打單雄信 慶賞端陽 登瀛洲

第二十冊 陰山破虜 龍門隱秀 南極登仙 浣花溪 破風詩 以上十

一本唐朝故事

第二一冊 紫泥宣 午時牌 以上二本五代故事 打董達 打韓通 曹彬

下江南

第二二冊 開詔救忠 活拏蕭天佑 破天陣 十樣錦

第二三冊 大破蚩尤 認金梳 女真觀 女學士 女姑姑

第二四冊 岳飛精忠 以上十三本宋朝故事 大劫牢 鬧銅臺 東平府

九宮八卦陣 以上四本水滸故事

第二五冊 貧富興衰 村樂堂 下西洋 漁樵閑話

第二六冊 雷澤遇仙 渭塘奇遇 勘金環 誤失金環 南牢記

第二七冊 蘇九淫奔 以上十本古今雜傳 雙林坐化 魚籃記 那吒三變

以上三本釋家故事 拔宅飛昇

第二八冊 三化邯鄲 度黃龍 洞玄昇仙 李雲卿

第二九冊 桃符記 鎖白猿 齊天大聖 斬健蛟 以上九本神仙故事 寶

光殿

第三十冊 獻蟠桃 慶長生 賀元宵 八仙過海 鬧鍾馗 紫微宮

第三一冊 五龍朝聖 長生會 羣仙祝壽 廣成子

第三二冊 羣仙朝聖 萬國來朝 慶千秋 太平宴 黃眉翁 以上十六

本教坊編演

提要

一 破審記

原標呂蒙正風雪破審記。明抄本。元王實甫撰。記呂蒙正未達時。遇劉月娥。擲彩毬招婿。適中呂。遂嫁之。同居破審中。劉氏甘受貧困。不悔。蒙正向白馬寺趕齋。爲寺僧厭惡。改爲飯後鳴鐘以拒之。其後蒙正顯達。寺僧告以向日之事。乃婦翁劉仲實故意激之。使圖上進。翁婿父女遂相歡好。按飯後鳴鐘事。見北夢瑣言。乃唐段文昌少時事。於蒙正無涉。宋史載蒙正之父龜圖多內寵。與妻劉氏不睦。并蒙正出之。頗淪躓窘乏。劉誓不復嫁。及蒙正登仕。迎二親。同堂異室。奉養備至。然則蒙正之母爲劉氏。曾見逐於夫。而與蒙正同遭困乏。誓不別嫁。劇中誤母爲妻。誤劉氏之見逐於夫。爲見逐於父。後之綵樓記傳奇。亦沿其誤。小說與正史往往不合。無足怪也。曲文樸質。而能清新。第一折醉中天末句。您兒心順處便是天堂。尾聲

末云。我不戀鴛衾象床。繡幃羅帳。則住那破窰風月射漏星堂。第二折尾聲末句。你若提一箇瓦罐還家來。我可也怨不的你。第三折普天樂中云。但得箇身還家。重完聚。問甚麼官不官。便待怎的。皆是白描俊語。且能顯出劉氏之義命自安。光明正大。此本題目既比西廂爲正。而文筆亦毫無遜色。乃西廂盛行於世。而此本湮沒不彰者二三百。年。論語云。吾未見好德如好色者。洵確論也。

一一 單刀會

原標關大王獨赴單刀會。明抄本。元關漢卿撰。此雜劇有士禮居藏元刊本。日本京都大學影刊之。上海又將影刊本付之石印。惟元刊本祇載正末賓白。不載他人賓白。而此本賓白完全。且元刊本第一折爲喬國老諫吳帝。開首載駕一行上。開住。外末上奏住。駕云。外末云住。然後正末扮喬國老上。此則開首祇有冲末扮魯肅上。並無孫權上場。至曲文。則元刊本第一折多醉扶歸後庭花各一支。第二折多倘秀才滾繡毬叨叨令各一

支而無道童所唱隔尾一支第三折多柳青娘道和各一支第四折多風入松沽美酒太平令各一支是二本迥然不同各有勝處未能以元刊本之已行於世而將此本舍之不印也此本文字頗多與今日歌場所通行之曲本同而與元刊本異如第三折醉春風之到今日享享元刊本作卻多是枉枉第四折胡十八之想古今立勳業那裡也舜五人漢三傑元刊本作恰一國興早一朝滅那下關約七八字是也此劇後二折即今之訓子刀會盛行歌場前二折則久已失傳就曲文論之第四折之新水令駐馬聽二曲感慨蒼涼洵爲絕唱而是二十年流不盡的英雄血一句尤爲神來之筆宜其盛行於世已六七百年之久也是本原有雍正間無名氏校筆所據者即係元刊本茲因元刊本坊間翻印本甚多而是本則爲世所未見故將校筆刪除以存廬山真面

三 裴度還帶

原標山神廟裴度還帶明抄本元關漢卿撰摭言載裴晉公質狀眇小相

者曰。郎君若不至貴。卽當餓死。一日游香山寺。有婦人以父被罪。假得玉帶三犀帶一。以賂津要。置於欄楯。忘收而去。度得而授之。後相者曰。必有陰德及物。前途萬里。非某所知也。是記本此而作。惟少變其情節。以資綰合。相士趙野鶴之名。姨夫王員外。失帶者韓瓊英。後卽嫁裴。皆增飾也。漢卿所撰雜劇。有六十餘種之多。此本在漢卿著作中。尤爲上乘文字。如第一折之點絳脣。混江龍二曲。第二折之一枝花。梁州第七。隔尾三曲。第三折之醉太平。倘秀才。塞鴻秋三曲。皆絕妙好詞。其餘亦多本色樸質。非明人所能及。惟此本爲伶工所傳抄。曲文中增襯字不少。第四折以得勝令爲止。元明雜劇時有此體。又有以太平令爲止者。雖意取頌揚。究非套數體裁。臧晉叔元曲選序云。元取士有填詞科。若今括帖然。取給風簷寸晷。故雖馬致遠喬孟符輩。至第四折。往往強弩之末。余按元以曲取士之說。殊無確證。惟各劇本至第四折。每草率了事。則確乎有之。意者此種劇本。皆當場走筆。隨撰隨演。取辦俄頃。故至第四折。率多戛然而止。甚少精采。

也。

四 哭存孝

原標鄧夫人苦痛哭存孝。明抄本。元關漢卿撰。五代史義兒傳云。存孝本姓安。名敬思。太祖掠地代北得之。賜姓名。以爲子。存孝獲臂善射。身被重鎧。棄弓坐稍。手舞鐵搥。出入陣中。以兩騎自從。戰酣易騎。上下如飛。初。存孝取潞州。功爲多。而太祖別以大將康君立爲潞州留後。存孝爲汾州刺史。存孝負其功。不食者數日。大順二年。徙邢州留後。存孝素與存信不睦。存信譖之曰。存孝有二心。存孝不自安。乃附梁通趙。自歸於唐。因請會兵伐晉。明年。趙與晉和。反助晉擊存孝。太祖自將兵圍之。存孝城中食盡。登城呼曰。兒蒙王恩。位至將相。豈欲捨父子而附仇讎。乃存信搆陷之耳。願生見王。一言而死。太祖哀之。遣劉夫人入城慰諭。劉夫人引與俱來。存孝泥首請罪曰。兒於晉有功而無過。所以至此。由存信爲之耳。太祖叱曰。爾爲書檄。罪我百端。亦存信爲之耶。縛載後車。至太原。車裂之以徇。然太祖

惜其材。悵然恨諸將之不能容也。爲之不視事者十餘日。康君立素與存信善。二人交惡。君立每左右存信以傾之。存孝已死。太祖與諸將語及存孝。流涕不已。君立以爲不然。太祖怒。酖殺君立。又云。存信本姓張。與存孝俱爲養子。材勇不及存孝。而存信不爲之下。由是交惡。存孝卒以罪死。存信救朱宣。爲羅弘信所敗。及討劉仁恭。又大敗於安塞。太祖大怒。將殺之。存信叩頭謝罪而免。由是大懼。常稱疾。天復二年卒。此本所記事蹟。大半與正史相符。惟將存孝附梁通燕伐晉諸事。諱而不言。又將康君立之死。及存信之畏罪。加以粉飾。謂存信與康君立亦皆車裂。爲存孝復仇。非事實耳。劇中之亞子哥哥。卽唐莊宗。五代史伶官傳云。莊宗知音能度曲。其小字亞子。當時人或謂之亞次。又別爲優名以自目。曰李天下。是其證也。劇以莊宗爲劉夫人之親子。亦屬附會。曲文樸質。自是元人本色。然後語無多。太和正音譜稱。漢卿之詞。如瓊筵醉客。又謂覩其詞語。乃可上可下之才。所以取者。爲雜劇之始。故卓以前列云云。洵定論也。

五 五侯宴

原標劉夫人慶賞五侯宴。明抄本。元關漢卿撰。記李嗣源出獵。追趕白兔。適遇王屠妻李氏。被典主趙太公所逼。使棄其子王阿三於野中。嗣源因收爲己子。改名李從珂。從珂長大。在李嗣源部下。與李亞子石敬瑭。孟知祥。劉知遠。共爲五虎大將。戰勝王彥章。凱旋。從珂殿後。遇李氏。因受趙太公子凌逼。圖自縊。從珂救之。李氏見從珂貌似阿三。啼哭不止。從珂詰之。知其棄兒與自己同年同月同日同時生。因疑自己非嗣源親生。歸見嗣源。欲覓王阿三。嗣源一味支吾。會嗣源之母劉夫人設五侯宴。慶賀戰功。從珂不肯飲酒。必欲劉夫人說明其事。否則拔劍自刎。劉夫人因詳告之。從珂遂率兵誅趙氏子。迎親母李氏而歸。事與白兔記頗相似。曲文率直。絕無俊語。惟其本色處。如第一折油葫蘆云。我若少乳些。則管裡叮叮的哭。多乳些。灌的他啊啊的吐。第二折賀新郎云。今日棄了你這窮妳妳。誰承望你認了富爹爹。皆非後人所能及。一本五折。得此知元初已有是例。

不始於紀君祥之趙氏孤兒。劇中人物。可與哭存孝參證。

六 陳母教子

原標狀元堂陳母教子。明抄本。元關漢卿撰。記陳母三子一女。長子陳良資。應舉得狀元。次科次子陳良叟。應舉又得狀元。三科三子陳良佐。應舉得探花。而誤報狀元。狀元實爲王拱辰所得。陳母乃以女嫁之。其下科良佐。又往應舉。果得狀元。於是三子一壻。皆得狀元。寇萊公奉命封陳母爲賢德夫人。曲文平平。關目亦未足動人。按金末科目甚寬。至元初驟停科舉。及皇慶二年而始復。其間無狀元者。且八十年。漢卿生於斯時。殆以不得科名爲憾。有所歆羨而爲茲劇歟。否則此等文字。大可不作也。

七 東牆記

原標董秀英花月東牆記。明抄本。元白仁甫撰。仁甫名朴。父華號寓齋。金史有傳。與元遺山爲世契。仁甫七歲遭壬辰之難。寓齋以事遠適。遺山挈仁甫北渡。仁甫自是不茹葷。曰。俟見吾親則如故。讀書穎悟異常。親炙遺

山罄欬談笑悉能默記。以先代爲金世臣。不欲干祿。優游詩酒。以忘天下。著有天籟集。其所作雜劇。見之曲錄者十七種。今所見者。惟元曲選中之梧桐雨。牆頭馬上二本。及此本耳。此本記三原馬文輔之父。與松江董秀英之父爲至友。二人幼時曾有婚約。馬父先卒。文輔長而至松江訪之。董父亦卒。遂假館山壽家之花木堂。與秀英所居後花園隔一東牆。文輔攀牆看花。與秀英相見。彼此有情。傷春致病。秀英侍女名梅香。爲遞簡傳情。約文輔至海棠亭歡會。董母適撞見之。梅香陳明文輔自幼與秀英有婚約。不如成就其事。以掩家門之醜。董母許其成婚。立逼文輔到京赴試。其後文輔得狀元而歸。事與西廂相同。曲中俊語甚多。楔子賞花時二支。用模韻。不雜撮口一字。可見中原音韻雖魚模不分。而能手亦嚴爲區別也。惟北曲一套。例由一人唱。而此本則不然。元雜劇一本俱四折。此本五折。皆爲元曲之變例。太和正音譜。謂仁甫之詞。如鵬搏九霄。以余觀之。則如曉風殘月。宜於淺斟低唱。而非銅琵琶鐵綽板唱大江東去也。卷末有清

常道人題記。謂抄東阿于谷峯相國子小谷藏本。案相國當卽于文定。名慎行。明史有傳。

八 澠池會

原標保成公徑赴澠池會。太和正音作廉頗負荆。明抄本。元高文秀撰。曲錄載文秀所撰雜劇。共三十四種。從前流傳者。僅黑旋風雙獻功一種。茲者又得三種。此其一也。記藺相如完璧歸趙。及秦趙二國會於澠池。秦王令趙王鼓瑟。相如請秦王擊缶。與廉頗向相如負荆請罪諸事。皆本國策史記。稍加增飾。以資貫串。曲文豪爽清新。兼而有之。排場尤爲生動。太和正音譜謂文秀之詞。如金瓶牡丹。以余觀之。正如蓬門秀麗。雖亂頭粗服。脂粉不施。而自饒丰致。非他人所能及也。此本四折。而有兩楔子。與羅李郎馬陵道等相同。吳氏梅以爲一本中不應有兩楔子。非定論也。

九 襄陽會

原標劉玄德獨赴襄陽會。明抄本。元高文秀撰。記先主欲依荊州劉表。遣

簡雍持書往借一城屯兵。劉表見之，請先主赴會襄陽。表次子琮忌先主，欲於席間害之。長子琦示意先主速遁。琮又使王孫盜先主所乘的盧馬。先主見之，因告王孫。祇因某席間有立長不立庶一言，二公子挾讎欲傷某性命。王孫謂此乃二公子不是，遂送先主出城。遇檀溪無渡，的盧一躍而過，遂免於難。而遇司馬徽龐德公，因薦徐庶出山。先主拜之爲師。大破曹兵，事皆與演義相符。曲文樸茂之中，饒有俊語，非明人所能及。

十 趙元遇上皇

原標好酒趙元遇上皇。明抄本亦元高文秀撰。記趙元好酒，妻劉月仙惡之，欲與之離異，改嫁臧府尹。府尹乃派趙元往西京遞公文。舊例遞文誤三日處斬。趙元途中遇雪，誤期半月，自分無生理。適遇太祖微行，共飲於酒肆中。太祖未攜錢，爲酒保所窘。趙元代償之。太祖詢元何以至此。元忽悲嘆，因將妻與臧府尹設計謀害等情詳陳之。太祖認元爲義弟，於元臂上寫字畫押，令示趙普。普見之，卽免元誤期之罪。且除元爲開封府尹，而

正臧府尹劉月仙及月仙父母之罪。其事雖未必有。而關目頗爲生動。曲文流暢。而又本色。第四折用監咸險韻。游刃有餘。尤見才思。此本土禮居雜劇。雖亦著錄。然不載寶白。故情節不貫串。不能見曲文之妙也。

十一 金鳳釵

原標宋上皇御斷金鳳釵。明抄本。元鄭廷玉撰。記趙鶚寓狀元店。落魄無聊。乃至周橋賣詩。遇諫議大夫張天覺。私行察訪民情。爲無賴李虎所窘。鶚以賣詩所得錢二百解之。天覺詢知鶚曾應舉得狀元。爲謝恩。失儀落職。以致貧困。因贈以金鳳釵十支。鶚以一支付店家作房資。九支埋於門後。其時李虎甫從郊外殺死楊衙內僕人六兒。奪其銀匙十把。亦投狀元店宿。聞知鶚埋金鳳釵。乃暗中鉋開。以銀匙易金釵而遁。其後楊衙內到處搜查。於鶚處獲真贓。遂以鶚爲殺人犯。鶚亦不解金釵埋地。何以變爲銀匙。無以自明。獄定將行刑。張天覺知其冤。奏請覆審。會店小二至銀匠處將金釵一支換錢。而李虎亦以金釵九支來賣。於是小二銀匠同拿李

虎爲鸚伸冤而事大白。關目至爲周密。曲文亦樸茂而兼清新。洵爲元曲中之上駟。

十二 圯橋進履

原缺卷首四葉半。末葉題張子房圯橋進履。明抄本據錄鬼簿定爲元李文蔚撰。記張良爲黃石公進履。黃石公授以天書三卷。及張良用計禽申陽陸賈。韓信奉命開宴慶功事。四折前後情形。既不甚貫串。末折寥寥三曲。尤爲草率了事。曲文亦平平。惟第一折喬仙所唱上小樓四支。轉多清新。及本色語。意者爲拉雜湊集所成之劇本也。

十三 蔣神靈應

原標破苻堅蔣神靈應。卽錄鬼簿之謝玄破苻堅。明抄本亦元李文蔚撰。記秦苻堅大舉攻晉。苻融諫阻不聽。晉謝安舉其姪謝玄爲帥。謝石副之。玄等禱於鍾山蔣神之廟。遂爾出兵。蔣神顯靈於八公山。將滿山草木皆變爲晉兵。遂大破苻堅。其事本晉書而增飾之。曲文平平。末折亦寥寥數

曲通體少俊語。惟關目比之圯橋進履。較爲貫串耳。

十四 莊周夢

原標莊周夢胡蝶。明抄本元史九敬先撰。錄鬼簿作史九散人。真定人。武昌萬戶。敬先當是其字。九則其排行也。所撰雜劇。各家著錄者僅此一本。記莊周本爲大羅仙。謫降塵寰。蓬壺仙恐其迷失正道。特領風花雪月四仙女。化爲妓以迷之。更由太白金星。化爲李府尹。帶春夏秋冬四仙女。作爲桃柳竹石四女。爲之煉丹。丹成後。先由三曹官責四女漏泄天機。禽去之。然後金星引莊周證果還元。事極無稽。而曲文特佳。第一折混江龍云。歎干戈千載戰爭場。可憐人一枕南柯夢。恰開眼蜂衙蟻陣。轉回頭兔跡狐蹤。後庭花云。想人生百歲翁。似花飛一陣風。人無有千日好。花無有百日紅等句。較之馬東籬之陳搏高臥。毫無遜色。其詠大胡蝶之醉中天一曲。乃中統初王和卿所撰。本是絕妙好詞。傳誦一時。用之於此。妙在與劇情及套數體式。皆爲恰合。非無故襲舊也。第三折倚秀才諸曲。數桃柳竹

石四女之罪，妙在語語雙關，而又字字典雅，通本俊語，不勝枚舉，以如此名作，而竟湮沒不彰，是可異也。

十五 貶黃州

原標蘇子瞻風雪貶黃州，明抄本，元費唐臣撰，記王介甫授意李定，劾東坡吟詩怨謗君上，帝震怒，將置之死，張方平救之，乃免其死，貶置黃州，介甫憾猶未已，令楊太守絕其資糧，以致東坡妻子凍餓，幸賴馬正卿周給得生，而以東坡奉召回京作結，按東坡於元豐二年七月爲李定等奏劾，奉旨送御史臺勘問，張文定、范蜀公等上書救之，乃謫貶黃州，以三年二月到黃州，在黃時，廩食既絕，人口不少，但痛自節儉，日用不得過百五十錢，其後馬正卿爲請得故營地數十畝，使得躬耕其中，至七年正月移汝州，八年八月移知登州，甫到卽召爲禮部員外郎，此本所記各節，皆有所本，惟官階則前後牽合，以資貫串耳，曲文通體清俊，第一折點絳脣云：萬頃瀟湘，九天星象，長江浪，吸入詩腸，都變做豪氣三千丈，混江龍云：詩吟

的神嚎鬼哭。文驚的地老天荒。此等詞句。極稱東坡語氣。允堪頡頏大江東去。用銅琶鐵板唱之也。第二折端正好滾繡毬二曲。沈譜采之。久已膾炙人口。然通本中佳句。勝此二曲者尙多。如呆骨朵三煞云。向新婦磯頭。鷗鷺鄉中。兒女浦口。鸚鵡洲邊。漲一竿春水。帶一抹寒烟。棹一隻漁船。黑甜一枕睡。燈火對愁眠。二煞云。佳音不託雲間犬。老計惟憑陽羨田。對橘綠橙黃。山高月小。聽南枝驚鵲。衰柳鳴蟬。不愁遠害。不陷危機。不納高軒。煞尾云。但使歌低酒淺。臥雨眠烟。席地幕天。一任長安路兒遠。何等超逸。何等俊雅。現今所存元人及明初雜劇。三百餘種。此本堪云觀止。

十六 降桑椹

原標降桑椹。蔡順奉母。太和正音作蔡順分椹。明抄本不著撰人姓名。據錄鬼簿元劉唐卿撰。唐卿以詠折桂令小令得名。其詞云。博山銅細裊香風。兩行紗籠。燭影搖紅。翠袖殷勤。捧玉鍾。半露春蔥。暢好是會受用。文章巨公。綺羅叢醉。眼朦朧。夜宴將終。十二簾櫳。月轉梧桐。其詞甚美。此本記

蔡順因母病思食桑椹時正雪後萬木彫零之際順禱天願減己壽以益母諸神爲之變冬爲春滿山桑樹忽盡結椹順至山中采椹遇盜執之至山寨盜魁延岑往常曾受順父母之周濟且認岑爲義子詢知順姓名遂釋而厚贈之岑因順之孝行感天自悔爲盜遂解散山寨投漢帝立功因將蔡順孝行奏聞而加賞賜焉按後漢書蔡順附周磐傳不載分椹事合璧事類載蔡順事母至孝王莽末歲荒順拾椹以異器盛之赤眉見而問焉曰黑者味甘奉母赤者味酸自食賊義其孝以米肉貽之劇本此節以增飾其事雖多荒誕之詞而意在勸世排場熱鬧亦足取也曲文雖本色殊少俊語比之折桂令一曲大相懸殊惟楊朝英陽春白雪錄此折桂令署姚牧庵撰不云唐卿作則此劇之是否唐卿所撰更無從確定也全本五折而賓白尤繁冗容或伶工所增

十七 伊尹耕莘

原標立成湯伊尹耕莘明抄本元鄭德輝撰記文曲星奉玉帝命降生有

莘趙氏其母名淑女不夫而孕及生棄之空桑之內伊員外見而留養之名曰伊尹長而耕於有莘之野湯知其賢薦之夏桀不用湯自聘之以平夏桀按呂氏春秋載有佚氏女採桑得嬰兒於空桑母居伊水命名伊尹劇蓋本此加以粉飾曲文尙爲本色然少俊語鄭撰是否僞託不得而知

十六 智勇定齊

原標鍾離春智勇定齊太和正音作無鹽破環明抄本元鄭德輝撰記齊公子出獵向無鹽女鍾離春問路不答轉責公子以禾苗在地不應馳馬晏嬰見女狀貌不俗詰問之女又譏齊國無人能禦秦楚嬰知女賢告齊公子娶爲夫人其後秦遣使持玉連環至齊令解開之燕亦遣使持蒲絃琴至齊令彈響之無鹽女以長竿掛琴風吹之而自響以椎擊玉環自解遂將兩使黥面刺背而縱之歸秦燕大怒合兵伐齊無鹽女又戰勝之禽其將領於是各國皆服齊按列女傳云鍾離春齊無鹽邑女凹頭深目皮膚若漆年四十無所容自謁齊宣王王召見之謂有四始納之爲后戰國

策云齊襄王以太史氏女爲后秦始皇嘗使使以玉連環遺后曰齊多智能解此環否后引椎破之此劇牽合二事爲一而增飾之關目尙妥曲文本色而俊語不多太和正音譜謂鄭德輝之詞如九天珠玉就此數本而論未免過譽

十九 二戰呂布

原標虎牢關三戰呂布明抄本亦元鄭德輝撰記袁紹會合十八路諸侯與呂布相持於虎牢關不能取勝曹操赴青州催糧經過平原遇劉關張三人勸三人至虎牢關戰勝呂布以圖進取三人從之至虎牢關張飛見孫堅倨傲打其卒子且詈之孫堅罰三人轅門打躬適呂布索孫堅出戰堅畏懼肚痛飛又譏誚之堅遂欲殺飛會曹操催糧回勸堅釋飛令其出應呂布戰劉關二人助之大獲全勝袁紹遂宣旨封賞曹操及劉關張三人人事本演義而稍爲增飾曲文本色間有俊語比伊尹耕莘稍勝一本四折而有兩楔子前用賞花時後用端正好元雜劇所不多見

三 老君堂

原標程咬金斧劈老君堂。明抄本不著撰人姓名。據董文敏跋元鄭德輝撰。記唐太宗率部下攻王世充。經過北邙山。偷看金墉城。被李密部下程咬金所迫。避入老君堂中。咬金劈開廟門。禽獲之。以獻於密。密囚之南牢。劉文靜往見密。勸其釋放。密不允。亦同被囚。其後密出征滄州。命魏徵徐勣秦瓊守金墉城。密因大獲全勝。恩赦牢囚。詔後書南牢二子。不放還鄉。徵等三人皆傾心於太宗。由徵改詔書之不字爲本字。始將太宗與文靜一併釋出。此事始末。魏徵改詔雜劇中。記之較詳。事屬無稽。辨之於彼。此本曲文較勝。第一折頗有俊語。後數折才思已竭。時有捉襟見肘之病。然其古拙處。非明人所能及。故列入鄭作中。孫氏楷第述此劇。亦以爲應改入元名家劇中。洵定論也。

三 剪髮待賓

原標陶母剪髮待賓。明抄本。元秦簡夫撰。記陶侃幼貧。因范逵將來。無以

款之書錢信二字。向韓夫人解庫質錢五貫。韓夫人賞其才。以錢與之。且強飲之。侃歸。母見其有酒容。並詰得其以字質錢事。加以責打。並令侃向韓夫人將字贖回。母乃剪髮賣錢。以款范逵。逵遂偕侃赴京應舉。得狀元而歸。初韓夫人欲以女妻侃。侃母不允。至是乃完姻焉。按晉書侃傳云。侃早孤貧。爲縣吏。鄱陽孝廉范逵嘗過侃。倉猝無以待賓。其母乃截髮得雙髮。以易酒肴。樂飲極歡。雖僕從亦過望。及逵去。侃追送百餘里。逵曰。卿欲仕郡乎。侃曰。欲之。苦無津耳。逵過廬江太守張夔。稱美之。夔召侃爲督郵。領縱陽令。又云。侃每飲酒有定限。常歡有餘而限已竭。人勸更少進。侃懷懷良久。曰。年少曾有酒失。亡親見約。故不敢踰。然則此本所記各節。固有所本。惟史稱侃妻氏龔。此所云韓夫人強侃飲及以女許之。殆虛構耳。曲文本色之中。饒有俊語。亦佳作也。

三 黃鶴樓

原標劉玄德醉走黃鶴樓。明抄本。不著撰人姓名。據錄鬼簿元朱凱撰。記

周瑜設計在黃鶴樓開宴。先主赴之。瑜欲於席上禽先主。以令箭兩枝。一給守梯者。一置座上。告守梯者。非對上此令箭。不許下樓。武侯令姜維扮作漁翁。託言獻魚至樓。教先主以彼驕。必褒彼醉。必逃二語。又令關平送暖衣拂子至先主處。拂子中暗藏有借風時向周瑜取得之鎖壇令箭。酒半酣。周瑜醉而欲睡。恐先主竊令箭下樓。將座上之令箭折絕。投之江中。先主徬徨無計。以拂子搗地有聲。怪而察之。乃得令箭。比對下樓。登漁舟。張飛迎之過江。事甚無稽。而排場頗生動。曲中多俊語。第二折記關平向江邊問路。末俟所唱諸曲尤勝。

三 翫江亭

原標癘李岳詩酒翫江亭。明抄本。不著撰人姓名。或以爲元戴善甫撰。記西王母殿前金童玉女。一念思凡。責令降生下界。男爲牛璘。女爲趙江梅。二人爲夫婦。且是富家。東華君命鐵拐李點化之。值江梅生日。璘與之設宴翫江亭。李徑往化齋。先說動璘。隨之出家。璘又歸家說其妻。於夢中點

化之。李因率二人同日證果。關目習見。曲文率直。其藻麗不及明代神仙諸作。而樸質處不失元人本色。要是元人所作。孫氏述此劇於下篇。一葉五以爲應改爲戴作。於附錄。四二謂戴所撰者。乃柳耆卿詩酒翫江亭。與此本不同。前後兩歧。似以後說爲勝。然因趙清常王敬菴皆認此爲戴作。故列於此。

二四 昇仙夢

原標呂洞賓桃柳昇仙夢。明刻本。元賈仲名撰。仲名乃元末明初之人。故太和正音譜作明人。茲列入元劇中。以其筆墨與元人近。與明人異也。記洞賓度桃樹柳樹。先投生陶氏爲女。柳氏爲男。配爲夫婦。且是巨富。方宴飲。洞賓前往化齋。且勸其出家。二人不理。洞賓乃令二人於夢中遇盜。被盜殺死而醒。二人遂相隨出家。其後桃樹柳樹二神。又於夢中殺陶柳二人。二人遂與二神相合。而成真仙。曲文清麗。可誦可歌。後之誠齋樂府。及內廷供奉諸神仙劇。大都脫胎於此。

三 九世同居

原標張公藝九世同居明刻本不著撰人姓名元人雜劇選中有此本而久佚記張氏九世同居然登場者祇張公藝及子三人長子治家次子習文得文狀元三子習武得武狀元總裁王伯清昔年喪父曾蒙公藝周以殯葬之費且贈衣服鞍馬使之上京應舉伯清將前後情事奏之朝廷朝命伯清問公藝有何治家之道公藝書忍字百許以答之伯清覆命上大喜再命伯清馳往賞賜加官等事按唐書孝友傳序張公藝九世同居高宗有事泰山臨幸其居問本末書忍字以對天子爲流涕賜縑帛而去劇本此增飾之事跡旣足以勸世曲文亦通體妥協第二折以家塾義莊屬其長子管理而自己謀退休林下排場旣爲生動曲文乃能超脫罵玉郎以下四曲語語俊逸字字清新否則此等題目吐屬易涉陳腐無可發揮似此善於騰挪非名手不辦也趙氏校改之處頗有勝於刻本者當是別有善本也

三六 鎖魔鏡

原標二郎神醉射鎖魔鏡。元人撰。姓名未詳。也是園藏有二本。一明刻。一明抄。第一折至第三折。兩本相同。惟刻本白較簡潔。曲中襯字較少。抄本白至拖沓。曲中多無謂之襯字。上場人物亦比刻本爲繁。乃伶工搬演時所增加。以延長時刻。伶人傳抄。遂相沿不改也。第四折兩本互異。茲依刻本重印。而將抄本之第四折。改作第五折。卷末穿關。亦據抄本增入。此劇記灌口二郎神因醉後與那吒比箭。射破鎖魔鏡。衆魔從洞中逃出。驅邪院主奉玉帝之命。責令二郎神同那吒擒拿妖魔。將功折罪。事本無稽。惟排場熱鬧。音節諧合。第一折飲酒之際。加以天魔隊舞。第三折天兵鬼兵。布滿場中。洵足哄動流俗之耳目。第四折由探子之口。述二郎神戰狀。頗與連環記問探折相似。然不足以結束全劇。抄本之末一折。則實敘二郎神禽獲妖魔。解至驅邪院主處發落。全劇方有歸束。故今以此折繫於末焉。

三七 千里獨行

原標關雲長千里獨行。明抄本。元人撰。姓名未詳。按記此事之雜劇有數種。雍熙樂府所載千里獨行之我則待創立劉朝一套。用仙呂點絳脣全套。皆正末關公口氣。此本第一折。亦用仙呂點絳脣全套。而爲正旦甘夫人所唱。詞句全不相同。非一本也。各有勝處。又納書楹曲譜載挑袍兩折。一標古城記。用正宮端正好滾繡球。尙秀才九轉貨郎兒及尾聲全套。近時十段錦雜劇出。始知爲明周王誠齋所撰義勇辭金中之一折。非古城記也。一標三國志。亦用九轉貨郎兒而無端正好滾繡球。尙秀才尾聲四曲。其貨郎兒之第一支。頗襲義勇辭金。二轉之後則各不同。兩相比較。自以誠齋之筆墨爲勝。此本曲文不及誠齋之典雅。然古拙樸茂。則誠齋所不能及。可斷定爲元人所撰也。

三八 博望燒屯

原標諸葛亮博望燒屯。明抄本。元人撰。姓名未詳。記先主三顧草廬。請諸

葛亮出山拜爲軍師。曹操令夏侯惇領十萬大軍來攻新野。亮令趙雲挑戰。要輸不要贏。劉封播土揚塵。麋竺麋芳舉火燒屯。關雲長提閘放水。獨不用張飛。先主爲飛懇求任用。乃令飛於明日卓午。在許昌路上候夏侯惇。敗殘兵百人經過。禽之。但逆料飛不能成功。飛不伏。遂與亮賭頭爭印。立下軍狀。次日果然惇過許昌路。託言飯後交戰。被其逃遁。飛乃負荊請罪。曹操又遣管通爲說客。勸孔明降曹。孔明擒之。此劇之第二三折。其關目與今日所存之三闖敗惇負荊完全相同。賓白亦有十之七八相同。惟曲文則各異。此本曲文於本色之中。饒有俊語。的是元代名人所撰。士禮居元刻劇本亦有此本。而無賓白。曲文亦稍有異同。茲依原文印行。以存其真。

三元 飛刀對箭

原標摩利支飛刀對箭。明抄本。元人撰。姓名未詳。記薛仁貴不樂耕種。惟喜武藝。至絳州。正遇黃榜招賢。以敵高麗大將蓋蘇文。卽摩利支。仁貴揭

榜應招得罪張士貴將置之死徐懋功救之令其隨張士貴出戰摩利支士貴已敗仁貴連射神箭三支遂定天山徐懋功奏陳功績仁貴及其父母皆受封賞按唐書仁貴傳少貧賤以田爲業妻柳氏夫有高世之材要須遇時乃發今天子自征遼東求猛將此難得之時君盍圖功名以自顯仁貴乃往見將軍張士貴應募至安地會郎將劉君印爲賊所圍仁貴馳救之斬賊將繫首馬鞍賊皆懾伏由是知名王師攻安市城高麗莫離支遣將高延壽率兵二十萬拒戰太宗命諸將分擊之仁貴著白衣持戟腰鞬兩弓呼而馳所向披靡賊遂奔潰顯慶時九姓衆十餘萬來挑戰仁貴發三矢輒殺三人於是虜氣懾皆降軍中歌曰將軍三箭定天山壯士長歌入漢關劇本此前後牽合而成曲文於樸質之中不少俊語關目亦周密洵爲元曲中之佳作

三 鴈門關

元人撰姓名未詳有兩本皆明抄一標鴈門關存孝打虎一標飛虎峪存

孝打虎。前一本曲較多，而兩本不同之處，亦以前一本爲善。如第二折尾末句，後一本作「因甚的起兵欺侮俺」，不特造語輕率，且「俺」字韻屬閉口，與全折所用抵顎音不叶。前一本則改爲「因何將大唐天下反」，則韻叶而句亦有力。收煞得住，故依前一本校印。記朝命宣李克用破黃巢，未發，克用出獵，遇安敬思爲鄧大戶放牧，因虎食其羊，將虎打死，克用賞其武勇，收爲義兒，改名李存孝，並賞鄧大戶金銀作恩養費。大戶遂以女妻存孝，存孝帶人馬三千，大破黃巢，直入長安事。曲文甚佳，通體俊語，不勝枚舉，而又不失本色，爲元代名手所撰無疑。

三 衣襖車

原標狄青復奪衣襖車。明抄本，元人撰，姓名未詳。狄青由軍功爲范文正所識拔，史載其事。此劇所謂押衣襖車，以酒醉被咎雄奪去，青復奪回之。則史書所無，非實事也。此本雖記狄青事蹟，而四折及楔子之正末，卻爲王環飛、山虎、劉慶探子三人，皆亡是子虛之流。特文筆尙佳，第一折曲情

婉轉感慨蒼涼。尤非能手不辦。餘亦安適。不失元人矩範。

三 射柳捶丸

原標閱閱舞射柳毬丸記。明抄本。元人撰。姓名未詳。閱閱舞三字。既未知所本。毬丸二字。尤不得其解。嗣校慶賞端陽雜劇。屢云捶丸射柳。其事與此本第四折之射柳打球相同。乃知毬丸實捶丸之誤。捶本訓打擊。丸卽球。射柳捶丸。爲古端陽節所舉行之角藝。其證甚明。而慶賞端陽第二折之尾聲中。有御園中排士卒賀毬賓閱閱舞二語。可知此種御園之角藝。名曰閱閱舞。作閱閱者。誤倒耳。此本中之正末爲延壽馬。史無可考。曲文亦僅平安。未見勝處。然語多質朴。可斷其爲元人筆墨也。

三 劉弘嫁婢

原標施仁義劉弘嫁婢。明抄本。元人撰。姓名未詳。按嫁婢事見之史籍者。有陳規及鍾離君。見宋史陳規傳。及魏泰東軒筆記。非劉弘事也。此本所述情節。與今古奇觀小說所記劉元普雙生貴子一回。大致符合。惟今古

奇觀劉名弘敬字元普晚生二子此作名弘字元溥晚生一子爲微異耳事不見於載籍然意在勸善曲文尤極本色第一折油葫蘆天下樂二曲道典肆盤剝貧民之罪惡用白描筆墨將該業中相沿至今之習慣寫盡無餘第二折耍孩兒三煞云他祖宗是官宦家父親爲宰相職今日賣身到咱家裏與你賢達嬌子爲兒婦配你清俊書生作正妻你休觀的微賤看的容易莫把堂中珍寶看做牆上泥皮劉弘以此戒李氏母子且爲賣身葬親之裴蘭孫增身分於男女兩方兼籌並顧入情入理藹然仁人之語此種曲文直可當格言讀與才子佳人諸劇有霄壤之別第三折裴使君白中富而好禮與貧而樂道對舉乃依據古本論語然則此本爲元代名人所撰無疑特全劇曲文中頗多無謂之襯字意者伶工搬演時所增加非原本如是也今爲存原本真面起見不加刪改惟其第一折之混江龍一曲尤爲拖沓幾於費解擬爲刪削之云想人貧人富天公暗裏自乘除貧的多生子嗣富的廣積金珠貧無諂以收些多子報富招怨明放著

殺身術。甘貧的無慮。求富的貪圖。饑貧的淡泊。暴富的粗疏。嫌貧的鄙夫。愛富的愚夫。固窮的不濫。恃富的終虛。我則待守清貧樂也在其中。端的是不義富於我如雲霧。這眼前貧富。是枕上榮枯。方於曲律文義。並皆穩妥。附識於此。以概其餘。

三 雲窗夢

原標鄭月蓮秋夜雲窗夢。明抄本。元人撰。姓名未詳。記汴京樂戶女鄭月蓮。與秀才張均卿相愛。誓托終身。贈首飾。使均卿上京應舉。而母欲令其嫁茶客李多。月蓮不從。遂轉賣之。張行首家。其後均卿得進士。除洛陽縣宰。洛陽府尹李敬。以愛女招之爲壻。敬卽多之叔父。時多亦在洛陽。均卿成婚之日。敬喚樂戶歌唱。月蓮在衆妓內。爲均卿把盞。見之兩相有情。敬詰之。均卿自認。月蓮爲其故妻。李多亦爭以月蓮爲妻。府尹謂天上人間。方便第一。遂以筵席令均卿。月蓮二人成婚。其事或有所本。曲文極佳。通體多綺麗語。而不失之纖弱。用本色語。而不失之粗率。第一折混江龍云。

觀着這陷人坑似武陵源。但和俺恩情一徧。不弱如流遞三千。不義門怎栽連理樹。火坑中難長並頭蓮。油葫蘆云。恰相逢初識桃花面。都是些刀劍惡姻緣。第三折醉春風云。按不住情脈脈。喟然聲。又添箇骨巖巖。清瘦影。步蒼苔。冰透繡羅鞋。暢好是冷冷。一點離情。半年別恨。滿懷愁病。此等妙句。皆堪一讀一擊節。在元人中。惟王實夫白仁甫。乃能有此筆墨。

三 病劉千

原標劉千病打獨角牛。明抄本。元人撰。姓名未詳。記播家獨角牛在播臺上打倒劉千之叔父折拆驢兩次。又打劉千之父。調戲劉千之妻。第三次復上播臺。無人敢與之敵。劉千憤而打倒之。曲文尙爲本色。情事無甚意味。蓋當時之武功劇。惟愛看跌打相撲者方賞之。第四折以收江南草草作結。蓋無可敷衍。祇得就此收煞耳。

三 十探子

原標十探子大鬧延安府。明抄本。不著撰人姓名。記鎮守西延葛監軍之

子葛彪在延安府打死劉彥芳之母妻二人。彥芳在開封府龐衙內處辦事。其父榮祖走告之。彥芳卽向龐衙內訴請伸冤。不意葛彪卽龐之小舅。龐藉故下彥芳於死囚牢。榮祖無可伸訴。正欲自盡。適遇廉使李圭微服察訪民隱。見之。詰得其情。龐衙內正在丞相呂夷簡府中宴飲。李圭率榮祖向夷簡求伸冤。夷簡爲之奏聞。上命圭至延安府勘問此事。賜與勢劍金牌。先斬後奏。葛監軍聞之。遣探子二人至延安勾拏李圭。圭不伏勾。責探子四十。逐出之。如是者五次。葛監軍自至延安。李圭責以擅離汛地之罪。於是將全案勘問明白。范希文宣旨。李圭陞尙書。葛監軍削兵權充軍。龐衙內爲庶人。葛彪處斬。劉彥芳爲主簿。全劇關目周密。曲文本色可取。不失爲元曲之中驕。孫氏述此劇以爲應改入元劇中。茲從之。

三七 黃花峪

原標魯智深喜賞黃花峪。明抄本不著撰人姓名。記劉慶甫偕妻李幼奴至泰安燒香。途遇蔡衙內。見幼奴悅之。加以無禮。劉詈之。蔡遂將劉弔打。

值楊雄過而解救之。蔡懷恨不已。適又遇劉夫婦。遂強搶幼奴至水南寨中。幼奴臨別。以棗木梳付劉。爲日後報讐尋妻之證。劉至梁山。訴之宋江。江遣李逵至水南寨。劫出幼奴。蔡衙內被達毒打。遂逃至黃花峪雲巖寺暫避。不意魯智深亦至此寺。梁山諸盜共禽蔡殺之。事亦無稽。而曲文本色頗有俊語。在水滸諸劇中。爲最勝之作。當是元人筆墨。孫氏以爲應改入元劇中。茲從之。

三 卓文君

原標卓文君私奔相如。明抄本。原題明丹丘先生撰。明甯獻王朱權。太祖第十六子。丹邱先生乃其別號也。初封大甯。在喜峯口外。爲成祖所并。遂入北平。爲成祖草檄。永樂間。改封南昌。宣德後。因上書。頗爲朝旨詰責。王乃謝過。韜晦。惟與文士往還。江右故樸質。儉於文藻。王弘獎風流。增益標勝。博學好古。諸書無所不窺。旁通釋老。尤深於史。其所撰雜劇。見之太和正音譜者十二種。今惟此劇及冲漠子獨步大羅天二本存。他十本。曰辨

三教勘妬婦。瑤天笙鶴。白日飛昇。九合諸侯。豫章三害。肅清瀚海。客窗夜話。楊姨復落娼。皆無傳本。此本記司馬相如往長安求仕。過卓王孫家投宿。文君竊窺慕之。相如又彈琴挑之。遂相逃遁。至臨邛市上賣酒。會狗監楊得意薦舉相如。徵聘入朝。奉命通蜀道。榮歸故里。王孫乃與相如童僕百人。錢帛百萬。事既有所本。而文筆尤佳。第一折油葫蘆云。時來木鐸叮嚀響。時不至呵。蘭麝不生香。寄生草云。怎做得人心不足蛇吞象。人情不合鷓持蚌。人生不遇金埋壙。第二折麻郎兒云。可喜娘知疼熱的姐姐。又撞着我這軟廝。禁不識羞的倖倖。尾云。卻怎麼東君未覺花先謝。我袖得春風去也。恁覺來時。月到畫堂中。人在天涯何處也。第四折記相如遇茂陵女。欲聘爲妾。以文君作白頭吟而止。其殿前歡云。他擎着酒盞呵。盃中弱水瀾。他隔着桌子呵。几外巫山蔽。咫尺間。席上空相對。一霎時。雲迷楚岫。水泛藍溪。皆絕妙俊語。有元人之古樸。而無元人粗野之弊。有明人之工麗。而無明人堆砌之病。雖關白馬鄭。無以過焉。

三 冲漠子

原標冲漠子獨步大羅天。明抄本原題明丹丘先生撰。蓋亦甯獻王朱權所作也。王晚慕冲舉。冲漠子卽其自號。此本記呂純陽張紫陽二仙奉東華帝君命。至匡阜南彭蠡西。點化冲漠子。先鎖住心猿意馬。次去其酒色財氣。又逐去三尸之蟲。更與一丹藥服之。教以養嬰兒姤女之理。然後同入大羅天。引見東華帝君諸仙。曲文亦皆佳妙。而排場尤爲熱鬧。第四折折桂令十二支。將一至十數目字。分嵌入前十支中。第十一支連用之。第十二支則倒用之。妙在不牽強。洵是才人之筆。此折之水仙子。乃雙調水仙子。與黃鐘水仙子不同。故聯在得勝令之後。三換小梁州。實卽小梁州一支及其換頭三支。北詞廣正譜不載。大成宮譜載雍熙樂府斗帳春風一套。則正體一。么篇二。實是二換小梁州。惟此乃爲三換小梁州也。

四 靈芝之慶壽

原標河嵩神靈芝慶壽。明抄本不著撰人姓名。曲錄定爲明周憲王朱有

燉撰茲從之列朝詩集云憲王遭世隆平奉藩多暇勤學好古留心翰墨製誠齋樂府若干種音律諧美流傳內府至今中原絃索多用之李夢陽汴中元宵絕句曰中山孺子倚新妝趙女燕姬總擅場齊唱憲王新樂府金梁橋外月如霜按憲王所著雜劇共三十一本涵芬樓曲叢印其二十四本茲復得其五本義勇辭金見之董氏所印十段錦中則所不傳者僅文殊菩薩降獅子一本矣此本記嵩山黃河二神因中國雍和天下太平特產五色靈芝於宮庭之內以呈祥瑞雖多鋪張之語而按之當時物阜民豐人人樂業情形宜乎有此雅頌之音曲中盛稱中州風土人情之美蓋周王藩地在汴梁也開端無楔子而以小曲數支開場亦爲創格

四一 十長生

原標東華仙三度十長生明刻本原題國朝楊誠齋撰此因明憲王別號誠齋誤冠楊字也茲依曲錄定爲明周憲王朱有燉撰記嵩岳神請南極星東華公西王母在少室山開會賞瑞雪遇中州境中松柏竹山鶴鵲水

雲鹿龜十長生物均度之爲仙與海棠仙同一蹊徑而排場更爲熱鬧演之於歲尾年頭及祝壽尤爲相宜曲文清新可歌可誦亦佳作也

四一 神仙會

原標呂洞賓花月神仙會明刻本原題國朝楊誠齋撰亦周憲王所撰也記金母差蟠桃仙降生樂戶張家參透酒色財氣然後使八仙度之成仙曲文特佳在誠齋諸作亦爲上選第一折北仙呂與南越調並用第二折北大石之中間插南正宮中呂各數曲第三折北越調中間插南仙呂入雙調諸曲其北曲皆正末所唱南曲皆他人所唱規律分明排場熱鬧惟曲牌每易別名如歸塞北之稱喜江南怨別離之稱初相會意求新穎眩人耳目甚屬無謂茲皆改正之第三折絡絲娘後三支似乎增句格而細按其用韻處則並未增句乃多用襯字使歌音流利耳試觀其三字句數句皆可與用韻之句一氣連讀而成一句便得其證自是名手之狡獪技倆故此本特分出正襯字以顯明之八仙之名比今日所稱多徐神翁缺

何仙姑。今日之八仙名稱。本之續仙傳。湯若士邯鄲夢亦同。不知明初何以異也。

四三 賽嬌容

原標四時花月賽嬌容。明抄本。不著撰人姓名。茲依據曲錄。定爲明周憲王朱有燬撰。誠齋樂府三十種之一也。以牡丹花仙主春。蓮花仙主夏。菊花仙主秋。梅花仙主冬。益以松竹芍藥海棠玉堂春桂水仙諸仙作賓客。終以王母下降作結。排場關目。想入非非。曲中清詞麗句。可誦可歌。已非元人樸質之舊。而開玉茗天池藻繪之端矣。然在曲中。終是上乘文字。

四四 海棠仙

原標南極星度脫海棠仙。明抄本。不著撰人姓名。茲依曲錄。定爲周憲王朱有燬撰。記海棠生於荒嶺上。爲野草閑花所窘。山神解之。且爲上稟金母。金母令南極星化爲籤員外。以娶海棠仙爲妻。金母化媒人。木公化員外長兄。以主婚。海棠仙方欲推辭。諸仙人各現本形。遂度海棠一同登仙。

事頗新穎。曲亦清麗。中間海棠仙索夜明珠。溫涼盞。龍鬚布。蝦鬚簾。琥珀枕。鮫綃帳。諸珍奇爲聘禮。南極星一一備齊。想見砌末滿場。陸離光怪。洵足令觀者耳目一新也。

四星 流星馬

原標黃廷道夜走流星馬。明抄本。明黃元吉撰。記唐初野驢萬戶有流星馬。日行千里。上命李道宗保舉人才往野驢。說其將此馬入貢。道宗舉其婿黃廷道前往。廷道改裝爲不第秀士。向野驢萬戶求任用。萬戶見其言詞敏捷。應對流利。遂以女茶茶招之爲婿。廷道數年不歸。其故妻滿堂嬌出塞訪之。託言廷道之妹。茶茶見之。甚爲優禮。旣而察其相見情形。不似兄妹。詰之。廷道直陳是其故妻。及自己本爲流星馬而來。不得此馬不能還朝。茶茶憐之。因私縱廷道盜得此馬。偕故妻入關。不意所盜者爲假流星馬。半途馬困不能行。野驢萬戶令茶茶追及之。廷道又求茶茶同至中華。茶茶允之。未幾萬戶思女情切。遂將真流星馬。親自入貢。於是道宗廷

道及野驢萬戶各有封賞事屬無稽而關目生動曲文本色尙有元人遺風且間有俊語亦佳作也元吉亦由元入明之人故也是園目稱爲元明黃元吉與賈仲名同茲不將此本改列元劇中者以末有都慶賀一統江山大明國句可斷定爲明初所撰也

四 王蘭卿

原標王蘭卿貞烈傳明抄本明人撰姓名未詳也是園書目作王蘭卿服信明眞傳就劇中事考之眞爲貞之譌信爲信石卽砒霜也記盤屋縣樂戶王錦之女蘭卿與舉人張于鵬相交誓以終身張赴京會試蘭卿不肯再接別客張母知之遂以財禮迎歸家中爲于鵬之空房妾于鵬選青州推官久未歸蘭卿在家事其父母及大婦恪盡婦職旣而于鵬遭父喪回里守制服滿無心仕進修理煖泉精舍力農養母蘭卿與大婦安心紡績以佐生計而于鵬忽一病不起蘭卿與大婦治喪畢後忽有富家慕蘭卿之色千方百計欲娶爲妾大婦無法抵拒蘭卿聞之治酒肴勸大婦解憂

而自己陰服信石，仍爲大婦把盞，迨毒發，始向大婦言其故。於是于鵬舊友敬蘭卿貞烈，共祭奠之，而以王學士所填南呂一枝花樂府，作爲祭文。忽見于鵬蘭卿共成爲仙，乘雲而去，其事足以風世，與香囊怨相類，而曲文藻麗處，可比天池玉茗，樸質處，宛似實父漢卿，的是才人之筆。按王學士當是王漢陂太史九思，未知碧山樂府中，載此南呂散套否。至此劇作者，當爲漢陂同時之人，竊疑是康對山修撰海之筆墨，姑存此說，以俟他時之考證。嗣見孫氏述此劇，據李開先閒居集，對山康修撰傳，稱海所著有武功志，張氏族譜，泮東樂府，納涼餘興，春游餘錄，王蘭卿傳奇，卽景餘錄，有史筆，有元音，而對山文集不刻，亦有識見云。所稱王蘭卿傳奇，卽是此劇無疑。海妙擅音律，在正嘉間，以詞曲著名，其所撰劇，舊惟中山狼一本，今得此，遂有二本。案孫氏所考至確，故將此本列洞天玄記之前。對山爲弘治壬戌狀元，升庵爲正德辛未狀元也。

四七 洞天玄記

明刻本。明楊慎撰。慎字用修。號升庵。新都人。父廷和。仕至少師。升庵舉正德六年殿試第一。授修撰。年才二十四。武宗微行。上疏切諫。嘉靖三年。爲翰林學士。偕同列三十六人。劾張璁桂萼。不得命。復偕廷臣伏左順門。痛哭力諫。帝震怒。下詔獄。廷杖者再。幾死。謫雲南永昌衛。三十八年卒於滇。是記據楊悌序。爲居滇十七載作。是爲嘉靖二十年辛丑。然前有劉子序。作於嘉靖丁酉。爲辛丑之前四年。且云今之傳者。直指爲陳自得。似此記早經流傳。被人竊爲己有。不始於辛丑年作矣。兩序之言。互相矛盾。殊不可解。升庵於此記之外。有陶情樂府散曲。亦在滇時作。其妻黃氏。亦有散曲行世。王元美曲藻。謂陶情樂府。雖流膾人口。頗不爲當家所許。以升庵本蜀人。多川調。不甚諧南北本腔。又謂升庵多剽元人樂府。如嫩寒生花底風。風兒疏刺刺。諸闋。一字不改。掩爲己有。蓋楊多鈔錄祕本。不知久已流傳人間矣。其於升庵。頗致不滿。然升庵自幼警敏。肆力古學。投荒多暇。書無不讀。好學窮理。老而彌篤。明世記誦之博。著作之富。推爲第一。史有

定評未嘗以元美之毀而損其名也。特其於曲，不屑尋宮數調，信筆揮灑，故拗折天下人嗓子，殆比臨川爲尤甚。此記第一折正宮兩曲後忽改仙呂，第二折商調數曲後亦忽改仙呂，皆其不守元人規律處。卷首不用楔子而用副末開場，第四折黃婆唱南越調包子令，嬰姪唱北大石歸塞北，以與北雙調全套相混，則其體裁近於傳奇。又白中有洞主看畢言曰：「及道人看罷喚黃婆去云云。」以賓白而帶敘事，近於諸宮調之體裁。凡此皆其雜糅處。然全本脫胎西遊記，以形山喻身，崑崙喻首，六賊喻心意，眼耳口鼻效法前人，融化無跡，使讀者耳目一新，則雖有微瑕，不掩其瑜也。焦里堂曲考、李雨村曲話皆推許此記，蓋彼時流傳尙多，今則已成孤本，故亟爲校印，使百年來沈埋之名著復顯於世焉。

四 太平仙記

明抄本不著撰人姓名，原不分析，記胡突齋化崑崙六賊與楊升庵所撰洞天玄記不惟事蹟完全相同，卽曲文賓白相襲者亦十居其九。按洞天

玄記劉序云。世之贗書無限。假託名流。幻惑時輩。甚則公取人長。掩爲己有。謂洞天玄記。被陳自得竊而有之也。然則此記者。卽陳自得竊改升庵之書所成歟。今考此記改易楊作之處。如第一折點絳脣第二句。有誰參到。到字楊作透。失韻。那吒令第六句雲。朋月老下。楊有吃了些。那玉液瓊漿。沈醉倒句。元人格本無此句。第二折之集賢賓。逍遙樂。金菊香。梧葉兒等曲。句法頗多不同。皆此記合元曲規律。楊作不合。楊之尾聲。此改爲浪里來煞。亦以尾聲之句法多誤也。第三折滿庭芳中。此記增狂情逐五鬼三尸。勾引起無端事。我親行到此三句。方與張小山西窗酒醒一闌相合。第四折駐馬聽中。還嬰兒姹女姻緣債。慶龍虎把冤業解二句。楊作還嬰兒姻緣債。慶龍虎風雲會。把冤仇善解。亦此記比彼爲合律。然則陳之改楊。皆確有見地。非漫爲點竄也。抑有人疑此記爲元人舊本。升庵鈔錄之。掩爲己有。則本王元美曲藻所云。升庵多剽元樂府祕本一說也。然無確證。未敢臆斷。茲依汲古閣六十種曲旣列若士還魂記原本。又列碩園刪

定牡丹亭之例。將洞天主記與此記兩本並列。以供好古者之探討焉。

四九 獨樂園

原標獨樂園司馬入相明抄本。卷端題濮陽桑季子紹良著。蘇叔子潢校。紹良所撰雜劇。僅此一本。其字里俱無可徵。明代有濮州而無濮陽縣。此濮陽或舉古地名。或卽濮州。亦無從考。劇中記洛社耆英事。以司馬溫公爲主。輔以邵康節張橫渠程明道程伊川富韓公文潞公王君貺七人。又有呂申公蘇東坡范堯夫三人。列其名而未登場。按耆英會爲宋元豐五年壬戌歲事。與會者十三人。富韓公最長。年七十九。次文潞公席汝言。皆七十七。次王尙恭七十六。次趙丙劉九馮行己。皆七十五。次楚建中王謹言。皆七十二。次王君貺七十一。次張問張燾皆七十。司馬溫公最少六十四。並無邵康節張橫渠程明道程伊川呂申公蘇東坡范堯夫諸人在內。史稱溫公居洛十五年。以元豐七年上資治通鑑。八年入京爲門下侍郎。次年元祐爲尙書左僕射。而呂申公爲門下侍郎。旋遷尙書右僕射。范堯

夫同知樞密事伊川爲崇政殿說書文潞公平章軍國事蘇東坡爲翰林學士亦皆是年之事是年九月朔溫公卒年六十八明道則先一年召爲宗正寺丞未至卒康節橫渠皆先九年卒富韓公先三年卒此劇於年代先後雖勉強牽合然所記事蹟根據史鑑且通場人物皆先儒先賢足以啓後人景仰之心既無邪佞之人亦無綺麗之語光明正大在傳奇雜劇中可謂別開生面然其尤爲難得者作道學語而絕無腐儒氣用經書語而脫盡帖括氣爲正人君子寫照而機趣橫生毫不板滯其楔子云茅屋矮竹籬斜這其間也得睡箇圓圖夜第一折混江龍云商管術硬充爲元聖法申韓言生紐做素王云花世界錦乾坤百忙裏改換做迷魂陣此等詞句亦本色亦典雅漢卿若士之長兼而有之又那吒令云嘆周朝不辰被七雄裂分恨秦王不仁把六邦併吞笑高皇不文按三尺怒嗔此六句皆須叶韻本不易作而能語語穩愜且將半部通鑑包括無遺苟非作家安能爲此又第三折麻郎兒么篇首句云拚取歡娛笑語兩字

一韻之短柱格。妙在自然。比實父西廂之這一篇與本宮始終不同句。毫無遜色。而不用襯字。更爲渾成。其餘俊語甚多。不勝枚舉。通體曲律謹嚴。排場周密。科白典雅。語語有本。元明人所撰傳奇雜劇似此者甚少。乃桑氏之姓名既不著。而此本又久失傳。幾致湮沒。文字之顯晦。殆有幸有不幸。而非盡關於筆墨之優劣歟。嗣見孫氏述此劇。據四庫總目小學類存目。載紹良撰春郊雜著一卷。文韻考衷。六聲會編。十二卷。釋云。紹良字遂初。零陵人。姓名時代皆同。而里貫不同。未知是否一人。附之於此。

三十 僧尼共犯

明抄本不著撰人姓名。或謂明馮惟敏撰。未知所本。記僧明進與尼惠朗苟合。被鄰人拏姦到官審問。鈐轄司吳守常杖斷令其還俗。僧尼二人遂成爲夫婦。情節與時劇之思凡下山略同。北曲頗當行。科譚至堪捧腹。用俚語處。俗不傷雅。足與徐文長之歌代嘯抗衡齊驅。卽非海浮所撰。亦必爲同時名人之筆墨也。原抄本標題下有傳奇二字。實際以仙呂南呂越

調雙調北曲四套合爲一本。的是雜劇體裁。故予刪削。嗣見孫氏述此劇。據述古續編雜劇目。定爲馮惟敏撰。茲從之。馮字海浮。山東臨朐人。與兄惟健惟訥。俱有才名。海浮尤善樂府。王元美稱其北調獨傑出。有梁狀元不伏老雜劇。盛行於世。而此本之名獨不著。可異也。

五一 臨潼鬪寶

原標十八國臨潼鬪寶。明抄本。不著撰人姓名。記秦穆公欲併吞十七國諸侯。啓周景王。命諸侯設鬪寶會於臨潼。各諸侯要各帶寶物一件。文武二人赴會。楚平公舉伍員赴會。遇展雄聚寇。把住潼關。向各諸侯索寶。諸侯與戰。無人能敵。伍員佯敗三陣。引雄入山。打之落馬。而不殺之。雄問其故。員謂若於陣前勝將軍。恐污將軍之名。故佯敗。引至無人處。始小施武藝。本不願殺將軍也。雄大感動。遂與員結爲弟兄。諸侯始得赴秦。及至臨潼。員又以比武論文。折服秦人。秦穆公令甲士向前。欲禽十七國諸侯。員杖劍執住秦穆公。謂但有甲士前來。臣先殺大王。穆公乃懼。而願與各國

和好各諸侯始得還國。因共推員爲十七國總元戎。事至無稽。而關目生動。排場熱鬧。音律諧合。乃場上劇之佳作也。別有伍子胥鞭伏魯盜跖一本。竄取此本之前半。割裂湊合。蓋伶工病此劇登場人物過多。刪繁就簡之所爲。故不復著錄。

五 伐晉興齊

原標田穰苴伐晉興齊。明抄本。不著撰人姓名。記燕晉二國侵齊。齊師大敗。晏嬰舉穰苴爲將。景公用之。穰苴曰。臣卑賤。百姓不信。願得君之寵臣以監軍。景公使莊賈往。約日中會於軍門。賈驕貴。夕時始至。穰苴遂依軍法斬賈以徇。然後出師。大敗晉兵。燕軍亦引去。盡反所失之邑。事本史記。曲文雅馴而能合律。賓白亦典雅。爲元明曲中之上乘文字。至櫬字間有贅疣。下場詩不盡妥適。當是伶工所增。非撰曲人之本來面目也。

五 孟母三移

原標守貞節孟母三移。明抄本。不著撰人姓名。就孟子國策列女傳諸書

所記事蹟附會牽合以啓後人景仰聖賢之心意非不善特文筆平庸述道德多陳腐語引經史多數泛語至齊宣王封孟子爲上卿而孟母大喜未免以世俗之見誣辱聖賢蓋出自伶工之手雖絕好題目不能作好文字轉不若東郭記齊東絕倒之足以解人頤也

五 吳起敵秦

原標吳起敵秦掛帥印明抄本不著撰人姓名記吳起于魯于秦俱不用乃至魏會魏文侯方求將帥以禦秦兵李克薦起之用兵與穰苴相若文侯因拜起爲帥戰勝秦兵開筵慶賀按起因李克之薦文侯用以爲將拔秦五城見於史記此劇所記不爲無據曲文平安然亦無甚勝處宜其流傳不廣而湮沒甚久也

五 樂毅圖齊

原標後七國樂毅圖齊明抄本不著撰人姓名記樂毅圍莒卽墨不下齊用田單爲將先縱反間謂毅有異心燕惠王信之使騎劫代毅田單乃遣

使將黃金千鎰獻騎劫。約期出降。至時驅火牛爲先鋒。齊軍繼之。大破燕軍。盡收失地。事與史合。惟以孫武子爲說燕之人。王孫賈爲獻金之使。則附會耳。曲文樸茂而饒有機趣。第一折之天下樂云。恁哺啜將鼎鼐列烹的是萬民脂。百姓髓。黎庶血。寄生草云。他軍士每想踏殘衰草隴頭霜。您宰相每看舞低楊柳樓心月。第三折醉春風云。我將他萬馬千軍。燒的他七通八透。殺的來四分五落。堯民歌云。恰便似轉燈兒般。正月十五鬧元宵。半空裏足律律火燄飄。四週圍吸力力地皮搖。滿陣裏吉叮叮中鎗刀。耍孩兒云。燒了些黑墨捉虎將。煨著些罔圖皺龍驃等語。皆古質而又清新。雖元曲亦不多見。此本意必名家所作也。惜傳抄多誤。無從校勘。茲爲矜慎起見。遇無從揣測處。悉仍其舊。

五 暗度陳倉

原標韓元帥暗度陳倉。明抄本不著撰人姓名。記明修棧道暗度陳倉事。歸功於韓信一人。第一折韓信爲元帥。申明將令。英蓋點關三日不到。斬

之楔子樊噲亦點間三日不到沛公令蕭何與噲同見信爲之求免信乃令噲往棧道搖旗吶喊虛聲修復第二折韓信領大兵由陳倉抄出楚營之後大敗楚兵第三折探子向張良報告戰情第四折設宴慶功關目旣爲習見曲文亦摭拾陳言無甚勝處蓋伶工之筆墨也

五 騙英布

原標運機謀隨何騙英布明抄本不著撰人姓名記漢初隨何說九江王英布背楚降漢事臧氏元曲選有漢高皇濯足氣英布一本情節與此本略同而曲文賓白排場完全不同彼以隨何逕見英布爲刼制之計此以費客居間施反間之術排場各有勝處曲文則彼較典雅此稍古拙二本固未能軒輊也

六 衣錦還鄉

原標漢公卿衣錦還鄉明抄本不著撰人姓名記漢初故事以張良英布爲正末皆確有其人而第四折以沛縣莊民王子安爲正末則屬虛構或

者卽撰此劇之人影射自己。蓋第四折多頌揚語。似乎以漢高之平項羽。定天下。比明祖之戰勝羣雄。混一宇宙也。曲文平易。無甚勝處。孫氏以爲應改入元劇中。未之敢從。至櫬字半屬贅疣。賓白冗長無意味。則伶工所妄增。未必原本如是也。

五 聚獸牌

原標馬援搗打聚獸牌。明抄本。不著撰人姓名。後漢書帝紀。王莽遣王尋。王邑將兵百萬到潁川。與嚴尤陳茂合。有長人巨無霸。長一丈。大十圍。以爲壘尉。又驅諸猛獸虎豹犀象之屬。以助威武。光武與敢死者三千人。衝其中堅。尋邑陳亂。乘銳奔之。遂殺王尋。莽兵大潰。會大雷雨。潁川水溢。虎豹皆股戰。士卒溺水者萬數。劇卽本此編纂。惟嚴子陵爲光武故交。光武卽位。子陵變名姓隱身不見。帝物色得之。備安車聘至。車駕幸其館。撫之曰。子陵。不可相助爲理耶。不應。除爲諫議大夫。不屈。乃耕於富春山。是子陵始終未與聞天下事。此劇以子陵爲軍師。比之高祖之張子房。昭烈之

諸葛武侯斷非事實。至馬援之事。光武始於建武四年冬。隗囂使援奉書洛陽。昆陽之戰。爲更始元年五月事。在其前六年。援安有參與其間之理。聚獸牌旣屬荒誕之語。馬援搥擊聚獸牌。尤爲無稽之言也。曲文平易而無甚勝處。排場熱鬧而不見曲折。所以流傳不廣也。

卒 大戰邳彤

原標漢銚期大戰邳彤。明抄本不著撰人姓名。記邳彤在王郎手下爲將。佐劉林守河北。光武巡河北。彤統兵攔住去路。光武從鄧禹之計。命銚期爲先鋒。與邳彤戰而禽得之。彤因投降光武。按後漢書本紀。更始二年載。世祖赴信都。王莽和戎地名卒正莽官名職如太守邳彤舉郡降。又邳彤傳云。彤初爲王莽和成卒正。世祖徇河北。至下曲陽。彤舉城降。復以爲太守。世祖北至薊。王郎兵起。使其將徇地。所到縣莫不奉迎。唯和成信都堅守不下。彤聞世祖從薊還失軍。欲至信都。乃先使張萬尹綏選精騎二千餘匹沿路迎世祖軍。彤與世祖會於信都。世祖雖得二郡之助。議者多言可因信都。

兵西還長安。彤曰：吏民歌吟思漢久矣。卜者王郎假名集烏合之衆，遂震燕趙之地。況明公奮二郡之兵，揚嚮應之威，以攻則何城不克，以戰則何軍不服？今釋此而歸，豈徒空失河北，必更驚動三輔，非計之得者也。世祖善其言，卽日拜爲後大將軍，和成太守如故云云。是彤降光武之前，爲王莽守和戎，未嘗仕王郎。佐劉林守河北也。銚期固曾從光武徇薊，及從擊王郎，先登陷陣，然未嘗與彤戰也。劇中之事，全是虛構，曲文本色，白亦順適，而少古拙之氣，當是明初人之筆墨。

六一 定時捉將

原標寇子翼定時捉將。明抄本，明人撰，姓名未詳。記光武令銚期救新豐，破邯鄲，因而禽獲彤。其所記之事，與大戰彤略同，皆無稽之言也。已於大戰彤提要中辨正之。此本又有彤之父順，屢勸彤勿拒蕭王。彤不從。其後鄧惲燒彤營寨，寇恂令道童救其父母出。彤見父母，方甘心降。光武一節，按漢書彤彤傳載信都復反，王郎捕繫彤父弟及妻子，使爲書。

呼彤曰。降者封爵。不降族滅。彤涕泣報曰。事君者不顧其家。彤不得復念私也。會更始兵拔信都。彤家屬得免。劇中殆就此事。傳會致誤也。此本亦明人筆墨。然比之大戰。彤則稍遜。全本五折而無楔子。元曲固常有之。

六三 捉彭寵

原標鄧禹定計捉彭寵。明抄本不著撰人姓名。記彭寵初從吳漢之言。擬降光武。後聽部下之言。遂反悔。鄧禹使鮑期馬武二人捉獲之。按後漢書吳漢傳云。漢爲安樂令。會王郎起兵。漢聞光武長者。獨欲歸心。乃說太守彭寵。合二郡精銳附光武。擊邯鄲。寵以爲然。而官屬皆欲附王郎。寵不能奪。漢見道中有一人似儒生者。因詐爲光武書。移檄漁陽。使生齎以詣寵。具以光武所過郡縣歸心。邯鄲王郎非劉氏子。說寵。寵甚然之。遣漢將兵擊斬王郎將帥。而及光武於廣阿。是此本所記。亦稍有依據。惟曲文率直。劇情亦不足動人。蓋撫實之文字。轉比架空爲之者。難於見長也。

六三 雲臺門

原標雲臺門聚二十八將。明抄本不著撰人姓名。按雲臺畫中興功臣像。爲永平三年事。鄧禹馬成吳漢王梁賈復陳俊耿弇杜茂寇恂傅俊岑彭堅鐔馮異王霸朱祐任光祭遵李忠景丹萬脩蓋延邳彤鮪期劉植耿純臧宮馬武劉隆二十八將之外。又有王常李通竇融卓茂共三十二人。馬援以椒房之戚獨不與。此劇以諸人身後之榮遇。作生前之酬庸。而於二十八將之外。益以馬援嚴光。事不必盡與史合。取其排場熱鬧而已。第二折烏鴉套玉環引路光武騎虎追逐。本之稗官小說。以資點綴。曲文平平。音律諧合。在伶工脚本中。已爲難得。惟二十八將第四折上場分作四班。班各七人。數卻相符。而下文受封脫去五人。疑伶工傳本不完。已經庸妄綴補。非復撰人原次。又本事旣係徵引史傳。諸人姓名不宜任意變亂。除有形聲之異者已加糾正外。其餘官爵考據正史參正。具如別表。

人名

劇本所載

官爵

後漢書

殿局

本所載官爵

鄧禹

丞

相高密侯

太

傅

封號同

劉隆	臧宮	耿純	堅鐔	景丹	祭遵	朱祐	馮異	寇恂	岑彭	耿弇	賈復	吳漢
中山太守	巡城大將軍	武甯大將軍	鎮殿大將軍	虎牙大將軍	征虜大將軍	建義大將軍	征西大將軍	執金吾上將軍	征西大將軍	建武大將軍	金吾上將軍	大司馬
成事侯	朗陵侯	臨川侯	棘陽侯	櫟陽侯	樂陽侯	南陽侯	武津侯	雍奴侯	武陽侯	好畤侯	廣川侯	廣平侯
驃騎將軍	城門校尉	東郡太守	左曹	驃騎大將軍	征虜將軍	官同	官同	執金吾	征南大將軍	建威大將軍	左將軍	官同
慎侯	封號同	東光侯	合肥侯	封號同	潁陽侯	鬲侯	局本夏陽侯 局本陽夏侯	封號同	舞陽侯	封號同	膠東侯	封號同

王梁	琅琊太守	阜城侯	河南尹	阜成侯
杜茂	驃騎上將軍	參據侯	驃騎大將軍	參遽侯
銚期	衛尉大將軍	安城侯	衛尉	安成侯
王霸	上谷太守	淮陽侯	官	同封號同
任光	信都太守	河陵侯	官	同阿陵侯
李忠	豫章太守	中水侯	官	同封號同
萬脩	東郡太守	成志侯	右將軍	槐里侯
邳彤	太常卿	靈壽侯	太常	封號同
劉植	驃騎大將軍	鎮陽侯	驍騎將軍	昌成侯
馬援	伏波大將軍	晉陽侯		
嚴子陵	資治上卿			

右表人名按第四折上場。尙有蓋延馬武馬成陳俊傳俊五人。而受封時不見。必係傳寫脫落。查後漢書列傳卷十二論贊中所載五人官爵。蓋延

爲虎牙大將軍安平侯。馬武爲捕虜將軍。揚虛侯。馬成爲中山太守。全椒侯。陳俊爲琅邪太守。祝阿侯。傅俊爲積弩將軍。昆陽侯。

奇 薛苞認母

明抄本不著撰人姓名。記汝南薛太公長子苞。爲前妻所生。次薛二薛三。爲繼妻所生。太公聽繼妻之言。將苞夫婦逐出門。苞每日仍至門外。拜其父母。太公死。繼母爲三子析產。將良田美屋。牛羊馬匹。金銀鈔幣。俱給薛二薛三。以荒地破屋。無用文書。分與薛苞。苞絕無怨詞。其後繼母及薛二薛三遭天火。家產盡喪。母子乞食於市。苞迎歸同居。遂蒙旌獎。按汝南先賢傳云。薛苞好學篤行。喪母以至孝聞。父娶後妻。而憎苞。分之令出。苞日夜號泣不去。至被毆杖。不得已。廬於舍外。旦入而灑掃。父又逐之。乃廬於里門。晨昏不廢。積歲。父母慚而還之。是此本所記。實有其事。不過稍增飾耳。曲文率直。無甚俊語。蓋此等題目。不易見長。作者意在勸世。未可苛繩也。

三 桃園結義

原標劉關張桃園三結義。明抄本不著撰人姓名。按史稱雲長亡命奔涿郡。先主於鄉里合徒衆。而關張爲之禦侮。張少與關俱事先主。關長數歲。張兄事之。演義增飾之。因有桃園結義一節。此劇所記雲長殺州尹臧。一貴。本於史之亡命二字。及演義之殺本處勢豪。張飛業屠。亦本之演義而益增飾之。皆無稽之事也。惟關目生動。曲文豪爽。而時有俊語。在元明曲中亦爲佳作。

六 單刀劈四寇

原標關雲長單刀劈四寇。明抄本不著撰人姓名。記雲長殺李傕郭汜樊稠張濟事。按後漢書董卓傳。樊稠爲李傕所刺死。郭汜爲其部將所殺。張濟攻穰戰死。李傕受誅夷。此四寇俱非雲長所殺。此劇所記。殆與五關斬將同一附會。不足信。惟排場妥貼。曲文諧適。雖無單刀會新水令諸曲之悲涼雄壯。而其第四折之紫花兒序諸曲。可誦可歌。亦佳作也。通本五折。

二楔子元曲中尤所罕見。

六 杏林莊

原標張翼德大破杏林莊。明抄本不著撰人姓名。記黃巾賊起。皇甫嵩承朝命招撫賢良。劉關張應招而至。遂攻破杏林莊。禽獲張角張表張寶。事按三國志祇云先主率其屬討黃巾賊有功。至演義乃鋪張其功績。今此以禽獲黃巾三首領盡歸功於張飛。更爲無稽。惟曲文中頗有慷慨激昂之句。如第一折之混江龍曲。可誦可歌。雖元曲中不可多得。其餘亦順適。

六 單戰呂布

原標張翼德單戰呂布。明抄本不著撰人姓名。記虎牢關十八路諸侯戰呂布不能勝。劉關張三人戰退之。孫堅又與張飛賭印牌。欲飛一人一騎戰勝呂布。堅乃服輸。事屬無稽。惟排場熱鬧。關目生動。曲文率直。乃場上之劇。非案頭之曲也。

六 三出小沛

原缺首葉。末葉題張翼德三出小沛。明抄本不著撰人姓名。記張飛守徐州失敗。劉關張三人同駐小沛。又被呂布所圍。張飛殺出城至曹操營。請發兵解圍。以未攜玄德書信。操不發兵。飛入城向玄德索書。復殺出至曹營。則書信已於途中失去。飛又入城。玄德復作書與飛。飛三次殺出至曹營。請得救兵。乃解小沛之圍。事屬無稽。惟曲文豪爽之中間有俊語。不失爲佳作。卷端缺首葉。無從補。乃呂布與其諸將之賓白。曲文不缺也。

廿 石榴園

原標莽張飛大鬧石榴園。明抄本不著撰人姓名。記曹操與張遼定計設宴於石榴園。請劉玄德赴宴。於席間禽之。關張來相救。則一併禽之。屆期玄德前往。曹操與論英雄。正欲藉端尋釁。而關張二人前來接應。夏侯惇阻之。雲長令刀校手圍住。是園。張飛闖入。將玄德扶出。操計遂不得逞。按玄德受衣帶密詔。擬除曹操。未發。操謂玄德。今天下英雄。惟使君與操耳。玄德方食。驚而失箸。會天方雷。玄德云。聖人言。迅雷風烈必變。良有以也。

一震之威。乃至於此。操因不疑。是操此時並無害玄德之意。此本所記。附會增飾。近於深文。而曲文樸質。饒有元人氣息。爲可取耳。

七 龐掠四郡

原標走鳳雛龐掠四郡。明抄本。不著撰人姓名。記龐統投吳。用爲丹陽縣令。不就。去而投蜀。又用爲耒陽縣令。乃縱酒不治事。張飛往取其首級。誤殺主簿。統應江夏四郡之聘。爲軍師。旣而統偕黃忠殺太守。以歸蜀。事與史籍及演義俱微有不同。而曲文頗清麗。於三國故事諸劇中。堪爲上駟。第一折之混江龍等曲。與王實父之陳搏高臥。王子一之悞入桃源。氣息相似。通體亦俱諧適。非明中葉以後人所能作也。

七 陳倉路

原標曹操夜走陳倉路。明抄本。不著撰人姓名。記曹操使張魯襲陽平關。被張飛禽住。孔明題詩魯臉。而釋之以激怒曹操。操遂殺魯。魯弟恕。遂以人馬糧草降蜀。操不得志。方食雞肋。謂食之無味。棄之可惜。主簿楊修聞。

之。卽告知軍中。預備班師。操以修洩漏軍情。遂斬之。及操班師。又受蜀兵襲擊。割鬚棄袍。夜從陳倉路遁走得脫。其事與史籍既不符合。而與演義亦頗不同。曲文平庸少勝處。然樸質非明季人所能及。

七三 五馬破曹

原標陽平關五馬破曹。明抄本。不著撰人姓名。記曹操派兵守陽平關。武侯先令黃忠取得定軍山。又令趙雲詐打魏將旗號。賺得陽平關。曹操令張魯奪回此關。魯又爲馬超所禽。武侯題詩魯臉而釋之。以激操。楊修因操食雞肋而告三軍。準備班師。操以修洩漏軍情。欲斬之。曹操於陳倉路遇馬超。幾不得脫。乃與曹虎互易衣服而遁。與陳倉路雜劇所記之事大同小異。而曲文則完全不同。惟其平易率直。亦彼此相同。二本固無可軒輊也。

七四 怒斬關平

原標壽亭侯怒斬關平。明抄本。不著撰人姓名。記張虎張彪二寇索戰。孔

明遣關張趙黃馬五虎將之子討平之。關平先回報功。途中馳馬踐死王
榮之子。榮告之關雲長。雲長遂欲斬平。張飛諸人勸阻。皆不聽。於是飛等
四人各欲自斬其子。使五人同死。雲長乃釋平。事無所本。曲文率直。無俊
語。當是伶工筆墨。

室 娶小喬

原標周公瑾得志娶小喬。明抄本。不著撰人姓名。記魯肅爲周瑜求喬公。
以小喬爲配。喬公允之。而欲瑜先功名後妻室。俟瑜得官方許其迎娶。後
孫權拜瑜爲元帥。始娶小喬。曲中頗多俊語。而賓白亦整齊。淨扮家童。其
譚語云。聖人有言。子張學趕鹿。爲人何不捉兔兒。雋永有味。又云叔叔會
唱雜劇。則本諸周郎顧曲。非隨意胡謔之語。固元劇中之佳作也。

矣 東籬賞菊

原標陶淵明東籬賞菊。明抄本。不著撰人姓名。記淵明爲彭澤令。止八十
日。以督郵至。不願束帶見。遂辭官歸里。顏延年送錢二萬。卽日送酒家。刺

史王弘欲見淵明，淵明不肯見，乃約龐通之候於半道。始見之，東籬菊開，王弘龐通之送酒，淵明三人共飲等事，皆本晉書本傳及陶集所記載。賓白中詩辭及寄子書等，亦皆采自陶集，無一語無來歷。惟開端結局，皆以檀道濟出場，而道濟長白一段，自璿玉致美至好廉克己之操，節抄顏延年誅淵明文，稍爲牽強。通體曲文順適，其典雅雋永之旨，比獨樂園雖稍遜一籌，而較之孟母三移，則遠勝矣。允能稱此好題目也。

七七 魏徵改詔

原標魏徵改詔風雲會，明抄本不著撰人姓名。記唐太宗欲攻洛陽王世充，率兵自金墉城經過，遇李密部下五虎將圍之於老君堂。程咬金欲殺之，秦叔寶陰袒之，乃生禽以獻與李密。密囚之南牢，劉文靜來見密，勸其釋放以修和好。密亦囚之南牢。其後密因戰勝王世充，命盡釋獄囚。詔書後批云：南牢二子不放還鄉。魏徵奉詔釋囚，將不字改爲本字，遂將太宗文靜一并放出。事蹟與老君堂雜劇略同。按魏徵秦瓊程知節俱曾事李

密。然其時太宗並無窺金墉城爲密所囚諸事。改詔則更無其事矣。曲文平平。無勝處。

六 智降秦叔寶

原標徐懋功智降秦叔寶。明抄本不著撰人姓名。記秦瓊爲王世充所用。唐諸將患之。徐懋功謂秦王曰。瓊可以計降。不可以力服。秦王乃修書令懋功持往。先見陸德明。同勸秦瓊等降唐。於是瓊與程知節。陸德明。田留安。李均實等同降唐。按通鑑。王世充以秦叔寶。程知節爲將軍。待之皆厚。然二人疾世充多詐。知節謂叔寶曰。王公器度淺狹。多妄語。好呪誓。乃老巫嫗耳。豈撥亂之主乎。世充與唐兵戰于九曲。叔寶知節以數十騎西馳百許步。下馬拜世充曰。荷公殊禮。深思報效。公猜忌信讒。非僕託身之所。請從此辭。遂降于唐。秦王世民以叔寶爲總管。知節爲統軍。旣而世充將李君羨。田留安。羅士信亦降于唐。是此劇所記皆有所本。惟謂秦瓊之降由於懋功所勸。則無其事。曲文平庸。不見勝處。殆是伶人筆墨。

七 四馬投唐

原標長安城四馬投唐。明抄本不著撰人姓名。記李密爲王世充所敗。率王伯當柳周臣賈閏甫共投唐。太祖封之爲邢山公。以獨孤氏妻之。會太宗征西凱旋。使密爲館伴使。密與太宗有舊讎。太宗故意辱之。密遂叛唐。殺獨孤氏。太宗討密殺之。射死王伯當。密之部將徐勣魏徵程咬金等俱降于唐。事亦略本唐書。而多增飾。關目過于繁雜。曲亦率直無俊語。惟排場熱鬧而已。

八 鞭打單雄信

原標尉遲恭鞭打單雄信。明抄本不著撰人姓名。記唐太宗欲攻王世充。先與徐世勣登北邙山。佯爲觀看風景。視察洛陽城內。被世充識破。遣單雄信擊太宗。太宗幾不得免。幸尉遲恭至。鞭擊單雄信。雄信嘔血回城。太宗乃得生還。按唐書尉遲敬德本傳。敬德守介休。舉地降唐。從擊王世充。諸將疑敬德必叛。囚之行臺。太宗釋之。且賜之金曰。必欲去。以爲汝資。是

日獵榆窠。會世充自將數萬人來戰。驍將軍雄信直趨太宗。敬德躍馬大呼。橫刺雄信墮。乃翼太宗出。率兵還戰。大敗之。是此劇未嘗無所本。特曲文粗率。絕無俊語。殆出自伶工之手。無足觀也。

八一 慶賞端陽

原標立功勳慶賞端陽。明抄本。不著撰人姓名。所記射柳捶丸以賞端陽事跡。與閭閻舞射柳捶丸雜劇略同。而彼屬之宋時延壽馬及葛監軍。此屬之唐初柴紹及建成元吉李道宗。按柴紹討吐谷渾党項有功。事載唐書。惟李道宗亦屢立戰功之人。而劇中詆之甚至。與史大異。殆以道宗晚年受長孫無忌褚遂良之毀。而一時輿論因而詆譏之耶。曲文率直無勝處。伶工所撰也。

八二 登瀛洲

原標十八學士登瀛洲。明抄本。不著撰人姓名。記唐時於京城東十里起園亭曰瀛洲。命十八學士入其中宴會賦詩。感動鈞天大帝。邀東華仙與

西王母同至瀛洲。爲唐君增福延壽。按唐書褚亮傳。太宗留意文學。乃於宮城西起文學館。以待四方文士。於是杜如晦。房元齡。于志寧。蘇世長。薛收。褚亮。姚思廉。陸德明。孔穎達。李元道。李守素。虞世南。蔡允恭。顏相時。許敬宗。薛元敬。蓋文達。蘇勗。並以本官兼文學館學士。號十八學士。爲時所傾慕。謂之登瀛洲。是長安僅有文學館。無所謂瀛洲也。此劇乃云興王建造瀛洲。已屬錯誤。至後二折之神仙降福。更爲無稽。曲文多摭拾浮詞。毫無精義。亦伶工筆墨也。

八三 陰山破虜

原標唐李靖陰山破虜。明抄本。不著撰人姓名。記頡利可汗犯界。李靖定計襲之。時唐儉安撫虜地未回。靖謂盡大忠不順小義。機不可泄。儉不足惜。遂遣薛萬徹爲先鋒。柴紹爲合後。靖與李世勣夜襲定襄。擒獲頡利可汗。及其子疊羅支。按唐書本紀。貞觀三年八月十一月間。以李靖爲定襄道行軍大總管。李世勣爲通漠道行軍總管。柴紹爲金河道行軍總管。薛

萬淑爲暢武道行軍總管。以伐突厥。四年二月。李靖與突厥戰於陰山。敗之。三月。靖俘頡利可汗以獻。突厥傳。帝詔唐儉等持節慰撫。靖知儉在虜所虜必安。乃襲之。盡獲其衆。是此劇所載。頗有所本。惟曲文關目。俱率直無可取耳。

八 龍門隱秀

原標賢達婦龍門隱秀。明抄本。不著撰人姓名。記薛仁貴在龍門鎮。柳員外家爲傭工。柳員外之女迎春。燒夜香。見草中臥一白額虎。近視之。乃仁貴睡地上。迎春憐其單寒。以紅棉襖覆之。婢知之。訴其事於員外。員外疑迎春與仁貴有私。遂以迎春配仁貴。而將二人一併逐出。會高麗入寇。朝命張士貴絳州招兵。仁貴欲往投軍。父母以家中無人侍養。欲不許。而柳氏銳身侍奉翁姑。促仁貴速往從軍。其後仁貴大破高麗。封遼國公。李元帥又以女妻之。仁貴辭不獲。李女願以妾自居。與仁貴同歸。見父母。並見柳氏。柳氏認之爲妹。不分嫡庶。按仁貴妻柳氏勸仁貴從軍。事見唐書。已

於飛刀對箭提要中述之。此本與飛刀對箭所記同爲一事，而彼詳於仁貴臨陣之戰功，此詳於柳氏居家之賢德，爲各異耳。曲文亦樸質可取，惟抄寫草率，脫誤甚多，無從校正，只可仍其原文，以示闕異。

八五 南極登仙

原標孫真人南極登仙會。明抄本不著撰人姓名，記孫思邈應召至京，不肯留，回山採藥。東海龍王求治宿疾得愈，因宴之於龍宮，並贈上古仙方一部，以之救度衆生。迨思邈功行圓滿，遂由南極星及福祿二仙度之到瑤池。此劇後半本情事雖出虛構，前半本完全本之唐書，如獨孤信稱思邈爲神童，隋文帝欲官思邈，思邈不就，密謂人曰：後五十年有聖人出，我當助之。盧照鄰有惡疾，師事思邈，又第一折之油葫蘆一曲，全係思邈告照鄰之言也。龍宮贈方一節，見段成式西陽雜俎，亦非作者杜撰。曲文雅飭清麗，俊語甚多。第四折毛女唱出隊子南曲數支，排場生動而又熱鬧。此本雖無撰人姓名，玩其筆墨蹊徑，極似冲漠子獨步大羅天、呂洞賓花

月神仙會諸劇。意者卽甯獻周憲兩王或其幕客所撰。明初雜劇中之佳作也。

八六 浣花溪

原標衆僚友喜賞浣花溪。明抄本不著撰人姓名。記賀知章等奉命給假十日。郊外游春。於是諸人同宴於杜甫之浣花溪莊。事出附會。浣花溪在成都。甫依嚴武時所築。不在長安。安有假日僚友宴會之理。至所舉諸人。其賀知章李璣李適之崔宗之蘇晉李白張旭焦遂八人。取材於甫之飲中八仙歌。而李璣誤爲王璣。蓋璣封汝陽王。歌於汝陽三斗始朝天。句注汝陽王璣。撰者遂誤爲王璣也。曲文平庸。較之貶黃州獨樂園二本。相去遠矣。

八七 破風詩

原標招涼亭賈島破風詩。明抄本不著撰人姓名。記賈島騎驢衝撞陳府尹馬頭。府尹責令賦詩。知其懷才不遇。命寄居妙香寺中守候。韓吏部退

之微行至寺。島以爲書生。將竊其文字。毀罵之。旣而知爲吏部尙書。乃懼而逃避。投雲蓋寺出家。改名五戒。退之已薦島於朝。朝命白敏中隨處尋島。敏中至寺。避暑於招涼亭。偶作風詩。五戒在旁。謂所吟之句。前人已有。敏中怪其出言非俗。固詰眞實姓名。長老始以實對。敏中遂偕島入朝。而授官焉。按唐書。島附韓愈傳。云初爲浮屠。名無本。來東都。洛陽令禁僧午後不得出。島爲詩自傷。愈憐之。教其爲文。遂去浮屠。舉進士。當其苦吟。雖逢值公卿貴人。皆不之覺。一日見京兆尹。跨驢不避。諱詰之。久乃得釋。是此劇略有所本。曲文妥適。稍有俊語。乃中驕也。

八 紫泥宣

原標李嗣源復奪紫泥宣。明抄本。不著撰人姓名。記陳景思奉命至沙陀。宣取李克用平黃巢。賜五百道空頭宣。五百面金銀牌。五馬金銀。將至其境。被賊人薛鐵山賀回虎所奪。適李克用遣其子嗣源來迎。天使遇見。景思正欲自盡。詢知其故。遂迎。景思見克用。復戰勝薛賀二人。奪回賞賜諸

物薛賀亦降於克用。按五代史云唐明宗世本夷狄無姓氏父電爲雁門部將生子邈佖烈太祖即李克用養以爲子賜名嗣源又云黃巢陷京師代北起軍陳景思發沙陀先所降者赴京師念非克用不可將乃以詔書召克用爲代州刺史雁門以北行營節度使又云朱全忠饗克用於上源驛克用醉臥伏兵發得從者薛鐵山賀回鶻等縋尉氏門出還軍中是劇中諸人皆依據史籍特薛賀二人曾奪宣召詔書嗣源復奪回之則未必有其事耳曲文樸質而少俊語要是元人或明初人所作

八九 午時牌

原標壓關樓疊掛午時牌明抄本不著撰人姓名記李克用奉命征黃巢其時新收義兒安敬思改名李存孝即令其挂先鋒印李存信康君立嫉之存孝賴周德威之力未被二人所中傷黃巢將孟截海最勇猛朱全忠令存孝立軍狀限於午時生禽孟截海以賭玉帶全忠與克用宴於壓關樓以觀陣樓上正挂午時牌存孝已解孟截海至按劇中諸人惟孟截海

不見於史籍其餘俱有所本可與哭存孝五侯宴鴈門關紫泥宣諸劇參觀互證關目比紫泥宣爲周密曲文亦質勝而文少皆伶工之作場上演之則熱鬧案頭誦之則乏味也

九 打董達

原標趙匡胤打董達明抄本不著撰人姓名記宋太祖微時與鄭恩游關西途中遇柴榮世宗赴銅臺訪姑丈郭彥威太祖三人結爲兄弟同行推車過土橋橋爲當地土豪董達所霸占不給錢不令過三人逕過之達同黨單潮虎歪蹄虎追上索錢爭論柴鄭打倒二虎二虎報知達達與二虎追來報讐達爲太祖打死是夜三人宿趙老人家家中二虎又引達父董太公來報讐董太公及二虎俱被太祖及柴榮打死於是三人同見郭彥威開筵慶賀各授官職按宋史載宋太祖應周祖募居帳下廣順初拜滑州副指揮世宗尹京轉開封府馬直軍使世宗卽位復典禁軍五代史載世宗本姓柴周太祖聖穆皇后之姪未冠在周太祖左右周太祖無子甚憐

之養爲己子。是此劇所記宋太祖與周世宗鄭恩同見周太祖。授以官職。全屬附會。曲文本色。而乏俊語。爲曲中中驢。全劇五折。無楔子。

九一 打韓通

原標穆陵關上打韓通。明抄本。不著撰人姓名。記宋太祖微時。路過登州。訪節度使李忠。並見忠妻趙氏。認爲姊弟。因趙氏有病。太祖赴穆陵關洪吉寺。向普惠長老討藥。並訪叔父趙思。思子景中在穆陵關開酒店。受拳棒家韓通及其徒衆之欺侮。太祖遇之。先打倒其徒衆。韓通來報仇。又打倒之。遂取藥贈忠妻服之。而以柴榮世宗奉命封賞作結。其事與打董達略同。關目較爲周密。曲文順適。不及彼之古拙。當是撰人在後耳。

九二 曹彬下江南

原標存仁心曹彬下江南。明抄本。不著撰人姓名。記曹彬奉命伐南唐。潘美副之。以劍賜彬。不用命者斬之。南唐令徐鉉入貢緩師。不許。樊若水曾量江面闊狹。獻計造浮橋以濟師。江南將下。彬忽稱疾不治事。諸將問疾。

彬云。余疾非藥石能治。若衆將誠心設誓。克城日。不妄殺一人。則疾自愈矣。城下之日。兵不血刃。其事皆本正史。無一虛構。開端第二句。日月光輝顯大明。又曲中有大明天命順於時之句。此本蓋明人所撰。借宋事以頌揚太祖耳。曲文整飭。賓白修潔。自是文人學士之筆墨。特用經書語。少烹鍊。是其微瑕耳。

九三 開詔救忠

原標八大王開詔救忠臣。明抄本。不著撰人姓名。記潘仁美挾私讐。欲害楊令公全家。令其於黑道日出兵應戰。被番兵圍困在虎口交牙峪。令公令七郎殺出重圍。求救於仁美。仁美不救。反將七郎賭箭射死。令公待救不至。遂自撞李陵碑以死。六郎打出陣。至東京告御狀。八大王趙德芳奏派党彥進往邊代。仁美統軍。又派寇準勘問仁美及賀懷簡劉君期同謀害死令公七郎二命。得實。遂下三人於獄。適逢郊天大赦。六郎痛父讐未報。求之八大王。八大王佯怒而下之於獄。教以在獄中殺父讐自首。然後

開讀大赦詔書而赦六郎擅殺之罪。其事殆本之小說。按楊令公卽宋史之楊業。潘仁美史作潘美。劉君期當卽史之劉文裕。爲簡穆皇后之從孫。故誤稱爲國舅。賀懷簡殆卽史之賀懷浦。爲孝懷皇后之兄。故稱國舅。史載楊業之子七。延玉延浦延訓延環延貴延彬延昭。業之父名信。此劇與史均不合。史稱賀懷浦從業北征死於陣。劇謂其助仁美致令公七郎於死。尤爲是非倒置。曲文率直。當是伶工筆墨。惟關目尙周密耳。

九四 活拏蕭天佑

原標焦光贊活拏蕭天佑。明抄本不著撰人姓名。記契丹與宋構兵。宋命楊彥朗人稱楊六郎禦之。宋軍大勝。彥朗部將焦贊生禽番將蕭天佑耶律馬。斬之。按宋史。楊業之子延朗初名延昭。亦善用兵。有父風。人呼之爲楊六郎。至劇中之焦贊耶律灰耶律馬蕭天佑。皆史所不載。未必有其人也。曲文亦平庸無勝處。伶工筆墨也。

九五 破天陣

原標楊六郎調兵破天陣。明抄本不著撰人姓名。記楊景因殺謝金吾一家。貶在汝州。王欽若差官剽其首級。太守胡祥殺死囚以代景。匿景土窖中。北番韓延壽聞景已歿。領兵犯境。圍寇萊公於銅台。苗士安觀天象。知景未死。萊公卽令呼延必顯宣取楊景平番。赦其前罪。景遂招舊部焦贊、孟良、岳勝、子宗保等。至銅台。破番邦軍師顏洞賓所排諸陣。禽獲洞賓。景與部下諸將俱受封賞。事本楊家將等小說。至爲無稽。曲文亦不足觀。惟場面熱鬧。流俗愛武劇者。或有取爾。

六 十樣錦

原標十樣錦諸葛論功。明抄本不著撰人姓名。記宋初李昉與張齊賢奉朝命建立武成廟。選太公望、管仲、范蠡、孫武、子田穰苴、樂毅、白起、張良、韓信、諸葛亮、李靖、李勣、郭子儀十三人入廟。方欲排定其位次。而張齊賢忽夢見此十三人入廟。自定坐位。首太公望。次范蠡、張良、穰苴、孫武、白起、樂毅、管仲、李靖、郭子儀、李勣、諸葛亮、韓信。中間韓信與諸葛亮互有爭論。並

有夏侯惇周瑜二人闖入。因無坐位不服等情。按武成王廟建自唐時。初名太公廟。上元初封太公爲武成王。始置亞聖十哲等。後又加七十二弟子。宋建隆三年詔修武成王廟。命崔頌董其役。俱見宋史禮志。此劇所記李昉張齊賢籍貫官階與宋史本傳大略相符。獨命修武廟則爲史所不載。錄鬼簿及太和正音譜均載有武成廟諸葛論功一本。元尙仲賢撰。以關目而論。當卽是此本。惟此本曲文鋪敘平安。乏古拙之氣。且曲文中聖明君字樣屢見。疑爲明人頌聖之作。是否仲賢筆墨。不敢遽定。孫氏以爲應改入元劇。未必然也。此劇記宋時之事。而諸家目錄列入三國故事諸劇之間。蓋未見原書。僅就其標目臆定之也。

九七 大破蚩尤

原標關雲長大破蚩尤。明抄本不著撰人姓名。記宋時蚩尤爲祟。使解州鹽池乾涸。朝命寇萊公請張天師來京詢知其故。天師教呂坦夫至玉泉山訪玉泉長老。請玉泉土地關聖禽獲蚩尤。范文正奉命爲關聖立廟。因

而夢見關聖及驅邪院主宣玉帝旨作結。事極無稽。曲又平庸。第四折尤草率。此本亦記宋代神話。而曲錄等書皆列入三國故事諸劇之間。與十樣錦諸葛論功同一錯誤。

九 認金梳

原標認金梳孤兒尋母。明抄本不著撰人姓名。記秀才安英攜妻李淑蘭上京應舉。宿於和州陳都知所開招商店中。陳見李色美。乃醉安殺之。且占李爲妻。李懷孕五月。恐絕安氏後。勉強從之。迨產兒。陳又令王媽媽將兒棄之水中。李乃以金梳玉簪贈王。求其留兒一命。王以兒交姪女王素雲。素雲嫁霍榮。新喪夫。又無子。遂將兒撫養成人。襲姓霍。名安禮。十五歲中鄉魁。聞人言自己非霍氏子。悶悶夜睡。夢見其親父前來。謂生前被陳所害。死後爲和州城隍。命安禮速尋母報讐。安禮醒後。向養母詰問。夢中之言俱確。二人遂扮乞丐。同至陳都知處。尋見親母。而訴於包待制。待制設席招陳都知赴宴而禽之。令淑蘭素雲安禮三人來告狀。與之面質。都

知始伏罪。關目頗爲周密。曲文亦俱妥適。明人佳作也。通本四折。有兩楔子。他本已見之。

九 女真觀

原標張于湖誤宿女真觀。明抄本不著撰人姓名。記女道士陳妙常有才色。出家於金陵女真觀。張于湖路過金陵。借宿觀中。以詞挑之不從。其後與觀主之姪潘必正通。有孕。觀主知之。將二人捆送建康府發落。適張爲建康府尹。卽斷二人爲夫婦。其事爲明高濂撰玉簪記傳奇所本。按古今女史云。宋女真觀尼陳妙常。姿色出衆。詩文俊雅。工音律。張于湖授臨江令。宿觀中。見妙常。以詞調之。妙常亦以詞拒之。後與于湖故人潘法成通。潘密告于湖。以計斷爲夫婦。是此雜劇全本。古今女史特彼以法成爲潘生之名。此以法誠爲觀主之名。而生名必正。爲稍異耳。曲文語語典雅。字字清新。楔子之賞花時二支。第一折之混江龍油葫蘆二支及寄生草第二支。第二折之倘秀才第一支。第三折之醋葫蘆各支。置之實父西廂中。

幾不能辨別。而第四折之雁兒落全支通體用迴文句作對偶。絕無牽強。尤見才思。至於楔子用侵尋韻。第一折用庚亭韻。第四折用眞文韻。三韻絕不混雜。尤見精於曲律。迥非高氏琴挑折。閉口鼻音抵頸。雜糅一曲之中。所可同日語矣。

二 女學士

原標女學士明講春秋。明抄本。不著撰人姓名。記鄭忼勾補軍役赴延安。使其妻孟氏與女祿英投奔范希文。希文知孟氏爲孟子之後。深通經書。令其教授女弟子。講明春秋。其後忼立邊功。葛懷敏爲之奏聞。希文又奏孟氏之賢。忼夫婦同被賞賜事。不知何所本。曲文東撫西拾。絕無勝處。且多不可通語。乃伶人筆墨。清常以爲村學究之作。竊以爲學究尙不致如此不通也。

二 女姑姑

原標女姑姑說法陞堂記。明抄本。不著撰人姓名。記鄭廉爲開封府尹。妻

張氏女瓊梅未聘人。鄭遇寒士張端甫留之於家。張氏又認端甫爲姪。端甫與瓊梅以兄妹相見。遂致苟合。相偕逃遁。廉遣王懷勒殺瓊梅。張氏則令懷暗縱之。懷半途追及二人。見瓊梅已改男妝。爲村姑所窘。懷乃勸其改易道服而至善喜寺借住。端甫則上京應試。端甫十年不歸。瓊梅遂出家。旣而住持幽州報國寺。廉適爲節度使。已悔前事。端甫爲州尹。父女夫婦相會。乃勸瓊梅還俗。重行婚禮。其事脫胎西廂東牆二記及文君私奔諸劇。曲文綺麗而合律。洵佳作也。一本有兩楔子。前用端正好。後用賞花時。亦爲別開生面。

三 岳飛精忠

原標宋大將岳飛精忠。明抄本不著撰人姓名。記金兀朮領兵四十萬侵南宋。秦檜主和議。李綱岳飛韓世忠張俊劉光世俱主戰。由飛率領諸軍與兀朮戰。大敗之。禽獲番將粘罕鐵罕。諸將各受賞賜。關目率直。曲文平庸無可取。且用韻夾雜。不守元人規律。乃伶工筆墨也。

一三 大劫牢

原標梁山五虎大劫牢。明抄本不著撰人姓名。記李應奉宋江之命。招灤州韓伯龍入夥。應至灤州。病於招商店。被店小二逐出。伯龍見而憐之。招至家。認爲兄弟。宋江因李應半年無消息。遂復遣魯智深、武松、劉唐、阮小五四人至灤接應。將韓伯龍誘至梁山。勸其入夥。伯龍不肯。釋之使歸。則家中已被李應放火燒盡。妻子被官府所拏。官府見伯龍歸。謂其已入梁山盜夥。亦下之獄。於是李應等五人又劫獄救出伯龍全家。同上梁山。事屬誨盜。毫無足取。而曲文於樸質之中。頗有俊語。亦佳作也。

一四 鬧銅臺

原標梁山七虎鬧銅臺。明抄本不著撰人姓名。記盧俊義妻賈氏與俊義義弟李固私通。爲梁山張順所知。報知宋江。江慕俊義及其義弟燕青之武藝。使吳用賺俊義至山東地界。又遣李逵、雷橫、張橫引俊義上梁山。勸之入夥。俊義不從。江釋之回家。先是李固隨俊義至山東。見俊義上梁山。

卽歸報賈氏及俊義到家。二人挈俊義出首於官。謂其結交大盜。官受固賄賂。下俊義於獄。燕青遂上梁山。報知宋江求救。於是江遣吳用率徐寧雷橫秦明朱仝燕青李逵共至銅臺。救俊義上山入夥。其關目與大劫牢大致相同。排場熱鬧。曲文率直。亦復相似。

一五 東平府

原標王矮虎大鬧東平府。明抄本不著撰人姓名。記宋江令王矮虎至東平府買花燈。恐其擾事。又令徐寧同往。至城遇呂彥彪方設擂臺。無人敢敵。王矮虎遂打倒之。奪觀衆之花燈而歸。東平府知府知其爲梁山賊。率衆追捕。矮虎等將追者禽上梁山等事。事至無稽。曲文尙爲本色。第三折將知府同禽上梁山。而第四折宋江發落衆人。獨缺知府。亦其排場疏忽處。

一五 九宮八卦陣

原標宋公明排九宮八卦陣。明抄本不著撰人姓名。記梁山諸盜招降以

後適有遼寇。宋江率其部下排九宮八卦陣以禦之。秦明打死兀顏。受李逵禽獲。李金吾戴真慶大獲全勝。遂授宋江滄州節度使。部下亦俱授官。事屬無稽。四折皆李逵爲正末。曲文惟第二折之端正好。語頗俊。通體未能盡順適。

二頁 貧富興衰

原標徐伯株貧富興衰記。明抄本。不著撰人姓名。記徐伯株貧困。欲上京應舉。向叔父母借川資。叔富而吝。不與。且斥罵之。嫡私贈以金釵。其後叔遭天火。率妻子唱蓮花落。丐食。正遇伯株除受本郡太守到任。相遇。伯株念嫡昔日之恩。迎叔全家。與母同居。事頗足以風世。曲文亦頗有俊語。洵爲曲中之上乘文字。惟其中孟浩尋梅。畫工是吳道筆等句。割裂古人名。殊病削足適履。何不改爲浩然尋梅。畫工是道子筆歟。

一頁 村樂堂

原標海門張仲村樂堂。明抄本。不著撰人姓名。記張仲致仕隱居村樂堂。

女嫁完顏王同知。同知有妾王臘梅。與都管王六斤私通。爲後槽曳刺所識破。曳刺告之同知。同知聽王氏之言。辭去曳刺。王氏更與六斤合謀。置毒藥死同知。未遂。事發。王氏攀誣張氏。於是張氏王氏六斤皆下獄。張令史奉防禦之命。勘治此獄。同知暗置金於飯中。賄令史。意在坐張氏罪。而釋王氏。令史性孤僻。不肯就法。封飯罐以告之上司。於是張仲洵壻女二人之請。自認置金。以冀寬女之罪。王同知遂得無事。惟置王氏六斤二人於法。此劇作者命意。在述小妻之害。以警醒世人。與貨郎旦相同。而曲文之古拙蒼勁。雋永有味。亦極似貨郎旦。斷非明人所能爲。其第一第四折張仲所唱。語語清新。字字典雅。第二折曳刺所唱。則全用白描。如梁州第七云。眷的是側愾愾廚房中暄熱。愛的是寬綽綽過道裏風涼。夜深無一箇人來往。半片席鋪在地下。兩塊磚掇在頭行。正天炎似火。地熱如爐。過道裏不索開窗。洒家道則這便似天堂。我直挺挺忙撥倒身軀。涼滲滲席墊著脊梁。美也。風颼颼擲着我胸膛。烏夜啼云。請同知自向跟前望。夫人

爲甚麼汗塌濕殘妝。都管爲甚粉貼在鼻梁。此等白描文字。於古拙之中。仍寓雋永之旨。方是真本色。真行家。彼撫拾一二胡語。填砌無數俚言。以自附於本色二字者。觀此可以知反矣。此本套數體式。亦致新穎。南呂宮一枝花全套。他本多用借宮。而有隔尾。此用一枝花。梁州第七。賀新郎。梧桐樹。四塊玉。哭皇天。烏夜啼。尾聲。不用隔尾。且無借宮。他本楔子多用賞花時。或端正好。此用新水令。皆爲北詞廣正譜所未舉之例也。商調逍遙樂。僅用前三句。則關漢卿調風月已有之。元曲中頗多見。

二見 下西洋

原標奉天命三保下西洋。明抄本。明人撰。姓名未詳。記三保太監下西洋。多得寶物。並帶領西洋國王遠來朝貢等事。按明史鄭和傳。和雲南人。初事燕王於藩邸。從起兵有功。成祖疑惠帝亡海外。且欲耀兵異域。示中國富強。命和及王景弘等通使西洋。多齎金帛。大修船舶。自永樂三年至宣德五年。先後七奉使。所歷三十餘國。取寶物不可勝計。而中國耗費亦不

贊劇本此鋪張和之功績而多怪異荒誕之詞曲文亦摭拾陳言不見勝處

二享 漁樵閑話

原標若耶溪漁樵閑話明抄本不著撰人姓名記漁樵耕牧四人煮酒清談世事意在小補風俗文筆亦尙清順無如四折登場人物既屬相同所言之事復毫無層次令人讀之生厭第二折用韻尤爲蕪雜此殆不得志之士借以自寫其牢騷而於戏曲一道爲門外漢也

二享一 雷澤遇仙

原標雷澤遇仙記明抄本明人撰姓名未詳記關西秀士雷澤與仙女許飛瓊相遇謂雷生乃玉帝案前掌筆金童因過罰令下界瓊與之有夙緣三年贈詩云不向瓊林醉一場誰知星斗煥文章他年四品黃金帶早辦三間綠野堂後澤果春闈及第身歷三朝官榮四品退休二十年遂度爲仙按明天順八年二甲進士雷澤山西忻州定襄縣人除刑科給事中抗

直不避權勢。疏陳戚畹驕恣。被廷杖幾死。醒復諫不止。聞者稱爲鐵漢。仕至光祿寺卿。此劇所記姓名爵里。均與之合。當是時人慕其風節。而爲此記。曲文清麗芊絲。可誦可歌。惟排場稍嫌冷落耳。趙清常斥爲學究筆墨。非定論也。

二五二 渭塘奇遇

原標王文秀渭塘奇遇記。明抄本。不著撰人姓名。記王文秀與盧玉香渭塘相遇。彼此相悅。不得相接。遂各得一夢。於夢中訂婚約。女之父母知其事。遂召文秀至。許其應舉成名。以女嫁之。文筆摹西廂。雖失之纖弱。尙楚楚可觀。清常道人題爲村學究之作。未免刻論。

二五三 勘金環

原標清廉官長勘金環。明抄本。不著撰人姓名。記李仲仁拾得王婆婆金環。圖匿之。含口中。誤嚥入喉而死。其弟仲義。聽妻王臘梅之調訴。誣嫂孫氏因姦藥死親夫。賄仵作報中毒而死。卽以喉中探出之金環賄仵作。問

官將孫氏屈打成招。適孫氏之胞弟榮爲提刑。下馬審囚。至此案。方欲爲之昭雪。而件作之妻持金環至銀匠家變賣。爲王婆婆所遇。遂扭之見提刑。事乃大白。曲文頗本色。饒有元人氣息。惟乏俊語耳。

一享四 誤失金環

原標秦月娥誤失金環記。明抄本。不著撰人姓名。記錢塘秦輝。任南陽令。卒於官。遺妻賀夫人。女月娥。路遠不能歸。家中惟母女及婢惜春。有楊儒者。亦錢塘人。其故父與輝爲莫逆交。儒上京應舉。過南陽訪之。夫人留儒後花園小住。會月娥游園。失金環。爲儒所拾。月娥使惜春索之。儒不與。以詩挑之。往反數次。月娥遂至書齋。與儒苟合。爲夫人所撞見。惜春勸夫人將月娥妻儒。以掩家門之醜。夫人從之。後儒爲本府府尹。迎夫人月娥同赴任。其事與東牆記絕相類。然關目率直。不如仁甫東牆。更不及實父西廂矣。特其文詞。於綺麗之中。饒有本色語。如第四折折桂令之未會言多。相見不記。見面都忘。雁兒落之想昨宵恨夜長。到今日愁天亮之類。皆用

白描詞句，不煩雕琢，自然清新。的是作曲能手，作者殆長於散套，短於雜劇，故此記以供案頭之諷誦則佳，以作場上之搬演則拙也。

一五五 南牢記

原標風月南牢記，明抄本，明人撰，姓名未詳。記兗州護衛統制徐仁喜狎妓，先狎李善真，後棄李而狎劉墜兒，將髮妻龔氏虐待，用烙鐵渾身烙遍，幾死。於是妻兄龔常奏聞，下徐仁、劉墜兒於獄，而正其罪。當是明代實有其事，惟人名或虛構耳。曲文綺麗處不嫌堆砌，白描處不嫌粗俗，當是能手所撰，惟賓白多淫褻語，雖以曲筆出之，究屬有傷大雅。

一五六 蘇九淫奔

原標慶豐門蘇九淫奔記，明抄本，明人撰，姓名未詳。記蘇九姐背夫私逃，被姑控之官，斷離，又受人給，交一醜惡之勢豪李四，悔之無及。末云嘉靖辛丑年濮陽郡慶豐門事，殆實有其人。文筆頗佳，音律亦合，無如題目淫濫，不堪訓俗，虛負此好筆墨，深可惜也。

一五七 雙林坐化

原標釋迦佛雙林坐化。明抄本不著撰人姓名。記釋迦佛在雙林說法。魔王波旬勸其涅槃。涅槃即死也又有毗婆達多。假做重身婦人。將釋迦訕謗萬狀。釋迦遂傳法於阿難迦舍而示寂。於是韋馱率諸天神前來迎接。華光講主領衆禽捉邪魔。使之不得擾害。佛乃出棺見佛母畢。卽生天界。轉展度世各節。多內典語。曲文順適。排場熱鬧。元明雜劇中。道家言甚多。釋家言頗少。此本堪云別開生面。第四折用心經作曲。句讀牽強。不能點拍。想是以誦經作收場而已。

一五八 魚籃記

原標觀音菩薩魚籃記。明抄本不著撰人姓名。記觀音化爲漁婦。以點化張無盡。無盡不悟。將漁婦凌虐。於是文殊普賢化爲漁婦之兄。布袋和尚又請韋馱現形以警醒之。張無盡始醒悟。皈依佛法。共見如來。蓋勸善之作也。曲文間有俊語。通體亦妥適。

一百二十九 那吒三變

原標猛烈那吒三變化。明抄本。明人撰。姓名未詳。記釋迦佛命善勝童子。卽那吒三太子。收伏燄魔山五鬼。五鬼既降。又令其引戰夜叉山四魔女。禽伏之。使歸依佛道。曲文尙爲通順。而無古拙之氣。排場極爲熱鬧。末以願大明萬萬年作結。或是內廷供奉之作也。

一百三十 拔宅飛昇

原標許真人拔宅飛昇。明抄本。不著撰人姓名。記許遜爲旌陽令。憫貧民欠糧追比之苦。點石成金。使完國課而釋之。既至豫章。遇蛟精魅賈氏女。爲驅除之。功行圓滿。東華帝君遂命崔子文瑕丘仲著遜夫婦拔宅飛昇。事本列仙傳諸書而增益之。曲亦穩適。在明人神仙諸劇中。此爲中驕。

一百三十一 三化邯鄲

原標呂翁三化邯鄲店。明抄本。不著撰人姓名。記呂純陽點化盧生。第一次爲道人。至柳塘莊上。第二次化賣酒人。在南村途中。第三次化漁翁。入

盧生夢中。盧生一夢五十年。歷盡富貴驚惶。及醒而所炊黃粱尙未熟。遂大悟。隨呂出家。與湯臨川所撰邯鄲夢同記一事。特彼爲傳奇。此爲雜劇耳。曲文清新雋逸。佳句甚多。第一折天下樂云。你寸心有萬事縈。百年人做千載想。則怕你浮生空自忙。柳葉兒云。你則待爲卿爲相。攢贏餘萬廩千倉。可不道催人白髮三千丈。則指望家私旺。積蠶桑。全不顧兩字無常。第二折滾綉毬云。你將那利名心一筆勾消。豈不聞兩輪日月雙催逼。萬占雲霄一羽毛。你仔細量度。尾聲云。投至得五十載。其間再撞著。少不得綠鬢朱顏鏡中老。第三折梁州第七云。喜則喜蘆花月。照見我肝腸笑。則笑蓼花風。吹老我面皮。愁則愁楊花雪。凍損我容儀。此等語句。在元明人散套中亦不可多得。況此本通體無一率直語。雖關白馬鄭之作。無以過之矣。

一百三 度黃龍

原標呂純陽點化度黃龍。明抄本。不著撰人姓名。記洞賓偕鍾離奉東華

帝君命訪度仙侶。遇黃龍山黃龍禪師。方在說法。因與講論大道。至數日之久。黃龍大爲拜服。遂拜洞賓爲師。洞賓授以性命雙修之理。騰空而去。黃龍依言在山中修煉。遂爾成仙。曲中多玄旨。文筆修潔。當是道家筆墨。或內廷供奉之作也。

一三三 洞玄昇仙

原標邊洞玄慕道昇仙。明抄本。不著撰人姓名。記道姑邊洞玄自幼慕道。心慈好善。累積陰功。在清淨庵中出家。不食烟火。鍾離洞賓二仙乃授以金丹大道。度脫成仙。曲文亦頗雅潔。與度黃龍相近。明代崇尚道教。宮中及藩邸皆慕冲舉。此等劇當是內廷供奉或諸藩宴會之本。而其詞則文人學士爲之。故無俚俗之病也。

一三四 李雲卿

原標李雲卿得悟昇真。明抄本。明人撰。姓名未詳。記東華帝君命張紫陽等諸仙一同講道。忽見雲霄之間。青氣直衝。知是李雲卿在廬山中修道。

二十年有仙分。遂派張紫陽下降塵寰。度李爲仙。同登紫府仙都。曲白均雅飭。第二折總虛子譚語云。這四象御馬監也有。外頭象房也有。每日清早。五鳳樓前東首兩箇象。西首兩箇象。朝畢時往端門出去。過金水橋。此乃四象過河也。第三折香童譚語云。我串光祿寺抹油嘴去也。皆就內廷之事作插科。其爲內廷供奉之劇無疑。

二五 桃符記

原標太乙仙夜斷桃符記。明抄本。不著撰人姓名。記洛陽閭府尹家中二桃符。化爲二女子。自稱門東娘。門西娘。以魅府尹之子閭英。適太乙仙過其家。召諸神禽獲二妖。以救閭英。事至無稽。而第四折排場頗熱鬧。通體曲文清麗。在明曲中爲中駟。

二六 鎖白猿

原標時真人四聖鎖白猿。明抄本。不著撰人姓名。記杭州沈璧泛海爲業。饒有家財。出門月餘。有白猿。自稱烟霞大聖。化爲璧之容貌。占其妻子財。

產歷二年之久。壁歸家。白猿乃現出怪狀。打倒沈壁。且驅之出外。壁至西湖。欲自盡。遇時真人救之。令其回家。助之禽妖。壁乃捨財率妻子修道。事屬無稽。曲文尙通順。然亦無勝處。

一百三十七 齊天大聖

原標二郎神鎖齊天大聖。明抄本。不著撰人姓名。記齊天大聖偷竊老君金丹。又盜仙酒。在水簾洞聚諸妖開宴。於是上帝命二郎神率領諸天神兵。禽獲諸妖。解至驅邪院主處發落。此等神怪劇。排場最爲熱鬧。曲文絕少勝處。乃伶工筆墨。無足取也。

一百三十八 斬健蛟

原標灌口二郎斬健蛟。明抄本。不著撰人姓名。記嘉州太守趙煜。忠良正直。不期冷源河內出一健蛟。損害人民。方欲驅除。天丁奉上帝旨。召煜白日飛昇。煜旣爲神。灌口人民立廟奉祀。稱爲二郎真君。真君遂率領眉山七聖及諸天兵。禽獲健蛟而斬之。以神仙而兼武劇。排場熱鬧。曲文尙適。

而少古質之氣，當是明人之作。

一百三十九 寶光殿

原標寶光殿天真祝萬壽。明抄本，明人撰，姓名未詳。記虛玄真人與脫空祖師講道，互相爭論。東華君責虛玄真人，凡心未退，罰往下界托生爲孫彥弘。又令漢鍾離呂洞賓引之入武當山修道。鍾離遣心猿意馬爲之魔障。彥弘均能勝之，遂引度彥弘復歸仙位。適逢下界聖君萬壽，遂偕衆仙攜武當山會仙館中之琉璃寶塔爲聖上祝壽，排場熱鬧，切末繁多。其云推動寶塔，便仙音嘹唳，五色祥雲並現，則搬演時必有絕妙布景。蓋明代內廷萬壽供奉之劇也。曲文穠郁，亦間有本色語。蓋伶工與文人合撰之作也。

一百四十 獻蟠桃

原標祝聖壽金母獻蟠桃。明抄本，明人撰，姓名未詳。記游奕使奉太上老君命，說知金母爲當今聖君好道，齋戒精虔，於聖節日率領諸仙前往宮

中獻蟠桃祝壽事。蓋亦明代萬壽節內廷供奉之劇本。關目蕪雜。詞藻堆砌。排場熱鬧之外。無他勝處。

二二三 慶長生

原標降丹墀三聖慶長生。明抄本。明人撰。姓名未詳。記大明聖母於京師建延福宮。因此感動天官地官水官。於十月十四日萬壽之辰。招西池王母。八位神仙。同至延福宮上壽。又遇福祿壽三星。北斗七星。董雙成。許飛瓊等仙女。一同下降。蓋明代太后萬壽內廷供奉之劇也。詞藻穠郁。然乏清新語。

二二三 賀元宵

原標衆神聖慶賀元宵節。明抄本。明人撰。姓名未詳。記玉虛師。文昌。天官。地官。水官。五顯靈王。直日功曹。九天採訪使等神。於上元節。至禁苑。爲當今聖上祝壽。排場至爲熱鬧。曲文詞藻穠郁。無非頌揚之語。乃明代萬壽節內廷供奉之曲也。

二五三 八仙過海

原標爭玉板八仙過滄海。明抄本。明人撰。姓名未詳。記白雲仙請入仙閭苑賞牡丹畢。各回仙境。行至東洋岸邊。乘著酒興。各顯神通渡海。不許騰雲。藍采和躡玉板過海。被東海龍王之子摩揭龍毒搶去玉板。禽住采和。呂純陽往救之。放還采和。不還玉板。以致純陽與二龍戰鬪。斬死摩揭。斫去龍毒一臂。龍毒慙知其父。於是四海龍王與八仙大戰。損害無數生命。終不能勝。釋迦佛憫之。乃勸兩家罷兵。龍王交出八扇玉板。除下二扇與龍王。以償其愛子之命。此劇排場極爲熱鬧。而曲文頗多俊語。賓白一律順適。筆墨極似丹邱之冲漠子。誠齋之神仙會。或卽二藩中文人學士所撰也。

二五四 鬧鍾馗

原標慶豐年五鬼鬧鍾馗。明抄本。明人撰。姓名未詳。記鍾馗上京應試二次。爲楊國忠所擯。第三次不欲去。縣中勉勸。不得已允之。中途宿於五道

將軍廟睡中被大耗小耗五方鬼所侮弄。趙醒而拔劍逐之。衆鬼憚其正直。均不敢近。趙至京。主試者爲楊國忠。張伯循。張欲以趙爲頭名進士。楊收他人賄賂。仍面斥趙文字不佳。張勸趙且回寓候旨。次日張奏准。賜趙進士袍笏。而趙已氣忿身亡。玉帝憐趙正直不遇。勅趙管領天下邪魔鬼怪。趙託夢於殿頭官。殿頭官奏知聖上。遂著各處畫趙形像。以驅邪怪。於是五福神。三陽眞君。偕鍾趙於正月元日。各獻神通。使年年豐稔。歲歲昇平。三陽開泰。萬民樂業。蓋歲首吉祥之戲。文筆清順。音律諧合。排場熱鬧。亦佳作也。

二五 紫微宮

原標紫微宮慶賀長春節。明抄本。明人撰。姓名未詳。記諸天仙因下界聖皇治世。敬天恤民。教雪月梅三白獻瑞。又值瑤池蟠桃成熟。金母率衆仙女各捧長生壽物。至太極紫微宮祝賀萬壽。曲文穠縟。砌末繁多。排場熱鬧。蓋萬壽令節內廷供奉之劇也。

一百三十六 五龍朝聖

原標賀萬壽五龍朝聖。明抄本。明人撰。姓名未詳。記捲簾大將。因萬壽將近。邀集福祿壽三星。四海龍王。四瀆之神。商議覓稀奇寶物。以祝聖壽。議定向金脊龍王。索取渾金聖壽牌。及傍邊二小牌。與靈芝金瓶一對。金爐一箇。以供於靈德堂中。癩頭大聖。乃先醉守者。竊取此寶。以聖壽牌太重。僅竊兩小牌。及金瓶金爐而去。於是飛天神王。追查得之。卽責癩頭大聖。獻出寶物。並由五龍抬聖壽牌。一齊祝壽。蓋爲明代萬壽教坊供奉之曲。詞藻穠郁。切末輝煌。天神水怪。布滿場中。熱鬧之極。惟此等關目。數見不鮮。爲可厭耳。

一百三十七 長生會

原標衆天仙慶賀長生會。明抄本。明人撰。姓名未詳。記東華仙與西池金母。以萬壽將近。請香山九老。福祿壽三星。八洞羣仙。松竹梅仙子。屆期同至龍庭。祝賀聖壽。按香山九老。爲白居易胡杲吉旼鄭據劉真盧眞張渾。

狄兼謩盧貞九人。而此劇吉叟誤吉敏。劉眞誤李眞。張渾誤張輝。無狄兼謩盧貞。易以李元爽如滿。其八仙之名。較之續列仙傳。缺何仙姑。而易以張四郎。蓋皆撰者隨意湊合耳。曲文清順。賓白妥適。當是文人筆墨。特病其陳陳相因耳。

一百三十六 羣仙祝壽

原標賀昇平羣仙祝壽。明抄本。明人撰。姓名未詳。記南極仙邀集上下八洞神仙。祝延下方聖母萬壽。而雀山山神。亦率領柳樹精。猿精。虎精。鹿精。鶴精等。擡靈芝瑞草。至紫宸殿供獻。末以玉帝遣天使下降。讚聖母壽。延萬歲作結。蓋宮內太后萬壽供奉之劇。排場至爲熱鬧。特曲文東撫西拾。甚少精采。

一百三十九 廣成子

原標廣成子祝賀齊天壽。明抄本。明人撰。姓名未詳。記廣成子修道於崆峒山。殿頭官遣常壁。將玄纁丹詔兩次宣召之。不赴。殿頭官乃自往迎之。

廣成子始允赴闕祝壽。及萬壽日。結壇宮中。廣成爲召中國境內五嶽四瀆之神。各將異寶奇珍。同來祝壽。蓋亦萬壽日內廷供奉之劇。曲文平安。特數見不鮮耳。

一百一十 羣仙朝聖

原標感天地羣仙朝聖。明抄本。明人撰。姓名未詳。記廣成子赤松子白玉蟾王重陽劉長生譚長真郝廣寧王玉陽張紫陽。同奉長生大帝之命。至下界爲聖主祝壽。適遇順天府府尹。以萬民樂業。五穀豐登。至郊外祭賽。衆仙化爲雲游道人。求府尹轉奏願入宮內祝壽。里長老人亦願以雙穗之穀。二歧之麥進獻。至萬壽日。殿頭官在闕下將諸仙引進。獻金丹寶籙。松竹梅花。靈芝瑞草。千歲蟠桃等物。府尹亦引里長老人等獻禾稼。殿頭官方欲請給賞賜。而諸仙化一陣清風而去。回覆長生大帝。當今聖上仁德。國泰民安等情。曲文平安。無甚勝處。蓋萬壽日內廷供奉之劇本也。

一百一十一 萬國來朝

原標祝聖壽萬國來朝。明抄本。明人撰。姓名未詳。記回回安南單于高麗河西女直土番等國。攜白玉青獅子珊瑚樹牙象貂鼠細馬峯駝海東青白鹿靈芝金瓶麒麟名馬白虎金錢豹。至中國祝賀漢高祖聖壽。於是蕭何率之入朝。而韓元帥英布彭越張良曹參灌嬰酈商柴武呂馬童周勃王陵樊噲陳平王翳楊喜呂勝楊勝高玘申陽陸賈盧綰張耳陳餘陳豨隨何雍齒亦同入朝作賀。事極無稽。曲文亦庸劣。特切末甚繁。且登場人物。每折數十至百餘之多。熱鬧之極。蓋明代萬壽供奉之作。其時當爲鄭和下西洋好勤遠略之際。內廷太監撰此以媚人主。故其文字。比之神仙諸劇遠遜矣。

一四三 慶千秋

原標慶千秋金母賀延年。明抄本。明人撰。姓名未詳。記太乙真人因漢孝文帝孝敬聖母。值千秋令節。會同金母元君領諸仙女及增福神壽星等。同至內苑獻蟠桃仙酒靈芝檜柏。一同慶祝。蓋亦明代太后萬壽教坊供

奉之劇也。文筆尙順，而關目平率，語多習見，遂覺可厭。

一四三 太平宴

原標慶冬至共享太平宴，明抄本明人撰，姓名未詳。記諸葛亮奉先主命，於冬至節設太平宴，享有功諸臣與會者爲黃忠、趙雲、馬超、劉封、簡雍、鞏固、糜竺、糜芳、姜維。又關雲長張飛則自荊州而來，周瑜聞之，遂襲取荊州。關張料及之，先戰退周瑜，然後赴宴。事既無稽，曲文又摭拾陳言，絕無可取。此種教坊脚本，蓋亦內廷供奉之作，然在伶工筆墨中，亦爲下乘文字。

一四四 黃眉翁

原標黃眉翁賜福上延年，明抄本明人撰，姓名未詳。記楊景即楊六郎鎮守三關，母余太君在東京，數年不得見，值母壽誕，由寇萊公奏明，准景至東京祝壽。仙人黃眉翁因景忠孝兩全，將仙酒仙桃與太君祝延上壽。景回三關後，寇萊公又奉命至關，將景及其部下諸將皆加官賜賞等事。關目率直，曲文平庸，殆伶工爲武臣之母稱壽所作，殊不足觀。

呂蒙正風雪破窑記

元王實甫

頭折

〔冲末扮劉員外領家童上〕〔云〕僧起早。道起早。禮拜三光天未曉。在城多少富豪家。不識明星直到老。老夫姓劉。雙名仲實。乃洛陽人也。我有萬百貫家緣過活。別無兒郎。止有箇女孩兒。小字月娥。不曾許聘他人。我如今要與女孩兒尋一門親事。恐怕不得全美。想姻緣是天之所定。今日結起綵樓。着梅香領着小姐。到綵樓上拋繡毬兒。憑天匹配。但是繡毬兒落在那箇人身上的。不問官員士庶。經商客旅。便招他爲婿。那繡毬兒便是三媒六證一般之禮也。家童。你和梅香說着。他同小姐上綵樓。拋了繡毬兒。便來回我的話。休要悞了喜事。則等俺女孩兒成就了親事。稱老夫平生之願也。老夫且去後堂中安排下筵席。與孩兒慶賀。你疾去早來。着老夫歡喜者。〔下〕

〔外扮寇準同呂蒙正上〕〔寇準云〕曾讀前書笑古今。恥隨流俗共浮沉。終期直道扶元化。敢爲虛名役片心。小生姓寇名準字平仲。這兄弟姓呂名蒙正字聖功。俺二人同堂學業。轉筆抄書。空學成滿腹文章。爭奈一貧如洗。在此洛陽城外破瓦簷中居止。若論俺二人的文章。觀富貴如同翻掌。爭奈文齊福不至。兄弟。我聞知在城劉員外家結起綵樓。要招女婿。咱二人走一遭去來。等

他家招了良婿之時。咱二人寫一篇慶賀新婿的詩章。他家必不虛負了咱。但得些小錢鈔。就是咱一二日的盤纏。咱二人同走一遭去。〔呂蒙正云〕哥哥說的有理。不索久停久住。同哥哥走一遭去來。〔寇準云〕俺同去來。〔同下〕〔正旦領梅香上〕〔云〕妾身姓劉。小字月娥。年長一十八歲。爲因高門不答。低門不就。因此上未曾成其配偶。今日父親結起綵樓。教我拋繡毬兒。憑天匹配。梅香。咱上的這綵樓。你看那官員士庶。經商客旅。做買賣的。端的是人稠物穰也。〔梅香云〕姐姐。父親的嚴命。教姐姐拋繡毬兒。憑天匹配。你可也休差拋了繡毬兒。剩下的與我招一箇。可是攜帶者。〔正旦云〕我自有箇主意。〔二淨扮左尋右趨上〕〔左尋云〕柴又不貴。米又不貴。兩箇優廝。恰好一對。俺兩箇一箇是左尋。一箇是右趨。打聽的這劉員外家。女孩兒要招女婿。結起綵樓。拋繡毬兒。則說那小姐生的好。憑着咱兩箇這般標致。擬定繡毬兒是我每。不避驅馳。俺走一遭去來。〔寇準同呂蒙正上〕〔寇準云〕兄弟也。來到這綵樓底下了。咱看那小姐拋繡毬兒者。〔正旦云〕梅香。你將繡毬兒來者。〔梅香云〕姐姐。繡毬兒在此。〔正旦云〕你看我那父親。恐怕差配了姻緣。故結綵樓。教我拋繡毬兒。以擇佳婿也呵。〔唱〕

上。〔仙呂點絳脣〕則我這好勝爺娘。故意嬌養。如花樣。招配新郎。捲翠簾在粧樓

〔混江龍〕凭欄凝望。猛然間回首問梅香。〔梅香云〕姐姐。你問我些甚麼。〔正旦唱〕見二人衣冠齊整。鞍馬非常。能償箇守藍橋飽醋生。料強如悞桃源聰俊俏劉郎。擠眉弄眼。俐齒伶牙。攀高接貴。順水推船。小則小偏和咱厮強。不塵俗模樣。穿着些打眼目衣裳。〔淨做走科〕〔云〕真箇一箇好小姐。你把那繡毬兒拋與我罷。〔梅香云〕姐姐。你看兀那兩箇穿的錦繡衣服。不強如那等窮酸餓醋的人也。〔正旦云〕梅香。你那裡知道也。

〔唱〕

〔油葫蘆〕學劍攻書折桂郎。有一日開選場。半間兒書舍換做都堂。想韓信偷瓜手。生扭做了元戎將。傳說那築牆板。翻做了頭廳相。想當初王鼎臣姜呂望。那鼎臣將柴擔子橫在肩頭上。太公八十歲遇着文王。〔梅香云〕姐姐。等的到八十歲。可老了也。〔正旦云〕梅香。可不道君子人待時守分也。〔唱〕

〔天下樂〕豈不聞有福之人不在忙。我這裡參也波詳。心自想。平地一聲雷震響。朝爲田舍郎。暮登天子堂。可不道寒門生將相。〔梅香云〕姐姐。好早晚了也呵。兀的不是繡毬兒。你有甚麼言語。囑付這繡毬兒者。〔正旦做接繡毬在手科〕〔唱〕

〔金盞兒〕繡毬兒你尋一箇心慈善。性溫良。有志氣。好文章。這一生事都在你

這繡毬兒上。夫妻相待貧和富有何妨。貧和富是我命福。好共歹在你斟量。休打着那無恩情輕薄子。你尋一箇知敬重畫眉郎。〔正旦做拋繡毬科〕〔呂蒙正云〕哥哥。你看那小姐。將繡毬兒拋在我跟前了。〔寇準云〕兄弟。敢這繡毬兒悞落在你懷中。咱且走在一邊伺候。看員外怎生處斷。〔淨云〕繡毬兒也。拋與了別人。我和你等些什麼。咱兩箇一人唱一句去了罷。〔大淨唱〕

〔金字經〕繡毬兒今日箇打着一箇窮秀才。〔二淨唱〕氣的區區淚滿腮。淚滿腮。〔大淨唱〕也是他緣分該。〔二淨唱〕休相怪。〔大淨唱〕咱拽着尾巴歸去來。〔同下〕〔梅香云〕姐姐。拋了繡毬兒。咱回父親話去來。〔同下〕〔劉員外領雜當上〕〔云〕鸞鵲簷前噪。喜從天上來。這梅香好不會幹事也。領着小姐拋繡毬兒去了一日。如何不見來回話。〔正旦同梅香上〕〔見科〕〔梅香云〕父親。小姐招了女婿也。〔劉員外云〕在那裡。着過來。〔梅香云〕得繡毬的過來。〔寇準同呂蒙正見科〕〔寇準云〕兄弟。咱則在這門首伺候着。兀的不呼喚你哩。〔梅香云〕兀那秀才。你過去拜丈人去。〔呂蒙正見劉員外科〕〔劉員外云〕他是誰。〔梅香云〕則他是新招的女婿呂蒙正。〔劉員外云〕孩兒也。放着官員人家財主的兒男不招。這呂蒙正在城南破瓦窰中居止。咱與他些錢鈔。打發回去罷。〔正旦云〕父親差矣。一向說繡毬兒打着的。不管

官員士庶貧富之人。與他爲婚。既然拋着他了。父親。您孩兒情願跟將他去。〔劉員外云〕孩兒。則怕你受不了的苦。〔正旦云〕您孩兒受的苦。好共歹。我嫁他。〔雜當云〕員外。小姐既要嫁他。依着他罷。小姐。他那破瓦罌中。你敢住不的麼。〔正旦唱〕

〔醉中天〕者莫他燒地權爲炕。鑿壁借偷光。一任教無底砂鍋漏了飯湯。者莫是結就蜘蛛網。土炕蘆蓆草房。那裡有繡幃羅帳。〔劉員外云〕你再思想者。〔正旦唱〕您孩兒心順處。便是天堂。〔劉員外怒云〕小賤人。我的言語不中聽。你怎生自嫁呂蒙正。梅香將他的衣服頭面。都與我取下來。也無那奩房斷送。他受不過苦呵。他必然來家也。則今日離了我的門者。着他去。〔呂蒙正云〕咱兩口兒。辭別了父親去來。〔雜當云〕倒好了你也。〔出門見寇準科〕〔云〕您兄弟來了也。〔寇準云〕如何。你見員外。說什麼來。〔呂蒙正云〕他嫌小生身貧無倚。又無奩房斷送。將小姐的衣服頭面。盡數留下。趕將俺兩口兒出來了。〔寇準云〕這般呵。小姐眼裡有珍珠。你若得官呵。小姐便是夫人縣君。您兩口兒先回去。我便來也。〔呂蒙正云〕小姐。則怕你受不了的苦楚麼。〔正旦云〕我受的苦。受的苦。〔唱〕

〔尾聲〕到晚來月射的破窗明。風刮的蒲簾響。便是俺花燭洞房。實丕丕家私財物廣。虛飄飄羅錦千箱。守着才郎。恭儉溫良。憔悴了菱花鏡裡粧。我也不戀

駕衾象床。繡幃羅帳。則住那破窖風月射漏。

漏原作滿
趙校改

星堂。〔同下〕〔寇準云〕這家爲富

不仁。薄俗之情。我若不過去。將我似甚麼人看成。〔寇準見劉員外科〕〔劉員外云〕下次孩兒每。這叫化的來俺這裡怎的。〔雜當云〕知他又來怎的。〔寇準云〕誰是叫化的。我是你新招的女婿。呂蒙正之兄長寇平仲是也。我是你親家伯伯哩。〔劉員外云〕我有這等親家伯伯。愁什麼過活。〔雜當云〕甚麼親家伯伯。你也則是箇窮秀才。〔寇準云〕今日以得良婿。乃天下之喜事也。何怒之有。〔劉員外云〕你看那窮嘴餓舌頭。一壁去。〔寇準云〕是何言語。硜硜小人哉。爾以貧富而棄骨肉。婚嫁而論財禮。乃夷虜之道也。古者男女之俗。各擇德焉。不以其財爲禮。我輩今日之貧。豈知他日不富。爾等今日之富。安知他日不貧乎。古語有云。見貧休笑富。休誇誰是常貧久富家。秋到自然山有色。春來那箇樹無花。哎。我是你親家伯伯哩。〔做出門科〕詩曰。狀貌堂堂似北辰。面如明鏡色如銀。可憐此等無情物。則識衣衫不識人。自此去後。難可復言。我再過去。〔又見劉員外科〕〔云〕哎。我是你親家伯伯哩。〔劉員外云〕這厮又來了。這厮窮酸餓醋。我不聽他。〔寇準云〕我輩乃白衣卿相。時間不遇。俺且樂道甘貧。何言責其貧賤。聖人云。富與貴。是人之所以欲也。不以其道得之。不處也。貧與賤。是人之所以惡也。不以其道得之。不去也。便似那石中隱玉蚌含珠。五色光明射太虛。人懷才藝終須貴。腹有文章志有餘。君子守貧時未遂。男兒不遇氣長吁。有朝

但得風雷迅。方表人間真丈夫。哎。我是你親家伯伯。〔出門科〕詩曰。得受貧時且受貧。休將顏色告他人。梧桐葉落根須在。留着枝梢再等春。我待不過去。氣破我肚皮。我再過去。〔再見科〕〔云〕哎。我是你親家伯伯。〔雜當云〕你怎麼又來了。〔劉員外云〕這厮又來了。走將來。絮絮聒聒的。我不聽他這窮言餓語的。〔寇準云〕公之富不可盡用。我之貧不可盡欺。非是我用言分劈。藐視俺賢哉嬌客。我本是受盡鹽一介寒儒。隱風雪八員宰相。有一日步青霄折桂蟾宮。跨青鸞釣鯨北海。臥重裯天下名知。食列鼎家門盡改。鼻吟鞭滿馬春風。橫寶帶衣襟香霧。雲飛般織蓋高張。鴈翎般公人齊擺。黃閣中功顯十年。青史內名標萬載。那其間富貴榮華。〔雜當云〕敢又是親家伯伯。〔寇準打背推科〕〔云〕這厮攪了我的。〔詩曰〕你富俺貧未定。一朝轉過時運。他年金榜標名。我着你認的寇準蒙正。〔劉員外云〕那窮厮去了麼。〔雜當云〕去了也。〔劉員外云〕無甚事。後堂中飲酒去來。自恨我胡爲胡做。拋繡毬招堵聘婦。可了的打着箇貧子。禁不的他窮酸餓醋。〔下〕

第二折

〔長老引行者上〕〔長老云〕明心不把優花燃。見性何須貝葉傳。日出冰消原是水。回光月落不離天。貧僧是這白馬寺中長老。爲貧僧積功累行。累劫脩來。得悟大乘三昧。住持在此寺。朝參暮禮。今日上堂做罷好事。在此閑坐。行者。山門前覷者。看有甚麼人來。〔行者云〕理會的。〔劉員外

上」〔云〕苦無閑事惱心頭。便是人間好時節。老夫劉員外是也。自從我那女孩兒嫁了呂蒙正。那厮每日長街市上。搦筆爲生。又在白馬寺中每日趕齋。着老夫心上好生不自在。今日無甚事。去寺中對長老說一聲去來。到方丈也。行者報復去。道有劉員外。特來相訪。〔行者云〕理會的。〔報科〕〔云〕報的師父得知。有員外來了也。〔長老云〕道有請。〔行者云〕有請。〔做見科〕〔長老云〕員外。此一來有何事。〔劉員外云〕師父。老夫無事也不來。有我的女婿呂蒙正。他每日來你這寺中趕齋。他空有滿腹文章。不肯進取功名。他聽的這鐘聲響。便來趕齋。長老。老夫所煩。今後先喫了齋飯。後聲鐘。他趕不上齋呵。他自然發志也呵。他必然去尋他的道路去也。〔長老云〕我知道了也。此事易爲。員外。你自請回去也。〔劉員外云〕師父恕罪。我回私宅中去也。自今飯後聲鐘響。空到齋堂快快歸。奮志上朝去應舉。恁時方見錦衣回。〔下〕〔長老云〕小和尚。每日都喫了齋時。可與我聲鐘。等那呂蒙正若來時呵。我自有箇主意。〔呂蒙正上〕〔云〕小生呂蒙正。每日長街市上搦筆爲生。時遇冬天。下着如此般大雪。寺裏鐘響也。我去寺中趕齋去。得的一分齋飯。與我渾家食用。來到也。〔見長老科〕〔云〕師父。將齋飯來我食用。〔長老云〕無了齋也。呂蒙正。你來。我和你說。俺常住家計較來。滿堂僧不厭。一箇俗人多。你一日喫我一分齋飯。一年喫着多少。往日先撞鐘後喫齋。因爲多了齋糧。先喫了齋後撞鐘。喚做齋後鐘。你爲孔子門徒。你有滿腹文章。

你若應過舉呵。得一官半職。不強似在寺中趕齋。既爲男子漢。不識面皮羞。回去〔呂蒙正云〕我出的這門來。我爲男子大丈夫。受如此羞辱。爲我一箇齋後聲鐘。我怎生回家見我渾家的面。這和尚無禮。我瓦罐中取出這筆來。我在這壁子上寫四句詩。罵這和尚。〔寫詩科〕〔云〕男兒未遇氣冲冲。懊惱關黎齋後鐘。呀。後韻不來。且罷。齋也趕不的。哎。且回我那破窰中去也。〔下〕〔長老云〕呂蒙正去了也。我出的這山門來。是去的遠了也。這廝心裡敢怪貧僧也。〔做看詩科〕呀。他在我三三原作山趙校改門下寫下兩句詩。男兒未遇氣冲冲。懊惱關黎齋後鐘。小和尚每休着損壞了他這兩句詩。此人大志不小。異日必有崢嶸之日。無甚事。回方丈中去。兩廊無事僧歸院。再續殘燈念舊經。〔下〕〔正旦上〕〔云〕自從嫁的呂蒙正。在這破窰中。他每日在這白馬寺中趕齋。可怎生這早晚不見回來也。〔唱〕

〔正宮端正好〕夫婦取今生。緣分關前世。窮和富是我裙帶頭衣食。簾兒揭起柴門倚。專等俺投齋壻。

〔滾繡球〕聽的鐘聲響。報信息。這齋食。有次第。俺知他的情意。他待俺呵着甚回席。雖然是時下貧。有朝發憤日。那其間報答恩德。這其間不見回歸。做下碗熱羹湯。等待賢夫冷。揣着個凍酸醃。未填還拙婦的饑。有甚希奇。〔正旦云〕秀才。

這早晚敢待來也。〔劉員外同卜兒上〕〔云〕老夫劉員外。我的女孩兒。嫁了呂蒙正。想我女孩兒。富裡生。富裡長。他幾曾受這等窮來。婆婆。〔卜兒云〕老的爲甚的。〔劉員外云〕咱兩口兒看孩兒去來。將着一分香美茶飯。將着一套衣服。與孩兒穿。來到也。月娥。開門來。〔卜兒叫門科〕〔云〕孩兒在家麼。〔正旦云〕是誰喚門哩。我開開這門。〔正旦見卜兒科〕〔云〕原來是父親母親。〔唱〕

〔倫秀才〕今日箇靈鵲兒。叮叮的報喜。甚風兒吹來到俺這裡。淡飯黃齏喫甚的。〔劉員外云〕那窮厮那裡去了。〔正旦唱〕旋酒處舀了一碗熱水。抄紙處討了把石灰。教學處尋了管舊筆。〔劉員外云〕我道是做甚麼買賣。原來是排門兒。搨筆爲生。孩兒。你眼裡也識人。嫁了這麼一箇叫化頭。孩兒。跟我家去來。兀的你母親將着衣服。你便穿。替下舊的。與那窮厮穿。我將這茶飯。你便先喫了好的。剩下的與那窮厮喫。〔正旦云〕父親。你說的差了也。

〔唱〕

〔倫秀才〕你着我穿新的。他穿舊的。我喫好的。他喫歹的。常言道。夫妻是福齊。俺兩口兒過日月。着他獨自落便宜。怎肯教失了俺夫妻情道理。〔劉員外云〕女孩兒也。你戀着這箇窮秀才。有甚麼好處。三千年不能發跡。孩兒。你家去來。〔旦兒云〕我不問了。俺秀才。我不敢去。〔劉員外云〕你真箇不去。父親的言語。倒不中聽。你則向着那窮秀才。我將

這破砂鍋打碎了他。這兩箇碗也打了。把這匙筯攪折了。孩兒也。你至死也休上我門來。我也無你這等女孩兒。婆婆將那衣服茶飯小的每將着。咱家去來。〔下〕〔正旦哭科〕〔云〕父親也。你好狠也。〔呂蒙正上〕〔云〕小生呂蒙正是也。趕不的齋。天色晚將來也。還我那破窖中去。〔見正旦科〕大嫂。有甚麼人到俺家裡來。我一脚的不在家。把我銅斗兒家緣都破敗了也。〔正旦唱〕

〔倘秀才〕攪折的匙呵。如呆似癡。摔碎碗長吁嘆息。〔呂蒙正云〕端的是誰打了來。〔正旦唱〕打破砂鍋璽到底。俺娘將着一分充饑飯。俺爺抱着一套御寒衣。他兩口兒都來到這裡。〔呂蒙正云〕原來是俺岳父岳母來。他老兩口兒去了。可怎生這早晚不見哥哥來。〔寇準上〕〔云〕小生寇準是也。這幾日不曾看兄弟去。來到這破瓦窰門首。兄弟在家麼。〔呂蒙正云〕呀。哥哥來了。〔寇準云〕兄弟。你兩口兒敢相爭來。〔呂蒙正云〕俺兩口兒不曾相爭。有我丈人丈母。來到這裡。要他女孩兒家去。他不肯去也。將我家活都打碎了。〔寇準云〕原來是這等老員外無禮也。這家私也有我的一半兒。你怎生打壞了我家活。兄弟。你休煩惱。我恰纔街市上遇着一個故交的官人。他見我貧窮。齋發與我兩個銀子。教我上朝應舉去。兄弟。趁着這箇機會。咱二人上朝應舉去來。媳婦兒有甚麼囑付的言語。囑付兄弟者。〔呂蒙正云〕小姐。你守志者。我得了官時。便回來也。〔正旦云〕呂蒙正。你去則去。早些兒回來。妾身在家。不必你憂心也。

〔唱〕

〔尾聲〕則這瓦窰中將一應人皆迴避。你金榜無名誓不歸。〔云〕若得官呵。你爲義夫。妾身爲節婦。〔唱〕立一通賢達德政碑。扶起攀蟾折桂枝。帶將你那金銀還家來。報答你那妻。你若提着一箇瓦罐還家來。我可也怨不的你。〔下〕〔寇準云〕兄弟。咱收拾了行裝。上朝應舉。走一遭去。〔呂蒙正云〕哥哥。則今日收拾紙墨筆硯。俺走一遭去來。倚仗胸中七步才。攀蟾穩步上天階。布衣走上黃金殿。鳳池奪得狀元來。〔同下〕

第三折

〔呂蒙正引張千上〕〔云〕學而第一須當記。養子休教不看書。小官呂蒙正是也。到的帝都闕下。一舉狀元及第。所除本處縣令。來到這城中。也不知我那小姐。在那破瓦窰中怎生過活哩。張千。與我喚將官媒人婆來。〔張千云〕理會的。媒人婆開門來。〔淨媒婆上〕〔云〕說合先定千條計。花紅謝禮要十倍。打發的媒婆不喜歡。調唆的兩家亂一世。則我是官媒婆。門首是誰喚門。我開開這門。哥哥。喚我做甚麼。〔張千云〕過路的一箇客官。喚你說話。〔媒婆云〕咱去來。〔見呂蒙正科〕〔云〕官人。你喚我做甚麼。〔呂蒙正云〕媒人婆。你認的箇呂蒙正麼。〔媒婆云〕官人不問。我也不說。我纔忘了。你又題將起來。那厮不逢好死。將他那渾家劉月娥。撇在破瓦窰中。去了十年光景。

音信皆無。這早晚敢死去了也。〔呂蒙正云〕我不說破。教他罵到我幾時。你認的那呂蒙正麼。〔媒婆云〕我不認的。〔呂蒙正云〕你擡起頭來。睜開眼。則我便是呂蒙正。〔媒婆云〕早則不曾說你甚麼。〔呂蒙正云〕你罵的我殺也。媒婆。俺那小娘子。還在這破瓦窖中哩。未知是實是虛。媒婆。你將着一隻金釵。一套衣服。你直到那窖中。見了那小娘子。你說你那呂蒙正死了也。如今有箇過往的客官。教我將着這套衣服金釵與你。教小娘子遞一杯酒便回來。看他說甚麼。便來回我話。〔媒婆云〕我知道。不敢久停久住。直到破瓦窖中走一遭去。〔下〕〔呂蒙正云〕媒婆去了也。小官更改了衣服。也不在這裡。直至破瓦窖中走一遭去。〔下〕〔正旦上〕〔云〕自從呂蒙正上朝應舉去了。音信皆無。好是煩惱人也。〔唱〕

〔中呂粉蝶兒〕囊牖桑樞。世間窮盡都在此處。有一千箇不識消疎。范丹也索移。原憲也索趨。便有那顏回也難住。雖然是人不堪居。我觀的勝蘭堂綠窗朱戶。

〔醉春風〕恨不恨買臣妻。學不學卓氏女。破窖中熬了我數年多。受了些箇苦。苦。一飲一啄。事皆前定。也是我一生衣祿。〔云〕看有甚麼人來。〔媒婆上〕〔云〕可早來到也。小娘子在家麼。〔正旦云〕誰喚門哩。我開開這門。〔見科〕〔云〕萬福。婆婆有甚麼事。來到我這

裡。〔媒婆云〕小娘子。你索是煩惱來也。〔正旦云〕我有甚麼煩惱。〔媒婆云〕你不知呂蒙正死了也。〔正旦云〕誰這般道來。〔媒婆云〕我聽的人說。我一徑的來和你說。〔正旦云〕你休說謊。兀的不痛殺我也。〔媒婆云〕小娘子休煩惱。可不道漢子猶如南來雁。去了一千有一萬。你這般年紀小。如今有箇過路的客官。他無人來。着我將着一套衣服。一隻金釵兒。着你到那裡。與他遞一杯酒。說一句話。便來。〔正旦云〕這婆婆是何言語也。〔唱〕

〔上小樓〕你如今知咱受苦。將咱小覷。怎肯道是連累街坊。帶累親隣。敗壞風俗。凍殺我甘心死去。則這箇潑家私。覷也。那是不覷。〔云〕本待要拖你見官。看你老人家。饒了你。出去。〔媒婆云〕我出的這門來。〔呂蒙正冲上見媒婆云〕說的如何。〔媒婆云〕那裡那裡。他也不肯。罵了我一場。又出我門來了。〔呂蒙正云〕既然這等。與你些銀子。你自回去。〔媒婆云〕多謝了相公。我回去也。〔下〕〔呂蒙正云〕我入的這窰門來。小姐正煩惱哩。我也不言語。我則立在傍邊廂。看他說甚麼。〔正旦云〕誰家箇男子漢。來我窰中。可不道促風暴雨。不入寡婦之門。我向前提了這廝臉。〔呂蒙正云〕我爲你千山萬水。來到此處。你這般下的。小姐是我。〔正旦唱〕

〔普天樂〕我這裡猛然覷。擡頭覷。我道是誰家箇奸漢。卻原來是應舉的兒夫。

咱須是舊有姻關連着親腸肚。〔呂蒙正云〕小姐。我如今落薄了。不會得官。〔正旦云〕便落薄何如。〔唱〕但得箇身安樂。還家重完聚。問甚麼官不官。便待怎的。〔云〕遇與不遇。有箇比喻。〔唱〕有一箇張良也曾棄印。有一箇陶潛罷職。有一箇范蠡歸湖。〔呂蒙正云〕小姐。我也不會得官。家來了也。天色晚了。我歇息到天明。我投幾箇相識。得些盤纏。我再去應舉去來。〔正旦云〕天色晚了。蒙正你安寢者。〔唱〕

〔十二月〕走將來朝雲暮雨。似水也那如魚。又無那暖烘烘的被臥。都是些薄濕濕的衣服。明晃晃腰間甚物。怎想你那身上埋伏。

〔堯民歌〕呀。兩三層麻布裡裹珍珠。萬萬丈波心裡釣鰲魚。怕你得官酬志漢相如。倒做了好色荒淫魯秋胡。兒也波夫。冤家問一句。說罷也重完聚。〔呂蒙正云〕小姐。我不瞞你說。我故意的試探你。那媒婆也是我使他來。誰想小姐一片貞節之心。我得了本處縣令。着我衣錦還鄉。我到來日。誇官三日。我和你同享富貴。〔正旦云〕兀的不歡喜殺我也。誰想有今日也。〔唱〕

〔尾聲〕到來日慌張殺那禿院主。沒亂殺俺那一雙老父母。今日箇顯耀你那裡奪來的富。折准我那從前受過的苦。〔同呂蒙正下〕

第四折

〔寇準領張千上〕〔云〕龍樓鳳閣九重城。新築沙堤宰相行。我貴我榮君莫羨。十年前是一書生。小官寇準是也。到的帝都闕下。一舉狀元及第。今拜萊國公之職。謝聖恩可憐。着小官隨處降香。一者降香。二者因爲採訪賢士。今日是吉日良辰。左右那裡將馬來。便索降香。走一遭去。〔下〕

〔長老同行者上〕〔云〕斷絕貪嗔癡妄想。堅持戒定慧圓明。自從滅了無明火。煉的身輕似鶴形。貧僧是這白馬寺長老。聽的人說。呂蒙正得了本處官也。我打掃的這寺院乾淨。將他這兩句詩。着這碧紗籠罩着。必然來這裡燒香也。行者山門首觀者。若來時。報復我知道。〔行者云〕理會的。

〔呂蒙正同正旦上住〕〔呂蒙正云〕擺開頭簪。燒香去來。〔正旦云〕誰想有今日也呵。〔唱〕

〔雙調新水令〕破窰中節婦嬌兒擡。滿城人大驚小怪。駕車當酒壺。包土築墳臺。俺男兒日轉千堵。我和他粧些模樣。做些嬌態。〔行者云〕師父。相公來了也。〔長老云〕來了也。俺接待去來。〔呂蒙正云〕接了馬者。入的這寺門來。呀。兀的不是我趕齋來。吟下兩句詩。可怎生的着這碧紗籠罩着。想這和尚好是世情也呵。〔做見科〕〔云〕長老。你必然有箇緣故。〔長老跪科〕〔云〕相公不知。爲相公寫下這兩句詩。有龍蛇之體。金石之句。往來的人。看這詩。踏的此地苔蘚不生。因此上着這紗罩着。〔呂蒙正云〕原來是這等。揭了那紗罩者。將筆硯來。

〔做念科〕〔云〕男兒未遇氣冲冲。懊惱關黎齋後鐘。我續添兩句。十年前時塵土暗。今朝始得碧紗籠。〔長老云〕請到佛殿拈香。〔呂蒙正云〕左右看有甚麼人來。〔劉員外同卜兒上〕〔云〕我的女婿呂蒙正。得了本處縣尹也。說道在這白馬寺中。衆街坊每。牽羊擔酒。去慶賀他去了。我去寺裡認我那女婿女兒去。咱來到寺門首也。〔正旦云〕甚麼人大呼小叫的。〔長老云〕衆多街坊員外。與相公慶官來。〔正旦唱〕

〔川撥棹〕我嘆這箇老員外。積趲下些不義財。俺男兒的受了宣牌。媳婦兒的有些人才。百姓每恭心管待。那其間誰齋發呂秀才。

〔七兄弟〕你那時上街剗劃送枯柴。嚴寒天雪冷實難捱。貧家米賤凍難捱。則今日趁了方何礙。

〔梅花酒〕簾兒後猛揭開。見低首擎頭。我撚耳揉腮。有口難開。那時節尋不的一升兒米。覓不的半根柴。兀的不悞了齋。麻鞋破脚難擡。布衫破手難揣。牙關挫口難開。面皮冷淚難揩。

〔收江南〕呀。你記的滿頭風雪卻回來。今日箇一天好事奔人來。〔長老云〕行者開佛殿。朝中大人降香來也。〔正旦唱〕聽的道朝中宰相降香來。百姓每等待卻正是

月明千里故人來。〔劉員外云〕女兒女婿認了我者。〔呂蒙正云〕想着你那歹處。我不認你。祇候人與我搶出去。〔劉員外云〕天也。怎生得箇證見來好也。〔寇準上〕〔云〕錦韞駿馬三簷轍。正是男兒得志秋。小官寇平仲是也。來到這白馬寺門首也。左右接了我馬者。入的寺門來。〔做見科〕〔劉員外云〕相公與小人做主者。我的女婿忘了我的恩。〔寇準云〕呈詞告狀漫張羅。情理難容怎奈何。你告他墻下忘了親岳父。記的你窖中打破破砂鍋。一壁有者。兄弟也在這裡。兄弟也。寺門首有你丈人。你認了者。〔呂蒙正云〕哥哥。你問弟媳婦去也。〔寇準云〕弟媳婦兒。門外有你父親母親。你認他不認他。〔正旦云〕我無父母。我不認他。〔寇準云〕弟媳婦兒。看我的面。認了他也。〔正旦云〕我不認。伯伯。你認了他罷。〔寇準云〕好無禮也。有你父母。你認了者。你認便認。不認便罷了。你怎麼教我認了去。他是我的爺娘。更待干罷。則今日寫本申朝。不道的饒了你哩也。〔正旦云〕看伯伯的面。認了他便了。〔寇準云〕正是千求不如一嚇。〔呂蒙正云〕我不認他。每搶出去。〔劉員外云〕相公。你不說怎麼。〔寇準云〕兄弟。弟媳婦。你近前來。我今日叮嚀的說破。教你備細的皆知。當日那富家納婿。不容那有志書生。今日貧庶登科。豈認無情岳父。老員外怕你因貪富貴。不肯進取功名。佯爲遣趕。破窖中搦筆巡街。又教蕭寺裡鳴鐘齋後。你挺然發憤。便去求官。棄了那窮滴滴陋巷簞瓢。你今日氣昂昂腰金衣紫。咱那得錢來。可是你丈人兩錠花銀。都做了

俺一時路費。你丈人料你必登雲路。預先齊下高堂。若不是貧裡相看。您怎能穀否極生泰。不是這老泰山爲人忒歹。親女婿昂然不睬。既今日說破機關。將兩處冤讐盡解。賢夫婦執盞擎壺。自悔罪挽回春色。重教你骨肉團圓。虧殺俺朝中貴客。老員外。你認的這處事官僚。我是你親家伯伯。〔呂蒙正云〕則被你瞞殺我也。丈人。〔劉員外云〕則被你傲殺我也。女婿。〔寇準云〕天下喜事。夫婦父子團圓。則今日殺羊造酒。做一箇慶喜的筵席。〔呂蒙正云〕令人擡上果卓來者。〔正旦唱〕

〔水仙子〕狀元郎讐恨記在心懷。忤逆女將爺娘不認睬。我這裡悔過也展脚舒腰拜。望慈親免罪責。被塵埃險將我沉埋。女受了金花官誥。女婿可便緋袍玉帶。也是我苦盡甘來。〔寇準云〕住住住。您今日父子完聚。聽我下斷。世間人休把儒相棄。守寒窗終有嶢嶢日。不信道到老受貧窮。須有箇龍虎風雲會。齋後鐘設計。忍題詩。度發的卽赴科場內。黃金殿奪得狀元歸。窮秀才全得文章力。作縣尹夫婦享榮華。糟糠妻守志窮活計。則爲這劉員外雲錦百尺樓。結末了呂蒙正風雪破審記。

題目

劉員外雲錦百尺樓

正名

呂蒙正風雪破審記

破窖記穿關

頭折

劉員外

一字巾 茶褐直身
鈎子困帶 蒼白髯

家童

紗包頭 青
衣 搭膊

寇準

一字巾 圓領
雜兒 三髯髯

呂蒙正

一字巾
補納直身

雜兒
三髯髯

正旦劉月娥

花箍
裙兒

補子襖兒
布襪 鞋

梅香

髻髻箍兒
裙兒

比甲襖兒
布襪 鞋

左尋

縷子大帽
膝襪曳撒

比甲

右趨

雙簷鋼叉帽
貼裡 比甲 帶帶

補子

寇準

呂蒙正又上

同前

劉員外又上

同前

雜當
紗包頭 青衣

梅香又上

同前

第二折

長老

僧帽

袈裟 數珠

行者

僧陀頭
僧衣

劉員外 呂蒙正

同前

正旦劉月娥

手帕 補納襖
裙兒 布襪 鞋

劉員外又上

同前

卜兒

場頭手帕
裙兒

眉額

襖

呂蒙正又上

同前

第三折

呂蒙正

一字巾
領帶

補子圓

張千

攢頂

圓領

媒婆

髻髻手帕
裙兒

比甲襖兒
布襪 鞋

正旦劉月娥

媒婆又上同前 呂蒙正又上同頭折

第四折

寇準

兔兒角幞頭
圓領帶

三髯髯補子

長老行者

同前

呂蒙正

同三折

正旦劉月娥

髯髯頭面
襖兒膝欄裙


補子

布襪

劉員外卜兒寇準又上

同前

乙卯五月十二日校內本清常記



關大王獨赴單刀會

元關漢卿

第一折

〔冲末魯肅上〕〔云〕三尺龍泉萬卷書。皇天生我意何如。山東宰相山西將。彼丈夫兮我丈夫。小官姓魯名肅字子敬。見在吳王麾下爲中大夫之職。想當日俺主公孫仲謀占了江東。魏王曹操占了中原。蜀王劉備占了西川。有我荊州。乃四衝用武之地。保守無虞。分天下爲鼎足之形。想當日周瑜死於江陵。小官爲保。勸主公以荊州借與劉備。共拒曹操。主公又以妹妻劉備。不料此人外親內疎。挾詐而取益州。遂併漢中。有霸業興隆之志。我今欲取索荊州。料關公在那里鎮守。必不肯還我。今差守將黃文。先設下三計。啓過主公。說關公輒略過人。有兼併之心。且居國之上游。不如取索荊州。今據長江形勢。第一計趁今日孫劉結親。已爲唇齒。就江下排宴設樂。修一書以賀近退曹兵。玄德稱主於漢中。讚其功美。邀請關公江下赴會爲慶。此人必無所疑。若渡江赴宴。就於飲酒席中間。以禮取索荊州。如還。此爲萬全之計。倘若不還。第二計將江上應有戰船。盡行拘收。不放關公渡江回去。淹留日久。自知中計。默然有悔。誠心獻還。更不與呵。第三計壁衣內暗藏甲士。酒酣之際。擊金鐘爲號。伏兵盡舉。擒住關公。囚於江下。此人是劉備股肱之臣。若將荊州

復還江東。則放關公還益州。如其不然。主將既失。孤兵必亂。乘勢大舉。覲荊州一鼓而下。有何難哉。雖則三計已定。先交黃文請的喬公來商議則箇。〔正末喬公上〕云。老夫喬公是也。想三分鼎足以定。曹操占了中原。孫仲謀占了江東。劉玄德占了西蜀。想玄德未濟時。曾問俺東吳家借荊州爲本。至今未還。魯子敬常有索取之心。沉疑未發。今日令人來請老夫。不知有甚事。須索走一遭去。我想漢家天下。誰想變亂到此也呵。〔唱〕

〔仙呂點絳脣〕俺本是漢國臣僚。漢皇軟弱。興心鬧。惹起那五處兵刀。併董卓。誅袁紹。

〔混江龍〕止留下孫劉曹操。平分一國作三朝。不付能河清海晏。雨順風調。兵器改爲農器用。征旗不動酒旗搖。軍罷戰。馬添膘。殺氣散。陣雲高。爲將帥。作臣僚。脫金甲。着羅袍。則他這帳前旗捲虎潛竿。腰間劍插龍歸鞘。人強馬壯。將老兵驕。〔云〕可早來到也。左右報伏去。道喬公來了也。〔卒子報云〕報的大夫得知。有喬公來到了也。

〔魯云〕道有請。〔卒云〕老相公有請。〔末見魯云〕大夫今日請老夫來。有何事幹。〔魯云〕今日請老相公。別無甚事。商量取索荊州之事。〔末云〕這荊州斷然不可取。想關雲長好生勇猛。你索荊州呵。他弟兄怎肯和你甘罷。〔魯云〕他弟兄雖多。兵微將寡。〔末唱〕

〔油葫蘆〕你道他弟兄雖多兵將少。〔云〕大夫。你知博望燒屯那一事麼。〔魯云〕小官不知。老相公試說者。〔末唱〕赤緊的將夏侯惇先困了。〔云〕這隔江關智你知麼。〔魯云〕隔江關智。小官知便知道。不得詳細。老相公試說者。〔末唱〕則他那周瑜蔣幹是布衣交。那一箇股肱臣諸葛施韜略。虧殺那苦肉計黃蓋添糧草。〔云〕赤壁鏖兵那場好廝殺也。〔魯云〕小官知道。老相公再說一遍者。〔末云〕燒折弓弩如殘葦。燎盡旗旛似亂柴。半明半暗花腔鼓。橫着撲着伏獸牌。帶鞍帶轡燒死馬。有袍有鎧死屍骸。哀哉百萬曹軍敗。箇箇難逃水火災。〔唱〕那軍多半向火內燒。三停在水上漂。若不是天教有道伐無道。這其間吳國盡屬曹。

〔魯云〕曹操英雄智略高。削平僭竊篡劉朝。永安宮裡擒劉備。銅雀宮中鎖二喬。〔末唱〕

〔天下樂〕你道是銅雀春深鎖二喬。這三朝恰定交。不爭咱一日錯便是一世錯。〔魯云〕俺這里有雄兵百萬。戰將千員。量他到的那里。〔末唱〕你則待要行霸道。你待要起戰討。〔魯云〕我料關雲長年邁。雖勇無能。〔末唱〕你休欺負關雲長年紀老。〔云〕收西川一事。我說與你聽。〔魯云〕收西川一事。我不得知。你試說一遍。〔末唱〕

〔那吒令〕收西川白帝城。將周瑜來送了。漢江邊張翼德。將屍骸來當着。舡頭上魯大夫。幾乎間諺倒。你待將荊州地面來爭。關雲長聽的鬧。他可使亂下風。

雲。〔魯云〕他便有甚本事。〔末唱〕

〔鵲踏枝〕他誅文醜逞粗躁。刺顏良顯英豪。他去那百萬軍中。他將那首級輕梟。〔魯云〕想赤壁之戰。我與劉備有恩來。〔末唱〕那時間相看的是好。他可便喜孜孜笑裡藏刀。〔魯云〕他若與我荊州萬事罷論。若不與荊州呵。我將他一鼓而下。〔末云〕不爭你舉兵呵。

〔唱〕

〔寄生草〕幸然是天無禍。是嗜這人自招。全不肯施恩布德行王道。怎比那多謀足智雄曹操。你須知南陽諸葛應難料。〔魯云〕他若不與呵。我大勢軍馬。好歹奪了荊州。〔末唱〕你則待千軍萬馬惡相持。全不想生靈百萬遭殘暴。〔魯云〕小官不曾與此人相會。老相公你細說。關公威猛如何。〔末云〕想關雲長但上陣處。憑着他坐下馬。手中刀。鞍上將。有萬夫不當之勇。〔唱〕

〔金盞兒〕他上陣處赤力力三綵美髯飄。雄赳赳一丈虎軀搖。恰便似六丁神簇捧定一箇活神道。那敵軍若是見了。諕的他七魄散。五魂消。〔云〕你若和他厮殺呵。〔唱〕你則索多披上幾副甲。腰穿上幾層袍。便有百萬軍。當不住他不刺刺千里追風騎。你便有千員將。閃不過明明偃月三停刀。〔魯云〕老相公不知。我有三

條妙計。索取荊州。〔末云〕是那三條妙計。〔魯云〕第一計趁今日孫劉結親。以爲唇齒。就於江下排宴設樂。作書一封。以賀近退曹兵。玄德稱主於漢中。讚其功美。邀請關公江下赴會爲慶。此人必無所疑。若渡江赴宴。就於飲酒中間。以禮索取荊州。如還。此爲萬全之計。如不還。第二計將江上應有戰船。盡行拘收。不放關公回還。淹留日久。自知中計。默然有悔。誠心獻還。更不與呵。第三條計。壁衣內暗藏甲士。酒酣之際。擊金鐘爲號。伏兵盡舉。擒住關公。囚於江下。此人乃是劉備股肱之臣。若將荊州復還江東。則放關公歸益州。如其不然。主將既失。孤兵必亂。領兵大舉。乘機而行。觀荊州一鼓而下。有何難哉。這三條決難逃。〔末云〕休道是三條計。就是千條計。也近不的他。

〔唱〕

〔金盞兒〕你道是三條計決難逃。一句話不相饒。使不的武官粗燥文官狡。〔魯云〕關公酒性如何。〔末唱〕那漢酒中劣性顯英豪。圪塔的揪住寶帶。沒揣的舉起鋼刀。〔魯云〕我把岸邊戰船拘了。〔末唱〕你道是岸邊廂拘了戰船。〔云〕他若要回去呵。〔唱〕你則索水面上搭座浮橋。〔魯云〕老相公不必展轉議論。小官自有妙策神機。乘此機會。荊州不可不取也。〔末云〕大夫。你這三條計。比當日曹公在瀟陵橋上三條計如何。到了出不得關雲長之手。〔魯云〕小官不知。老相公試說一遍。我聽者。〔末唱〕

〔尾聲〕曹丞相將送路酒手中擎。餞行禮盤中托。沒亂殺姪兒和嫂嫂。曹孟德心多能做小。關雲長善與人交。早來到瀾陵橋。嶮說殺許褚張遼。他勒着追風騎。輕輪動偃月刀。曹操有千般計較。則落的一場談笑。〔云〕關雲長道丞相勿罪。某不下馬了也。〔唱〕他把那刀尖兒斜挑錦征袍。〔下〕〔魯云〕黃文。你見喬公。說關公如此威風。未可深信。俺這江下。有一賢士。覆姓司馬名徽字德操。此人與關公有一面之交。就請司馬先生爲伴客。就問關公平昔知勇謀略。酒中德性如何。黃文就跟着我去司馬菴中相訪一遭去。

〔下〕

第二折

〔正末扮司馬徽領道童上〕〔末云〕貧道覆姓司馬名徽字德操。道號水鑑先生。想漢家天下。鼎足三分。貧道自劉皇叔相別之後。又是數載。貧道在此江下結一草菴。修行辦道。是好幽哉也呵。

〔唱〕

〔正宮端正好〕本是箇釣鰲人到。做了扶犁叟。笑英布彭越韓侯。我如今緊抄定兩隻拿雲手。再不出麻袍袖。

〔滾綉毬〕我則待要聚村叟。會詩友。受用的活魚新酒。問甚麼瓦鉢磁甌。推臺

不換盞。高歌自擲手。任從他陰晴昏晝。醉時節。衲被蒙頭。我向這矮窗睡徹三竿日。端的是傲殺人間萬戶侯。自在優游。〔云〕道童門首覷者。看有甚麼人來。〔道童云〕理會的。〔魯肅上〕〔云〕可早來到也。接了馬者。〔見道童科〕〔魯云〕道童。先生有麼。〔童云〕俺師父有。〔魯云〕你去說魯子敬特來相訪。〔童云〕你是紫荊。你和那松木在一答里。我報師父去。〔見末云〕師父弟子孩兒。〔末云〕這廝怎麼罵我。〔童云〕不是罵。師父是師父。弟子是徒弟。就是孩兒一般。師父弟子孩兒。〔末云〕這廝潑說。有誰在門首。〔童云〕有魯子敬特來相訪。〔末云〕道有請。〔童云〕理會的。〔童出見魯云〕有請。〔魯見末科〕〔末云〕稽首。〔魯云〕區區俗冗。久不聽教。〔末云〕數年不見。今日何往。〔魯云〕小官無事不來。特請先生江下一會。〔末云〕貧道在此江下修行。方外之士。有何德能。敢勞大夫置酒張筵。〔唱〕

〔倘秀才〕我又不曾垂釣在磻溪岸口。大夫也我可也無福喫你那堂食玉酒。我則待溪山學許由。〔云〕大夫請我呵。再有何人。〔魯云〕別無他客。止有先生故友壽亭侯關雲長一人。〔末唱〕你道是舊相識壽亭侯和咱是故友。〔云〕若有關公。貧道風疾舉發。去不的。去不的。〔魯云〕先生初聞魯肅相邀。慨然許諾。今知有關公。力辭不往。是何故也。想先生與關公有一面之交。則是筵間勸幾盃酒。〔末唱〕

〔滾綉毬〕大夫你着我筵前勸幾甌。那漢劣性怎肯道折了半籌。〔魯云〕將酒央人終無惡意。〔末唱〕你便休題安排着酒肉。他怒時節目前見鮮血交流。你爲漢上九座州。我爲筵前一醉酒。〔云〕大夫。你和貧道。〔唱〕啗兩箇都落不的完全屍首。〔魯云〕先生是客。怕做甚麼。〔末唱〕我做伴客的少不的和你同病同憂。〔魯云〕我有三條計取索荊州。〔末唱〕只爲你千年勲業三條計。我可甚一醉能消萬古愁。題起來魂魄悠悠。〔魯云〕既然是先生故友。同席飲酒何妨。〔末云〕大夫既堅意要請雲長。若依的貧道兩三椿兒。你便請他。若依不得。便休請他。〔魯云〕你說來。小官聽者。〔末云〕依着貧道說。雲長下的馬

時節。〔唱〕

〔倘秀才〕你與我躬着身將他來問候。〔云〕你依的麼。〔魯云〕關雲長下的馬來我躬着身問候。不打緊也依的。〔末唱〕大夫你與我跪着膝。連忙的勸酒。飲則飲喫則喫。受則受。道東呵你隨着東去。說西呵去順着西流。〔云〕這一椿兒最要緊也。〔唱〕他醉了呵你索與我便走。〔魯云〕先生。關公酒後德性如何。〔末唱〕

〔滾綉毬〕他尊前有一句言。筵前帶二分酒。他酒性躁不中撩鬪。你則綻口兒休題着索取荊州。〔魯云〕我便索荊州有何妨。〔末云〕他聽的你索荊州呵。〔唱〕他圓睜開

丹鳳眸。輕舒出捉將手。他將那臥蠶眉緊皺。五雲山烈火難收。他若是玉山低
起。你安排着走。他若是寶劍離匣。准備着頭。枉送了你那八十一座軍州。
〔魯云〕先生不須多慮。魯肅料關公勇有餘而智不足。到來日我壁間暗藏甲士。擒住關公。便插翅
也飛不過大江去。我待要先下手爲強。
〔末云〕大夫。量你怎生近的那關雲長。
〔唱〕

〔倫秀才〕比及你東吳國魯大夫仁兄下手。則消得西蜀國諸葛亮先生舉口。
奏與那有德行仁慈漢皇叔。那先生撫琴霜雪降。彈劍鬼神愁。則怕你急難措手。
〔魯云〕我觀諸葛亮也小可。除他一人。也再無用武之人。
〔末云〕關雲長他弟兄五箇。他若是知
道呵。怎肯和你甘罷。
〔魯云〕可是那五箇。
〔末唱〕

〔滾綉毬〕有一箇黃漢升。猛似彪。有一箇趙子龍。膽大如斗。有一箇馬孟起。他
是箇殺人的領袖。有一箇莽張飛。虎牢關力戰了十八路諸侯。騎一疋豹月烏。
使一條丈八矛。他在那當陽坂。有如雷吼。喝退了曹丞相。一百萬鐵甲貔貅。他
睄一睄漫天塵土。橋先斷。喝一聲拍岸驚濤。水逆流。那一火怎肯干休。
〔魯云〕先生若肯赴席呵。就與關公一會何妨。
〔末云〕大夫不中不中。休說貧道不會勸你。
〔唱〕

〔尾聲〕我則怕刀尖兒觸抹着輕撈了你手。樹葉兒隄防打破我頭。關雲長千

里獨行覓二友。匹馬單刀鎮九州。人似巴山越嶺彪。馬跨翻江混海獸。輕舉龍泉殺車胄。怒扯昆吾壞文醜。麾蓋下顏良劍標了首。蔡陽英雄立取頭。這一箇躲是非的先生決應了口。那一箇殺人的雲長。〔云〕稽首。〔唱〕我更怕他下不的手。〔末下〕〔道童云〕魯子敬你愚眉肉眼。不識貧道。你要取索荊州。原本誤作他來問我。關雲長是我

酒肉朋友。我交他兩隻手送與你那荊州來。〔魯云〕道童你師父不去。你去走一遭去罷。〔童云〕我下山赴會。走一遭去。我着老關兩手送你那荊州。〔唱〕

〔隔尾〕我則待拖條藜杖家家走。着對麻鞋處處游。〔云〕我這一去。〔唱〕嬌犯雲長歹事頭。周倉哥哥快爭鬪。輪起刀來劈破了頭。說的我恰便似縮了頭的烏龜。則向那汴河裡走。〔下〕〔魯云〕我聽那先生說了這一會。交我也怕上來了。我想三條計已定了。怕他怎的。黃文。你與我持這一封請書。直至荊州。請關公去來。着我知道。疾去早來者。〔下〕

第三折

〔正末扮關公領關平關興周倉上〕〔云〕某姓關名羽字雲長。蒲州解良人也。見隨劉玄德爲其上將。自天下三分。形如鼎足。曹操占了中原。孫策占了江東。我哥哥玄德公占了西蜀。着某鎮守

荊州。久鎮無虞。我想當初楚漢爭鋒。我漢皇仁義用三傑。霸王英雄憑一勇。三傑者。乃蕭何韓信張良。一勇者。暗鳴叱咤。舉鼎拔山。大小七十餘戰。遍霸主自刎烏江。後來高祖登基。傳到如今。國步艱難。一至於此。〔唱〕

〔中呂粉蝶兒〕那時節天下荒荒。恰周秦早屬了劉項。分君臣先到咸陽。一箇力拔山。一箇量容海。他兩箇一時開剗。想當日黃閣烏江。一箇用了三傑。一箇誅了八將。

〔醉春風〕一箇短劍下一身亡。一箇靜鞭三下響。祖宗傳授與兒孫。到今日享。享。獻帝又無靠無依。董卓又不仁不義。呂布又一冲一撞。〔云〕某想當日。俺弟兄三人在桃園中結義。宰白馬祭天。宰烏牛祭地。不求同日生。只願同日死。〔唱〕

〔十二月〕那時節兄弟在范陽。兄長在樓桑。關某在蒲州解良。更有諸葛在南陽。一時出英雄四方。結義了皇叔關張。

〔堯民歌〕一年三謁臥龍岡。却又早鼎分三足漢家邦。俺哥哥稱孤道寡世無雙。我關某正馬單刀鎮荆襄。長江今經幾戰場。却正是後浪催前浪。〔云〕孩兒門首觀者。看甚麼人來。〔關平云〕理會的。〔黃文上云〕某乃黃文是也。將着這一封請書。來到荆

州請關公赴會。早來到也。左右報伏去。有江下魯子敬。差上將拖地膽黃文。持請書在此。〔平云〕你則在這里者。等我報伏去。〔平見正末云〕報的父親得知。今有江東魯子敬。差一員首將。持請書來見。〔正云〕着他過來。〔平云〕着他過去里。〔黃文見科〕〔正末云〕兀那厮甚麼人。〔黃文云〕小將黃文。江東魯子敬。差我下請書在此。〔正云〕你先回去。我隨後便來也。〔黃文云〕我出的這門來。看了關公英雄。一像箇神道。魯子敬。我替你愁里。小將是黃文。特來請關公。髯長一尺八。面如掙紅。青龍偃月刀。九九八十斤。脖子里着一下。那里尋黃文來。便喫筵席不來。豆腐酒喫三鍾。〔下〕〔正末云〕孩兒。魯子敬請我赴單刀會。走一遭去。〔平云〕父親。他那里筵無好會。則怕不中麼。〔正云〕不妨事。〔唱〕

〔石榴花〕兩朝相隔漢陽江。上寫着道魯肅請雲長。安排筵宴不尋常。休想道是畫堂別是風光。那里有鳳凰盃滿捧瓊花釀。他安排着巴豆砒霜。玳筵前擺列着英雄將。休想肯開宴出紅妝。

〔鬪鵲鴉〕安排下打鳳牢籠。準備着天羅地網。也不是待客筵席。則是箇殺人殺人的戰場。若說那重意誠心更休想。全不怕後人講。既然謹謹相邀。我則索親身便往。〔平云〕那魯子敬。是箇足智多謀的人。他又兵多將廣。人強馬壯。則怕父親去呵。落在

他殺中〔正唱〕

〔上小樓〕你道他兵多將廣。人強馬壯。大丈夫敢勇當先。一人拚命。萬夫難當。
〔平云〕許來大江面。俺接應的人。可怎生接應。〔正唱〕你道是隔着江起戰場。急難親傍。
我着那厮鞠躬鞠躬送我到舡上。〔平云〕你孩兒到那江東。早路里擺着馬軍。水路里擺着
戰舡。直殺一箇血衚衕。我想來。先下手的爲強。〔正唱〕

〔么〕你道是先下手強。後下手央。我一隻手摺住寶帶。臂展猿猱。劍掣秋霜。
〔平云〕父親。則怕他那里有埋伏。〔正唱〕他那里暗暗的藏。我須索緊緊的防。都是些
狐朋狗黨。〔云〕單刀會不去呵。〔唱〕小可如千里獨行。五關斬將。〔云〕孩兒。量他到的那
里。〔平云〕想父親私出許昌一事。您孩兒不知。父親慢慢說一遍。〔正唱〕

〔快活三〕小可如我攜親姪訪冀王。引阿嫂覓劉皇。灞陵橋上氣昂昂。側坐在
雕鞍上。

〔鮑老兒〕俺也曾搥鼓三鑿斬蔡陽。血濺在殺場上。刀挑征袍出許昌。嶮說殺
曹丞相。向單刀會上。對兩班文武。小可如三月襄陽。〔平云〕父親。他那里雄赳赳排着
戰場。〔正唱〕

〔剔銀燈〕折莫他雄赳赳排着戰場。威凜凜兵屯虎帳。大將軍智在孫吳上。馬如龍人似金剛。不是我十分強。硬主張。但題起廝殺呵磨拳擦掌。排戈甲。列旗鎗。各分戰場。我是三國英雄漢雲長。端的是豪氣有三千丈。〔云〕孩兒與我準備下缸隻。領周倉赴單刀會。走一遭去。〔平云〕父親去呵。小心在意者。〔正唱〕

〔尾聲〕須無那臨潼會秦穆公。又無那鴻門會楚霸王。折麼他滿筵人列着先鋒將。小可如百萬軍刺顏良時。那一場攘。〔下〕〔周倉云〕關公赴單刀會。我也走一遭去。志氣凌雲貫九霄。周倉今日逞英豪。人人開弓并蹬弩。箇箇擐甲與披袍。旌旗閃閃龍蛇動。惡戰英雄膽氣高。假饒魯肅千條計。怎勝關公這口刀。赴單刀會走一遭去也。〔下〕〔關興云〕哥哥。父親赴單刀會去了。我和你接應一遭去。大小三軍。跟着我接應父親去。到那里古剌剌繡彩磨征旗。撲撲畫鼓凱征聲。齊臻臻鎗刀如流水。密密匝匝人似朔風疾。直殺的苦淹淹屍骸徧郊野。哭啼啼父子兩分離。恁時節喜孜孜鞭敲金鐙響。笑吟吟齊和凱歌回。〔下〕〔關平云〕父親兄弟都去也。我隨後接應。走一遭去。大小三軍。聽吾將令。甲馬不許馳驟。金鼓不許亂鳴。不許交頭接耳。不許語笑喧譁。弓弩上弦。刀劍出鞘。十分此下似有脫文人人敢勇。箇箇威風。我到那里。一刀刀。兩刃劍。齊排鴈翅。三股叉。四楞錮。耀日爭光。五方旗。六沉鎗。遮天映日。七稍弓。八楞棒。打碎天靈。九股索。

紅綿套漫頭便起。十分戰十分殺。顯耀高強。俺這里雄兵浩浩渡長江。漢陽兩岸列刀鎗。水軍不怕江心浪。旱軍豈懼鐵衣郎。關公殺入單刀會。顯耀英雄戰一場。正馬橫鎗誅魯肅。勝如親父刺顏良。大小三軍。跟着我接應父親。走一遭去。〔下〕

第四折

〔魯肅上〕〔云〕歡來不似今朝喜。來那逢今日。小官魯子敬是也。我使黃文持書去請。關公欣喜。許今日赴會。荆襄地合歸還俺江東。英雄甲士已暗藏壁衣之後。令江上相候。見舡到便來報我知道。〔正末關公引周倉上〕〔云〕周倉。將到那里也。〔周云〕來到大江中流也。〔正云〕看了這大江。是一派好水也呵。〔唱〕

〔雙調新水令〕大江東去浪千疊。引着這數十人。駕着這小舟一葉。又不比九重龍鳳闕。可正是千丈虎狼穴。大丈夫心烈。〔原抄作大夫心烈。不可解。今本改。〕我觀這單刀會似賽村社。〔云〕好一派江景也呵。〔唱〕

〔駐馬聽〕水湧山疊。年少周郎何處也。不覺的灰飛烟滅。可憐黃蓋轉傷嗟。破曹的檣櫓一時絕。鏖兵的江水猶然熱。好教我情慘切。〔云〕這也不是江水。〔唱〕二十年流不盡的英雄血。〔云〕却早來到也。報伏去。〔卒報科〕〔做相見科〕〔魯云〕江下小會。酒

非洞裡之長春。樂乃塵中之菲藝。猥勞君侯屈高就下。降尊臨卑。實乃魯肅之萬幸也。〔正云〕量某有何德能。着大夫置酒張筵。既請必至。〔魯云〕黃文將酒來。二公子滿飲一盃。〔正云〕大夫飲此盃。〔把盞科〕〔正云〕想古今。嗜這人過日月好疾也呵。〔魯云〕過日月是好疾也。光陰似駿馬加鞭。浮世似落花流水。〔正唱〕

〔胡十八〕想古今立勛業。那里也舜五人漢三傑。兩朝相隔數年別。不付能見者。却又早老也。開懷的飲數杯。〔云〕將酒來。〔唱〕盡心兒待醉一夜。〔把盞科〕〔正云〕你知以德報德以直報怨麼。〔魯云〕既然將軍言以德報德以直報怨。借物不還者爲之怨。想君侯文武全材。通練兵書。習春秋左傳。濟拔顛危。匡扶社稷。可不謂之仁乎。待玄德如骨肉。觀曹操若仇讐。可不謂之義乎。辭曹歸漢。棄印封金。可不謂之禮乎。坐服于禁。水滄七軍。可不謂之智乎。且將軍仁義禮智俱足。惜乎止少箇信字。欠缺未完。再若得全箇信字。無出君侯之右也。〔正云〕我怎生失信。〔魯云〕非將軍失信。皆因令兄玄德公失信。〔正云〕我哥哥怎生失信來。〔魯云〕想昔日玄德公敗於當陽之上。身無所歸。因魯肅之故。屯軍三江夏口。魯肅又與孔明同見我主公。卽日興師拜將。破曹兵於赤壁之間。江東所費鉅萬。又折了首將黃蓋。因將軍賢昆玉無尺寸地。暫借荊州以爲養軍之資。數年不還。今日魯肅低情曲意。暫取荊州。以爲救民之急。待倉庫豐盈。

然後再獻與將軍掌領。魯肅不敢自專。君侯台鑒不錯。〔正云〕你請我喫筵席來。那是索荊州來。
〔魯云〕沒沒沒。我則這般道。孫劉結親。以爲唇齒。兩國正好和諧。〔正唱〕

〔慶東原〕你把我真心兒待將筵宴設。你這般攀今攬古。分甚枝葉。我根前使不着你之乎者也。詩云子曰。早該豁口截舌。有意說孫劉。你休目下翻成吳越。

〔魯云〕將軍原來傲物輕信。〔正云〕我怎麼傲物輕信。〔魯云〕當日孔明親言。破曹之後。荊州卽還江東。魯肅親爲擔保。不思舊日之恩。今日恩變爲讐。猶自說以德報德。以直報怨。聖人道信近於義。言可復也。去食去兵。不可去信。大車無輅。小車無軌。其何以行之哉。今將軍全無仁義之心。枉作英雄之輩。荊州久借不還。却不道人無信不立。〔正云〕魯子敬。你聽的這劍界麼。〔魯云〕劍界怎麼。〔正云〕我這劍界。頭一遭誅了文醜。第二遭斬了蔡陽。魯肅呵。莫不第三遭到你。也。〔魯云〕沒沒。我則這般道來。〔正云〕這荊州是誰的。〔魯云〕這荊州是俺的。〔正云〕你不知。聽我說。〔唱〕

〔沉醉東風〕想着俺漢高皇圖王霸業。漢光武秉正除邪。漢獻帝將董卓誅。漢皇叔把溫侯滅。俺哥哥合情受漢家基業。則你這東吳國的孫權。和俺劉家却是甚枝葉。請你箇不克己先生自說。〔魯云〕那里甚麼響。〔正云〕這劍界二次也。〔魯云〕却怎麼說。〔正云〕這劍按天地之靈。金火之精。陰陽之氣。日月之形。藏之則鬼神遁跡。出之則魘

魅潛踪。喜則懸鞘沉沉而不動。怒則躍匣錚錚而有聲。今朝席上倘有爭鋒。恐君不信。拔劍施呈。吾當攝劍。魯肅休驚。這劍果有神威不可當。廟堂之器豈尋常。今朝索取荊州事。一劍先教魯肅亡。〔唱〕

〔鴈兒落〕則爲你三寸不爛舌。惱犯我三尺無情鐵。這劍饑寒上將頭。渴飲饕人血。

〔得勝令〕則是條龍向鞘中蟄。虎在坐間發。今日故友每纔相見。休着俺弟兄每相間別。魯子敬聽者。你心內休喬怯。暢好是隨邪。吾當酒醉也。〔魯云〕臧宮動樂。〔臧宮上〕〔云〕天有五星。地攢五嶽。人有五德。樂按五音。五星者金木水火土。五嶽者常恆泰華嵩。五德者溫良恭儉讓。五音者宮商角徵羽。〔甲士擁上科〕〔魯云〕埋伏了者。〔正擊案怒云〕有埋伏也無埋伏。〔魯云〕並無埋伏。〔正云〕若有埋伏。一劍揮之兩斷。〔做擊案科〕〔魯云〕你擊碎菱花。〔正云〕我特來破鏡。〔唱〕


〔攪箏琶〕却怎生鬧炒炒軍兵列。休把我當攔者。〔云〕當着我的。呵呵。〔唱〕我着他劍下身亡。目前流血。便有那張儀口。蒯通舌。休那里躲閃藏遮。好生的送我到船上者。我和你慢慢的相別。〔魯云〕你去了倒是一場伶俐。〔黃文云〕將軍有埋伏里。〔魯云〕遲

了我的也。〔關平領衆將上〕云請父親上舡。孩兒每來迎接里。〔正云〕魯肅休惜殿後。〔唱〕

〔離亭宴帶歇拍煞〕我則見紫袍銀帶公人列。晚天涼風冷蘆花謝。我心中喜悅。昏昏慘慘晚霞收。冷颼颼江風起。急颭颭帆招惹。承管待承管待。多承謝多承謝。喚梢公慢者。纔解開岸邊龍舡。分開波中浪。棹攪碎江心月。正歡娛有甚進退。且談笑不分明夜。說與你兩件事。先生記者。百忙里趨不了老兄心。急且里倒不了俺漢家節。

題目 孫仲謀獨占江東地 請喬公言定三條計

正名 魯子敬設宴索荊州 關大王獨赴單刀會



山神廟裴度還帶

元關漢卿

頭折

〔冲末王員外同旦兒淨家童上〕〔王員外云〕耕牛無宿料。倉鼠有餘糧。萬事分已定。浮生空自忙。自家汴梁人氏。姓王名榮字彥實。嫡親的兩口兒。渾家劉氏。我在這汴梁城中。開着箇解典庫。家中頗有資財。人口順呼。喚做王員外。此處有一人。姓裴名度字中立。他母親是我這渾家的親姐姐。不想他兩口兒。都亡化過了。誰想此人不肯做那經商客旅買賣。每日則是讀書。房舍也無的住。說道則在那城外山神廟裡宿歇。大嫂。〔旦兒云〕員外。你有甚麼說。〔員外云〕我幾番着人尋那裴度來。與他些錢鈔。教他尋些買賣做。此人堅意的不肯來。〔旦兒云〕說他傲慢。你管他做甚麼。〔員外云〕看着他那父母的面上。假若來時。你多共少與他些錢鈔。我着人尋他去。人說道今日來。若來時。我自有箇主意。〔正末上〕〔云〕小生姓裴名度字中立。祖居是這河東聞喜縣人氏。小生幼習儒業。頗看詩書。爭奈小生一貧如洗。這洛陽有一人。乃是王員外。他渾家是小生母親的親妹子。俺姨夫數次教人來喚。小生不曾得去。小生離了家鄉。來到這洛陽。尋了數日。今日須索走一遭去。想咱人不得志呵。當以待時守分。何日是我那發跡的時節也呵。〔唱〕

〔仙呂點絳脣〕我如今匣劍塵埋。壁琴土蓋。三十載。憂愁的髭鬚斑白。尙兀自還不徹他這窮途債。

〔混江龍〕幾時得否極生泰。看別人青雲獨步立瑤塔。擺三千珠履。列十二金釵。我不能穀丹鳳樓前春中選。伴着這蒺藜沙上野花開。則我這運不至。我也則索寧心兒耐。久淹在桑樞褻牖。幾時能穀畫閣樓臺。〔云〕有那等人道。裴中立。你學成滿腹文章。比及你受窘時。你投托幾箇相知。題上幾首詩。也得些滋潤也。您那裡知道也。

〔唱〕

〔油葫蘆〕我則待安樂窩中且避乖。爭奈我時未來。想着這紅塵萬丈困賢才。那箇似那魯大夫親贈他這千斛麥。那箇似那龐居士可便肯放做來生債。自無了田孟嘗有誰人養劍客。待着我折腰屈脊的將詩賣。怕不待要尋故友訪吾儕。

〔天下樂〕好教我十謁朱門九不開。我可便難也波禁。難禁那等朽木材。一箇箇鋪眉苦眼粧些像態。他肚腸細。胸次狹。眼皮薄。局量窄。〔云〕此等人本性難移。〔唱〕可不道他山河容易改。〔云〕可早來到也。報復去。道有裴中立在門首。〔家童云〕你則在

這裡我報復去。員外。有裴中立在門首。〔員外云〕着他過來。〔家童云〕理會的。員外。着你過去。〔正末見科〕〔云〕姨夫。姨娘請坐。受您姪兒幾拜。〔旦兒云〕裴度。想你父母身亡之後。你不成半器。不肯尋些買賣營生做。你每日則是讀書。我想來你那讀書的窮酸餓醋。有甚麼好處。幾時能發跡也。〔正末云〕姨娘不知。聖人云。富家不用買良田。書中自有千鍾粟。小生我雖居貧賤。我身貧志不貧。〔員外云〕大嫂。人說他胸次高傲。果然如此。我雖不通古今。你是讀書人。你說那爲人的道理。我試聽者。〔旦兒云〕誰聽你那之乎者也的。〔正末唱〕

〔那吒令〕正人倫。傳道統。有堯之君大哉。理綱常。訓典謨。是孔之賢聖哉。邦反坵。樹塞門。敢管之器小哉。整風俗。遺後人。立洪範。承先代。養情性。抱德懷才。〔旦兒云〕懷才懷才。你且得頓飽飯喫者。〔正末唱〕

〔鵲踏枝〕則我這齏鹽運怎生捱。時難度與興衰。配四聖十哲。定七政三才。君聖明威伏了四海。敢則他這廟堂。臣入輔三台。〔旦兒云〕你空有滿腹文章。你則不如俺做經商的受用。你這等氣高樣大。不肯來俺家裡來。你便勤勤的來呵。我也不趕你去也。〔正末唱〕

〔寄生草〕則我這窮命薄如紙。您侯門深似海。空着我十年守定青燈捱。我若

是半生不徹黃蘗債。我穩情取一身跳出紅塵外。〔員外云〕看你這般窮嘴臉。知他是幾時能穀發跡。〔正末唱〕你休笑這孤寒裴度困悶悶。〔帶云〕則不但小生受窘。〔唱〕尙兀自絕糧孔聖居陳蔡。〔員外云〕大嫂你聽他。但開口則是攀今攬古。〔旦兒云〕裴度。你學你姨夫做些買賣。你無本錢。我與你些本錢。尋些利錢使。可不氣概。不強似你讀書。有甚麼好處。〔正

末唱〕

〔後庭花〕你教我休讀書做買賣。你着我去酸寒。可便有些氣概。你正是那得道誇經紀。我正是成人不自在。〔旦兒云〕他窮則窮。則是胸次高傲。〔正末唱〕我胸次捲江淮。志已在青霄雲外。嘆窮途年少客。一時間命運乖。有一日顯威風出淺埃。起雲雷變氣色。

〔青哥兒〕我穩情取登壇登壇爲帥。我掃妖氛息平蠻貊。你看我立國安邦爲相宰。那其間日轉千塔。喜笑迎腮。掛印懸牌。坐金鼎蓮花碧油幢。骨刺刺的繡旗開。怎時節您看我敢青史內標名載。〔旦兒云〕我本待與你頓飯喫。你這等說大言。我也無那飯。也無那錢鈔與你。你出去。〔正末云〕小生但得片雲遮頂。不在他人之下。〔旦兒云〕看了你這般嘴臉。一世不能穀發跡出去。〔正末云〕好無禮也。你數番教人來請我。來到這裡。將這

等言語。輕慢小生。罷罷罷。我凍死餓死。再也不上你家門來。〔唱〕

〔尾聲〕他則是寄着我這紫羅襪。放着我那黃金帶。想吾豈匏瓜也哉。更怕我辱沒了您門前下馬臺。有一日列簪纓畫戟門排。瓊林宴花壓帽簷歪。天香惹宮錦襟懷。你看我半醉春風笑滿腮。我將那紫絲韁慢擺。更和那三簷傘雲蓋。放心也。我不道的滿頭風雪卻回來。〔下〕〔員外云〕大嫂。裴度去了也。〔旦兒云〕去了也。

〔員外云〕他敢有些怪我。〔旦兒云〕可知哩。〔員外云〕大嫂。你不知道。恰纔我見裴度。此人非同原無同字今補小可。此人當來。必然蟬噪有日。我自有箇主意了也。他如今怪我。久以後致謝我也遲哩。

今日無甚事。我去白馬寺中走一遭去。〔下〕〔旦兒云〕安排茶飯。等員外來家食用。我且回後堂中去。〔下〕

第二折

〔長老引淨行者上〕〔云〕老去禪僧不下塔。兩條眉似雪分開。有人問我年多少。澗下枯松是我栽。老僧汴梁白馬寺長老。是也。自幼捨俗出家。在白馬寺中修行。但是四方客官。都來寺中遊翫。此處有箇秀才。姓裴名度。字中立。此人文武全才。素時遲未至。此人每日來寺中。老僧三頓齋食管待。今日無甚事。方丈中閑坐。行者門首覷者。看有甚麼人來。〔淨行者云〕阿彌陀佛。阿彌陀佛。

南無爛蒜喫羊頭。娑婆娑婆。抹妳抹妳。理會的。〔王員外上〕云。自家王彥實。來到這白馬寺中。也行者。你師父在家麼。〔淨行者云〕撲之。師父不在家。〔員外云〕那裡去了。〔淨行者云〕去姑子庵子裡做滿月去了。〔員外云〕報復去。道我王員外在於門首。〔淨行者云〕哄你耍子哩。師父。王員外在門首。〔長老云〕道有請。〔淨行者云〕有請。〔做見科〕〔長老云〕員外從何而來。請坐。〔員外云〕小人無事。可也不來。敢問長老。裴中立這幾日來也不來。每日見原無見字今補不見。〔長老云〕終日在此寺中。〔員外云〕長老。小人有一件事。央及長老。我留下這兩箇銀子。若裴度來時。〔打耳暗科〕〔長老云〕員外放心。都在老僧身上。你喫茶去。〔淨行者云〕搗蒜炮茶來。〔員外云〕不必喫茶了。長老勿罪。我出的這門來。我爲何不留裴度在我家裡住。我則怕此人墮落了功名。胸中志氣吐虹霓。爭奈文齊福不齊。一朝雲路飛騰遠。脫卻白欄換紫衣。〔下〕〔長老云〕員外去了也。老僧逐日常管齋食。今日這早晚。裴中立敢待來也。〔正末上〕云。小生裴度。前者被姨娘娘。一場羞辱。小生中心藏之。何日忘之。小生多虧這白馬寺長老。一日三齋。未嘗有缺。每談清話。甚得其清致。小生日日寺中三齋。到晚在這城南山神廟中安歇。時遇冬天。今日早間起來。出廟時尙且晴明。入的城來。一天風雪。紛紛揚揚。下着國家祥瑞。好大雪也呵。〔唱〕

〔南呂一枝花〕恰便似梅花遍地開。柳絮因風起。有山皆瘦嶺。無處不花飛。凜

冽風吹。風纏雪銀鵝戲。雪纏風玉馬垂。採樵人荷擔空回。更和那釣魚叟披簑捲起。

〔梁州〕看路徑行人絕跡。我可便聽園林凍鳥時啼。這其間袁安高臥將門閉。這其間尋梅的意懶。訪戴的心灰。烹茶的得趣。映雪的傷悲。冰雪堂凍蘇秦懶謁張儀。藍關下孝韓湘喜遇昌黎。我我我。飄的這眼眩耀。認不的箇來往回歸。是是是。我可便心慌惚。辨不的箇東西南北。呀呀呀。屯的這路瀾漫。分不的箇遠近高低。瓊姬素衣。紛紛巧剪鵝毛細。戰入百萬玉龍退。敗鱗甲縱橫上下飛。可端的羨殺馮夷。〔云〕這雪越下的大了也。〔唱〕

〔隔尾〕這其間。正亂飄僧舍茶煙濕。密灑歌樓酒力微。青山也白頭老了。塵世都不到一時半刻。可又早週圍四壁。添我在冰壺畫圖裡。〔云〕可早來到也。我入的這方丈門來。無人報復。我自過去。〔見長老科〕〔淨行者云〕裴秀才來了也。我報復去。有裴秀才。在門首。〔長老云〕恰纔說罷。裴秀才來到。請坐。行者看茶來。一壁看齋。裴秀才。這早晚不曾喫飯哩。〔淨行者云〕看齋。小葱兒鍋燒肝白腸。〔正末云〕小生多蒙吾師厚德管待。此恩終朝不忘。小生異日必當重報。〔長老云〕中立不見外。但忘懷而已。無物爲款。聊盡薄心也。〔正末唱〕

〔牧羊關〕念小生居在白屋。處於布衣。多感謝長老慈悲。爲小生緣薄。承吾師厚禮。見一日無空過。整三頓飽齋食。我今日患難哀憐我。久以後得崢嶸答報你。〔長老云〕先生。近者有一等閭閻市井之徒。暴發爲人。妄自尊大。追富傲貧。據先生滿腹才學。爲

人忠厚。處於布衣。其理

理下疑有脫誤

善惡兩途。豈不嘆哉。〔正末云〕吾師不知。如今有等輕薄之子。重

色輕賢。眞所爲井底之蛙耳。何足掛齒也。〔唱〕

〔罵玉郎〕有那等嫌貧愛富的兒曹輩。將俺這貧傲慢。把他那富追陪。那個肯恤孤念寡存仁義。有那一等靠着富貴。有千萬喬所爲。有那等誇強會。〔長老云〕秀才。眞乃英才之輩。比他人不同也。〔正末唱〕

〔感皇恩〕他顯耀些飽暖衣食。賣弄些精細伶俐。怎聽他假文談。胡答應。強支持。出身於市井。便顯耀雄威。則待要邀些名譽。施些小惠。要些便宜。〔長老云〕眞乃君子小人不同也。〔正末唱〕

〔採茶歌〕無才學有權勢。有文章受驅馳。長老道的是鶴長鳬短不能齊。比小生剩趨浮財潤自己。比吾師身穿幾件蛇蝻皮。〔長老云〕行者。看齋食裏秀才喫。共話一日。肚中餓了也。〔淨行者擺齋科〕〔正末云〕小生逐日定害。何以克當。〔長老云〕先生何故如

此發言。你則是未遇間。久以後必當登雲路。行者。門首看者。看有甚麼人來。報復我知道。〔外扮趙野鶴上〕〔云〕觀物觀容知禍福。相形風鑑辨低高。道號皆稱無虛子。肉眼通神趙野鶴。貧道姓趙。雙名野鶴。道號無虛道人。自幼習學風鑑。貧道我斷人生死無差。相人貴賤有准。是這汴梁人氏。此處白馬寺。有一僧人。乃是惠明長老。是我同堂故友。此人自幼捨俗出家。貧道在此貨卜爲生。每日到於寺中閑坐。今日到於寺中。探望長老。走一遭去。可早來到也。行者。你師父在方丈中麼。〔淨行者云〕師父方丈中有。〔野鶴云〕報復去。〔淨行者云〕理會的。報的師父。有趙野鶴在於門首。〔長老云〕有請。〔淨行者云〕先生。師父有請。〔見科〕〔長老云〕先生數日不見。請坐。〔野鶴云〕長老請坐。〔長老云〕裴中立。你與先生相見者。此人乃趙野鶴。善能風鑑。斷人生死貴賤如神。〔正末云〕小生雖與足下識荆。所煩相小生禍福者。〔野鶴做驚科〕〔云〕此位秀才何人。〔長老云〕先生。此人姓裴名度。字中立。學成滿腹文章。未曾進取功名。有煩先生。相裴秀才幾時爲官。〔野鶴云〕秀才。你恕罪。我這陰陽有准。我斷人禍福無差。可惜也。你看你凍餓紋入口。橫死紋鬚角連眼。魚尾相牽入太陰。游魂無宅死將臨。下侵口角如煙霧。即目形軀入土深。可憐也。你明日不過午。你一命掩泉土。明日巳時前後。你在那亂輓瓦之下。板僵身死。可憐也。〔正末云〕此人見小生身上藍縷。故云如此。特地眇視於小生。好世情也呵。〔野鶴云〕秀才。你休怪。我是肉眼

通神相。看你面貌上。無一部可觀處。你看你五露三尖六極。五露者是眼突耳反鼻仰唇掀喉結。經曰。一露二露。有衫無袴。露若至五。天壽孤苦。五露俱無。福壽之模。六極者。頭小爲一極。夫妻不得力。額小爲二極。父母少溫習。目小爲三極。平生少知識。鼻小爲四極。農作無休息。口小爲五極。身無剩衣食。耳小爲六極。壽命暫朝夕。我與你細細的詳推。〔正末唱〕

〔賀新郎〕通神的許負細詳推。地閣天倉。蘭臺廷尉。則他那山根印堂人中貴。五露三停六極。龍角魚尾伏犀。肉眼藏天地理。風鑑隱鬼神機。斷禍福。觀氣色。占凶吉。這廝好世情看冷暖。人面逐高低。〔野鶴云〕秀才。你休怪小子。我敢斷人生死無差。生則便生。死則便死。相法中無有不準。江湖上誰不知道肉眼通神相。人皆稱呼我做無虛道人。〔正末唱〕

〔哭皇天〕噤聲。這廝得道誇經紀。學相呵說是非。無半星兒真所爲。衡一剗說兵機。〔云〕裴度怨他怎的。〔唱〕大剛來則是我時兮命矣。我雖在人閭閻之下。眉睫之間。又不比斗筭之器。疥癬之疾。雖然是我身貧。我身貧志不移。我心經綸天地。志扶持社稷。

〔烏夜啼〕穩情取禹門三級登鰲背。振天關平地聲雷。看堂堂圖像麒麟內。有

一日列鼎而食。衣錦而回。那其間青霄獨步上天梯。看姓名亞等呼先輩。攀龍鱗。附鳳翼。顯五陵豪氣。吐萬丈虹霓。〔野鶴云〕相法所斷何故大怒。〔長老云〕裴中立雖然相法中如此斷。也看人心上所積。可不道人有可延之壽也。〔野鶴云〕小子無虛言也。〔正末

唱〕

〔煞〕噤聲。我則理會的先王之道斯爲美。正是不患人之不己知。則你是箇巧言令色打家賊。不辨箇貴賤高低。按不住浩然之氣。你看我登科甲便及第。若是我金榜無名誓不回。有一日我獨步丹墀。〔長老云〕秀才再答話一回去波。〔正末不

辭出門科〕〔云〕罷罷罷。〔唱〕

〔尾聲〕雖是我十年窗下無人比。穩情取一舉成名天下知。〔野鶴云〕可惜此人文齊福不至也。〔正末唱〕我既文齊福不齊。脫白襴換紫衣。列虞候擺公吏。那威嚴那英氣。那精神那雄勢。腆着胸脯。撚着髭髯。寶雕鞍側坐。鎮鐵鐙斜挑。翠藤鞭款裏。縷金轡輕搖。笑吟吟喜春風驟馬嬌嘶。列紫衫銀帶。擺繡帽宮花。簇朱幢早蓋。擁黃鉞白旄。那其間酬心願。遂功名。還故里。〔下〕〔長老云〕裴中立含怒而去。〔野鶴云〕可惜裴秀才。明日不過午。必定掩泉土。此人死於亂甌瓦之下。板僵身死。長老小子

告回也。〔長老云〕先生再坐一會兒去。〔野鶴云〕小子不必坐。明日再來望。我出的寺門來。且回我家中去也。〔下〕〔長老云〕裴中立如此造物。〔淨行者云〕苦哉也。〔長老云〕老僧且回方丈中。待到明日。若日午之後。裴中立若來時。萬千歡喜。若午後真箇不來。老僧領着行者。親身直到城外山神廟。看裴秀才。走一遭去。〔下〕〔淨行者云〕阿彌陀佛。這一會打在亂輒瓦底下。苦也苦也。〔下〕〔韓夫人同韓瓊英上〕〔云〕花有重開日。人無再少年。休道黃金貴。安樂最值錢。老身姓李。夫主姓韓。夫主爲洛陽太守。別無得力兒男。止有一女。小字瓊英。嫡親的三口兒家。爲因上司差國舅傅彬。計點河南府錢糧。至此洛陽。問我夫主要下馬錢一千貫。因我夫主在此洛陽。秋毫無犯。家無囊畜之資。亦難去科斂民財。我夫主未曾應酬。以此傅彬懷恨。不期傅彬使過官錢一萬貫。後來事發到官。問傅彬追徵前項贓物。不想傅彬指下夫主三千貫贓。都省無好官長。奏聞行移至本府。提下夫主。下於縲紲。賠贓三千貫。事以不明。難爲伸訴。爭奈下情不能上達。何須分辨。休越朝廷法例。舒心賠納。家中收拾。止設送飯日用而已。俺兩口兒面上衆親戚。齋助一千貫。老身止生的這箇孩兒。因父祖名家。老身嚴加訓教。此女讀書吟詩寫字。在城裡外。多虧我這女孩兒。懷羞擲筆。題詩救父之難。得市戶鄉民惻隱。一則爲他父清廉。二則因我這女孩兒孝道。半年中抄化到一千貫。陸續納入官。前後二千貫。尙有一千貫未完。夫主未能脫禁。孩兒也。恁的呵

如之奈何。〔瓊英云〕母親。您孩兒今日早上街。有人道小姐。城中關裡。人事上也絮絮了。近日朝廷差一一下似脫李字公子。來此歇馬。今日往城東去了也。有人見在郵亭上賞雪飲酒觀梅。你去那裡走一遭。但得些滋潤。便轂了也。妾身想來也說的是。不會與母親說知。未敢擅便。〔卜兒云〕既然如此。你今日便索出城東往郵亭處投奔那公子。走一遭去。孩兒。你疾去早來。休着我憂心。〔下〕
〔瓊英云〕理會的。我收拾灰罐筆便索往郵亭投奔李公子。走一遭去。〔下〕〔外扮李公子上〕
〔云〕祖父艱辛立業成。子孫榮襲受皇恩。爲臣輔弼行肱股。保助皇朝享太平。某姓李名文俊。字邦彥。今奉聖人命。爲因各處濫官污吏。苦害良民。或有山間林下。懷才抱德。隱跡埋名。屈於下流。着某隨處體察採訪。某來到這洛陽歇馬。紛紛揚揚。下着國家祥瑞。領着從人。將着紅乾臘肉。酒果盃盤。來至這城東郵亭上。你看那雪飄梅放。正好賞心樂事。〔祇候云〕大人滿飲一盃。〔把盞科〕〔公子云〕這早晚這雪越下的大了也。慢慢的飲幾盃。〔瓊英上〕〔云〕妾身韓瓊英。出的這城來。一天風雪。雖然如此受苦。我爲父母。也是我出於無奈。說話中間。兀的不到郵亭也。這一簇人馬。那公子正在郵亭上飲酒哩。我拂了我這頭上雪。上郵亭去者。〔李公子見科〕〔云〕大雪中一箇女子。提着箇灰罐。上這郵亭來。必然是題詩。〔祇候云〕兀那女子那裡去。〔公子云〕祇候人休驚說着他。着那箇女子近前來。〔祇候云〕女子你靠前。把體面。〔瓊英放下灰罐科〕〔李公子

云「兀那女子。誰氏之家。姓甚名誰。因何大雪中。提着箇灰罐兒。來這郵亭上。有何事。你試說一遍者。」（瓊英云）妾身洛陽太守韓廷幹之女。爲因朝廷差國舅傅彬。計點河南各府錢糧。來至此洛陽。問家尊要下馬錢。共起馬錢。爲因家尊治官廉潔。秋毫無犯。家無囊畜之資。亦難去科斂民財。正道公行。不曾應酬。傅彬懷恨。不想傅彬賊心。侵使過官錢一萬貫。後因事發。問傅彬追徵前項贓物。誰想傅彬懷挾前讐。指家尊三千貫。都省無好官長。奏聞行移。文書至本府。提下家尊。下於縲紲。賠贓三千貫。事以不明。難爲伸訴。既下情不能上達。何須分辯。休越朝廷法例。舒心賠納。家中收拾。止穀送飯日用而已。父母面上衆親戚處。齋助了一千貫。父母止生妾一箇。因父祖名家。老母家訓。教妾讀書。吟詩寫字。城裡城外。妾身懷羞。無計所奈。搦筆題詩。救父之難。得市戶鄉民側隱。一則爲父清廉。二則因妾孝道。半年中抄化到一千貫。陸續納入官府。前後納穀二千貫了。如今尙有一千貫未完。不能穀救我父親脫禁。聽知的大人在此郵亭中賞雪觀梅。妾身特來大人處獻詩。（公子云）卻原來是爲傅彬那箇逆賊攀指。累及好人。無故繫獄。此天理何在。日月雖明。不照覆盆之下。看說此一事。韓公實是冤枉。兀那小姐。汝父既是如此。你何不伸訴你父冤枉。與朝廷辯明此事。（瓊英云）係是朝廷法例。焉肯與賊子折證辯明。情願舒心賠納。（公子云）朝廷有如此廉良之臣。埋沒於斯。兀那小姐。如今你父親合納三千貫贓。有二千貫也。尙有

一千貫未完。又難得如此孝道之女。天地神明。豈無照察。李邦彥也。可不道見義不爲無勇也。我有這兩條玉帶。價值三千貫。兀那小姐。我與你救父賠贓。成此勝事。兀那小姐。既然你會吟詩。你就指這雪爲題。作詩一首。可不好。若有詩。此玉帶便與你。若無詩呵。這玉帶不與你。〔瓊英拜科〕

〔公子云〕兀那祇候。你隨身帶着那文房四寶。與那女子紙筆。教他寫。〔祇候云〕理會的。〔祇候與旦紙筆科〕

〔云〕兀那女子。與你紙筆。〔瓊英做尋思寫科〕

〔云〕詩就了也。我就寫在這紙上。〔做寫科了〕

〔公子云〕好寫染也。我試看者。詩曰。合是今年喜瑞新。皇天輔得玉麒麟。太平有象雲連陌。普濟禎祥救萬民。〔公子云〕噯。此詩中意。題雪褒獎。甚有比喻。此女子非凡。再吟詠一首。看後意如何。小姐。你既有如此大才。可指雪再吟詠一首。〔瓊英云〕既公子命妾拙才。再題一首。〔寫科了〕

〔公子看云〕詩曰。呈祥遍垓飛瓊鳳。表瑞騰空壓素鸞。爲國於民能潤物。休將樹稼等閑看。噯。此詩中意。有世教。有機見。有志氣。有彼此。得詩家之興也。非我多事。休嫌絮煩。指此梅花。再詠一首。〔旦云〕既公子命妾再題一首。〔又寫科〕

〔公子看云〕詩曰。性格孤高幽谷栽。清香獨不染纖埃。歲寒一點貞如許。待許春回向暖開。此詩中志氣不小。這首詩是白梅。你覷。兀那窗外。臘梅一樹。你何不指臘梅。煩作一首。〔旦又寫科了〕

〔公子看云〕詩曰。時人未識顏如臘。惟妾心知清似冰。志在中央得正氣。暗香別是一般清。此女子天資天才兩絕。詩不構思。出語走筆成。

文非同小可。詠此四絕句。豈不清致。大志不淺。此女子有丈夫之剛。又兼父廉母嚴女孝。此一言。言當是門字之誤古今稀有。小官聞知汝父之冤枉。某奉命專察不明之事。我將此一事。我自動文書。往京師奏知。兀那小姐。你將此帶去。此帶價直千貫。救父完賊脫禁。〔做與帶科〕〔旦謝科〕〔云〕索是謝了大人深恩厚意。〔公子云〕你休如此說。你便去救你父親去。小官在此洛陽。體察的如此一庄事。我不敢久停久住。則今日便索住京師去也。覆命親身離洛陽。一門忠孝有綱常。女孝父廉遭危難。拔擢英賢奏帝王。〔下〕〔旦云〕感謝祖宗。不想遇着公子。得一條玉帶。價值千貫。可救父難。得脫縲紲之災。我不敢久停。將着玉帶。報知母親去。〔下〕

第三折

〔山神上〕〔云〕霹靂響曉震山川。蒼生拱手告青天。有朝雨過雲收斂。兇徒惡黨又依然。吾神乃此處山神是也。此處洛陽有一人。乃是裴度。此人滿腹文章。爭奈文齊福不至。每日晚間。在此廟中安歇。此人更兼壽夭。可憐裴度。明日午前。當死在此廟中磚瓦之下。此廟當崩摧塌。原無塌字今補敗。吾神在此廟中閑坐。下着如此般大雪。看有甚麼人來。〔瓊英上〕〔云〕我出的這門來。這雪越下的大了。可怎生是好。路傍有一座山神廟兒。我且入這廟兒裡。略歇息者。待雪定便行。一箇草鋪兒。我且在這上面坐者。走這一日。覺我這身子。有些困倦。我權且歇息者。將這玉帶。放在這葉薦

下貼牆兒放着。我略合眼者。〔旦歇息了做猛省科〕〔云〕嗨。不覺睡着。天色晚了也。恐閉了門。母親懸望呀。雪覺小些兒。我出的這廟門來。則怕晚了天色。趕城門去來。〔下〕〔正末上〕〔云〕小生裴度是也。誰想今朝在寺中。受這一場煩惱。天色將晚。雪覺小了。我回往那山神廟去也。裴中立。我想儒冠多誤身。似這般齷齪的日月。幾時是了也呵。〔唱〕

〔正宮端正好〕我愁見古松林。我這裡便怕到兀那崩摧廟。我可便嘆吾生久困蓬蒿。看別人青霄有路終須到。知他我何日朝聞道。

〔滾繡毬〕今日見那趙野鶴。他觀了我相貌。他道凍餓紋耳連着口角。橫死紋鬢接着眉梢。他道我主福祿薄。更壽夭。則他那相法中無他那半星兒差錯。他道我斷的准也不錯分毫。我平生正直無私曲。一任天公饒不饒。這的是善與人交。〔云〕來到這山神廟也。我與你拂了這頭上雪。入的這廟來。這廟如此疎漏。又待倒也。如之奈何。〔唱〕

〔醉太平〕我則見泥脫下些仰托。更和這水浸過這笆箔。我則見梁槽椽爛柱根糟。這的是欠九分來待倒。這一座十疎九漏山神廟。如十花九冽寒冰窖。似十摧九塌草團瓢。比着那漏星堂較少。〔云〕陰能剋晝。晚了也。我歇息者。涼起這頭巾。脫

了這泥靴。衣服就身上偎乾。〔唱〕

〔倘秀才〕水頭巾供卓上控着。泥靴脚土牆邊晾着。〔云〕裴中立也。〔唱〕我可甚買賣歸來汗未消。淒涼愁今夜。猶自想來朝。藁薦上和衣兒睡倒。〔云〕我這脚冷。

我且起來盤着脚坐一坐。等溫的我這脚。稍暖和呵。再睡。〔做墊住科〕〔云〕好是奇怪也。〔唱〕

〔呆骨朵〕我恰纔待盤膝裏脚向亭柱上靠。這藁薦下墊的來偌高。我這裡悄悄量度。好着我暗暗的暗約。〔云〕我試抹藁薦下者。〔做拿起帶科〕〔云〕是一條帶。〔唱〕不由我小膽兒心中怕。諛的我小鹿兒心頭跳。那一箇富豪家失忘了。天阿天阿。把我這窮魂靈兒險諛了。〔云〕我起身來。穿上這靴。開開這門。這雪兒晃的明。我試看者。是一

條玉帶。〔唱〕

〔倘秀才〕我辨認的分分曉曉。我可便惹一場煩惱煩惱。我今夜索思量計萬條。若有人來尋覓。我權與他且收着。我兩隻手捧托。〔云〕嗨。是一條玉帶。這的是那尋

梅的官長每經過。跟隨伴當每。在此避雪。不小心忘了。倘若你那官人到家。問你這玉帶呵。他將甚麼還他。不逼了人性命。小生雖貧。我可不貪這等錢物。明日若有人來尋。山神。你便是證見。我兩隻手便還他。也是好勾當。我爲這玉帶。一夜不曾得睡。早天色明也。我忍着冷。將着這玉帶。我

且趕在這廟背後。看有甚麼人來。〔韓瓊英同夫人上〕〔夫人云〕夜來孩兒在郵亭上賣詩。遇着李公子。與了一條玉帶。說價直千貫。孩兒回家來。說在那山神廟裡歇腳避雪。將玉帶忘在那廟裡。俺娘兒每一夜不曾睡。今日絕早出城來。尋那玉帶。孩兒。你在那箇廟兒裡來。〔旦云〕母親。兀的那箇廟兒便是在這裡面避雪來。我放在這葉薦底下來。天那。無了這玉帶也。爲父坐禁題詩。則少一千貫贖未完。不想遇着李公子。得這條玉帶。價值千貫。若賣了時。救俺父得脫禁。不想我忘在此處不見了。我再幾時得一千貫錢。我不能殺救我父離獄。又不能殺盡孝之心。有何面目立於天地之間。母親。我也顧不的你也。要我這性命做甚麼。我解下這胸前胸帶。我尋箇自盡。〔夫人云〕我夫不能脫禁。要我一身何用。我解下這胸帶來。不如我尋箇自盡罷。〔正末慌入廟科〕〔云〕住住住。你何故覓死也。〔唱〕

〔脫布衫〕我見他迷溜沒亂心。痒難揉。悲切切雨淚嚎咷。一箇他哭啼啼揉〔揉原改〕生就死。一箇他急煎煎痛傷懷抱。〔云〕螻蟻尙然貪生。爲人何不惜命。你有何緣故。在此覓死也。〔夫人云〕哥哥。你那裡知道那。〔正末唱〕

〔小梁州〕借問你箇老嫗緣由。女艷嬌。你因甚事細說根苗。〔云〕你有甚麼冤枉。在此覓死。你從頭至尾說一遍者。〔旦云〕我看來。這箇人必是箇儒人秀士。哥哥不嫌絮煩。聽妾身

從頭至尾說一遍者。妾身乃洛陽韓太守的女孩兒。這箇是我母親。嫡親的三口兒家屬。父親在此爲理。與人秋毫無犯。爲因上司差傅彬來河南點檢錢糧。傅彬到此洛陽。問我父要上馬錢下馬錢。我父不肯與他。後來傅彬爲侵使過官錢。追贓賠納。不想傅彬賊子。懷挾前讐。指家父三千貫贓。奏聞行移。至本府提下家父下於繯絢。賠贓三千貫。事以不明。難爲伸訴。下情不能上達。何須分辨。不敢越朝廷法例。舒心賠納。家中收拾。止穀送飯日用而已。父母面上親戚處。助一千貫。父母止生妾身一箇。因父祖名家。老母家訓。教妾讀書。吟詩寫字。在城裡外。妾身懷羞擲筆。題詩救父難。得市戶鄉民惻隱。一則爲父清廉。二則因妾孝道。半年中抄化了一千貫。陸續納入官。前後二千貫。尙有一千貫未完。父親未能脫禁。則見一日城市中有人對妾言說。小姐。這城中關廟裡外。人事上也絮絮了。近日朝廷差一公子來此歇馬。今日說在城東去。有人見在郵亭賞雪飲酒哩。若到那裡。一則題筆賣詩。二則訴父冤枉。但得些滋潤。般你賠贓也。聽的說罷。急走出城。來至郵亭。正見公子賞雪飲酒。見妾問其緣故。妾將前事盡訴其情。公子甚是憐念。又命妾題詩。妾隨作詩數首。公子甚喜。就賜腰間玉帶一條。價直千金。與妾身救父脫禁。妾欲要回城中。到此半路。風緊雪大。妾在此廟中歇脚避雪。不覺身體困倦。在此歇息。我將玉帶放在蘆薦下。猛然省來。誠恐天晚。母親在家懸望。妾身慌走出廟來。又怕關了城門。緊走到家中。老母問其緣故。忽然想起玉帶來。急要來取。城門已閉。俺娘女二人。一夜不曾睡。今日早挨門出。

來入的廟門來尋。誰想不見了玉帶。則覷着這條玉帶。救父脫禁。我既不能救父。又不能盡孝。我因此尋自盡。〔夫人云〕哥哥。我則覷着這箇孩兒。他尋自盡。夫主又不能出禁。要我身何用。我也尋箇自盡。也是俺出於無奈也。〔正末云〕好可憐人也。〔唱〕爲尊君冤枉坐囚牢。賣詩呵把父母恩臨報。小姐也。你可是麼家富小兒嬌。〔旦云〕哀哀父母。生我劬勞。養小防老。積穀防饑。妾雖女子。亦盡孝也。〔正末唱〕

〔么篇〕你道是從來養小防備老。都一般哀哀父母劬勞。〔帶云〕先聖有言。身體髮膚。受之父母。不敢毀傷。孝之始也。〔唱〕你便怎生捨性命尋自吊。〔帶云〕揚名於後世。以顯父母。孝之終也。〔唱〕這的可也方爲全孝。〔云〕父母全而生之。子全而歸之。可爲孝也。〔唱〕則這的是爲人子立的根苗。〔夫人云〕據先生說呵。也說的是。爭奈我夫主無辜受禁。眼睜睜不得脫難。則覷着這條玉帶救夫主。不見了。似此這般。一千貫贓。幾時納的了也。〔正末云〕夫人。小娘子。假若有這玉帶呵呢。〔夫人云〕若有這玉帶呵。便是救了俺一家性命也。〔正末云〕假若無了這玉帶呵呢。〔夫人云〕俺一家兒便是死的。都不得活也。〔正末云〕老夫人。小娘子。放心。玉帶我替你收着哩。〔旦云〕先生勿戲言。〔正末云〕孔子門徒。豈有戲言。〔正末做取帶科〕〔云〕娘子。兀的不是帶。還你。〔旦接科〕〔云〕兀的不正是此帶。索是謝了先生。〔夫人云〕孩兒也。俺娘

兒兩箇一齊的拜謝先生者。〔正末云〕不敢不敢。〔夫人云〕先生救活我一家之恩。此義非輕也。世間似先生者。世之罕有。處於布衣窮薄之中。千金不改其志。端的是仁人君子也。〔正末云〕不敢不敢。世間似小娘子貞孝之女。自古孝子多。孝女少。女子中止有兩三箇人也。〔夫人云〕是那兩三箇。先生試說。老身洗耳願聞者。〔正末唱〕

〔叨叨令〕當日箇賈氏爲父屠龍孝。楊香爲父跨虎曾行孝。曹娥爲父嚔江孝。今日箇瓊英爲父題詩孝。端的可使感天地也波哥。端的可使感天地也波哥。爲父母呵。男女皆可盡人之孝。〔夫人云〕先生那裡鄉貫。姓甚名誰。〔正末云〕小生姓裴名度。字中立。祖居河東聞喜縣人氏。父母早年亡化過了。因囊篋俱乏。未曾求進。淹留在此。〔夫人云〕早是遇着先生。若是遇着別人呵。可怎了也。假若秀才藏過。則說無也罷。可怎生舒心還此帶。先生端實古君子之風也。〔正末云〕夫人言者差也。〔唱〕

〔塞鴻秋〕我則待簷衣淡飯從吾樂。我一心待要固窮守分天之道。我則待存心謹守先王教。〔旦云〕先生恰纔不與此帶。無計所奈也。〔正末唱〕可不道君子不奪人之好。〔夫人云〕老身一家處於患難。先生亦在窘迫。故使先生救我一家性命。〔正末唱〕夫人處患難。小生甘窮薄。咱正是搖鞭舉棹休相笑。〔夫人云〕老身同小女告回也。〔正末云〕老

夫人小娘子。勿罪。難中缺茶爲獻。實爲惶恐。小生送出廟去。〔夫人云〕先生免送。〔正末唱〕

〔倘秀才〕出廟門送下澀道。近行徑轉過牆角。這的是貧不憂愁富不驕。〔旦云〕妾身看了秀才。若非古之君子。豈有如此局量。此還帶之恩。異日必當重報於足下。毛詩云。投之以木桃。報之以瓊瑤。焉敢忘恩人之大德也。〔正末唱〕你道是投之以木桃。報之以瓊瑤。小人怎敢比古人量作。〔旦云〕此時世俗。惟先生之一人。禮義廉恥道德之風。餘者俗子。受不明之物。取不義之財。〔似有脫字〕有幾人也。〔正末云〕皇天無私。惟德是輔。〔唱〕

〔滾繡球〕咱人命裡有呵福祿增。〔云〕暗室虧心。神目如電。〔唱〕命裡無呵災禍招。〔云〕近之不遜。遠之又怨。〔唱〕受不明物呵不合神道。〔云〕不義而富且貴。於我如浮雲。〔唱〕取不義財呵枉物難消。〔旦云〕據先生如此大量。當來發達於世。豈不壯哉。〔正末唱〕有一日螭龍奮頭角。風雲醉碧桃。酬志也五陵年少。軒昂也當發英豪。伴旌旗日暖。龍蛇動。看宮殿風微。燕雀高。鴈塔名標。〔夫人云〕先生請回。〔正末云〕小生再送兩步。〔廟倒科〕〔旦云〕呀。倒了這山神廟也。〔夫人云〕早是秀才不在裡面。〔正末驚科〕〔云〕陰陽有准。禍福無差。信有之也。〔唱〕

〔煞〕陰陽有准無虛道。好一箇肉眼通神趙野鶴。咱人這禍福難逃。吉凶怎避。

莫得執迷。枉了徒勞。判斷在昨日。分已定。前生果應於今朝。若是碎磚瓦裡。命終得這身天。險些兒白骨臥荒郊。〔夫人云〕先生爲何如此驚嘆。必有其情。乞請知之。〔正末云〕老夫人不知。小生昨日在白馬寺中。遇一相士。說小生今日不過午。一命掩泉土。今日午前。死於碎磚瓦之下。今日果應其言。小生若不爲還此帶。送出老夫人小姐來呵。小生正遭此一死也。〔夫人云〕皆是先生陰德太重。救我一家之命。因此遇大難不死。必有後程。准定發跡也。

〔正末唱〕

〔尾聲〕我但得一朝冠蓋向長安道。趁着這萬里風頭鶴背高。有一日享榮華受官爵。早則不居無安食無飽。〔旦云〕此恩此德。時刻未忘。〔夫人云〕我記着先生這箇模樣。請箇良工。寫像傳真。侍奉終日。燒香供養先生也。〔正末唱〕你道是這恩臨決然報。常記着休忘了。命良工寫像傳真。點燭燒香。你將我來供養到老。〔下〕〔夫人云〕合是我夫主得脫禁難。遇此等好人也。〔旦云〕母親。咱回家。將此帶貨賣一千貫鈔。救父出禁。那其間。咱可報裴秀才之恩。未爲晚矣。〔夫人云〕黃金不改英雄志。白馬焉能污己身。這秀才文章正是行忠孝。必享皇家爵祿恩。〔同下〕

楔子

〔長老引淨行者上〕〔云〕事不關心。關心者焦。貧僧是白馬寺長老。昨日有趙野鶴。偶然遇裴中立。相此人今日不過午。一命掩泉土。此趙野鶴斷生死無差。〔淨行者云〕裴秀才苦也。板僵身死。〔長老云〕惜哉裴秀才。滿腹文章。壽算不永。今日這早晚。不見裴秀才來。〔淨行者云〕這早晚已定死在那碎磚瓦底下。苦惱也。〔趙野鶴上〕〔云〕貧道趙野鶴。今日無甚事。白馬寺中望惠明長老。走一遭去。可早來到也。〔見行者云〕行者報復去。道有趙野鶴在於門首。〔淨行者云〕你又來了。〔淨行者報科〕〔云〕師父。有趙野鶴在於門首。〔長老云〕敢是趙野鶴麼。〔淨行者云〕是趙野鶴。〔長老云〕有請。〔見科〕〔長老云〕先生請坐。〔野鶴云〕昨日相那裴中立。今日不過午。必死於碎磚瓦之下。板僵身死。〔長老云〕可惜此人滿腹文章。〔野鶴云〕長老。蓋因命運所係也。〔長老云〕行者看茶湯來。〔淨行者云〕理會的。搗蒜烹茶。〔長老云〕看有甚麼人來。〔正末上〕〔云〕小生裴中立。趙野鶴真肉眼通神相。果應其言。險死於碎磚瓦之下。雖然如此。我今日到白馬寺。尋趙野鶴。走一遭去。可早來到也。行者。〔淨行者云〕你是人也是鬼。〔正末云〕我是人。怎生是鬼。師父在方丈裡麼。〔淨行者云〕你則在這裡。師父有裴秀才在門首。〔野鶴云〕你敢差認了也。這早晚在那碎磚瓦之下。板僵身死了也。再那裡得箇裴秀才來。〔淨行者云〕他見在門首哩。〔長老云〕你請他來。〔淨行者見正末云〕秀才。師父有請。〔正末見長老云〕長老支揖。〔長老驚

科〕〔正末云〕兀的不是趙野鶴。可不道你無虛道。你道我今日不過午。一命掩泉土。午前死在碎磚瓦之下。板僵身死。這早晚午後也。可怎生不死也。〔野鶴云〕住住住。好是奇怪也。裴秀才你今日氣色。比昨日不同。長老。你看他那福祿文眉梢侵鬢。陰陽文耳根入口。富貴氣色。四面齊起。裴秀才。你久後必然拜相位也。〔淨行者云〕你這陰陽不濟事了。你也是多裡撈摸。〔長老云〕先生可是爲何。比昨日全不同也。〔野鶴云〕長老不知。這秀才必有活三四箇人性命的陰陽。若不是如何得這氣色。比昨日全別了。氣色都轉的好了。〔正末云〕我是一窮儒。那裡行陰陽去。〔野鶴云〕秀才。你休瞞我。你必然有活人的陰陽。你實說。〔正末云〕罷罷罷。小生是讀書人。豈可欺心。昨日在此遇先生。相小生今日不過午。必死於碎磚瓦之下。小生含恨而去。大雪中到於山神廟中草鋪上。欲要歇息。不想蘆薦底下一條玉帶。小生見了。就在山神跟前發願。這玉帶必是那尋梅賞雪的官人。跟隨的伴當在此歇腳避雪。忘在此處。若到家中。他那官人問他要這玉帶呵。不逼臨了人性命。小生曾言。明日但有人來尋這帶呵。我雙手奉還這帶。到天明。小生將着玉帶。纔在山神廟後面。無一時。則見有娘女二人。徑直來到廟中。來尋此帶不見。娘女二人痛哭不已。二人解下胸帶。都要懸梁自縊。小生慌忙向前。解救二人。問其緣故。則說那女子具說情由。他乃是洛陽韓太守之女。他父爲傅彬指三千貫贖。韓公平昔奉公守法。廉幹公謹。上司行移到本府。

提下太守追贓。韓公恐越朝廷法例。舒心賠納。其家甚窘。衆親戚齋助了一千貫。其太守有一女。小字瓊英。爲無錢賠贓。自己提灰罐在街撿筆。城裡關廂市戶鄉民。共憐他父清女孝。衆人齋助有一千貫。尙少一千貫未完。韓公不能脫禁。忽一日有人指引。道近間有李公子。上命差來。此處歇馬。體察民情。你何不謁托公子處。但得些滋潤。可不穀你父賠贓也。女子聽說了也。慌忙尋到城東郵亭上。不想李公子正賞雪飲酒哩。見此女子。問其緣由。此女子盡訴其情。公子哀憐甚矣。遂命女子吟詩。不想此女子連作詩數首。有大儒之才。李公子大喜。遂解腰間玉帶。價值千貫。賜與女子。救父賠贓。此女子得了玉帶。路逢大雪。到小生歇的那山神廟裡歇脚。將玉帶放在藁薦下。此女子身體困倦。盹睡着了。忽然睡醒。恐怕天晚。關閉城門。忘卻玉帶。走進城來。到的家中。他那母親。問其緣故。猛然想起玉帶來。急要尋去。城門關閉了。第二日挨門出來。至山神廟尋此帶。不見。那女子道。甫能得此玉帶。價值千貫。救父脫禁。不想失了此帶。要我這性命做甚麼。我不如懸梁自縊。他母親言道。你父見在難中。你又尋自盡。要我何用。不如我也尋箇自盡。小生聽罷。慌忙將着此帶。還與韓瓊英。娘女二人。深思深思疑惑不盡。再三拜謝小生。因問小生姓甚名誰。小生告訴間。送二人出山神廟。娘女二人拜謝不盡。小生又送幾步。出的廟門。正行之際。則聽的響一。聲。把那山神廟忽然倒塌。小生猛然思量起先生所斷之言。我今日不過午。一命掩泉土。我

若不爲還此帶。送他娘女二人出廟門呵。那得小生性命來。先生。小生因此不死了也。〔野鶴云〕如何。我這相法不差。你今日全然換的氣色別了。爲何如此說。這的是莫瞞天地莫瞞神。心不瞞人禍不侵。十二時中行好事。災星變作福星臨。〔長老云〕裴中立。趙野鶴的相法無差。皆因你陰陽太重。今日轉禍爲福也。〔野鶴云〕長老。小子相人多矣。未嘗有這等一庄事。小生借長老的方丈。小生沽酒。與裴中立相賀。有何不可。〔長老云〕先生。好好好。堪可貧僧備齋。看有甚麼人來。〔野鶴遞酒科了。〕〔夫人上。〕〔云〕老身韓夫人是也。昨日裴中立。救活我全家性命。今日送飯。將此話說與夫主。夫主有命。將拙女瓊英。願與裴中立爲妻。老身問人來。說裴中立在白馬寺中。我尋到此。來到方丈。我自過去。〔見科。〕〔夫人云〕長老萬福。秀才大恩。不敢有忘。今日與夫主送飯。具說此事。夫主大喜。〔野鶴云〕適來中立所言。正是此端。〔夫人云〕先生。夫主深感中立之恩。無以報答。將拙女瓊英。倘中立不嫌殘粧貌陋。願與中立爲妻。待夫主出禁。成此婚姻。二位勿哂。〔野鶴云〕此夙緣先契。淑女可配君子也。〔長老云〕夫人。俺先與中立謝允肯之親者。〔野鶴云〕夫人。雖然如此。中立當以功名爲重。必當先進功名。後妻室也。〔正末云〕難得先生如此厚意。小生也有此心。爭奈小生囊篋消乏。不能前進。〔野鶴云〕小生有馬一匹。送與先生。權代脚步。往京師去。〔長老云〕既野鶴助馬。老僧收拾盤纏。白銀兩錠。權爲路費。〔正末云〕小生何以克當。〔夫

人云」據中立文武全才。輔祚作助皇朝。男兒四方之志。文行忠信。人之大本也。則要你着志者。

〔正末云〕夫人放心也。〔唱〕

〔賞花時〕立忠信男兒志四方。居王佐丹扈定八荒。撫萬姓定邊疆。或是做都堂爲相。那其間衣錦可兀的卻還鄉。〔下〕〔夫人云〕長老先生勿罪。老身回去也。〔長老云〕老夫人。裴秀才這一去。必然爲官也。〔夫人云〕若裴中立得了官呵。不忘了長老先生之恩。老身不敢延遲。將此事說與夫主去。〔下〕〔野鶴云〕我觀裴中立相貌氣色。此一去必然重用也。〔長老云〕老僧略備酒果。俺二人直至十里長亭。與中立餞行。有何不可。〔野鶴云〕好好好。俺二人餞行。走一遭去。〔同下〕

第四折

〔太守上〕〔云〕王法條條誅濫官。刑名款款理無端。掌條法正天心順。治國官清民自安。老夫韓廷幹是也。先任洛陽太守。爲因傅彬侵使過官錢一萬貫。事發到官追徵。不想傅彬懷恨。指老夫三千貫贓。屈囚牢內。依命賠贓。家下止有夫人小女瓊英。爲老夫家緣窘迫。衆親戚處齎助一千貫。小女題詩抄化到一千貫。又遇李邦彥。因爲洛陽歇馬。就採訪賢良。按察奸黨。見小女題詩訴冤。李公子就與玉帶一條。價值千貫。賠贓完備。方脫縲紲。幸得李公子實知老夫冤枉。先勸文書。

於都省。後馳驛馬。回奏聖人。方知前因。聖人可憐。將老夫賠過贓三千貫。盡給還老夫。一則上不違朝廷法例。二不費百姓之勞。又見某家父廉母嚴女孝。謝聖人可憐。陸老夫都省參知政事。彼見小女得公子玉帶。忘在山神廟。遇一人裴度還帶。救活我全家之命。老夫在禁中。曾許小女以妻裴度。不想今日裴度。今日選考。此人文武全才。聖人大喜。加以重用。借都省頭答。誇官三日。老夫就將此事奏知。愈加其喜。奉聖人命。着老夫就招裴度爲婿。令官媒挑絲轎。掛影神。左右紅裙翠袖。捧小女於樓中拋繡毬。招狀元爲婿。老夫分付官媒左右。且休說是韓相公家。看裴度肯不肯。那其間明開也未遲哩。等成親之後。老夫回奏謝恩。御賜深蒙享驛遷。承恩拜舞御堦前。綵樓招婿成佳配。當今聖主重英賢。〔下〕〔張千上〕〔云〕自家張千奉相公命。結起綵樓。招攬新婿。怎生不見媒人來。〔媒人上〕〔云〕自家官媒人的便是。有韓相公招攬新婿。今日結起綵樓。要招女婿。張千萬福。〔張千云〕這箇官媒婆。老相公使人來問你。你在那裡來。〔媒人云〕你知道好日多同麼。恰纔七八十處說親的哩。我都不答應。我來這裡來。〔張千云〕老相公台旨。如今結起綵樓。着小姐綵樓上等那新狀元。着你擎着絲轎攔住着。小姐拋繡毬兒招新狀元。等狀元問你是誰家招婿。你且休說是韓相公家。等接了絲轎。下了馬。相見畢。那其間纔與他說知。〔媒人云〕我理會的。都安排完備了也。請小姐上綵樓。〔張千云〕請山人。這早晚不見來。〔山人上云〕科了住。

〔瓊英上〕〔云〕妾身韓瓊英。自我父離禁。多虧李公子奏知聖人。將我父宣至京師。謝聖人可憐。陸我父都省參知政事。我父就將裴中立還帶一事奏知。不想裴中立又中狀元及第。今日誘官。我父親結起綵樓。招裴狀元。這早晚敢待來也。〔正末上〕〔云〕小官裴度。到的帝都闕下。爲某文武皆通。一舉狀元及第。今日借宰相頭答。誘官三日。誰想有今日也呵。〔唱〕

〔雙調新水令〕想着我二十年埋沒洛陽塵。今日箇起鰲龍一聲雷震。一來是文章好立身。二來是天子重賢臣。好德親仁。束帶冠巾。演武修文。溫故知新。咱人要修天爵正方寸。〔張千云〕媒婆元的不頭答。繖蓋狀元來了也。〔媒人云〕香風淡淡。天花墜。天花點點。香風細。馬頭高喝狀元來。今宵好箇風流婿。韓相今朝結綵樓。狀元得志逞風流。夫妻今日成姻眷。全然一對不識羞。〔正末唱〕

〔慶東原〕居廊廟當縉紳。習詩書學禮易。從先進君子務本。忘食發憤。能正其身。酬志了白玉帶紫朝服。茶褐傘黃金印。〔媒人云〕瑤池謫降玉天仙。今夜高門招狀元。瓊釀金盃長壽酒。新郎舒手接絲轎。請狀元接絲轎。〔正末唱〕

〔川撥棹〕展圖像掛高門。綵樓新接着絳雲。我自見皓齒珠唇。翠袖紅裙。簇捧着箇霧鬢雲鬟的美人。見官媒將導引。他道招狀元爲婿。不邀媒不問肯。擎

絲鞭捧玉樽。〔做不睬科〕〔媒人云〕狀元接絲鞭。請下馬。飲狀元酒。〔正末云〕祇候人擺着頭答

行。〔媒人云〕天外紅雲接綵樓。狀元誇職御塔遊。月宮擁出羣仙隊。試看嫦娥拋繡毬。狀元請下馬接絲鞭。〔旦云〕將繡毬來。〔小旦遞繡毬科〕〔媒人云〕繡毬打着狀元了。請狀元下馬接絲鞭。就親。年少風流美狀元。溫柔可喜女嬋娟。今宵洞房花燭夜。試看狀元一條鞭。〔正末唱〕

〔殿前歡〕你道是擢新人。今宵花燭洞房春。繡毬兒拋得風團順。肯分的正中吾身。〔媒人云〕請狀元下馬就親。〔正末唱〕硬逼臨便就親。〔媒人云〕狀元下馬就親。洞房花燭。燕爾新婚。〔正末唱〕噤聲。你那裡無謙遜。〔媒人云〕毛詩云。淑女可配君子。〔正末唱〕那裡是正押毛詩韻。你倒做了有傷風化。誰就你那燕爾新婚。〔媒人云〕請狀元

下馬就親。〔正末云〕我有妻室難就親。〔媒人云〕雖然狀元有婚。這家裡聖旨在此。〔正末慌科〕

〔二云〕既然有聖旨。左右接了馬者。〔媒人云〕請狀元上綵樓請坐。〔分東西坐定科〕〔媒人云〕霧鬢雲鬟窈窕娘。繡毬打中狀元郎。夫妻飲罷交盃酒。準備今宵鬧臥房。〔山人做撒帳科〕〔云〕狀元穩坐紫驂騮。褐羅襪下逞風流。新人繡毬望着狀元打。永遠相守到白頭。〔喝平身住〕〔云〕請狀元女壻上綵樓請坐。將五穀銅錢來。夫妻一對坐帳中。仙音一派韻輕清。準備洞房花燭夜。則怕今朝好殺人。好撒東方甲乙木。養的孩兒不要哭。狀元緊把香腮搨。咬住新人一口肉。又撒西

方庚辛金。養的孩兒會賣針。狀元緊把新人守。兩箇一夜胸脯不離心。再撒南方丙丁火。養的孩兒恰似我。狀元走入房中去。趕的新人沒處趨。後撒北方壬癸水。養的孩兒會調鬼。狀元若到紅羅帳。扯住新人一條腿。再撒中央戊己土。養的孩兒會擂鼓。一口咬住上下唇。兩手便把胸前握。夫人相公老尊堂。狀元新人兩成雙。山人不要別賞賜。今朝撒罷捉梅香。〔正末唱〕

〔喬牌兒〕幾曾見酩子裡兩對門。〔媒人云〕係是百年前宿緣仙契。〔正末唱〕你道是五百年宿緣分。〔媒人云〕請狀元拜岳父岳母。相見禮畢。成親。有聖旨在此。〔正末唱〕他道是奉君王聖旨爲盟信。終不道我爲媳婦拜丈人。〔旦云〕問那狀元。他那前妻姓甚名誰。是何人家子女。〔媒人云〕狀元說有婚。姓甚名誰。〔正末唱〕

〔水仙子〕想起他那芙蓉嬌貌蕙蘭魂。楊柳纖腰紅杏春。海棠顏色江梅韻。他恨不的上青山變化身。這其間賣登科尋覓回文。這裴中立身榮貴那韓瓊英守志貞。我怎肯與別人做了夫人。〔媒人云〕狀元說的是小姐的名字。我對小姐說去。〔見旦拜科〕〔云〕小姐。恰纔裴狀元說的是小姐的名字。他道是裴中立身榮貴。韓瓊英守志貞。他怎着別人做了夫人。〔旦云〕裴中立既如此憶舊。真才良君子也。狀元。你認的妾身麼。則我便是韓瓊英。〔正末云〕原來是瓊英小姐。〔唱〕

〔鴈兒落〕誰承望楚陽臺做眷姻。藍橋驛相親近。武陵溪尋配偶。桃源洞成秦晉。〔韓公上〕〔云〕令人安排慶喜的筵宴。〔正末云〕官媒請太山坐。我拜見行禮者。〔媒人云〕狀元。

你頭裡不肯。這早晚慌做甚麼。〔正末唱〕

〔得勝令〕敬親者不敢慢於人。〔韓公云〕狀元。今日酬志。如此軒昂。〔正末唱〕享富貴必有異於人。〔旦云〕還帶之恩。配合姻眷。兩意俱完。各遂其心矣。〔正末唱〕小生我懷舊意。無私志。小姐白玉帶知恩必報恩。〔韓公云〕老夫蒙恩驟遷。夫人三月蠶鹽。小女甘貧行孝。今日一家富貴。誰想有今日也。〔正末唱〕爲岳丈公勤。掌都省三臺印。老夫人忠貞。小姐守一百日蠶鹽。清淡貧。〔韓公云〕請老夫人來。〔夫人上見正末云〕裴中立喜得美除。

〔正末云〕老夫人請坐。〔拜科〕〔夫人云〕免禮免禮。〔韓公云〕安排果卓將酒來。我與裴中立遞一盃。〔趙野鶴同長老上〕〔長老云〕野鶴。誰想裴中立一舉成名。韓公奏知。聖旨就着與韓公做婿。俺二人來至京師。今日與裴中立賀喜。走一遭去。〔野鶴云〕俺二人來到韓相公宅上。與裴中立作慶。走一遭去。可早來到也。報復去。道有洛陽白馬寺長老與趙野鶴來見相公。〔張千云〕相公門首有洛陽白馬寺長老與趙野鶴來見相公。〔正末云〕我接待去。〔見科云〕長老勿罪。〔長老云〕相公崢嶸有日。奮發有時。〔正末云〕有請有請。二位見老相公去。〔二人見韓公科〕〔正

末云「老相公。這箇便是趙野鶴。這箇便是白馬寺長老。」野鶴云「老相公。我今日賀萬千之喜也。」正末云「若非長老與野鶴齋助鞍馬銀兩。裴度豈有今日也呵。」韓公云「二位請坐。將酒來。我替裴狀元遞一盃。」王員外同旦兒上。「云」自家王員外。聽知的裴度得了官。在韓相公家爲了堵。俺兩口兒來到韓相公家門首。與裴中立賀喜。走一遭去。「旦兒云」王員外。則怕裴中立不肯認俺麼。「員外云」不妨事。放着我哩。可早來到也。張千報復去。有洛陽王員外兩口兒。特來賀喜。「張千云」相公。門首有洛陽王員外兩口兒。特來相賀。「正末云」你說去。他不過來。更待着我接待他那。「張千云」俺相公說來。你自不過去。更待着俺相公接待你那。「員外云」可早一句也。大嫂。咱過去來。「見正末科」。「云」裴狀元。我道你不是受貧的人。「正末云」將酒來。我與岳父遞一盃。「韓公云」裴相公。誰想有今日也。「飲酒科了」。「正末云」將酒來。我與野鶴遞一盃。「野鶴云」相公。當日小生相法有准麼。「正末云」多蒙先生風鑑。左右人收拾果卓來。「王員外云」裴狀元。更做你高傲着。你強殺則是我外甥。我歹殺是你姨夫姨娘。你與別人遞了酒也。可怎生不與我遞酒。想着我遠遠而來。非爲酒食。可不道敬親者不敢慢於人。「正末云」他原來撒酒風。「員外云」我幾曾嗜來。「正末云」左右將四箇銀子來。「做與銀子科」。「云」長老。想小生未遇之時。常在寺中。多蒙長老管待。又與我兩錠銀子。今日本利還四錠。「長老云」多謝了相公。「正末

云〕左右。再將兩箇銀子來。將鞍馬來。春衣二套。與野鶴先生。一來還其前債。二來與先生做壓卦錢。〔員外云〕原來如此。長老。你事到今日也。你不說。等到幾時。〔長老云〕住住住。今日老相公在此。裴相公你息怒。這人不說不知。木不鑽不透。冰不拊不寒。膽不嚐不苦。貧僧我叮嚀的說破着。相公備細的皆知。裴狀元則爲你自小孤獨守志貧。你那詩書滿腹隱經綸。只爲長者關親故。你相謁投托要安身。王員外見你那浩然一股鴻鵠志。因此上故意相輕傲慢親。相公你隱隱含恨離宅院。你前來寺院見貧僧。我那齋食管待相應。王員外他暗寄兩錠雪花銀。你要上朝赴選求官去。囊篋消乏怎動身。這野鶴駿馬親相送。兩錠銀可是你這尊親轉贈君。你今日夫榮婦貴身榮顯。祿重官高受皇恩。則爲你當初才學德行難酬志。方信道親的原來則是親。〔正末云〕長老不說。裴度怎知。姨夫姨娘請坐。則被你瞞殺我也。姨夫。〔員外云〕則被你傲殺我也。姪兒。〔韓公云〕安排慶喜的筵席。〔李邦彥上云〕九重天上君恩至。四海皆蒙雨露恩。小官李邦彥。自到京師。將洛陽韓太守一家忠節行孝之事奏知。聖人甚喜。後取韓公入朝重用。不想韓公將裴度還帶一事。奏知聖人。後裴度赴京中選。奉命將韓廷幹的女。配與裴度爲妻。今日命小官直至韓廷幹宅中加官賜賞。可早來到也。韓廷幹。裴度。聽聖人命。聖明主至德寬仁。差小官體察民情。因傳彬貪財好賄。犯刑憲誣賴忠臣。只爲你妻賢女孝。因此上取赴到京。韓廷幹則爲你屈賠。

賊奉公守法。坐都堂領省揚名。你渾家守志節清貧甘苦。加你爲賢德夫人。韓瓊英你行孝道賣文糊筆。裴中立原抄無此三字今補你還玉帶有救死之恩。裴中立吏部冢宰。韓瓊英配合成親。國家喜的是義夫節婦。愛的是孝子順孫。聖明主加官賜賞。一齊的望闕謝恩。

題目

郵亭上瓊英賣詩

正名

山神廟裴度還帶

裴度還帶穿關

頭折

王員外一字巾圓領旦兒髻髻手帕比甲襖家童紗包頭青正末裴度散巾補

納直身兒三髯髻

第二折

長老僧帽行者僧陀頭王員外正末裴度同趙野鶴散巾道袍三髯髻裙兒韓

夫人場頭手帕補納襖兒布襪鞋韓瓊英手帕補納襖兒布襪鞋李邦彥一字巾補子圓張

千攢頂圓領韓瓊英又上同前提灰罐

第三折

山神鳳翅盔膝欄曳撒袍項帕韓瓊英正末裴度韓瓊英夫人同

楔子

長老行者趙野鶴。正末裴度。夫人同前

第四折

韓太守

一字巾領帶

補子圓蒼白髯

張千

同前

媒人

旦兒同前

山人

方巾身

青直繼兒

韓瓊英

花箍子襖兒

補

膝襴裙布襪鞋

正末裴度

幘頭三髭髯

偏帶笏

韓太守又上前

同前


夫人

場頭手帕兒裙兒布襪鞋

趙

野鶴長老王員外旦兒李邦彥同前

萬曆四十三年乙卯七月初八日校內本清常道人



鄧夫人苦痛哭存孝

元關漢卿

頭折

〔冲末淨李存信同康君立

立原文作利據
新舊五代史改

上〕〔李存信云〕米罕整斤吞。抹鄰不會騎。弩門并速門。

弓箭怎的射。撒因荅刺孫。見了搶着喫。喝的莎塔八。跌倒就是睡。若說我姓名。家將不能記。一對忽刺孩。都是狗養的。自家李存信的便是。這箇是康君立。俺兩箇不會開弓蹬弩。也不會厮殺相持。哥哥會唱。我便能舞。俺父親是李克用。阿媽喜歡俺兩箇。無俺兩箇呵。酒也不喫。肉也不喫。若見俺兩箇呵。便喫酒肉。好生的愛俺兩箇。自破黃巢之后。太平無事。阿媽復舊的城池地面。着俺五百義兒家將。各處鎮守。阿媽的言語。將邢州與俺兩箇鎮守。那裡是朱溫家後門。他與俺父親兩箇不和。他知俺在邢州鎮守。他和俺相持厮殺。俺兩箇武藝不會。則會喫酒肉。倘或着他掣將去了。殺壞了俺兩箇。怎了。〔康君立云〕如今阿媽將潞州上黨郡與存孝。鎮守潞州地面。喫好酒好肉去。如今我和你兩箇。安排酒席。則說辭別阿媽。灌的阿媽醉了。咱兩箇便說邢州是朱溫家後門。他與阿媽不和。倘若索戰。俺兩箇死不打緊。着人知道呵。不壞了阿媽的名聲。着李存孝鎮守邢州去。可不好麼。〔李存信云〕俺兩箇則今日安排酒席。辭別父親。去走一遭來。我是李存信。

他是康君立。兩箇真油嘴。實然是一對。〔同下〕〔李克用同劉夫人領番卒子上〕〔李克用云〕番番番。地惡人犇。騎寶馬。坐雕鞍。飛鷹走犬。野水荒山。渴飲羊酥酒。餓殮鹿脯乾。鳳翎箭手中施展。寶雕弓臂上斜彎。林間酒闌。胡旋舞呵者。丹青寫入畫圖間。某乃李克用是也。某襲封幽州節度使。因帶酒打了段文楚。貶某在沙陀地面。已經十年。因黃巢作亂。奉聖人的命。加某爲忻代石嵐都招討使。破黃巢天下兵馬大元帥。自離了沙陀。不數日之間。到此壓關樓前。聚齊二十四處節度使。取勝長安。被吾兒存孝擒了鄧天王。活挾了孟截海。搗打了張歸〔歸原文作國歸。新舊唐書改〕霸。十八騎悞入長安。大破黃巢。復奪了長安。聖人的命。犒勞某手下義兒家將。但是復奪的城池。着某手下義兒家將去各處鎮守。隄備盜賊。今日太平無事。四海晏然。正好與夫人衆將。飲酒快樂。小校安排下酒殺。可怎生不見周德威來。〔周德威上〕〔云〕帥鼓銅鑼一兩敲。轅門裡外列英豪。三軍報罷平安喏。緊捲旗旛不動搖。某姓周名德威字鎮遠。山後朔州人也。今從李克用共破黃巢。太平無事。某爲番漢都總管。今日元帥有請。不知有甚事。須索走一遭去。可早來到也。報復去。道有周德威來了也。〔卒子云〕理會的。報的元帥得知。有周德威在於門首。〔李克用云〕道有請。〔卒子云〕理會得。有請。〔做見科〕〔周德威云〕元帥。周德威來了也。〔李克用云〕將軍。今日請你來。不爲別的。想存孝孩兒。多有功勞。我許與了他潞州上黨郡。與存孝孩兒鎮守。把邢州與李存信康

君立鎮守去。怎生不見李存信。康君立來也。〔李存信同康君立上〕〔李存信云〕阿媽心內想。忽然到跟前。哥哥你放心。我這一過去。見了阿媽說了呵。便着存孝往邢州去。〔康君立云〕兄弟。只要你小心用意者。〔李存信云〕阿媽阿者。想當初一日。阿媽的言語。將潞州上黨郡與俺兩箇鎮守來。今日阿媽與了存孝。可着俺兩箇邢州去。〔做悲科〕〔李克用云〕孩兒存信。你做甚麼哭。〔李存信云〕阿媽。俺兩箇也早起晚夕舞者。唱者。扶持阿媽歡喜。怎下的着您兩箇孩兒往邢州去。〔康君立云〕阿媽。想邢州是朱溫的后門。他與阿媽不和。倘若索戰。俺兩箇不會甚麼武藝。倘若拏將俺兩箇去了。俺兩箇死不打緊。阿媽喫起酒來。尋俺兩箇舞的唱的。不在眼面前。阿媽不想成病。那其間生藥舖裏。贖也贖不將俺兩箇來。〔李存信云〕阿媽。怎生可憐見。着俺兩箇去潞州去。把邢州與存孝兩口兒鎮守罷。可也好。〔李存信把盞科〕〔云〕哥哥將酒來。與阿媽把一盞。〔李克用云〕好兩箇孝順的孩兒。我着往潞州上黨郡去呵。便了也。〔康君立云〕既是這等。謝了阿媽者。〔周德威云〕他兩箇有甚麼功勞。把他潞州上黨郡去。想飛虎將軍。南征北討。東蕩西除。困來馬上眠。渴飲刀頭血。他可以潞州去。他兩箇去不的。〔李克用云〕周將軍說的是。小校與我喚將存孝兒兩口過來者。〔卒子云〕理會的。〔正旦同李存孝上〕〔李存孝云〕岩前打虎雄心在。敢勇當先敵兵敗。上陣全憑鐵飛搥。扶立乾坤唐世界。某本姓安名敬思。鴈門關飛虎峪靈丘縣。

人氏。幼小父母雙亡。多虧鄧大戶家中撫養。成人長大。我就與他家牧羊。有阿媽李克用。見某有打虎之力。招安我做義兒家將。封我做十三太保飛虎將軍李存孝。就着我與鄧大戶家爲壻。自從跟着阿媽。十八騎誤入長安。大破黃巢。天下太平無事。聖人的命。將俺義兒家將復奪的城池。着俺各處鎮守。阿媽的言語。着俺兩口兒去潞州上黨郡鎮守。今有阿媽呼喚。不知有甚事。須索走一遭去。可早來到此也。夫人。我和你休過去。你看阿媽阿者。大吹大擂。敲牛宰馬。烹飪美味。五百番部落胡兒胡女扶持着。是好是受用也。〔正旦云〕存孝。今日父親飲宴。喚俺兩口兒。俺見阿媽阿者去。聽了這樂韻悠揚。常好是受用也呵。〔唱〕

〔仙呂點絳脣〕則聽的樂動聲齊。他是那大唐苗裔。排親戚。今日俺父母相隨。可正是龍虎風雲會。

〔混江龍〕則俺這沙陀雄勢。便有那珠圍翠繞不稀奇。置造下珍羞百味。又不比水酒三杯。每日則是魚鳳烹龍。眞受用。那一日不宰羊殺馬做筵席。把些箇封那義兒家將。得都成立。一箇箇請官受賞。他每都廕子封妻。〔云〕存孝。我和你未過去。先望阿媽者。可早醉了也。〔李存孝云〕咱不過去見阿者。阿媽身上澆的那酒呵。你見兩邊廂扶持着呵。十分的醉了也。〔正旦唱〕

〔油葫蘆〕我見他執盞擎壺忙跪膝。他那裡撒滯。阿媽那錦袍上全不顧酒淋漓。可正是他不擇不揀乾乾的喫。他那裡剛扶剛策。醺醺的醉。一壁廂動樂器是大體。將一面鼉皮畫鼓。鑿鑿播悠悠的慢品。鷓鴣笛。

〔天下樂〕你覷兀那大小的兒郎。列的整齊。端的是虛也波實。享富貴。我則見傍邊廂坐着周德威。一壁廂擺着品殺番官。每緊緊隨。我則見軍排在兩下裡。〔云〕咱過去見阿媽去來。〔李存孝云〕咱過去來。〔做見科〕〔李存孝云〕阿媽。您孩兒存孝兩口

兒來了也。〔李克用云〕存孝孩兒來了。別的小孩兒每各處鎮守去了。今日吉日良辰。你兩口兒便往邢州鎮守去。康君立。李存信。你兩箇孩兒。往潞州上黨郡鎮守去。〔李存孝云〕阿媽當日未破黃巢時。阿媽的言語。若你破了黃巢。天下太平。與你潞州上黨郡鎮守。阿媽食其前言。今日阿媽着你孩兒鎮守邢州。那邢州是朱溫家後門。終日與他相持。可怎了也。〔正旦云〕存孝。我阿者行再告一告去。阿者。與存孝再說一聲者。〔劉夫人云〕孩兒。你去邢州鎮守。阿媽醉了也。你且去者。〔李存孝云〕阿媽當日與俺潞州上黨郡。如今信着康君立。李存信。着俺去邢州去。阿者。怎生阿媽行再說一聲。可也好也。〔劉夫人云〕你阿媽醉了也。〔李存孝云〕康君立。李存信。你有甚麼功勞。倒去潞州上黨郡鎮守去。〔李存信云〕阿媽的言語。着你邢州去。都是一般好地面。誰和你論

甚麼功勞。〔李存孝云〕想當日在壓關樓前。觀三層排柵。七層圍子。千員猛將。八卦陣圖。圖字原開今補那其間如踏平地也。〔正旦云〕咱阿媽好失信也。〔唱〕

〔節節高〕今日可便太平無事。全不想用人那用人得這之際。存孝與你安邦定國。他也曾惡征戰圖名圖利。他觀的三層鹿角。七層圍子。如登平地。端的是八卦陣圖。千員驍將。施謀用計。阿者他保護着唐朝社稷。〔李存孝云〕康君立。李存信。你兩箇有甚麼功勞。倒去潞州鎮守去也。〔正旦唱〕

〔元和令〕端的是人不曾去鐵衣。馬不曾摘鞍轡。則是着阿者今日向父親行題。想着他從前出力氣。可怎生的無功勞。倒與他一座好城池。阿者則俺這李存孝圖箇甚的。〔劉夫人云〕孩兒也。你阿媽醉了也。等他酒醒時再說。〔正旦云〕想康君立。李存信。他有甚麼功勞也。〔唱〕

〔遊四門〕你則會飲酒食。着別人苦戰敵。可不道生受了有誰知。阿媽你則是擡舉着李存信。康君立。他橫槍縱馬。怎相持。你把他虧。人面逐高低。〔李存孝云〕康君立。李存信。想當日十八騎。誤入長安。殺敗葛從周。攻破黃巢。天下太平。是我的功勞。你有甚麼功勞也。〔李存信云〕俺兩箇雖無功勞。俺兩箇可會唱會舞哩。〔正旦唱〕

〔勝葫蘆〕他幾時得鞭敲金鐙笑微微。人唱着凱歌回。遙望見軍中磨繡旗。則你那滴羞蹀躞身體。迷留沒亂心肺。諕的你劈留撲碌走如飛。〔李存孝云〕你兩箇有甚麼功勞。與你一匹劣馬不會騎。與你一張硬弓不會射。則會喫酒肉。便是你的功勞也。〔正旦唱〕

〔後庭花〕與你一匹劣馬不會騎。我與你一張弓不會射。他比別人陣面上爭功勞。你則會帳房裡閑坐的。咱可便委其實。你便休得要瞞天瞞地。你餓時節搥肉喫。渴時節喝酪水。閑時節打牌殖。醉時節歪唱起。醉時節歪唱起。

〔柳葉兒〕你放下一十八般兵器。你輪不動那鞭鏑搥槌。您怎肯袒下臂膊刀厮劈。鬧炒炒三軍內。但聽的馬頻嘶。早諕的悠悠蕩蕩。魄散魂飛。〔云〕存孝。則今日好日辰。收拾馱馬輜重。辭別了阿媽阿者。便索長行。〔李存孝云〕今日好日辰。辭別了阿媽阿者。便索長行也。〔正旦唱〕

〔尾聲〕罷罷罷。你可便難倚弟兄心。我今日不可公婆意。〔劉夫人云〕孩兒。你且休要性急。待你阿媽酒醒呵。再做商議。〔正旦云〕去則便了也。〔唱〕別近謗俺夫妻每甚的。止不過發盡兒掏窩不姓李。則今日暗昧神祇。〔帶云〕慚愧也。〔唱〕勢得一個遠相

離。各霸着城池。不恁的呵。這李存信康君立。斷送了你。這一箇箇瞞心昧己。一箇箇獻勤買力。存孝這兩箇巧舌頭。奸狡賴功賊。〔下〕〔劉夫人云〕康君立。李存信。你

阿媽醉了也。我且扶着回后堂中去也。〔下〕〔周德威云〕想着存孝破了黃巢。復奪取大唐天下。他的好地面。與了這兩箇。可將邢州與了存孝。元帥今日醉了也。待明日酒醒。我自有話說。還着存孝兩口兒潞州上黨郡去。方稱我之願也。元帥帶酒負存孝。明日須論是與非。〔下〕〔李存信云〕康君立如何。我說咱必然得潞州。今日果應其心。若是到那潞州的豐富地面。不強似去邢州。與朱溫家每日交戰。〔康君立云〕兄弟。想存孝這一去。必然有些見怪。等俺到的潞州。別尋取存孝一庄事。調唆阿媽。殺壞了存孝。方稱我平生之願。則今日收拾行裝。先往邢州。詐傳着阿媽言語。着義兒家將。各自認姓。他若認了本姓。咱搬唆阿媽。殺了存孝。方稱我平生之願也。阿媽好喫酒。醉了似燒猪。害殺安敬思。稱俺平生願。〔同下〕

第二折

〔李存孝領番卒子上〕〔云〕鐵鎧輝光緊束身。虎皮粧就錦袍新。臨軍決勝聲名大。永鎮邢州保萬民。某乃十三太保李存孝是也。官封爲前部先鋒。破黃巢都總管。金吾上將軍。自到邢州爲理。操練軍卒有法。撫安百姓無私。殺敗王彥章。不敢正眼視之。鎮朱全忠。不敢侵擾其境。今日無甚

事。在此州衙閑坐。看有甚麼人來。〔李存信同康君立上〕〔李存信云〕自離上黨郡。不覺到邢州。自家李存信。這箇是康君立。可早來到也。這箇衙門。就是邢州。小校報復去。道有李存信康君立。在於門首。〔卒子云〕理會的。〔做報箇云〕報的將軍得知。有李存信康君立來了也。〔李存孝云〕兩箇哥哥來了。必有阿媽的將令。道有請。〔卒子云〕理會的。有請。〔做見科〕〔康君立云〕李存孝。阿媽將令。爲你多有功勞。怕失迷了你本姓。着你出姓。還叫做安敬思。你若不依着阿媽言語。要殺壞了你哩。你快着的改姓。我就要回阿媽的話去也。〔李存孝云〕怎生着我改了名姓。阿媽將令。不敢有違。小校安排酒殺。二位哥哥喫了筵席去。〔康君立云〕不必喫筵席。俺回阿媽話去也。詐傳着阿媽將令。着存孝更名改姓。調唆的父親生噴。耍了頭也是乾淨。〔同下〕〔李存孝云〕阿媽。你孩兒多虧了阿媽抬舉成人。封妻廕子。今日怎生着我改了姓。阿媽。我也曾苦征惡戰。眠霜臥雪。多有功勳。今日不用着我了也。逐朝每日醉醺醺。信着謔言壞好人。我本是安邦定國。李存孝。今日箇太平不用舊將軍。〔下〕〔李克用同劉夫人上〕〔李克用云〕喜遇太平無事日。正好開筵列綺羅。某乃李克用是也。奉聖人的命。着俺義兒家將。各處鎮守。四海安寧。八方無事。正好飲酒作樂。看有甚麼人來。〔李存信同康君立上〕〔云〕阿媽。禍事也。〔李克用云〕你爲甚麼大驚小怪的也。〔康君立云〕有李存孝到邢州。他怨恨父親。不與他潞州。他改了姓安敬思。他領着飛

虎軍。要殺阿媽哩。怎生是好。〔李存信云〕殺了阿媽不打緊。我兩箇怎生是好。我那阿媽也。〔李克用云〕頗奈存孝無禮。你改了姓便罷。怎生領飛虎軍來殺我。更待干休罷。則今日就點番兵。擒拏牧羊子。走一遭去。〔劉夫人云〕住者。元帥。你怎生不尋思。李存孝孩兒。他不是這等人。元帥。你且放心。我自往邢州去。若是存孝不曾改了姓呵。我自有箇主意。他若改了姓呵。發兵擒拏。未爲晚矣。也不用刀斧手揚威耀武。鴉腳槍齊擺軍校。用機謀說轉心回。兩隻手交付與一個存孝。〔下〕〔李克用云〕康君立。李存信。你阿者去了也。倘若存孝變了心腸。某親拏這牧羊子。走一遭去。說與俺能爭好鬪的番官。捨生忘死家將。一箇箇頂盔擐甲。一箇箇押箭彎弓。齊臻臻擺列劍戟。密密匝立槍刀。三千鴉兵爲先鋒。逢山開道。遇水疊橋。左哨三千番兵。能征慣戰。右哨三千番兵。猛烈雄驍。合後三千番兵。推糧運草。更有俺五百義兒家將。都要的奮勇當先。相持對壘。坐下馬似北海的毒蛟。鞍上將如南山猛虎。某驅兵領將到邢州。親提忘恩牧羊子。家將英雄武藝全。番官猛烈敢當先。拏住存孝親殺壞。血濺東南半壁天。〔同下〕〔李存孝同正旦卒子上〕〔李存孝云〕歡喜未盡。煩惱到來。夫人不知。如今阿媽的言語。着康君立。李存信傳說。但是五百義兒家將。着更改姓。休教我姓李。我不免改了安敬思。我想來。阿媽信着這兩箇的言語呵。怎了也。〔正旦云〕將軍。你休要信這兩箇的賊說。則怕你中他的計策。你也要尋思者。〔李存孝云〕他兩

箇親來傳說。教我改姓。非是我敢要改姓也。〔正旦云〕既然父親教你改姓。則要你治國以忠。教民以義。〔唱〕

〔南呂一枝花〕常言道官清民自安。法正天心順。他那裡家貧顯孝子。俺可便各自立功勳。無正事尊親。着俺把各自姓排頭兒問。則俺這叫爹娘的無氣忿。今日箇嫌俺辱沒你家門。當初你將俺真心厮認。〔李存孝云〕夫人。想當日破黃巢時。招安我做義兒家將。那其間不用我。可不好來。〔正旦唱〕

〔梁州〕又不曾相趁着狂朋怪友。又不曾關節做九故十親。俺破黃巢血戰到三千陣。經了些十生九死萬苦千辛。俺出身入仕廕子封妻。大人家踏地知根。前后軍捺袴摩棍。俺俺俺投至得畫堂中列鼎重裯。是是是投至向衙院裡束杖理民。呀呀呀。俺可經了些箇殺場上惡眼眼捉將擒人。常好是不依本分。俺這裡忠言不信。他則把讒言信。俺割股的倒做了生分。殺爹娘的無徒。說他孝順。不辨清渾。〔李存孝云〕夫人。我在此悶坐。小校覷者。看有甚麼人來。〔李老兒同小末尼上〕

〔李老兒云〕老漢李大戶。當日箇我無兒。認義了這箇小的做兒來。如今治下田產物業莊宅農具。我如今有了親兒了也。我不要你做兒。你出去。〔小末尼云〕父親。當日你無兒。我與你做兒來。

你如今有了田產物業莊宅農具。你就不要我。明有清官。我和你去告來。可早來到衙門首也。冤屈也。〔李存孝云〕是甚麼人。在這門前大驚小怪的。小校與我拏將過來者。〔卒子做拏過科〕

〔云〕理會得。已拏當面。〔李老兒同小末尼跪科〕〔李存孝云〕兀的小人。你告甚麼。〔小末尼上〕

〔云〕大人可憐見。當日我父親無兒。要小人與他做兒。他如今有了田產物業莊宅農具。他如今有了親兒。不要我做兒子了。就要趕我出去。小人特來告。大人可憐見。與我做主也。〔李存孝云〕這小的和我則一般。當日用着他時便做兒。今日有了兒。就不要他做兒。小校將那老子與我打着者。〔正旦云〕你且休打。住者。〔唱〕

〔牧羊關〕聽說罷。心懷着悶。他可使無事。更打着這入衙來不問諱的喬民。則他這爺共兒。常是相爭。更和這子父。每常時廝論。〔李存孝云〕小校與我打着者。〔正旦唱〕詞未盡。將他來罵。口未落。便拳敦。常好背晦也。蕭丞相。〔云〕赤瓦不刺海。〔唱〕你常好是莽撞也。祇候人。〔李存孝云〕小校與我打將出去。〔卒子云〕理會的。出去。〔李老兒云〕我乾着他打了我一頓。別處告訴去來。〔同下〕〔劉夫人上〕〔云〕老身沙陀李克用之妻。劉夫人是也。因為李存孝改了姓名。不數日到這邢州。問人來果然改了姓是安敬思。這裡是李存孝宅中。左右報復去。道有阿者來了也。〔卒子云〕理會的。報的將軍得知。有阿者來了也。

〔正旦云〕你接阿者去。我換衣服去也。〔做換服科〕〔劉夫人做見科〕〔李存孝云〕早知阿者來到。只合遠接。接待不着。勿令見罪。〔做拜科〕〔劉夫人怒科〕〔云〕李存孝。阿媽怎生虧負你來。你就改了姓名。你好生無禮也。〔李存孝云〕阿者且息怒。小校安排酒果來者。〔卒子云〕理會的。〔李存孝遞酒科〕〔云〕阿者滿飲一杯。〔劉夫人云〕孩兒。我不用酒。〔正旦云〕我且不過去。我這裡望者。阿者有些煩惱。可是爲何也。〔唱〕

〔紅芍藥〕見阿者一頭下馬入宅門。慢慢的行過堦痕。見存孝擎壺把盞。兩三巡。他可也並不曾沾唇。我則見原無見字今補他迎頭裡嗔忿忿。全不肯息怒停嗔。我這裡傍邊側立索慙慙。怎敢道怠慢因循。

〔菩薩梁州〕我這裡便施禮數罷平身。抄着手兒前進。您這歹孩兒動問。阿者你便遠路風塵。〔劉夫人云〕休怪波。安敬思夫人。〔正旦唱〕聽言罷着我去了三魂。可知道阿者便懷愁悶。這公事何須的問。何消的再寫本。到岸方知水隔村。細說原因。〔劉夫人云〕孩兒。俺老兩口兒。怎生虧負着你來。你改了名姓。若不是康君立。李存信說呵。你阿媽不得知。如今你阿媽。便要領大小番兵來擒拏你。我實不信。親自到來。你果然改了姓名。俺怎生虧負你來也。〔正旦云〕存孝。你不說待怎麼。〔李存孝云〕阿者。是康君立。李存信的言語。着

俺五百義兒家將。都着改了姓。着您孩兒姓安。想你孩兒多虧着阿媽。阿者抬舉的成人。封妻廕子。偌大的官職。怎敢忘了阿者阿媽的恩義。〔做哭科〕〔云〕不由人嘔吐痛哭。題起來刀攪肺腑。抬舉的立身揚名。阿者怎忘你養身父母。〔劉夫人云〕我道孩兒無這等勾當。你阿媽好生的怪着的你。〔正旦唱〕

〔罵玉郎〕當初你腰間掛了先鋒印。俺可也須當索受辛勤。他將那英雄慷慨施逞盡。他則是開繡旗。驟戰馬。衝軍陣。

〔感皇恩〕阿者。他與你建立功勳。扶立乾坤。他與你破了黃巢。敵了歸霸。敗了朱溫。那其間便招賢納士。今日箇俺可便偃武修文。到如今無了征戰。絕了土馬。罷了邊塵。

〔採茶歌〕你怎生便將人不憚問。怎生來太平不用俺舊將軍。半紙功名百戰身。轉頭高塚臥麒麟。〔劉夫人云〕媳婦兒。你在家中。我和孩兒兩箇見你阿媽。白那兩箇醜生的說去來。〔正旦云〕阿者。休着存孝去。到那裡有康君立。李存信。枉送了存孝的性命也。〔劉夫人云〕孩兒。你放心。這句話到頭來。要箇歸着。要箇下落處。孩兒。你在家中。我領存孝去。則有箇主意也。〔李存孝云〕我這一去。別辯箇虛實。鄧夫人放心也。〔正旦唱〕

〔尾聲〕到那裡着俺這劉夫人撲散了心頭悶。不恁的呵。着俺這李父親。怎消磨了腹內嗔。別辨箇假共真。全憑着這福神。並除了那禍根。你把那康君立李存信。用着你那打大蟲的拳頭。着一頓。想着那廝坑人來陷人。直打的那廝心肯意肯。可與你那爭潞州冤讎證了本。〔下〕〔劉夫人云〕孩兒收拾行裝。你跟着我見你父親去來。萬丈水深須見底。止有人心難忖量。〔同下〕〔李克用同李存信康君立上〕〔李克用云〕李存信。康君立。自從你阿者去之後。不知虛實。將酒來我喫。則怕存孝無有此事麼。〔李存信云〕阿媽。他改了姓也。我怎敢說謊。〔康君立云〕我兩箇若是說謊了呵。大風裡敢吹了我帽兒。〔李克用云〕此是實。將酒來與我喫幾杯。〔康君立云〕正好飲幾杯。〔劉夫人同李存孝上〕〔劉夫人云〕孩兒來到也。小校報復去。道有阿者來了也。〔李克用云〕阿者來了。請過來飲幾杯。〔卒子云〕理會得。有請。〔李存孝云〕阿者先過去。替你孩兒說一聲者。〔劉夫人云〕孩兒。你放心。我知道。〔劉夫人見科〕〔云〕李克用。你又醉了也。不是我去呵。險些兒送了孩兒也。〔李存信報科〕〔云〕阿者。亞子哥哥打圍去。圍場中落馬也。〔劉夫人慌科〕〔云〕似這般如之奈何。我索看我孩兒去。〔存孝扯科〕〔云〕阿者。替您孩兒說一說。〔劉夫人云〕亞子孩兒打圍去。在圍場中落馬。我去看了孩兒便來也。〔李存孝云〕阿者去了。阿媽帶酒也。信着這兩箇的言語。送

了您孩兒的性命也。〔劉夫人云〕存孝無分曉。親兒落馬撞殺了。親娘如何不疼。可不道腸裡出來腸裡熱。我也顧不得的。我看孩兒去也。〔打推科〕〔下〕〔李存孝哭科〕〔云〕阿者。亞子落馬。痛關情。子母牽腸割肚疼。忽然二事在心上。義兒親子假和真。亞子終是親骨肉。我是四海與他人。腸裡出來腸裡熱。阿者親的原來則是親。〔李存信把盞科〕〔云〕阿媽。滿飲一杯。〔李克用醉箇云〕我醉了也。〔康君立云〕阿媽。有存孝在於門首。他背義忘恩。〔李克用云〕我五裂簾迭。〔下〕〔李存信云〕哥哥。阿媽道五裂簾迭。醉了也。怎生是了。阿媽明日酒醒呵。則說道你着我五裂了來。〔康君立云〕兄弟說的是。若不殺了存孝。明日阿媽酒醒。阿者說了。咱兩箇也是箇死。小校與我拏將存孝來者。〔李存孝云〕康君立。李存信。將俺那裡去。〔李存信云〕阿媽的言語。爲你背義忘恩。五車裂了你哩。〔李存孝云〕阿媽。你好眼也。我有甚麼罪過。將我五裂了。我死不爭。鄧夫人在家中。豈知我死也。兩箇兄弟來。安休休。薛阿灘。將我虎皮袍虎磕腦鐵燕撻。與鄧夫人。就是見我一般也。〔李存孝哭科〕〔云〕鄧夫人也。今朝我一命身亡。眼見的去赴雲陽。嬌妻暗想身無主。夫婦恩情也斷腸。我死後淡煙衰草相爲伴。枯木荒墳作故鄉。夫妻再要重相見。夫人也除是南柯夢一場。〔李存信云〕兀那厮你聽者。用機謀仔細裁排。牧羊子死限催來。李存孝真實改姓。就邢州斬訖報來。〔李存孝云〕皇天可表。於家爲國。多有功勞。我也曾活拏了孟截海。怒挾了

鄧天王殺敗了張歸霸。力取了太原。復奪了并州。立誅了五將。華嚴川大戰。殺敗了葛從周。十八騎。候入長安。攻破黃巢。扶持唐社稷。此乃是我功勞也。今日不用我。就將我五裂了。(哭科)(云)罷罷罷。志氣凌雲射斗牛。蒼天教我作公侯。捨死忘生扶社稷。苦征惡戰統戈矛。旌旗日影龍蛇動。野草閑花滿地愁。英雄屈死黃泉下。忠心孝義下場頭。鄧夫人也。兀的不苦痛殺我也。(下)

〔李存信云〕今日將存孝五裂了也。明日阿媽問俺。自有話說。咱去來。金風未動蟬先覺。暗送無常死不知。(同下)

〔周德威上〕(云)事有足詭。物有固然。某乃周德威是也。此事怎了。誰想李克用。帶酒殺了存孝。竟信着康君立。李存信謊言。直將飛虎將軍五裂身死。昨日帶酒不知。今日小官直至帥府。問其詳細。走一遭去。二賊子用計鋪謀。將存孝五裂身卒。衆番官親臨帳下。我看那李克用怎的支吾。(下)

第三折

〔劉夫人上〕(云)描鸞刺繡不會習。劣馬彎弓敢戰敵。圍場隊裡能射虎。臨軍對陣兵機識。老身劉夫人是也。昨日引將存孝孩兒來阿媽行欲待說。也不想亞子在圍場中落馬。我親到圍場中看孩兒。原來不曾落馬。都是李存信康君立的智量。未知存孝孩兒怎生。使一箇小番探聽去了。這早晚敢待來也。(正旦扮莽古歹上)(云)自家莽古歹便是。奉阿者的言。勸着香打探存孝去。

不想阿媽醉了。信着康君立李存信的言語。將存孝五裂了。不敢久停久住。回阿者的話。走一遭去也。〔正旦唱〕

〔中呂粉蝶兒〕頗奈這兩箇奸邪。看承做當職忠烈。想俺那無正事好酒的爹爹。他兩箇似虺蛇。如蝮蝎。心腸乖劣。我吓吓的走似風車。不付能盼到宅舍。

〔醉春風〕一托恁走將來。兩隻脚不暫歇。從頭一一對阿者。我這裡便說。說是做的潑水難收。至死也無對。今日箇一庄也不借。〔劉夫人云〕阿的好小番也。煖帽貂

裘最堪宜。小番平步走如飛。吾兒存孝分訴罷。盡在來人是與非。你見了存孝。他阿媽醉了。康君立李存信說甚麼來。喘息定。慢慢的說一遍。〔正旦唱〕

〔上小樓〕則俺那阿媽醉也心中乖劣。他兩箇巧語花言。鼓腦爭頭。損壞英傑。他兩箇廝間別。犯口舌。不教分說。他兩箇傍邊相倚。強作孽。〔劉夫人云〕小番。他阿媽說甚麼來。存孝說甚麼來。李阿媽醺醺酒。李存孝忠心仁義。子父每兩意相投。犯唇舌。存信君立。他阿媽與存孝。誰的是誰的不是。再說一遍者。〔正旦唱〕

〔上小樓〕做兒的會做兒。做爺的會做爺。子父每無一箇差遲。生各札的意斷恩絕。阿媽那裡緊當者緊攔者。不着疼熱。他道是你這姓安的。怎做李家枝葉。

〔劉夫人云〕小番。阿媽那裡有兩箇逆賊麼。〔莽古歹云〕是那兩箇。〔劉夫人云〕一箇是康君立。雙尾蝎。侵入骨髓。一箇李存信。兩頭蛇。讒言佞語。他則要損忠良英雄虎將。他全無那安邦計赤心報國。那兩箇怎生支吾來。〔莽古歹云〕阿者。聽您孩兒從頭至尾。說與阿者。則是休煩惱也。

〔唱〕

〔十二月〕則您那康君立眼絕。則你那李存信似蝎蜚。可端的憑着他劣缺。端的是今古皆絕。枉了他那眠霜臥雪。阿媽。他水性隨邪。〔劉夫人云〕俺想存孝孩兒。

華嚴川捨命。大破黃巢定邊疆。他是那擎天白玉柱。端的是駕海紫金梁。他兩箇無徒。怎生害存孝來。〔正旦唱〕

〔堯民歌〕他把一條紫金梁。生砍做兩三截。阿者休波。是他便那裡每分說。想着十八騎長安城內逞豪傑。今日箇則落的足律律的旋風蜚。我可便傷也波。嗟。將存孝見時節。阿者則除是水底下撈明月。〔劉夫人云〕小番。您要說來又不說。可是爲甚麼來。〔莽古歹云〕李存信康君立的言語。將存孝五車裂死了也。〔劉夫人云〕苦死的兒也。他臨死時。將存孝棍棒隨身。毀罵了千言萬語。眼見的命掩黃泉。存孝兒哪冤負屈。孩兒怎生死了來。〔正旦唱〕

〔耍孩兒〕則聽的喝一聲馬下如雷烈。恰便似鶻打寒鳩眼絕。那兩箇快走向前來。那存孝待分說怎的分說。一箇指着嘴縫連罵到三十句。一箇扶着輓肋里撲撲撲的撞到五六靴。委實的難割捨。將存孝五車裂。裂原作爭今改壞。霎時間七段八節。〔劉夫人云〕想必那厮取存孝有罪招狀。責口詞無冤文書。知賺的推在法場。暗送了七尺身軀。〔正旦唱〕

〔三煞〕又不曾取罪名。又不曾點紙節。可是他前推後擁強牽拽。軍兵鐵桶遇圍圍。棍棒麻林前後遮。撲碌碌推到法場也。稱了那兩箇賊漢的心願。屈殺了一箇英傑。〔劉夫人云〕想當日俺那存孝孩兒。多有功勞。活挾了孟截海。殺了鄧天王。槍槩殺張歸霸。十八騎入長安。搥打殺耿彪。火燒了永豐倉。有九牛之力。打虎之威。怎生死了我那孩兒來。

〔莽古歹云〕存孝道。〔唱〕

〔二煞〕我也曾把一箇鄧天王來旗下斬。我也曾把孟截海馬上挾。我也曾將大蟲打的流鮮血。我也曾雙搥打殺千員將。今日九牛力。當不的五輛車。五下裡把身軀拽。將軍死的苦痛。見了的那一箇不傷嗟。〔劉夫人云〕五輛車。五五二十五頭牛。一齊的拽。存孝怎生者。〔正旦唱〕

〔尾聲〕打的那頭口們驚驚跳跳。叫道是打打來來。則見那忽刺鞭颼颼的摔動一齊拽。將您那打虎的將軍命送了也。〔下〕〔劉夫人云〕李克用。你信着這兩箇賊子的言語。將俺存孝孩兒屈死了。李克用。你好眼也。五輛車五下齊拽。鐵石人嚎咷痛哭。將身軀骨肉分開。血染赤黃沙地土。再不能子母團圓。越思量越添淒楚。劉夫人苦痛哀哉。李存孝身歸地府。〔做哭科〕〔云〕哎約。存孝孩兒也。則被你痛殺我也。〔下〕

第四折

〔李克用李存信康君立領番卒子上〕〔李克用云〕塞上羌管韻。北風戰馬嘶。樓金畫面鼓。雲月皂雕旗。某乃李克用是也。昨朝與衆番官飲酒。我十分帶酒。說道存孝孩兒來了也。小番與我喚存孝孩兒來者。〔李存信云〕如之奈何。〔劉夫人上〕〔云〕李克用。你做的好勾當。信着兩箇醜生。每日飲酒。怎生將存孝孩兒五裂了。我親到的邢州。並不會改了名姓。都是康君立李存信這兩箇賊醜生的見識。着他改做安敬思。昨日我領着存孝孩兒來見你。你怎生教那兩箇賊子。五車裂了。存孝媳婦兒。將着骨殖。背將鄧家莊去了。孩兒也。兀的不痛殺我也。〔李克用云〕夫人。你不說。我怎生知道。都是這兩箇送了我那孩兒也。我說道五裂簾迭。我醉了也。他怎生將孩兒五裂了。把這兩箇無徒。拿到鄧家莊上殺壞了。剖腹剜心。與俺孩兒報了冤讎也。便安排靈位。祭物。便

差人趕回媳婦兒來者。〔做哭科〕「云」哎約存孝兒也。我聽言說罷。淚千行。過如刀攪我心腸。義兒家將都悲感。只因帶酒損忠良。頗奈存信康君立。五裂存孝一身亡。大小兒郎都掛孝。家將番官痛悲傷。哎。你箇有仁有義忠孝子。休怨我無恩無義的老爹娘。〔同下〕「正旦」引魂旛哭上。〔云〕閃殺我也存孝也。痛殺我也存孝也。〔正旦唱〕

「雙調新水令」我將這引魂旛。招貼到兩三遭。存孝也則你這一靈兒。休忘了陽關大道。我撲簌簌淚似傾。急穰穰意如燒。我避不得水遠山遙。須有一箇日頭走到。

「水仙子」我將這引魂旛。執定在手中搖。我將這骨殖匣輕輕的自背着。則你這悠悠的魂魄兒無消耗。〔帶云〕你這裡不是飛虎峪那。〔唱〕你可休冥冥杳杳差去了。忍不住忍不住痛哭嚎眺。一會兒赤留乞良氣。一會家迷留沒亂倒。天那。痛煞煞的心癢難撓。〔劉夫人上〕「云」兀的不是媳婦兒鄧夫人。我試叫他一聲者。媳婦兒鄧夫人。

你住者。〔正旦唱〕

「慶東原」踏踏的忙那步。吓吓的不住脚。是誰人叮叮的腦背後高聲叫。〔劉夫人云〕鄧夫人是我也。〔做見哭科〕「云」痛殺我也。存孝孩兒也。〔正旦唱〕阿者。你把我這存

孝來送也。〔劉夫人云〕我說甚麼來。〔正旦唱〕你可道不着落。保到頭來須有箇歸着。

〔劉夫人云〕媳婦兒也。你不曾忘了一句兒也。〔正旦唱〕這煩惱我心知。待對着阿誰道。

〔劉夫人云〕孩兒。你且放下骨殖匣兒。你阿媽將二賊子拏將來。與存孝孩兒報讎雪恨也。〔李克用云〕媳婦兒也。你也辭我一辭去。怕做甚麼。將那祭祀的物件來。將虎腦腦螭虎帶鐵飛撾。供養在存孝靈前。將康君立李存信繩纏索綁。祭祀了。慢慢的殺壞了這兩箇賊子。周將軍與我讀祭文者。〔周德威讀祭文科〕維大□□九月上旬日。忝代石嵐雁門關都招討使破黃巢兵馬大元帥李克用等。致祭於故男飛虎將軍李存孝之靈曰。惟靈生居朔漠。長在飛虎。累遇敵戰。猿臂善射。兩張弓。兩袋箭。左右能射之。手舞鐵撾。愛當是斬之說將不及三合。曾打虎在山峪之中。破賊兵禁城之內。撾打死耿彪。立誅三將。殺壞五虎。擊破一字長蛇陣。殺敗葛從周。渭南三戰。十八騎。俱入長安。箭射黃巨天。惡戰傳存審。力伏李罕之。活挾鄧天王。病戰高思繼。生擒孟截海。大敗王彥章。救黎民復入長安城。享太平再臨京兆府。祭奠英靈。親藩悔罪。今克用因帶酒聽信狂言。故損壞義男家將。今將賊子盡該誅戮。與公雪冤。衆將縞素。俺哭的那無情草木改色。青山天地無顏。將軍陽世不將金印掛。陰司卻掌鬼兵權。衆將番官痛嚎咷。壁上飛撾血未消。塔下枉拴龍駒馬。帳前空掛虎皮袍。英雄存孝今朝喪。多曾

出力建功勞。赤心報國安天下。萬古清風把姓標。嗚呼哀哉。伏惟尙饗。〔正旦唱〕

〔川撥棹〕則聽的父親道。將孩兒屈送了家。將每痛哭嚎咷。想着蓋世功勞。萬載名標。都與他持服掛孝。衆兒郎膝跪着。

〔七弟兄〕你兀的據着。枉了見功勞。沉默兩柄燕撻落。骨刺刺雜彩繡旗搖。撲簌簌畫鼓征鼙操。

〔梅花酒〕你戴一頂虎磕腦。馬跨着黃膘。箭插着鋼鑿。弓控着花梢。經了些地寒氈帳冷。殺氣陣雲高。我這裡猛觀了。則被你痛殺我也李存孝。

〔收江南〕呀。可怎生帳前空掛着虎皮袍。枉了你忘生捨死立唐朝。枉了你橫槍縱馬過溪橋。兀的是下梢。枉了你一十八騎破黃巢。〔李克用云〕小番將李存信

康君立掣在靈前。與我殺壞了者。〔番卒子做掣二淨科〕〔云〕理會得。〔李存信云〕阿媽。怎生可憐見。饒了我兩箇罷。〔康君立云〕阿媽。若是饒我這一遭。下次再不敢了也。〔正旦唱〕

〔沽美酒〕康君立。你自道。李存信禍來到。把存孝賺入法場屈送了。摔碎了我渾家大小。任究竟罪難逃。

〔太平令〕也是你爭弱。掣住你該剛該敲。聚集的人員好鬧。準備車馬繩索把

這厮綁了。五車裂了。可與俺李存孝一還一報。〔李克用云〕小番將二賊子五裂了者。
〔番卒子做殺李存信康君立科〕〔云〕理會的。〔李存信云〕我死也。〔下〕〔李克用云〕既然將二
賊子五裂了。與我存孝孩兒報了冤讎。將孩兒墓頂上封官。鄧夫人。與你一座好城池養老。您聽
者。李存信妬能害賢。飛虎將負屈啣冤。鄧夫人哀哉苦慟。爲夫主遇難遭愆。康君立存信賊子。五
車裂死在街前。設一箇黃籙大醮。超度俺存孝生天。

鄧夫人苦痛哭存孝終

孤本元明雜劇 哭存孝

十三

涵芬樓藏版

哭存孝穿關

頭折

李存信康君立

練垂狐帽 皮襖 戰裙 皮條茄袋 刀

李克用

煙墩帽 蟒衣曳撒 帶劍 三髯髯

劉夫人 罌

帽 補子襖兒 毛襖 裙兒 布襪

番卒子

練垂帽 虎兒斑丟袖貼裡 皮條茄袋

周德威

多簷帽 蟒衣曳撒 袍 項帕 直纏 搭膊 帶劍 三髯髯

李存信康君立又上前

同鄧夫人

場頭手帕 襖兒 鞋 裙兒 布襪

李存孝

虎磕腦盔 蟒衣曳撒 虎皮袍 項帕 直纏 搭膊

帶 猛髯 鐵燕翅

第二折

李存孝番卒子李存信康君立李克用劉夫人同前李存信康君立李存孝正

旦鄧夫人卒子

同前李老兒

一字巾 茶褐直身 繖兒 蒼白髯 拄杖

小末尼

一字巾 圓領 繖兒 三髯髯劉夫人

又上李克用李存信康君立又上前同劉夫人李存孝又上周德威同前

第三折


劉夫人同前正旦莽古歹同前

第四折

李克用李存信康君立番卒子劉夫人同前正旦鄧夫人同前劉夫人又上

同前李克用周德威番卒子拏李存信康君立又上同前

內本校錄清常記



劉夫人慶賞五侯宴

元關漢卿

楔子

〔沖末扮李嗣源領番卒子上〕〔李嗣源云〕野管羌笛韻。音雄戰馬嘶。搥的是鏤金畫面鼓。打的是雲月皂鵬旗。某乃大將李嗣源是也。父乃沙陀李克用。俺父親手下兵多將廣。有五百義兒家將。人人奮勇。箇箇英雄。端的是旗開得勝。馬到成功。自破黃巢。俺父子每累建奇功。今天下太平。因某父多有功勳。加爲忝代石嵐鴈門關都招討天下兵馬大元帥。又封爲河東晉王之職。手下將論功陞賞。今奉聖人命。爲因黃巢手下餘黨。草寇未絕。今奉阿媽將令。差俺五百義兒家將。統領雄兵。收捕草寇。若得勝回還。聖人再有加官賜賞。奉命出師。統雄兵。勦除草寇。建功名。赤心報國。施英勇。保助山河享太平。〔趙太公上〕〔云〕段段田苗接遠村。太公莊上戲兒孫。雖然只得鋤鉤力。答賀天公雨露恩。自家潞州長子縣人氏。姓趙。人見有幾貫錢。也都喚我做趙太公。嫡親的兩口兒。渾家劉氏。近新來亡化過了。撇下箇孩兒。未穀滿月。無了他那娘。我又看覷不的他。我家中糧食田土儘有。爭奈無一箇親人。則覷着一點孩兒。我分付那穩婆。和家裏那小的。每長街市上。不問那裡。尋的一箇有乳食的婦人來。我寧可與他些錢鈔。我養活他。則要他看覷我這孩兒。

今日無甚事。我去那城中索些錢債去。下次小的看着那田禾。我去城中索些錢債便來也。〔下〕

〔正旦抱孩兒上〕〔云〕妾身是這潞州長子縣人氏。自身姓李。嫁的夫主姓王。是王屠。嫡親的兩口兒。妾身近日所生了箇孩兒。見孩兒口大。就喚孩兒做王阿三。不想王屠下世。爭奈家中一貧如洗。無錢使用。妾身無計所奈。我將這孩兒長街市上賣的些小錢物。埋殯他父親。自從早晨間到此。無人來問。如之奈何也。〔做哭科〕〔趙太公上〕〔云〕自家是趙太公。城中索錢去來。也不曾索的一文錢。且還我那家中去。兀的一簇人。不知看甚麼。我試去看者。〔做見正旦科〕〔云〕一箇婦人。懷裏抱着箇小孩兒。我問他一聲者。兀那嫂嫂。你為何抱着這小的在此啼哭。可是爲何那。〔正旦云〕老人家不知。我是這本處王屠的渾家。近新來我所生了這箇孩兒。未及滿月之間。不想我那夫主亡逝。無錢埋殯。因此上將這孩兒。但賣些小錢物。埋殯他父親。是我出於無奈也。〔趙太公云〕住住住。正要尋這等一箇婦人。看我那孩兒。則除是恁的。兀那王嫂嫂。你便要賣這小的。誰家肯要。不如你尋一箇穿衣喫飯處。可不好。〔正旦云〕你說的差了也。便好道一馬不肯兩鞍。雙輪豈碾四轍。烈女不嫁二夫。我怎肯嫁侍於人。〔趙太公云〕你既不肯嫁人。便典與人家。或是三年。或是五年。得些錢物。埋殯你夫主。可不好。〔正旦云〕我便要典身與人。誰肯要。〔趙太公云〕你若肯呵。我是趙太公。我家中近新來我也無了渾家。有箇小的。無人擡舉他。你若肯典

與我家中。我又無甚麼重生活着你做。你則是抱養我這箇小的。我與些錢鈔。埋殯你那丈夫。可不好。〔正旦云〕住住住。我尋思者。我要將這孩兒與了人來呵。可不絕了他王家後代。罷罷罷。能苦我一身罷。我情願典太公。〔趙太公云〕既是這般。則今日我與些錢物。你埋殯你夫主。你便寫一紙文書。典身三年。則今日立了文書。我與你錢鈔。埋殯了你夫主。就去俺家裏住去。〔正旦云〕也是我出於無奈也呵。〔趙太公云〕你是有福的。肯分的遇着我。〔正旦唱〕

〔正宮端正好〕則我這腹中愁。心間悶。俺窮滴滴舉眼無親。則俺這孤寒子母。每誰瞅問。俺男兒半世苦受勤。但能彀得錢物。寧可着典咱身。〔趙太公云〕則今日埋殯你丈夫。便跟我家中去來。〔正旦唱〕則今日將俺夫主親埋殯。〔同下〕

頭折

〔趙太公上〕〔云〕自從王屠的渾家。到俺家中。一月光景。我將那文書。本是典身。我改做賣身文書。永遠在我家使喚。這婦人擡舉着我那孩兒哩。我如今喚他。抱出那孩兒來。我試看者。〔做喚科〕〔云〕王大嫂。〔正旦抱兩箇孩兒上〕〔云〕妾身自從來到趙太公家中。可早一月光景也。妾身本是典身三年的文書。不想趙太公暗暗的商量。改做了賣身文契。與他家永遠使用。今日太公呼喚。不知有甚事。須索走一遭去。想我這煩惱幾時受徹也呵。〔唱〕

〔仙呂點絳脣〕我如今短歎長吁。滿懷冤屈。難分訴。則我這衣袂簷疎。都是柴草絡布無綿絮。

〔混江龍〕我堪那無端的豪戶。瞞心昧己使心毒。他可使心狡狠倒換過文書。當日箇約定覓自家做乳母。今日箇強賴做他家裏的買身軀。我可也受禁持喫打罵敢無重數。則我這孤孀子母。更和這瘦弱身軀。〔做見科〕〔云〕員外萬福。〔趙

太公云〕你來我家一箇月了。你抱將我那孩兒來。我看。〔正旦做抱孩兒科〕〔趙太公看孩兒科〕

〔云〕王大嫂。怎生我這孩兒這等瘦。將你那孩兒來。我看。〔正旦做抱孩兒科〕〔太公做看科〕

〔云〕偏你的孩兒。怎的這般將息的旺。這婦人好無禮也。他將有乳食的奶子。與他孩兒喫。却將那無乳的奶子。與俺孩兒喫。怎生將息的起來。這婦人不平心。好打這潑賤人。〔做打科〕〔正旦

唱〕

〔油葫蘆〕打拷殺咱家誰做主。有百十般曾對付。我從那上燈時直看到二更初。我若是少乳些。則管裡吖吖的哭。我若是多乳些。灌的他啊啊的吐。這孩兒能夜啼不犯觸。則從那搖車兒上掛着爺單褲。掛到有三十遍倒蹄驢。

〔天下樂〕不似您這孩兒不犯觸。可是他聲也波聲。聲聲的則待要哭。則從那

搖車兒上。覓禳無是處。誰敢道是湯他一湯。誰敢是觸他一觸。可是他叫叮叮無是處。〔趙太公云〕將你那孩兒來。我看。〔接過來做摔科〕〔正旦做扳住臂膊科〕〔云〕員外可憐

見。休摔孩兒。〔趙太公云〕摔殺有甚事。則使的幾貫錢。〔正旦唱〕

〔金盞兒〕你富的每有金珠。俺窮的每受孤獨。都一般牽掛着他這箇親腸肚。我這裡兩步爲一幕。急急下街衢。我戰兢兢身剛舉。篤速速手難舒。我哭啼啼扳住臂膊。淚漫漫的扯住衣服。〔云〕員外可憐見。便摔殺了孩兒。血又不中飲。肉又不中喫。

枉污了這答兒田地。員外則是可憐見者。〔趙太公云〕兀那婦人。我還你。抱將出去。隨你丟了也得。與了人也得。我則眼裏不要見他。你若是不丟了呵。來家。我不道的饒了你哩。〔下〕〔正旦云〕似這等如之奈何。孩兒。眼見的咱子母不能般相守也。兒也。痛殺我也。〔唱〕

〔尾聲〕兒也。則要你久已後報冤讎。托賴着伊家福。好共歹一處受苦。我指望待將傍的孩兒十四五。與人家作婢爲奴。自躊躇。堪恨這箇無徒。〔帶云〕兒也。你不成人便罷。倘或成了人呵。〔唱〕你穿着些布背子。排門兒告些故疏。恁時節老人家暮古。與人家重生活難做。哎。兒也。你尋些箇口啣錢。贖買您娘那一紙放良書。

〔下〕

第二折

〔外扮李嗣源踰馬兒領卒子上〕〔云〕靴尖踢蹬快。袖窄拽弓疾。能騎乖劣馬。善着四時衣。某乃沙陀李克用之子李嗣源是也。爲因俺阿媽破黃巢有功。聖人封俺阿媽太原府晉王之職。俺阿媽手下兒郎。都封官賜賞。今奉俺阿媽將令。着俺數十員名將。各處收捕黃巢手下餘黨。某爲節度使之職。昨日三更時分。夜作一夢。夢見虎生雙翅。今日早間去問周總管。他言說道。有不測之喜。可收一員大將。某今日統領本部軍卒。荒郊野外。打圍獵射。走一遭去。衆將擺開圍場者。〔做見兔兒科〕〔云〕圍場中驚起一箇雪練也似白兔兒來。我拽的這弓滿。放一箭去。正中白兔。那白兔倒一交。起身便走。俺這裡緊趕緊走。慢趕慢走。衆將與我慢慢的追襲將去來。〔下〕〔正旦抱孩兒上〕〔云〕妾身抱着這箇孩兒。下着這般大雪。向那荒郊野外。丟了這孩兒也。你也怨不的我也。〔唱〕

〔南呂一枝花〕恰纔得性命逃速速的離宅舍。我可便一心空哽咽。則我這兩隻脚。可兀的走忙迭。我把這衣袂來忙遮。俺孩兒渾身上綿繭兒無一葉。我與你往前行無氣歇。眼見的無人把我來攔遮。我可便將孩兒直送到荒郊曠野。〔梁州〕我如今官差可便棄捨。哎。兒也咱兩箇須索今日離別。這冤家必定是

前生業。這孩兒儀容兒清秀。模樣兒英傑。我熬煎了無限受苦了。偌些。我知他是喫了人多少脣舌。不由我感嘆傷嗟。我我我。今日箇母棄了兒。非是我心毒。是是是。更和這兒離了母。如何的棄捨。哎。天也。天也。俺可使眼睜睜子母。每各自分別。直恁般運拙。這冤家苦楚。何時徹。誰能覈暫時歇。若是我無你箇孩兒。伶俐些。那其間方得寧貼。〔云〕我來到這荒郊野外。下着這般大雪。便怎下的丟了孩兒也。

〔唱〕

〔隔尾〕我這裡撻腸割肚。把你箇孩兒捨。跌脚搥胸自嘆嗟。望得無人拾將這草科兒遮。將乳食米喂些。我與你且住者。兒也就在這官道傍邊。敢將你來凍殺也。〔李嗣源領番卒子上〕〔云〕大小軍卒。趕着這白兔兒。我有心待不趕來。可惜了我那枝艾葉金鉞箭去了。如今趕到這潞州長子縣荒草坡前。不見了白兔。則見地下插着一枝箭。左右與我拾將那枝箭來。插在我這撒袋中。〔李嗣源做見正旦科〕〔云〕奇怪也。兀那道傍邊。一箇婦人。抱着一箇小孩兒。將那孩兒放在地上。哭一回去了。他行數十步。可又回來。抱起那孩兒來。又啼哭。那婦人數遭家恁的。其中必是暗昧。左右你去喚將那婦人來。我試問他。〔卒子做喚科〕〔云〕兀那婆婆兒。俺阿媽喚你哩。〔正旦見科〕〔云〕官人萬福。〔李嗣源云〕兀那婦人。你抱着這

箇小的丟在地下去了。可又回來。數番不止。你必是暗昧。〔正旦云〕官人不嫌絮繁。聽妾身口說一遍。我是這本處王屠的渾家。當日所生了這箇孩兒。未及滿月。不想王屠辭世。爭奈無錢埋殯。妾身與趙太公家典身三年。就看管他的孩兒。不想趙太公將我那典身的文書。他改做了賣身的文契。他當日趙太公喚我。我抱着兩箇孩兒。太公見了。他說偏你那孩兒便好。怎生餓損了我這孩兒。便將你那孩兒或是丟了。或是漾了。便罷。若不丟你那孩兒。回來我不道的饒了你。因此上來。到這荒郊野外。丟我這孩兒來。〔李嗣源云〕嗨。好可憐人也。兀那婦人。比及你要丟在這荒郊野外呵。與了人。可不好。〔正旦云〕妾身怕不待要與人。誰肯要。〔李嗣源云〕兀那婦人。這小的肯與人呵。與了我爲子。可不好。〔正旦云〕官人。若不棄嫌。情願將的去。敢問官人姓甚名誰。〔李嗣源云〕我是沙陀李克用之子李嗣源是也。久以後擡舉的你這孩兒成人長大。我教他認你來。你將他那生時年月小名。說與我者。〔正旦云〕官人。這孩兒是八月十五日半夜子時生。小名喚做王阿三。〔李嗣源云〕左右那裡。好生抱着孩兒。這園場中那裡有那紙筆。翻過那襖子上襟。寫着孩兒的小名生時年月。你休煩惱。放心回去。〔正旦唱〕

〔賀新郎〕富豪家安穩把孩兒好擡送。這孩兒脫命逃生。媳婦兒感承多謝。〔李嗣源云〕我和你做箇親眷。可不好。〔正旦唱〕官人上怎敢爲枝葉。教孩兒執帽擎鞭抱。

靴。〔李嗣源云〕你放心。這孩兒便是我親生嫡養的一般。〔正旦唱〕聽說罷。我心內懽悅。便是你享富貴合事遇英傑。哎。你箇趙太公弄巧翻成拙。兒也你今日棄了你這箇窮姝姝。兒也誰承望你認了富爹爹。〔李嗣源云〕兀那婦人。你放心。等你孩兒成人長大。我着你子母每。好歹有所見的日子哩。〔正旦云〕多謝了官人也。則被你痛殺我也。〔唱〕

〔尾聲〕怕孩兒有剛氣。自己着疼熱。會武藝單單的執斧鉞。俺孩兒一命也。把自家冤恨絕。我若是打聽的我孩兒在時節。若有些志節。把他來便撞者。將我這屈苦的冤讎兒也。那其間報了也。〔下〕〔李嗣源云〕兀那衆軍卒聽者。他這小的。如今與我爲了兒。我姓李。就喚他做李從珂。到家中不許一箇人泄漏了。若是有一箇泄漏了的。我不道的饒了您哩。我驅兵領將數十年。因追玉兔驟征驍。忽見婦女嚔啼哭。我身一一問前緣。他願將赤子與我爲恩養。我教他習文演武領兵權。一朝長立成人後。久以後我着他子母再團圓。〔下〕

第三折

〔外扮葛從周領卒子上〕〔云〕黃巢播亂裂山河。聚集羣盜起干戈。某全憑智謀驅軍校。何用雙鋒石上磨。某姓葛名從周是也。乃濮州鄆城人氏。幼而頗習先王典教。後看韜略遁甲之書。學成文武兼濟。智謀過人。某初佐黃巢麾下爲帥。自起兵之後。所過城池。望風而降。不期李克用家大

破黃巢。自黃巢兵敗。某今佐於梁元帥麾下爲將。某今奉元帥將令。爲與李克用家相持。他倚存孝之威。數年侵擾俺隣境。如今無了存孝。更待干罷。俺這裡新收一員大將。乃是王彥章。此人使一條渾鐵槍。有萬夫不當之勇。他便是再長下的張車騎。重生下的唐敬德。此人好生英雄。某今差王彥章領十萬雄兵。去搦李克用家名將出馬。小校與我請將王彥章來。有事商議。〔卒子云〕理會的。王彥章安在。〔王彥章上〕〔云〕幼年曾習黃公略。中歲深通呂望書。天下英雄聞吾怕。我是那歷盡春秋伍子胥。某乃大將王彥章是也。乃河北人氏。某文通三略。武解六韜。智勇雙全。寸鐵在手。萬夫不當之勇。片甲遮身。千人難敵之威。鐵槍輕舉。戰將亡魂。二馬相交。敵兵喪魄。天下英雄聞某之名。無有不懼。今有元帥呼喚。須索走一遭去。可早來到也。報復去。道有王彥章來了也。〔卒子云〕理會的。〔報科〕〔云〕喏。報的元帥得知。有王彥章來了也。〔葛從周云〕着他過來。〔卒子云〕理會的。着你過去。〔做見科〕〔云〕呼喚某有何將令。〔葛從周云〕王彥章。喚你來別無甚事。今有李克用數年侵擾俺隣境。如今無了存孝也。你領十萬雄兵。去搦李克用家名將出馬。若得勝回還。俺梁元帥必然重賞加官也。〔王彥章云〕某今領了將令。點就十萬雄兵。則今日拔寨起營。大小三軍。聽吾將令。與李克用家相持廝殺。走一遭去。某驅兵領將顯高強。全憑渾鐵綠沉槍。馬如北海蛟出水。人似南山虎下岡。敵兵一見魂魄喪。趕趕威風把名揚。臨軍對陣活挾將。

敢勇交鋒戰一場。〔下〕〔葛從周云〕小校。王彥章領兵與李克用家交戰去了也。〔卒子云〕去了也。〔葛從周云〕憑着此人英雄。必然得勝也。俺梁元帥怎比黃巢。斬大將豈肯就饒。十萬兵當先敢勇。千員將施逞英豪。人人望封官賜賞。箇箇要重職名標。收軍羅行營起寨。賀凱歌得勝旗搖。〔下〕〔李嗣源領番卒子上〕〔云〕馬喫和沙草。人磨帶血刀。地寒氈帳冷。殺氣陣雲高。某乃李嗣源是也。今收捕草寇以回。頗奈梁元帥無禮。今差賊將王彥章。領十萬軍兵。搦俺相持。他則知無了存孝。豈知還有俺五虎大將。量他何足道哉。某今領二十萬雄兵。五員虎將。與梁兵交戰去。小校喚將李亞子石敬瑭孟知祥劉知遠李從珂五員將軍來者。〔卒子云〕理會的。衆將安在。〔李亞子上〕〔云〕幼小曾將武藝習。南征北討要相持。臨軍望塵知勝敗。對壘嗅土識兵機。某乃李亞子是也。今有俺嗣源哥哥呼喚。須索見哥哥去。可早來到也。小番報復去。道有李亞子來了也。〔卒子云〕理會的。報的阿媽得知。有李亞子來了也。〔李嗣源云〕着他過來。〔卒子云〕理會的。着你過去。〔做見科〕〔云〕哥哥。呼喚有何事。〔李嗣源云〕亞子兄弟。喚您來別無事。今有梁將王彥章搦戰。等五將來全了。支撥與您軍馬去。〔李亞子云〕理會的。〔石敬瑭上〕〔云〕幼習韜略識兵機。旗開對壘敢迎敵。臨軍能射敵兵怕。大將軍八面虎狼威。某乃石敬瑭是也。今有先鋒將李嗣源呼喚。須索走一遭去。可早來到也。小番報復去。道有石敬瑭來了也。〔卒子云〕理會的。〔報科〕

〔云〕報的阿媽得知。有石敬瑭來了也。〔李嗣源云〕着他過來。〔卒子云〕理會的。着你過去者。〔做見科〕〔云〕呼喚某那廂使用。〔李嗣源云〕石敬瑭。今喚您五將。與王彥章相持去。等來全時。支撥與您軍馬。〔石敬瑭云〕理會的。〔孟知祥上〕〔云〕學成三略和六韜。忘生捨死建功勞。赤心輔弼爲良將。盡忠竭力保皇朝。某乃孟知祥是也。今有李嗣源呼喚。須索走一遭去。可早來到也。小番報復去。道有孟知祥來了也。〔卒子云〕報的阿媽得知。有孟知祥來了也。〔李嗣源云〕着他過來者。〔卒子云〕理會的。着你過去。〔做見科〕〔云〕呼喚孟知祥有何事商議。〔李嗣源云〕且一壁有者。〔劉知遠上〕〔云〕番將雄威擺陣齊。北風招颭皂鵬旗。馬前將士千般勇。百萬軍兵敢戰敵。某乃劉知遠是也。正在教場中操兵練士。今有哥哥陞帳呼喚。須索走一遭去。可早來到也。小番報復去。道有劉知遠來了也。〔卒子云〕理會的。報的阿媽得知。有劉知遠來了者。〔李嗣源云〕着他過來。〔卒子云〕理會的。着你過去。〔劉知遠見科〕〔云〕哥哥。呼喚你兄弟那廂使用。〔李嗣源云〕且一壁有者。等五將來全時。支撥與你軍馬。〔劉知遠云〕理會的。〔李從珂上〕〔云〕幼習黃公智略多。每回臨陣定干戈。刀橫宇宙三軍喪。匹馬當先戰百合。某乃李從珂是也。正在教場中操練番兵。有阿媽呼喚。不知有甚事。須索走一遭去。可早來到也。小番報復去。道有李從珂來了也。〔卒子云〕理會的。報的阿媽得知。有李從珂來了也。〔李嗣源云〕着他過來。〔卒子云〕理會的。

的着過去。〔李從珂云〕阿媽呼喚您孩兒那廂使用。〔李嗣源云〕喚你來不爲別。今有梁元帥命王彥章領十萬雄兵。搦俺相持。某今統二十萬人馬。五哨行兵。擒拏王彥章去。李亞子。你領兵三千。軍行左哨。看計行兵。〔李亞子云〕得令。某今領兵三千。軍行左哨。與王彥章拒敵。走一遭去。人又英雄馬又奔。交鋒今日定江山。兩陣對圓旗相望。不提彥章永不還。〔下〕〔李嗣源云〕石敬瑭近前來。撥與你三千人馬。你軍行右哨。看計行兵。〔石敬瑭云〕得令。則今日領了三千人馬。軍行右哨。親傳將令逞威風。搥鼓奪旗有誰同。十萬軍中施英勇。生擒彥章建頭功。〔下〕〔李嗣源云〕孟知祥。我撥與你三千精兵。你軍行前哨。與王彥章對壘相持去。看計行兵。〔孟知祥云〕得令。某今領三千人馬。軍行前哨。擒拏王彥章去。今朝發奮統戈矛。義兒家將逞搦搜。皂鵬旗磨番兵進。不擒彥章誓不休。〔下〕〔李嗣源云〕劉知遠。撥與你三千雄兵。你軍行中路。與王彥章交鋒去。看計行兵。〔劉知遠云〕得令。奉哥哥的將令。領本部下人馬。與王彥章相持廝殺。走一遭去。大小番兵聽吾將令。到來日衆番將敢勇當先。能相持戰馬盤旋。鼙鼓喊聲振地。皂鵬旗蔽日遮天。韻悠悠胡笳慢品。阿來來口打番言。遇敵處忘生捨死。方顯俺五虎將武藝熟閑。〔下〕〔李嗣源云〕李從珂。我與你三千人馬。你軍行後哨。與王彥章交鋒去。看計行兵。〔李從珂云〕得令。領了阿媽將令。領三千人馬。軍行後哨。與王彥章交戰。走一遭去。兵行將勇敢當先。塞北兒郎列

數員。略施黃公三略智。生擒賊將在馬前。〔下〕〔李嗣源云〕五員虎將去了也。某領大勢雄兵。軍行策應。擒拿王彥章。易如翻掌。赳赳雄威。殺氣高。三軍帥領。顯英豪。假山靠水安營寨。掃蕩賊兵建勳勞。〔下〕〔王彥章驢馬兒領卒子上〕〔云〕某乃王彥章是也。奉俺元帥將令。統十萬雄兵。與李克用家軍馬相持廝殺。遠遠的塵土起處。敢是兵來了也。〔李亞子驢馬兒上〕〔云〕某乃李亞子是也。來者何人。〔王彥章云〕某乃梁將王彥章是也。你乃何人。〔李亞子云〕某乃李亞子是也。敢交鋒麼。操鼓來。〔做戰科〕〔石敬瑭驢馬兒上〕〔云〕某乃石敬瑭是也。兀的不是王彥章。〔戰科〕〔孟知祥驢馬兒上〕〔云〕某乃孟知祥是也。領本部下人馬。截殺王彥章。走一遭去。休着走了王彥章。〔劉知遠驢馬兒上〕〔云〕某乃劉知遠是也。兀的不是王彥章。〔做戰科〕〔李嗣源驢馬兒上〕〔云〕休着走了王彥章。〔李從珂驢馬兒上〕〔云〕某乃李從珂。拏住王彥章者。〔做混戰科〕〔王彥章云〕五員虎將。戰某一人。不中。我與你走走。〔下〕〔李嗣源云〕王彥章敗走了。更待干能。無名的小將。有何懼哉。李亞子石敬瑭孟知祥劉知遠。跟某回大寨中去。留李從珂收後。恐怕王彥章復來。再與他交鋒。他怎生贏的俺軍兵。俺回營中去來。得勝收軍捲征旗。行軍起寨罷相持。衆將鞭敲金鐙響。班師齊唱凱歌回。〔四將同下〕〔李從珂云〕阿媽回兵去了也。某襲殿後。恐防賊兵。征雲籠罩霧雲收。殺氣冲霄滿地愁。羣鴈撲翻鷗鷺鷗。五虎戰敗錦毛彪。〔下〕

〔趙太公上〕〔云〕窗外日光彈指過。席間花影坐間移。老漢趙太公是也。自從教那婦人丟了他那小的。則擡舉着我的孩兒。經今十八年光景。也擡舉的孩兒成人長大了也。近日我染其疾病。若我死之後。恐怕我那孩兒不知。教人尋我那孩兒來。我有幾句言語分付他。孩兒那裡。〔淨趙脖揪上〕〔云〕我做莊家快誇嘴。丟輪扯砲如流水。引着沙三去踹穰。伴着王留學調鬼。自家趙脖揪的便是。我父親是趙太公。祖傳七輩。都是莊家出身。一生村魯。不尙斯文。伴着的是王留趙二牛。表牛觔。鋤鉤過日。耕種絕倫。秋收已罷。賽社迎神。開筵在葫蘆蓬下。酒釀在瓦鉢磁盆。茄子連皮咽。稍瓜帶子吞。蘿蔔蘸生醬。村酒大碗敦。唱會花桑樹。喫的醉醺醺。舞會村田樂。困來坐草墩。閑時磨豆腐。悶後踹麵觔。醉了胡厮打。就去告老人。一頓黃桑棒。打的就發昏。預備和勸酒。永享太平春。我今日喫了幾盃酒。有我爹爹在家染病。且回家看爹爹去。可早來到也。我自過去。〔做見科〕〔云〕爹爹。你病體如何。我妹子那裡去了。〔趙太公云〕孩兒你不知道。他不是你妹子。他是咱家裏買來的。當初覓他來做妳子來。他將那好妳與他養的孩兒喫。將那無乳的妳來與你喫。因此折倒的你這般瘦了。你從今以後。休喚做妳子。則叫他做王嫂。你趁我在日。朝打暮罵他。久後他也不敢管你。孩兒。你扶我後堂中去。〔下〕〔淨趙脖揪云〕爹爹。你不說呵。我怎麼知道。兀的不痛痛痛痛殺我也。我如今喚他出來。王嫂你出來。〔正旦上〕〔云〕過日月好疾也。自從將

孩兒與了那官人去了。可早十八年光景。也未知孩兒有也是無。如今趙太公染病。他着孩兒喚我。須索見他去者。〔見科〕〔淨趙勝揪云〕兀那王嫂。〔正旦云〕你怎生喚我做王嫂。我是你姪姪哩。〔淨趙勝揪云〕我可是你爹爹哩。想當初我父親買你來。與我家爲奴。就着你做姪子。姪的我好。你將那好姪與你那孩兒喫。你將那無乳的姪與我喫。故意的把我餓瘦了。如今我不喚你做姪子了。我則叫你做王嫂。你與我飲牛去。休濕了那牛嘴兒。若濕了我那牛嘴兒呵。回家來五十黃桑棍。〔下〕〔正旦云〕似這般如之奈何。當初他本不知道。如今他既知道了。這煩惱從頭兒受起也。我索井頭邊飲牛去者。下着這般國家祥瑞。好冷天道也呵。〔唱〕

〔正宮端正好〕風颼颼遍身麻。則我這簌簌連身戰。凍飲飲手脚難拳。走的緊來到荒坡佃。覺我這可撲撲的心頭戰。

〔滾繡毬〕我這裡立不定虛氣喘。無筋力手腕軟。瘦身軀急難動轉。恰來到井口傍邊。雪打的我眼怎開。風吹的我身倒偃。凍碌碌自嗟自怨。也是咱前世前緣。凍的我擎不的繩索。拳攀着手立不定身軀。聳定肩苦痛難言。〔云〕我將這水

桶擺在井邊。放下這吊桶去。好冷天道也。〔唱〕

〔倘秀才〕我這裡立不定吁吁的氣喘。我將這繩頭兒呵的來覺軟。一桶水提

離井口邊。寒慘慘手難拳。我可便應難動轉。〔云〕將這吊桶掉在這井裏。我也不敢回家去。到家裏又是打。又是罵。罷罷罷。就在這裡尋箇自縊。〔外扮李從珂。跣馬兒領番卒子上。〕〔云〕幾度相持在戰場。沙陀將士顯高強。破滅黃巢真良將。扶持阿媽保家邦。某乃大將李從珂是也。奉着阿媽的將令。差俺五虎將。與王彥章交戰去來。被俺五虎將困了彥章。今日班師得勝回程。我父親李嗣源。與四箇叔叔。先回去了。某領三千軍馬後哨行將去。打這潞州長子縣過來。到這村莊前。〔做見旦科。〕〔云〕奇怪也。兀那井口傍邊。一箇婦人。守着一擔水。樹上掛着一條繩子。有那覓自縊的心。則管裡啼天哭地的。左右那裡。與我喚那婦人來。我問他。〔卒子云〕理會的。兀那婦人。俺大人喚你哩。〔正旦云〕哥哥。喚我做甚麼。〔李從珂云〕左右接了馬者。〔做下馬科。〕〔云〕將坐兒來我坐。〔正旦做見科。〕〔云〕官人萬福。〔李從珂做猛起身科。〕〔云〕好奇怪也。這箇婆婆兒。剛拜我一拜。恰似有人推起我來的一般。這婆婆兒的福氣。倒敢大似我麼。兀那婆婆。你爲甚麼樹上拴着這條套繩子。要尋自縊。你說一遍。我試聽者。〔正旦云〕官人不知。老身是趙太公家居住。俺太公嚴惡。使我來這井上打水飲牛來。不想將吊桶掉在井裏。不敢回家取三盞釣去。因此上尋箇自縊。〔李從珂云〕可憐也。這婆婆掉了桶在這井裏。不敢回家中去。在此尋箇自盡。噯。可不道螻蟻尚然貪生。爲人何不惜命。左右擎着那揉釣槍。井中替他撈出那桶來。〔卒子云〕理

會的〔做撈桶科〕云打撈出來了也。〔李從珂云〕將桶與那婆婆。〔正旦云〕多謝了官人。〔做認科〕云看了這官人。那中珠模樣。好似我那王阿三孩兒也。〔李從珂云〕這箇婆婆兒。好無禮也。我好意的與你撈出桶來。你爲何看着我啼哭。〔正旦云〕老身怎敢看官人啼哭。老身當初也有箇孩兒來。自小裡與了箇官人去了。如今有呵。也有這般大小年紀也。老身見了官人。想起我那孩兒來。因此煩惱。〔李從珂云〕兀那婆婆。你當初也有箇孩兒來。與了一箇官人去了。那官人姓甚名誰。穿着甚麼衣服。騎着甚麼鞍馬。你從頭至尾。慢慢地說一遍者。〔正旦唱〕

〔倘秀才〕那官人繫着條玉兔鵲連珠兒石碾。戴着頂白氈笠前簷兒慢捲。〔李從珂云〕他來你這裡有甚麼勾當。〔正旦唱〕可是他趕玉兔因來到俺這地面。他兜玉轡攔征腕斜挑着鐙偏。〔李從珂云〕那官人。他可怎生便問你要那孩兒來。〔正旦唱〕

〔呆骨朵〕那官人笑吟吟手撚着一枝鵬翎箭。我可便把孩兒來與了那箇官員。〔李從珂云〕曾有甚麼信息來。〔正旦唱〕知他是富貴也。那安然。知他是榮華也。那穩便。〔李從珂云〕你這許多時。不曾望你那孩兒一望。〔正旦唱〕要去呵。應難去。〔李從珂云〕你會見你那孩兒來麼。〔正旦唱〕要見呵。應難見。〔李從珂云〕你那孩兒小名喚做甚麼。〔正旦唱〕知他是安在也。那王阿三。〔李從珂云〕要了你那孩兒去的官人。姓甚名誰。〔正旦唱〕

你早則得福也李嗣源。〔李從珂云〕奇怪也。這婆婆叫着我阿媽的名字。左右。這世上有幾箇李嗣源。〔卒子云〕止有阿媽一箇是李嗣源。〔李從珂云〕兀那婆婆。我李嗣源一張紙上畫字。我到家中說了。若有你那孩兒時。我教他看你來。你那孩兒如今多大年紀。幾月幾日甚麼時生。你說與我。〔正旦云〕俺孩兒是八月十五日半夜子時生。年十八歲也。小名喚做王阿三。〔李從珂云〕奇怪也。這婆婆說的那生時年紀。和我同年同月同日同時一般般的。則爭一箇名字差着。其中必有暗昧。我到家中呵。好歹着你孩兒來望你。你意下如何。〔正旦云〕官人。是必着孩兒來看我一看。〔唱〕

〔啄木兒尾聲〕你是必傳示與那李嗣源。道與俺那閔子騫。有時節教俺這子母每重相見。要相逢一面。則除是南柯夢裏得團圓。〔下〕〔李從珂云〕奇怪也。這箇婆婆說的他那孩兒。和我同年同月同日同時。則爭着這一箇小名差着。他是王阿三。我是李從珂。其中必有暗昧。我到家中問的明白。那其間來認。未爲晚矣。聽言說罷淚如梭。忽見受苦老婆婆。阿三小字誰名姓。多應敢是李從珂。〔下〕

第四折

〔李嗣源引番卒子上〕〔云〕桃暗柳明中夏至。菊凋梅褪又春回。某乃李嗣源是也。過日月好疾。

也。自從在潞州長子縣。討了那箇孩兒來家。今經十八年光景也。孩兒十八歲也。學成十八般武藝。無有不拈。無有不合。寸鐵在手。有萬夫不當之勇。孩兒喚做李從珂。今因王彥章下將戰書來。搦俺交鋒。奉着俺老阿媽的將令。着某爲帥。李亞子爲先鋒。石敬瑭爲左哨。孟知祥右哨。劉知遠爲中路。李從珂爲合後。統領二十萬大軍。前去與王彥章交鋒。被俺五虎將大破了王彥章。今已班師得勝回還。這一場相持廝殺。多虧了我孩兒李從珂。又今俺四虎將先回。着李從珂孩兒後哨趕將來。阿媽阿者大喜。謝俺阿媽。封俺五將爲五侯。着俺老阿者設一宴。名喚做五侯宴。就要犒賞三軍。阿者的將令。着我等的五將全了呵。來回阿者的言語。這早晚怎生不見五將來。〔李亞子上〕〔云〕三十男兒鬢未斑。好將英勇展江山。馬前自有封侯劍。何用區區筆硯間。某乃大將李亞子是也。奉阿媽的將令。着俺五虎將與王彥章交鋒去來。今已得勝還營。比及見阿媽阿者。先見李嗣源哥哥去。來到也。兀那小番。與我報復去。道有李亞子來了也。〔卒子云〕理會的。〔報科〕〔云〕報的阿媽得知。有李亞子來了。〔李嗣源云〕道有請。〔卒子云〕理會的。有請。〔做見科〕〔李嗣源云〕有請將軍來了也。〔李亞子云〕哥哥。您兄弟來了也。〔李嗣源云〕將軍請坐。左右門首覷者。看有甚麼人來。〔孟知祥上〕〔云〕三尺龍泉萬卷書。皇天生我意何如。山東宰相山西將。彼丈夫兮我丈夫。某乃家將孟知祥是也。奉俺阿媽的將令。着俺五將收捕王彥章已回。

有李嗣源哥哥令人請。須索走一遭去。可早來到也。兀那小番。與我報復去。道有孟知祥來了也。
〔卒子云〕理會的。報的阿媽得知。有孟知祥來了也。〔李嗣源云〕道有請。〔卒子云〕理會的。有請。
〔孟知祥做見科〕〔云〕哥哥。您兄弟來了也。〔李嗣源云〕將軍來了也。有阿者的將令。等俺五虎將來全了。阿者要來犒賞俺哩。將軍請坐。左右門首看者。有衆將來時。報復我知道。〔石敬瑭上〕
〔云〕雄威赳赳定邊疆。皂袍烏鎧黑纓槍。天下英雄聞吾怕。則我是敢勇當先石敬瑭。某乃家將石敬瑭是也。奉俺阿媽的將令。差俺五將。收捕王彥章。去到那裡。則一陣被俺五將大破王彥章。今已得勝。班師回營也。有李嗣源相請。須索走一遭去。兀那小番。與我報復去。道有石敬瑭來了也。〔卒子云〕理會的。報的阿媽得知。有石敬瑭來了也。〔李嗣源云〕道有請。〔卒子云〕理會的。有請。〔做相見科〕〔石敬瑭云〕三位哥哥。您兄弟來了也。〔李嗣源云〕將軍請坐。早間奉阿媽的將令。爲俺五將有功。阿媽要封俺爲五侯。明日阿者要設一宴。是五侯宴。阿者親自犒賞三軍哩。待五將來全。俺一同去也。〔劉知遠上〕〔云〕要立功名顯姓。不辭鞍馬勞神。某乃劉知遠是也。俺奉阿媽的將令。差俺五將。收捕王彥章。今已得勝還營。比及見阿媽。先見李嗣源哥哥。走一遭去。可早來到也。小番報復去。道有劉知遠來了也。〔卒子云〕理會的。報的阿媽得知。有劉知遠來了也。〔李嗣源云〕道有請。〔卒子云〕理會的。有請。〔劉知遠見科〕〔云〕哥哥。劉知遠得勝還營也。〔李

嗣源云將軍請坐。今奉阿者的將令。爲俺五將有功。阿者要設一宴。是五侯宴。阿者親自犒勞賞三軍。還有誰不會來哩。〔李亞子云〕有李從珂將軍不會來哩。〔李嗣源云〕左右門首覲者。若來時。報復我知道。〔李從珂上云〕英雄赴鎮江河。志氣昂昂整干戈。雄威凜凜人人怕。則我是敢勇當先李從珂。某乃李從珂是也。奉阿媽的將令。差俺五虎將。收捕王彥章。今已得勝回營。比及見老阿媽。先見我阿媽。走一遭去。兀那小番。你報復去。道有李從珂來了也。〔卒子云〕理會的。報的阿媽得知。有李從珂來了也。〔李嗣源云〕李從珂孩兒來了也。教孩兒過來。〔卒子云〕理會的。着你過去哩。〔李從珂見科云〕阿媽。您孩兒來了也。〔李嗣源云〕從珂。你爲何來遲。〔李從珂云〕阿媽。您孩兒來到潞州長子縣趙家莊。遇見一箇婆婆兒。樹上拴着條繩子。有那覓自縊的心。您孩兒問其緣故。原來他掉了箇吊桶在井裏。他那主人家利害。待取那三鬚釣去。怕打罵他。因此尋一箇死處。您孩兒着左右人。替那婆婆兒撈出那桶來與他。那婆婆兒看着您孩兒。則管啼哭。您孩兒問其故。那婆婆兒言道。我也有一箇孩兒來。十八年前與了一箇官人。將的去了。您孩兒問他那生時年紀。他道他那孩兒是八月十五日半夜子時生。小名喚做王阿三。如今有呵十八歲也。我又問他那將了你孩兒去的那箇官人。姓甚名誰。不想那婆婆兒。說着父親的名字。看起來他那孩兒。和您孩兒同年同月同日同時。則爭着一箇名姓。我對那婆婆兒說道。我和

那將的你孩兒去的那箇官人一張紙上畫字的人。那婆婆兒啼天哭地。跪着您孩兒哀告道。官人可憐見。若是回去見我那孩兒呵。是必着來看我一看兒。父親。您孩兒想來。既然父親有了您孩兒呵。要他那別人家兒女做甚麼。父親。如今那箇人在那裡。喚他出來。我見他一見。着他去見他那親娘一見去。可不好。〔李嗣源做驚科〕〔云〕住住住。孩兒。你不知道。我是討了一箇孩兒來。要早晚扶持你。那厮也不成。我着他放馬去。不想他掉下馬來跌殺了。如今那裡有那孩兒來。你休管他。明日阿者設一筵宴。名是五侯宴。要犒賞俺五侯哩。你且歇息去。明日早去。〔李從珂云〕阿媽。真箇不和您孩兒說。〔李嗣源云〕說道無則管裡問。〔李從珂問衆人科〕〔衆云〕從珂。你父親是有一箇孩兒來。放馬去跌殺了也。〔李從珂云〕既然您都瞞着我。不肯說。罷罷罷。我出的這門來。今日都不肯說。我恰纔見阿媽和四箇叔叔。都目目相覷。其中必然暗昧。我今日且不問他。每到明日酒席間。老阿者跟前。好歹要箇明白。〔下〕〔李嗣源云〕從珂孩兒去了也。〔卒子云〕去了也。〔李嗣源云〕嗨。四箇兄弟。這孩兒見他那親母來。若是他知道了呵。我偌大年紀也。可怎生是好。〔石敬瑭云〕哥哥。不妨事。俺如今先去與老阿者說知了。則死瞞殺了。不要與他說便了也。〔李嗣源云〕兄弟。你道的是。比及他去見老阿者。咱先去見老阿者。走一遭去。不由展轉暗猜疑。當初無有外人知。從珂若認親娘去。我便是鐵人無淚也傷悲。〔同下〕〔李嗣源同四將整扮上〕〔李

嗣源云：「今日筵宴安排了也。咱請老阿者去來。」阿者：「您孩兒有請。」〔正旦扮劉夫人上〕云：「老身劉夫人是也。爲俺五箇孩兒大破梁兵，得勝回還。老身今日設一宴，名是五侯宴。一來慶賀功勞，二來犒賞孩兒。筵宴都安排了也。則等老身須索走一遭去。」〔唱〕

〔商調集賢賓〕我則見骨刺刺列開錦繡旗，笑吟吟齊和着凱歌回。則聽的撲簌簌鼉皮鼓，播韻悠悠鳳管笛吹。第一來會俺這困彥章得勝的兒郎，第二來賀功勞做一箇慶喜的筵席。我則見兒郎每笑吟吟排在兩下裡，一箇箇赳赳雄威。他那裡高擎着玉罍，滿捧着香醪。他每都一齊的跪膝。〔李嗣源李亞子石敬瑭孟知祥劉知遠衆將做跪下〕李嗣源遞酒科。〔云〕阿者滿飲一盃。〔正旦做接酒科〕〔云〕孩兒每請起來。〔李嗣源云〕量您孩兒每有甚功勞，着阿者如此用心。〔正旦云〕孩兒每請坐。〔衆云〕孩兒每不敢也。〔正旦唱〕

〔逍遙樂〕俺直喫的盡醉方歸，轉籌更不得逃席。〔李亞子做遞酒科〕〔云〕將酒來。阿者滿飲一盃。〔正旦做接酒科〕〔唱〕住者此盞罷。孩兒每你着他穩坐的。序長幼則論年紀。觥籌交錯。李嗣源爲頭。各分您那坐位。〔石敬瑭云〕我與阿者遞一盃。阿者滿飲一盃。〔正旦云〕孩兒每。今日是甚麼宴。〔衆云〕今日是五侯宴。〔正旦云〕既是五侯宴，可怎生不見我那

李從珂孩兒在那裡。(李嗣源云)左右那裡。門首覷者。李從珂來時。報復我知道。(李從珂上)〔云〕便好道事不關心。關心者焦。昨日問我阿媽那王阿三一事。我阿媽與衆人左右。隱諱不肯說。今日五侯宴上。若見了老阿者。我好歹要問箇明白。來到也。報復去。道李從珂來了也。(卒子云)理會的。報的阿者得知。有李從珂來也。(正旦云)着孩兒過來。(卒子云)理會的。着您過去哩。(李從珂做見正旦科)(正旦云)從珂孩兒來了也。(李從珂云)老阿者。您孩兒來了也。(做拜科)(正旦云)不枉了好兒也。從珂你爲何來遲也。(李從珂云)您孩兒往潞州長子縣過來。(李嗣源做打攔科)(云)從珂休胡說。則飲酒。(李從珂云)您孩兒往潞州長子縣過來。(李嗣源打攔科)(云)從珂中說的便說。不中說的休說。則飲酒。(李從珂云)老阿者。您孩兒要說。阿媽兩次三番。則是攔當。不知爲何不要您孩兒說。我也不飲酒。(正旦云)李嗣源着孩兒說。你休攔他。(李從珂云)老阿者。孩兒往潞州長子縣過。見一箇老婆婆兒。樹上拴着條繩子。有那覓自縊的心。您孩兒問其故。他原來去井上打水。掉了桶在井裏。他那主人家嚴惡。那婆婆兒怕打。也不敢家中取三鬚釣去。因此上覓箇死。您孩兒令人替他撈起桶來。那婆婆兒看着您孩兒。則管裡啼哭。您孩兒言稱道。你爲何看着我則管裡啼哭。那婆婆道。我怎敢看着官人啼哭。當初我有一箇孩兒來。十八年前與了一箇官人去了。如今有呵。也有官人這般大年紀。您孩兒問他。那孩

兒生時年月。那婆婆道。我孩兒是八月十五日夜子時生。小名喚做王阿三。您孩兒又問將的
你孩兒去了的那箇官人。他姓甚名誰。那婆婆兒叫阿媽的名字。您孩兒想來。那婆婆兒說他那
孩兒的八字。和您孩兒同年同月同日同時。則爭箇名姓。您孩兒是李從珂。他可是王阿三。您孩
兒昨日箇問阿媽。堅意的不肯說。今日對着老阿者。與衆將在此。着王阿三出來。您孩兒見他一
見。怕做甚麼。〔正旦看李嗣源云〕孩兒。他敢見他那母親來麼。〔李嗣源云〕誰說道見他那父親
來。阿者。休和孩兒說。您孩兒偌大年紀也。則看着他一箇兒。不爭阿者對着他說了呵。則怕生分
了孩兒麼。〔正旦云〕從珂孩兒。你阿媽是有箇孩兒來。放馬去跌殺了也。〔李從珂云〕老阿者。休
瞞您孩兒。便和您孩兒說呵。怕做甚麼。〔正旦唱〕

〔醋葫蘆〕那時節曾記得你有箇弟弟。你阿媽乞將來不曾與些好衣食。你阿
媽後來生下你。教那厮放牛羊過日。到如今多管一身虧。〔孟知祥云〕阿者。您孩兒
不曾與阿者遞一盃酒哩。阿者。您孩兒遞一盃酒。請阿者行一箇酒令。今日不同往日筵會。大家
都要歡喜。將酒來。您孩兒遞一盃。〔正旦云〕孩兒每。今日是箇好日辰。都要歡喜飲酒。不許煩惱。
〔李嗣源云〕阿者說的是。都聽令。則要歡喜飲酒。不許煩惱。〔李從珂云〕住住住。老阿者。這庄事。
您孩兒務要箇明白了呵。便飲酒。老阿者。對您孩兒說了罷。〔李嗣源做跪科〕〔云〕阿者。休和孩

兒說〔正旦云〕李嗣源孩兒〔唱〕

〔醋葫蘆〕我這裡低聲便喚你。你可便則管裡。你那裡乾支刺的陪笑賣楂梨。不須咱道破他早知。那孩兒舉頭會意。咱不說他心下也猜疑。〔李從珂云〕阿媽和您孩兒說了罷。〔李嗣源云〕你教我說甚麼來。〔李從珂云〕老阿者。對您孩兒說了罷。〔正旦云〕你阿媽則生了你一箇。你着我說甚麼來。〔李從珂云〕住住住。既然老阿者和阿媽都不肯說。罷罷罷。要我這性命做甚麼。我就這裡拔劍自刎了罷。〔正旦李嗣源衆將做扳住手奪劍科〕〔李嗣源云〕孩兒也不爭你有些好歹呵。着誰人侍養我也。兒也。〔正旦云〕罷罷罷。李嗣源孩兒。我說也。〔李嗣源云〕阿者且休和孩兒說。〔正旦云〕我若說了呵。〔唱〕

〔後庭花〕則俺這李嗣源別有誰。〔李嗣源做悲科〕〔李從珂云〕老阿者。如今王阿三在那裡。〔正旦云〕孩兒也。十八年前。你阿媽大雪裏。在那潞州長子縣。抱將你來。〔李從珂云〕老阿者。您孩兒可是誰。〔正旦唱〕孩兒也。則這箇王阿三。可則便是你。〔李從珂云〕原來我便是王阿三。兀的不氣殺我也。〔做昏倒科〕〔衆做救科〕〔李嗣源云〕從珂兒也。精細着。〔正旦云〕從珂兒也。甦醒者。〔李從珂做醒悲科〕〔云〕哎。痛殺我也。〔正旦云〕孩兒省煩惱。〔李從珂云〕老阿者。我的親母。見受着千般苦楚。我怎生不煩惱。〔李嗣源云〕阿者。恰纔休和他說也罷。不爭孩兒知道了。如今便要

認他那親娘去。如之奈何。〔正旦唱〕不爭咱這養育父將他相瞞昧。〔云〕咱是他養育父母。他見了他親娘。受無限苦楚。不爭你不要他去認呵。〔唱〕兒也則他那嫡親娘。可是圖一箇甚的。他如今受驅馳。他如今六十餘歲。他身單寒腹內饑。他哭啼啼擔着水。你將來瞞昧者。〔李嗣源云〕阿者。則是生分了孩兒也。〔正旦云〕孩兒。他這裡怕不騎鞍壓馬。受用快活。他那親娘與人家擔水運漿。在那裡喫打喫罵。孩兒。你尋思波。〔唱〕

〔雙鴈兒〕他怎肯坐而不覺立。而饑。母恩臨怎忘的。你着他報了冤讎。雪了冤氣。你着他去認義。那其間來見你。〔李從珂做悲科〕〔李嗣源做喚科〕〔云〕從珂從珂。〔李

從珂不應科〕〔李嗣源云〕我喚他從珂。他不應。我如今喚他那舊小名王阿三。〔李從珂做應

科〕〔云〕阿媽。您孩兒有。〔李嗣源云〕阿者。我恰纔喚他從珂。他不應。我喚他王阿三。他纔應。

〔李嗣源說鷓鴣論云〕不因此事。感起一庄故事。昔日河南府武陟縣。有一王員外家近黃河岸邊。忽一日閑行到於蘆葦坡中。見數十箇鴨蛋在地。王員外言道。荒草坡中。如何得這鴨蛋。王員外將鴨蛋擎到家中。不期有一雌鷄。正在暖蛋之時。王員外將此鴨蛋與雌鷄伏抱數日。箇箇抱成鴨子。雌鷄終日引領衆鴨趁食。箇月期程。漸漸毛羽長成。雌鷄引小鴨來至黃河岸邊。不期黃河中有數隻蒼鴨在水浮泛。小鴨在岸忽見。都入水中。與同衆鴨遊戲。雌鷄在岸回頭。忽見鴨雛

飛入水中。恐防傷損性命。雌雞在岸。飛騰叫喚。王員外偶然出戶。猛見小鴨水中與大鴨遊戲。王員外道。可憐。我道雞母爲何叫喚。原來見此鴨雛入水。認他各等生身之主。雞母你如何叫喚。王員外言道。此一庄故事。如同世人養他人子一般。養殺也不親。與此同論。後作雞鴨論。與世上人爲戒。有詩爲證。詩曰。鴨有子兮雞中抱。抱成鴨兮相趁逐。一朝長大生毛羽。跟隨雞母岸邊遊。忽見水中蒼鴨戲。小鴨入水任漂流。雞在岸邊相顧望。徘徊呼喚不回頭。眼欲穿兮腸欲斷。整毛斂翼志悠悠。王公見此鴨隨母。小鴨羣內戲波遊。勸君莫養他人子。長大成人意不留。養育恩臨全不報。這的是養別人兒女下場頭。哎。兒也。兀的不痛殺我也。(正旦云)孩兒你省煩惱。(李嗣源云)阿者。您孩兒怎生不煩惱。(李從珂做辭正旦科)(二云)老阿者放心。是今日說破也。可憐見您孩兒。怕不在這裡。一身榮華。我那親娘在那裡。與人家擔水運漿。喫打喫罵。千辛萬苦。看看至死。不久身亡。您孩兒爭忍在此不去認母也。我說罷也。兩淚千行。恰便是刀攪我心腸。做娘的忍饑受餓。爲子的富貴榮昌。可憐見看看至死。可來報答你這養育親娘。(正旦云)從珂孩兒。你則今日領百十騎人馬去。認你母親去。孩兒。你則早些兒回來。(李嗣源云)兒也。我乾擡舉了你這十八年也。(李從珂云)阿媽休煩惱。您孩兒認了母親。一同的便來也。(正旦李嗣源做悲科)(二云)孩兒。你早些兒回來。(李從珂做拜辭科)(二云)您孩兒理會的。我出的這門來。則今日領着

百十騎人馬。直往潞州長子縣認母親。走一遭去來。我恰纔拜別尊堂兩淚流。則爲親娘我無限憂。我今日領兵若到長子縣。拏賊與母報冤讎。〔下〕〔正旦云〕嗣源從珂孩兒去了也。〔李嗣源云〕從珂去了也。〔正旦云〕嗣源孩兒。你則今日隨後領着人馬。直至潞州長子縣看孩兒去。就將他母親一同取將來。你都小心在意者。〔衆應科〕您孩兒理會的。〔正旦唱〕

〔尾聲〕快疾忙擺劍戟。衆番官領兵器。將孩兒緊緊的廝追隨。我則是可憐見他母親無主依。你與我疾行動一會。他認了他嫡親娘。你與我疾便的早些兒回。〔下〕〔李嗣源云〕則今日俺弟兄五人。點就本部下人馬。隨孩兒直至潞州長子縣。取孩兒的親娘。走一遭去。大小三軍聽吾將令。則今日便索行程。接應孩兒去。驛兵領將顯高強。從珂去認嫡親娘。若到潞州長子縣。管教他子母早還鄉。〔同下〕

第五折

〔淨扮趙勝揪上〕〔云〕自家老趙。終日眼跳。山人算我。說我死到。自家趙勝揪的便是。這兩日有些眼跳。頗索那婆子無禮。我使他打水飲牛。見一日要一百五十桶水。今日這早晚不見來。快着人去。拏將那婆子來。〔正旦擔水桶上〕〔云〕似這般苦楚。幾時受徹也呵。〔唱〕

〔雙調新水令〕則聽的叫一聲拏過那賤人來。我見叫叫叮叮大驚小怪。狠心

腸的歹大哥。欺負俺無主意的老形骸。也是我運拙時乖。捨死的盡心兒耐。〔見

淨科〕〔淨云〕兀那婆子。你這一日在那裡來。你死也。〔正旦云〕我在井邊打水飲牛來。〔淨云〕你去了這一日。打了多少水。你這賤人。好生無禮。則這般和你說。也不濟事。你死也。將繩子來。吊起這婆子來。我直打死你。便罷。你死也。〔淨做吊起正旦科〕〔正旦云〕天也。可着誰人救我也。〔李從珂領衆卒子冲上〕〔云〕某乃李從珂是也。大小三軍。來到這潞州長子縣趙家莊也。衆軍圍了這莊者。〔衆軍做圍了莊科了〕〔李從珂云〕尋我姝姝在那裡。〔做入門科〕〔淨云〕爹爹是甚麼官人。誆殺我也。〔淨慌科〕〔正旦唱〕

〔川撥棹〕我則見鬧垓垓。鬧垓垓的軍到來。一箇箇志氣胸懷。馬上胎孩。雄赳赳名揚四海。喜孜孜笑滿腮。〔李從珂云〕兀的吊着的。不是我姝姝。小校快解了繩子。扶將來。〔正旦唱〕

〔七弟兄〕我這裡見來。見來這箇英才。入門來兩步爲一幕。大踏步一夥。上前來。低着頭展脚舒腰拜。〔李從珂做拜科〕〔云〕姝姝。你認的您孩兒麼。〔正旦唱〕

〔梅花酒〕他不住的喚妳妳。把淚眼揉開。走向前來。急慌忙扶策。衆軍卒一字擺。衆官員兩邊排。俺孩兒是壯哉。可撲的跪在塵埃。可撲的跪在塵埃。〔李從珂

云〕母親認的您孩兒王阿三麼〔正旦云〕誰是王阿三〔李從珂云〕則我便是王阿三〔正旦與從珂做悲科〕〔正旦唱〕

〔喜江南〕兒也。今日箇月明千里故人來。這一場好事奔人來。俺孩兒堂堂狀貌有人材。暢好是氣槩。恰便似九重天飛下一紙赦書來。〔正旦與從珂認住悲科〕

〔正旦云〕孩兒。若不是你來呵。那得我這性命來。〔李從珂云〕母親。那打你的欺負你的安在。

〔正旦指淨云〕是這厮打我來。〔李從珂云〕原來是這厮欺負我母親來。〔淨云〕你是誰。〔李從

珂云〕你問我是誰。這箇是我的親娘。〔趙脖揪云〕這箇婦人。原來是你的親娘。這等叫我死也。

〔李從珂云〕把這厮與我執縛了者。〔李嗣源同四將上〕〔李嗣源云〕來到這潞州長子縣趙家

莊也。兀的不是從珂孩兒。〔李從珂云〕阿媽也來了也。母親和阿媽厮見者。〔李嗣源云〕兀那婆

婆。你認的我麼。〔正旦做見嗣源科〕云〕索是多謝了官人。〔李嗣源覷趙脖揪云〕這厮是誰。

〔李從珂云〕阿媽。這厮便是那趙太公的孩兒。〔李嗣源云〕兀那厮。你那趙太公那裡去了。〔趙

脖揪云〕大人可憐見。我父親死了也。當初改了文契。是我父親來。如今折倒他母親。也是我來。

朝打暮罵他母親。也是我來。事到今日。饒便饒。不饒便哈刺了罷。〔李嗣源云〕這厮改毀文契。欺

壓貧民。推赴軍前。斬首施行。李從珂。與你母親換了衣服。輛起車兒。同到京師。拜見老阿者阿媽。

去來〔正旦唱〕

〔沽美酒〕今日箇望京師雲霧靄。朝帝闕勝蓬萊。共享榮華美事諧。受用了玄纁玉帛。俺一家兒盡豪邁。

〔太平令〕穩情取香車塵蓋。子母每終是英才。怡樂着昇平景界。端的是雍熙無賽呀。今日箇喜哉美哉。快哉。謝皇恩躬身禮拜。〔李嗣源云〕則今日敲牛宰馬。做一箇慶喜的筵席。則爲這李從珂孝義爲先。爲母親苦痛哀憐。因葬夫典身賣命。相拋棄數十餘年。爲打水備知詳細。認義在井口傍邊。今日箇纔得完聚。王阿三子母團圓。

題目 王阿三子母兩團圓

正名 劉夫人慶賞五侯宴

五侯宴穿關

楔子

李嗣源

煙墩帽
開粧茄袋

蟒衣曳撒
帶劍

三髯髯

番卒子

練垂帽
貼裏

虎兒斑丟袖
皮條茄袋

刀

趙太公

雙簷髯帽
青直身

繼兒
拄杖

正旦李氏

場頭手帕
裙兒

補衲襖
布襪鞋

第一折

趙太公

同前

正旦李氏

場頭手帕
布襪鞋

襖兒
裙兒
抱二條

第二折

李嗣源番卒子正旦李氏

同前
抱條兒

李嗣源又上

同前

第三折

葛從周

麥簷帽
直纏

蟒衣曳撒
格膊帶

帶劍

項帕

三髯髯

卒子

紅碗子盔
甲兒

青布釘
格膊劍

王彥章

披廈冠
蒼白髮陀

頭抹額

錦襖

皂袍

項帕

如意裙

直纏

李嗣源

番卒子

同前

李亞子

石敬瑭

狐帽 膝襴曳撒 毛襖 孟知祥 煙墩帽 膝襴曳撒 毛襖 劉知遠 煙墩帽 蟒衣
關粧茄袋 帶劍 三髯髯 孟知祥 關粧茄袋 帶劍 三髯髯 劉知遠 曳撒 比甲
關粧茄袋 帶劍 李從珂 狐帽 蟒衣曳撒 毛 王彥章又上 李亞子 石敬瑭 孟知祥
劍 三髯髯 俱同 劉知遠 李嗣源 李從珂 趙太公 俱同 趙綽 龍帽 青 正旦 李氏 李從珂
番卒子又上 同 前


第四折

李嗣源 番卒子 李亞子 孟知祥 石敬瑭 劉知遠 李從珂 李嗣源 四將又上 俱同
前 正旦 劉夫人 罽毳帽 補子襖兒 毛襖 李從珂 又上 同
裙兒 布襪 鞋 拄杖

第五折

趙綽 正旦 李氏 李從珂 番卒子 李嗣源 四將 俱同 前

內本校錄清常記



狀元堂陳母教子

元關漢卿

楔子

〔沖末外扮寇萊公引祗從上〕〔寇萊公云〕白髮刁騷兩鬢侵。老來灰盡少年心。等閑贏得食天祿。但得身安抵萬金。老夫姓寇名準字平仲。官拜萊國公之職。方今聖人在位。八方無事。四海晏然。當今明主要大開學校。選用賢良。每三年開放一遭舉場。今以聖主仁慈寬厚。一年開放一遭舉場。天下秀才都來應舉求官。今奉聖人的命。怕有那山間林下。隱跡埋名。懷才抱德。閉戶讀書。不肯求進的。聖人着老夫五南路上採訪賢士。走一遭去。調和鼎鼐理陰陽。萬里江山屬大邦。天下文齊齊字疑誤齊仰賀。他都待赤心報國盡忠良。〔下〕〔正旦引大末二末三末旦兒同雜當上〕〔正旦云〕老身姓馮。夫主姓陳。乃漢相陳平之後。老身所生三箇孩兒。長者陳良資。次者陳良叟。第三箇是陳良佐。有一女小字梅英。老身嚴教訓子攻書。蓋一堂名曰狀元堂。未曾完備哩。孩兒每也。做甚麼這般大驚小怪的。您看去者。〔大末云〕那裡這般大驚小怪的。〔雜當云〕打牆處創出一窖金銀來。〔大末云〕你何不早說。我與我母親說去。〔見正旦科〕〔云〕母親。打牆處創出一窖金銀來。〔正旦云〕是真箇打牆處創出一窖金銀來。休動着。就那裡與我培埋了者。〔大末云〕

母親。這的是天賜與俺的錢財。可怎生培埋了那。〔正旦云〕孩兒每也。你那裡知道。豈不聞邵堯夫教子伯溫曰。我欲教汝爲大賢。未知天意肯從否。遺子黃金滿籬。不如教子一經。依着我。就那裡與我培埋了者。〔大末云〕理會的。三兄弟依着母親的言語。便培埋了者。〔三末云〕下次小的每。將那金銀都埋了者。有金元寶留下四箇。我要打一副網巾環兒戴。〔正旦云〕往年間三年放一遭選場。如今一年開一遭選場。見今春榜動。選場開。着大哥求官應舉去。得一官半職。改換家門。可不好那。〔大末云〕母親說的是。今年春榜動。選場開。您孩兒使上朝求官應舉去。若得一官半職。改換家門。可也光輝宗祖也。〔三末云〕母親。春榜動。選場開。您孩兒應舉。走一遭去。〔正旦云〕三哥。你讓大哥去。你做官的日子有哩。〔三末云〕母親說的是。他文章低。不濟事。讓他先去。〔大末做拜正旦科〕〔云〕今日是箇吉日良辰。辭別了母親。便索長行。二兄弟。好生在家侍奉母親。三兄弟。在家着志攻書。你看他波。我拜着他。他不還我禮。〔三末云〕我不拜你。拜下去就折殺了你。〔正旦云〕孩兒。你則着志者。早些兒回來。將酒來。大哥。你飲過這酒去者。〔大末云〕您孩兒理會的。〔做飲酒科〕〔正旦唱〕

〔賞花時〕憑着你萬言策詩書奪第一。八韻賦文章誰似你。五言詩作上天梯。望皇家的這富貴。金殿上脫白衣。〔大末云〕憑着您孩兒素日所學。必得高官也。〔正旦唱〕

〔么篇〕哎。兒也則要你金榜無名誓不歸。弟兄裡叢中先覷着你。〔云〕將酒來。
〔唱〕我這裡滿滿的捧着金盃。我與你專專的這慶喜。則要你奪的箇狀元歸。
〔同二末三末旦兒下〕〔大末云〕則今日收拾了琴劍書箱。上朝求官應舉。走一遭去。一舉首登
龍虎榜。十年身到鳳凰池。〔下〕

頭折

〔正旦引二末三末旦兒同上〕〔二末云〕母親。自從大哥上朝求官應舉去也。母親每夜燒這夜
香。不知爲何也。〔正旦云〕大哥求官應舉去了。必然爲官也。我每夜燒一炷香。您那裡知道也。我
不求金玉重重貴。只願兒孫箇箇賢。〔唱〕

〔仙呂點絳脣〕我爲甚每夜燒香。博一箇子孫興旺。天將傍。非是我誇強。我則
待將禮記詩書講。〔二末云〕母親。大哥這一去。憑着他那七言詩八韻賦。必然爲官也。〔正旦唱〕
〔混江龍〕才能謙讓祖先賢。承教化。立三綱。稟仁義禮智。習恭儉溫良。定萬代
規模遵孔聖。論一生學業好文章。周易道謙謙君子。後天教起此文章。毛詩云
國風雅頌。關雎云大道洋洋。春秋說素常之德。訪堯舜夏禹商湯。周禮行儒風
典雅。正衣冠環珮鏘鏘。中庸作明乎天理。性與道萬代傳揚。大學功在明明德。

能齊家治國安邦。論語是聖賢作譜。禮記善問答行藏。孟子養浩然之氣。傳正道暗助王綱。學儒業守燈窗。望一舉把名揚。袍袖惹桂花香。瓊林宴飲霞觴。親奪的狀元郎。威凜凜。志昂昂。則他那一身榮顯。可使萬人知。抵多少。五陵豪氣三千丈。有一日腰金衣紫。孩兒每也休忘了那琴劍書箱。〔云〕三哥門首觀者。看有甚麼人來。〔三末云〕我門首觀者。看有甚麼人來。〔報登科上〕〔云〕是也。自家報登科的便是。如今有陳大官人。得了頭名狀元。報登科記。走一遭去。可早來到也。〔做見三末科〕〔云〕陳三哥支揖哩。〔三末云〕有甚麼話說。〔報登科云〕有家裡大哥。得了頭名狀元。小人特來報喜。三哥與家中老母說一聲兒。〔三末云〕怎麼俺大哥做了官也。你認的是着。〔報登科云〕正是大哥。〔三末云〕你則在這裡。我報復母親去。〔三末見正旦科〕〔云〕母親。大廝得了官也。有報登科記的在門首。〔正旦云〕與那報登科記的三兩銀子者。〔三末云〕理會的。報登科記的。與你三兩銀子。你去罷。〔報登科云〕多謝了三哥。我去也。〔下〕〔大末扮官人跚馬兒領祗從上〕〔云〕志氣凌雲徹碧霄。攀蟾折桂顯英豪。昨夜布衣猶在體。誰想今朝換紫袍。小官陳良資是也。自到帝都闕下。擴過文華手卷。日不移影。應對百篇。得了頭名狀元。借宰相頭答。誇官三日。來到門首也。左右接了馬者。〔見三末科〕〔云〕三兄弟。您哥哥得了頭名狀元也。你報復母親去。〔三末云〕大哥。你

得了官也。我和你有箇比喻。似那搶風揚穀。你這等靴者先行。瓶內釀茶。俺這濃者在後。（大末云）兄弟。你報復母親去。（三末云）我報復去。（做見正旦科）（云）母親。賀萬千之喜。大哥得了官也。見在門首哩。（正旦云）好好好。着孩兒過來。（三末云）理會的大哥。母親着你過去哩。（大末做拜未做見正旦拜科）（云）母親。您孩兒得了頭名狀元也。（正旦云）不枉了好兒也。（大末做拜二末科）（云）二兄弟。您哥哥得了頭名狀元也。（二末拜科）（云）哥哥。喜得美除也。（大末做拜三末科）（云）三兄弟。您哥哥得了頭名狀元也。你看他波。三兄弟。我得了官拜你。怎生不還我禮。（三末云）我待回禮來。我的文章可高似你。（大末云）若不是母親嚴教。您孩兒豈有今日也。（正旦唱）

〔油葫蘆〕俺孩兒一舉登科赴選場。則是你那學藝廣。把羣儒一掃盡伏降。您端的似鵬鵬得志秋雲長。您端的似魚龍變化春雷響。（大末云）母親。您孩兒受十年苦苦孜孜。博一任歡歡喜喜也。（正旦云）大哥。（唱）則是你才藝高。學藝廣。可正是禹門三月桃花浪。俺孩兒他平奪得一箇狀元郎。（大末云）十年窗下無人問。一舉成名天下知也。（正旦唱）

〔天下樂〕則他那馬頭前朱衣列兩行。着人談揚。在這滿四方。可正是靈椿老。

盡丹桂芳。您可也不辱沒你爺。您可也不辱沒你娘。〔云〕好兒也。〔唱〕你正是男兒當自強。〔云〕今年第二年也。該第二箇孩兒上朝應舉去。〔三末云〕住者。母親頭一年讓大哥去了。今年可該您孩兒去也。〔二末云〕三兄弟。你讓我去罷。〔正旦云〕三哥。讓你二哥去。你那做官的日子有哩。〔三末云〕母親。他文章不濟。他百家姓也是我教與他的。我的文章高似他。我去罷。〔二末云〕三兄弟。我知道你的文章高。你在家中好生侍奉母親。則今日是箇吉日良辰。辭別了母親。您孩兒上朝求官應舉去也。〔做拜正旦科〕〔正旦云〕孩兒。你可着志者。〔二末拜大末科〕〔云〕大哥。家中侍奉母親。〔大末云〕兄弟。你此一去。必受皇家富貴也。〔二末做拜三末科〕〔云〕三兄弟。你哥哥應舉去也。家中好生侍奉母親。〔三末做不還禮科〕〔二末云〕三兄弟。我拜你。你怎生不還我禮。〔三末云〕我不拜你。我的文章高似你。拜下去就折殺了你。〔二末云〕你看他波。則今日收拾了琴劍書箱。上朝進取功名那。走一遭去。青霄有路終須到。金榜無名誓不歸。〔下〕〔三末云〕母親。我讓二哥去。你可歡喜了。〔正旦云〕三哥。你那裡知道那。〔唱〕

〔醉扶歸〕則要你聚螢火臨書幌。積瑞雪映寒窗。你昆仲謙和禮正當。伊是兄弟。他是兄長。不爭着你箇陳良佐。先登了舉場。着人道我將你箇最小的兒偏

向。

〔三末云〕母親說的是。〔正旦云〕三哥門首觀者。看有甚麼人來。〔報登科上云〕是也。自家報登科記的便是。如今有陳媽媽家陳二哥。得了頭名狀元也。我直至他門上報登科。走一遭去。可早來到也。〔做見三末科〕〔三哥支揖哩。〕〔三末云〕有甚麼話說。〔報登科云〕有家裡二哥。得了頭名狀元也。小人特來報喜。〔三末云〕報登科的。俺二哥也得了官了。您認的是麼。〔報登科云〕正是家裡二哥。〔三末云〕你則在這裡。我報復母親去。〔見正旦科〕〔云〕母親。二哥得了官也。有報登科的在於門首。〔正旦云〕是真箇與那報登科的。二兩銀子。〔三末云〕理會的。報登科的。與你二兩銀子。你可休嫌少。等我明日得了官。你就從貢院裡鼓着掌。攔着手。叫到我家裡來。說陳家三哥得了官也。我賞你五十兩銀子。〔報登科云〕我知道。多謝了三哥。我回去也。〔下〕〔二末扮官人擺頭答謝馬兒上〕〔云〕黃卷青燈一腐儒。九經三史腹中居。學而第一須當記。養子休教不看書。小官陳良叟是也。自到帝都闕下。攬過卷子。見了聖人。日不移影。應對百篇。聖人見喜。加小官頭名狀元。借宰相頭答。誇官三日。可早來到門首也。左右接了馬者。有三兄弟在於門首。〔做見三末科〕〔云〕三兄弟。你哥哥得了官也。〔三末云〕二哥。你得了官也。我和你有箇比喻。我似那靈禽在後。你這等金鳥先飛。我和母親說去。〔做見正旦科〕〔云〕母親。二哥真箇得了官也。見在門首哩。〔正旦云〕着孩兒過來。〔三末云〕理會的。二

哥。母親怪你哩。〔二末云〕我得了官。母親喜歡便是。可怎生到原作道當作倒
趙校改到疑誤怪我。〔三末云〕說你

怎生也做了官來。着你過去哩。〔二末做見正旦科〕〔云〕您孩兒多虧了母親嚴教。今日得了頭名狀元也。〔做拜科〕〔正旦云〕不枉了好兒也。〔二末拜大末云〕大哥。你兄弟得了官也。〔大末云〕兄弟喜得美除。〔二末做拜三末云〕三兄弟。你哥哥得了官也。〔三末不還禮科〕〔二末云〕三兄弟。我做了官拜你。你怎麼不還我禮。〔三末云〕我的文章高似你。怎麼消受的我還禮。〔正旦云〕好兒也不枉了。將酒來。孩兒也。你滿飲一盃者。〔二末云〕您孩兒飲這一盃酒者。〔飲酒科了〕〔衆街坊上〕〔云〕老漢是這陳婆婆街坊的便是。他兩箇孩兒。都做了頭名狀元也。俺衆街坊牽羊擔酒慶賀。走一遭去。可早來到也。不必報復。俺自過去。〔衆街坊做見正旦科〕〔云〕陳婆婆。俺衆街坊沒甚麼。牽羊擔酒。特來慶賀狀元也。〔正旦云〕有勞衆街坊每。〔街坊云〕不敢也。

〔正旦唱〕

〔金盞兒〕兀的不歡喜殺老尊堂。炒鬧了衆街坊。俺家裡無三年兩箇兒一齊的登了金榜。〔街坊云〕婆婆乃善門之家。以此出兩箇狀元也。〔正旦唱〕俺家裡狀元堂上一雙雙。一箇學李太白高才調。一箇似杜工部好文章。一箇是擎天白玉柱。一箇是架海紫金梁。〔云〕大哥受了者。等三哥爲了官呵。一總還街坊老的每禮也。〔大末云〕衆街

坊休怪。改日置酒還禮。〔街坊云〕不敢不敢。老婆婆恕罪。俺街坊每回去也。〔下〕〔正旦云〕兀的不歡喜殺老身也。〔唱〕

〔後庭花〕今日箇成就了俺兒一雙。勝得了黃金子萬兩。且休說金玉重重貴。則願的俺兒孫每箇箇強。您暢好是不尋常。您娘便非干偏向。人前面硬主張。您心中自付量。親兄弟別氣象。則要您顯志強。〔二末云〕您孩兒是白衣之人。誰想今日奮發也。〔正旦唱〕

〔柳葉兒〕他終則是寒門卿相。正青春血氣方剛。擁虹蜺氣吐三千丈。孩兒每休誇強。意休慌。他則是放着你那紫綬金章。〔云〕孩兒。今年第三年也。可該你應舉去哩。

〔三末云〕着大哥走一遭。〔大末云〕俺兩箇都做了官也。你可走一遭去。〔三末云〕二哥走一遭。

〔二末云〕我已得了官也。你可走一遭也。〔三末云〕這麼說。母親走一遭。〔正旦云〕你看他波。

〔三末云〕都不去。我也不去。〔大末云〕可該你去了。〔三末云〕怎麼直起動我去。小的每將紙墨筆硯來。寫一簡帖兒。寄與那今場貢主。說陳三哥家裡忙。把那狀元寄將家裡來我做。〔正旦云〕孩兒也。可該你去也。〔二末云〕我去也罷也罷。我走一遭去。母親。您孩兒應舉去也。我有三椿兒氣概的言語。〔正旦云〕可是那三椿兒。〔三末云〕是掌上親紋。懷中取物。碗裡擎帶肥兒的蒸餅。

則今日辭別了母親。便索長行。〔做拜正旦科〕〔大末云〕兄弟。你怎麼不拜俺兩箇哥哥。〔三末云〕兩箇哥哥。我不拜你。我的文章高似你。〔正旦云〕孩兒也。則要你着志者。〔三末云〕母親保重將息。您孩兒得了官便來。〔正旦唱〕

〔尾聲〕你頻頻的把舊書來溫。款款將新詩講。不要你誇談主張。我說的言詞有些老混忘。後園中花木芬芳。俺住蘭堂有魏紫姚黃。指着這一種名花做箇比方。三哥不要你做第三名櫬榜。休教我倚門兒專望。哎。兒也則要俺那狀元紅開徹狀元堂。〔下〕〔大末云〕兄弟。你纔說三樁兒願證。怎麼是懷中取物。掌上觀紋。碗裡擎帶靶兒蒸餅。〔三末云〕我如今到那裡。見了今場貢主。覷我這任官。如同懷中放着一件東西。舒下手去。便取出來。則是箇容易。〔大末云〕怎麼是掌上觀紋。〔三末云〕這掌上觀紋。如同手掌裡紋路兒。把手展開便見。覷那官則是箇容易。〔大末云〕怎麼是碗裡擎帶靶兒蒸餅。〔三末云〕覷我這任官。如同那碗裡放着箇帶靶兒的蒸餅。我走將去。擎起來一口嚥了。則是箇容易。大哥。你做了官。蓋多高的門樓。〔大末云〕丈二高。〔三末云〕忒低。我做了官。蓋三丈八寸高。〔大末云〕忒高了。〔三末云〕你不知。我若做了官。騎在馬上。打着那傘。不下馬就往家裡去。你做了官。安幾箇馬臺。〔大末云〕兩箇馬臺。〔三末云〕少。我做了官。安七十二箇馬臺。〔大末云〕怎麼要偌多。〔三

末云「但是送我來的人。到門首一箇人占一箇馬臺。一齊下馬可不好。你做了官戴甚麼。」大末云「烏紗帽。」三末云「我做了官戴一頂前漏塵。羊肝漆一錠墨烏紗帽。你身穿甚麼。」大末云「紫羅襪。」三末云「我得了官穿一領通袖膝襪。閃色罩青暗花麻布上蓋紫羅襪。你腰繫甚麼。」大末云「通犀帶。」三末云「我做了官繫一條羊脂玉茅山石透金犀瑪瑙嵌八寶荔枝金帶。你脚下穿甚麼。」大末云「乾皂履。」三末云「我做了官把我這靴則一丟。則一換。」大末云「換甚麼。」三末云「我皮匠家換了頭底來。」同下。

第二折

〔正旦同大末二末上〕〔正旦云〕老身陳婆婆的便是。今有大哥二哥都做了官也。則有三哥上朝求官應舉去了。必然爲官也呵。〔唱〕

〔南呂一枝花〕爲甚麼兒孫每志氣高。托賴着祖上陰功厚。一箇曾前年登了虎榜。一箇便去歲可兀的占了鰲頭。俺家裡富貴也雙修。無福的難消受。俺可便錢財上不枉求。我覷着那珠翠金銀。我可便渾如似似字疑衍參辰卯酉。

〔梁州〕愛的是那孝經論語得這孟子。我喜的是那毛詩禮記春秋。後園中有地栽松竹。有書堂書舍。書院書樓。則願的子孫榮旺。門戶清幽。俺家裡實不不

祖上遺留。既爲官將他這富貴休愁。您您。則頻頻的休離了那黃卷青燈。是是。是你可便穩拍拍明放着金章和那紫綬。呀呀。你可使用心機得崢嶸。你可也漸漸的穩情取箇肥馬輕裘。古人是有以顯父母。身榮後。入八位不生受。想當日常何薦馬周。博一箇今古名留。〔正旦云〕大哥。門首覲者。看有甚麼人來。〔大末

云〕理會的。〔報登科記的上〕〔云〕是也。自家報登科記的便是。有陳三哥得了頭名狀元。陳媽媽家報喜。走一遭去。可早來到門首也。有大哥在於門首。大哥支揖哩。〔大末云〕你是那裡來的。〔報登科云〕有三哥得了頭名狀元。小人特來報喜。〔大末云〕你則在這裡。我報復母親知道的。母親。三兄弟得了頭名狀元也。〔正旦云〕是誰說來。〔大末云〕有報登科記的。在於門首。〔正旦云〕着他過來。〔大末云〕理會的。着你過去。〔報登科見科〕〔云〕報的老母知道。有三哥得了頭名狀元。小人特來報喜。〔正旦云〕孩兒。與那報登科記的五兩銀子。〔大末云〕您孩兒知道。二兄弟俺得了官時。則與了報登科記的二兩銀子。三兄弟做了官。與他五兩銀子。〔二末云〕大哥。母親偏向三兄弟也。〔大末云〕報登科記的。與你五兩銀子。〔報登科云〕多謝了。小人回去也。〔下〕〔王拱辰踟馬兒領祗候上〕〔云〕龍樓鳳閣九重城。新築沙堤宰相行。我貴我榮君莫羨。十年前是一書生。小官王拱辰是也。乃西川綿州人氏。幼習儒業。頗看詩書。自到帝都闕下。擴過文

華卷子。當殿對策。日不移影。應對百篇。文如錦繡。字掃龍蛇。一舉狀元及第。借宰相頭答。誇官三日。張千擺開頭答。慢慢的行。(正旦云)大哥二哥。咱一同接孩兒去來。(唱)

〔紅芍藥〕我這裡笑吟吟行下看街樓。和我這兒女每可便相逐。我這裡慢慢騰騰攔住紫驊騮。我將這玉勒來便忙揪。(王拱辰云)兀那婆婆兒靠後。休驚着小官馬頭。(大末云)三兄弟是好壯志也。(二末云)母親認的是着。(正旦云)好兒也不枉了。(唱)可正是男兒得志秋。他在那馬兒上倒大來風流。(大末云)你看三兄弟。他見了母親。可怎生不下馬來。(二末云)大哥敢不是三兄弟麼。(正旦云)孩兒你下馬來波。(王拱辰云)這箇婆婆兒。好要便宜也。(正旦唱)我這裡聽言罷。教我緊低了頭。唬的我魂魄可便悠悠。(王拱辰云)兀那婆婆兒。你休錯認了小官也。(正旦唱)

〔菩薩梁州〕則被這氣堵住咽喉。眉頭兒忒皺。身軀兒倒扭。好着我羞答答的。不敢擡頭。淚汪汪雙目再凝眸。孜孜的覷了空低首。(云)敢問那壁狀元。姓甚名誰。(王拱辰云)今春頭名狀元。我是王拱辰。(正旦唱)低低的問了牢絨口。悶無語自憐愁。老身向官人行無去秋。(云)孩兒每。您說一聲兒波。(唱)倒大來慚羞。(做走科)(二末云)哥哥看母親。(正旦云)大哥。既是狀元。請下馬來。(大末云)理會的。狀元請下馬來。狀元堂

上飲了狀元酒回去。〔王拱辰下馬科〕〔云〕左右接了馬者。〔祇候云〕理會的。〔大末云〕適間老母衝撞着狀元。是必休怪也。〔王拱辰云〕適間小官馬頭前。衝撞着那壁狀元的老母。是必寬恕者。〔大末云〕狀元有請。〔王拱辰見正旦科〕〔云〕適間小官馬頭前。衝撞着老母。是必恕罪也。〔正旦云〕恰纔老身爲何錯認了那壁狀元。老身家中有三箇孩兒。都去應舉去了。兩箇孩兒得了狀元回來了。則有三哥不曾回來。恰纔是那報登科記的差報了也。那壁狀元。是必休怪者。〔王拱辰云〕小官不敢。〔二末做施禮科〕〔云〕適間老母衝撞休怪。〔王拱辰云〕不敢。〔正旦云〕將酒來。〔做把盞科〕〔正旦云〕狀元飲過這盃酒者。〔王拱辰飲酒科〕〔正旦云〕大哥。你問狀元有婚也無婚。〔大末云〕母親。有婚呵是怎生。無婚呵是如何。〔正旦云〕有婚呵。着狀元在狀元堂上喫了狀元酒。掛了狀元紅回去。無婚呵。大哥。將你妹子招狀元爲婿。未知你弟兄每意下如何。〔大末云〕謹遵母親之言。〔大末見王拱辰科〕〔云〕狀元。恰纔我母親言語。問狀元有婚也無婚。〔王拱辰云〕有婚是怎生。無婚可是如何。〔大末云〕若是有婚呵。喫了狀元酒。掛了狀元紅。你便回去。若是無婚呵。小官有一舍妹。招那壁狀元爲婿。意下如何。〔王拱辰云〕小官無婚。我願隨鞭鐙。〔大末云〕一讓一箇肯。〔正旦云〕着狀元換衣服去。〔王拱辰云〕理會的。小官換衣服去。〔下〕〔正旦云〕今年狀元是王拱辰。知他俺那陳良佐在那裡也。〔大末云〕今年頭名狀元是王

拱辰。不知俺那三兄弟在那裡也。〔三末上〕〔云〕我勸這世上人。休把這口貳騙過了。我到的帝都闕下。今場貢主。見了陳三哥。你來了。不必看你文章。起動寫四箇字。是天下太平。我拿起筆來寫了箇天字。寫那下字。我忘了一點。做了箇拐字。無三拐。無兩拐。則一拐。就把我拐出來了。做了第三名探花郎。綠袍槐簡。花插幘頭。去時誇了大口。今日得了探花郎。我怎生家中見母親和兩箇哥哥。則待我兩箇哥哥不在門前。我走進房裡去。隨他嚷鬧去。我一世也不出來。可早來到門首也。〔做看科〕〔云〕你看我那苦命麼。肯分的大哥在門首。大哥。您兄弟來了也。〔大末云〕呀呀呀。兄弟來了。你得了甚麼官。〔三末云〕我得了探花郎。〔大末云〕你原來得了箇探花郎。我對母親說去。〔見正旦科〕〔云〕母親。三兄弟得了箇探花郎來了也。〔正旦云〕他不過來。敢教我接待他去那。〔大末云〕理會的。〔見三末科〕〔云〕三兄弟。母親的言語。說你不過去。待着母親來接你那。〔三末云〕哥也。那得箇母親倒接兒子。我過去。娘打我時。兩箇哥哥勸一勸。〔大末云〕兄弟。我知道也。〔三末見正旦科〕〔云〕母親。您孩兒得了官也。有一拜。〔正旦云〕兀那厮。你休拜。你得了甚麼官。〔三末云〕得了探花郎。〔正旦云〕甚麼官。〔三末云〕探花郎。〔正旦云〕則不你說。兀的又有人來說哩。〔三末云〕在那裡。〔正旦做打科〕〔唱〕

〔牧羊關〕你則好合着眼無人處串。誰着你腆着臉去街上走。氣的我渾身上

冷汗澆流。〔云〕你將着的是甚麼。〔三末云〕是槐木簡。〔正旦唱〕我將這槐木簡來掂拆。綠羅襪着手揪。問甚麼紅漆通鞋帶。花插皂幘頭。我使拄杖蒙頭打。吓我看你便羞也。那是不害羞。〔三末云〕翰林都索入編修。〔正旦云〕噤聲。〔唱〕

〔賀新郎〕你道是翰林都索入編修。我情知你箇探花郎的名聲。〔云〕你覷波。

〔唱〕你怎知俺這狀元除授。弟兄裡則爲你年幼。你身上我偏心兒索是有。我幾曾道是散袒悠悠。〔云〕師父多教孩兒幾遍。〔唱〕我去那師父行陪了些下情。則要你工課上念的滑熟。我甘不的這廝看文書。一夜到三更後。〔三末云〕母親。你打我。則是疼你那學課錢哩。〔正旦唱〕且休說你使了我學課錢。哎。賊也。你熬了多少家點燈油。〔三末云〕母親。您孩兒雖然不得狀元。也不會惹得街上人罵娘。〔正旦云〕怎麼罵我。

〔三末云〕俺大哥頭一年做了官。擺着頭答。街上過來。老的每道。這箇是誰。是陳媽媽家大的箇孩兒。嗨。鴉窩裡出鳳凰。〔大末云〕這箇是好言語。〔三末云〕甚麼好言語。娘道是墨老鴉。你道是鳳凰。第二年二哥也做了官。又罵的娘不好。擺着頭答。街上人道。這箇是誰。是陳媽媽第二箇孩兒。嗨。嗨。糞堆上長出靈芝草。〔二末云〕這箇是好言語。〔三末云〕噤聲。娘道是糞堆。你道是靈芝草。您孩兒雖然做了探花郎。不曾連累着娘。我打街上過來。老的每道。這箇是誰。是陳媽媽第

三箇孩兒。衆人道。噲噲噲。好爺好娘。養下這箇傻弟子孩兒。〔正旦做喚棒子科〕〔云〕將棒子來。
〔唱〕

〔絮蝦蟆〕我可也不和你強枉料口。我年紀大也慚羞。打這廝父母教訓不瞅。
做的箇苗而不秀。則好深村放牛。伴着那莊家學究。記的那箇日頭。狀元一身
承受。去時說了大口。臨行相別時候。說的來花甜蜜就。無語低頭。嘴碌都的恰
便似跌了彈的鷓鴣。〔三末云〕母親。一品至九品。都是國家臣子。〔正旦云〕噤聲。〔唱〕休那
裡一口裡巧舌頭。便有那一千筆畫不成描不就。我和你難相見。枉廝守。休休。
快離了我眼底。休在我這邊頭。〔云〕從今以後。將陳良佐兩口兒。趕出門去。再也休上我門
來。〔大末做跪科〕〔云〕母親。看您孩兒的面皮。留下三兄弟兩口兒在家。可也好也。〔正旦唱〕

〔尾聲〕大哥哥枉可惜了。你噴珠噴玉談天口。〔二末做跪科〕〔云〕母親。看你孩兒的
面皮。留下三兄弟兩口兒在家住。可也好也。〔正旦唱〕二哥哥枉展污了你那折桂攀蟾
的釣鰲手。大哥哥枉生受。二哥哥且落後。陳良佐自今後。你行處行走。處處走。千
自在。百自由。我和你箇探花郎。不記甚冤讐。〔三末云〕母親。喫一鍾喜酒。〔正旦云〕擡了
者。〔唱〕我可也消不的狀元這箇及第酒。〔下〕〔大末云〕看母親。看母親。吓。三兄弟。你羞麼。

你去時節誇盡大言。回來則得箇探花郎。甚是惶恐。你不說掌上觀紋。〔三末云〕手上生瘡不見了。〔大末云〕懷中取物。〔三末云〕衣服破把來掉了。〔大末云〕碗裡拿帶把兒蒸餅。〔三末云〕不知那箇饒弟子孩兒。偷了我的喫了。〔大末云〕你既爲孔子門徒。何出此言。俺家素非白屋。祖代簪纓。乃陳平之後。你今日得了箇探花郎。豈不汗顏。爲人者要齊家治國。修身正心。人心不正。做事不能成矣。人以德行爲先。德者本也。財者末也。德勝財爲君子。財勝德爲小人。你這等人。和你說出甚麼來。我和你同胞共乳一爺娘。幼小攻書在學堂。受盡寒窗十載苦。龍門一跳見君王。你去時人前誇大口。還家只得探花郎。鳳凰飛在梧桐樹。自有傍人話短長。〔下〕〔三末云〕大哥數落了我這一會。〔二末云〕吓。三兄弟你羞麼。〔三末云〕哥也怎的。〔二末云〕你去時節誇盡大言。回來得了箇探花郎。豈不汗顏。俺家素非白屋。累代簪纓。漢陳平之玄孫。祖宗拜秦國公之職。爲子者當以腰金衣紫。俺二人皆第狀元。惟汝不第者何也。爲子才輕德薄也。我和你說出甚麼來。未應舉志氣凌雲。但開口傍若無人。賣弄你詩才過李白杜甫。舌辯似張儀蘇秦。大哥如泥中草芥。二兄長似陌上輕塵。孔子居於鄉黨。見長幼禮法恂恂。可不道狀元郎懷中取物。觀富貴掌上觀紋。發言時舒眉展眼。你今日薄落了縮項潛身。俺狀元郎誇談宗祖。吓。誰似你箇探花郎羞答答的辱沒家門。〔下〕〔王拱辰上〕〔云〕吓。你羞麼。〔三末云〕你是誰。〔王拱辰云〕我

是門下嬌客妹婿王拱辰。今春頭名狀元。〔三末云〕你是王拱辰。我把你箇饒弟子孩兒。這帶紀兒的蒸餅。你喫了我的。〔王拱辰云〕適間小官聽的大舅二舅所言。說三舅去時節誇盡大言。回來得了箇探花郎。豈不汗顏。爲人者可以治國齊家。修身正心。人心不正。作事不能成矣。中庸有言。喜怒哀樂之未發。謂之中。發而皆中節。謂之和。中也者。天下之大本也。和也者。天下之達道也。論語云。君子不重則不威。輕乎外者。必不能堅乎內。故不厚重則無威嚴。而所學亦不堅固也。俗言有幾句比並。尊舅豈不聞草蟲食草。豈知重味之甘。蚯蚓啣窪。不解汪洋之海。蠶生蠟蟻。豈知化外清風。螢火雖明。不解蟾光之照。樹高而曲。不如短而直。水深而濁。不如淺而清。蜘蛛有絲。損人利己。蠶腹有絲。於民潤國。但凡爲人三思。然後再思可矣。你空長堂堂七尺軀。胸中志氣半星無。綠袍槐簡歸故里。呸。枉做男兒大丈夫。〔下〕〔祇候云〕呸。〔三末打科〕〔云〕你也待怎的。〔同下〕

第三折

〔正旦同大末二末王拱辰領雜當上〕〔正旦云〕老身陳婆婆是也。今日是老身生辰賤降的日子。孩兒每也。〔大末云〕有。〔正旦云〕狀元堂上安排下筵席者。若有陳良佐兩口兒來時。休着他過來。將酒來。〔大末云〕理會的。〔正旦唱〕

〔中呂粉蝶兒〕人都說孟母三移。今日箇陳婆婆更增十倍。教兒孫讀孔聖文籍。他將那孝經來讀論孟講。後習詩書禮記。幼小溫習。一箇箇孝當竭力。

〔醉春風〕一箇那陳良叟。他可使占了鰲頭。則俺這陳良資奪了第一。新招來的女婿。他又是狀元郎。俺一家兒倒大來喜喜。則要你郎舅每崢嶸。弟兄每榮顯。托賴着祖宗福力。〔二末執壺科〕〔大末遞酒科〕〔云〕母親滿飲一盃。〔正旦做飲酒科〕

〔云〕俺慢慢的飲酒。看有甚麼人來。〔三末同旦兒上〕〔三末云〕今日是母親生日。我無甚麼禮物。和媳婦兒拜母親兩拜。也是我孝順的心腸。可早來到門首也。大哥和母親說一聲。道我在這門首哩。〔大末云〕兄弟。你則在門首。我報復母親去。〔大末做見正旦科〕〔云〕母親。有三兄弟兩口兒。在於門首。〔正旦云〕休着那厮過來。〔大末同二末王拱辰央告科〕〔大末云〕母親。看您孩兒面皮。着三兄弟兩口兒過來。與母親遞一盃酒。也是他爲子之道也。〔正旦云〕看着您衆人的面皮。着那厮過來。休閑着他。着他燒火剗葱。都是他依的。便教他過來。依不的。便着他回去。〔大末云〕理會的。三兄弟。母親的言語。着你過去燒火剗葱。掃田刮地。擡卓搬湯。你依的。便過去。你依不的。休着你過去哩。〔三末云〕母親怕閑了我。〔三末同三旦做見科〕〔三末云〕母親。您孩兒和媳婦兒沒有手帕。拜母親幾拜。〔正旦云〕兀那厮。你休拜。誰教你與我做生日來。〔三末云〕我來

拜母親幾拜。也是爲子之孝道也。〔正旦云〕兀那厮你見麼。〔三末云〕您孩兒見甚麼那。〔正

旦唱〕

〔紅繡鞋〕俺這裡都是些紫綬金章官位。那裡發付你箇綠袍槐簡的鍾馗。哎。你一箇探花郎。又比俺這狀元低。俺這裡笑吟吟的行酒令。穩拍拍的做着筵席。〔云〕你說波。〔唱〕可不道那塢兒發付你。〔云〕大哥。嚙行一箇酒令。一人要四句氣概的詩。

押着那狀元郎三箇字。有那狀元郎的便飲酒。無那狀元郎的罰凉水。教那厮把盞。先從大哥來。把了盞。便問道喫酒的是誰。把盞的是誰。各自稱呼着那官位者。喫了酒。着那厮拜。先從大哥來。〔三末云〕我理會的。〔做遞酒科〕〔云〕先從母親來。〔正旦云〕先從大哥來。〔三末遞酒與大末科〕〔大末云〕母親。您孩兒吟詩也。詩曰。當今天子重賢良。四海無事罷刀槍。紫袍象簡朝金闕。聖人勅賜狀元郎。〔三末云〕住者。白馬紅纓廳蓋下。紫袍金帶氣昂昂。月中失却攀蟾手。高枝留與狀元郎。〔大末做喫酒科〕〔云〕問將來。〔三末云〕喫酒的是誰。〔大末云〕是狀元郎。我問你把盞的是誰。〔三末云〕把盞的我是楊六郎。〔三末做拜科〕〔做遞酒與二末科〕〔二末云〕母親。您孩兒吟詩也。詩曰。一天星斗煥文章。戰退羣儒獨占場。龍虎榜上標名姓。頭名顯我狀元郎。〔三末云〕住者。時乖運蹇赴科場。命福高低不可量。八韻賦成及第本。今春必奪狀元郎。〔二末做

喫酒科」〔云〕問將來。〔三末云〕喫酒的是誰。〔二末云〕是狀元郎。我問你把盞的是誰。〔三末云〕我是酥麻糖。〔做拜科〕〔遞酒與王拱辰科〕〔王拱辰云〕母親大舅二舅。我吟詩也。詩曰。淋漓御酒污羅裳。宴罷瓊林出未央。醉裡忽聞人語鬧。馬頭高喝狀元郎。〔三末云〕住者。筆頭刷刷三千字。胸次粲粲七步章。休笑綠袍官職小。才高壓盡狀元郎。〔王拱辰飲酒科〕〔云〕問將來。〔三末云〕喫酒的是誰。〔王拱辰云〕是狀元郎。那把盞的是誰。〔三末云〕把盞的是耍三郎。〔做拜科〕〔與三旦遞酒科〕〔三旦云〕母親。您媳婦兒吟詩也。詩曰。佳人貞烈守閨房。則爲男兒不氣長。國家若是開女選。今春必奪狀元郎。〔三末云〕住者。磨穿鐵硯汝非強。止可描鸞守繡房。燕鵲豈知鵬鵠志。紅裙休笑狀元郎。〔旦兒飲酒科〕〔云〕問將來。〔三末云〕喫酒的是誰。〔旦兒云〕我是狀元郎。把盞的是誰。〔三末云〕把盞的是你的郎。〔與正旦遞酒科〕〔正旦云〕這厮他到闕不沾新雨露。還家猶帶舊風霜。綠袍槐簡消不得。對人猶說狀元郎。〔三末云〕住者。拜別諸親赴選場。綠袍羞見老尊堂。擎臺執盞廳前跪。則這紅塵埋沒了狀元郎。〔正旦云〕詩曰。黃金不惜換文章。教子須教入廟堂。自古賢愚雖相比。恁這狀元郎休笑俺探花郎。〔三末云〕住者。您這些馬牛襟裾糞土牆。我這海水如何着斗量。你這漏網之魚都跳過。因何撇下狀元郎。罷罷罷。母親不必人前羞我。您孩兒頂天立地。噙齒帶髮。帶眼安眉。既爲男子大丈夫。不得爲官。着母親哥哥羞。

辱。則今日好日辰。辭別了母親。再去上朝求官應舉去。我若不得官。我去那深山中削髮爲僧。永
不見母親之面。我若爲官。不在他三人之下。你看我打一輪皂蓋飛頭上。擺兩行朱衣列馬前。佳
人捧臂。壯士擎鞭。我騎禮部侍郎坐下馬。借翰林院學士當直人。我帶三分御酒。拂兩袖天香。絲
鞭。三三三。三尺春風。袍袖惹半潭秋水。兩街仕女。急步掀簾。三市居民。盡皆拱手。馬前高喝。狀元來。十
里香街咸欽敬。大剛來一日。崢嶸。我直着報答了十年辛苦。說兀的做甚。這一去翻身一跳。禹門
開。憑着胸中冠世才。休道桂枝難攀折。母親放心。今春和月抱將來。〔下〕〔大末云〕母親三兄弟
這一去。必然爲官也。〔正旦云〕孩兒去了也。〔唱〕

〔醉高歌〕我可也不和你暢叫揚疾。誰共你磕牙料嘴。我則是倚門兒專等報
登科記。知他俺那狀元郎在那雲裡也。那是霧裡。〔報登科記的上云〕自家報登科
記的。有陳婆婆第三箇孩兒。得了今春頭名狀元。我報登科記。走一遭去。可早來到門首也。〔做
見大末科〕〔云〕大官人。三官人。得了今春頭名狀元。小人特來報喜。〔大末云〕你則在這裡。我
報復母親去。〔見科〕〔云〕母親。三兄弟得了今春頭名狀元也。有報登科記的在門前。〔正旦云〕
與他十兩銀子。〔大末云〕理會的。與你十兩銀子。〔報登科云〕謝了官人。小人回去也。〔下〕〔三
末〕馬兒領祇候上。〔祇候云〕小來。疑是心字下路。〔三末云〕要做狀元。有甚麼難處。下頭穿了衣

服便是狀元。今日得了頭名狀元。擺開頭答。慢慢的行。〔正旦云〕大哥二哥女婿。嚕都去接待孩兒去來。〔大末云〕俺跟着母親。接兄弟去來。〔正旦唱〕

〔普天樂〕圪蹬蹬的馬兒騎。急颼颼的二簷傘底。我這裡忙呼左右。疾快收拾。

〔三末云〕祇候人接了馬者。〔祇候云〕牢鑒。〔三末云〕母親來了也。〔正旦唱〕他見我便慌下馬。〔三末云〕祇候人擺開者。〔三末做躬身立住科〕〔正旦唱〕他那裡躬身立。〔三末云〕母親

您孩兒得了官也。就這裡拜母親幾拜。〔做拜科〕〔正旦唱〕我見他展脚舒腰忙施禮。〔做哭

科〕〔唱〕險些兒俺子母每分離。〔三末云〕若不是母四字原親嚴教。豈得今日爲官。〔正旦

云〕你爲官呵。〔唱〕你孝順似那王祥臥冰。你恰似伯俞泣杖。哎。兒也你勝強如兀

那老萊子。哎斑衣。〔三末做過來科〕〔云〕大哥二哥。我不拜你。我的文章高似你。母親您兒往

西川綿州過。那裡父老送與我一段孩兒錦。將來與母親做衣服穿。〔正旦云〕大哥。將的去估價

行裡看值多少錢鈔。〔大末云〕估價值多少。母親價值千貫。〔正旦云〕辱子未曾爲官。可早先受

民財。躺着須當痛決。〔大末云〕兄弟。爲你受了孩兒錦。母親着你躺着。要打你哩。〔三末云〕母親

要打。我番番不會爭辯。〔正旦做打科〕〔大末云〕母親。打的金魚墮地也。〔雜當做打報科〕〔云〕

有寇萊公大人有請。〔正旦云〕不妨事。我見大人。自有說的話。〔大末云〕下次小的每。與我背馬

者〔正旦云〕孩兒休背馬。輛起兜轎。着四箇孩兒擡着老身。我親見大人去來。〔唱〕

〔啄木兒煞〕嗔人這青春有限不再來。金榜無名誓不歸。得志也休把陞遷看的的字趙校刪容易。古人詩內。則你那文高休笑狀元低。〔同衆下〕

第四折

〔外扮寇萊公領從人上〕〔寇萊公云〕三千禮樂唐虞治。萬卷詩書孔孟傳。老夫寇萊公是也。奉聖人的命。開放舉場。今有頭名狀元。是陳良佐。問其緣故。乃漢陳平之後。他父曾爲前朝相國。早年棄逝。有母親馮氏大賢。治家有法。教子有方。因陳良佐授西川孩兒錦一事。他母親打的他金魚墮地。聖人已知。着我加官賜賞。審問詳細。着人請賢母去了。這早晚敢待來也。〔大末二末三末王拱辰擡正旦上〕〔三末云〕有香錢布施些兒。〔正旦云〕俺見大人去來。〔唱〕

〔雙調新水令〕雖不曾坐香車乘寶馬。裹絲鞭。我在這轎兒上。倒大來穩便。前後何曾側。左右不曾偏。顯的您等輩齊肩。將名姓註翰林院。〔云〕可早來到也。令人報復去。道有陳婆婆同四箇狀元來了也。〔從人報科〕〔云〕有陳婆婆同四箇狀元來了也。〔寇萊公云〕道有請。〔從人云〕有請。〔正旦做見官人科〕〔寇萊公云〕賢母。老夫奉聖人的命。爲您一家兒母賢子孝。訓子有綱紀之威權。居家有冰霜之直政。着老夫審問其詳。誰想賢母着四箇

狀元擡着兜轎。敢於理不可麼。〔正旦云〕大人可憐見。休說四箇孩兒擡着老身。我昔日曾聞荷擔僧。一頭擔母一頭經。經向前來背却母。母向前來背却經。不免把擔橫擔定。感的園林兩處分。後來證果爲羅漢。尙兀自報答不的爺娘養育恩。〔唱〕

〔水仙子〕學的他那有仁有義孝連天。使了我那無岸無邊學課錢。甘心兒擡的我親朝見。尙兀自我身軀兒有些困倦。把不住眼暈頭旋。不覺的擡着兜轎。雖不曾跨着駿驄。尙兀自報答不的我乳哺三年。〔寇萊公云〕賢母。爲陳良佐陞遷官位。貪圖財利。接受蜀錦。有犯王條。則合着有司定罪。你怎生自己責罰。打的金魚墮地那。〔正旦云〕大人不知。此子未曾治國。先受民財。辱沒先祖。依法教訓者。〔唱〕

〔沽美酒〕着他每按月家請着俸錢。誰着他無明夜趨家緣。俺家裡祖上爲官累受宣。我則怕枉教人作念。俺一家兒得安然。〔寇萊公云〕賢母。三狀元授財一事。未審其詳也。〔正旦唱〕

〔太平令〕他將那孩兒錦親身托獻。這的是苦百姓赤手空拳。我依家法親責當面。我着他免受那官司刑憲。與了俺俸錢驟遷。聖恩可使可憐。博一箇萬萬古名揚談羨。〔寇萊公云〕老夫盡知也。您一家兒望闕跪者。聽我加官賜賞。我親奉着當今聖旨。

便天下採訪賢士。只因你母賢子孝。着老夫名傳宣賜。陳婆婆賢德夫人。陳良資翰林承旨。陳良叟國子祭酒。陳良佐太常博士。王拱辰博學廣文。加你爲參知政事。一箇箇列鼎重裯。一箇箇腰金衣紫。今日箇待漏院賜賞封官。慶賀這狀元堂陳母教子。

題目

待漏院招賢納士

正名

狀元堂陳母教子

陳母教子穿關

楔子

寇萊公

兔兒角幘頭
圓領帶

蒼白髯

祇從

圓領

項帕

正旦馮氏

場頭手帕

布襪

眉額

襖兒

大

末

一字巾

圓領

二末

一字巾

圓領

三末

儒巾

欄

旦兒

花箍

襖兒

裙

雜當

紗包

頭

青衣

襖膊

頭折

正旦馮氏

二末

三末

旦兒

同報登科

氍帽

青

大末

展角幘頭

紅欄

笏

報登科

又上

同二末

展角幘頭

紅欄

笏

街坊

攢頂

茶褐直身

縱

拄杖

第二折

正旦馮氏

大末

二末

同報登科

同

王拱辰

展角幘頭

三髯髯

笏

躡馬兒

祇從

同三

末

花插幘頭

綠

偏帶

笏


第三折

正旦馮氏大末二末王拱辰雜當同前三末旦兒同前報登科同前三末展角幞頭紅欄

偏帶笏躍馬兒祇從同前

第四折

寇萊公祇從同前大末二末三末王拱辰擡正旦馮氏同前



董秀英花月東牆記

元白仁甫

楔子

〔沖末扮馬生上〕〔云〕小生姓馬名彬。字文輔。祖貫臨陽人氏。先父拜三原縣令。不幸身亡。小生年長二十五歲。雪案螢窗。苦攻經史。博古通今。名譽文章。自不可掩。俺父親在日之時。曾與松江府尹董鑒爲友。嘗記得董府尹酒席之間。問俺父親。咱旣爲通家。凡事皆當商量。先父說。別無甚事。止有小兒馬彬。年少頗肯向學。未遂功名。府尹見說聰明。便道某有一女。小字秀英。願與你令嗣爲妻。後來先父下世。路途遙遠。音信不通。如今小生一者游學。二者就問這親。走一遭去。家童收拾琴劍書箱。今日就行。〔唱〕

〔仙呂賞花時〕文質彬彬一丈夫。千里尋師爲學謀。今日箇踐程途。單身獨步。雲外鴈聲孤。

〔么〕我如今赤手空拳百事無。父喪家貧不似初。囊篋盡消疎。鵬程有路。何日赴皇都。〔云〕行了箇月期程。到得松江府了。家童。你尋箇客店安下。〔童云〕理會的。兀那就是一所店房。店主在家麼。〔淨上〕〔云〕誰叫誰叫。〔童云〕老者。俺家長來此投宿。〔做見科〕〔云〕小生動

問老公公。此處董府在否。〔淨云〕府尹下世去了。〔生云〕他宅子在何處。〔淨云〕隔壁就是。足下與府尹甚親。〔生云〕先父與府尹相交契厚。自先父下世。一向問闊。不曾問候。〔淨云〕足下如今那裡去。〔生云〕小生儒業進身。游學至此。將赴詔選。敢問公公。有房舍借一間。小生借居。待來春赴試。〔淨云〕足下既要安住。老夫有一小頑。名曰山壽。就托足下教訓攻書。老夫東牆下。有一花木堂。先生就在其中設館如何。〔生云〕如此多謝。〔淨云〕院公。疾忙收拾潔淨者。〔院公云〕已停當了。〔淨云〕先生請往花木堂安歇。〔同下〕

第一折

〔老夫人引梅香上〕〔云〕老身姓劉名節貞。乃劉太守之女。董府尹之妻。不幸府尹告殂。止生得一箇女孩兒。喚做秀英。年長一十九歲。生的性質沈重。言□語真。詩詞書算。描鸞刺繡。無所不通。更有箇小妮子。是小姐使喚的梅香。亦能吟詩寫染。昨日梅香說。小姐身體不快。老身想來。多是傷春。梅香。如今是三月之間。後園中百花開放。你和小姐去海棠亭畔散心。走一遭去。〔正旦上〕〔云〕妾身董秀英是也。父親拜松江府尹。不幸早亡。止有老母在堂。治家嚴肅。今乃三春天氣。好生困人。終日在繡房中描鸞刺繡。針指女工。十分悶倦。恰纔母親教同梅香去後花園散悶。梅香掩上房門。咱兩箇去來。〔做行科〕〔旦云〕梅香。你看是好春景也呵。〔唱〕

〔仙呂點絳脣〕萬物乘春。落花成陣。鶯聲嫩。垂柳黃勻。越引起心間悶。

〔混江龍〕三春時分。南園草木一時新。清和天氣。淑景良辰。紫陌游人嫌日短。青閨素女怕黃昏。尋芳俊士。拾翠佳人。千紅萬紫。花柳分春。對韶光半晌不開言。一天愁都結做心間恨。顚顚了玉肌金粉。瘦損了窈窕精神。〔生上〕〔云〕我正坐間。只見落花飛於簾下。此花待敗也。正是坐見落花生歎息。又疑春老樹南枝。這花必定是董府尹後園裡飛過來的。我起去望者。〔做望科〕〔梅云〕姐姐。你看那桃杏花是好愛人也。〔旦唱〕

〔油葫蘆〕杏朵桃枝似絳脣。柳絮紛。春光偏閃斷腸人。微風細雨催花信。閑愁萬種心間印。羅幃繡被。寒孤欲斷魂。掩重門。盡日無人問。情不遂。越傷神。〔梅云〕姐姐。兀那東牆上看的是一箇秀才。〔旦看科〕〔唱〕

〔天下樂〕我只見楊柳橫牆易得春。歡欣可意人。一見了心下如何忍。送秋波。眼角情。近東牆住左隣。覷了可憎才有就因。〔梅云〕姐姐。咱回房中去來。不爭你在此留戀。夫人知道怎了也。〔旦云〕咱去來。〔下〕〔生云〕這相思索害也。恰纔那女子正是董秀英。今日見了他一面。不由人行思坐想。有甚心情看書。似此如之奈何。〔下〕〔旦上〕〔云〕好悶倦人也。自從昨日後園中見了那箇秀才。生的眉清目秀。狀貌堂堂。我一見之後。着我存於心目之間。非爲

狂心所使。乃人之大倫。早是身體不快。又遇着這等人物。教我神不附體。何時是可也。〔梅云〕姐姐因何見了那生。如此模樣了也。〔旦唱〕

〔那吒令〕一見了那人。不由我斷魂。思量起這人。有韓文柳文。他是箇俏人。讀齊論魯論。想的咱不下懷。幾時得成秦晉。甚何年一處溫存。

〔鵲踏枝〕好教我悶昏昏。泪紛紛。都只爲美貌潘安。仁者能仁。一會家心中自忖。誰與俺通箇殷勤。〔梅云〕姐姐。早是這兩日茶飯不進。厭厭瘦削。若再狂蕩了心。敢是不中

也。〔旦云〕我身上病患。汝怎得知。〔梅云〕是何病患。〔旦云〕我是未嫁之女。對你一言難盡。〔梅云〕姐姐有話。但說不妨。〔旦唱〕

〔寄生草〕怕的是黃昏後。入羅幃愁越狠。孤眠獨枕教人悶。愁潘病沈教人恨。行遲力頓教人困。似這等含情掩臥象牙牀。幾時得陽臺上遇着多才俊。〔梅云〕姐姐。我猜着你。敢待和昨日那秀才說話。他在那壁。你在那壁。如何得會。〔旦云〕想當初卓文君。怎生私奔相如來。〔梅云〕他兩箇緣何便得成就來。〔旦唱〕

〔么〕漢相如坐寒窗下。卓氏女配做昏都。只爲我情你意相投順。姻緣自把佳期間。郎才女貌皆相稱。你道是阻東牆難會碧紗廚。似俺這乾荷葉那討靈

犀潤。〔云〕梅香。我若不說。你也不知。自從後花園中。見了那箇秀才。教我愁悶更增十倍。不覺就
此病症。如之奈何。〔梅云〕姐姐。不爭你看上那箇書生。老夫人倘然窺視出來。你爲婦女。怎生
是了。姐姐。夜深了。不睡做甚麼。〔旦云〕我怎生睡的着。我這身上越覺不快。兀的不害殺我也。

〔唱〕

〔後庭花〕似這等害相思。怎地忍。不由人上心來兩泪頻。避不的老母將咱怪。
好教我留連心上人。枉勞魂。不覺的羅衣寬褪。被生寒怎地溫。看看的顛顛了
身。厭厭的害殺人。喚梅香掩上門。把沉檀爐內焚。志誠心。禱告神。

〔柳葉兒〕呀。愁鎖定眉尖春。恨不教心懷憂悶。見如今人遠天涯近。難勾引。怎
相親。越加上鬼病三分。〔梅云〕姐姐。你實意心裡待怎麼。〔旦唱〕

〔青哥兒〕對人前一言難盡。老夫人治家嚴訓。怨俺那火性如雷老母親。謹慎
閨門。晝夜追巡。坐守行跟。恐失人倫。但若是離了半時辰。來相問。〔梅云〕姐姐。似
你今春多病。可以自己調理。莫費神思。不爭你這等念想。倘若其身有失。如何是了。休休。莫要讓
病成疾。自損其身。姐姐自當思之。〔旦云〕梅香。你可知我心間的事。〔梅云〕妾雖不知。見姐姐身
體不快。以此諫勸。自可調理。〔旦云〕似這等病。如何治度。我一會家不想起來便罷。一會家想將

起。好是淒涼人也。〔唱〕

〔賺煞〕合晚至黃昏。獨宿心間悶。苦厭厭憂愁自忖。便有鐵石心腸也斷魂。串香焚被冷誰溫。引入多情夢裡人。窗兒外月華正新。玉人兒在方寸。我將這海棠花分付與東君。〔云〕睡起金爐香燼寒。寶釵斜插碧雲鬟。愁低楊柳梢頭月。花落鶯啼春又殘。

〔下〕

第二折

〔生上〕〔云〕小生馬文輔。自從那日見了那小姐之後。朝則忘食。夜則廢寢。其心蕩然。如有所失。倘生不測。將平日所學。一旦廢矣。今夜這等風清月朗。且操一曲琴。洗我心間之悶者。〔下〕〔旦引梅香上〕〔梅云〕姐姐。這早晚不燒香做甚。〔旦云〕你放下香卓者。〔梅云〕已放下了。〔旦

行科〕〔唱〕

〔正宮端正好〕下香階。踏芳徑。步蒼苔。月影當庭。過回廊。一弄淒涼景。好教我添悲興。

〔滾繡毬〕垂楊宿鳥驚。繡鞋不待行。降明香。問天求聘。志誠心禱告神靈。相思病漸成。看看瘦損形。受寂寞。事關前定。盼佳期。井底銀鉶。似這等棲遲誤了奴。

家命。強打精神拜斗星。何日安寧。〔梅云〕姐姐。你聽那裡冰絃之聲。〔旦唱〕

〔倘秀才〕則道是半空中神仙勝境。卻元來東牆下把絲桐慢整。你聽他款撫冰絃音韻清。夜闌人靜。情悲戚。話丁寧。怎不教人動情。〔旦聽科〕〔生歌云〕明月娟

娟兮。夜永生涼。花影搖風兮。宿鳥驚慌。有美佳人兮。牽我情腸。徘徊不見兮。只隔東牆。佳期無奈兮。使我遙遙。相思致疴兮。湯藥無方。托琴消悶兮。音韻悠揚。離家千里兮。身在他鄉。孤眠客邸兮。更漏聲長。〔梅云〕姐姐。那生彈的好淒涼人也呵。〔旦唱〕

〔滾繡毬〕我向這東牆仔細聽。鳳求鸞。曲未成。怎不教想的人成病。今日箇聰明的遇着聰明。這琴陶潛膝上橫。蔡邕囊下生。斷腸人這答兒孤另。一句句訴你飄零。幾時得同衾共枕銷金帳。滿斗焚香說誓盟。願足平生。〔生云〕東牆那邊似有人言。莫不有人麼。我試挽着垂楊。隔牆而望者。〔生望科〕〔旦云〕梅香。恰纔那生彈的是好傷感人也。我聽了琴中之語。教我越添其愁。且將我心中之悶。共聯一絕。〔梅云〕姐姐你做。〔旦云〕客館閑門靜。閨房寂寞春。月來花弄影。疑是有情人。〔生聽云〕吟咏妙哉。我依韻和一首者。書舍須臾恨。南園老盡春。東牆明月滿。偏照意中人。〔旦聽云〕牆角邊吟詩者。必是那彈琴的秀才。是好高才也。〔唱〕

〔倫秀才〕在那東牆下。詩和了一聲。我這裡近亭軒把繡鞋立定。好教我兜上心來意不寧。愁攢眉角上。忽的動傷情。知他是怎生。〔梅云〕姐姐咱回去罷。夜深了。〔同下〕〔生云〕呀。小姐回去了。這相思索害也。我且回書房去。〔下〕〔旦上〕〔云〕自從昨日聽了那生彈琴。不想我病症轉加。身子好生不快。可怎了也。〔梅云〕姐姐。爲一女子。當守閨門之正。不要這等狂蕩。〔旦唱〕

〔呆骨朵〕我這裡悶厭厭。鎖不住疎狂性。怎禁的獨自傷情。孤幃裡翠減香消。花梢上蜂喧蝶併。少年人孤負了三春景。身體也無康盛。自思量怎奈何。漸染出風流病。〔生上〕〔云〕我昨日晚間月下彈琴。不想小姐來聽。隔牆吟詩。我也和了一首。我想來終不見箇分曉。我今日使山壽去。只推問他討花。看他有甚麼話說。山壽你來。〔山壽上〕〔云〕師父叫我怎麼。〔生云〕隔壁董宅好花。你去討一朵來。休教老夫人知道。〔山壽云〕我只問小姐討去。〔生云〕然也。〔下〕〔山壽上見旦科〕〔旦云〕山壽來有何故。〔山壽云〕俺師父使我來問姐姐討花哩。〔旦云〕你師父是誰。〔山壽云〕俺師父姓馬名彬字文輔。〔旦云〕他多少年紀了。〔山壽云〕俺師父二十五歲了。〔旦云〕他要甚麼花。〔山壽云〕隨姐姐與我甚麼花。〔旦云〕我與你一朶海棠花。你將去。〔旦與花科〕〔山壽辭科〕〔下〕〔旦唱〕

〔脫布衫〕思量起俊俏書生。今日箇顯姓通名。海棠花權爲信行。姻緣事該前定。

〔小梁州〕誰想是舊日劉郎到武陵。聽說罷怎不傷情。孤鸞寡鳳幾時成。人孤另。長嘆兩三聲。

〔么〕黃昏一盞孤燈映。困騰騰悶倚幃屏。鼓二更。人初靜。更添愁興。照不到天明。〔云〕我常記得俺父親在日。曾與俺母親說在朝之日。曾與三原縣令馬昂爲交。次後將我許與

他兒子馬文輔爲妻。我那時年幼。也不曾成得。後來音信不通。因此上不曾成合這親事。我那日在後花園中。只見山壽家東牆上有一秀才。往這壁望着。我一見那生。髮黑眉青。脣紅齒白。教我放心不下。我前日在海棠亭下燒夜香。又遇着他彈琴。專訴失其佳配。昨日使山壽來問我討花。我因問他。你師父是誰。山壽說姓馬名彬字文輔。我就想起俺父親的言語。莫不就是這生。我兩日前寫下了一箇簡帖兒。今日着梅香送與他去。梅香。你送這簡帖兒與那秀才去。〔梅云〕將來我送去。〔旦與簡科〕〔梅云〕我送簡帖兒去來。〔同下〕〔生上云〕自從見了秀英小姐。着我神魂飄蕩。茶飯懶嘗。昨日着山壽討花去。小姐與了一朵海棠花。不知主何意。似這等音信不通。如何是了。〔梅云〕先生萬福。〔生云〕小娘子來有何事。〔梅云〕你不知。聽我說者。〔唱〕

〔上小樓〕只因你青春後生。俺小姐心腸不硬。想前夜月下鳴琴韻。和新詩福至心靈。音韻輕。聲律清。精通理性。多管是暗中傳兩情相應。〔云〕俺姐姐與了這箇簡帖兒。教送與先生。不知是甚麼言語。〔生云〕將來我看。〔生看科云〕小娘子。這一首詩。是誰寫的。〔梅云〕俺姐姐親筆寫的。你試念與我聽。〔生云〕滿酒月明中。潛身牆角東。鳴琴離恨積。入夜綉幃空。夢繞三千界。雲迷十二峯。仙郎休負卻。我意若春濃。好高才也。既小姐有願戀小生之心。我如今備辦禮物。使媒人說去如何。〔梅唱〕

〔么〕你待教媒人偶成。老夫人天生劣性。不爭你走透消息。泄漏風聲。悞了前程。俺姐姐念舊盟。想旧情。何須媒證。不用你半星兒絳羅爲定。〔生云〕既蒙小姐垂念。小生也寫一簡。煩小娘子捎去。〔梅云〕你寫來。〔生寫科〕〔云〕小娘子。你道我多多上覆小姐來。〔梅下〕〔生云〕小姐若見了這簡帖兒。好事必成也。〔下〕〔旦上〕〔云〕梅香去了多時。怎生不見回來了。〔梅上見旦科〕〔旦云〕如何。〔梅云〕他有回簡在此。〔旦云〕將來我看。〔梅香遞簡旦接看科〕〔念云〕客館枕淒涼。孤眠春夜長。瑤琴撥一弄。春色在東牆。勿問詩中意。相思病染牀。情人在咫尺。何日赴高唐。是好才學也。〔唱〕

〔滿庭芳〕恰便似龍蛇弄影。才過子建。筆掃千兵。溫柔軟款多才性。忒煞聰明。

據相貌容顏齊整。論文學海宇傳名。堪人敬。都只爲更長漏永。傷感汨盈盈。

〔云〕似這等何計得成也。〔唱〕

〔耍孩兒〕似這等空房靜悄人孤另。卻又早香消金鼎。何時害徹相思病。卜金錢禱告神靈。生前禽演分明判。八卦詳推莫順情。四柱安排定。都來增下禍福分明。

〔四煞〕畫檐鐵馬喧。紗窗夢不成。佳人才子何時聘。他是箇離鄉背井飄零客。我便是孤枕獨眠董秀英。都薄倖。一箇在東牆下煩惱。一箇在錦帳裡傷情。

〔三煞〕嘆鴛鴦繡被空。滿懷愁爲那生。只因他新詩和的聲相應。更把那瑤琴撥出艱難調。彩鳳求凰指下鳴。都是相思令。聽了他淒涼慘切。好教我寸步難行。

〔二煞〕婚姻配偶遲。難捱更漏永。畫蛾眉嬾去臨妝鏡。老天不管人顛顚。一派黃河九徧清。貞烈性。也只是粉牆一堵。似隔着百座連城。

〔尾煞〕相思愁越添。淒涼惡夢境。便做道鐵石般只恁心腸硬。都寫入愁懷喚不省。〔下〕

第三折

〔生上〕〔云〕從昨日小姐着梅香送了一首詩來。我也回了一首。教他將去了。至今音信不通。小生不覺病枕着牀。性命在於頃刻。萬一有成。這病還有可時。倘或阻隔。如之奈何。〔唱〕

〔中呂粉蝶兒〕睡眼難開。鎖愁眉如何擔待。恨相思晝夜難捱。則俺這異鄉人。如風絮飄零在外。愁滿心懷。何時得否極生泰。

〔醉春風〕只因遇着可憎才。引的我熬煎深似海。害的我須臾咫尺難移捱。你好是歹歹。一會家倒枕槌牀。長吁短嘆。教咱無奈。〔云〕我且掩上門。靜坐一會。〔旦同

梅香上〕〔云〕昨日使梅香探那生去。回了一首詩來。我看罷。他真有此心。我今又寫下一箇簡帖兒。梅香。你再送與那生去。〔梅云〕將來。〔旦與簡科〕〔云〕你快去來。〔下〕〔梅云〕不知寫的是甚麼。須索送去。〔唱〕

〔脫布衫〕病潘安瘦損形骸。杜韋娘憔悴香腮。你兩箇恩情似海。沒來由把咱禁害。

〔小梁州〕你只要縷帶同心結不開。都只待魚水利諧。曠夫怨女命安排。心無奈。盼殺楚陽臺。

〔么〕這便是才郎有意佳人愛。兩下裡怎不傷懷。好意捱。舒心害。粉牆爲界。鏡破兩分釵。〔云〕早來到也。我隔這窗兒試瞧者。〔唱〕

〔上小樓〕我把這窗兒潤開。觀一觀何妨何礙。只見他東倒西歪。倚牀靠枕。身體斜挨。叫一聲馬秀才。頭不擡。相思苦害。問你箇病裏王在也不在。〔梅見科〕

〔云〕先生萬福。〔生起跪科〕〔云〕呀呀呀。小娘子怎生就不來了。〔梅云〕夫人嚴謹。僕妾豈敢輕出。〔生云〕小娘子。今日小姐有何話說。〔梅云〕俺姐姐寫了一簡。教我送來。不知上面寫着甚麼。

〔生云〕將來我看。〔做接科〕〔梅唱〕

〔么〕俺小姐親封一策。向你這東君叩拜。不知他有甚衷腸。道甚言詞。訴甚情懷。試取開看內才。中間梗槩。比那嚇蠻書。賽也不賽。〔生念云〕畫閣銷金帳。翻成離恨天。東牆相見後。疑是武陵源。小生有一句話。只得對小娘子伸訴。〔梅云〕先生但說不妨。〔生跪云〕想先君在時。曾蒙府尹相公。將小姐許聘小生。後來遭阻滯。因此上不曾合成親事。小生此一來問這親事。欲令媒人通問於老夫人。爭奈寒儒孤陋。不能諧事。自那日後花園中。見了小姐。就得了這等症候。除小娘子在小姐左右。怎生方便成就此事。有何傷乎。〔梅云〕足下是一丈夫。立於天地之間。當以功名爲念。垂芳名。顯祖宗。豈不開聖人云。血氣之勇。戒之在色。足下是聰明。

之人何爲一女子喪其所守。先生察之。〔生跪云〕只是小娘子可憐小生。通一句話呵。此事必成矣。〔梅云〕先生請起。等妾身看小姐之動靜。若是得空呵。慢慢的假一言。肯與不肯。再來回報足下。〔生云〕小生還有一簡。煩小娘子捎去。未知可否。〔梅云〕將來。我捎去。〔生與簡科〕〔梅云〕妾身回去也。〔同下〕〔旦上云〕恰纔使梅香去了。這早晚不見回來。好悶人也呵。〔梅上云〕姐姐我來了。〔旦云〕事已如何。〔梅云〕姐姐。則被你弄殺那生也。〔旦云〕他對你說甚麼來。〔梅云〕他將前事訴了一遍。〔旦云〕甚麼前事。〔梅云〕他說道俺父親在時。曾與你先尊爲交。就將小姐許了親事。後來遭阻滯。不曾成事。如今千里而來。也只爲這親事。自從那一日見了姐姐。如今在書房中害相思病哩。〔旦云〕他再有甚麼話說。〔梅云〕我臨來時。他又與了箇簡帖。來捎與姐姐哩。〔旦云〕將來看者。〔做看科〕〔旦念云〕相思病轉添。愁鎖眉尖上。無意讀經書。引的春情況。忽見可憎才。疑是嫦娥降。盼得眼睛穿。何日同鴛帳。〔唱〕

〔快活三〕悶昏昏眼倦開。困騰騰鴛枕挨。怎闌思量的無聊賴。幾時得雲雨會陽臺。我和你同歡愛。愛你箇俊俏書生。風流秀才。俺兩箇少欠下相思債。自裁自改。何日得共挽同心帶。

〔賀聖朝〕似這般子建才學。埋沒書齋。愁腸一似東洋海。生的相貌堂堂。見了

開懷。心中自猜。怎生教他晝去昏來。〔梅云〕姐姐。似此如之奈何。〔旦云〕我如今寫一簡期約簡兒。你將去。我若不如此。他豈敢來。〔旦付簡科〕〔云〕他若看了這詩。便知我的意思。〔下〕
〔梅同下〕〔生上〕〔云〕我寫了一簡。着梅香捎去。這早晚不見回來。恐成不的這事。這一會身子困倦。且睡些兒。〔梅上見科〕〔云〕先生萬福。〔生云〕小娘子。那事如何。〔梅云〕賀萬千之喜事已成矣。〔生云〕有甚好音。着我知道。〔梅云〕簡帖在此。〔生接念云〕待月東牆下。花陰候大才。明宵成歡會。同赴楚陽臺。〔生跪謝云〕今日得成此事。皆小娘子之力。異日當犬馬相報。〔梅云〕足下請起。你准者。妾當回去也。〔下〕〔生云〕小生這病害的着了。〔唱〕

〔滿庭芳〕姻緣合該。今朝相待。魚水和諧。似這等不枉了教人害。苦盡甘來。古人言。知過必改。不由人兜在心懷。一見了相親愛。便休道賢賢易色。非是我放狂乖。〔下〕〔旦梅上〕〔梅云〕姐姐。天色晚了。那生必定等哩。好去了。〔旦云〕我乃室女。潛出閨門。與少年私約。敢非禮麼。〔梅云〕姐姐。男女居室。人之大倫。有何非禮。〔旦云〕母親不知。睡了不曾。〔梅云〕咱去來不妨事。〔下〕〔生上〕〔云〕早間梅香來約。海棠亭上與小姐相會。夜色深了。我掩上書房門。好去也。早來到牆邊。躍而過去。潛身在這海棠亭下者。〔旦上〕〔云〕梅香。那東牆下似有人影。莫不是那秀才來了。你去看者。〔梅望科〕〔生見梅科〕〔云〕小娘子。小姐來了不曾。〔梅

云兀的不是。（生見旦科）云小姐令小生將來赴約。（旦云）你在角門首望着。有人來便報我知道。（梅處下）（生旦攜手至海棠亭成親科）（生唱）

〔耍孩兒〕看了你桃腮杏臉花無賽。星眼朦朧不開。魂靈兒飛在五雲端。只將這玉體相挨。安排定共宿鴛鴦枕。準備下雙飛鸞鳳臺。今日得同歡愛。把湘裙皺損。寶髻斜歪。

〔五煞〕衫兒扭扣鬆。裙兒縷帶解。酥胸粉腕天然態。楚腰似柳嬌尤軟。未吐桃花露潤開。完成了恩和愛。今日箇良姻匹配。便死呵一穴同埋。

〔四煞〕溫柔軟款情。佳人忒豔色。春風美滿身心快。輕蟬髮。烏雲亂。寶髻偏斜溜。鳳釵越顯的多嬌態。心中留戀可意多才。

〔三煞〕嬌羞力不加。低垂頸怕擡。風流徹骨遺香在。相偎玉體輕輕按。粉汗溶溶濕杏腮。似這等偷香竊玉。幾時得一發明白。

〔二煞〕澄澄夜氣清。低低月轉堦。枝枝花影橫窗外。燈前試把香羅看。點點猩紅映瑩白。則見他羞無奈。困騰騰倚牆靠壁。急忙忙重整金釵。

〔尾煞〕相思一筆勾。姻緣前世該。好教人撇不下恩和愛。幾時得再把同心帶。

兒解。

〔老夫人上〕〔云〕我前日聽得梅香說小姐身體不快。不曾看得。今夜睡不着。我試看小姐去者。〔做行科〕來到這繡房中。怎生不見小姐。莫不敢做下了勾當也。我試往後花園看去呀。這角門怎生開着。〔做撞見科〕〔生旦慌科〕〔梅云〕姐姐不妨事。夫人行我有話說。〔夫人罵云〕好賤人。你三箇都過來。〔生旦梅香跪科〕〔夫人云〕好女孩兒。做下這等勾當。豈不聞座不正不坐。割不正不食。我入董家爲婦一世。何曾有針尖大小破綻。你如今年方及笄。不遵母訓。不修婦德。與這等不才醜生私約。兀的不辱沒殺人也。我想來。都是這小賤人逗逗的來。〔梅云〕老夫人息雷霆之怒。聽賤妾陳是非之由。想當初先尊在日。將小姐曾許與三原縣尹馬昂之子馬文輔爲妻。先尊下世。不曾成合。不想馬生因問親事至此。安歇於山壽家花木堂中。使佳人才子。臨風對月。心非木石。豈無所思。夫人失治家之道。不能掩骨肉之醜。何人之過。〔夫人沉吟科〕〔云〕兀那厮你端的姓甚名誰。何方人氏。〔生跪云〕不瞞老夫人說。小生姓馬名彬。字文輔。先父拜三原縣令。祖貫臨陽人也。〔夫人云〕你這箇小禽獸無禮。你既到此。如何不來見我。卻做下這等勾當。若是別人呵。決打壞了。你空讀孔孟之書。不達周公之禮。這等不才。我待教你離我門去。只是看你先父母面上。我家三輩不招白衣之人。如今且將你兩箇急配了。則明日上朝取應去。得中科第。那時來也未遲。〔生云〕非敢對夫人誇口。小生六歲攻書。八歲能文。十一歲通六經。據小生文學。不奪

狀元回來。永不見夫人之面。〔夫人云〕想你父親也不會弱了。常言道有其父必有其子。孩兒你着志者。秀英便收拾行裝。送文輔上朝取應去。〔旦云〕恰相逢。又分別。好是煩惱人也呵。今朝同把一盃酒。後夜醉眠何處樓。如今送別臨溪水。他日相逢在水頭。〔同下〕

第四折

〔旦生同上〕〔旦云〕梅香將酒果來。與秀才饒行。〔做把盞科〕〔旦云〕今日得成佳配。妾身不敢久留。當以功名爲念。進取爲心。以君之才。必有台輔之任。若到京師。早登科第。當速返征轅也。〔生云〕我這一去。青霄有路終須到。金榜無名誓不歸。請老夫人拜別者。〔夫人上〕〔云〕孩兒着志者。早些回來。〔生拜夫人科〕〔旦云〕如今暮春天道。是好傷感人也。〔唱〕

〔越調鬬鶴鶉〕眼見的枕剩衾空。怎捱這更長漏永。桂蕊飄霞。楊花弄風。翠袖生寒。烏雲不攏。恰成了鸞鳳交。眼見的各西東。離恨千般。閑愁萬種。

〔紫花兒序〕見如今亭前分袂。目下離別。多應是夢裡相逢。忍不住長吁短嘆。難割捨意重情濃。枉教我埋怨天公。莫不是美滿姻緣不得終。好教人傷悲切痛。煞時間去馬回車。都做了往鴈歸鴻。〔夫人云〕孩兒就此啓程者。〔生云〕便是。〔做

掩淚下〕〔夫人云〕文輔已去。秀英。隨俺回房去者。〔旦應科〕〔夫人旦同下科〕〔旦梅同上〕

〔旦云〕自從文輔去後。今經半載有餘。杳無音信。教我身心不安。好是煩惱人也。〔唱〕

〔小桃紅〕腰肢纖細減芳容。似帶雨梨花重。翠被香消誰共。思無窮。音書寫下無人送。魚沉鴈杳。枕剩衾空。因此上。汨滴滿酥胸。〔梅云〕姐姐怎生害的這等瘦了。〔旦唱〕

〔天淨紗〕害的人病厭厭瘦了形容。寬綽綽帶慢衣鬆。俏身兒往日難同。越添悲痛。倚幃屏。星眼朦朧。

〔調笑令〕好教我氣冲。怨天公。閃的我獨宿孤眠錦帳中。珠簾不捲金鈎控。怕的是南樓上畫鼓鼕鼕。我這裡好夢初成。又在牆東。怎生般夢魂中魚水也難同。

〔禿厮兒〕恨人。畫簷間鐵馬丁東。恨人。寒山野寺鳴鐘。恨人。把美愛幽歡好夢驚。恨人。又見花梢兒窗影下重重。

〔聖藥王〕想舊境。一夢中海棠亭下正歡濃。寶髻鬆。繡被重。覺來猶在畫屏東。無語汨溶溶。

〔麻郎兒〕恨相思病濃。轉思量汨重。眉蹙損春山悶縈。顯的淒涼一弄。

〔么〕這病攻汨濃悶重。都只爲滿□□衷。都只爲魚水難同。都只爲孤鸞寡鳳。

〔梅云〕姐姐何不寫一書信寄去。〔旦云〕便是。取紙墨筆硯來。〔梅應做取科〕〔旦寫科〕〔唱〕〔絡絲娘〕粉花箋寫下更長漏永。專訴着瘦減香肌玉容。寫罷了眉尖一縱。更教人悲痛。〔云〕自馬生去後。教我朝思暮想。疾病轉加。如之奈何。梅香你來。〔梅云〕姐姐怎麼說。

〔旦云〕我這幾日身子不快。我待請醫調理。你請母親來商量。〔梅云〕老夫人有請。〔卜上〕〔云〕

孩兒有甚事。〔旦云〕母親。你孩兒身體不快。如何治之。〔卜云〕孩兒快請箇良醫來。服些藥餌就好了。梅香。你快請去。〔梅背云〕除是馬秀才來。我就好了。〔做請科〕〔云〕李郎中在家不在家。

〔淨上〕〔云〕小子李郎中是也。別無買賣營生。專靠我這藥上盤費。我這妙用。有神仙之法。手到病除。家傳一樣妙藥。專治男女傷春之病。恰纔董府尹家來請。須索走一遭去。〔行科〕〔見梅科〕

〔云〕小娘子報復去。〔梅報云〕奶奶。請將醫士來了。〔卜云〕請進來。〔見科〕〔卜云〕小女有些不快。特請先生調治。〔淨云〕請出來診脉。〔旦出見科〕〔診脉科〕〔淨云〕此脉沉細。〔卜云〕如何調

治。〔淨云〕小人專治傷春之病。豈可無藥。不瞞老夫人說。我這藥費本錢。〔卜云〕老身怎肯少了藥貨。〔淨云〕我便攢藥。〔旦云〕此藥何名。〔淨云〕是撮病芙蓉散。〔做與藥科〕〔卜云〕梅香。與郎中五錢銀子。〔淨云〕不當受。小人回去也。〔下〕〔卜云〕梅香。你教孩兒睡一會兒。我回去。〔下〕

〔梅云〕姐姐服了此藥就好。〔旦唱〕

〔東園樂〕這厮是哄人機見。他說來的不通。越教人添沉重。他一片胡言都是空。無些兒効功。他正是說眞方把咱做弄。〔梅云〕姐姐且將息。俺去也。〔下〕〔旦歎科〕

〔唱〕

〔綿打絮〕深闌靜悄。幽僻空庭。月輪展紙。幾扇屏風。似海棠半醉春睡重。鮫鮓上綠鬟擁。有情人何日相逢。幾時得赴高唐夢中。

〔拙魯速〕花落去。綠叢叢。怎不教人泪盈盈。愁鎖眉尖萬種。清夜悠悠誰共。畫檐下搖曳簾櫳。不想把離人斷送。鷓鴣啼驚覺巫山夢。

〔尾聲〕魚沉鴈杳音難送。阻隔著千里關山萬重。埋怨俺狠毒娘。走將來分開了鸞鳳種。〔下〕

第五折

〔生衣冠上〕〔云〕自家馬文輔是也。自到京師。應試科場。一舉狀元及第。蒙恩賜綵段官誥。今日謝了恩。回松江搬取夫人秀英去。駿步高騫謁紫宸。學成詞賦貫天人。丈夫欲遂平生志。年少先栽帝里春。好是稱心也呵。〔唱〕

〔雙調新水令〕春雷揭地震青天。平步上廣寒宮殿。風吹烏帽整。日照錦袍鮮。拜宴開筵。這其間方稱了丈夫願。

〔駐馬聽〕十載心堅。酬志了金屋銀屏紫府仙。當時貧賤。怎忘了簞瓢陋巷在窮檐。官高猶記武陵源。身榮怎忘前親眷。纔中選。今朝又把程途踐。〔云〕行了數

日。早到松江府了。趨動馬。徑奔宅上去者。〔做到科〕〔云〕左右。報的老夫人知道。〔做報科〕〔夫

人上〕〔云〕馬文輔得了頭名狀元。今日回來。我須迎他進來者。〔生做見科〕〔卜云〕兒鞍馬勞

困。梅香。叫你姐姐來見學士者。〔梅走上〕〔云〕姐姐在那裡。〔旦上云〕小賤人。你管我怎麼。〔梅

云〕俺姐夫做了官回來。在堂上。老夫人着我請你相見哩。〔旦云〕是真箇。〔梅云〕你待不見哩。

〔旦云〕不想有今日也。〔做相見敘禮科〕〔旦云〕才郎及第。官拜何職。〔生云〕托祖宗福。叨中

狀元。小生喜不自勝。〔旦唱〕

〔鴈兒落〕誰想你入科場藝在先。金榜上名堪羨。脫卻了舊布衣。直走上金鑾殿。

〔得勝令〕你如今束帶立朝前。得志受皇宣。列翰苑爲學士。插金花飲玉筵。標寫在凌煙。寶匣內方顯出龍泉劍。享富貴綿綿。立芳名見大賢。〔生云〕小生別後一

載有餘。多虧小姐持家養德。〔旦唱〕

〔水仙子〕今朝一日笑聲喧。又得才郎敘舊緣。相逢訴不盡心中怨。那時節意慘然。自別來動是經年。我只怕恩情斷。盼歸期天樣遠。誰知道今日團圓。

〔折桂令〕喜今朝又得團圓。夫婦相逢。前世姻緣。攜手相將。花前月下。笑語甜言。舊日的恩情不淺。還記得海棠亭誓對嬋娟。你如今黃榜名懸。翰苑超遷。願足平生。盡在神天。〔使臣上〕〔云〕雷霆驅號令。星斗煥文章。小官使命官是也。奉朝命來與馬狀

元加官進秩。可早來到也。狀元裝香。來接詔旨。〔生跪科〕〔使臣云〕皇帝詔旨。爾狀元馬彬。有文武全才。博學宏詞。可授翰林學士。其妻董氏。一節不渝。封學士夫人。可卽走馬赴任。勿替朕命。故勅。〔生拜云〕感謝聖恩。〔唱〕

〔沽美酒〕降明香。接詔宣。拜天使。喜開顏。聖主恩波徧九天。坐金鑾寶殿。四海內都朝見。

〔太平令〕托皇朝文能武羨。養德性道重名傳。姓列在金章寶篆。普天下黎民方便。只願的萬年永遠。保天恩聖賢。端的是威鎮了四方八面。〔云〕使臣請筵宴。〔使臣云〕不必了。就此告回。〔下〕〔生上〕〔云〕賢妻。如今有聖旨。教卽便赴京上任。你心下如何。

〔旦云〕妾身豈敢抗拒。〔生云〕既如此。弓兵快收拾車馬赴任去來。〔唱〕

〔川撥棹〕列頭踏在馬前。把香車簾半捲。只見官誥新鮮。翠袖花鈿。寶髻雲偏。疑是天仙。只見他喜孜孜俏臉兒笑。撚。敢見我紫羅袍體間穿。

〔七弟兄〕我這裡向前。謝得完全。今日箇夫妻稱了平生願。身榮休忘了海棠軒。東牆下私約成姻眷。

〔梅花酒〕俺如今踐登程。路途沿。幾時到八水三川。西洛中原。莫得俄延。摔碎絲鞭。馬蹄兒踐香塵。鈿車兒古道穿。今日箇來赴選。來赴選。到金鑾。到金鑾。日月邊。日月邊。受皇宣。受皇宣。古今傳。〔云〕想小生今日到的這一步。夫榮妻貴。怎肯忘了

那時。〔唱〕

〔收江南〕想當初五言詩和得句兒聯。七條絃彈就舊姻緣。想着那海棠亭下設盟言。今日箇兩全。夫妻勅賜再團圓。

〔鴛鴦煞〕佳人才子心留戀。東牆花下成姻眷。標寫青編。唱道一舉登科將名姓顯。男兒得志共賞在瓊林宴。玉堂中千古名賢。似這等金榜題名萬代顯。


題目

老夫人急配好姻緣

小梅香暗把詩詞遞

正名 馬文輔平步上鰲頭 董秀英花月東牆記

萬曆四十三年乙卯二月十九日校抄于小穀藏本于卽東阿谷峰
于相公子也清常道人記



保成公徑赴澠池會

元高文秀

楔子

〔冲末扮秦昭公領卒子上〕〔云〕先世顯項苗裔孫。賜姓嬴氏國爲秦。只因善御扶周主。惡來有力事於殷。某乃秦國昭公是也。先世乃顯項之後。自犬戎伐周。先祖襄公將兵救周。戰陣有功。周東徙洛邑。襄公以兵送。周平王封襄公爲諸侯。賜岐之西地。自襄公至成公七世。乃立其祖繆公。聞楚人百里奚之賢。欲重幣贖之。恐楚不與。乃請以五羖羊皮贖之。是時百里奚年已七十餘矣。繆公與語國事。乃大悅。授之國政。號曰五羖大夫。繆公卒。葬從死者一百七十七人。秦人哀之。爲作黃鳥之詩。至繆公乃十四世。山河始固。強國六公。齊威。楚宣。魏惠。燕悼。韓哀。趙成。秦地雍州。不與中國諸侯之會盟。孝公乃惠振孤寡。招戰士。明功賞。秦國大治。自兄武王卒。立某爲公。俺秦國軍有百萬。將有千員。西接巴蜀。北控吐蕃。南連襄郢。東有蒲坂。今天下七國皆來伏秦。惟有趙國成公不來。某久聞趙國有楚和氏玉璧。價值萬金。某心欲要求之。無計可取。今某手下有大將白起。喚他來商量。怎生取索。左右與我喚將白起來者。〔卒子云〕理會的。白起安在。〔外扮白起上〕〔云〕少年爲將領雄兵。鐵馬金戈定兩京。全憑韜略安秦地。官封驪國大將軍。某秦國大將白起。

是也。邯鄲人氏。自昭王十三年爲將。擊韓之新城。攻韓魏之伊闕。斬首二十四萬。又虜其將公孫。賣拔五城。官封武安君之職。今天下七國。皆伏秦國。惟有趙國不伏。數次要領。將收趙。昭公不允。今有昭公呼喚。須索走一遭去。左右報復去。有大將白起來了也。〔卒子云〕理會的。〔報科〕〔云〕喏。報的大王得知。有白起來了也。〔秦昭公云〕着他過來。〔卒子云〕理會的。着過去。〔做見科〕〔白起云〕主公呼喚白起。有何軍國之事商議。〔秦昭公云〕將軍。今天下七國。皆伏於秦。惟有趙成公不伏俺秦國。今請你來商議。〔白起云〕大王。此事小哉。俺秦國軍有百萬。將有千員。若起兵與趙交鋒。必然擒拏了趙成公。定了趙地也。〔秦昭公云〕白起。想趙國多有英雄。倘若與他交鋒。若俺軍不利。枉惹各國恥笑。趙國廉頗好生英勇。俺不當起兵。則可以智取也。〔白起云〕大王。趙國既有廉頗大將。俺怎生智取也。〔秦昭公云〕白起。某久聞趙國有無瑕玉璧。價值萬金。咱這裡差一使命。直至趙國。索取玉璧。與他十五座連城換取。若趙成公見說十五座連城。必送玉璧前來。俺收其玉璧。不與連城。玉璧秦國有之。他若不送將玉璧來時。俺秦國起大勢軍馬。問罪興師。擒拏成公。此計如何。〔白起云〕大王。此計大妙。若送玉璧到於秦邦。不放其人還國。其實秦國收之。若無玉璧。某統大勢雄兵。將趙國踏爲平地。則今日便差使命往趙國走一遭去。〔秦昭公云〕白起。就差使命。則今日便去取索玉璧。若來時。報復我知道。則爲這無瑕玉璧有光燦。差使命火

速離京。若送入秦邦境界。我着他休指望十五座連城。〔下〕〔白起云〕則今日差使命趙國取玉璧去了。此一去若有了玉璧。萬事罷論。若不與呵。某統大勢秦兵。活拏成公。方稱某平生之願。秦將英雄誰可當。今差使命出咸陽。不將玉璧親身到。活拏廉頗劍下亡。〔下〕〔外扮趙成公領卒子上〕〔云〕晉地三分出祖襄。爲因智伯定興亡。程嬰立孤心存趙。至今萬古把名揚。某乃趙成公是也。自祖襄公三分晉地。都於邯鄲。祖遂胡服招騎射。二十年。祖略中山地。至寧葭。西略胡地。至榆中林。胡王獻馬。二十一年。攻中山。獻四邑。今天下七國爭雄。五國皆伏於秦。惟有趙國不從於秦。久聞秦國白起。要起秦兵與趙交鋒。奈俺趙國有老將廉頗。十分英勇。秦不敢興兵。皆懼此人也。今日某在邯鄲觀書。左右那裡。門首覷者。若有人來時。報復我知道。〔卒子云〕理會的。〔外扮使命上〕〔云〕奉命離京出帝都。驅馳鞍馬又當途。只因玉璧親臨趙。弧矢之間顯丈夫。小官乃秦國使命是也。奉昭公之命。親齎書呈。直至趙國。索取玉璧。說話中間。可早來到邯鄲也。小校報復去。有秦國使命。在於門首。〔卒子云〕理會的。〔報科〕〔云〕喏。報的主公得知。有秦國使命至此也。〔趙成公云〕着他過來。〔卒子云〕理會的。過去。〔秦使命做見科〕〔趙成公云〕兀那使命。你此一來。有何公幹。〔使命云〕上告大王知道。今奉昭公之命。聞知趙國有無瑕玉璧。價值萬金。俺主公敬奉十五座連城。換取玉璧。若大王允諾。可遣人送玉璧至秦。換取連城。以結兩國之好。如若不

從兩國干戈必起。伏望大王台鑑不錯。〔趙成公云〕兀那使命。你且回本國。某與臣宰商議。然後自有箇主意。〔使命云〕大王。小官告回。望大王早遣人來。則今日小官便回秦國去也。只因這趙國玉璧號無瑕。故教兩處起爭差。今乘驛馬回京兆。休辭海角與天涯。〔下〕〔趙成公云〕秦國使命去了也。小校。與我喚將大將廉頗來者。我與他商議玉璧之事。〔卒子云〕理會的。廉將軍安在。主公呼喚。〔廉頗上〕〔云〕幼年爲將定邯鄲。英雄赳赳展江山。伐齊曾破登萊路。威鎮秦齊燕與韓。某乃趙國大將廉頗是也。爲某大破齊兵。官拜上卿之職。今有成公呼喚。不知有何事。須索走一遭去。可早來到也。小校報復去。道有廉頗來了也。〔卒子云〕理會的。〔報科〕〔云〕喏。報的主公得知。有廉頗來了也。〔趙成公云〕着他過來。〔卒子云〕理會的。〔做見科〕〔廉頗云〕大王呼喚廉頗。有何事幹。〔趙成公云〕將軍。喚你來不爲別。今有秦昭公。差一使命。持書前來索取無瑕玉璧。願以十五座連城償之。故請老將軍商量此事也。〔廉頗云〕大王。此一事其中有詐。倘若將玉璧送到秦邦。若昭公不與城池。可不自送了玉寶。又不與城池。枉惹鄰邦恥笑。願大王思之。〔趙成公云〕老將軍。若俺不送玉璧去時。秦國若領兵前來。俺可怎了也。〔廉頗云〕大王。自古道兵來將迎。水來土堰。他若領兵前來。俺這裡領兵與他交鋒。若戰敵不勝呵。再做箇擺布。〔趙成公云〕將軍。豈不聞三思而後行。再思而可矣。左右。與我喚將中大夫藺相如來者。〔卒子云〕理會

的。藺相如安在。〔正末上〕〔云〕小官乃趙國中大夫藺相如是也。方今七國之分。乃秦齊燕趙韓楚魏。某輔佐趙成公。建國於邯鄲。七國諸侯內。有強秦壯楚雄燕大齊。今有秦國數次征伐俺鄰邦。奈俺趙國武有廉頗。文有小官藺相如。以此不會得俺半根折箭。今日主公呼喚。不知有甚事。須索走一遭去。可早來到也。報復去。道有藺相如來了也。〔卒子云〕理會的。〔報科〕〔云〕喏。報的主公得知。有藺相如來了也。〔趙成公云〕着他過來。〔卒子云〕理會的。過去。〔做見科〕〔正末云〕主公呼喚小官有何事。〔趙成公云〕大夫。喚你來不爲別。今有秦國差一使命。前來索取無瑕玉璧。與咱十五座連城換之。故請你文武二人。商議此事。〔正末云〕據着主公心裏。這玉璧可是與他也不與他。〔趙成公云〕我想來。咱將玉璧送與他。他必然償與咱十五座連城。他若不與俺城時。咱再做箇計較。〔正末云〕廉將軍。據你意下如何。〔廉頗云〕據着我說。玉璧不當與他。倘有失錯。悔之晚矣。〔正末云〕將軍此言。說的差了也。〔廉頗云〕我怎生說的差了。若見玉璧不去呵。他必然來征伐俺趙國。老夫統領趙國精兵。與秦決勝敗。未知誰贏誰輸。再做商量。〔正末云〕將軍。可不道一日干戈動。十年不太平。〔趙成公云〕大夫。俺若將玉璧送與他。他若還不肯償城。咱怎生再得這玉璧。〔正末云〕主公。如今秦昭公要俺這無瑕玉璧。他以十五座連城換此玉璧。他豈有真心。他以城求璧而不與。曲在我矣。與之璧而不與我城。則曲在秦矣。主公。小臣藺相如雖然不才。

我願奉璧而往。如若秦公無意償城。則臣請完璧而歸。我主意下如何。〔趙成公云〕大夫。想昭公兵有百萬。將有千員。你若到秦境。他收了玉寶。將你拘在咸陽。人不能歸趙。寶不能回國。那其間則怕你悔之晚矣。〔廉頗云〕大夫。你言者不當。秦乃虎狼之國。兵多將廣。馬壯人強。有併吞六國之心。想當日六國強兵。交鋒於函谷。皆大敗而回。何況你懦弱之人。不習兵甲之事。你若到秦邦。必然失寶喪命。那其間枉惹英雄恥笑。〔正末云〕將軍息怒。如秦國不與連城。小官不完璧而歸。對着主公衆官在此。小官永不還趙國。〔趙成公云〕大夫。玉璧價值萬金。非同小可。則要你小心在意者。〔廉頗云〕相如。你若還這一去。失了無瑕玉璧。因你在咸陽城內。休想俺趙國起兵來救你。〔正末云〕將軍放心也。〔唱〕

〔正宮端正好〕何須你列槍刀。排隊伍。成和敗全在相如。〔廉頗云〕大夫。你此一去。敢有去的路兒。無那回來的路兒。〔正末唱〕元帥怕有去路。道我無回路。他將我廝小覷。忒欺負。則今日離趙國。踐程途。他若是懷奸詐。我可便使機謀。〔趙成公云〕大夫。則要你疾去早來。小心在意者。〔正末云〕主公放心也。〔唱〕我手裏怎肯道甘獻與他這荆山玉。〔下〕〔廉頗云〕主公相如去了也。他這一去。捨命喪身之路。玉璧不能回國。相如必然久囚於秦。教鄰邦恥笑也。〔趙成公云〕將軍相如此一去。勝負未知。他若是不得秦城。完璧回國。那其間我

將他重重加官賜賞。未爲晚矣。則爲這昭公使計用心機。故教兩國起相持。你若是完璧償城得兩便。那其間封官賜賞把名題。〔下〕

第一折

〔秦昭公領卒子上〕〔云〕自古長安地。周秦古雍州。三川花似錦。八水永長流。〔二句脫〕華夷圖上看。陝右最爲頭。某乃秦昭公是也。自從前者差使命去趙國。索取無瑕玉寶去了。有使命回國。言說成公差人送來。換取十五座連城。某索玉璧。豈肯將連城換取。若將玉寶送到。某收於麾下。將來人囚於城中。玉寶得之。連城不與。方稱我平生之願。左右那裡。門首覷者。趙國使命來時。報復我知道。〔正末領親隨上〕〔正末云〕小官蘭相如。自離趙國。領着親隨。將着玉璧。來至秦邦。我想秦昭公。這一番要這玉璧。他則是明欺趙國無人也。〔親隨云〕大夫。想秦國昭公奸詐。白起英雄。大夫這一遭。不當爲使。獨入秦邦。則怕俺遭秦之困麼。〔正末云〕你不知某在主公根前說了大言。這一遭入秦爲使也。非同小可。則爲救蒼生之苦也。〔唱〕

〔仙呂點絳脣〕則恐怕士馬相殘。庶民塗炭。怎敢道違程限。人生於天地之間。播一箇青史內名揚讚。

〔混江龍〕這一場。也不用軍卒百萬。〔親隨云〕大夫。咱則是單人獨馬到秦國。憑着甚麼武

藝得玉寶回國也。〔正末唱〕憑着我脣槍舌劍定江山。見如今河清海晏。黎庶寬安。出口誇言離趙國。鋪謀定計入潼關。因此上乘駿馬。跨雕鞍。披星月。冒風寒。完玉璧。要回還。解了那麒麟殿上趙公憂。更和這虎狼叢裏英雄漢。也不望封官賜賞。則願的人馬平安。〔親隨云〕大夫。想無瑕玉璧。是俺趙國之寶。秦國又不知道。因何將此無瑕之寶。自送與秦國。咱正是自招其禍也。〔正末云〕你不知。聽我說與你。〔唱〕

〔油葫蘆〕想當日文武羣臣列兩班。玉塔前。仰聖顏。則聽得秦邦使命到邯鄲。要無瑕玉璧相觀看。他可使許連城換。易成虛誕。〔親隨云〕大夫。既然秦國將十五座連城換此玉璧。便送來。也不虧俺趙國。〔正末唱〕他要玉璧容易取。與連城呵恐作難。他將俺隣邦欺壓相輕慢。俺若是起征戰。在霎時間。

〔天下樂〕則爲這兩國干戈若動煩。數十載難也波安。那其間悔後晚。則這箇蘭相如正直非占奸。我言詞有定準。無轉關。我可便定興亡。在這番。〔親隨云〕大夫。旬日之間。到於秦邦也。〔正末云〕早來至府門首也。報復去。道有趙國中大夫蘭相如在於門首。〔卒子云〕理會的。〔報科〕〔云〕喏。報的大王知道。有趙國中大夫蘭相如在於府門首。〔秦昭公云〕有蘭相如來了。着他過來。〔卒子云〕理會的。中大夫。大王着你過去。〔親隨云〕大夫過去。親

隨在於何處。〔正末云〕你則在門首。我自過去。〔正末做見科〕〔秦昭公云〕趙國使命。官居何職。爲何至於秦邦。〔正末云〕小官趙國中大夫蘭相如。奉趙國命。差小官奉玉璧入秦。〔秦昭公云〕既然成公差你送玉璧入秦。今玉璧在於那裡。〔正末云〕玉璧見在此。請公子觀看。〔秦昭公云〕將玉璧來。我試看者。〔做看科〕〔云〕是好玉璧也。這玉璧當初您趙國怎生得來。〔正末云〕公子這玉璧當初本不在趙國生。乃楚國荆山出此玉。有一人。乃是卞和。得此玉。進於楚公。楚公不識。次後卞和三進。楚公纔知是玉。後來落在俺趙國。〔秦昭公云〕原來此玉不爲眞寶。也則如此出產。這玉再有甚麼奇妙。卞和因何知道他是無瑕玉璧也。〔正末唱〕

〔金盞兒〕這玉出荆山。長荆山。卞和爲此可便遭危難。自離了楚國到邯鄲。看承的如氣命。愛惜似心肝。〔秦昭公云〕量此玉非爲大寶。不爲罕哉。〔正末唱〕您若將容易得。便做等閑看。〔秦昭公云〕左右那裡。與我叫將白起將軍來。〔卒子云〕理會的。白將軍安在。〔白起上〕〔云〕某秦國大將白起是也。正在教場操軍。小軍來報。有趙國使命至此。主公呼喚。必然是趙國使人送玉璧前來。我須索走一遭去。可早來到府門首也。小校報與大王知道。有白起來了也。〔卒子云〕理會的。〔報科〕〔云〕喏。報的大王得知。有白起將軍在於門首。〔秦昭公云〕着他過來。〔卒子云〕理會的。過去。〔做見科〕〔白起云〕大王呼喚白起。有何事。〔秦昭公云〕白起。喚

你來不爲別。今有趙國。差中大夫蘭相如。送將玉璧來。喚你來觀看。〔白起做背與秦公云〕大王放心。他這一送這玉璧來。趙成公有懼秦之心。故使人送來。他想換十五座連城。難之又難哩。我如今將這無瑕玉。則說不爲眞寶。看他將甚麼言語回大王。〔秦昭公云〕白起。正是如此。你心與我皆同。〔白起云〕大夫鞍馬上勞神。將玉璧來。某試看者。〔做見科〕〔云〕我道是甚麼無瑕玉寶。價值十五座連城。原來此寶白石而已。虛得其名。非爲寶也。〔正末背云〕則除是恁的公子。此非眞寶也。〔秦昭公云〕既然無瑕玉璧不是眞寶。世上何爲眞寶。〔正末云〕公子豈不聞國之忠良。乃世之大寶。這玉呵。〔唱〕

〔醉扶歸〕饑不可爲糧飯。凍不可禦風寒。〔秦昭公云〕你說這玉不是大寶。可怎生上下無瑕。一色光潤。內外瑩然。眞乃世之寶也。〔正末唱〕便做道溫潤光輝。有甚罕見。如今惹禍招災患。無紋藻那能入眼。他端的費雕琢。難磨渲。〔白起云〕大王。此人言語之間。是箇足智多謀之人。你問他想上古何爲大寶。〔秦公云〕兀那大夫。這玉璧不是眞寶。自上古至今。何爲至寶。你試說一遍者。〔正末云〕公子。自古及今。有幾箇國之大寶也。〔秦昭公云〕是那幾箇國之大寶。你試說。我試聽者。〔正末唱〕

〔河西後庭花〕一箇湯伊尹除佞奸。一箇姜太公伐暴殘。有一箇孝子周公旦。

一箇忠臣殷比干。〔秦昭公云〕我道你說甚麼大寶。你可將上古名人比並。你在我根前攀今擊古。〔正末唱〕非是我古今攀。他都是後人楷範。你看的這無瑕玉似等閑。〔白起云〕大王。你如今和趙國大夫說教他且回驛亭中安下。留下玉璧。再做商量也。〔秦昭公云〕大夫。今日天色已晚也。將玉璧留在某府中。你且回驛中安下。到來日再做道理。〔正末云〕住者。公子。這玉璧此一來呵。便留下秦國也。當此一日。公子差使命至趙國。言說秦國以十五座連城換此玉璧。今小官奉璧至此。公子所言玉璧非貴。如今小官將此玉璧。且回驛亭中。到來日聚集文武。小官對着文武。獻此玉璧。也顯的俺趙公敬公子之心。等公子與衆將計議停當了。公子先進這十五座連城圖樣。小官將去。可也顯的公子不失信與趙公也。〔白起云〕主公。他也說的是。〔做背科〕〔云〕他既入到我秦邦。他便插翅也飛不出這潼關去。你且教他將玉璧回驛亭中去。〔秦昭公云〕大夫。今日你將玉璧且回驛亭中安下。明日與衆官商議。可來取此玉璧。〔正末云〕小官且回驛亭中去也。〔正末做出門見親隨科〕〔親隨云〕大夫。玉璧安在。咱怎能轂回國去。〔正末云〕玉寶在此。親隨。將玉寶收的好者。咱今夜便出秦關。暗轉間道回趙國去也。〔唱〕

〔尾聲〕且歸到驛亭中。疾便把程途盼。便蕩過黃河退灘。一路上慇懃休怠慢。早回還。教公子開顏。語言間別有機關。我若是有差錯。有輸虧。誓不還。他必然

令人追趕。我若出的潼關一難。你看我不分星夜到邯鄲。〔下〕〔秦昭公云〕白起。既

然趙國相如將玉璧歸驛亭中安下。明日畫與他城子圖樣。留下相如。永不能轂還國。無瑕玉璧價千金。故使機謀用計深。休誇趙國英雄將。怎出秦邦京兆城。〔下〕〔白起云〕主公去了也。某來日畫與他箇十五座城子圖樣。留下玉璧。則不與他城子。便相如插翅也。飛不出函谷關去。趙國相如膽量高。入秦爲使顯英豪。略施小計難逃命。教你目前一命喪荒郊。〔下〕〔秦昭公領卒子上〕〔云〕莫使直中直。隄防人不仁。頗奈趙國相如無禮。他推說今日畫城子圖樣。換取玉璧。此人到於驛亭。貪夜潛逃出關。將玉璧帶回本國去了。左右那裡。與我喚將白起來。〔卒子云〕理會的。白將軍安在。〔白起上〕〔云〕某大將白起。主公呼喚。須索走一遭去。可早來到也。不索報復。我自過去。〔做見科〕〔白起云〕主公呼喚白起。有何事。〔秦昭公云〕白起。今有趙國相如。將玉璧回於驛亭。至夜潛逃走了。似此怎生是好。〔白起云〕主公昨日。不當將玉璧與他。今日到教他恥笑。〔秦昭公云〕既然他走了。容易。你如今領三千人馬。便與我趕去。若拏將回來。我將他剉屍萬段。〔白起云〕主公。此人難以追趕。想相如。心如曲珠。說東向西。往那裡趕他去。便拏將相如來。則是他一箇人。〔秦昭公云〕今日不去追趕。此實何日得之。〔白起云〕臣有一計。可以擒拏趙成公。〔秦昭公云〕計將安在。〔白起云〕主公設一會於澠池。則說與趙成公會盟。他必然來赴宴。來時

臣設三計。會上必擒了趙成公。觀玉璧何罕之有。〔秦昭公云〕將軍那三條計。試說一遍者。〔白起云〕頭一計。等趙公酒酣之際。筵前擊金鐘爲號。第二計。酒筵間二將舞劍。就筵前可以成功。第三計。壁衣中暗藏甲士。擒拏成公。不出三計。趙國君臣必質於秦。主公意下如何。〔秦昭公云〕此計大妙。則今日就差使命。請命趙成公。選日會盟於澠池。無甚事。後堂中飲酒去來。〔同下〕

第二折

〔趙成公領卒子上〕〔云〕事有足詫。物有固然。某乃趙成公是也。自從藺相如入秦國爲使。懷璧換城。去了箇月餘。音信皆無。左右門首覷者。若來時。報我知道。〔卒子云〕理會的。〔正末上〕〔云〕小官藺相如。奉公子命。着某入秦爲使。見了秦公。某見秦公無意與城。被某說說秦公。私出秦邦。這一場煞是驚懼也。〔唱〕

〔中呂粉蝶兒〕不避那千里驅馳。盡忠心與國家出力。都則爲秦昭王將諸國吞食。他許連城換玉璧。心懷奸計。若不是片語投機。論阿諛揣情摩意。

〔醉春風〕我夜月離秦邦。飛星投趙國。無瑕玉寶得全歸。到大是喜喜。他則待恣意貪饕。縱心殘暴。我則待暗施謀智。〔云〕可早來到也。接了馬者。報復去。道藺相如來了也。〔卒子云〕理會的。〔報科〕〔云〕喏。報的大王得知。有中大夫藺相如來了也。〔趙成公云〕恰纔

說罷。相如果然來了也。未知玉璧若何。着他過來。〔卒子云〕理會的大夫。着過去。〔正末做見科〕
〔趙成公云〕相如。你去秦國爲使。玉璧一事如何。〔正末云〕主公。小官託主公之威。到於秦國。見了昭公。秦公見小官對答如流。秦公大喜。欲要玉璧。小官見秦公無心與俺連城。被小官展轉的說過。小官暗出潼關。全璧而回。〔趙成公做喜科〕〔云〕大夫真箇是謀如伊尹。智若傅說。全璧歸國。智過上古之賢也。〔正末云〕小官不敢。〔唱〕

〔迎仙客〕臣不曾調鼎鼎。又不曾理鹽梅。怎做的那濟爲楫。早爲霖。伊傅比。
〔趙成公云〕想昭公乃虎狼之國。興心貪圖玉璧。你完寶而還。實爲難矣。〔正末唱〕我則待罷刀

兵。安社稷。則要的生物阜民熙。則俺這爲臣子要當竭力。〔趙成公云〕大夫之功。深如

滄海。加你爲上大夫之職。與廉頗將軍同班也。〔正末云〕小官有何功能。受如此職位也。〔趙成

公云〕左右。與我喚將廉頗來者。〔卒子云〕理會的。廉頗將軍安在。〔廉頗云〕某乃大將廉頗。正

在教場中操軍。有主公呼喚。須索走一遭去。說話中間。可早來到也。左右報復去。道有廉頗來了

也。〔卒子云〕理會的。〔報科〕〔云〕喏。報的主公得知。有廉將軍來了也。〔趙成公云〕着他過來。

〔卒子云〕理會的。着你過去。〔廉頗做見科〕〔云〕主公呼喚廉頗。有何事。〔趙成公云〕廉將軍

喚你來不爲別。今有中大夫相如入秦爲使。全璧而還。今日將他封官賜賞。加他爲上大夫之職。

〔廉頗云〕主公。想相如無汗馬之功。憑口舌而已。怎生封他偌大官職。臣難以與他同位。〔趙成公云〕廉將軍。豈不聞古人云。一言而可以興邦。一言可以喪邦。論相如之功。不在他人之下也。〔正末唱〕

〔紅繡鞋〕怎消的加官進位。怎消的廕子封妻。上卿之職位何極。高牙乘駟馬。大纛列紅衣。我這裡便謝深恩。感至德。〔外扮秦國使命上〕〔云〕小官乃秦國使命。奉昭公之命。請趙國成公。可早來到府門首也。左右報復去。有秦國使命至此。〔卒子云〕理會的。〔報科〕〔云〕喏。報的主公得知。有秦國使命至此。〔趙成公云〕着他過來。〔卒子云〕理會的。使命過去。〔做見科〕〔趙成公云〕秦國使命。你此一來有何事。〔使命云〕告的成公得知。小官奉秦昭公之命。選下吉日良辰。請趙成公。渾池會盟。願早赴會。莫得推稱也。〔趙成公云〕使命。某已知道了。你回昭公話去。我隨後來也。〔使命云〕小官不敢久停久住。則今日回秦國去也。〔下〕〔趙成公云〕使命去了也。廉將軍。今秦昭公請我會盟。此事如何。〔廉頗云〕主公。此一事。乃秦昭公心生奸計。見不得玉璧。放在渾池設會。教主公赴會。就在筵間要擒拏主公。奪取玉璧。〔趙成公云〕似此怎生是好。〔廉頗云〕這一莊事。不干別人事。都是相如惹起刀兵來。〔正末云〕廉將軍。怎生是我惹起刀兵來。〔廉頗云〕秦昭公見你不肯將玉璧留下。晝夜潛逃。有此不忿之心。故設

此會要擒擊主公。怎生不是你惹起刀兵來。〔正末唱〕

〔普天樂〕不肯將善人推。則待把賢門閉。將忠良妬忌。於禮何爲。〔廉頗云〕相如。你此一去送玉璧。非爲趙國。因你邀買功名。濫叨爵祿。〔正末唱〕不說那定國謀。安邦計。到我箇濫叨功名。彌天罪。見如今賞罰權在公子操持。公子掌朝廷。明似皎日。將軍傾社稷。危如累卵。藺相如輔皇圖。穩若磐石。〔趙成公云〕廉將軍今日昭公既來。邀請渾池會上。去好。不去如何。〔廉頗云〕主公想昭公心生奸詐。故設此會智賺。主公不可赴會。不如起大勢雄兵。與他對敵。〔正末云〕主公不可起兵。〔趙成公云〕大夫。怎生不可起兵。〔正末唱〕

〔上小樓〕早難道顛而不扶。危而不持。你若是謀動干戈。境內分崩。四方離析。〔廉頗云〕相如。你說不要起兵。依着你怎生是好。〔正末唱〕則不如敍彝倫。正綱常。躬行仁義。我則待要効唐虞太平之治。〔廉頗云〕相如。你乃懦弱之人。豈曉兵家勝負。我今統領大兵。量秦兵何足道哉。〔正末云〕公子若依着廉將軍起兵呵。有幾樁於民不利也。〔趙成公云〕是那幾樁於民不利處。〔廉頗云〕相如。想我行兵。有甚麼於民不利處。你試說一遍者。〔正末唱〕〔么篇〕商賈每阻了行旅。莊農每費了耕織。將他這倉廩耗散。府庫空虛。士卒

疲弊。〔趙成公云〕依着你呵。怎生。〔正末唱〕憑着我。不傷財。不害民。一人一騎。〔廉頗云〕則依着我。起軍與他交戰。自古道。養軍千日。用在一朝。〔正末唱〕便休題。養軍千日。〔廉頗云〕主公。則今日。點十萬大軍。便索隨主公赴會去。〔正末云〕主公不必多點軍兵。枉費糧草。則要百十騎人馬。小官獨自保主公赴渾池會去。〔廉頗云〕相如。你怎敢發大言。獨自保主公去。倘或主公有些差失。誰人承認。〔趙成公云〕將軍言者當也。大夫。你說你獨自一人保我赴會。若筵會上有些疎失。怎生是好。〔正末云〕對着衆官人每在此。我這一去。若有些兒差失呵。我輸我這六陽會首。〔廉頗云〕相如。你若保主公無事回還。我面搽紅粉。劍去髭鬚也。〔趙成公云〕大夫。你此一去。則要你施謀用智。言而有信者。〔正末唱〕

〔十二月〕盟府是公卿宰職。對着這文武班齊。你道是有危有難。我道來無是無非。打賭賽。輸了呵休悔。則要你言語誠實。〔廉頗云〕我若輸了呵。面搽紅粉。豈不汗顏。

〔正末唱〕

〔堯民歌〕呀。你說道面搽紅粉的不便宜。則我這六陽會首不相虧。人言爲信永無移。味已瞞心把天欺。知也波知。與皇家作柱石。不比兒曹輩。〔趙成公云〕則今日點就百十騎人馬。都要輕弓短箭。善馬熟人。便索赴渾池會走一遭去。〔廉頗云〕主公先行。

某隨後領大勢雄兵。接應主公去。〔正末云〕主公放心也。〔唱〕

〔尾聲〕不須軍馬多。則消的數騎隨。看了那三川八水西秦地。向澠池赴會。我則怕盼程途心急馬行遲。〔下〕〔趙成公云〕既然昭公有請。便索赴會走一遭去。玉璧離秦惹戰爭。故教白起統軍兵。澠池會上懷奸詐。怎得秦邦十五城。〔下〕〔廉頗云〕主公去了也。某領大勢雄兵接應走一遭去。則爲這秦昭公使計與邦。爲玉璧惹起刀槍。領大兵齊臨秦地。土平了京兆咸陽。〔下〕

第三折

〔秦昭公領卒子上〕〔云〕某乃秦昭公是也。自從趙國相如。懷玉璧而潛逃回國。某有不忿之心。故設一會。乃是澠池會。請趙成公來會盟。若不來。統大兵征伐。若來呵。我手下有兩員上將。一箇是康皮力。一箇是范當災。與我喚將來。〔卒子云〕理會的。康皮力范當災安在。〔淨康皮力范當災上〕〔淨康皮力云〕肉喫斤半。米喫升半。聽的廝殺。窩鋪裏聲喚。俺二人。一箇是康皮力。一箇是范當災。公子呼喚。須索走一遭去。可早來到也。不索報復。我們自過去。〔做見科〕〔秦昭公云〕康皮力范當災。今日筵宴。安排已定了麼。〔淨康皮力云〕已定了。〔秦昭公云〕左右。喚將白起將軍來。〔卒子云〕理會的。白將軍安在。〔白起上〕〔云〕某白起是也。筵宴都安排了也。見公子去。可

早來到也。小校報復去。道有白起來了也。〔卒子云〕理會的。〔報科〕〔云〕啫。報的主公得知。有白將軍來了也。〔秦昭公云〕着他過來。〔卒子云〕理會的。着過去。〔做見科〕〔秦昭公云〕白將軍。幹事如何。〔白起云〕都安排了也。則等趙成公來。〔秦昭公云〕令人門首覷者。若趙成公來時。報復我知道。〔正末同趙成公領卒子上〕〔趙成公云〕大夫。想秦昭公排設此宴。請某會盟。則怕咱落於他彀中麼。〔正末云〕主公。想秦昭公這一番。興心不善也。〔趙成公云〕大夫。若到筵前。倘有埋伏。某怎生得脫秦難也。〔正末云〕主公放心。若到渾池會上。小官穩情取。保得主公無事還國也。〔趙成公云〕大夫。往日一命。父母所生。今日一難。全在大夫救護。〔正末云〕主公。可不道養軍千日。用在一朝。爲臣子要盡忠報國也呵。〔唱〕

〔正宮端正好〕爲家邦。遭途旅。豈辭勞千里馳驅。三川入水的這秦邦路。將渾池會親身赴。

〔滾繡毬〕若到那筵宴間。有些兒箇生逆圖。我肯教主憂臣辱。〔趙成公云〕大夫。不知筵宴之間。怎生埋伏擺布。〔正末唱〕休想他出紅粧歌舞歡娛。止不過齊臻臻列着士卒。明晃晃伏着鉞斧。我將主公緊緊的防護。消的我掣虹光手拏着銀鉅。他若是倚強凌弱非君子。我可也見義不爲大丈夫。不索猶豫。〔趙成公云〕大夫。俺今

來到澠池會上也。〔正末云〕左右那裡接了馬者。〔卒子云〕理會的。〔趙成公云〕可早來到也。小校報復去。道有趙成公特來赴會。〔卒子云〕理會的。〔報科〕〔云〕喏。報的主公得知。有趙國成公至此也。〔秦昭公云〕道有請。〔卒子云〕理會的。有請。〔做見科〕〔趙成公云〕量某有何德能。感蒙公子置酒張筵也。〔秦昭公云〕某略備菲儀。敬伸微意。感蒙公子屈高就下。小校擡上果卓來者。
〔做遞酒科〕〔云〕將酒來。公子滿飲一盃。〔正末唱〕

〔倘秀才〕我則見他敍寒溫。相別間阻。讓座位尊賓敬主。笑吟吟高捧定金樽。碧玉壺。排珍饌。飲芳醕。何曾道斷續。〔秦昭公云〕公子既來赴會。怎生不引軍將。則一人跟隨。你國敢無有甚麼文武賢才麼。〔正末云〕秦公。想俺趙國非無文武。因主公設此一會。要修兩國之好。因此俺主公。則領小官相如跟隨前來也。〔秦昭公云〕您趙國別無能文善武。則您一人量你知甚。今古前賢聖學仁義。你試說一遍者。〔正末云〕秦公不知。聽小官說一遍者。〔唱〕

〔滾繡毬〕您待要講聖賢。論今古。稱堯舜禹湯文武。他都是聖明君統緒鴻圖。他將那仁義舉。兇暴除。不比您恃剛強併吞攻取。普天下謳歌道秦咸伏。桀紂因飾非拒諫亡家國。堯舜爲發政施仁立帝都。強教的四海無虞。〔秦昭公云〕方今七國。豈你一人之能。〔正末云〕想方今七國之中。各有能文善武權謀術數之人。聽相如略說

一遍者〔秦昭公云〕七國之中何人能武。你說一遍者〔正末唱〕

〔倘秀才〕問道。是七國臣能文能武。一人下爲肱爲股。輔佐的社稷安寧萬姓。伏文通三墳典。武解六韜書。聽小臣細數。〔秦昭公云〕七國之中有甚麼賢宰能臣。你試說一遍者〔正末唱〕

〔滾繡毬〕齊孫臏滅竈法有智謀。〔秦昭公云〕趙國有甚人物。〔正末唱〕趙李牧示怯。弱掃夷虜。〔秦昭公云〕燕國有甚英雄。〔正末唱〕燕樂毅破齊城不攻不取。〔秦昭公云〕齊國有甚英雄。〔正末唱〕田穰苴誅莊賈文武全俱。〔秦昭公云〕魏國有甚英雄。〔正末唱〕魏吳起犒士卒親吮疽。〔秦昭公云〕俺秦國有甚人物。〔正末唱〕武安君出奇兵快擣虛。〔秦昭公云〕齊國再有甚麼好漢。〔正末唱〕齊田單火牛陣有如脫兔。〔秦昭公云〕您趙國有甚英雄。〔正末唱〕則俺那廉將軍有勇氣。善野戰長驅。〔秦昭公云〕七國多有說謊。疑說之說上觀讀去聲之客也。〔正末唱〕蘇秦張儀和陳軫。〔秦昭公云〕還有幾箇說客。〔正末唱〕蔡澤荀卿共范雎。〔秦昭公云〕此等之人。七國之中顯耀英名。乃人中之傑也。〔正末唱〕他都是權謀術數之徒。〔趙成公云〕感蒙大王深意。量某有何德能。無以酬答。〔秦昭公云〕成公。某久聞公子善能鼓瑟。筵前無樂。不成歡樂。伏望就筵鼓瑟爲幸。〔正末云〕秦公。我趙公鼓瑟。請公擊缶。〔秦昭公云〕想某

職居高位。豈肯與人擊缶。〔正末云〕秦公不肯。這五步之內。臣請以頸血濺大王。〔唱〕

〔塞鴻秋〕將主公向筵前鼓瑟相欺負。〔秦昭公云〕大夫。我擊缶則便了也。〔正末唱〕請秦公擊缶。我也相凌辱。〔秦昭公云〕成公可將十五城與我爲壽。免兩國之刀兵。〔正末唱〕要俺十五城爲壽。將秦助。〔云〕小臣問大主要些回奉之物也。〔秦昭公云〕要甚麼回物。〔正末唱〕要你那咸陽城。回賜休推故。〔秦昭公云〕想趙國相如無禮。你怎敢將言侮慢我。刀斧手。與我靠前來。〔正末云〕大王。俺爲臣者生死不避也。〔唱〕五步內之間。霎時間頸血飛紅雨。大家去。史書中萬代標名目。〔秦昭公云〕筵前冷靜。不能成歡。叫康皮力過來舞劍。〔趙成公背云〕筵前舞劍。必有傷吾之意。似此怎生是好。〔正末云〕大王。一入舞劍冷靜。俺兩箇舞劍者。〔唱〕

〔伴讀書〕我見他掣龍泉。席上舞。整虎軀。輕移步。俺主公戰戰兢兢。身無措。他正是撩蜂剔蝎。胡爲做。又無甚兜鍪鎧甲。相遮護。使不着膽大心寬。〔趙成公云〕二人在筵前舞劍。有傷我之意。似此怎了也。〔正末唱〕

〔笑歌賞〕我我我。輕將這猿臂舒。是是是。骨碌碌。睜怪眼。衝冠怒。明晃晃。劍離匣。生殺霧。〔云〕秦公。你這裡有埋伏軍。〔唱〕一隻手將腰帶揜。誰敢將我當攔住。你

若伏輸。罷軍卒。送俺出函關路。〔正末做揪秦公科〕〔云〕秦公。你手下將若有箇向前來。

我先殺大王。〔秦昭公云〕一應軍將退後。不得動手。〔正末云〕大王。你索送俺出澠池去者。〔趙成公云〕大王。今日多蒙管顧。異日必當重謝。〔秦昭公云〕我將送你出函關。到是伶俐。〔廉頗上云〕某領大軍接應主公來。〔正末做放科〕〔趙成公云〕大王。深謝重禮。今請回國。〔正末云〕多蒙管待也。〔淨康皮力云〕公子擊金鍾爲號。〔秦昭公云〕去也遲了。我的也某不能成事。〔淨范當災云〕大王休慌。還有三條妙計哩。〔秦昭公云〕成公。恕不遠送。勿記舊讎。〔正末唱〕

〔尾聲〕我見他金爪武士排着行伍。俺那裡鐵甲將軍領着士卒。你無故言盟定計謀。有失尊卑禮法疎。鼓瑟筵前厮羞辱。強要城池心狠毒。送俺上雕輪駟馬車。敢有二箇興心進一步。拚了箇隕首捐軀。我和他愛的做。和你那錦片也似秦川做不的主。〔同成公等下〕〔秦昭公云〕堪恨趙國大夫相如。智過呂望。謀若孫吳。全璧還國。救主無失。真乃七國之中英雄傑士也。相如謀略勝孫吳。澠池會上要相圖。休言白起千般勇。天下相如真丈夫。〔同下〕

楔子

〔趙成公領卒子上〕〔趙成公云〕歡來不似今朝。喜來那逢今日。某趙成公是也。想澠池會上。秦

昭公有害我之心。多虧了相如。救我無事還國。今日分付左右安排筵宴。與相如慶功封賞。若來時。報復我知道。〔卒子云〕理會的。〔廉頗上〕〔云〕某乃趙將廉頗是也。頗奈相如一人。保護公子赴渾池會去。酒筵之間。保主公無事還國。今日有主公安排筵宴。與他慶功封官。我想來。他無甚汗馬之功。怎生到封他偌大官職。與他同列。我今且在筵宴之間。看封他何等官位。若是與某同列。某教左右親隨。拏他小卒毆打。庶報某讎恨。方稱我平生之願。可早來到也。左右報復去。道有廉頗來了也。〔卒子云〕理會的。〔報科〕〔云〕喏。報的主公得知。有廉頗來了也。〔趙成公云〕着他過來。〔卒子云〕理會的。過去。〔做見科〕〔廉頗云〕主公今日爲何安排筵宴。〔趙成公云〕因爲渾池會之事。今日與衆將慶功賜賞。廉將軍來了。怎生不見蘭相如來。〔正末領祇候上〕〔云〕小官蘭相如。保公子赴渾池會。無事還國。今日主公設宴會俺衆臣。須索走一遭去。左右報復去。有相如來了也。〔卒子云〕理會的。〔報科〕〔云〕喏。報的主公得知。有相如來了也。〔趙成公云〕着他過來。〔卒子云〕理會的。大夫。着你過去。〔做見科〕〔趙成公云〕大夫。想渾池會上。若不是大夫之能。某不能還國。此功乃你一人之功也。今設筵宴慶賞。〔正末云〕非相如之能。皆託宗廟威靈。主公虎威也。〔趙成公云〕大夫。今見你累建大功。封爲上卿之職。〔正末云〕相如有何功。敢受如此重爵。〔趙成公云〕你衆官人每勸數盃。盡醉方歸。〔廉頗云〕頗奈相如。你乃一文人。不通兵書。不曉戰

陣。又無汗馬之勞。封他偌大官職。某想難與他同列。主公廉頗先回也。〔趙成公云〕將軍爲何先回。〔廉頗云〕廉頗喫不的了也。〔做出門科〕〔云〕衆多虞候蒼頭。在此等候。若相如出來時。您衆人打上一頓。可來回話。惱的我髮乍衝冠。怒的我氣衝牛斗。他怎做我列臣僚。見廉頗躬身叉手。〔下〕〔正末云〕廉頗有不忿之心。主公相如告回也。〔趙成公云〕相如大夫。再飲數盃去。〔正末云〕相如酒穀了也。〔做出門科〕〔云〕祇候人。驢馬車休往大路裡去。則往小路上抄行。〔外衆做打科了。下〕〔親隨扶正末科〕〔正末云〕這厮好無禮也呵。〔唱〕

〔賞花時〕將我這驢馬高車前後擁。你看那虞候蒼頭左右衝。尋鬧炒。顯威風。廉將軍他共我爭功也。那奪寵。不由我忿氣怒填胸。〔下〕〔卒子報云〕報的主公得知。有廉將軍先出府門。着手下軍卒等着。蔣相如大夫剛出的府門。被廉將軍祇從人將相如大夫毆打了一頓。衆人扶的相如大夫還家去了也。〔趙成公云〕頗奈廉頗無禮。相如有完壁救主之功。理合封官。不想此人有不忿之心。將他羞辱一場。某便要見廉頗罪來。爭奈此人是一員上將。看他有功在前。便差令人說與廉頗。便着與相如解和了者。若不相和。某決無輕恕。相如用計運機籌。廉頗英雄志未酬。二將若肯同心意。觀那六國秦邦一鼓收。〔下〕〔秦昭公領卒子上〕〔云〕使盡自己心。笑破他人口。當初一心要圖趙國玉壁。不期相如完璧還國。後來又設澠池會。想要

擒拏成公。又被相如救的無事還國。有此冤讎。痛入骨髓。今差使命。下將戰書去。單搦蘭相如出馬。若拏了蘭相如。便是我平生願足。與我喚將康皮力范當災來。〔卒子云〕理會的。康皮力范當災安在。〔淨康皮力范當災上〕〔康皮力云〕將鞍雕鞍馬掛袍。未會上陣跌折腰。臨軍對壘先逃命。買賣歸來汗未消。某乃大將康皮力。兄弟是副將范當災。帳房裏喫燒肉。主公呼喚。須索走一遭去。左右報復去。道俺二將來了也。〔卒子云〕理會的。〔報科云〕喏。報的主公得知。有康皮力范當災來了也。〔秦昭公云〕着他過來。〔卒子云〕理會的。着您過去。〔二淨做見科云〕主公今日呼喚俺二將。有何事。〔秦昭公云〕喚你二將來不爲別。只因趙國相如。欺吾太甚。今差你二將。領十萬秦兵。與趙國交鋒。單搦蘭相如出馬。若擒拏將蘭相如來。我將你二人重賞封官。〔淨康皮力云〕主公放心。量那廉頗相如。有何罕哉。若俺二人領兵去。要活的活挾將來。要死的砍將首級前來。我直教土平了趙國。活挾了蘭相如來。主公意下如何。〔秦昭公云〕您若得勝回還。自有加官賜賞。〔淨范當災云〕則今日領兵便索長行也。大小三軍。聽吾將令。你與我前排甲馬。後列經旛。當先擺五路先鋒。次後列青龍白虎。太歲與土科相跟。太尉與將軍引路。門神戶尉。肩搭着紙剪的神刀。井神竈神。手擎着紙糊的巨斧。但上陣要知己知彼。若相持千戰千贏。俺二將英雄實是乖。軍卒人馬兩邊排。若還將我都殺了。家裏安靈便做齋。〔下〕〔秦昭公云〕二將去了也。此一

去必然成功也。無甚事。且回後堂中去。〔下〕〔廉頗領卒子上〕〔云〕恨小非君子。無毒不丈夫。某乃廉頗是也。只因筵宴之間。封相如偌大官職。與某同列。某有不忿之心。筵散之間。使令人將相如打倒。今聞知相如在家染病。不會入朝。他則是懼某之勇。必有害吾之心。今日我用副帥呂成看相如去。若相如言詞和會。某去陪話。若他有害吾之心。某別有計較。左右那裡。與我喚將呂成來者。〔卒子云〕理會的。呂成安在。〔外扮呂成上〕〔云〕少年爲將統雄兵。鐵馬金戈不暫停。全憑謀略安天下。官封副帥作元戎。某乃趙國參謀呂成是也。爲某文通三略。武解六韜。累建大功。封某參謀之職。今日元帥呼喚。不知有甚事。須索走一遭去。〔做見科〕〔云〕將軍呼喚呂成。有何事。〔廉頗云〕參謀喚你來不爲別。只因前者筵宴之間。某使令人將相如毆打了。今聞相如數日不朝。染病在家。我想此人必有傷吾之意。〔呂成云〕元帥想相如憑舌劍欺壓秦國。論膽量完壁而回。乃肱股忠烈之士。將軍恥爲同列。故有不忿之心。使令人毆打此人。必然感疾在家。未知元帥心意如何。〔廉頗云〕參謀我今日與你同到相如宅上。你推去看他。我在門首等候。若相如語言之中。爲國呵。我則做小負荊請罪。若相如言語之中。倘有不遜。別作商量也。〔呂成云〕元帥此言當也。則今日便到相如宅上探望去來。〔同下〕

第四折

〔虞候扶正末上〕〔正末云〕自從那一日飲宴之後。回家染起疾病。不能動止。〔虞候云〕大夫。這證候敢是停食傷飲。請箇醫人診視。可也好。〔正末云〕孩兒也。我那裡取那病來。自從廉頗那一日將某并隨從之人歐打了。我感了一口氣。在家閉門不出。〔虞候云〕想大夫完璧還國。渾池會上那等英雄。不是大夫謀略。主公豈能還國。論大夫之功。不在廉頗之右。何故懼他。〔正末云〕孩兒。你那裡知道。俺爲臣者當要赤心報國。豈記私讎也呵。〔唱〕

〔雙調新水令〕託賴着當今帝主勝唐堯。則俺這文共武盡心忠孝。又不爲居廟廊愁戚戚。治家國鬢蕭蕭。廉頗。哎。則爲你跋扈矜驕。氣的我染疾病。進湯藥。〔云〕虞候門首覷者。若有人來。報復我知道。〔虞候云〕理會的。〔廉頗同呂成上〕〔廉頗云〕可早來到也。參謀。你先過去。〔呂成云〕左右報復去。有參謀呂成。特來探望。〔虞候云〕理會的。報的大夫得知。有參謀相公在於門首。〔正末云〕有請。〔虞候云〕理會的。有請。〔做見科〕〔正末云〕有勞先生降臨。請坐。〔呂成云〕丞相。這容顏依舊。面貌端然。不知是何病疾。〔正末云〕我這病。

〔唱〕

〔步步嬌〕怎禁那待漏東華風寒冒。〔呂成云〕敢是饑飽勞役。〔正末唱〕公事冗傷饑飽。〔呂成云〕這病敢是風寒暑濕。〔正末唱〕皆因是年紀老。〔呂成云〕服藥如何。〔正末唱〕則

這內外相傷病難熬。〔呂成云〕別請箇醫人看視者。〔正末唱〕這證候要和調。〔呂成云〕
醫人審其證源。服藥必痊也。〔正末唱〕便有那扁鵲難醫療。〔呂成云〕丞相。這病藥餌不能醫。
則怕你這病證感氣填膈。必是廉將軍之事麼。〔正末云〕非爲廉將軍。蓋因我病體在身。〔呂成
云〕丞相。論你有經綸濟世之才。補完天地之手。憑三寸舌。完壁還朝。伏英豪。澠池會救主除難。
丞相何故懼怯廉將軍。〔正末云〕先生言者差矣。〔呂成云〕丞相。小官何差之有。〔正末云〕廉將
軍他比我何強。〔呂成云〕廉將軍雖然不強。只因你名揚七國。〔正末云〕則視廉將軍比秦公如
何。〔呂成云〕秦昭公乃虎狼之國。雄兵百萬。戰將千員。廉將軍難以並比。〔正末云〕想秦公在澠
池會上。大將數員。列雄兵百萬。我獨自一人拔劍在手。張目叱吒之間。喝衆將不敢近前。使昭公
擊缶酒罷。我保趙公無事還國。量廉將軍一人。我何懼之有。見今秦國不敢加兵於趙國者。徒以
二人在也。今若兩虎共鬪。其勢不俱生。吾所以爲此者。先國家之急也。我豈懼廉將軍哉。〔呂成
云〕丞相原來有濟國安邦之策。扶危救困之憂。忠孝雙全。人中之傑。俺廉將軍萬不及一也。〔正
末唱〕

〔沉醉東風〕則俺這文共武並無差錯。過如那弟兄每豈有情薄。俺須是一殿
臣勝似那通家好。煞強如晏平仲善與人交。〔呂成云〕丞相與廉將軍都是盡忠肱股。一

殿之臣。勿念舊讎。〔正末唱〕俺兩箇竭力推誠輔聖朝。〔呂成云〕論趙國丞相與廉將軍。安邦定國之臣也。〔正末唱〕怎做的立國安邦的這大寶。〔呂成云〕丞相小官改日迎門來望。小官告回也。〔正末云〕先生少罪。〔呂成做出門見廉將軍科〕〔廉頗云〕參謀相如語言。可是如何。〔呂成云〕是你之差矣。恰纔相如丞相言說見今秦國不敢加兵於趙者。徒以兩人在也。今兩虎共鬪。其勢不俱生。所以爲此者。先國家之急。而後私讎也。小官看相如。乃仁人君子之心。將軍不及者多矣。〔下〕〔廉頗云〕既然相如有如此寬洪之量。盡心報國。某之不及。則今日肉袒負荊至門謝罪。可爲刎頸之交也。〔做到門科〕〔廉頗云〕左右報復去。有廉將軍叩門負荊請罪來。〔虞候云〕理會的。報的大夫得知。廉將軍在於門首。〔正末云〕做甚麼。〔虞候云〕有廉將軍負荊請罪來。〔正末云〕在那裡。〔虞候云〕在門首。〔正末唱〕

〔落梅風〕則聽的炒炒的人喧鬧。我悠悠的魂魄消。〔正末出門科〕〔唱〕原來是廉將軍叩門來到。〔廉頗云〕大夫。廉頗乃一愚魯之人。不曉仁義。多有失禮。萬望大夫恕罪。〔正末做跪科〕〔云〕將軍請起。〔廉頗云〕大夫看俺一殿之臣。舊日之交。休得見怪。〔正末唱〕恐唄拳又向我這身上拷。我爲甚忙陪着笑容哀告。〔廉頗云〕大夫。廉頗多有差遲。今日叩門負荊請罪。望大夫饒恕者。〔正末云〕將軍何故如此。〔廉頗云〕丞相可不道君子不念舊惡。望丞相

寬恕廉頗之罪也。〔正末唱〕

〔殿前歡〕咱今日自評跋。〔廉頗云〕看咱一殿之臣。休記舊冤。〔正末唱〕我和你是風雲會上舊臣僚。〔廉頗云〕大夫。趙國有咱文武二人之勇。不懼各國英雄。〔正末唱〕見如今偏邦豈敢侵邊徼。〔廉頗云〕都皆懼咱文武二人。〔正末唱〕懼怕俺這文武英豪。你便似紫金梁架海濤。我似那白玉柱侵雲表。〔廉頗云〕前者筵宴之間。不合愚魯。有傷弟兄之情。〔正末唱〕若自傷損相殘暴。則恐怕傾頹了趙國。〔廉頗云〕大夫。我的不是了。今日悔之不及也。〔正末唱〕我則怕暢快了秦朝。〔卒子云〕報的衆位大人得知。今有秦將領兵至於城下索戰哩。〔正末云〕不妨事。則今日我與廉將軍同共擒拏秦將去。〔廉頗云〕大夫之功。已見於前。今日廉頗同大夫領着雄兵。擒拏秦將走一遭去來。〔正末唱〕

〔水仙子〕堂堂陣勢喊聲高。赳赳軍卒戰鼓敲。重重鞍馬征雲罩。全在這大將軍氣勢豪。破秦邦定在今朝。廉元帥施三略。藺相如運六韜。保山河共立勳勞。〔同下〕〔淨康皮力范當災上〕〔淨康皮力云〕大小三軍擺陣勢。遠遠的塵土起處。敢是趙國兵來也。〔正末同廉頗躍馬兒上〕〔廉頗云〕大夫。前面來的不是秦國軍兵。看我擒拏也。〔正末云〕來者何人。〔淨康皮力云〕我乃秦將康皮力范當災。領大兵來。擒拏你這無名之將。〔正末云〕這

裡比你那渾池會上省氣力。操鼓來。(唱)

〔鴈兒落〕旗開雲影飄。砲響雷霆噪。弓開秋月圓。箭發流星落。(調陣子科)(唱)

〔得勝令〕霎時間尸首積山高。鮮血滾波濤。覓子尋爺叫。呼兄喚弟號。俺將帥雄驍。恰便似撞霧天邊鶴。他軍馬奔逃。恰便似飄風雲外鶴。(做拏淨康皮力范當

災科)(廉頗云)大夫。小官今日將秦國二將活挾將來了。將衆兵斬盡殺絕也。(正末云)咱見主公去來。(同下)(趙成公領卒子上)(云)某乃趙成公是也。自渾池會上以回。廉頗將軍與大夫相如不睦。某使人與他二人圓和。廉將軍負荆請罪。結爲刎頸之交。正酒筵之間。有秦將領兵索戰。他文武二人。領着趙兵。與秦將交鋒。此一去必然得勝也。左右門首看者。若來時。報復我知道。(卒子云)理會的。(正末同廉頗上)(廉頗云)大夫。今見擒拏秦國二將在此。(正末云)執縛了那厮。見主公去來。(廉頗云)可早來到也。左右報復去。道相如廉頗來了也。(卒子云)理會的。(報科)(云)喏。報的主公得知。有相如廉頗來了也。(趙成公云)着他過來。(做見科)(趙成公云)您二位將軍鞍馬上勞神也。(正末云)託主公虎威。將賊將活拏將來了也。(趙成公云)多虧二位將軍擒拏了賊子也。(正末云)這一場功勞。多虧廉將軍也。(廉頗云)非小官之能。多虧大夫用計也。(趙成公云)二位將軍。您在那陣面上怎生交鋒來。你試說一遍者。(正末唱)

〔沽美酒〕敗殘軍盡捕勦。擒賊首獻皇朝。馳騁兇頑顯暴驕。强要俺無瑕玉寶。渾池會痛凌虐。〔趙成公云〕則今日安排筵宴。加官賜賞也。〔正末唱〕

〔太平令〕將鼓瑟筵前奏樂。捧金鍾笑裏藏刀。背倫敦有傷倫敦。行霸道不遵王道。將這厮綁到市曹。處決一刀。俺設筵宴。三軍賞犒。〔趙成公云〕將秦將拏出去

殺壞了者。〔淨康皮力云〕謝齋發了。〔淨康皮力下〕〔趙成公云〕您二人聽我加官賜賞。趙國廉頗能征戰。大夫相如多機見。武安趙國定乾坤。文賽顏曾能直諫。完璧還國真丈夫。會盟救主還金殿。官封極品祿千鍾。分茅裂土人堪羨。腰金衣紫作朝臣。簫韶樂奏排筵宴。〔正末唱〕

〔折桂令〕則見這金鑾殿樂奏簫韶。〔趙成公云〕因你二人齊家治國。竭力盡忠。故設筵宴管待也。〔正末唱〕將他這寶篆香飄。絳蠟光搖。〔廉頗云〕大夫。咱託一人之洪福。定七國之干戈。天下太平。萬民安樂也。〔正末唱〕見如今萬乘登基。百司進禮。四海來朝。〔趙成公云〕因爲您於國有功。今日箇封官賜賞也。〔正末唱〕今日箇褒功績。陞官進爵。賞勳勞。裂土分茅。〔廉頗云〕豈不聞一人有慶。兆民賴之也。〔正末唱〕見如今黎庶歌謠。雨順風調。萬世皇圖。地厚天高。〔趙成公云〕則爲那渾池會上結讎冤。趙國公卿有二賢。武將廉頗安社稷。相如謀略古今傳。加你爲上卿之職。頭庭相。廉頗你總領三軍金印懸。今日箇文臣武將安天

下。永保皇朝萬萬年。(同下)

題目	趙廉頗伏禮親負荊
正名	保成公徑赴澠池會

澠池會穿關

楔子

秦昭公

簪纓公子冠 綬牌子 綬膊

上衫袍 玳瑁

方心曲領 帶 三髭髯

火裙 錦

卒子

紅碗子盔 兒甲 綬膊

青布釘 劍

白起

三叉冠 抹額

綬膊 帶 帶劍

蟒衣曳撒 袍 三髭髯

趙成公

同前秦 昭公

卒子

同前 使命

一字巾 帶 三髭髯

補子圓

廉頗

多簷帽 綬膊 帶 帶劍

蟒衣曳撒 袍 三髭髯

項帕

直

正末藺相如

三叉冠 抹額 帶 帶劍

補子圓 三髭髯

第一折

秦昭公卒子正末藺相如

同前

親隨

攢頂 項帕

圓領 綬膊

白起

秦昭公卒子白起又上

同前

第二折

趙成公卒子正末藺相如親隨廉頗使命

同前

第三折

秦昭公卒子

同前

康皮力

皮多簪帽甲項帕

膝欄曳撒

掩心

范當災

皮盔心甲

膝欄貼裏

掩

袷膊劍

白起正末藺相如趙成公卒子廉頗

同前

楔子

趙成公卒子廉頗正末藺相如親隨

同前

秦昭公卒子康皮力范當災廉頗卒

子

同前

呂成

同前廉頗

第四折

虞候

同前親隨

正末藺相如

小帽

手帕

藍曳撒

拄杖

廉頗呂成卒子康皮力范當災

同前

正末藺相如廉頗又上趙成公卒子

同前

正末藺相如廉頗又上

同前

萬曆四十三年七月初八日校內本清常記

劉玄德獨赴襄陽會

元高文秀

頭折

〔沖末劉備同趙雲上〕〔云〕桑蓋層層徹碧霞。織席編履作生涯。有人來問宗和祖。四百年前將相家。某姓劉名備字玄德。乃大樹裏桑人也。某在桃園結義了兩箇兄弟。二兄弟蒲州解良人也。姓關名羽字雲長。三兄弟涿州范陽人也。姓張名飛字翼德。俺弟兄三人在徐州失散。三載有餘。不想今日在這古城聚會。某今要與曹操饗殺。無有城池。俺在這古城住月餘也。今日與兩箇兄弟衆將商議。與我喚將雲長張飛來者。〔關末同張飛上〕〔關末云〕帥鼓銅鑼一兩聲。轅門裏外列英雄。一寸筆尖三尺鐵。同扶社稷保乾坤。某姓關名羽字雲長。蒲州解良人也。三兄弟乃涿州范陽人也。姓張名飛字翼德。有俺哥哥大樹裏桑人也。姓劉名備字玄德。自徐州失散。在於古城聚會。今日哥哥呼喚。不知有甚事。須索走一遭去。可早來到也。小校報復去。有關羽張飛來了也。〔卒子云〕理會的。喏。報的元帥得知。有關羽張飛來了也。〔劉備云〕着他過來。〔卒子云〕着過去。〔做見科〕〔關末云〕哥哥呼喚俺二人。有何商議的事。〔劉備云〕二位兄弟。喚您來別無甚事。只因曹操在徐州。與俺交鋒。俺弟兄每失散。今在古城。不爲長計。倘曹操又領將兵來征伐。

俺爭奈此城地方窄狹。亦無糧草。怎生與他拒敵。〔張飛云〕哥哥依着您兄弟。則在古城積草屯糧。招軍買馬。哥哥意下若何。〔關末云〕兄弟不中。想着曹操手下雄兵百萬。戰將千員。他若領兵來。將古城踏爲平地。那其間悔之晚矣。〔劉備云〕兄弟言者當也。我有一計。和您商議。我如今要差一人。持着我的書呈。直至荊州牧。劉表是吾之宗親。鎮守荊襄九郡。我問他但借城池暫用。且屯軍居止。若聚集的些人馬呵。那其間可與曹操讐殺。未爲晚矣。您意下若何。〔關末云〕哥哥言者當也。可着誰去。〔劉備云〕與我喚的簡雍和來者。〔卒子云〕理會的。〔簡雍上〕〔云〕幼小曾將武藝攻。南征北討顯英雄。臨軍望塵知敵數。四海英雄第一名。某姓簡名雍。字憲和。文通三略。武解六韜。今佐於玄德公麾下爲將。今玄德公呼喚。不知有甚事。須索走一遭去。可早來到也。小校報復去。道有簡雍在於門首。〔卒子云〕喏。報的元帥得知。有簡雍在於門首。〔劉備云〕着他過來。〔卒子云〕着你過去。〔簡雍見科〕〔云〕呼喚小官有何事。〔劉備云〕喚你來別無他事。我今要與曹操讐殺。爭奈這古城無糧草。我如今修一封書。你直至荊州牧。他見了我的書。他自有箇主意。你則今日便索長行。〔簡雍云〕理會的。某不敢久停久住。奉玄德公將令。持着書呈。直至荊州。走一遭去。奉命親差。不自由。謹馳驛馬驟驄。舌劍唇鎗成功幹。不分星夜到荊州。〔下〕〔劉備云〕簡雍去了也。若借得城池。那其間再與曹操讐殺。若簡雍回來時。報復我知道。〔下〕

〔劉琮上〕〔云〕河裏一隻船。岸上八個拽。若還斷了纜。〔重原作彈 趙校改〕八個都喫跌。某乃劉琮是也。我父

劉表。兄乃劉琦。父子三人。武藝不會。所事不知。能喫好酒。快喫肥雞。頗索劉備無禮。着一首將。持

一封書。問俺父親借箇城子。俺父親差之毫釐。失之千里。掉在壕裡。簽了大腿。我如今想來。則恐

怕久以後將荊州奪了。我手下有二將。是蒯越蔡瑁。叫他來同共商議。小校喚將蒯越蔡瑁來者。

〔卒子云〕理會得。〔蒯越蔡瑁二將上〕〔蒯越云〕某乃前部先鋒將。俺家老子是皮匠。俺哥哥便

是輪班匠。〔匠原作將 趙校改〕兄弟便是芝蔴醬。某乃蒯越。兄弟蔡瑁。我又沒用。他又不濟。我打的筋斗。他調

的百戲。公子呼喚俺二人。不知有甚事。須索見公子去。可早來到也。報復去。道有俺蒯蔡二人。來

見公子。〔卒子云〕理會的。喏。報的公子知道。有蒯越蔡瑁在於門首。〔劉琮云〕着他過來。〔二淨

見科〕〔蔡瑁云〕劍甲在身。不能施禮。〔蒯越云〕公子。喚俺二將那廂使用。〔劉琮云〕蒯越。蔡瑁。喚

您二將來。別無甚事。今有劉備。問俺父親借座城子。俺父親久養。必將這荊州讓與劉備。喚您二

將來商議。〔蒯越云〕我有一計。俺這裡安排一席好酒。多着些湯水。多着幾道暖飯。准備幾碗甜

醬。我着他酒醉飯飽。走不動。撐倒了呵。那其間下手拿住。我着他死無葬身之地。公子此計若何。

〔劉琮云〕此計妙妙。此計好則好。比及這等。你先撐我不的。〔蒯越云〕此計以定。何故又撐呼。

〔呼字 疑誤〕〔劉琮云〕既是這等。保守此計。計就月中擒玉兔。謀成日裡捉金烏。〔蒯越云〕各家自掃門

前雪。〔蔡瑁云〕莫管他家屋上霜。〔同下〕〔劉表領卒子上〕〔云〕駿馬雕鞍紫錦袍。胷中歷盡五陵豪。有人要知吾名姓。附鳳攀龍是故交。某姓劉名表字景昇。官拜牧守之職。涉獵經史。幼年策馬入夷城。取用南郡蒯梁之謀。南據江陵。北守襄樊。荆州。我有二子。長者劉琦。次者劉琮。能用兵者。乃蒯越蔡瑁。久據荆州。保守無虞。今有劉玄德。被曹操攻破徐州。屯軍在古城。他遣一將。持一封書。問某借一城池。屯軍養馬。今三月三請玄德公赴襄陽會。玄德公來呵。我自有主意。若來呵。報復我知道。〔劉備上〕〔云〕小官劉備是也。我着簡雍問俺荆州牧哥哥借一座城池。誰想哥哥果然許諾。就遣一人請某赴襄陽會。可早來到也。左右接了馬者。小校報復去。道劉備在於門首。〔卒子云〕喏。報的主公得知。有劉備在於門首。〔劉表云〕兄弟來了也。道有請。〔卒子云〕有請。〔見科〕〔劉備云〕哥哥。數年不見。受您兄弟兩拜。〔劉表云〕兄弟免禮。將坐榻來。兄弟請坐。擡上果卓來。〔把盞科〕〔云〕兄弟。數年不見。滿飲此盃。〔劉備云〕哥哥。您兄弟盡醉方回。〔劉表云〕我有二子。長者劉琦。次者劉琮。與我喚將來者。〔正末同劉琮上〕〔云〕某劉琦是也。兄弟劉琮。俺父親在荆州。統領着四十萬鐵甲軍。鎮守着這荆襄九郡。今爲襄王劉玄德。來問俺父親借一座城。權且居止。又着人請的玄德來荆州。住了數日也。今日是三月三襄陽會。俺父親請玄德公飲宴。着令人喚俺弟兄二人。須索走一遭去。〔劉琮云〕哥哥。想咱子父每在此鎮守。久住無虞。無魚則

喫羊肉〔正末云〕兄弟想昔日秦失其鹿。豪傑並起。漢祖三載亡秦。五年滅楚。投至今日。非同容易也。〔唱〕

〔仙呂點絳脣〕想當日漢祖開基。五年登帝。無虞日。端拱垂衣。則他那肱股能經濟。

〔混江龍〕中興後諸侯強力。風俗教化漸陵夷。將一箇董卓勦滅。將一箇呂布遭危。一頭的袁紹興兵行跋扈。可又早曹公霸道騁奸回。見如今民殷國富。可便說孫權端的是這寬仁厚德。談劉備手下有二將軍關羽。和他這三兄弟張飛。〔劉琮云〕可早來到也。〔正末云〕兄弟也。略過去見父親去來。〔做見科〕〔劉表云〕劉琦。劉琮。把

體面與你叔父施禮。〔正末云〕理會的。〔做見劉備科〕〔唱〕

〔油葫蘆〕我這裡叉手躬身施罷禮。數十年遠間離。〔劉備云〕吾姪。自從與曹操交鋒。數年不見。〔正末唱〕都則爲苦征惡戰。各東西。〔劉備云〕劉琦。我與你父親。都是漢之苗裔。〔正末唱〕俺須是分形連氣同親戚。叔父是先朝景帝親苗裔。〔劉備云〕哥哥。你兄弟非爲酒食而來。城池當緊。〔正末唱〕叔父要借郡州待將那士馬集。〔劉備云〕吾姪。奈您叔父身無尺寸之地。怎的與曹操交戰。〔正末唱〕叔父道時間無尺寸安身地。普天下盡都

是漢華夷。

〔天下樂〕常言道。人急偎親。我稍知。〔劉表云〕玄德公。新野樊城。你弟兄權且居住。〔劉備云〕謝了哥哥。〔正末唱〕將新野樊也波城權駐蹕。〔劉表云〕玄德公。在於新野樊城。操兵練士。積草屯糧。復興漢室。有何不可。〔正末唱〕若是那重磨日月扶社稷。平定海內安更和那烽燧息。恁時節敘親親。行大禮。〔劉表云〕劉琦替你叔父遞一盃酒。〔正末云〕理會的。將酒來。叔父滿飲一盃。〔劉備云〕大公子。着吾兄先飲。〔劉備遞酒科〕〔劉表飲酒科了〕〔云〕着劉琮與他叔父遞一盃酒。〔劉琮云〕您兒理會的。〔做遞酒科〕〔劉琮云〕叔父滿飲一盃。〔劉表云〕一壁廂與我動樂者。〔劉備云〕吾兄。酒殺了也。〔正末唱〕

〔那吒令〕廣設着珍饈和美味。高捧着瓊漿和這玉醴。密排着歌兒和這舞姬。不弱如公孫弘的東閣筵。須不是楚項羽的鴻門會。儘開懷。滿飲金盃。〔劉備云〕吾兄。您兄弟飲不的了也。〔劉表做將牌印讓與劉備科〕〔云〕玄德公。吾今年邁。我也掌把不住。這荊襄九郡。將這荊襄九郡牌印。讓與玄德公掌管。你意下若何。〔劉備云〕吾兄。劉備焉敢受荊州牌印。見有兩箇公子。當以承襲荊州牧之職。〔劉琮云〕父親。飲酒則飲酒。這牌印。叔父是箇知理的人。他豈肯受這牌印。〔正末唱〕

〔鵲踏枝〕將牌印捧到尊席。多謙讓苦辭推。情願將九郡荆襄。教叔父掌握操持。〔劉備云〕吾兄。這的是父祖列土分茅之地。子孫堪可而守。〔正末唱〕你道是父祖業傳留與子息。豈不聞堯舜可使天下賢聖承襲。〔劉表云〕玄德公。吾今老矣也。這荆州牌印。你掌了者。〔劉備云〕哥哥。恁兄弟斷然不敢受。吾兄見放着兩箇公子哩。〔劉表云〕玄德公。不知我這兩箇小的。他掌管不的。休道不與他。便着他掌管呵。可着誰可承襲。〔劉備云〕哥哥。您兄弟多聞大公子劉琦。文武雙全。寬仁厚德。可以承襲。〔劉琮背云〕好無禮。我恰纔阻當這牌印。他說俺哥哥好。俺弟兄每承襲不承襲。干你甚事。我恨不的咬上他幾口。〔正末唱〕

〔寄生草〕叔父那裡休誇獎莫厮推。你道我忠君孝父行仁義。你道我驅兵領將多謀智。又道我齊家治國能興利。〔劉備云〕論大公子。有經濟之才。顏閔之德。〔正末唱〕怎有那經天綸地棟梁才。則是箇冀牆朽木兒曹輩。〔劉表云〕既兄弟堅意不受。收了牌印者。行蓋。〔劉琮出門做怒科〕〔云〕頗奈大耳漢無禮。好意請你喫酒。俺父親又借與你城池。你怎敢論俺弟兄每那箇合做不合做。長別人的威風。滅我的志氣。令人喚蒯越蔡瑁來。〔卒子云〕理會的。〔蒯越蔡瑁同上〕〔云〕公子喚俺二人。須索走一遭去。兀那小軍有何事。〔卒子云〕二位將軍。二公子有請。〔蒯越云〕在那裡。俺過去見二公子。〔見科〕〔云〕公子喚俺有何

事〔劉琮云〕頗奈大耳漢無禮。酒筵間搬調俺父親。論俺弟兄好歹。你如今乘騎兩箇鞍馬。手持兵器。務要擒住劉備。先着王孫去盜劉備那的盧馬。若盜了他馬。可來回我的話。〔蒯越云〕得令。領着公子言語。擒拿劉備。走一遭去。〔下〕〔正末云〕嗨。這事怎了。我若不說與叔父知道呵。必然落在這二賊子彀中。兄弟也。我再着叔父飲一盃酒。叔父再飲一盃。〔劉備醒科〕〔云〕我喫不的了也。〔正末云〕叔父。你不飲酒呵。你請箇果木波。〔劉備云〕我用不的了也。〔正末唱〕

〔醉扶歸〕叔父這好棗。知滋味。〔劉備云〕般了也。〔正末唱〕好桃也可堪食。〔劉備云〕我喫不的也。〔正末唱〕這醒酒清涼更好梨。〔劉備醒科〕〔云〕喫不的了也。〔正末唱〕這果木本是同根蒂。他傷枝葉。劈了面皮。〔帶云〕叔父醉了。不解其意。〔做搖醒科〕〔云〕叔父。你看這卓子上。好棗好桃好梨也。〔劉備醒科〕〔云〕是是是。我知道了也。〔正末唱〕你怎生不解我這其中意。〔劉備辭科〕〔云〕哥哥。您兄弟多蒙哥哥城池好酒食。您兄弟告回也。〔劉備拜科〕〔劉表云〕留着兄弟休回也。再住幾日去。〔劉琮云〕父親休管他。你則歇息去。〔扶劉表下〕〔正末云〕叔父。劉琮着蒯越蔡瑁埋伏着人馬。擒拿你哩。你便離了此處。快與我逃命走。〔劉備走科〕〔云〕吾姪。你不說。我怎知也。〔正末唱〕

〔金盞兒〕你快離席。莫驚疑。我這裡吐實情。泄漏了春消息。疾牽你那戰馬換

征衣。則怕你意忙船去慢。心急馬行遲。休尋入地窟。則要你尋覓他那上天梯。
〔劉備云〕我若知您弟兄不和。我怎肯說這等話。〔正末云〕叔父。你小心在意者。則要穩登前路也。〔唱〕

〔尾聲〕痛離別。愁分袂。我和你再相見。知道是何年甚日。望新野樊城去路疾。我則要你善加兵緊護城池。則要你用心機。將那士馬操習。准備着那滅寇興劉顯氣勢。那其間這干戈定息。我着他四方寧謐。恁時節風雲文武拜丹墀。

〔下〕〔劉備云〕劉備也。我想來是你的不是了也。我虧了軍師的妙計。軍師的妙計五字似當作劉琦的救我離了這襄陽會。不敢久停久住。則今日回新野樊城去也。〔下〕

第二折

〔蒯越蔡瑁同上〕〔蒯越云〕自家蒯越蔡瑁便是。奉二公子劉琮之命。今有劉備。在那酒筵間。不合說立長不立庶。今奉公子之命。今夜差家將王孫先去驛亭。盜了劉備那的盧馬。走一遭去。可早來到王孫家門首也。〔叫科〕〔云〕王孫。二公子之命。着你今夜先去驛亭中。盜了劉備那的盧馬。可來回公子的話。小心在意。幹事成功者。〔同下〕〔正末扮王孫上〕〔云〕某是這荆王手下家將。王孫的便是。因為俺劉玄德。問俺這荆王借這城池。留下玄德公赴襄陽會。筵間帶酒。問俺索

荊州牌印。某奉二公子的命。着某今夜先盜劉玄德的盧馬。須索走一遭去。(唱)

〔越調關鵲〕直等的漏盡更闌。街衢靜悄。我則見斗轉星移。這其間夢魂未覺。入的這館驛儀門。遶着這虛簷澗道。又則怕遇着從人。撞着後槽。這一匹駿馬的盧。煞強如驊騮腰褭。

〔紫花兒序〕則願的馴良純善。怕的是踢跳灣犇。使不着嘶喊咆哮。馬乃是將之司命。盜了馬步驟難熬。量度又不是穴隙踰牆做賊盜。蒙差遣怎敢違拗。你正是人急偎親。他可甚善與人交。

〔金蕉葉〕恰拌上一槽料草。喂飼的十分未飽。悄聲兒潛踪躡腳。我解放了韁繩絆索。(做盜科)〔劉備沖上科〕〔云〕小官劉備。來到這館驛裡也。館驛子。牽我那馬來。這館驛裡

無人。我自家牽我這馬去。兀那厮。你是甚麼人。(正末云)我比及盜他這馬。我先斬了劉玄德也。

〔劉備云〕兀那將軍。何故如此悖暴。有仗劍殺我之心也。(正末唱)

〔寨兒令〕你道我休暴燥。逞龐豪。掣紅光劍鋒手搭着。(劉備云)我有甚罪過。(正末唱)你道我犯法違條。盜馬離槽。和你性命似燎鴻毛。(劉備云)你爲何盜我這馬。(正末云)爲你這開

末云爲你這開開似當作開索討荊州牌印。我奉二公子命。故着我盜你這馬來。(劉備云)將軍不知。

因借城子一事。請某飲宴。荆王言曰。吾今老矣。這牌印可着誰掌領。某言曰。立長不立庶。以此二公子挾讐。要傷某性命。〔正末云〕這般呵。是俺二公子的不是。〔劉備云〕將軍。劉備乃漢之宗親。是荆州牧之弟也。〔正末唱〕

〔么篇〕你論親戚是漢祖根苗。論昆仲和劉表知交。破黃巾立大功。誅董卓建功勞。是和非心上自評跋。〔劉備云〕吾之命在於將軍。〔正末云〕襄王放心。我送你出城去。〔劉備云〕今日之恩。異日必報。〔正末唱〕

〔調笑令〕不索暗約。你便快奔逃。呀。再休說他鄉遇故交。〔劉備云〕將軍。此路往何處去。〔正末唱〕遙望着新野樊城道。似飛星徹夜連宵。你官道上莫行。小路兒抄。豈辭勞水遠山遙。〔劉備云〕前有溪河攔路。如之奈何。〔正末唱〕

〔耍厮兒〕遙望見綠茸茸莎茵芳草。翻滾滾雪浪銀濤。檀溪大堤水圍遶。無舟渡共長橋。險慌殺英豪。〔劉備做禱告天科〕〔云〕皇天可表。若劉備久後崢嶸之日。馬也。我命在你。汝命在水。〔正末唱〕

〔聖藥王〕他將那天地祈咒願禱。欠彪軀整頓了錦征袍。將玉帶兜金鐙挑。三山股摔碎了紫藤梢。〔劉備做跳過檀溪科〕〔正末唱〕則一跳。恰便似飛彩鳳。走潛蛟。

〔劉備回顧看正末科〕〔云〕將軍。後會有期。〔下〕〔蒯越蔡瑁上〕〔云〕某乃蒯越蔡瑁是也。俺奉着二公子將令。着俺二人追趕劉備。騎着快馬。越趕也趕不上。這馬我不走。他也不走。到這檀溪河。兀的不是王孫。王孫。劉備安在。〔正末云〕劉備是無罪之人。又和俺主公關親。我因此上放了他去也。〔蒯越云〕這匹夫好是無禮也。你做的箇知禮無禮。故無禮。〔蔡瑁云〕舞哩舞哩舞哩舞。〔蒯越云〕兄弟。執縛住見二公子去來。〔正末云〕我不怕不怕不怕。〔唱〕

〔尾聲〕你將那忠良損害合天道。他一騎馬不刺刺風驅電掃。他得性命且逃災。將我這潑殘生斷送了。〔同下〕

楔子

〔司馬徽上〕〔云〕寶劍離匣邪魔怕。瑤琴一操鬼神驚。貧道覆姓司馬名徽字德操。道號水鏡先生。在於鹿門山辦道脩行。俺爲友者有七人。爲江夏八俊。今有劉玄德。因赴襄陽會。被劉琮所逼。獨騎跳檀溪而過。誤入鹿門山。迷踪失路。貧道在此等候劉玄德。這早晚敢待來也。〔劉備上〕〔云〕某乃劉備是也。因赴襄陽會。劉琮有害吾之心。因此私奔。獨騎跳檀溪河來。迷踪失路。不知那條路往新野樊城去。〔司馬云〕兀的不是劉玄德。玄德公。襄陽會煞是驚恐也。〔劉備云〕這箇仙長。他怎生知道來那。〔司馬云〕玄德公。你可不認的貧道。貧道可識你。〔劉備云〕仙長。劉備迷

踪失路。不知那條路往新野樊城去。〔司馬云〕天色晚也。這鹿門山有一道庵。前往那裡投一宿。玄德公。我觀你手下雖有能征之將。則少運籌之士也。〔劉備云〕敢問師父。何爲運籌之士。〔司馬云〕豈不聞南臥龍北鳳雛麼。〔劉備云〕臥龍鳳雛何人也。〔司馬云〕好好好。〔劉備云〕先生通名顯姓者。〔司馬云〕好好好。你休問我。問兀的那箇人去。〔下〕〔劉備云〕着某問誰去。可怎生不見了這箇仙長。那知他是人也。那是鬼。天氣昏晚也。遠遠的一盞燈明。到那裡覓一宿去。〔下〕
〔龐德公引道童上〕〔龐德公云〕養性脩真談道德。天文地理講精微。劍揮揮原作驅 趙校改星斗能驅將。瑤琴一操動玄機。貧道龐德公是也。居於峴山之南。平生不入城府。不貪於奢華。常以清閑爲樂。講習太清妙訣。脩煉長生之術。參通大道。學就仙方。隱跡山間。埋名林下。江夏道友。號爲八俊。惟吾爲首。在此鹿門山辦道脩真。今有劉玄德。因襄陽會遭厄。跳檀溪失路迷途。誤入鹿門山中。貧道今晚指引玄德榮昌之地。若來時。貧道自有箇主意。道童庵門首覷着。玄德公這早晚敢待來也。〔劉備云〕某離却襄陽會上。被劉琮軍將所逼。檀溪河攔路。托上天護佑。的盧馬擁身。跳過檀溪之河。迷踪失路。來到鹿門山。不知去路。見一仙長言曰。南臥龍。北鳳雛。好好好。騰空而起。其神鬼難辨。天色昏晚。兀那莊兒上覓一宿。〔喚門科〕〔云〕門裏有人麼。〔龐德公云〕道童。兀的劉玄德來了也。你開門去。道有請。〔道童云〕理會的。我開這門。玄德公。俺師父有請。〔劉備云〕某來

到此仙莊。不曾相會。又早知某姓字。此乃非凡也。〔做見科〕龐德公云。玄德公。自離新野。赴襄陽。被劉琮所謀。索是驚慌來也。〔劉備云〕上告師父。劉備運拙。不幸如此。萬望尊師。有何指教。何不通名顯姓者。〔龐德公云〕貧道乃是龐德公是也。在此鹿門山養拙。玄德公。你也有緣。今晚到此庵中。〔劉備云〕師父。劉備到此山中。遇着箇師父。言說南臥龍。北鳳雛。某問其姓字。言稱道好好好。騰空而起。不見了。未知是神是鬼。〔龐德公云〕玄德公。此人覆姓司馬。名徽。字德操。乃是好好先生。〔劉備云〕師父可憐。劉備孤窮。有何道德仙法指教。〔龐德公云〕玄德公。俺這江夏有二人。南有臥龍。北有鳳雛。此二人時運未到。貧道先與你一子。寇封安在。〔寇封上〕〔云〕小將有。〔見科〕〔龐德公云〕寇封與玄德公相見。玄德公。將此寇封與你爲子。拜了玄德公者。〔寇封云〕理會的。〔做拜科〕〔劉備云〕劉備孤窮。未知何日發達。感承尊師厚德也。〔龐德公云〕貧道與你舉一人若何。〔劉備云〕師父。此人在何處。〔龐德公云〕此人他是這潁川獨樹村人氏。姓徐名庶。字元直。〔劉備云〕師父。此人比這臥龍鳳雛若何。〔龐德公云〕此人不在臥龍鳳雛之下。〔劉備云〕多謝吾師指教。天色明也。劉備回去也。劉封跟着我回新野樊城去來。征戰用英雄。今日得劉封。未投徐元直。先遇龐德公。〔同劉封下〕〔龐德公云〕道童。劉玄德去了也。〔道童云〕劉玄德去了也。〔龐德公云〕劉玄德先訪徐庶。然後孔明。此二人少不的都在於玄德公麾下。貧

道遊山翫水。走一遭去。他各處疆土掌威權。玄德人和號四川。五十四州雄壯地。四十三載太平年。〔同下〕〔卜兒同正末道童上〕〔卜兒云〕甘心守志樂清貧。教子攻書講道經。侍母安居隨緣過。山村數載受辛勤。老身姓陳。夫主姓徐。潁川獨樹村人也。止遺下此子徐庶字元直。學通文武。習就大才。不肯進取功名。脩行辦道。侍養老身。孩兒也。功名當緊。可以竭力盡忠也。〔正末云〕母親。您兒多虧母親嚴教。您兒要盡忠不能盡孝。盡孝不能盡忠也。〔卜兒云〕孩兒也。似這等呵。不誤了你功名。〔正末云〕你孩兒則要侍奉萱親。脩真養性。可不道父母在堂。不可遠遊。遊必有方。〔卜兒云〕孩兒也。你則待遊山翫水。辦道脩行。侍奉老身。幾時是你那發達蟬噪之日也。〔正末云〕道童門首覷者。看有甚麼人來。〔道童云〕理會的。〔趙雲上〕〔云〕自小曾將武藝攻。幼年販馬走西戎。四海英雄聞吾怕。則我是真定常山趙子龍。某乃趙雲是也。奉俺玄德公將令。着某請徐元直。拜爲軍師。與曹操兩家讐殺。問人來。則這箇莊院便是。小校接了馬者。道童報復去。道有玄德公手下趙雲。特來相訪。〔道童云〕師父。門首有玄德公手下趙雲。在於門首。〔卜兒云〕孩兒也。是何方來的將軍。〔正末云〕母親。這趙雲是劉玄德手將。〔卜兒云〕孩兒也。有賓客至。我且迴避。〔虛下〕〔正末云〕道童有請。〔道童云〕將軍。俺師父有請。〔趙雲做見科〕〔正末云〕將軍貴脚來踏賤地。將軍請坐。〔趙雲云〕趙雲久聞尊師道德無窮。今日幸遇。實乃趙雲萬幸也。〔正末云〕

將軍爲何到此。〔卜兒上打聽科〕〔云〕老身聽他那裡來的將軍。說甚麼。〔趙雲云〕師父。小將奉俺玄德公將令。聞知師父有經濟之才。伊呂之能。特請下山。拜爲軍師。師父意下若何。〔正末云〕將軍。貧道是一閑人。並不知兵甲之書。〔趙雲云〕俺玄德公。久聞師父深通兵書。廣覽戰策。遣趙雲特請師父來。〔正末云〕是何人舉薦貧道。〔趙雲云〕俺玄德公。遇好好先生與龐德公。舉薦師父來。〔正末云〕是司馬徽道號好好先生。他與龐德公。諸葛亮。龐士元。崔州平。石廣元。孟光威。俺是這江夏八俊。〔趙雲云〕師父有神鬼不測之機。安邦調兵之策。師父可憐。下山走一遭去。〔正末云〕將軍不知。貧道幼年間脩行辦道。並然不知兵甲之書。〔趙雲云〕師父。俺玄德公寬仁厚德。乃漢景帝十七代玄孫。中山靖王劉勝之後。可憐兵微將寡。下山走一遭去。〔正末云〕將軍嘗稱道。看漢室之面。救蒼生之急。將軍。貧道實有此心。爭奈我有老母在堂。可不道父母在不遠遊。遊必有方。〔卜兒上〕〔見科〕〔云〕徐庶孩兒。你說的差了也。想玄德公是漢之宗親。我多聽的人說寬仁厚德。既然主公遣子龍將軍請你。你怎生嘗稱道有老母在堂。孩兒也。你休爲我。悞了你一世兒清名。孩兒也。你休顧我。則顧你。〔趙雲云〕呀呀呀。老母言者當也。師父。可不道順父母顏情。呼爲大孝。既老母又這般說。怎生請師父。若到新野。那其間着人來。可取老母到新野。同享富貴。有何不可。〔正末云〕罷罷罷。既然母親着徐庶去。道童收拾行李。則今日辭別了老母。

便索長行。〔卜兒云〕孩兒也。你這一去。則要你盡心竭力。扶助玄德公。〔趙雲云〕老母放心。我到
的新野。便來取老母。〔正末唱〕

〔賞花時〕我本待要養性修真避世塵。今日箇厚禮卑辭徵聘緊。我則待奉甘
旨。侍萱親。〔趙雲云〕師父此一去。俺主公必然重用師父也。〔正末唱〕誰羨您高官極品。
〔卜兒云〕孩兒也。用心者。〔正末云〕母親。你放心也。〔唱〕你看我扶社稷可兀的立乾坤。〔同
下〕〔卜兒云〕孩兒去了也。眼望旌節旗。耳聽好消息。〔下〕

第三折

〔曹操引卒子上〕〔云〕善變風雲曉六韜。率師選將用英豪。旗旛輕捲征塵退。馬到時聞勝鼓敲。
某姓曹名操字孟德。沛國譙郡人也。幼而習文。長而習武。文通三略。武解六韜。自破四大寇。呂布
之後。累建奇功。謝聖人可憐。加某爲左丞相之職。某手下雄兵百萬。戰將千員。頗奈劉關張無禮。
自破呂布之後。在聖人跟前。保舉他爲官。他不伏某調。私出許都。奪了徐州。某拜夏侯惇爲前部
先鋒。戰劉關張在徐州失散。某領雲長到於許都。加爲壽亭侯之職。不想雲長不辭而去。在於古
城聚會。我差蔡陽擒拿關雲長。不想雲長斬了蔡陽。今有劉關張在新野樊城屯軍。更待干罷。我
今喚將曹仁曹章來。擒拿劉關張去。小校與某喚將曹仁曹章來。〔卒子云〕理會的。二位將軍。元

帥呼喚。〔曹仁上〕〔云〕幼小曾將武藝習。南征北討要相持。臨軍望塵知敵數。對壘噴土識兵機。某乃曹仁是也。我善曉兵書。深通戰策。每回臨陣。無不幹功。正在演武場中操兵練士。父親呼喚。不知有甚事。須索走一遭去。報復去。道有曹仁來了也。〔卒子云〕喏。報的元帥得知。有曹仁來了也。〔曹操云〕着他過來。〔卒子云〕過去。〔見科〕〔曹仁云〕父親。喚您孩兒那裡使用。〔曹操云〕喚你來有事商議。你且一壁有者。與某喚將曹章來。〔淨扮曹章上〕〔云〕某乃是曹章。身凍貌堂堂。廝殺全不濟。則喫條兒糖。某曹章是也。某深知趙鏐孫李。我曾收得蔣沈韓楊。三軍大敗。金魏陶姜。若還拿住皮卞齊康。某正在空地上學打觔斗。有父親呼喚。須索走一遭去。報復去。道有曹章來了。〔卒子報云〕喏。有曹章來了也。〔曹操云〕着他過來。〔卒子云〕過去。〔曹章云〕父親。喚曹章有甚事。哥哥曹仁也在此。〔曹操云〕您二人近前來。今有劉關張在於新野樊城。借起軍來。要與某交鋒。曹仁。我撥與你十萬軍。你爲元戎。曹章前部先鋒。則今日點就雄兵。便索長行。則要成功。您小心在意者。然後某領大軍接應你也。軍隨印轉分直正。罪若當刑先言定。在朝休悞天子宣。莫違關外將軍令。〔曹仁云〕某奉俺父親將令。今有劉關張弟兄三人。在於新野屯軍。要與俺相持廝殺。撥與某十萬雄兵。某爲大帥元戎之職。兄弟曹章爲前部先鋒。則今日點就軍校。與劉關張相持廝殺。走一遭去。大小三軍。聽吾將令。三通鼓罷。拔寨起營。大將軍專聽嚴號令。能征將

披甲便長行。吹毛劍打磨雙刃快。出白鎗勾引月華明。夾銅斧起處魂飄蕩。狼牙棒落處揭天靈。坐的是七重金頂蓮花帳。更壓着周亞夫屯軍細柳營。〔下〕〔曹章云〕曹仁去了也。我點就下本部軍馬。與雲長相持廝殺。走一遭去。今朝一日統戈矛。料想雲長折一籌。隨他身長九尺二。睜開懸將軍鳳眸。三軍見了都害怕。若是着刀鮮血流。輪起刀來望我脖子砍。不慌不忙縮了頭。〔下〕〔劉備同關末張飛趙雲上〕〔劉備云〕某乃劉玄德。自到荊州。借了新野樊城。暫且屯軍。某遣趙雲請下徐庶師父來。今日是吉日良辰。就拜爲元戎。安排酒餚。衆將跟隨着某去。直至元帥府。慶賀元戎。走一遭去。〔同下〕〔正末同劉備關末張末趙末鞏固劉封簡雍糜竺糜芳上〕〔劉備云〕今日是吉日良辰。拜師父爲元戎。今日大小衆將。都來拜見師父。〔正末云〕量徐庶有何德能。受主公如此重禮。〔劉備云〕師父可憐劉備身無所居。被曹操所逼。在新野暫時屯軍。聞知師父窮經經字疑誤五典。善曉三綱。懷揣日月。袖裊乾坤。呼風喚雨。軍兵敗。師父那神機妙策。破曹公。〔正末云〕不才徐庶。我不求聞達。不望功名。我守清貧脩真養性。侍老母孝養晨昏。因元帥寬仁厚德。爲漢室徵聘賢人。今日我居帥府。運籌帷幄。做元戎領將驅兵。你看我掃十萬里征塵事靜。保四百年錦繡乾坤。想昔日漢祖興隆。掃蕩羣雄。肅清海內。投至到今日。非同容易也呵。〔唱〕

〔中呂粉蝶兒〕想當日楚漢爭持。任賢能四方雲會。掃羣雄定亂除危。投至得

滅了強秦。除了壯楚。纔把那生民普濟。若不是漢三傑盡力扶持。怎能發展封疆肅清海內。

〔醉春風〕韓元帥憑韜略。定乾坤。蕭丞相用機謀。安社稷。張子房運機籌。帷幄看兵書。將沛公扶立起。纔能穀漢室興隆。子孫永享。保護着萬年千歲。〔劉備云〕方今時世。多有英雄豪傑。師父試說一遍者。〔正末云〕主公。想如今英雄強霸。各據疆土。河北袁紹。淮南袁術。荊州劉表。江東孫權。許都曹操。統領百萬之衆。虎視天下諸侯。主公乃漢之宗親。爭奈兵微將寡。瞻且按兵自守。訪謁賢俊。廣結英豪。久後還有輔佐主公的人物出來哩。〔劉備云〕師父。想劉備被曹操攻破徐州。今經數載。身無所居之地。今日劉備。幸遇尊師之面。請將師父來拜爲元戎。覬曹操易如翻掌。尅日而破。指日成功。〔正末唱〕

〔紅繡鞋〕可主公道是數十載無有安身之地。奈時間將少兵微。你則去訪覓英賢。可便厮扶持。〔劉備云〕據師父才不在他人之下。〔正末唱〕人事順賢人出。天心祐氣象齊。那其間會風雲安社稷。〔做起風科〕〔正末云〕主公。你見這陣風麼。〔劉備云〕師父。此一陣風。主何凶吉。〔正末云〕這一陣風。不按和炎金朔。是一陣信風。單主着今日午時候。必有軍情事至也。〔劉備云〕二兄弟。轅門首覷者。若有軍情。報復某知道。〔關末云〕理會的。在此轅門首。

等候。看有甚麼人來。〔許褚上〕〔云〕膽量雄威氣勢豪。會習武藝學不高。能行戰馬上去。整整的騙到四十遭。某乃曹丞相手下九牛許褚是也。奉着俺丞相將令。去新野樊城劉備麾下下戰書去。可早來到也。下的這馬來。〔做見科〕〔關末云〕那裡來的。〔許褚云〕二哥。你不認的我。是曹丞相手下九牛許褚。着我下戰書來。〔關末云〕將書來。〔見科〕〔云〕師父。有許褚來下戰書。〔看書科〕〔正末云〕曹丞相命曹仁爲帥。曹章爲前部先鋒。領十萬雄兵。前來柰戰。道童。你與我將過那筆來。背批四字。選日交鋒。放的那下戰書的去。〔許褚云〕我出的這門來。我見了關二叔了也。下了戰書。也不敢久停久住。我回曹丞相話。走一遭去。〔下〕〔劉備云〕師父。曹操差他手下一將。乃是許褚。下將戰書來。不知他那戰書上。寫着甚麼哩。〔正末云〕您衆將靠前來。恰纔那曹丞相差九牛許褚。下將戰書來。命他手下大將曹仁爲帥。曹章爲前部先鋒。領他手下十萬雄兵。來攻新野。〔劉備云〕師父。爭奈劉備手下。兵不滿萬餘。他那裡雄兵百萬。戰將千員。命曹仁爲將。要與俺相持廝殺。我這裡怎生與他拒敵。〔正末云〕俺這裡兵不滿萬餘。兵書道。寡不敵衆。若是有力呵力戰。若無力呵。可以智取。張飛安在。〔張飛云〕師父。呼喚張飛來。有何將令。〔正末云〕今有曹操。令許褚下將戰書來。要相持廝殺。我撥與你三千軍馬。你爲前部先鋒。你聽我計者。〔唱〕

〔上小樓〕他倚仗着他英雄將威。你看我便謀爲定計。則要你便敢戰當先。手

內長鎗跨下的烏騾。則要你顯氣勢敢拒敵。施逞你那武藝。〔帶云〕這一去則要你小心在意者。〔唱〕將他那敗殘軍。片時間殺退。〔張飛云〕得令。出的這帥府門來。我領了這三千人馬。與曹仁相持去。豹頭環眼逞搦搜。人似猛虎馬如虬。擎住曹章親殺壞。報了徐州失散讐。〔下〕〔正末云〕喚將糜竺糜芳劉封三將近前。撥與你一千軍。你左哨行。曹兵若亂了往後退。你左哨軍殺進去。看計行兵。〔唱〕

〔么篇〕左哨軍編排整齊。則要您公心用意。你與我便領將埋伏。遠觀輪贏。近看虛實。你這三將的威各自得施謀用智。你與我便統三軍緊衝他左肋。〔劉封云〕得令。俺弟兄三人。領着師父的將令。便索與曹仁交鋒。走一遭去。奉令驅兵顯威風。人似蒼蛟馬若熊。三將赤心扶社稷。活捉曹仁建一功。〔同下〕〔正末云〕喚鞏固簡憲和來者。〔鞏固云〕師父喚俺二將那裡使用。〔正末云〕我撥與你一千軍。你往右哨截殺。看計行兵。〔唱〕

〔白鶴子〕你行右哨排隊伍。戰曹將逞雄威。則你大桿刀帶肩釵。則你這宣宣疑當作旋花斧着他天靈碎。〔鞏固云〕得令。俺弟兄二人。出的這帥府門來。與曹仁交鋒。走一遭去。

臨軍對陣把名揚。挾人拿將我爲強。敵兵一見魂先喪。敢勇交鋒戰一場。〔同下〕〔正末云〕喚將趙雲來。〔趙雲云〕師父喚趙雲那裡使用。〔正末云〕趙雲。我撥與你一千軍。你先去放過曹兵來。

你將許都路上埋伏了。你那一千軍。等着張飛先鋒。殺退曹兵。埋伏着軍兵。趕殺曹兵。你在前路
上截住曹兵。可則要你成功而回也。〔唱〕

〔十二月〕我將這三軍。可便指揮。則你這衆將。要心齊。全憑着這先鋒翼德。端的他武藝爲魁。左右哨埋伏着準備。差你箇趙子龍追襲。〔關末云〕軍師。關某領兵前往那裡埋伏。〔正末唱〕

〔堯民歌〕呀。你箇雲長英勇有誰及。你與我領將驅兵列旌旗。將千員勇猛似雲齊。我這裡砲響連天若轟雷。殺的他輸也波虧。身無片甲回。他可便豈知俺這神仙計。〔趙雲云〕得令。某出的這帥府門來。統領一千軍。與曹仁相持廝殺。走一遭去。牙角長鎗爭世界。皮楞金鑄立江山。百萬軍中施英勇。殺退曹兵透膽寒。〔下〕〔關末云〕大小三軍。聽吾將令。今奉軍師將令。統領一千雄兵。直至許都路上。等候曹兵。擒拿賊將。走一遭去。排兵布陣顯雄威。左右編成隊伍齊。撻鼓奪旗千般勇。三停刀上血光飛。〔下〕〔劉備云〕衆將都去了也。憑師父神機妙策。必然建功也。〔正末云〕衆將各領兵都去了也。主公。此一陣我殺曹操膽寒。到來日高峯嶺上。我看您衆將與曹仁交鋒。主公領一千軍。緊守新野。〔唱〕

〔尾聲〕到到來日遇交鋒。催戰鼓。助軍威。發喊齊。你看我則一陣着他那十萬

曹兵退。恁時節得勝收軍那一場喜。(下)

楔子

〔曹仁曹章領卒子上〕(云)某乃曹仁是也。兄弟曹章。奉俺丞相將令。擒拿劉關張。來到這新野樊城。遠遠的塵土起處。必然是劉備家軍來也。〔張飛上〕(云)某乃張飛是也。領着三千軍馬。與曹兵相持廝殺。走一遭去。來者何人。〔曹仁云〕某乃曹丞相手下大漢曹仁是也。來者何人。〔張飛云〕某乃張飛是也。量你何足道哉。操鼓來。某與你交戰。〔調陣子一遭科〕(劉封領糜竺糜芳上)(云)某乃劉封。兩箇兄弟。糜竺糜芳。統領三軍。擒拿曹仁曹章。大小三軍。擺布的嚴整者。兀的不是張飛。俺一齊殺將去。〔四將做混戰科〕(曹仁云)曹章。俺近不的他。不中。倒回干戈。與你走。〔敗下〕(張飛云)曹仁曹章輸了也。不問那裡趕將去。〔同下〕(鞏固簡雍同上)(鞏固云)某乃鞏固是也。在此許都路上。等待曹兵。塵土起處。敢待來也。〔曹章上〕(云)某乃曹章是也。某與劉關張廝殺。被趙雲衝開陣勢。將曹仁趕的不知那裡去了。怎生是好。兀的那前頭又有軍馬來了。〔做見正末關末科〕(關末云)兀的不是曹章。小校與我拿住者。師父。拿住曹章也。〔正末云〕興我下在檻車中。去主公跟前獻功去來。(唱)

〔賞花時〕他不合別蝎撩蜂尋鬪爭。我這裡布網張羅打大蟲。俺這裡軍士猛

將英雄。我將他生擒在陣中。這的是我初交戰可兀的建頭功。〔衆將同下〕

第四折

〔劉備引卒子上〕〔云〕歡來不似今朝。喜來那逢今日。誰想徐庶師父。果有神機妙策。破曹兵。今日班師回程也。安排下筵席。等待師父。小校轅門首覷者。若來時。報復某知道。〔正末上〕〔云〕貧道徐庶是也。被某則一陣。大敗曹仁。生擒斬首。這一場交戰。不同小可也。〔唱〕

〔雙調新水令〕統堂堂軍校出襄陽。勝軍回凱歌齊唱。旗搖籠日色。鼓凱撼空蒼。明晃晃劍戟刀鎗。殺的那敗殘將五魂喪。〔云〕可早來到也。接了馬者。報復去。道有元戎下馬也。〔卒子報云〕喏。元戎下馬也。〔劉備做接科〕有請。〔正末做見科〕〔劉備云〕有勞師父。可憐劉備孤窮。略施小智。鋪用機謀。殺曹兵十萬。片甲不回。不在管樂之下。實乃劉備萬幸也。〔正末云〕貧道托主公虎威。則一陣殺退曹兵。生擒斬首。得勝還營。〔劉備云〕師父。怎生排兵布陣。妙策神機。擒拏曹仁曹章來。〔正末唱〕

〔鴈兒落〕他那裡領雄兵臨戰場。俺這裡先差箇先鋒將。憑着你長鎗無對手。更和那烏馬難遮擋。

〔得勝令〕呀。他那裡臨陣的是曹章。俺這裡左右哨暗埋藏。那曹兵大敗輪虧。

走。趙子龍手持着牙角鎗。他無路去潛藏。望着那山谷深林撞。正遇着雲長。恰
便似英雄的楚霸王。〔劉備云〕師父。俺這裡軍將贏了也。他那曹章。在於何處。〔正末云〕殺的
他十萬軍。則剩的百十騎人馬。保着曹仁去了。將他先鋒曹章。活拿將來了也。〔劉備云〕殺退曹
兵。走了曹仁也。拿住先鋒曹章。執縛定。與我拿將過來。〔衆將拿曹章見劉備科〕〔劉備云〕則這
箇便是曹章。刀斧手與我斬了者。〔劉備做封衆將科〕此一場交戰。殺曹兵大敗而輸。被師父用
智行兵。衆將驍勇。今得勝回還。安排筵宴。慶賀軍師。犒賞衆將。可是爲何。因曹操統領戈矛。徐元
直廣運機籌。劉玄德兵微將寡。他勝伊呂扶湯立周。手下將盡忠竭力。人似虎馬若蛟虬。加師父
軍師之職。能征將拜將封侯。〔正末唱〕

〔沽美酒〕今日箇重封官。恩賜賞。賀開宴。飲瓊漿。則俺這將帥威風顯氣象。一
箇箇英雄膽量。能挑戰漢雲長。

〔太平令〕趙子龍驅兵領將。張車騎烏馬長鎗。將士勇人人雄壯。掃羣雄西除
東蕩。今日箇宴享衆將。受賞。萬萬載皇圖興旺。〔劉備云〕您衆將聽者。則因俺徐州失
散數年間。古城聚義再團圓。我持書遠謁荊州地。他留吾赴會列華筵。則爲那次子劉琮傷咱命。
王孫相引到溪邊。的盧一跳檀溪過。悞入山門見二仙。舉薦尊師多謀智。今朝何幸遇英賢。十萬

曹兵登時敗。千古名揚姓字傳。扶持社稷千千載。祝讚吾皇萬萬年。

題目

徐元直用計破曹仁

正名

劉玄德獨赴襄陽會

楔子

司馬徽散巾 邊欄道袍 繖 劉備前同 龐德公 散巾 邊欄道袍 繖 道童秦巾 邊欄道

袍 繖兒 寇封鳳翅盔 膝欄曳撒 項帕 卜兒場頭手帕 襖兒 裙 正末徐庶散巾 邊欄道

袍 繖兒 道童前同 趙雲前同 卜兒又上前同

第三折

曹操兔兒角幘頭 補子圓領 卒子 前同 曹仁鳳翅盔 膝欄曳撒 項帕 曹章皮盔 膝欄曳

撒 項帕 掩心 劉備 關末 張飛 趙雲前同 正末徐庶 劉備 關末 張飛 趙雲又上

甲 直纏 搭膊 許褚皮盔 膝欄曳撒 掩心甲 前 項帕 直纏 搭膊 劍

楔子

曹仁 曹章 卒子前同 張飛前同 劉封同寇 封 糜竺 糜芳 鞏固鳳翅盔 膝欄曳撒 帶袍

帶劍 簡雍前同 正末徐庶 關末前同

第四折

劉備

同前

卒子

同前

正末

徐庶

同前

衆將

拿曹章

同前

同前

同前

萬曆乙卯仲秋二之日校內清常記

好酒趙元遇上皇

元高文秀

第一折

〔外扮李老同卜兒搽旦上〕〔李老云〕髮若銀絲兩鬢秋。老來腰曲便低頭。月過十五光明少。人過中年萬事休。老漢姓劉。排行第二。人都叫我做劉二公。乃東京人氏。婆婆姓陳。別無甚麼兒男。止生了這箇女孩兒。小字月仙。人材十分。大有顏色。不曾許聘於人。招了箇女婿。姓趙是趙元。那厮不成半器。好酒貪盃。不理家當。營生也不做。每日只是吃酒。我這女孩兒。好生憎嫌他。近日聞東京有箇臧府尹。他看上俺女孩兒。我女兒一心也要嫁他。爭奈有這趙元。婆婆孩兒。怎生做箇計較。可也是好。〔卜兒云〕老的也。趙元這厮。每日則是吃酒。不理家業。久後可怎麼是了。〔搽旦云〕父親。我守着那糟頭。也不是常法。依着您孩兒說。俺如今直至長街上酒店裡。尋着趙元。打上一頓。問他明要一紙休書。與便與。不與呵。直拖到府尹衙門中。好歹要了休書。休了我可嫁與臧府尹。父親意下如何。〔李老云〕孩兒說的是。咱三口兒至長街上酒店裡尋趙元。走一遭去。〔同下〕〔外扮店家上〕〔云〕買賣歸來汗未消。上牀猶自想來朝。爲甚當家頭先白。曉夜思量計萬條。自家是店小二。在這東京居住。無別營生。開着箇小酒店兒。但是南來北往。經商客旅。常在

我這店中飲酒。今日清早晨。開了這店門。挑起望杆。燒的這鐵鍋兒熱着。看有甚麼人來。〔正末扮趙元帶酒上〕〔云〕自家趙元。是這東京汴梁人也。在這本處劉二公家爲婿。渾家小字月仙。我平生好吃幾杯酒。渾家與他父親。好生憎嫌我。數番家打罵。索我休離。想我爲人在世。若不是這幾杯酒。怎生解的我心間愁悶。今日無甚事。長街市上酒店裡。飲幾杯酒去來。〔唱〕

〔仙呂點絳脣〕東倒西歪。後合前仰。離席上。這酒興顛狂。醉魂兒望家往。

〔混江龍〕我這裡猛然觀望。風吹青旆。喚高陽。吃了這發醅醇糯。勝如那玉液瓊漿。兩袖清風和月偃。一壺春色透餅香。花前飲酒。月下掀髯。鬚頭垢面。鼓腹謳歌。茅舍中。酒盞邊。刺登哩。登唱。三杯肚裡。由你萬古傳揚。〔云〕可早來到也。店小二哥。打二百錢酒。你慢慢的盪來我飲者。〔店小二云〕理會的。有酒有酒。官人請坐。〔做打酒科〕

〔云〕官人。這是二百錢的酒。〔正末云〕將來我飲幾杯。看有甚麼人來。〔李老同卜兒搥旦上〕

〔云〕心忙來路遠。事急出家門。孩兒也。我問人來。趙元在這酒店裡吃酒哩。我試看者。〔做見科〕

〔李老云〕趙元你好也。每日營生不做。好酒貪杯。不成半器。你又在酒店中飲酒哩。〔搥旦云〕趙元。你這箇不理正事。每日吃酒。不幹營生。戀酒貪杯。幾時是了。兀的不定害殺我也。〔正末唱〕

〔油葫蘆〕你道我戀酒貪盃。斷定當。〔李老云〕你這等不成半器。我打這箇糟弟子孩兒。

〔正末唱〕你暢好村莽慳。〔卜兒云〕老的打這弟子孩兒。〔李老云〕婆婆我知道。我打他怕甚麼。
〔正末唱〕可知道你名兒喚做一窩狼。〔搽旦云〕村弟子孩兒。每日家酒裡眠。酒裡臥。不著
家裡。撇的我冷冷清清。你吃這酒。有何好處。〔正末唱〕你不見桃花未曾來腮上。可又早
闌珊了竹葉尊前唱。〔搽旦云〕父親和這等東西。有甚麼好話。講出甚麼禮來。狗口裡吐不出
象牙。向前打這貪酒不幹營生。糟醜生賊弟子孩兒。〔李老云〕孩兒你說是。我打這弟子孩兒。〔打科〕
〔正末唱〕搔搔把頭髮揪。〔搽旦云〕父親拳撞脚踢。與他箇爛羊頭。〔李老云〕我踢這不成半器
的畜生。〔正末唱〕連連的使脚撞。〔李老云〕我耳根拳打這狗弟子孩兒。〔正末唱〕耳根上一
迷裡直拳搶。〔搽旦云〕你穿的這尸皮。不是我做的。我扯碎你的。〔正末唱〕他惡狠狠都扯
破我衣裳。〔卜兒云〕你每日生理不幹。只是吃酒。幾時是了也。〔正末云〕我吃酒。干你甚麼事。
〔搽旦云〕好也。你還強嘴哩。每日家醉而復醒。醒而復醉。倒街臥巷。今番務要和你見箇好歹。父
親容不的他。〔正末唱〕

〔天下樂〕捨拚了今番做了一場。打罵你孩兒有甚勾當。又不曾游手好閑。惹
下禍殃。〔搽旦云〕你箇亂箭射的。冷鎗戳的。碎針兒簽的。你若惹下勾當。告到官中。敢把你皮也剝
了。腳節骨都撻折了。你每日只是戀酒貪杯。養活不的我。將休書來。〔正末唱〕動不動要手模。

是不是取招狀。〔搽旦云〕你這箇精短命。跳跳而死的。有幾文錢。喝了酒。我要打扮。胭脂粉也掙不出來。你是箇男子漢。不幹生理。則吃酒。我可要你怎的。要你伴着。〔正末唱〕欺負殺受飢寒田舍郎。〔李老云〕趙元。我着不要吃酒。你怎麼這兩三日又吃酒。不來家。〔正末云〕父親。這三日吃酒。有些人情。所以吃酒。不妨事。〔搽旦云〕謊嘴。有甚麼人情。狗請你吃酒來。父親休聽他。〔正末云〕父親。聽您孩兒說一偏者。〔唱〕

〔那吒令〕前日是瞎王三上梁。〔李老云〕昨日在那裡吃酒來。〔正末唱〕昨日是村李胡賽羊。〔李老云〕今日又醉了。可是那裡吃酒來。〔正末唱〕今日是酒留屠貴降。〔搽旦云〕好朋友。都是夥不上臺盤的狗油東西。〔李老云〕你這厮。每日則吃酒。不做生理。怎生是好。〔正末唱〕我本待不去來。他每都來相訪。怎當他相領相將。〔搽旦云〕你這箇辱沒門戶敗家的村弟子孩兒。你每日貪盃戀酒。凍妻餓婦。則吃這酒。有甚好處。〔正末云〕這酒有好處。〔搽旦云〕這黃湯則是強嘴。有甚好處。你說你說。〔正末唱〕

〔鵲踏枝〕有酒後聚得親房。有酒後會得賢良。〔搽旦云〕呸。你不識羞。每日伴着些狐朋狗黨。那箇是好的。爲這酒有甚麼好處。〔正末唱〕豈不聞俗語常言。酒解愁腸。〔卜兒云〕你吃了酒。又惹是非。累及俺一家兒。〔正末唱〕我有酒後寬洪海量。沒酒時腹熱腸慌。

〔搽旦云〕糟驢馬。糟畜生。糟狗骨頭。久後直當糟殺了。別人吃也有箇時候。你沒有早晚。父親不要和他干罷。你着他斷了酒者。〔李老云〕孩兒說的是。趙元。你近前來。今日便與我斷了酒罷。若不斷了這酒。一百黃桑棍。打也打殺你。〔正末云〕教我斷酒。不問甚麼營生。我都做的。惟有這酒斷不的。〔搽旦云〕吓。害酒癆也不這等的很。〔李老云〕不肯斷酒。你做甚麼生理那。〔正末云〕諸般生理都做的。只是這酒斷不的。〔唱〕

〔寄生草〕者末爲經紀做貨郎。使牛作豆將田耩。搽灰抹粉學搬唱。剃頭削髮爲和尚。〔搽旦云〕我不和你撒賴撒癡的。斷了酒者。〔正末唱〕教我斷消愁解悶。饒頭香。

〔搽旦云〕斷了者。斷了者。〔正末云〕斷不的。斷不的。〔唱〕情願去雲陽鬧市伸着脖子。〔搽旦云〕便與我斷了酒。斷一年也罷。〔正末云〕教我斷一年斷不的。一年四季飲酒。皆有好處。斷不的這酒。〔李老云〕這四季怎生斷不的。你說。〔正末云〕我說這四季斷不的。〔李老云〕你說這奉景斷酒呵。可是怎生。〔正末云〕春裡斷呵。〔唱〕

〔醉中天〕春煖羣花放。〔李老云〕夏裡斷呵。〔正末云〕夏裡斷呵。〔唱〕夏暑芰荷香。〔李老云〕秋裡斷呵。〔正末云〕秋裡斷呵。〔唱〕金井梧桐敗葉黃。〔李老云〕冬裡斷呵。〔正末云〕冬裡斷呵。〔唱〕怎當那瑞雪飛頭上。〔云〕天有不測風雨。人有當時禍福。〔唱〕人生死則

在一時半晌。你教我斷了金波綠釀。却不等閑的虛度時光。〔搽旦云〕偌多花言巧語。看起來則是好酒。正是箇不久長的糟弟子孩兒。父親既然他不肯斷酒呵。不要他在城市中住。教他村裡莊兒上去住。須沒有酒吃。〔李老云〕孩兒說的是。趙元。你吃這酒。早晚帶累我。不要你在城市中住。則今日便與我村裡莊兒上住去。你好歹斷了這酒者。〔搽旦云〕你若不斷酒。我飯也不與你吃。餓的你匾匾的。快往莊兒上去。〔正末云〕你教我村裡住。須沒酒吃。更是斷不的。〔李老云〕可是怎生斷不的。〔正末唱〕

〔金盞兒〕你教我住村舍。伴芒郎。養皮袋。住村坊。每日價風吹日炙。將田耩。和那沙三趙四受風霜。怎能穀百年。渾是醉三萬六千場。〔云〕父親有兩件斷不的這酒。〔李老云〕可是那兩件。〔正末唱〕常言道。野花攢地出。我則怕村酒透餅香。〔搽旦云〕父親似這等貪酒戀杯。不幹生理。叫化頭。短命弟子孩兒。我也難與他爲妻。則這等。他也不肯休我。拖的他見府尹大人去來。當官休了。我也氣長。那其間好嫁別人。〔李老云〕孩兒說的是。我和你見官府去來。〔做扯正末同下〕〔淨扮臧府尹引張千上〕〔云〕官人清似水。外郎白似麪。水麪打一和。糊塗做一片。自家是這本處府尹。姓臧。臧府尹便是。此處有一婦人。姓劉名月仙。我幾番待要娶他爲妻。他也有心待嫁我。爭奈他有夫主。早晚尋他些風流罪過。害了性命。我取了那女人

爲妻。便是我平生願足。今日陞廳。看有甚麼人來告狀。〔李老卜兒搥旦拖正末上〕〔李老云〕冤屈冤屈。〔淨問云〕外面甚麼人叫冤屈。張千與我拿將過來。〔張千云〕理會的。〔喚入科〕〔云〕當面。〔衆跪科〕〔淨云〕兀那老的。有甚麼冤枉事。你說。〔李老云〕大人可憐見。我這女婿趙元。不幹生理。凍妻餓婦。每日只是吃酒。我女孩兒情願問他要休書。〔淨云〕老的請起來。如今斷開了。你要了休書。是必休與了別人。〔李老云〕大人可憐見。與老漢做主者。〔淨云〕且住者。則除是這般。着這厮遞送公文書到西京河南府去。上司明有文案。悞了一日假限杖四十。悞了兩日假限杖八十。悞了三日處斬。這厮是貪酒的人。我若着他去。也無活的人。若去了這厮。我取他渾家可不好。張千與我問六房吏典。今次上西京遞送公文該誰去哩。〔張千云〕相公。張千問來。該本處趙元去哩。〔淨云〕既然這等。趙元你近前。你的妻我也難斷你休他。今次該你上西京河南府遞送公文書。上司明有文案。悞一日杖四十。悞兩日杖八十。悞三日處斬。則今日便行。〔正末云〕今次該別人去。不該小人去。〔淨云〕正該你去。〔搥旦云〕既然該你遞送文書。趙元你做與了我休書者。你去了死活不干我事。離了我眼。倒是箇乾淨。〔正末做躊躇科〕〔唱〕

〔游四門〕他待將好花分付與富家郎。夫婦兩分張。目下中文書難回向。眼見的一身亡。他却待配鸞凰。〔淨云〕休悞了限期。快送公文去。你要寫休書。早與他。不要討打吃。

〔正末唱〕

〔柳葉兒〕赤緊的司公廝向。走將來雪上加霜。誠的我悠悠的魂飄蕩。何處呈詞狀。若寫呵免災殃。不寫呵更待何妨。〔云〕罷罷罷。我寫與你。〔唱〕

〔賞花時〕則爲一貌非俗離故鄉。二四的司公能主張。則他三箇人很心腸。做夫妻四年向上。五十次告官房。〔搽旦云〕你與我休書。你在路上車碾馬踏。惡人開剝死了。不干我事。我放心的嫁人也。〔正末唱〕

〔么〕六合內只經你不良。把我七代先靈信口傷。入下裡胡論告。惡商量。做夫妻久想。莫要十指望。便身亡。

〔賺煞〕十倍兒養家心不怕。久後傍人講。入番家擺街拽巷。七世親娘。休過當。尙自六親見也慚惶。五更頭搭手思量。動不動驚四鄰。告社長。我待橫三盃在路傍。都無二十日身喪。我這一靈兒不離了酒糟房。〔下〕〔淨云〕趙元着我差將去了。

眼見的無那活的人也。大姐。我選吉日良時。便來問親也。你可休嫁了別人。張千將馬來。我且回私宅中去來。〔下〕〔李老云〕孩兒也。你問趙元休書也索了。趙元此一去。眼見無活的人也。你便嫁那府尹去。孩兒。你身邊有錢麼。〔搽旦云〕父親要怎麼。〔李老云〕我買兩箇小筐兒。我去都

府門首挑筐兒拾馬糞去也。(同卜兒搽旦下)

第二折

〔酒保上〕(云)曲律竿頭懸草稊。綠楊影裡撥琵琶。高陽公子休空過。不比尋常賣酒家。自家是箇賣酒的。在這汴京城外草橋店。開着箇酒店。時遇冬天。紛紛揚揚下着大雪。天氣好生寒冷。今日清早辰。開開這酒店。且挑起這望竿。燒的鑊鍋熱熱的。看有甚麼人來吃酒。(駕引楚昭輔石守信扮秀才上)(云)建業興隆起異謀。兵書戎策定戈矛。坐間若無良臣輔。怎得乾坤四百州。朕乃宋太祖皇帝是也。自登基以來。四海晏然。八方無事。今引近臣楚昭輔石守信。俺三人打扮做白衣秀士。私行於郊外。朕遣趙光普留守京師。時遇冬天。紛紛揚揚下着這般大雪。您同朕慢慢行將去來。(楚云)主公。這一會兒風雪又大。俺且去那酒店中。一來權且避這風雪。二來就飲幾杯村酒如何。(駕云)既然如此。俺且入這酒店中避風雪去者。(做入店坐定科)(楚云)酒保。打二百錢酒來。(酒保云)理會的。三位秀才請坐。我打酒來。(做打酒上)(云)三位秀才。兀的不是一二百錢的酒。你慢慢的飲一杯。(石云)將酒來。趙秀才滿飲一杯。(駕云)二位秀才請波。(楚云)趙秀才滿飲一杯。(駕飲科)(云)你二位請坐飲一杯。(石云)俺二人也飲一杯。(駕云)咱三人慢慢的飲者。看有甚麼人來。(正末迎風上)(云)自家趙元。誰想本處司公臧府尹。強娶我

渾家爲妻。着我京都遞送公文。悞了一日假限。杖四十。悞了兩日假限。杖八十。悞了三日假限。處斬。不覺的違了半月期程。眼見的無那活的人也。時遇冬天。紛紛揚揚。下着國家祥瑞。好大風雪也呵。〔唱〕

〔南呂一枝花〕湯着風把柳絮迎。冒看雪把梨花拂。雪遮得千樹老。風剪得萬枝枯。這般風雪程途。雪迷了天涯路。風又緊。雪又撲。恰便似秋濤篩揚。恰便似擣綿扯絮。

〔梁州〕假若韓退之藍關外不前駿馬。孟浩然灞陵橋不肯騎驢。凍的我戰兢兢。手腳難停住。更那堪天寒日短。曠野消疎。關山寂寞。風雪交雜。渾身上單夾衣服。舞東風亂糝珍珠。擡起頭似出窟頑蛇。縮着肩似水滄老鼠。躬着腰人樣蝦蛆。幾時到帝都。刮天刮地狂風鼓。誰曾受這番苦。見三疋金鞍拴在老桑樹。多敢是國戚皇族。〔云〕來到這酒店門首。有三疋馬。想有人在裡面。我也進去。權時避避風雪者。

〔做入酒店科〕〔駕云〕你二人再飲一杯。〔楚云〕俺二人再飲一杯。〔正末云〕我且近火爐邊向火者。我聞的好酒香。賣酒的。〔酒保云〕客官要酒。〔正末云〕打二百錢酒來。〔酒保云〕官人。兀的二百錢的酒。〔正末云〕酒也。連日不見你。誰想今日在這裡又相會。好美哉也。〔唱〕

〔牧羊關〕見酒後忙參拜。飲酒後再取覆。共這酒故人今日完聚。酒呵則道永
不相逢。不想今番重聚。爲酒上遭風雪。爲酒上踐程途。這酒浸頭和你重相遇。
酒爹爹安樂否。〔斟酒科〕〔云〕我先澆奠者。一願皇上萬歲。二願臣宰安康。三願風調雨順。天下
黎民樂業。〔駕云〕民間有此賢哉之人。雖是容貌鄙陋。心意寬裕。此人有聖賢之道。〔正末做見
三人科〕祇揖哩。秀才。我且與三位秀才敬奉一杯。〔正末遞酒科〕〔駕云〕不敢不敢。那壁哥哥
先請。〔正末云〕秀才滿飲一杯。〔駕飲科〕〔正末云〕二位秀才也飲一杯。〔楚云〕那壁哥哥請。
〔正末云〕二位秀才滿飲此杯。〔二人飲科〕〔駕云〕那壁哥哥滿飲一杯。小生三人有何德能。動
勞那壁哥哥。請飲過此杯酒者。〔正末唱〕

〔隔尾〕小人則是箇隨驢把馬喬男女。你須是說古論文士大夫。這六點兒運
人不曾把人做。我雖是愚濁的匹夫。不會講先王禮數。〔駕云〕君子飲過這一杯酒
者。〔正末唱〕我這裡漣漣的咽喉中嚥下去。〔駕云〕那壁哥哥。你慢慢的飲幾杯。俺三人酒
穀了。俺先回去來。〔做起身科〕〔酒保云〕這三箇秀才。好無禮也。你吃了我酒。錢也不還。你往那
裡去。〔駕云〕俺身邊無錢。改日還你。〔酒保云〕你吃了酒。不還錢。我不放你去。打這三箇無知的
人。〔做厮打科〕〔正末聽科〕是好奇怪也。〔唱〕

〔感皇恩〕我恰待自飲芳醕。是誰人喝叫喧呼。〔酒保云〕你這三箇窮酸。怎生吃了酒不還錢。〔正末唱〕則聽的絮叨叨不住的罵寒儒。〔楚云〕俺三人不曾帶錢來。改日還你。〔酒保扯住駕云〕快還錢來。你若不還。不道肯輕饒了你哩。〔正末唱〕不住的推來搶去。則管扯拽揪摔。可知道李太白留劍飲。典琴沽。〔酒保又扯住云〕你三人好模好樣的。不還我

酒錢。〔正末唱〕

〔採茶歌〕一箇扯着衣服。一箇更醉模糊。早難道滿身花影倩人扶。三位儒人休恐懼。我替還酒債出青蚨。〔云〕酒保。爲何扯他三位。〔酒保云〕他三箇吃了二百文錢的酒。不肯還錢。〔正末云〕你放了他三箇。他乃是國家白衣卿相。這酒錢我替他還。你可是如何。〔酒保云〕你既然替他還錢。也罷。我放了他。〔正末取錢還科〕〔云〕兀的二百文錢。〔酒保接科〕〔正末云〕三位秀才。咱一處再飲一杯酒者。〔駕云〕敢問那壁君子。姓甚名誰。何處人氏。有何貴幹。到於此處。〔正末悲科〕〔云〕小人姓趙是趙元。〔哭科〕〔駕云〕你爲何這等發悲。其中必有暗昧。你慢慢的說一遍。我試聽者。〔正末云〕三位秀才不知。聽我慢慢的說一遍。小人東京人氏。姓趙是趙元。在本處劉二公家爲女婿。有妻是劉月仙。生的有些顏色。十分的不賢惠。將小人千般毀罵。萬般憎嫌。更有丈人丈母。十分很毒。將小人時常打罵。小人當朝一日。丈人丈母并妻月仙。

拖到本處司公臧府尹衙門中。強要休書。不想臧官要取小人渾家爲妻。故意要作弄小人性命。差小人來西京遞送公文書。悞了一日杖四十。悞了兩日杖八十。悞了三日處斬。不覺早悞半月日期也。小人眼見的無那活的人也。因此上啼哭。不想酒店得遇三位秀才。〔駕云〕嗨。不想此人如此暗昧之事。趙元。我也姓趙。你也姓趙。我有心想認義你做箇兄弟。你意下如何。〔正末云〕小人是箇驢前馬後之人。怎敢認義那壁秀才也。〔駕云〕你那丈人丈母。怎生般利害。東京府尹。怎生要娶你渾家爲妻。你慢慢說一徧。〔正末唱〕

〔紅芍藥〕丈人丈母很心毒。更那堪司公府尹胡塗。〔駕云〕你渾家怎不賢惠。〔正末唱〕果然這美女累其夫。他可待似水如魚。好模樣歹做出。不觀事要休書。〔駕云〕你那東京府尹。怎敢強娶你渾家。〔正末唱〕他倚官強拆散俺妻夫。眞乃是馬牛襟裾。〔駕云〕你不好去大衙門裡告他。卻在背後啼天哭地。成何用也。〔正末唱〕

〔菩薩梁州〕我雖是鰥寡孤獨。對誰人分訴。銜冤負屈。〔駕云〕你這等啼哭。也無用也。〔正末唱〕因此上氣填胸。雨泪如珠。〔駕云〕趙元。我救你這一命。你意下如何。〔正末云〕哥哥。你怎生救我。〔駕云〕你放心。我與上京丞相趙光普一面之交。我欲待寫書去。途中無紙。楚昭輔。你袖中將的霜毫筆來。你扳着趙元臂膊。石守信扶着兄弟。我在你臂膊上寫兩行字。畫一箇押字。若趙

丞相見了時。你必然不死也。〔楚石二人扶正末唱〕一箇舉霜毫。一箇扳臂膊。一箇把咱扶着。道兩行字便是我生天疏。〔楚云〕這兩行字書。若到上京。見了趙丞相。你必不死也。〔正末唱〕却教我無事還鄉故。這好事要人做。不想二百長錢。買了命處。勝似紙天書。〔云〕小人既得了哥書信。若到上京。見了趙光普丞相。見了這花押。必然饒了這性命也。小人便索長行。〔駕云〕你慢慢的去者。他看了你臂膊上花押。你必不死也。〔正末云〕罷罷。〔唱〕

〔尾聲〕誰想今番橫死身軀得恩顧。遙指雲中鴈寄書。兩隻脚不停住。這憂愁這淒楚。這煩惱這思慮。怎聲揚貳負屈。趙光普你執掌權樞。怎知俺冒風雪射糧軍乾受苦。〔下〕〔駕云〕趙元去了也。誰想民間有這等賢哉之人。若到上京。見了趙光普。見了

寡人花押信字。必然饒了此人。就除爲東京府尹。走馬赴任。寡人若到西京。必拿趙元仇人報冤。有何不可。你二人跟着我慢慢私行去來。酒店之中問事情。偶然相會話平生。趙元此去尋光普。陞爲府尹坐東京。〔同下〕〔酒保云〕吃酒的客官去了也。天已晚了。收拾門戶。回我家中去來。〔下〕

第三折

〔趙光普引祇從上〕〔云〕兩朵肩花擎日月。一雙袍袖理乾坤。休言天下王都管。半由天子半由臣。某姓趙名光普字則平。輔佐主公。官拜丞相。封太師韓國公之職。乃開國功臣也。聖主常夜半幸某第。立風雪中。小官惶恐出迎。設重裊席地。熾炭燒肉。小官夫人行酒。上以嫂呼之。遂定下江南之計。每決大事。啓文觀書。乃論語也。此時稱小官以半部論語治平天下。雷德鑲嘗詆毀某。上曰。鼎鑪尚有耳。汝不聞趙光普原無吾社稷臣乎。今主公同楚昭輔石守信隨處私行。以小官爲留守。今東京官吏。申將文書到此上京。悞了一日杖四十。悞了兩日杖八十。悞了三日處斬。不知何人失悞半月假限。罪當處斬。祇候人門首看者。若有人來時。報伏我知道。〔祇候云〕理會的。〔正末上〕〔云〕趙元也。悞了假限。疾快行動些。一天好大雪也呵。〔唱〕

〔中呂粉蝶兒〕六出花飛。碧天邊凍雲不退。把雙肩緊把頭低。醉魂消。酒纔醒。四肢無力。眼見得命掩泉泥。這場災怎生迴避。

〔醉春風〕送了我。也。竹葉瓮頭春。花枝心愛妻。則爲戀香醪尋着永別離。到今日悔。悔。悔。也是我前世前緣。自作自受。怨天怨地。〔云〕可早來到丞相府門首也。我來到這儀門首。我試看者。〔做見祇候人擺着科〕〔正末云〕兀的不說殺我也。〔唱〕

〔迎仙客〕狼虎般排着從人。鴈翅般列着公吏。這無常暗來人不知。我又不曾

脫身術。又不曾插翅飛。止不過汨若扒推。這的是自尋的無頭罪。〔云〕祇候哥哥。

報伏一聲。有東京申送文書來到。〔祇候云〕你這廝尋死也。這早晚纔來。你則在門首。我報伏去。

〔做報科〕〔云〕告的大人得知。有東京申解文書來到。〔光普云〕這廝好膽也。教他過來。〔祇候

云〕理會的。教你過去哩。〔正末做見科〕〔光普云〕兀那廝。你是那裡解送文書的人。〔正末云〕

大人。小的是東京差來的。〔光普云〕兀那該房吏典。這廝悞了多少時假限。該甚罪。〔吏典云〕悞

了一日杖四十。悞了兩日杖八十。悞了三日處斬。這廝悞了半月假限也。〔光普云〕既然如此。收

了所送文書。左右人推轉這廝斬了者。〔祇候云〕理會的。〔做拿正末科〕〔正末云〕大人爺爺。有

你哥哥的信。我帶着哩。〔光普云〕帶着甚麼。左右拿回來。〔正末云〕聽小人說一編者。〔唱〕

〔上小樓〕有你哥哥信息。小人堦前分細。快快疾疾。端端的訴說真實。〔光

普云〕你說我聽。若說的是呵。萬事罷論。說的不是呵。必不輕恕。〔正末唱〕若趙元說的來差之

毫釐。情願便命歸泉世。〔光普云〕你在那裡見俺哥哥來。有幾箇人跟隨。你說一編。我試聽者。

〔正末云〕小人在於酒店中相遇着來。〔唱〕

〔么〕一行三箇人。殷勤勸一杯。不承望少下酒錢。店主人家唱叫揚疾。〔光普云〕

你可怎麼勸來。〔正末唱〕我替還了二百錢。別無思議。因此上認爲兄弟。〔光普云〕你

從頭至尾。你慢慢的說一遍。〔正末云〕小人申解文書。來到草橋店酒肆中。見三箇秀才吃酒。無錢還他。被店主人炒鬧要錢。小人替還了。那三箇秀才。問我姓氏名誰。小人道姓趙。他道我也姓趙。他認義我做兄弟。我拜他做哥哥。因此上修了一封書。他道是大人的哥哥哩。若見了我的書信。你必然不死也。〔光普云〕書信在那裡。將來我看。〔正末舒臂膊科〕〔云〕兀的不是。因途路中無紙。就寫在臂膊上了。〔光普云〕左右與我扶起來者。〔祇候云〕扶起來了。〔光普看科〕〔云〕左右人一壁廂將朝衣來。〔祇候云〕理會的。兀的不是朝衣。〔光普云〕扶起來。着穿朝衣。交椅上坐着。早知御弟前來。只合遠接。接待不着。勿令見罪。〔正末驚科〕〔云〕兀的不誑殺我也。〔唱〕

〔十二月〕納我在交椅上坐地。拿着我手脚身軀。地鋪着繡褥。香噴着金猊。喚大夫是甚脈息。則我這病眼難醫。〔光普云〕小官不是也。〔正末唱〕

〔堯民歌〕幾曾見悲田院土地拜鍾馗。判官當廳問牙樵。神針法灸那般疾。恰便似藍采和舞不迭看花回。冷笑微微。吾皇勅賜的判斷開封位。〔光普云〕御弟你聽者。聖人命加你爲東京府尹。即今走馬到任。一壁廂便造文書。〔正末云〕教我做東京府尹。那衙門裡有酒麼。〔光普云〕你則要吃酒。則今日便索長行也。〔正末唱〕

〔耍孩兒〕不會做官。看取傍州例。五刑文書整理。便蕭曹律令不曾習。有檔案

分令吏支持。沒酒的休入衙門裡。除睡人間總不知。無繫繫。問甚從人司吏。吃了後回席。〔光普云〕你今日將着文書。到於東京衙門裡開罷。那其間自有意思也。〔正末唱〕

〔二煞〕飲酒如李太白。糊突似包待制。喚我做沒底餅。普天下人皆識。青雲有路終須到。好酒無名誓不歸。每日價醺醺醉。管甚麼三推六問。不如那百盞充席。〔光普云〕你則今日便索長行。東京赴任去。〔正末唱〕

〔尾聲〕問甚麼秋泉竹葉青。九醞荷葉杯。不揀你與我滄浪水。也強似忍風雪。飢寒半路裡。〔下〕〔光普云〕此人去了也。誰想此人酒務中。遇見上皇。就臂膊上寫了花押。認爲兄弟。加爲東京府尹。走馬到任。聖人若回家。別有加官。今日無甚事。左右將馬來。且回私宅中去。來。聖人酒店逢知己。加做東京府尹官。〔下〕

第四折

〔外扮字老淨扮府尹掾旦同上〕〔字老云〕月過十五光明少。人過中年萬事休。老漢乃劉二公是也。自從我這女孩兒。問趙元討了休書。招下本處臧府尹。將趙元着他解送文書於上京。悞了一日杖四十。悞了兩日杖八十。悞了三日處斬。不期此人到京。見了大人。將他違限之罪。盡行饒了。不知他有甚麼才能。奉大人命。就除爲東京府尹。走馬到任。有恩報恩。有仇報仇。你兩箇孩兒。

怎生便做箇計較。〔搽旦云〕他做了官送人事來與我。〔李老云〕臧府尹。你可怎麼說。〔淨云〕父親有甚麼話說。當初我強要他媳婦。指望要害了他。今日做了府尹。我便緣豆皮兒請退。媳婦也還他。我受死去罷。〔搽旦云〕他做了官。我便是夫人了。想我這等貞烈。天下少有。〔淨云〕正是那家有賢妻。〔李老云〕孩兒等他來時。咱三口兒牽羊擔酒慶賀他。就陪話。咱且回房中去來。〔同下〕〔駕同趙光普石守信上〕〔駕云〕寡人乃趙官家是也。自從寡人同楚昭輔石守信三人。扮爲白衣秀士。隨處私行。到草橋店。紛紛揚揚下着大雪。到於店中飲酒。不期東京有一人。姓趙是趙元。也到店中飲酒。寡人帶酒與同二人欲要起身。被店主人家扯住。問寡人索要酒錢。無的還他。趙元替寡人還了二百文長錢。問其故。此人言說。有丈人丈母很毒。妻兒乖劣。私通本處府尹。強要了休書。着他中送文書於上京。寡人得知其情由。就袖中取出斑管霜毫筆。就在趙元臂膊上寫了兩行字。畫了花押。趙普原無見了。饒了他一命。就加此人爲東京府尹。走馬赴任。寡人還京。再宣此人見一面。已差楚昭輔宣他去了。又差人去東京拿他丈人丈母并妻和本處府尹。寡人決斷明白。這早晚敢待來也。〔正末隨楚昭輔上〕〔楚云〕趙大人。今日主公宣喚。須索行動些。左右人擺開頭搭。排列齊整者。便見聖人。走一遭去。〔正末云〕大人煞是勞動也。〔唱〕

〔雙調新水令〕要甚麼兩行祇從鬧交參。怎如馬頭前酒餅十擔。這紗幮頭直

紫欄。怎如白纏帶。舊紬衫。又不曾闊論高談。休想我做官濫。〔楚云〕趙大人。今日見了主公。自有重賞加官。還入東京爲府尹。相公意下如何。〔正末云〕大人。我去不的也。〔楚云〕如何去不的。〔正末唱〕

〔喬牌兒〕這言語沒掂三。可知水深把杖兒探。對君王休把平人陷。趙元酒性淹。〔楚云〕相公。可早來到也。我先見聖人去。〔做見科〕〔駕云〕楚昭輔。趙元來了麼。〔楚云〕來了也。

〔駕云〕着他過來。〔楚云〕理會的。相公。主人有宣。把體面者。〔正末云〕理會的。〔見科〕〔正末云〕陛下萬歲萬歲萬萬歲。〔駕云〕趙元。你認的寡人麼。那草橋店多承你美意。寡人今宣你來加官賜賞。你意下如何。〔正末云〕陛下。臣做不的官。〔駕云〕可是爲何。〔正末唱〕

〔甜水令〕臣一心不戀高官。不圖富貴。休將人賺。這煩惱怎生擔。〔駕云〕寡人與你修蓋宅舍。建立廳堂。〔正末唱〕也不索建立廳堂。修蓋宅舍。粧鑾堆嵌。不如我住草舍茅庵。〔云〕陛下。臣不做官。〔駕云〕你怎生不做官。〔正末唱〕

〔折桂令〕我怕的是鬧垓垓虎窟龍潭。原來這龍有風雲。虎有山岩。玉殿金塔。龍爭虎鬪。惹起奸讒。朝野裡誰人似俺。衡萱懂愚濁癡憨。語語喃喃。崢嶸蟻蟻。早難道宰相王侯。倒不如李四張三。〔駕云〕寡人加你爲大官。受用到老。有何不可。〔正

末唱

〔七弟兄〕微臣怎敢把大官參。我則知苦澀酸渾淡。清光滑辣任迷貪。下民易虐何曾濫。〔駕云〕寡人欲要封你爲官。爲何推托。必有主意也。〔正末唱〕

〔梅花酒〕呀。微臣最小膽。則待逐日醺酣。聖主台鑑。休兩兩三三。也不做明廉共按察。伯子共公男。自羞慚。官高後不心甘。祿重也自貪婪。〔駕云〕明廉按察。你又不做。似這等。你待做甚麼官好。〔正末唱〕

〔收江南〕我汴梁城則做酒都監。自斟自舞自清談。無煩無惱口勞藍。是非處沒俺。這玉堂食怎如我瓮頭甘。〔駕云〕趙元。你要見你那仇人麼。〔正末云〕陛下。臣可知要

見他。〔駕云〕近御人與我拿將東京府尹和趙元丈人丈母并妻劉月仙來者。〔楚云〕理會的。一行過去當面。〔做拿李老卜兒搽旦淨跪科〕〔駕云〕兀那厮。你知罪麼。〔淨云〕陛下。小臣不知罪。

〔駕云〕你爲何強娶平人妻女。〔淨云〕小臣並然不敢。他強招臣爲婿來。〔駕云〕這厮好無禮也。〔正末唱〕

〔鴈兒落〕姜太公顛倒敢。魯義姑心中鑑。倚官府要了手模。你今日遭坑陷。〔得勝令〕却不道風月擔兒擔。早難道蜻蜓把太山撼。你往日忒餘濫。今番刀

下斬。忍不住揪擣風雪裡將人賺。說得臉如藍。索休書却大膽。〔駕云〕住住住。您一行人聽寡人下斷。則爲這劉二公不識親疎。將女壻趕的別居。你妻更心生乖劣。很毒心不辨賢愚。月仙女心懷歹意。誇伶俐索討休書。悞限次苦遭責斷。實指望一命身卒。趙元苦懃懃不辭風雨路迢迢不避崎嶇。草橋店忽逢聖主。赦罪犯半點全無。趙元加你爲府尹。賜綵段羅綺眞珠。劉二公兩口兒罰同免罪。與趙元不可同居。月仙女杖斷一百。因變亂敗壞風俗。減府尹貪淫壞法。依律令迭配流徙。今日箇恩仇分別。一齊的萬歲山呼。

題目 丈人丈母很心腸 司公倚勢要紅粧

正名 雪裡公人大報冤 好酒趙元遇上皇

于小穀本錄校丁巳六月初七日清常道人

宋上皇御斷金鳳釵

元鄭廷玉

楔子

〔正末同旦傑兒上〕〔云〕小生姓趙名鶚字天翼。鄭州人也。嫡親的三口兒家屬。大嫂李氏。孩兒福童。年七歲也。去歲擯過卷子。小生造物低。閉了選場。在狀元店中修書。書趙校改習一年。今年春榜動。却去應舉去。在這店中住了許多時。房錢都少下他的。可怎生是好。〔店小二上叫門科〕〔云〕開門來。〔旦云〕我開了這門。哥哥做甚麼。〔店小二云〕秀才。看你這等也不能發跡。嫂嫂。你問他要紙休書。揀着那官員大戶財主。別嫁一箇。我與你做媒人。〔旦云〕哥哥。我心裡也是這般說。趙鶚。你聽的麼。小二哥要房宿飯錢哩。我將甚麼與他。你則是不肯上朝求官應舉去。得了官。我便是夫人哩。〔傑兒云〕爹爹。我肚裡飢了也。〔旦云〕你也養活不的我。將休書來。〔店小二云〕將房錢來。〔正末云〕我則今日求官應舉去。我爲官。你便夫人哩。〔旦云〕我等着夫人哩。〔店小二云〕秀才。你若得了官。我便準備着果盒酒兒。與你掛紅。〔正末云〕我若不得官。我也不回來。〔唱〕

〔賞花時〕守着這三尺螢窗十數春。便待要千丈龍門一跳身。既生長在人倫。狗也有三升糠分。况道是我爲人。

〔么〕我不信男兒一世貧。你休忘了夫妻百夜恩。我理會卿相出寒門。你準備做夫人縣君。食列鼎。臥重裯。〔下〕〔店小二云〕如何。不是妬發他。他不肯應舉去。〔旦云〕秀才去了也。我眼觀旌節旗。耳聽好消息。〔同下〕

第一折

〔店小二同上科〕〔店小二云〕我恰纔街市去來。說道趙秀才得了頭名狀元。做了官也。俺家裡別無甚值錢物件。止有俺媳婦穿的一條裙子。我當一餅兒酒。去那朝門外等着。與他慶賀去者。〔下〕〔旦云〕今日誰想俺秀才真箇得官也。我引着孩兒看那秀才。走一遭去。〔下〕〔殿頭官上〕〔云〕龍樓鳳閣九重城。新築沙堤宰相行。我貴我榮君莫羨。十年前是一書生。小官殿頭官是也。奉大人的命。今春有箇頭名狀元。姓趙名鶚。字天翼。早朝失儀落簡。奉聖人命。削了他靴笏。趕出去爲庶民百姓。左右的。你與我喚將趙鶚來者。〔正末上〕〔云〕小生趙鶚。一舉狀元及第。在丹墀內謝恩。不想失儀落簡。今日在待漏院聽候。大人呼喚。不知爲何。須索走一遭去。〔唱〕

〔仙呂點絳脣〕到冬來風雪柴扉。到春來破窗雨細。琴書濕。似這般忍冷擔飢。我子索長受妻兒氣。

〔混江龍〕早子輪來到游街三日。不枉了寒窗十載苦攻習。頭直上打一輪皂

蓋馬頭前列兩行朱衣。憑着我七步才。

原無才字今按文義及句法增

爲及第策。五言詩作上天梯。

今日纔得文章濟。我如今脫白換綠。掛紫穿緋。

〔云〕可早來到也。我見大人去。張千報

復去。道狀元來了也。〔報科〕〔殿云〕着他過來。〔張千云〕理會的。着你過去哩。〔正末見科〕〔殿

云〕爲你早間謝恩。失儀落簡。聖人的命。着你納下靴笏欄袍。爲民家去。本是寒儒。怎消得官祿。

出去罷。〔正末云〕我好福薄也呵。〔唱〕

〔油葫蘆〕他道我元是寒門一布衣。我怎生消受得。投至的十年身到鳳凰池。

知他磨了幾錠烏龍墨。知他壞了多少霜毫筆。不付能恰做官。沒揣的罷了職。

若是白衣回到俺家鄉內。怎見我同學業。衆相知。〔云〕教人道趙鶚得了官。可怎生又

剝落了。〔唱〕

〔天下樂〕我可甚金榜無名誓不歸。爭奈文齊福不齊。學了二十年。子得半雲

兒享富貴。觀功名筭指般休。看榮華眨眼般疾。更疾如南柯一夢裡。〔殿云〕兀那

趙鶚。爲你失儀落簡。本當見罪。聖人見你文章。饒你死罪。原籍爲民。你聽者。文章冠世中高魁。爭

奈文齊福不齊。纔蒙雨露剝官職。依舊中原一布衣。〔下〕〔正末云〕我出的這朝門來。怎教我不

煩惱。哎趙鶚也。你好命蹇福薄。付能得了官謝恩。又失儀落簡。則是我命窮不合做官。〔唱〕

〔那吒令〕似這般發志氣如管寧割席。我看書如匡衡鑿壁。我受貧如韓信乞食。我想這小人儒兒曹輩。那一箇肯見賢思齊。〔云〕小生命只恁般苦也。〔唱〕

〔鵲踏枝〕恰脫下紫羅衣。又穿上舊羅衣。遠遠而來。却不快快而歸。好一似江淹夢筆。〔云〕我到家中。渾家問道。你得官也。〔唱〕我滴溜着一箇休妻。

〔寄生草〕普天下習儒士。學業的。七品八品。指望功名遂。千人萬人都想詩書濟。十番九番。不得文章力。從盤古王沒一箇富書生。知他孔夫子。有多少窮徒弟。〔云〕我且回店中去。〔店小二攜酒上〕〔云〕自家店小二。聽的趙秀才得了官。我把媳婦裙兒當

了一餅酒。等着與他遞一盃。〔正末云〕我來了也。〔店小二云〕你喜也得了官也。〔正末云〕一言難盡。我中了狀元。恰纔謝恩。當殿失儀落簡。把我簇下。待把我賜死。道我好文章。枉可惜了。免了我死。納下笏靴襪袍。剝削了官。爲民了。〔店小二云〕我家裡沒甚麼。把俺媳婦裙兒。當了一餅酒。慶賀你。如今又不得官。可怎了。還房錢來。〔正末云〕這房錢又問我要。如之奈何。〔唱〕

〔金盞兒〕你道你典了滿身衣。我攪了一身虧。想我那虛名枉上登科記。〔云〕小二哥。你好喬聽的得了官。就買酒相賀。聽的剝落官職。就索要房錢。〔唱〕你却便攀高接貴。教我笑。店都知。我得官也。相慶相賀。剝落也不追隨。正是世情看冷煖。人面逐

高低〔旦引僕兒上〕〔云〕聽的趙鶚得了官也。我試看去則箇〔做見科〕〔云〕趙鶚得了官也。〔正

末不言科〕〔旦云〕怎生不言語。可是及第也不曾及第。〔正末唱〕

〔醉中天〕你道我及第也不及第。我待支持怎支持。你可不觀見容顏便得知。有甚麼不解其中意。他覷了我窮身分。說箇甚的。又沒有金冠霞帔。則着怎支吾那一紙休離。〔旦云〕你這等模樣。還不與我休書。快將休書來。〔僕兒云〕爹爹。我肚裡飢了也。我也不跟你了。〔店小二云〕還我房錢來。〔正末唱〕

〔後庭花〕若是榮華後醜婦隨。飢寒後親子離。我且不問嫌夫窘。桑新婦。我則打這恨爹窮。忤逆賊。則要各東西。不肯一家一計。水藉魚。魚藉水。〔旦云〕你不投託箇人。討些衣食。怎生度日。〔正末唱〕

〔金盞兒〕如今等討人衣。似剝了身上一張皮。誰想四海之內皆兄弟。兼朝廷中舉枉錯諸直。指雲中鴈爲膳饌。撈水底月覓衣食。如投呂先生訪故友。似尋吳文政。擲相知。〔云〕店小二哥。你不知那貢院裡試官。他則是寄着我那狀元哩。我在狀元店中

修書。書趙校改習

等來年依舊應舉。若得了官呵。那其間還你房錢。〔店小二云〕若是這等呵。紙墨筆硯我全管。〔旦云〕眼下無用度。怎生是了。〔正末云〕你子母休熬煎。我到來朝一日。向周橋上題

筆賣詩。若賣得些錢。養活你。若賣不的。再做計較。〔旦云〕這等說也使的。〔正末唱〕

〔賺煞〕我但賣得二文錢。糴得一升米。穀養活孩兒共你。憑着我端硯文章紙。墨筆吃的是淡飯黃齏。我掛招牌指萬物爲題。寫着道吟詩囊中占了第一。更寫着曾丹墀立地。在金門出人。教人道窮書生猶自說兵機。〔下〕〔旦云〕小二哥。只是多累你。明日趙鵝但賣的些小錢鈔。先還你房錢。〔店小二云〕嫂嫂。咱且回店中去來。〔同下〕

第二折

〔正末上〕〔云〕小生趙鵝。來到這周橋上。來來往往。人稠物穰。不知其數。向這裡賣詩。賣得些錢。與俺渾家盤纏。俺渾家便無言語。若是賣不的詩。覓不的錢。俺渾家那一場熬煎。怎支吾也呵。

〔唱〕

〔中呂粉蝶兒〕偏別人平步青霄。輪到我背翻身禹門一跳。好下番的疾靴笏。欄袍立丹墀。未呼噪。恰待揚塵舞蹈。謝君恩展脚舒腰。諕的我手和脚不知顛倒。

〔醉春風〕投至二十載苦功名。却不想半霎剝落了。則那求官應舉世間多。及第的少。少似我這糞土之牆。斗筭之器。枉讀了聖賢之道。〔云〕我來到周橋上。看有

甚麼人來買詩。〔外扮秀士上〕〔云〕黃卷青燈一腐儒。九經三史腹中居。學而第一須當記。養子休教不讀書。小生姓劉。雙名彥實。幼習儒業。聽知周橋上有一人賣詩。我拿着二百錢。買詩一遭。兀的不是賣詩的秀才。〔做見科〕〔正末云〕支揖秀才。你要買詩。〔外云〕只怕你無有才學。〔正末唱〕

〔紅繡鞋〕雖不達周公禮樂。雖不及子夏文學。尋思來惟有看書高。放着花箋紙。端溪硯。烏龍墨。紫霜毫。窮不的卓兒出四寶。〔外云〕我買你的詩。要多少錢一首。〔正末云〕要二百錢一首。〔外云〕我與你二百錢。〔正末云〕指甚麼爲題。〔外云〕指秀才爲題。〔正末題詩云〕天子重英豪。文章教爾曹。萬般皆下品。惟有讀書高。〔唱〕

〔迎仙客〕寫染得無褒彈。吟詠的忒風騷。眞眞字兒不帶草。又不曾倒了平仄。差了韻脚。又不似賣春豆秋糕。又索甚學歌叫。〔外云〕秀才是寫得好。後會有期。我回去也。〔下〕〔孤扮張天覺上〕〔云〕小生姓張名天覺字商英。自中甲第以來。累蒙擢用。謝聖恩可憐。除授諫議大夫之職。今因汴梁城中百姓。往往不遵守法度。老夫今日街市上閑行者。〔邦老上〕殺人放火爲活計。好闊偏爭欺負人。某行不更名。坐不改姓。本處人氏。姓李名虎。別無甚營生。見周橋上那箇老兒。是箇壯家。我問他詐幾貫錢鈔者。〔做相攬科〕〔邦云〕唱喏哩。〔孤云〕還

禮哩。〔邦揪住孤科〕〔云〕你今日在這裡撞見我。借了我二百。怎不還我。〔孤云〕哥哥。老夫是箇莊農。纔入城來。撞着哥哥。休怪。〔邦云〕你借了我二百錢。你不還我。我和你跳河去。〔孤云〕哥哥。我不少你錢。敢錯認了也。〔邦云〕你借了我二百錢。不還乾罷了。我和你跳河去。〔做扯孤跳河科〕〔孤云〕住住。哥哥饒老漢者。怎生便扯老漢跳河。人命關天關地。要錢。我借二百錢與你。〔邦云〕我只要你還我錢。〔孤云〕老夫偌大年紀。怎生得箇過往人。相勸一勸。可也好也。〔正末云〕付能有這買詩的人。他們又在這裡爭鬧。我與你勸開去者。〔唱〕

〔石榴花〕則見壓肩疊脊相簇一周遭。勸着的不睬半分毫。那厮恹恹懨懨。揮天霍地怒難消。〔云〕支揖哥哥。你休鬧罷。〔邦云〕他少我二百錢。不還我。我和他跳河去。〔正末唱〕越見人勸着。越逞粗豪。〔孤云〕哥哥。你放了老漢。借些錢與哥哥便了。〔做見正末云〕支揖哥哥。多虧你相勸。老漢見你有二百長錢。怎生借與老漢。還了那人去。我一本一利交還。我撞着惡人也無奈何了。〔邦云〕你少我錢還胡賴。〔正末唱〕哎。你箇孟嘗君。自養着家中哨。〔孤云〕哥哥貴姓。〔邦云〕我是李虎。〔正末唱〕你正是晏平仲。善與人交。走函關不肯學。鷄叫。沒錢呵扯着他跳周橋。

〔鬪鵲〕則這是養劍客臨危。報答你田文下梢。勸你箇李密休慌。請你箇伯

當放了。(邦云)這錢不還。我更待乾罷。(正末唱)哎。你箇謁魯肅周瑜好躁暴。惡歆歆。攢住繫腰。待不勸是自己。惺惺待勸呵。是他家惱了。(孤云)哥哥。借錢與老漢罷。(正末云)你爲甚麼這般上緊也。(孤云)我遇着惡人魔。(正末云)小生止有二百錢。老兄要時。拿將去。小生有箇比喻。(孤云)欲將何比。(正末唱)

〔普天樂〕你遇着惡人魔。我值着窮星照。(云)不爭你借了二百錢呵。(唱)我忍飢在今日。受餓到明朝。(孤云)哥哥。見義不爲無勇也。(正末唱)怕不待見義爲。爭奈爲家私薄。(孤云)君子周人之急。你借與我罷。(正末唱)君子周急。我須知道。爭奈龐居士。在陋巷簞瓢。(云)君子周人之急。我則這二百錢。你將去。(孤云)謝了哥哥。兀那哥哥。這二百錢你拿去。(邦云)你還了我這錢。你休怪。我吃酒去也。(下)(孤云)多謝哥哥救我。(正末云)你借了這錢去呵。(唱)愁悶殺小生。煩惱殺幼子。凍餓殺多嬌。(云)君子周人之急。我借與你錢。你在那裡居住。對小生說者。(孤云)哥哥恕罪。多虧了你也。借與我錢。救我一命。你放心。老漢下處在周橋住。南高門樓裡張商英宅子裡。老夫一本一利還你。哥哥。你在那裡住。(正末云)小生姓趙名鶚。在狀元店裡安下。(孤云)你敢是失儀落簡的。(正末云)然也。(孤云)老夫心中記著。則去狀元店裡尋趙鶚秀才。送還他錢鈔。哥哥恕罪。我還家中去也。正遇着無徒之輩。謝趙鶚借

錢惠濟到來年赴舉登科。那其間報恩報義〔下〕〔旦引倅兒同店小二上〕〔店小二云〕嫂嫂。我聽的趙秀才賣了二百長錢。我和你討去。〔旦云〕咱去來。〔做見正末科〕〔旦云〕秀才。人說你賣了二百文錢。〔正末云〕我恰賣了二百文錢。見一箇方頭不律的人。欺負一箇年老的。要扯他跳河。問他要二百文錢。有這錢便饒他。無這錢便跳河。因救人一命。我借與他了。他明日本利還我。〔旦罵云〕呸。窮弟子孩兒。你也纔叫化的二百錢。你又放債。晚飯也無有。俺吃甚麼。你教別人一命。不知誰教你一命哩。〔倅兒云〕爹爹。我要吃燒餅。〔正末唱〕

〔滿庭芳〕我若是無錢索討。〔旦云〕有了錢。不糴米。不買柴。却與別人使。〔正末唱〕你待糴下米吃。買下柴燒。大齋時合着空鍋竈。水米也不曾湯著。休道是軟弱妻小。便是鐵石。餓的心焦。渾家且休煩惱。爲甚把二百錢借了。如今人看得眼皮兒薄。〔旦云〕我等你做甚麼。我別嫁人去。〔店小二云〕我替你做媒。〔倅兒云〕爹爹餓殺我也。〔正末唱〕

〔十二月〕一壁廂冤家扯着。一壁廂惡婦搗撓。做兒的不知好歹。做娘的不辨清濁。〔倅兒云〕爹爹。買箇饅頭麵糕我吃。〔正末唱〕百忙裡要饅頭麵糕。枉把你五臟神虛邀。

〔堯民歌〕大古是家富小兒嬌。我則愁腌日月。沒柴沒米怎生熬。覓不的粗衣淡飯且淹消。窮秀才工課覓分毫。青霄仰面看着高。却不有路終須到。〔旦云〕你養活不的我。寫與我一紙休書。我別嫁人去。〔正末云〕等我到家。與你休書。〔唱〕

〔耍孩兒〕動不動拍着手當街裡叫。你想着幾場兒。厮守的白頭到老。〔旦云〕你這等乞窮儉相。幾時得長進。〔正末唱〕你道我乞窮儉相。命分薄。〔傑兒云〕爹爹。你也顧不的我。〔正末唱〕把這小冤家。情理難饒。我待打呵。教人道管不的惡婦欺親子。教人道近不的瓜兒揉馬包。常言道當家人疾老。近火的燒焦。

〔三煞〕餓的我肚皮中如火燒。走的我渾身上似水澆。三魂兒未曾着軀殼。驚慌回去心尤跳。我可甚買賣歸來汗未消。則聽的高聲叫。又道。拿住秀才。嶮說殺多嬌。〔旦云〕我這十日九頓餓。跟你做甚麼。〔正末唱〕

〔二煞〕你道十日欠九日飢。三頓無一頓飽。〔旦云〕想當初造物原本有脫字嫁你這窮厮。〔正末唱〕當日嫁這窮書生。你是樂者爲之樂。有錢時歡喜無錢叫。却不道貧不憂愁富不驕。則爲我不主才天教報。救人急是就寒之木。順人情是忍餓之苗。〔店小二云〕嫂嫂。俺回家中去罷。〔正末云〕我尋那債主去。〔唱〕

〔煞尾〕向千步廊等他不來。五鳳樓覓不着。望九重宮裡無消耗。乾將我二百青蚨落空了。〔下〕〔旦云〕小二哥。咱回家去來。〔同下〕

第三折

〔楊衙內領祇候上〕〔云〕花花太歲爲第一。浪子喪門世無對。堦下小民聞吾怕。則我是勢力並行的楊衙內。小官姓楊名戡字茂卿。官封衙內之職。我是累代簪纓之子。我嫌官小不做。嫌馬瘦不騎。時遇春天。萬花綻拆。綠楊如烟。郊外踏青賞玩。春盛擔子都出去了。張千喚六兒來者。〔張千云〕六兒。相公呼喚你哩。〔六兒上〕〔云〕自家楊衙內六兒的便是。相公要郊外踏青賞玩。我春盛都准備了。相公呼喚。不知有何事。見相公走一遭去。〔做見科〕〔云〕相公呼喚六兒有何事。〔楊云〕六兒來了。別的春盛都出去了。你與我將着十把銀匙筴。先去城外等着我來。〔六兒云〕相公早些兒來。〔下〕〔楊云〕祇候人與我架着駝兒鷓鴣子。拿着九箭。去郊野外踏青。走一遭去。〔下〕〔孤扮張商英上〕〔云〕誦詩知國政。講易見天心。我筆題忠孝字。劍斬不平人。老夫姓張名商英字天覺。因老夫數日前私行至周橋。撞見無徒賊子。問我要錢。遇着趙鶚秀才。借了二百錢。與了那無徒。今老夫將這金釵十隻還他。張千。你拿到狀元店裡。交與趙鶚秀才。還他那二百錢。孩兒。你在意者。疾去早來。〔張千云〕理會的。老相公借了錢二百。還他十隻金釵。忒多了。〔孤云〕

孩兒。你知道他運不通。時間貧困。賣詩詞待時守分。我送金釵費發寒儒。顯的我言而有信。〔下〕

〔張千云〕奉着老相公言語。將着十隻金釵。直至狀元店裡。送與趙秀才去也。〔下〕〔六兒上〕

〔云〕奉楊衙內言語。着我先去城外。等着衙內。我來到城外。天色早哩。我揣着這十把銀匙筭。在這柳陰下。且歇息者。〔六兒睡科〕〔邦扮李虎趕上科〕〔云〕見一箇人。手裡拿着沉點點東西。不知是甚麼。趕到這柳樹下。他在這裡睡着。懷裡揣着十把銀匙筭。我殺了這厮。得了這東西。走走。〔下〕〔楊衙內領祇候上〕〔做行科〕〔祇候云〕大人。不知甚麼人殺了六兒也。〔楊看科〕〔云〕

哎。兀的真箇好。是奇怪也。不知是甚麼人殺了六兒。奪了銀匙筭去了。我出城來。見一人走的慌張。敢是那。說與巡坊的。與我拿將來。報我知道。不問那裡。與我尋將去。〔下〕〔店小二哥旦俵兒同正末上〕〔旦云〕秀才與我休書。我受不的這般窮。〔店小二云〕少了我房錢。不要你頭房裡住。你梢間裡住去。〔正末云〕小二哥。教我梢間裡住。我住去。也是不得已而爲之。〔旦云〕快寫與我休書罷。〔正末云〕大嫂。等到明日不送錢來。與的休書。似這般幾時是我發跡的時也呵。

〔唱〕

〔南呂一枝花〕我當不的春天驟雨淋。受不的夏月斜陽晒。忍不的秋霜寒透屋。住不的冬雪冷書齋。這四季苦好難捱。却不道否極後還生泰。輪到我苦盡

也甘不來。住着破設設壞屋三間。乾受了冷清清寒窗十載。

〔梁州〕我便似簞瓢巷顏回暗宿。却渾如首陽山伯夷清齋。我便似絕糧孔子居陳蔡。餓殺我也口談珠玉。凍殺我也胸捲江淮。昨日失儀在金殿。今日賣詩在長街。見一箇粗豪士。扯住箇英才。我不合鬼擘口審問的明白。我遇着龐居士。與了二百青蚨。合着孟嘗君養三千劍客。撞着賽元達列十二金釵。我想來不該。情知這范丹。怎放來生債。利又不見。本又不在。乾與別人救禍災。好教我無語支劃。〔店小二云〕快還我房錢來。〔旦云〕寫休書來。〔店小二云〕嫂子。問他要休書。別嫁人。

我與你做媒。〔俚兒云〕我要吃燒餅。〔旦云〕快寫休書來。〔正末云〕我到天明。寫與你休書。〔張千上〕〔云〕自家張千。奉着相公鈞旨。着我送十隻金釵與趙秀才。來到這店門首。我叫門者。店小二開門來。〔店小二云〕那一箇叫門。〔張千云〕你這裡有箇趙秀才麼。〔店小二云〕你問他做甚麼。〔張千云〕我奉相公言語。着我來還債哩。〔店小二云〕我開這門。〔張千做入門科〕〔店小二云〕秀才。有人來還債哩。〔張千云〕那箇是趙秀才。〔正末云〕則小生便是。〔張千云〕你是那周橋下借與大人二百錢的趙秀才麼。〔正末云〕則小生便是。〔張千云〕俺相公的言語。借了你二百長錢。送與你十隻金釵。兀的收了者。〔正末唱〕

〔隔尾〕我借與他錢呵。搭救出它招賢納士東洋海。他還我錢呵。却是拔出這
棄子休妻大會垓。〔張千云〕你收了金釵者。我回大人話去。〔正末云〕生受大哥。〔店小二云〕吃
了茶去。〔張千云〕不必吃茶了。〔下〕〔旦云〕我收了金釵者。〔正末唱〕除今後。除了家私繳纏
外。拴衣做鞋。羅米買柴。〔旦云〕我也要置些衣服哩。〔正末唱〕妻也你休逢着的商量
見了的買。〔正末云〕將一隻金釵與店小二哥做房錢。小二哥在那裡。〔店小二云〕哥哥。你喚我
怎的。〔正末云〕方纔大人還了我十隻金釵。我與你一隻做房錢。〔店小二接科〕〔云〕我道你不
是受貧的人。我還打掙頭間房你安下。我看茶與你吃。你便搬過來。〔正末唱〕

〔賀新郎〕觀着這梢房門一似嚇魂臺。你如今悄語低言。早則大驚小怪。我有
錢時。做甚教伊索打火房錢該二百。〔店小二云〕且由他。怕你少了我的。〔正末云〕小二
哥。與你這金釵。〔唱〕我與你火炭也似一隻金釵。〔店小二云〕你是箇知禮的人。你肯失信。
〔正末唱〕我無錢時。他惡歆歆。嗔滿懷。還了錢。喜孜孜笑盈腮。〔店小二云〕小人早晚
言高語低。就待些兒。〔正末唱〕更道是小二哥不是處。權就待。〔店小二云〕多謝了哥哥也。
〔正末唱〕可知欲求天外事。須動世間財。〔店小二云〕嫂子。哥哥這一日不曾吃茶飯哩。我
安排些茶飯來。與哥哥吃。〔旦云〕可知好哩。〔店小二慌下〕〔將茶飯上與旦科〕〔云〕嫂子。我安

排茶飯來了。着哥哥吃些兒。（旦云）生受哥哥來。（店小二云）嫂子說那裡話。俺便是一家一般。嫂子你將過去與哥哥吃。顯的你敬心。（旦云）好好。我將過去。（旦做托飯見正末科）（正末云）大嫂。你做甚麼哩。（旦云）我見秀才不曾吃飯。我着小二哥安排些茶飯來。你吃些兒。（店小二云）哥哥。你用些者。（正末云）好世情也呵。（唱）

（罵玉郎）早遷轉波粗茶淡飯黃齏菜。你暢好能打點。會安排。（旦云）秀才。你肚裡飢吃些兒。（正末唱）便似孟光舉案齊眉待。你可不道窮秀才忒不出財。我須實無奈。（云）你昨日不道來那。（旦云）我道甚麼來。（正末唱）

（感皇恩）你道你杏臉桃腮。不戀這布襖荆釵。你惡如虺蛇。毒如蝮蝎。狠似狼豺。（旦云）你休題舊話。（正末唱）全不想離鄉背井。動不動拽巷擺街。你也忒舌兒尖。嘴兒快。性兒乖。（旦云）是我一時不曉事。休記恨在懷。（正末唱）

（採茶歌）你將我惡搶白。死裁劃。將休書疾快寫將來。（店小二云）哥哥。不記舊惡。哥哥。你且吃些茶飯。（正末唱）將一座冰雪堂翻做敬賓宅也。有春風和氣畫堂開。（店小二云）哥哥。你吃些茶飯兒。（正末吃科）（店小二云）我收拾了。哥哥。你歇息者。（正末云）天道晚了。咱歇息了罷。（小二哥點燈上）（云）哥哥安置了。（下）（邦上云）自家李虎。天色晚了。

無處安歇。且去這狀元店裡尋箇宿去。〔做叫門科〕〔云〕小二哥開門來。尋箇宵宿。〔店小二云〕你有甚麼行貨。你做甚麼營生。有甚麼資本。我不下單客。〔正末云〕小二哥。有人尋宿。你怎麼不開門那。〔店小二云〕哥哥。你不知道俺這開店的事。〔正末唱〕

〔鬪蝦蟆〕問甚將着行貨。做甚買賣。有甚資財。你把行旅招商店開。全沒些寬大。問甚乘船跨海。管甚推車搬轎。店家不下單客。我做保人知在。一更三點左則。千方百計打捱。冷冷清清禁街。潛潛等等門外。道着全然不睬。勸着沒些疾快。休得寧柰。休得停待。一會巡軍朗朗提將鈴來。爲甚教疾把門開。我須是慣曾爲旅偏憐客。〔店小二云〕我看看哥哥面皮。我開開這門。〔邦入門科〕你可不下單客。〔店小二云〕我說則不下單客。〔邦云〕是誰着開門來。〔正末云〕是小生。〔邦云〕多謝了哥哥。〔正末還禮科〕〔唱〕我觀了模樣。觀了面色。七尺身材。我這裡孜孜的看了。轉轉的疑猜。〔背云〕哦。可是早間周橋上扯着那老官要錢的那潑皮。〔邦云〕你說甚麼哩。〔正末云〕大哥。若不是小生叫開門。你大哥怎生得到這店裡宿。大哥。店身裡胡亂睡一夜。請安置。〔正末引旦入房科〕〔邦聽科〕〔云〕我聽他說我甚麼。〔旦云〕這九隻金釵放在那裡。〔正末用手搗旦口科〕〔云〕婆娘家不曉事。這店裡下着箇歹人。子管裡說甚的。〔邦聽科〕〔云〕他有金釵。我再聽者。〔正末云〕

放在那裡的是。我待頭底下枕着睡。也不穩。我待懷裡揣着。也不穩。爭奈店身裡有歹人。不如埋
在門後頭。（做埋科）（邦打望科）（正末云）大嫂夜深了。睡了罷。（做睡科）（邦云）我聽的多時了。

（句末原只有了字
趙校改了作時）

好奇怪。一箇窮秀才。那裡有這九隻金釵。我拿把刀子在手。剜開門棖底下。拿出

這金釵來。換上這十把銀匙筴。有人來搜店呵。則拿將他。不干我事。已得了。扳住牆頭跳過去。走
走。（下）（楊衙內率人衆上）（云）別處都搜了。則有狀元店不曾搜哩。說往這店裡去了。左右

的圍住。（住原闕
今補）

這店者。（祇候喚門科）（店小二云）甚麼人。（店小二開門見科）（楊云）店小二。你

這店裡有甚麼人下。（店小二云）我這裡下着箇秀才。嫡親的三口兒。（楊云）他有甚麼行李。

喚那秀才來。（店小二云）秀才哥。有人叫你哩。（正末慌科）（云）有人喚我。我拿出金釵來。

揣在懷裡。（做見衙內科）（楊云）你是何人。（正末云）小生是箇秀才。（楊云）兀那秀才。你做

甚麼營生買賣。有甚行李。拿出來我看。（正末云）大人。小生是箇窮秀才。無甚麼行李。嫡親的三

口兒。小生每日在周橋上賣詩爲生。昨日早晨一箇官人。被人揪扯着。問小生借了二百文錢。昨

日晚間。那官人着人送了十隻金釵來還。小生一隻還了店小二哥房錢。則有九隻在此。別無甚

麼錢物。（楊云）這厮說借你二百錢。還你十隻金釵。（店小二云）是有。不敢說謊。（楊云）拿那金

釵來我看。（正末云）有有有。我刨出來與大人看。（做刨科）（正末見匙筴驚叫云）呀呀。可怎生

變了也〔唱〕

〔牧羊關〕昨日箇金鳳釵。棗瓢赤。今日箇銀匙筯。雪練也似白。便做道運拙時乖。時來呵鐵也爭光。運去後黃金失色。兀的是誰人撇下把銀匙筯。誰拿了鳳頭釵。俺正是閉門屋裡坐。禍從天上來。〔楊云〕那裡不尋你殺人賊可在這裡。兀那厮你怎生殺了我家六兒。偷了銀匙筯。圖財致命。你實說來。〔正末云〕小生並然不知道。〔楊云〕你不曾殺了俺家六兒。這銀匙筯你怎得來。〔正末云〕大人可憐見。委實是金釵來。〔楊云〕這厮還口強哩。賊已有了。你還不招。等甚麼。左右人洗剝了打着者。〔做打科〕〔正末云〕委實理的是金釵。不知怎麼刨出這東西來。〔店小二云〕怎生變出這箇生活來。〔正末唱〕

〔紅芍藥〕我將那鳳頭釵。親手自培埋。刨出來懷內忙揣。我想那戳包兒賊漢。栽排下不義之財。我正是慈悲。生患害。這一場鬼使神差。替別人濕肉伴乾柴。沒人情官棒好難捱。〔楊云〕不肯招。打着者。〔正末唱〕

〔菩薩梁州〕早是這火公吏又心乖。惡少年好毒害。你不是柳盜跖家吊客。則是這窮秀才家橫禍非災。不知怎生年月日時。我恰纔快早閻王怪。使不着老實終須在。〔旦云〕大人可憐見。〔正末唱〕不濟事。枉分解。休折證。向雲陽死去來。眼

見得命掩泉臺。〔楊云〕不招呵再打。〔打科〕〔正末悲科〕〔云〕則是不合來這狀元店裡下。

〔唱〕

〔二煞〕赤緊的敬客坊。緊靠着迷魂寨。莫不狀元店連着分界牌。多管是鬼門原無門字今增關。春榜動。選場開。莫不住着太歲凶宅。可怎生行一步衝踏着不快。先注定。怎生改。忍冷擔飢十數載。又有這場血光之災。〔云〕我那裡受的這般苦楚。罷罷罷。

是小生。〔楊云〕左右人與我拿將去。等我聖人前奏過。那其間明正典刑。〔旦云〕男兒怎生是好。

〔正末云〕大嫂也。不干別人事。都是我的命也。〔唱〕

〔煞尾〕譬如教天不蓋地。不載。居在人海。枉了食不飽。衣不遮。送了世界。想昨宵吃劍才。人一般好看待。殺人賊你做來。換人賊我捉獲。我則索屈招成致命圖財。兀的不屈殺了賣詩的窮秀才。〔楊云〕殺人賊都有了。小官見聖人走一遭去。〔率衆擁正末五字今補下〕〔店小二云〕苦也。付能得了錢。又拿將去了。嫂嫂。咱兩箇看他去來。〔旦云〕男兒也。則被你痛殺我也。〔同下〕

第四折

〔淨扮銀匠上〕〔云〕自家是箇銀匠。打生活別生巧樣。有人送來的銀半停。把紅銅攪上。自家是

箇銀匠。清早晨開開這鋪兒。看有甚麼人來。〔邦上〕〔云〕自家李虎的便是。自從昨日偷了十把銀匙筋。將狀元店裡九隻金釵換了。我如今沒盤纏使用。我去那銀匠鋪裡倒換些錢盤纏。早來到也。兀那銀匠。我有些東西。倒些錢使。〔銀匠云〕甚麼東西。將來我看。〔邦取金釵科〕〔云〕兀那九隻金釵。〔銀匠云〕將來放下。你轉一轉來取錢。〔邦云〕就與了我罷。〔銀匠云〕鈔不湊手。〔邦云〕也罷。住一住兒來取。〔下〕〔店小二云〕自家店小二。這兩日無盤纏。有趙鶚秀才與我的那一隻金釵。將去銀匠鋪裡換些錢使。〔做見科〕〔銀匠云〕哥做甚麼。〔店小二云〕我有一隻金釵。換些錢使。〔銀匠云〕你將來。〔店小二云〕兀的你看。〔銀匠看科〕〔云〕我這裡也有九隻。和這一隻一般。〔店小二云〕在那裡。我看看。〔銀匠與小二哥看科〕〔云〕兀的你看。是一般麼。〔店小二看云〕是是。則爲這九隻金釵。屈送箇人性命哩。你那裡得來。〔銀匠云〕哥。不是小人的。恰纔一箇人將來。要倒錢。還不會與他錢哩。他便來也。〔店小二云〕等他來。咱兩箇拿那厮。救趙鶚秀才去。你若不拿。我則告你。〔銀匠慌科〕〔云〕干我甚麼事。他便來也。咱同拿那厮去。這早晚敢待來也。你且躲着。〔邦上〕〔云〕討我那金釵錢去。兀那銀匠。還我金釵錢來。〔二人做拿邦科〕〔云〕好也。原來是你偷了金釵。可着平人屈死。地方衆人。拿住這厮綁了。去首救趙鶚秀才去。〔邦云〕是我的。〔店小二云〕你不認。兀那見有一隻證見在這裡。〔邦云〕怎麼了也。〔店小二云〕拿住了殺人賊。

也。俺兩箇搭救趙秀才去來。〔同下〕〔楊衙內上〕〔云〕殺人可恕。情理難當。小官楊衙內。誰想殺了我家六兒。偷了銀匙筋的。是箇趙鸚秀才。被我狀元店裡拿住。問成了也。賊物都有了。我奏知聖人。就着小官爲監斬官。今日立起法場。與我拿出那厮來。〔劊子同卒子綁正末上〕〔劊子云〕行動些。時辰到了。〔正末云〕趙鸚只任命苦蒼天。兀的不冤屈死人也。〔唱〕

〔雙調新水令〕不由人分說口中詞。教我屈招成殺人公事。我則見愁雲迷市井。殺氣滿京師。好教我無語嗟咨。一步步行來到枉死市。〔旦慌上〕〔云〕兀的不是我男兒。哎。嚇男兒也。〔劊子云〕兀那婦人靠後。〔正末云〕哥哥可憐見。這箇是我的渾家。〔劊子云〕兀那秀才。你是讀書的人。怎生做這般勾當。圖財致命也。〔正末云〕哥哥。小生委實冤屈也。〔劊子云〕怎生冤枉着你一箇。〔正末唱〕

〔駐馬聽〕揣與我箇天來大官司。推來到罪若當刑法命子。判着手來大斬字。那裡是死而無怨罪名兒。我想那曹司素狀是辰時。便是那閻王注定黃昏死。〔旦指看的人云〕哥哥們。你靠後。看他怎麼。〔正末云〕大嫂你不知。〔唱〕你道他看的主甚意兒。大古是不曾見玉堂金馬三學士。〔旦云〕秀才。你死了。我怎生是好。〔正末云〕大嫂。我死後。好看當這孩兒。〔唱〕

〔沉醉東風〕沒主了這箇嬌癡小廝。拋閃下軟弱妻兒。有我後把你覷當。沒我後人輕視。誰與你幹辦家私。捱不過今冬下雪時。您兩箇不凍死。多應餓死。〔係兒云〕我打甚麼緊。爹爹我替你死罷。〔正末云〕孩兒年紀小。說出這等言語。教人怎不煩惱。

〔唱〕

〔鴈兒落〕咱人家子不孝是父不慈。咱人家兒忤逆是爺不是。兒呵。我怎肯教你替死休。寧可爺做事。爺當事。〔旦悲科〕〔云〕苦痛殺我也。〔正末唱〕

〔得勝令〕我好可憐見這小孩兒。〔覷旦悲科〕〔唱〕我好不忍見女嬌姿。我命窘遭賢婦。我家貧顯孝子。囑付您尋思。遇節朔年至。我死在陰司。你與我燒些三錢列陌兒紙。〔楊云〕創子。時辰到了未。〔創子云〕時辰到了。〔開枷科〕〔創執刀下手科〕〔孤扮張天

覺上〕〔云〕且留人者。〔楊云〕您做甚麼。〔祇候云〕張大人下馬。〔孤云〕接了馬者。〔見科〕〔楊

云〕相公做甚麼。〔孤云〕衙內這趙秀才爲何罪殺壞了。〔楊云〕爲他殺了我家六兒。偷了我十把銀匙筭。圖財致命。我奏過聖人。着我親爲監斬官。典刑他哩。〔孤云〕老夫奏過聖人。爲趙鶚有文才。又能見義當爲。救人急難。聖人着老夫與他加官賜賞哩。見留人者。〔旦云〕秀才蘇醒者。如今大人來饒了你哩。〔正末唱〕

〔川撥棹〕好幾些兒。幾些兒遭橫死。死在參差。命若懸絲。腦背後立着劊子。長休飯抄了幾匙。永別酒飲了一卮。

〔七弟兄〕自從已時至午時。多不到半炊時。不想這報我恩的大人爲宣使。追我魂的太尉立在堦址。救我命的赦書從天至。

〔梅花酒〕他道是奉着聖旨。我抹泪揉眇。言語如絲。嶽斷頸分尸。料青天不受私。說不盡口中語。〔做看招牌科〕〔唱〕覷了這半張紙。開款着我瑕疵。睜開眼看多時。寫着我罪名兒。壓着五言詩。

〔收江南〕呀。元來這犯由牌上金榜掛名時。不想這狀元店禍有並來時。今日箇枯樹上花有再開時。我則道橫死。原來這病龍須有吐雲時。〔孤云〕教趙秀才近

前來。為你懷材抱德。我奏過聖人。今日將你加官賜賞哩。〔楊云〕住。住。這趙鶚便依着大人饒了他性命。我家六兒的性命。可着誰認。〔孤云〕他是箇有學的秀才。怎肯做這般犯法違條的事。

〔楊云〕大人。你道不是他。十把銀匙筭。在他懷裡搜出來。怎做的不是他。〔孤云〕兀那趙秀才。你是箇窮秀才。我借了你二百文錢。還了你十隻金釵。在那店裡。怎生得這十把銀匙筭來。〔正末云〕大人可憐見。小生家中一貧如洗。大人與了十隻金釵。我給了店家一隻。餘下九隻。〔以上十

字原無

今按文義增補

包裹了無處放。小生下在門樅底下浮埋着。我聽的有人喚我。我慌忙走取出金釵來。揣在懷裡。不想衙內要看。取出來不知甚麼人換上銀匙筋。大人可憐見。本是九九原本編隻金釵十今校正來。〔楊云〕大人如何在他跟前收着。別人怎生換的。〔孤云〕這樁事着老夫怎生斷。〔店小二同銀匠拿邦上〕〔店小二云〕冤屈也。〔孤云〕甚麼人叫冤屈。〔祇候云〕是這兩箇。〔做跪科〕〔店小二云〕大人可憐見。小人不冤屈。趙秀才冤屈。〔孤云〕怎生他冤屈。〔店小二指邦云〕這厮在小人店裡偷換了九隻金釵。換上十把銀匙筋。〔孤云〕你怎生便得知道。〔店小二云〕原是十隻金釵。秀才與了小人一隻做房錢。小人無盤纏。今日拿銀匠鋪裡換錢去。不想正撞見這厮。將九隻金釵也來換錢。小的因此拿住他。〔孤云〕這厮不是那周橋上扯我跳河。騙我錢物的人。〔正末云〕大人正是這厮。兀那厮實說是你來麼。〔邦云〕罷罷罷。事到這裡。大人殺了六兒也是我。偷了銀匙筋也是我。換了金釵也是我。周橋上騙錢也是我。若不饒便哈刺了罷。〔楊云〕知道都是這賊。衆屈殺了趙秀才。秀才請起。當初這厮怎生在周橋上行兇。揪住大人騙賴錢來。你可怎生借與大人這錢來。試說一遍者。〔正末唱〕

〔鴈兒落〕這二百錢是大人行掌命司。〔楊云〕大人還了你十隻金釵也。〔正末唱〕那十隻釵是窮秀才追魂使。〔楊云〕大人借了你二百錢。還了你十隻金釵。本利都有了也。〔正末

唱〕那得早有本錢有利錢。〔云〕臨了也說我圖財致命。着我犯法遭刑也。〔唱〕這的是暗宣賜明宣賜。〔孤云〕趙秀才。當初若不是你借與我二百錢呵。些些兒這厮扯我跳在河裡。〔邦云〕

大人休題這舊話。〔正末唱〕

〔水仙子〕若論着借錢買命跳河時。做的箇毆摔公臣合該受死。〔孤云〕是虧你。〔正末唱〕二百錢窮秀才。倒做龐居士。嶽餓殺我脚頭妻。懷內子。〔孤云〕當初你慨然借與我。並無難色。可是多虧了你。〔正末唱〕那借錢時並不推辭。則是那些兒行止。到如今久而敬之。〔孤云〕我至今不忘也。〔正末唱〕想咱人事要前思。〔孤云〕殺人賊有了一行人。聽我下斷。賊人李虎。將平人圖財致命。市曹中明正典刑。將金釵還與趙鶚秀才。店小二救人屈死之命。免本戶當差。趙鶚你聽者。爲你有星斗文章。堪以身坐翠堂。則爲你扶危救困。遇兇徒解免災殃。不想你遭冤屈圖財致命。些些兒發赴雲陽。則爲你懷才抱德。先賜你霞帔朝章。加你爲開封府尹。三口兒凶變爲祥。今日箇封妻廕子。一齊的荷君恩拜謝吾皇。半夜燈前學業人。九重宮裡受君恩。十年黃卷難酬志。二百青蚨却立身。

題目

窮秀才暗宿狀元店

張商英私地叩御塔

正名

楊太尉屈勘銀匙筋

宋上皇御斷金鳳釵


于小谷本

孤本元明雜劇

金鳳釵

十四

涵芬樓藏版



張子房圮橋進履

原本卷端闕四葉半每半葉十行行十七字

元李文蔚

〔上闕〕等的天色將次晚。趕在人家竈火邊。若是無人撞入去。偷了東西一道煙。盜了這家十疋布。拏了那家五斤綿。爲甚貧道好做賊。皆因也有祖師傳。施主若來請打醮。清心潔淨更誠堅。未曾看經要喫肉。喫的飽了肚兒圓。平生要喫好狗肉。喫了狗肉念真言。不想撞着巡軍過。說我破齋犯戒壞醮筵。衆人將我拏箇住。背綁繩縛都向前。見我不走着棍打。嘴頭上打了七八拳。拏在廳前見大人。大人趙校改官府連忙跪膝在堦前。大人着我說詞因。說詞因趙校改供情實道我敗壞風俗罪名愆。背上打到二百棍。眉毛上打了七八千。大人心裏猶不足。再着這廝頂城輓。被我寧心打一坐。無語悲悲大笑喧。我這般喜孜孜無懽悅。呬呬大笑無語言。衆人齊聲皆都讚。兩邊閑人一發言。道我是箇清閑真道本。說我是箇無憂無慮的散神仙。〔唱〕按此唱與上文並爲喬仙一人之云唱

〔上小樓〕家住在深山曠野。又無有東隣西舍。好喫的是野杏山桃。淡飯黃蘗。竹笋茶葉。俺那裡人煙稀。鳥聲絕。燈消火滅。伴了些樹梢頭曉星殘月。

〔其二〕家住在深山裏頭。好喫的是牛肉羊肉。閑來時打家截盜。剗牆剗

窟盜馬偷牛。槍桿子。大悶棍。鵝卵石頭。這的是俺出家人苦脩爭鬪。

〔其三〕不怕你王法有條。也不怕丹書來召。也不怕晝夜十二箇時辰湧出槍刀。一毒蛇。二大蟲。豺狼當道。也不怕猛獅子狼熊虎豹。

〔其四〕休笑我貪花戀酒。酒裏頭把玄機參透。酒中得道。花裏神仙。自古傳留。煉丹砂。九轉成。通身不漏。直脩的來無生死與天齊壽。〔云〕貧道是這無天之外。有影無形。風裏來。雲裏去。聞不見。摸不着。道號扯虛表字托空是也。今日無甚事。遊山翫水。走一遭去。〔做見正末科〕〔云〕此人乃是張良。忠孝雙全。迷蹤失路。我指與他一條大路者。〔正末云〕這一會兒雪越大了也。又無一箇人來往。不知那裡是人行的大路。雪迷了遍野。可怎生了也。〔正末見虎驚科〕〔云〕兀的不是箇斑斕大蟲。誰人救的我性命也呵。〔喬仙做喚科〕〔云〕張良。你怕麼。你敢迷蹤失路。我是大羅活神仙也。〔正末云〕師父。救小生性命者。〔喬仙云〕你要我救你性命。你可也有緣。我救你。〔正末云〕師父是那一位神仙。〔喬仙云〕你不認的我。我是上八洞神仙。〔正末云〕師父指與我箇正路。又有大蟲攔路。怕傷了我的性命。師父救我的性命者。〔喬仙云〕你要我救你。我有箇曲兒。是朝天子。我臨了那一句。我說你要我救你麼。你說要我救我。我就救你。〔唱〕

〔朝天子〕我是箇道童。道法又不精。在山中閑遊幸。風風傻傻任縱橫。與虎豹狼蟲共。〔云〕你走在山中迷蹤失路。〔唱〕那虎他舞爪張牙。將你來攔定。〔云〕張良你死也。〔唱〕你那魂魄兒添怕恐。那虎將你那骨肉來并行。嚼了你的腿腩。〔云〕張良。你要我救你麼。〔正末云〕可知要師父救我哩。〔喬仙云〕我無手段。也救不的你。張良。〔唱〕我想來你沒來由閑丟命。〔正末云〕師父。可憐見救小生性命者。〔喬仙云〕這箇不是大蟲。是我養熟了的箇小貓兒。又喚做善哥。我如今喚他一聲善哥。他便低耳攢蹄。伏在地。我如今喚他三聲。頭一聲。他便跪在我身邊。叫他第二聲。我便騎在他身上。我叫他第三聲。騰空駕雲而起。〔正末云〕師父有這等手段也。〔喬仙云〕你不信。我喚他一聲善哥。〔虎打喬仙科〕〔喬仙云〕善哥。〔虎又打喬仙科〕〔正末云〕師父。他是箇猛獸。休要逗他也。〔喬仙云〕不妨事。他是我養熟的善哥。〔虎推倒喬仙科〕〔正末云〕師父。你既是神仙呵。怎生教大蟲打倒你。也。〔喬仙云〕不妨事。我養的熟的。〔虎拖喬仙下〕〔外扮太白金星上〕〔云〕蓬萊三島樂清閑。閼苑仙鄉更自然。長赴西池蟠桃會。曾駕祥雲上九天。貧道乃上界太白金星是也。專管人間善惡貴賤忠孝之事。想爲人者善惡由心造也。福者乃善之積也。禍者乃惡之積也。神天蓋不能爲人之禍。亦不能致人之福。但由人之積也。神明鑒之。凡人豈知天神者有陰騭之因。凡爲人臣。要心

存忠孝。長思君王爵祿之恩。父母生身之義。必以忠君爲先。竭力盡心。長懷補報。若是久遠長行。如此之事。天地鑒之。神明護祐。居其富而不失其富。居其貴而不失其貴。不失其富貴。禍不能侵。壽必永矣。此乃可行之事。永保安寧也。坐臥行藏。思所爲。守已存心。可自推常。將一念明天理。自然神聖永扶持。今有一人。乃是張良。此人有盡忠之心。要與韓國報讎。被人所逼。逃災避難。到此山中。雪迷遍野。迷蹤失路。此人有忠烈之心。貧道指與他大道也。〔做喚正末科〕「云」我試喚他一聲。兀那張良。你趲的往那裡去。〔正末唱〕

〔醉扶歸〕我見一箇老叟親來到。〔太白云〕兀那張良。你的性命。實是難逃也。〔正末唱〕他道我性命怎生逃。〔太白云〕便着人拏住張良者。〔正末云〕老尊長救性命者。〔唱〕說的我膽戰心驚魂魄消。〔太白云〕兀那張良。這等風雪。如何不行動些。〔正末唱〕我這裡迷却經塵。〔塵人字之誤〕〔太白云〕你來到俺這裡。你走的往那裡去。〔正末唱〕告你箇老尊長將咱來且饒。〔太白云〕張良。我待救你這一命。你可是如何。〔正末云〕若是救了我的性命呵。〔唱〕久已後將你這救我命的恩臨。〔恩臨趙校改深恩〕〔太白云〕張良。我知道你是張良。不知你是那裡人氏。爲何逃災避難。你實說。我試聽者。〔正末云〕小生姓張名良。字子房。韓國阜城人也。祖父以來。五世韓國拜相。爲秦皇滅了俺韓邦。我發奮報讎。誰想將秦皇擊之不中。如今差人擒拏小生。因

此上逃災避難。老尊長是必搭救小生者。〔太白云〕張良。我問你者。你那祖父以來。韓國受何爵祿。享何榮貴。怎生發奮報讎。你再說一遍者。〔正末唱〕

〔後庭花〕五世在韓邦。衣紫袍。俺端的可使受深恩。享重爵。都則爲嬴政收俺家國。〔云〕誰想擊之不中也。〔唱〕我因此上。我便離鄉可也背井逃。〔太白云〕你再有何所幹。〔正末唱〕我這裡說根苗。我如今迷了他這大道。我向這土坡前膝跪着。可憐見咱命天。衣不遮身上薄。食不能腹內飽。食不能腹內飽。〔太白云〕張良。我說與你。千經萬典。不如忠孝爲先。你既省的。你說。我試聽者。張良。你盡忠可是如何也。〔正末唱〕

〔青哥兒〕盡忠呵。須把這皇恩。皇恩答報。〔太白云〕盡忠呵。可是怎生。〔正末唱〕盡忠呵。想着我哀哀父母劬勞。盡忠呵。也則要竭力侍君王。輔聖朝。敢則要俺動合王道。正直臣僚。祿重官高。傘蓋飄飄。播萬古千秋萬古千秋的把名標。這的是爲臣子行忠孝。〔太白云〕此人果有忠孝之心。張良。你纔所言侍君孝親之道。你既然省的呵。我再說與你。爲臣者必盡其忠。爲子者理當盡孝。若是久遠長行。便是你立身之道。張良。我觀你的容顏。你異日必然拜相封侯也。我一發指引與你立身之事。別處難以安存。直至下邳城去。你若到的那裡。必有教訓你之師。自有立身揚名的去處。不則我來。兀那裡又有一箇來也。〔下〕〔正末〕

末做回身科」〔云〕在那裡呀呀呀。怎生連他也不見了。原來是一位神靈。指引着我下邳城中。逃災避難。自有好人指教。與我立身揚名的事。便索走一遭去。〔唱〕

〔尾聲〕疾便的踐程途。尋俺那下邳的長安道。豈避這路遠山高水迢。又不比蜀道嵯峨山險惡。若是留的我性命堅牢。有一日作臣僚。獨步青霄。方顯男兒志氣高。憑着我滿胸襟踴躍。有一日運通時到。〔云〕異日時運通達呵。〔唱〕你看我便笑談間束帶立於朝。〔下〕

第二折

〔外扮黃石公上〕〔云〕閑遊蓬島跨黃鶴。三千弱水任逍遙。親赴蒼天朝上帝。奉承勅旨下雲霄。貧道濟北穀城山人也。幼年父母雙亡。自立安存。不知其姓。忽遇神師指教。已得成道。山下有一石。其石生而黃色。貧道以石爲姓。乃黃石公是也。受上界冲虛之仙。專管天上人間智關戰敵之事。貧道體太上好生之德。親奉勅旨。爲下方有一人韓國張良。此人忠烈。感動天庭。差貧道降臨凡世。訓教此人。張良非凡。乃上界神仙骨格。貧道將着三卷奇書。乃六義三才定安之術。授與此人。張良久已。後可爲天下關勇正教之師。貧道今朝日當卓午。必遇此人。直至市廛中等候此人。走一遭去。我本是超凡物外仙。親承上帝到人間。若遇立國安邦士。我將這三卷奇書用意傳。

〔下〕〔外扮李長者領行錢上〕〔云〕家緣累積祖流傳。孽畜田苗廣地園。長幼循循通禮義。子孫永享福綿綿。小生姓李名仁字思中。本貫下邳人氏。自幼攻書。長而頗通經史。承祖父之蔭。所以積家財萬貫有餘。小生每與遊學名儒。常時談論。近日聞有一人。姓張名良字子房。韓國阜城人也。因秦嬴政之讎。發奮以以原作所趙校改報。不想不中其計。逃難在俺下邳。此人心存忠孝。腹隱英華。常思報國之念。亦無倦怠之心。小生常與此人談論。賢士之才。似東海之水。淵深難測。有虹霓之志。接華嶽而高。詞翰文章。似浩天之星宿。凌雲之志。氣冲斗牛。爭奈時運未通。我欲齎發賢士。進取功名。誠恐賢士有疑怪之心。時遇三月融和天氣。如今請賢士來。飲數杯酒。將微言探問他。賢士若肯呵。小生奉衣服鞍馬。齎發他登程去。行錢。與我請將賢士來者。〔行錢云〕理會的。〔做請科〕

〔云〕賢士有請。〔正末上〕〔云〕小生張良。自與韓國報讎。不中其計。離了家鄉。避難在此下邳。可早數年光景也。此處有一長者。姓李名仁字思中。是一巨富的財主。小生寄食在他宅中。每日相待。並無怠慢之心。此恩何日得報。長者恰纔令人來請。不知有甚事。須索走一遭去。張良也。幾時是你那顯耀的時節也。〔唱〕

〔南呂〕一枝花我本是一箇賢門將相才。逃難在他鄉外。空學的滿腹中錦繡文。天也則我這腹內恨幾時開。憂的我鬢髮斑白。甘貧賤。權寧奈兀的不屈沉。

殺年少客。不能穀揭天關。穩坐在青霄。怎生來。憂的這俊英傑。容顏漸改。

〔梁州〕幾時得居八位封侯。可便建節。幾時能穀列三公。畫戟門排。我如今孤身流落在天涯外。本是箇守忠義賢臣良將。倒做了背恩寵逆子之才。見如今沿門乞化。抵多少日轉他那千階。也是我命裏合該。大剛來天數安排。我我我。幾時得受皇恩爲卿相。列朝班。奉君王獨步金階。我我我。幾時得承宣命封重職。坐都堂鎮邊關的那境界。我我我。可幾時能穀居帥府懸金印。掛虎符。氣昂昂走上壇臺。憑着我胸襟氣概。則我這風雲慶會。何年再。暫時困權寧柰。倚仗着我這冠世文章星斗才。胸捲江淮。〔云〕說話中間。可早來到也。令人報復去。道有張良。

在於門首。〔行錢云〕理會的。〔報科〕〔云〕員外。有賢士來了也。〔長者云〕道有請。〔行錢云〕理會的。有請。〔見科〕〔正末云〕長者。小生多感大恩。每日如此重禮相待。小生何以克當。異日蟬蟻。必當重報也。〔長者云〕賢士。休說此話。施恩豈望報乎。小生恰纔令人相請。賢士釋悶閑坐。無物可奉。蔬食薄味。不堪食用。惟表寸心。行錢將酒來。我與賢士飲幾杯者。〔行錢云〕酒在此。〔長者做遞酒科〕〔云〕賢士滿飲此杯者。〔正末唱〕

〔隔尾〕小生深蒙長者多憐愛。則你那救困的恩臨。我可也常在懷。〔云〕長者。似

你這般仁德之心。無人可比也。〔唱〕你勝如那趙盾的心情。將我似靈輓待。有一日若用我安邦的手策。但得一箇微名的縣宰。長者也我答報你箇布德施恩大賢客。〔長者云〕賢士。豈不聞聖人云。四海之內。皆兄弟也。賢士在小生寒舍。每日隨茶逐飯。多有管顧不周。萬望寬恕。賢士何出此言也。〔正末云〕長者之心。量如江淮。如此深恩。小生豈敢忘也。〔長者云〕賢士。小生有一言。可是敢說麼。〔正末云〕長者但言。有何不可。〔長者云〕想賢士來到此下邳。數年餘矣。我今觀賢士容顏。難同往日。欲待齋發賢士進取功名。未知意下若何。〔正末云〕感蒙長者盛情。何以克當也。〔長者云〕賢士又有一事。俺這下邳圯橋邊有一先生。他算陰陽禍福無差。斷人生死有准。賢士可求一卦。看賢士命運如何。若當求進。小生多奉鞍馬盤費。與賢士權別。先生疾便問卜。小生專等回音也。〔正末云〕長者。小生謹依尊命。暫此權別。小生上長街問卜。走一遭去。〔下〕〔長者云〕若是問卜已成。那其間我自有箇主意也。〔下〕〔正末又上〕〔云〕小生與長者相別。直至圯橋問卜。走一遭去也。〔做走科〕〔福星扮貨卜先生上〕〔云〕逍遙靜路不難行。動靜從心善可誠。長將一念存忠節。自然神聖保其真。貧道上界福星是也。專管人間善惡不平之事。貧道久成眞位。忠孝者降其福祿。罪逆者降其禍災。凡人立身者。以忠孝爲本。報應分明。今下方有一人。姓張名良字子房。此人忠孝雙全。感動天地。吾奉玉帝勅令。說此人。有於

於趙校
改忠

國之心。今受其困。未知詳細。貧道化一貨卜先生。探此人忠義若何。我指他箇正路。可早來到市廛中也。〔做見正末科〕〔云〕兀的不是此人張良。我喚他一聲。〔做喚科〕〔云〕張良。〔正末做驚科〕〔云〕好是奇怪。是誰人喚我也。我試看者。〔做回身覷科〕〔云〕哦。原來是一箇貨卜的先生。我向前問他一箇緣故。怕做甚麼。〔做見福星施禮科〕〔云〕支揖先生。怎生認的在下。〔福星云〕我如何不識。你箇子房。來此有何事故也。〔正末云〕小生是一貧儒。欲問先生仙鄉何處也。〔福星云〕貧道是此處人氏。我聞知你來俺這裡多時。我是箇貨卜的先生。我算的陰陽有准。斷人生死無差也。〔正末云〕先生。小生欲待進取功名。未知命運何如。與在下決疑者。〔福星云〕你說那生時年月來。〔正末唱〕

〔牧羊關〕你將那周易從頭論。將我這貴與賤仔細排。〔福星云〕張良。你問貴賤。這貧與富。是人之所作。貧者不善之因。富者積善所致也。此乃是貧富之因也。〔正末唱〕我問官祿子息和這家財。你看我命裏有。可是我運未通達。蓋因是命裏無。這年月上不該。〔福星云〕你如今多大年紀。何年何月何日何時建生。你說將來。〔正末唱〕我拙年恰三十歲。我是那五月午時胎。且將我今歲行年算。先生也。你將我這貧與貴一一開。〔福星做算科〕〔云〕你如今三十歲。兀那子房。我這陰陽有准。禍福無差。不順人情。你久已後必

貴當來拜相也。〔做觀正末驚科〕〔云〕呀呀呀。張良。你這會兒容顏。比頭裡不同。你今日日當卓午。必然遇着賢人指教你也。〔正末云〕先生。此言有准麼。莫不差算了也。〔福星云〕我如何差算了。不是貧道說大言。則我這陰陽亦如天上月。照察人間禍福星。你那拙運衰時今已去。災星變做福星臨。張良。不則我算的着。那裡一箇先生。又算的妙哉。疾。〔下〕〔正末做回身科〕〔云〕那裡也。那裡也。支揖先生。〔做驚科〕〔云〕可那裡有箇人來。〔做回身驚科〕〔云〕怎生連這箇先生也不見了。好是奇怪也。我索還家見長者去。我試看圯橋者。〔做看科〕〔外扮黃石公上〕〔云〕貧道黃石公是也。來到這市廛中。今朝日當卓午。必遇此人張良行動些。〔正末唱〕

〔四塊玉〕我這裡便緩步行來到這圯橋側。〔黃石公做見科〕〔云〕兀的不是孺子張良。我喚他一聲。〔做喚科〕〔云〕兀那孺子張良。〔正末唱〕是誰人便道姓呼名自疑猜。我索與你探行藏問端的何妨礙。〔黃石公做笑科〕〔正末云〕我試望者。是誰喚我也呵。〔做回身科〕〔黃石公又笑科〕〔正末云〕呀呀呀。一箇鬚髮盡白的老先生。好道貌也。〔唱〕我見他年高大兩鬢蒼。他鬚髮一似銀線般白。他生來實丰彩。〔黃石公云〕兀那孺子張良。你在這裡也。〔正末云〕老先生。因何認的在下也。〔黃石公云〕我如何不認的你箇孺子張良。〔做搬履科〕〔云〕兀那孺子張良。你與我取上履來。我教你做徒弟。〔正末云〕這箇先生。好無禮也。他

口口聲聲。喚我做孺子。孺子。你與我取上履來者。我待取來又不是。不取來又不好。張良。要你尋思。你和他素不相識。他怎生知道你的名字。可有甚麼難見處。必是李斯丞相差來擒拏我。似此如之奈何。我待取這履來。橋上往來的人見。豈不汗顏。說道是你看這箇秀才。受如此般的恥辱。怎生與他拏這履。〔做思科〕〔云〕罷罷罷。張良。你便拏上這履來呵。有甚麼恥處。好是奇怪也呵。

〔唱〕

〔牧羊關〕你着我待忍來如何忍。他看承的我如小哉。不由我嗔忿忿氣夯破。我這胸懷。我做學那豫讓般忠孝無嗔。我似那廉頗般避車路。我索與你躬身兒下堦。〔云〕張良也。你是箇看書的人。豈不聞聖人云。老者安之。少者懷之。朋友信之。此乃爲人之所作也。〔唱〕古人言敬老幼。恤孤困。〔云〕想小生離了家鄉。逃難到於途中。迷蹤失路。神靈指引。着我往下邳避災。必有教授你之師。今日長街市上。算了一卦。說道我今朝日當卓午。必遇名師也。〔唱〕這一箇老先生。敢是那教訓我的祖師來。想着我離故邦。受辛苦言難盡。張良也。你正是成人的可也不自在。〔黃石公云〕孺子。與我取上履來者。〔正末做取履科〕〔黃石公做伸足穿履科〕〔云〕此子可教。則除是恁的。〔觀正末科〕〔云〕兀那孺子張良。你可也有緣。我與你約五日之期。再來此圯橋等候。我要你爲徒弟。我傳與你安身之法。休失其信。

也。我去也。我去也。〔下〕〔正末云〕師父言道。與我約五日之期。再來此圪橋相會。要傳我安身顯耀之術。張良。你信他做甚麼。此言難以憑信。天色晚了也。我索還家去。〔下〕〔黃石公再上〕〔云〕貧道黃石公是也。與張良約五日之期。再來圪橋相會。可早五日也。則怕張良等待。貧道行動些。孺子張良。〔做怒科〕〔云〕此孺子好無禮也。我要教授他做徒弟。約五日之期。來此圪橋相會。傳與他安身顯耀之法。不想此孺子不會來。好是無緣也。我待回去來。此子則說我失信。暗。我且等他片時。〔正末上〕〔云〕小生張良。自五日之前。見了那箇先生。他口口聲聲。喚我做孺子。約我五日之期。要傳與我安身之法。我待去來。着人便道他是箇風魔先生。他有甚麼安身之法。我待不去來。則怕那箇先生等待我。不可失信。我索行動些。說話中間。可早來到圪橋也。〔做見驚科〕〔云〕兀的不是那箇風魔先生。果然在此。好是奇怪也。〔黃石公做見正末怒科〕〔云〕兀那孺子張良。我約你五日之期。早來這圪橋相會。我要你爲徒弟。不想你這廝無緣。這早晚纔來。好無恭敬之念也。〔正末云〕師父息怒。息怒。〔黃石公云〕兀那孺子。你聽者。我再約你五日之期。還來此圪橋相會。我傳與你安邦定國之書。久已後可爲萬代之師。我着你聲播千邦。名揚天下。這一遍若是再來的遲。二罪俱罰。我也不饒你。我去也。〔下〕〔正末云〕先生去了也。張良也。要你尋思。你道他是風魔先生來。他說如此般良言。頭一遍偶遇。第二遍來的遲了。師父言稱道。孺子張

良再約五日之期。來圯橋相會。我傳與你安邦定國之書。久已後可爲萬代之師。我着你聲播千邦。名揚天下。這一遍若是再來的遲。二罪俱罰。這言語未知有准麼。我且回家去來。〔下〕〔正末再上〕〔云〕小生張良。要你尋思波。待道他是風魔先生來。他說如此般良言。頭一遍偶遇。第二遍見了師父。言稱道。儒子張良。第二遍來遲。再恕你之過。第三遍再約五日之期。來圯橋相會。我傳與你安邦定國之書。久已後可爲萬代之師。我着你聲播千邦。名揚天下。師父說這等言語。知他是睡裏也。那夢裏。天色晚了也。我索還長者宅中去。來到這長者宅中。我開開這門。入得這房來。〔做驚科〕〔云〕呀。過日月好疾也。自離了師父。可早五日光景也。今晚三更前後。至圯橋等待師父。若是我無緣。着師父先在圯橋。若是我有福。我先到等待師父。〔做縛門科〕〔云〕我與你拽上這門。將繩子來拴住。尋師父走一遭去。〔做走科〕〔云〕師父還不會來哩。我且在此等待。師父這早晚敢待來也。〔黃石公上〕〔云〕貧道黃石公是也。與張良相約三遍。圯橋相會。我教訓他爲徒弟。不想此子二次來遲。今番第三遍也。若是再來的遲。我自有箇主意。〔做喚科〕〔云〕孺子張良。還未來哩。此子好無緣也。〔正末云〕師父。您徒弟等待多時也。〔黃石公笑科〕〔云〕張良來了也。你有緣也。〔做撇履科〕〔云〕孺子。與我將上履來者。〔正末唱〕

〔哭皇天〕聖人道敏而好學。我心間也倦怠。不恥下問。更忒分外。〔黃石公云〕張

良。我傳與你驅兵遁甲之書。非同小可也。〔背云〕此子是無瑕美玉。不遇良工雕琢。豈成其器。他是那擎天之柱。可爲棟梁之材也。〔正末唱〕他說與我驅兵六甲書。看我做無瑕玉。棟梁材。〔黃石公笑科〕〔云〕孺子。與我將上履來。傳與你安身之法。〔正末唱〕師父你暢好是輕賢。你心懷的意歹。我又索含容折節。屈脊躬身。伏低做小。跪膝在塵埃。我問你箇老先生。你便有何教訓。教訓我的藝才。〔做進履科〕〔黃石公做伸足穿履科〕〔云〕兀那張良。你聽者。你可也有緣。我與你這三卷天書。此書非同小可。乃六義三才之奇書也。非可亂傳。此書有一千三百三十六餘言。不許傳與不道不賢之人。此書始傳於世。古之聖賢。皆盡心焉。此書奇義深遠。妙術精微。堯舜禹湯文武周公孔子老聃。無以出此。有六義三才。一者原始。二者正道。三者求志。四者道德。五者遵義。六者安理。原始者。道不可以無始。道德仁義一體也。若天下四方。一動一息之處。大而入絃之表。君臣父子之道。微言脩身。深計遠慮。所以不窮。管仲之計。可爲能。商鞅之計。可爲盛。弘羊之計。可爲聚。近怨篤行。任才使能。所以濟物。道德者。本宗不可離。道之術。賞不以功。罰不以罪。小則結匹夫之怨。大則激天下之怒。聖賢之道。內明外晦。惟不足於明。文王無大聲。四國畏之。故孔子不怒。而民威於斧鉞。國將霸者。士皆歸之。國將危者。賢皆避之。昔者微子去商。仲尼去魯。而以成名。後有三數。乃法略也。是天地人三才之法。不可違此數。豪俊之才。發機用智。逆者難從。順者易曉。此法可治其國。可

立其家。久後可爲萬代之師。將閑中今古。靜裏乾坤。說了一遍。原本無此四字今補張良你聽者。曉夜孜孜讀此經。揚名顯耀可安身。忠心輔弼爲肱股。定作朝中第一臣。正末唱聽說罷魂飛天外。好教我心驚失色。

〔烏夜啼〕又不曾夢非熊得遇文王側。莫不是鬼使神差。不由我喜笑盈腮。今日箇蟄龍須得濟時來。謝吾師展脚舒腰拜。〔云〕小生張良。異日發達。此訓授之恩。必當重報也。〔唱〕我若是得發達身安泰。有一日春雷信動。枯木花開。

〔鵲鵲兒〕又不曾做傳說版築在巖牆。偶然遇殷高到來。我若是立國安邦。可用這兵書戰策。我學那周武八元以承八凱。調鼎鼐。明盛衰。有一日胸捲江淮。平步金階。把日月重揩。肅靖邊界。扶持着治世的明君。保祚的乾坤永泰。〔云〕

師父那裡人氏。姓甚名誰。通名顯姓者。〔黃石公云〕你問我姓甚名誰。張良。你要知我姓名。你久已後得志時。親至濟北穀城山下。見一黃石。便是我也。妙算張良獨有餘。少年逃難下邳初。逡巡不進泥中履。爭得先生一卷書。〔下〕〔正末云〕師父去了也。師父這言語。便似印板兒記在心上一般。一日爲官。至穀城山尋訪師父去。師父着我。晝夜勤習。可爲萬代之師也。〔唱〕

〔尾聲〕罷罷罷。我則索用工夫看徹了黃公策。我與你無明夜時時的溫故知新不放懷。謝尊師承顧愛教訓咱。意無歹。漫天機。我將做謎也似猜。想當初報韓讎。命運乖。則我這盡忠心。意長在那時節離家鄉。趨避災。至下邳。有誰睬。我今日遇神師。得術冊。〔云〕若是我投於任賢之處。若委用我呵。〔唱〕你看我輔皇朝。定邊塞。保乾坤。整世界。展江山。平四海。則我胸中學。腹內才。辨風雲。知氣色。我若是作臣僚。爲元帥。掌軍權。在闔外。撫黔黎。定蠻貊。逞英雄。顯氣概。播聲名。傳萬載。遂了我這平生志。拂滿面塵埃。您時節纔識這曉經綸安宇宙。這一箇困窮儒也一箇年少客。〔下〕

楔子

〔李長者領行錢上〕〔云〕安排酒果臨岐路。暫別賢明慷慨人。小生李思中是也。自去歲酒席中論言。齋發賢士問卜。不想果遇仙師授教。得兵書三卷。賢士曉夜溫習。將兵甲之策。盡皆看徹。揀取今朝吉日良辰。要投於任賢之處。進取功名。比及賢士先來。小生將着酒食盤費衣服鞍馬。在於長亭之上。與賢士饒行。小生等待多時。賢士這早晚敢待來也。〔正末上〕〔云〕小生張良。自遇黃石公授教之後。曉夜溫習。將遁甲之書。盡皆看徹。小生揀取今朝吉日良辰。拜辭長者。投於任

賢之處。進取功名。長者先在長亭之上。與小生餞行。我索行動些。〔做見科〕〔云〕兀的不是長者。〔做見施禮科〕〔長者云〕小生等待許久。不見賢士到來。蔬食薄味。與賢士餞行。略表誠敬之心也。〔正末云〕小生張良。在於長者宅中。深蒙厚顧。數載有餘。無可答報。今日長者又將着這酒。殺盤費。衣服鞍馬。齎發小生。長者小生想昔日靈輒遭餓於桑間。遇趙盾施一飯之恩。小生雖不及靈輒。長者不在趙盾之下也。〔長者云〕賢士小生豈敢比前代賢人也。行餞。將酒來。〔行餞云〕理會的。〔長者做遞酒科〕〔云〕賢士小生蔬酌。與賢士餞行。賢士滿飲此杯也。〔正末云〕長者小生有何德能。如此般重禮相待。異日必當重報也。〔長者云〕賢士飲此一杯者。〔正末云〕長者飲。〔長者云〕賢士恭敬不如從命也。〔正末做飲酒科〕〔云〕長者酒殺了也。便好道行人貪道路。拜辭了長者。便索長行也。〔長者云〕行餞收了酒果者。〔行餞云〕理會的。〔正末做拜科〕〔云〕今日與長者相別。不知何日相會也。〔長者云〕賢士穩登雲路。早望回音也。〔正末云〕長者小生不敢久停。便索登程也。〔唱〕

〔賞花時〕則我這行色匆匆去意緊。飲過這餞祖香醪杯數巡。〔長者云〕賢士這一去必然稱平生之願也。〔正末云〕張良異日嶢嶢呵。〔唱〕我若是得志節遂風雲。〔云〕長者之恩。高如華嶽。深如滄海。豈敢忘也。〔長者云〕不必掛念。豈望賢士報乎。〔正末唱〕我說的言詞落

可使有准。〔云〕長者言之當也。但念善犬有展草之恩。良馬有垂韁之報。禽獸尚然如此。何況爲人而不知恩乎。〔長者云〕賢士休說如此言語。不勞掛意。穩登前路也。〔正末唱〕我報答你箇救困苦得這箇大恩人。〔下〕〔長者云〕賢士去了也。這一去必遂大丈夫之志。豈在他人之下也。若論賢士之才。他將那重磨日月手舒開。這一去管取風雲際會諧。這番果遂心中願。那其間蟄龍春信濟時來。〔下〕

第三折

〔外扮蕭何同淨樊噲領卒子上〕〔蕭何云〕智掃羣雄百萬兵。威敵平定漢初興。志存節義爲肱股。流傳千載顯家聲。小官蕭何是也。少爲沛縣主吏。因沛令欲起兵應陳涉。小官與曹參殺令。立劉亭長爲沛公。俺沛公與項羽。遵懷王之命。共滅秦。西取咸陽。先入關者王之。後入者臣之。小官奉命。親爲行軍司馬。俺沛公先到咸陽。封府庫。鎖宮門。分毫不取。項羽後入咸陽。不忿俺沛公。因此上項劉爭利。累累交鋒。互有勝負。今項羽將定天下。豪傑已歸。止有二處未能收取。乃是平陽魏豹。西洛申陽。今奉沛公之命。着小官先至西洛。擒拏申陽。小官聞此申陽。才智過人。有萬夫之勇。又說此人手下。有一大夫。乃是陸賈。有孫吳之謀略。管樂之奇才。小官未可深信。我今請的韓元帥來。共同商議。擒拏二將。未爲晚矣。令人與我請將韓元帥來者。〔卒子云〕理會的。〔做請

科」〔云〕韓元帥安在〔外扮韓信同灌嬰張耳上〕〔韓信云〕廣習先賢古聖文。孫吳韜略久知聞。忠心赫赫扶真主。平定干戈保萬民。某乃韓信是也。這二位將軍。乃是灌嬰張耳。小官幼而頗習道甲之書。善通軍旅之學。有神鬼不測之機。心存忠孝。腹隱機謀。累累成功。先爲治粟都尉。多感蕭相國之恩。三薦登壇。拜爲大將。俺與項羽爭鋒。某立十件大功。四方平定。小官正在帥府閑坐。丞相令人來請。不知有甚事。領着衆將。須索走一遭去。令人報復去。道有韓信同二將在於門首。〔卒子云〕理會的。〔做報科〕〔云〕喏。報的丞相得知。有韓元帥同二將。在於門首。〔蕭何云〕道有請。〔卒子云〕理會的。有請。〔見科〕〔韓信云〕丞相。今日呼喚韓信來。有何事商議也。〔蕭何云〕今日請的元帥來。別無甚事。小官奉俺沛公之命。欲要擒拏平陽魏豹。西洛中陽。特請元帥來。共同商議。未知元帥意下如何。〔韓信云〕丞相。此事非同小可。可請張子房來。共同商議。有何不可。〔蕭何云〕元帥此言甚當。令人便請張子房軍師來者。〔卒子云〕理會的。子房安在。〔正末上〕〔云〕小官張良是也。我自離了下邳。來到咸陽。投於沛公麾下爲將。俺沛公豁達大度。納諫如流。小官累建大功。官居重職。小官數年之前。不得意時。多蒙下邳李長者之恩。有如山海。未曾答報。前者令人去取李長者去了。不見到來。小官暗想當日。隱於下邳。待時度日。今日箇食前方丈。祿享千鍾。眞乃是時也。運也。命也。想着我時運拙。命運難通。我則道紅塵內久困英雄。今日箇遂却

我平生心願。立劉朝萬載興隆。〔唱〕

〔正宮端正好〕我今日爲宰職便做都堂。我端的便受極品爲卿相。掃奸邪平定邊疆。我本是整乾坤安宇宙忠良將。保祚的這萬里山河壯。〔云〕小官想當日西

取咸陽。驅兵領將。投至得今日爲官。非同容易也。〔唱〕

〔滾繡毬〕想着我當年時離了俺那父母鄉。報韓讎那一場。也是那命運乖禍從天降。我今日遂風雲稱平生顯身榮節志昂昂。第一來與韓邦報了恨讎。第二來扶炎劉名姓香。你看我整風俗遵禮樂治安乾象。我今日乘肥馬衣輕裘享天恩紫綬金章。本是箇股肱才輔弼平蠻貊。掃蕩了八面煙塵可兀的定四方。後世名揚。〔云〕可早來到也。令人報復去。道有小官來了也。〔卒子云〕理會的。〔做報科〕〔云〕

啫。報的丞相得知。有張子房來了也。〔蕭何云〕道有請。〔正末做見科〕〔云〕呀呀呀。丞相與元帥都在此。丞相喚小官張良。有何事商議也。〔蕭何云〕今請軍師來。別無甚事。小官奉沛公之命。爲平陽魏豹。西洛申陽。未能收捕。今日特請軍師。共同商議。征討二處。軍師意下如何。〔正末云〕丞相。小官張良有一語。可是敢說麼。俺衆將自投於沛公。各立功勳。多蒙寵賜。想丞相功勳。言不能盡。元帥的勳業。竭力盡忠。蓋世功勞。誰人可比。想張良投於沛公。官高祿重。並無寸箭之勞。怎

生將此二處。着小官收捕一遭。以圖補報。未知丞相意下如何也。〔蕭何云〕既然軍師要去收捕西洛。小校那裡。一壁廂整點軍馬將士糧草戈甲。收拾停當。與軍師擒拏申陽去。〔正末云〕丞相小官不用軍馬。憑着小官三寸不爛之舌。說此將來降也。〔蕭何云〕軍師所言不用軍馬將士。不知有何妙策。擒拏此將。試說一遍者。〔正末云〕丞相。想古來有幾箇賢臣。我試說一遍者。〔蕭何云〕軍師。古來有那幾箇賢臣良將。報國盡忠。軍師試說一遍者。〔正末唱〕

〔倫秀才〕我待學那周八士安八表封官也。那受賞。〔蕭何云〕軍師。再學那一箇也。

〔正末唱〕我似那舜五人立清政。顯聲名播千古。着萬人可便論講。〔蕭何云〕再學那箇也。〔正末唱〕我勝如紂比干田穰苴。報國存忠壯帝鄉。〔蕭何云〕軍師說此申陽足智多謀。難以擒拏也。〔正末唱〕俺有道伐無道。〔蕭何云〕軍師。小官須索整點英雄將士。裏應外合。擒拏他。有何不可也。〔正末唱〕擒逆子不索動刀槍。〔蕭何云〕軍師言道不用軍將人馬。此人好生英勇。則怕有失。怎了也。〔正末唱〕非是我自誇也。那自獎。〔韓信云〕軍師。丞相奉俺沛公之命。要征伐此二處。軍師言說不用將校。自有妙策。但此申陽。好生英勇。且休說申陽高強。他手下有一大夫。乃是陸賈。說此人用兵如神。有伊呂之才。做孫吳之略。智謀過人。有萬夫不當之勇也。〔正末云〕元帥。憑着小官微智。着此將投降也。〔韓信云〕軍師論三略可學誰也。〔正

末唱

〔滾繡毬〕論三略呵。我可也動干戈起戰場。〔韓信云〕軍師論六韜呵怎生。〔正末唱〕論六韜。我學那定山河保乾坤伐無道的姜呂望。〔韓信云〕論機見可學誰也。〔正末唱〕論機見呵。我似那齊孫臆報冤讎在馬陵川夜擒了那一員虎將。〔韓信云〕論敢勇可學誰也。〔正末唱〕論敢勇呵。我似那楚伍員伏盜跖赴臨潼舉金鼎欺文武保諸侯逞英豪狀貌堂堂。〔韓信云〕軍師論慷慨呵學誰。〔正末唱〕論慷慨。傲李牧守塞北懾西戎鎮夜郎。〔韓信云〕論志氣可學誰也。〔正末唱〕論志氣呵。我勝如管夷吾霸諸侯那手策威名不讓。〔韓信云〕敢問軍師論節義可學誰也。〔正末唱〕論節義呵。我學那存忠孝施正禮行仁道治綱常伊尹扶湯。〔韓信云〕論踴躍學誰也。〔正末唱〕論踴躍。我不讓藺相如在渾池會展雄才施威烈可那般志軒昂。〔韓信云〕論戰敵可學誰也。〔正末唱〕論戰敵呵。我不讓齊田單火牛陣施遁甲用奇術排軍校驅虎將。他收那卽墨城開我着他拱手降。〔韓信云〕此言壯哉也。〔正末唱〕非是我自說高強。〔韓信云〕軍師所言數事件件過人。衆將近前聽軍師支撥聽令而行也。〔正末云〕灌嬰近前來。〔灌嬰云〕軍師喚小將那廂使用。〔正末做打耳暗科〕〔云〕灌嬰。可是這般恁的。〔灌嬰

云〕小將理會的。出的這帥府門來。奉軍師將令。擒拿申陽。走一遭去。大小三軍。跟着我直至西洛。接應軍師。走一遭去來。奉軍令差領兵卒。雄赳赳慣戰征夫。施智量遠臨西洛。遵將令暗裡埋伏。〔下〕〔正末云〕樊噲近前來。〔樊噲云〕軍師喚樊噲那廂使用。〔正末做打耳暗科〕〔云〕可是這般恁的。〔樊噲云〕得令。出的這轅門來。奉着軍師將令。領着三千軍馬。直至西洛。敵關申陽。走一遭去。大小三軍。聽吾將令。甲馬不得馳驟。金鼓不得亂鳴。不許交頭接耳。箇箇皆要用心。白日裡都要打盹。到晚間定睛對賊。若要相持廝殺。撇下馬。丟了槍。一齊便走。今日領兵爲大將。白燄雞兒好蘸醬。兩瓶好酒喫的醉。帳房裏面高聲唱。〔下〕〔正末云〕丞相。衆將去了也。小官不可遲悞。則今日辭別丞相元帥。親至西洛。用計征伐。走一遭去。〔下〕〔蕭何云〕軍師去了也。所言的事。必成大功。一壁廂差精兵猛將。接應軍師。走一遭去。運謀施智顯忠良。不驅士馬動刀槍。三寸舌。劍談天智。親臨西洛騙中陽。〔下〕〔韓信云〕軍師與衆將去了也。張耳近前來。〔張耳云〕元帥呼喚小將那廂使用。〔韓信做打耳暗科〕〔云〕張耳。可是這般恁的。小心在意者。〔張耳云〕得令。奉元帥將令。暗調調原作智今改中陽。走一遭去。運機施略調中陽。言談語句話中藏。苦克羣雄親用智。十面埋伏那一場。〔下〕〔韓信云〕衆將都去了也。小官調領大兵。隨後接應。走一遭去。號令嚴明領大軍。紛紛殺氣騰征雲。直臨西洛多威猛。奏凱還師拜紫宸。〔下〕〔申陽領卒子上〕〔云〕因秦失鹿。

起刀槍。四海英雄會俊良。天下英豪聞吾怕。某名傳西洛號申陽。某乃申陽是也。幼習儒業。頗看兵書。深通管樂之策。文能伏衆。武能威敵。運籌帷幄之中。決勝千里之外。今日陞帳。帳前排幾隊勇征夫。帳後列數百英雄將。左隊陳劣缺天蓬。右隊擁搦搜甲士。周圍鐵鎧兒郎護衛兵。有七重圍子。三軍誰敢帳前喧。便是那鴉鵲過時不噪噪。某因秦嬴失鹿。陳勝吳廣。關西兵起。各霸其境。陳勝以滅。劉項爭鋒。沛公先至咸陽。項羽倚強爲霸。遷於彭城。封俺六國諸侯。某今在西洛鎮守。虎視天下英雄。俺這裡兵雄將勇。馬壯人強。田多糧廣。帶甲軍校數十餘萬。某手下有一大夫。乃是陸賈。智過伊呂。舌辯蘇張。今沛公用張良爲軍師。韓信爲元帥。蕭何爲丞相。自漢中起兵。所過州縣。望風而降。必來與吾交鋒。量他何足道哉。今請大夫陸賈。與他商議。看此人怎生用計興兵。小校與我請將陸賈大夫來者。〔卒子云〕理會的。陸大夫安在。〔陸賈上云〕智勝孫吳伊呂文。談天論地志凌雲。不弱張儀說六國。能言舌辯賽蘇秦。某乃陸賈是也。幼而習文。博通經史。頗曉穠苴之法。善知武子之書。今佐於西洛申陽麾下。爲其大夫之職。小官正在演武場中操練兵卒。有軍校來請。元帥呼喚。不知有甚事。須索走一遭去。可早來到也。報復去。有陸賈在於門首。〔卒子云〕理會的。〔做報科云〕喏。報的元帥得知。有陸大夫來了也。〔申陽云〕道有請。〔卒子云〕理會的。有請。〔見科云〕陸賈云。元帥喚陸賈有何事商議。〔申陽云〕大夫。請你來別無甚事。今沛

公用韓信爲帥。所向無敵。收州城數十餘座。他必來俺洛陽。與某拒敵。大夫。你有何機謀。退韓信之兵。若出妙言。某一從之也。〔陸賈云〕元帥。小官有一計。〔申陽云〕計將安在。〔陸賈云〕元帥。韓信用兵如神。不要與此人交鋒。張良亦爲說客。洛陽者左山右水。四塞險阻。深挑壕塹。高壘城池。積草屯糧。堅守不戰。元帥。此乃爲長久之策也。〔申陽云〕某謹依大夫之言。深溝堅壁。莫與韓信交鋒。張良乃爲說客。若來時擒擊不饒。我雖與大夫定此一計。不曾與張全商議。小校與我喚將張全來者。〔淨扮張全上〕〔云〕文武雙全爲將相。行兵布陣我敢強。早飯一頓喫七碗。生蔥蘿蔔好蘸醬。某乃張全是也。某佐於申陽元帥手下爲將。正在演武場中習士練卒。元帥呼喚。須索走一遭去。小校報復去。道張全在於門首。〔卒子云〕理會的。〔做報科〕〔云〕喏。報的元帥得知。有張全來了也。〔申陽云〕道有請。〔卒子云〕理會的。有請。〔見科〕〔張全云〕元帥。喚小將有何事也。〔申陽云〕張全。喚你來不爲別。今沛公拜韓信爲帥。所向無敵。收了數十餘座城池。誠恐與某交鋒。某與大夫定計。深溝高壘。積草屯糧。堅守不戰。此計如何也。〔張全做背科〕〔云〕正合着我的心。我又不濟。若是與他交鋒。我那裡近的他。將計就計。不好則說是好。元帥此計。大妙大妙。〔申陽云〕張全說的是。小校門首覷者。若有一切軍情事。報復我知道。〔正末上〕〔云〕小官張良。自離了丞相元帥。不覺數日。早來到西洛也。我換了這衣服。扮做一箇雲遊先生。我問人來。這裡

便是申陽的帥府。門首立着幾箇人。我試問他者。〔做見卒子科〕〔云〕稽首。敢煩通報元帥知道。有一雲遊先生。特來拜訪也。〔卒子云〕理會的。〔做報科〕〔云〕喏。報的元帥得知。門首有箇雲遊的先生。要見元帥也。〔申陽云〕有一雲遊先生。要見某大夫。此人必然是張良也。〔陸賈云〕元帥。此人必是張良。舌辯之士。休得輕放他也。〔張全云〕元帥。若是張良。休要饒了他。〔申陽云〕小校着他過來。〔卒子云〕理會的。過去。〔見科〕〔正末云〕稽首。貧道是一雲遊先生。特來拜訪元帥也。〔申陽云〕兀那先生。你那裡人氏。來俺這裡。有何事幹也。〔正末唱〕

〔倫秀才〕我這裡便鞠躬躬將謙詞的這

的這二字
趙校刪

禮講。〔申陽云〕兀那先生。你姓甚

名誰也。〔正末唱〕他那裡問姓字。先生可便何往。我可也行不更名本姓張。〔申陽

云〕你敢是張良麼。〔正末云〕然也然也。〔陸賈云〕此人是說客。元帥休得饒他也。〔申陽云〕兀那張良。你是喉舌之人。你佐於沛公手下爲將。你來俺這裡做甚麼。〔正末云〕貧道非是沛公之將。乃韓國阜城人氏。因打此處經過。聞知元帥才德。特來見訪也。〔申陽云〕小校與我拏住張良。我決無輕恕也。〔正末唱〕他一回兒嗔忿忿沖牛斗。施勇烈逞高強。〔申陽云〕大小衆將。與我圍住張良者。〔正末唱〕他顯八面虎狼般氣象。〔陸賈云〕張良。俺這裡將你擒拏住。休言語。你言語必無輕恕。疾忙受降也。〔申陽云〕張良。我知道你是沛公之臣。亦爲喉舌之士。你來我根前。如何說的

過你正是飛蛾兒投火。你正是說客。更待乾罷也。〔正末云〕將軍曾聞說客麼。古來說客有三等。〔中陽云〕可是那三等。〔正末云〕一圖名。二圖財。三圖國。〔中陽云〕這一圖名者何也。〔正末云〕一圖名者。昔日七國爭雄。魏威公命侯嬴收趙。侯嬴求救於秦。蘇秦曰。告公令箭。某親自入魏。蘇秦至魏。見其威公。但說齊與趙連和。國王攻趙。何當兩國之鋒。魏國聞之。收兵還國。後蘇秦名揚天下。此乃是圖名說客是也。〔中陽云〕這二圖財者何也。〔正末云〕二圖財者。昔日春秋齊威公。令孫子伐魏。龐涓令人將金銀寶物。賈告鄒文簡。和齊罷兵。不想鄒文簡果受其寶。文簡罷兵。見其齊公。言孫子攻魏。數月不下。倘魏楚相連。却來攻齊。公子若何。齊公令孫子罷兵還國。此乃是圖財說客是也。〔中陽云〕三圖國者。如何。〔正末云〕三圖國者。昔日十八國。爲因吳伍員領兵伐楚。申包胥入秦求救。哀公不發救兵。至於秦亭館驛。七晝夜水米皆不入其口。大痛悲泣。哭倒秦亭館驛。哀公曰。包胥乃忠烈之臣也。疾發兵救楚。子胥領兵回吳。此乃是圖國說客也。說兀的做甚。我一不圖名。豈戀財。當初那包胥爲客痛傷懷。張良怎做遊說客。聞公賢德故親來。〔唱〕

〔呆骨朵〕枉了我那區區千里親身降。〔中陽云〕兀那張良。你心懷傲倖。有所害俺之意。如何饒免的你也。〔正末唱〕我又不曾懷奸讒傲倖的心腸。〔中陽云〕想汝實是無禮。我和你素不相識。你既不爲說客。你來俺這裡。有何事幹。更待乾罷也。〔正末唱〕他一回兒忿怒生。

嗔。心勞意穰。〔申陽云〕你恰纔所言申包胥哭秦亭一事。侯嬴收趙。文簡受資。圖財圖國。言中之計。話內之機。你比這三人更不同也。在某根前。如何說的過。〔正末唱〕我又不比申包胥這箇圖國的悲傷士。〔申陽云〕你又比侯嬴鄒文簡若何。〔正末唱〕我又不比那鄒文簡共侯嬴兩箇奸雄將。〔申陽云〕你既不爲說客。你來俺這裡。有甚麼勾當也。〔正末唱〕我端的可便爲賢才到於烏獸邦。〔申陽云〕你何處而來也。〔正末唱〕因此上便訪忠良離帝鄉。
〔申陽云〕陸賈大夫。今張良已落在俺設中也。綁縛定了。着誰爲使。送張良與魯公去。〔陸賈云〕元帥。小官陸賈。親自爲使。將張良解與魯公去。可不好那。〔申陽云〕大夫。你親自爲使。小心在意者。〔陸賈云〕則今日辭別了元帥。便索長行。出的這轅門來。小校。將張良緊緊的圍定。直至彭城見魯公。走一遭去。〔同張良下〕〔申陽云〕小校。陸賈大夫去了也。緊守轅門。若有軍情事。報復我知道。〔外扮張耳上〕〔云〕某乃張耳是也。奉俺元帥將令。暗調申陽。某來到申陽門首也。小校報復去。道有魯公手下差一大將。乃是張耳。特來見元帥。〔卒子云〕理會的。〔做報科〕〔云〕喏。報得元帥得知。有魯公差張耳。在於門首。〔申陽云〕道有請。〔卒子云〕理會的。有請。〔見科〕〔申陽云〕將軍。此一來有何事也。〔張耳云〕報的元帥得知。某乃魯公手下大將張耳是也。奉俺魯公之命。特來報知元帥。今沛公手下。有一大將。乃是樊噲。領數千軍馬。在您洛陽境上。虐害人民。折伐

桑棗。俺魯公着某統領五千軍馬。與元帥助陣。擒拏樊噲也。〔巾陽云〕頗奈韓信勝夫無禮。差樊噲匹夫。侵犯吾之境界。破伐桑棗。擄掠人民。更待乾罷。某今便點雄兵。擒拏樊噲。走一遭去。大小三軍。聽吾將令。三軍嚴整。約束分明。聞鼓必進。鳴金必止。軍行處。征雲冉冉。土雨紛紛。遠聞戰鼓喧天。遙望旌旗映日。旌旗閃閃。劒戟重重。旌旗閃閃。遮天映日。轉光輝。劒戟重重。就地擁出兵世界。鞍上將凜凜如神。坐下馬威風似虎。騰騰殺氣。渾如那霧罩崑崙。騰騰征雲。不見了青天白日。十萬兵廝殺相持。千員將揚威耀武。得勝旗搖還寨去。鞭敲金鐙凱歌回。今朝發奮統戈矛。侵犯邊境。怎乾休。拏住樊噲親殺壞。恁時方顯報冤讎。〔領卒子下〕〔陸賈領卒子拏正末上〕〔陸賈云〕某乃洛陽大夫陸賈是也。今拏住張良。解送與魯公去。小校慢慢的行。兀那塵土起處。一丟人馬。不知是那裏來的也。〔灌嬰打楚字旗號領卒子上〕〔云〕某乃灌嬰是也。奉軍師的將令。打着楚字旗號。擒拏申陽。兀的不是軍馬至也。大小三軍。擺開陣勢者。〔陸賈云〕來的軍馬。我試問他一聲。來者將軍。是何國人也。〔灌嬰云〕某乃魯公手下大將項莊是也。聞知您拏了張良。特來接應也。〔陸賈云〕將軍乃是楚將項莊。俺申陽元帥。拏住張良。今解送與魯公去。某乃大將陸賈是也。兀那張良。你見麼。魯公來接應俺哩。〔正末唱〕

〔貨郎兒〕猛聽的吹畫角悠悠的便嘹唳。他道俺接應的軍排戰場。〔陸賈云〕項

莊將軍俺一同的見魯公去來。〔正末唱〕他那裡探知就裏可便問其詳。大將軍何名姓。〔陸賈云〕項莊將軍。俺用千般之計。拏住張良。獻與魯公。請功受賞也。〔正末唱〕他拏住的是張良。〔灌嬰云〕陸大夫。此人張良。足智多謀。他在那裡。我試看者。〔陸賈云〕在這檻車中也。〔灌嬰做看科〕〔背云〕軍師休慌。兀那張良。你從頭說你那實情也。〔正末唱〕

〔脫布衫〕他教我言端的細說行藏。〔陸賈云〕張良勿得多言。見魯公受降去來。〔正末唱〕休言語獻楚投降。〔云〕將軍饒性命者。〔唱〕我這裡忙哀告饒咱性命。〔陸賈云〕既然拏住你也。怎生饒的過。〔正末唱〕他道既拏住怎生輕放。〔灌嬰云〕將那張良拏近前來。你直這般大膽。來到我這裡也。〔正末唱〕

〔醉太平〕他那裡孜孜覷當。〔灌嬰云〕軍師休怕。中陽陸賈二將。如何出得俺手也。〔正末唱〕諛的我戰兢兢手脚慌張。〔灌嬰云〕此將中俺之計也。〔正末唱〕說道是中吾計不索再商量。〔灌嬰云〕俺韓元帥。領大勢雄兵來接應也。〔正末唱〕又道是兵多將廣。〔灌嬰云〕此陸賈並無疑慮之心也。〔正末唱〕你道是申陽陸賈別無恙。〔灌嬰云〕若到半途。必然下手也。〔正末唱〕到半途暗暗拏雄將。〔灌嬰云〕想二將不知俺暗定其計也。〔正末唱〕他本待要望福祿。不想道這腦背後起災殃。我則待堅心扶立明聖主。我播一箇史記內

便書名。可着人慢慢的講。〔灌嬰云〕大小衆將。不與我下手。怎的〔卒子做擊陸賈科〕〔陸賈云〕某中他計也。饒吾有千條之計。怎出他高人之手。〔灌嬰云〕師父略等片時。後頭軍馬來也。〔張耳樊噲領卒子拏申陽上〕〔張耳云〕某乃張耳是也。智擒了申陽。接應軍師去來。兀的不是灌嬰將軍。〔做見正末科〕〔云〕軍師。小將張耳。與樊噲智擒了申陽也。〔灌嬰云〕軍師。俺又拏住了陸賈。張耳樊噲智擒了申陽也。〔正末云〕多謝了衆將効力成功。則今日便索收兵獻功去。誰想有今日也呵。〔唱〕

〔尾聲〕俺今日敲金鐙。將得勝歌。必索齊聲唱。俺須索踐程途。喜孜孜軍兵出戰場。則今番有名望。擒收了三猛將。將功勞上表章。把軍情慢慢的講。功勳籍寫數行。入凌煙金榜上。作臣僚入廟堂。恁時節受爵封官。那其間論功賞。〔衆

將領卒子同下〕〔淨鍾離昧領卒子上〕〔云〕我做大將是英雄。諸般武藝不甚通。聽的上陣去廝殺。騎着馬兒一陣風。某乃大將鍾離昧是也。我文通四略。武解七韜。四略者。一曰天略。二曰地略。三曰人略。四曰馬料。七韜者。一文韜。二武韜。三龍韜。四虎韜。五豹韜。六犬韜。七核桃。〔三略增而爲七。皆淨角插諱之語。蓋料爲略之諧聲。桃爲韜之諧聲也。〕坐籌帷幄之中。決勝千里之外。休言人敢帳前喧。躍着駱駝高聲叫。某奉俺魯公之命。領大勢雄兵。擒拏張良韓信。某爲大帥。兄弟季布做先鋒。我擺的停停當當了。不

見季布來。小校觀者。他若來時。報復我知道。〔淨季布上〕「云」我做大將甚是標。兵書戰策不會學。聽的廝殺推害病。正是買賣歸來汗未消。某乃魯公手下大將季布是也。某多知兵書。廣覽戰策。十八般武藝。般般不會。件件不曉。我今領大勢雄兵。鍾離昧爲元帥。我爲先鋒。擒拏張良韓信等。可早來到也。小校報復哥哥知道。有我來了也。〔卒子云〕理會的。〔做報科〕「云」喏。報的元帥得知。有季布來了也。〔鍾離昧云〕兄弟來了。着他過來。〔卒子云〕着過去。〔見科〕「鍾離昧云」兄弟你來了也。〔季布云〕哥哥。您兄弟來了。我點的軍馬十分停當。〔鍾離昧云〕兄弟。俺奉魯公之命。着俺二人。擒拏張良韓信哩。整點的軍馬停當。我先去。兄弟。你隨後便來接應我也。〔季布云〕哥哥去了也。大小三軍。聽吾將令。聽我細說原因。明日與他相持廝殺。箇箇都要獻功。一箇人要三十根好箭。一箇人要五張硬弓。身穿上五領胖襖。一箇人帶着八十箇酒瓶。左肩上挑着五石白米。右肩上擔着五萬箇燒餅。左腳上擲着鑪鍋。頭上頂着五十箇銅盆。左手裏拏住鐵叉。右手裏拏着四十條麻繩。頭到去上陣廝殺。壓的他大叫高聲。忽的門旗開處。便與他鬪敵相爭。若是他與我交戰。說的我去了魂靈。若是他衆軍將我來趕。我騎上馬走如飛星。〔同下〕「張耳上」「云」某乃張耳是也。今有季布鍾離昧。統領大勢軍馬。與俺交鋒。我奉韓元帥將令。領三千人馬。我爲前部先鋒。灌嬰爲合後。樊噲爲元帥。便索與二將交鋒。走一遭去。驅兵用智敢當先。奮勇施

威立陣前。親爲前部擒賊寇。方顯英雄將相權。〔下〕〔鍾離昧同季布領卒子上〕〔鍾離昧云〕某乃鍾離昧是也。大小三軍。擺開陣勢。來者何人。〔張耳同灌嬰淨樊噲領卒子上〕〔張耳云〕大小三軍。擺開陣勢者。兀那小校。報與你元帥得知。着名將出馬也。〔外卒子做報科〕〔云〕喏。報的元帥得知。有沛公人馬索戰也。〔季布云〕他的軍馬至也。我與他答話去。〔季布鍾離昧出陣科〕〔張耳云〕來者何人。〔季布云〕我乃大將季布是也。爾乃何人。〔張耳云〕某乃大將張耳。這二位是灌嬰樊噲。兀那無名小將。下馬受降也。〔季布云〕你怎麼說大話。來來來。我和你戰幾合。〔張耳云〕小校操鼓來。〔戰科〕〔季布云〕這廝倒來撒的我近不過他。走走走。〔同鍾離昧下〕〔張耳云〕這廝走了也。不問那裡趕將去。〔同下〕

第四折

〔蕭何領卒子上〕〔云〕扶持真主立劉朝。曉夜孜孜不憚勞。明良際遇風雲會。青史英名萬古標。小官蕭何是也。奉俺沛公之命。今爲軍師張良。親至西洛。擒拿中陽陸賈。得勝而還。又因鍾離昧大勢軍馬。與俺交戰。被衆將一戰勝了。將鍾離昧大勢軍馬。一鼓而下。得勝還營。沛公之命。就在帥府中安排筵宴。慶賞三軍。小官直至帥府。加官賜賞。走一遭去。帥府排筵尊上命。加官賜賞慶功勳。〔領卒子下〕〔韓信領卒子上〕〔云〕赤心報國立劉邦。定亂除危保四方。嚴明號令驅軍將。

保祚皇猷日月長。小官韓信是也。因爲西洛申陽。未能收捕。被子房用智施謀。擒拏申陽陸賈。又遇鍾離昧季布。與俺交鋒。某命大將灌嬰樊噲張耳擒拏二將。得勝而還。我奉聖人的命。就在帥府慶賞功勞。小校一壁廂安排筵宴。若衆將來時。報復我知道。〔灌嬰張耳樊噲同上〕〔灌嬰云〕旌旗蔽野。列槍刀。遠破陰敵。殺氣高。軍前一陣成功效。奏凱回京拜聖朝。某灌嬰是也。這二位將軍。乃是張耳樊噲。來到帥府也。小校報復去。道有衆將在於門首。〔卒子云〕理會的。〔做報科〕〔云〕喏。報的元帥得知。有灌嬰等衆將來了也。〔韓信云〕着他過來。〔見科〕〔韓信云〕你衆將都來了也。小官奉聖人的命。爲您竭力成功。着小官在此帥府排宴。加官賜賞。你衆將則少誰哩。〔張耳云〕俺衆將都來全了。則有軍師未曾來也。〔韓信云〕小校門首覷者。若軍師來時。報復我知道。〔正末上〕〔云〕小官張良。自於西洛收申陽陸賈回程。韓元帥奉聖人的命。在帥府中安排筵宴。須索走一遭去。誰想有今日也呵。〔唱〕

〔雙調新水令〕則俺這一班兒。整乾坤衆英豪。都是那股肱才。要保安宗廟。論機術。傲管樂。論智勇。有誰學。千古名標。我則待行仁德。順天道。〔云〕說話中間。可早來到帥府門首也。小校報復去。道有張良在於門首也。〔卒子云〕理會的。〔做報科〕〔云〕喏。報的元帥得知。有軍師來了也。〔韓信云〕道有請。〔卒子云〕理會的。有請。〔見科〕〔韓信云〕軍師來了。

也。軍師路途辛苦。擒拏二將用心也。〔正末云〕元帥守府不易也。〔韓信云〕軍師請見衆將也。〔正末做見衆將科〕〔云〕您衆將都來全了也。近前來。今日元帥奉命宴賞。各論其功也。〔韓信云〕軍師。韓信敢問麼。當日您衆將辭了朝。到的洛陽。怎生用智收捕二將軍師。你試說一遍者。〔正末云〕小官當日離了丞相元帥。到的洛陽。見了申陽。將微言所說。未曾舉口。申陽將軍。可早怒生兩肋。髮乍衝冠。申陽將軍言道。項羽有命。拏住張良者。千金加賞。萬戶封侯。就將某獻與項羽。請功受賞。小官略使小計。遣數將定計鋪謀。弔申陽擒了陸賈也。爲賢良千里驅馳。用千般智略心機。申陽你若是秉忠貞。堅心輔佐。陸賈我着您承恩祿。廕子封妻。〔韓信云〕軍師。想着你於國盡忠。多有功勞也。〔正末唱〕

〔沉醉東風〕我若是忠心報君恩重爵。立功勲史記名標。靈禽相良木棲。輔聖主行仁道。俺則願的泰階平風雨時調。見如今四海黎民歌舜堯。俺可便共享昇平到老。〔韓信云〕小校將酒來。〔卒子云〕理會的。〔韓信做把盞科〕〔云〕軍師。不枉了効力成功。壯哉壯哉。滿飲此杯者。〔正末做飲酒科〕〔云〕小官飲。〔韓信云〕一壁廂動樂者。〔動細樂了〕〔韓信云〕軍師再飲此杯者。〔正末唱〕

〔水仙子〕金杯滿注捧香醪。品味珍羞盤內托。則聽的仙音一派多奇妙。比俺

那凱歌聲音韻好。受天恩賜宴難消。君王德過禹舜。正人倫尊禮樂。恩寬厚勝似湯堯。〔蕭何上〕〔云〕小官蕭何是也。奉聖人的命。至帥府中加官賜賞。走一遭去。可早來到也。小校報復去。道小官來了也。〔卒子云〕理會的。〔做報科〕〔云〕喏。報的元帥得知。有使命來加官賜賞也。〔韓信云〕使命至也。俺接待去來。〔衆將做接科〕〔云〕大人。俺衆將接待不着。勿令見罪也。〔蕭何做見科〕〔云〕你衆將都望闕跪者。聽聖人的命。則爲您効力成功。着小官封官賜賞。您聽者。則爲你發憤志掃蕩羣雄。享重爵秩祿重重。施妙策捉拏猛將。擒草寇風捲殘雲。得勝也。鞭敲金鐙。喜孜孜奏凱還城。今日奉勅旨加官賜賞。着您承恩祿萬載崢嶸。張子房股肱才堪爲輔弼。又賜你千兩黃金。灌嬰爲左司馬行軍之職。張耳爲右司馬敢勇將軍。樊噲爲輔弼大將。衆將士八位公卿。封三代丹書鐵券。則爲你竭力盡忠。加你爲領軍大將。再有功自有除陞。今日箇加官賜賞。一齊的望闕謝恩。

題目

黃石公親授兵書

正名

張子房圯橋進履

圮橋進履穿關

頭折

李斯

兔兒角幘頭
圓領帶

三髭髯
補子

祇從

項帕

圓領
襖膊

蒙恬

鳳翅盔

蟒衣曳撒

帶劍

項帕

直

正末張良

散巾
圓領

三髭髯

虎衣

喬仙

雙髻鬚髮陀頭

邊欄道

漁鼓簡子

太白金星

散巾

邊欄道袍

執袋

白髭

裙扇

第二折

黃石公

秦巾
白髮陀頭

邊欄道袍

執袋

李長者

一字巾

圓領

行錢

紗包頭

青衣

襖

膊

正末張良

正末張良

又上

同

福星扮貨卜先生

散巾

邊欄道袍

黃石公

又上

同

前

上黃石公

又上

同

正末張良

又上

正末張良

又上

黃石公

又上

同

前

楔子

李長者行錢正末張良

同

第三折

蕭何

兔兒角幘頭
圓領帶

三髭髯

樊噲

皮麥簷帽
甲項帕

膝欄曳撒
直纏襖膊

掩心劍

卒子

紅碗子盔
兒甲襖膊青布釘劍

韓信

麥簷帽
襖膊帶

蟒衣曳撒

袍項帕

直三髭髯

灌嬰

張耳

鳳翅盔

膝欄曳撒

袍項帕

三髭髯

帶劍

三髭髯

正末張良

一字巾
領帶

三髭髯

申陽

麥簷帽

蟒衣曳撒

袍項帕

直三髭髯

卒子

同陸賈

一字巾
領帶

三髭髯

張全

皮盔

膝欄曳撒

掩心甲

劍

正末張良

散巾

邊欄道袍

襖膊

張

耳又上

陸賈

卒子

正末張良

又上

同灌嬰

卒子

又上

同前

打張耳

樊噲

張

卒子

申陽

又上

同鍾離昧

皮盔

膝欄曳撒

掩心甲

劍

卒子

同季布

皮盔

膝欄

甲項帕
襖膊

直劍

張耳

又上

鍾離昧

季布

卒子

又上

同張耳

灌嬰

樊噲

卒子

又上

同前

第四折

蕭何

卒子

同韓信

卒子

灌嬰

張耳

樊噲

同正末

張良

折

蕭何

又上

同前

乙卯三月二十三日校內本清常道人

破苻堅蔣神靈應

元李文蔚

頭折

〔冲末扮苻堅領卒子上〕〔苻堅云〕府庫充實聚寶珍。數年脩政以安民。強兵富國興王地。守治安號大秦。某乃秦公苻堅是也。原祖中蒲人氏。我父乃蒲洪。授都督之職。後改姓苻。永和六年十一月。某將兵入長安。初時民心未定。某遣使赴建康。各舉孝悌廉直。有呂婆樓舉王猛有謀略之才。某招納用之。某拜他爲軍師。脩政以來。開闢田疇。練習軍士。因此上國富兵強。數載秦國大治。某心中惟有一件大事。未曾稱意。某與軍師商議。看此人有何機見。小校與我請軍師王猛來者。〔卒子云〕理會的。王猛安在。〔正末扮王猛上〕〔云〕老夫姓王名猛字景略。北海人也。少時舉。儻而有志。隱居華陰。後呂婆樓舉薦。得見秦公苻堅。封老夫爲軍師之職。商議國之大事。須索走一遭去。乃繼前朝之遺也呵。〔唱〕

〔仙呂點絳脣〕想起那漢室興邦。立基開創。蕭丞相。韓信張良。他正是傑士從天降。

〔混江龍〕萬民仰望。中興光武出南陽。衣冠濟楚。人物軒昂。道統相承尊禮義。

彝倫正體敍綱常。因此上繁華美麗。盛世風光。卿雲秀氣。瑞靄禎祥。他正是樂
雍熙寧。宇宙大朝臣。端的是賀昇平安社稷邊庭將。那其間息平戈戟。不動刀
槍。〔云〕可早來到也。報復去。道有王猛來了也。〔卒子云〕理會的。喏。報的大人得知。有王猛來了也。

〔苻堅云〕道有請。〔卒子云〕理會的。有請。〔見科〕〔正末云〕大人。今請老夫來。有何事商議也。
〔苻堅云〕今請軍師來。論古今得失之事。我想漢末晉初。誰能豪傑。某得卿者。勝劉備得諸葛也。
〔正末云〕大人不知。聽我說一遍。〔苻堅云〕軍師。你慢慢的說一遍。我試聽者。〔正末唱〕

〔油葫蘆〕那其間鼎足三分豪氣強。魏吳劉英俊廣。則不如蜀王三請臥龍岡。
〔苻堅云〕三分之中。有甚麼英才也。〔正末唱〕那先生神機妙策能雄壯。端的是忠心報
國多興旺。〔苻堅云〕據諸葛謀欺魏國。智壓東吳。劍揮星斗。筆掃羣雄。論行兵古今絕矣。〔正末
唱〕他住屯田渭水濱。下城都濯錦江。端的是英才四海高名望。不枉了青史
寫賢良。〔苻堅云〕想諸葛武侯。屯田於渭濱。三分之後。再有誰也。〔正末唱〕

〔天下樂〕後來也司馬威權立晉邦。興也波王。據洛陽。因此上羣臣勸移都建
康。〔苻堅云〕晉朝有甚大才之人。〔正末唱〕有謝安雅量寬。有桓沖志氣剛。都是些盡
全忠。眞棟梁。〔苻堅云〕軍師不知。吾自承業以來十餘載。四方略定。某欲待圖晉。今統兵討之。未

知軍師意下如何也。〔正末唱〕

〔金盞兒〕我如今滅西梁。定西羌。西蜀遠遠皆歸向。削平隴右立秦邦。見如今民安豐稔歲。王道樂遐昌。則不如寬洪興率土。存正守封疆。〔苻堅云〕軍師想某收蜀破隴。天下十分得其七也。今若雄兵大舉。有先鋒中軍合後。左右接連。旗鼓相望。前後千里。必有萬全之功。先生勿阻是舉也。〔正末唱〕

〔醉中天〕仰望着晉室爲尊上。納進可歸降。〔苻堅云〕率百萬雄兵。將他一鼓而下也。〔正末唱〕便休題領貔貅遠播揚。大國有馳名將。〔苻堅云〕某用兵無差。遣將得力也。〔正末唱〕休誇逞百能百強。莫施逞一衝一撞。我則怕枉徒勞措手難防。〔苻堅云〕

我觀江東微弱。必有懼怯之心。興兵大進。一鼓而下。有何難哉也。〔正末唱〕

〔尾聲〕尊建業望神京。拱上國瞻天象。休小覷東南一方。看了二水中分白鷺洲。插青天山勢軒昂。暎暎光水國江鄉。端的是貴府高名王謝堂。〔苻堅云〕先生憑着俺本國人馬。務要征戰一遭也。〔正末唱〕慢矜誇兵多將廣。且休題人強馬壯。〔帶云〕大人。你休舉兵。〔唱〕則不如存仁布德守秦邦。〔下〕〔苻堅云〕先生去了也。某欲待圖晉。軍師堅意不肯。某手下有中大夫陽平公苻融。此人知天文。曉地理。觀氣色。辨風雲。某喚他

來。與他商議。看他意下如何。小校與我請陽平公苻融來者。〔卒子云〕理會的。陽平公安在。〔苻融上〕〔二云〕威鎮羣兇。透膽寒。常懷義膽。與忠肝。爲臣竭力。施公正。赤心輔弼。立江山。小官乃陽平公苻融是也。生於漢末之間。學成文武全才。智勇並行。小官正在私宅。令人來報。苻公呼喚。須索走一遭去。報復去。道有苻融來了也。〔卒子云〕理會的。喏。報的大人得知。有陽平公來了也。〔苻堅云〕道有請。〔卒子云〕理會的。有請。〔見科〕〔苻融云〕公子呼喚苻融來。有何事商議。〔苻堅云〕苻融。喚你來別無甚事。某聽知的晉國兵微將寡。缺少用武之將。我今要統兵圖晉。未知你意下如何。〔苻融云〕公子。便好道國有事。君臣議論。家有事。父子商量。今欲要伐晉。必起干戈。孫子曰。兵者國之大事。死生之地。存亡之道。不可不察也。晉室雖然兵微將寡。無有不正之事。有桓沖謝安。爲江表社稷之臣。今福德在晉。奈長江險阻。王景略一時英傑。嘗比之諸葛武侯。言聽計用。後霸西蜀五十四郡。今景略之謀。公皆不信之。昔日春秋吳夫差。不聽子胥之諫。越兵侵吳。項籍不聽范增之言。陰陵失路。自刎而亡。今公子不聽景略苻融之語。恐防有失。豈不危哉。若伐晉者。有三難。不可伐之。〔苻堅云〕可是那三難。〔苻融云〕天道不順者。一也。晉國無覺者。二也。數戰兵疲。民有畏敵者。三也。晉未可滅。昭然。卽令勞師大舉。恐無萬全之功。晉乃亦不可圖也。枉惹禍殃。悔之晚矣。苻融不敢自專。乞公子尊鑑不錯。〔苻堅云〕噤聲。大事已定。勿得狂言也。如若違

令必無輕恕。爾退。〔符融云〕公既不聽小官之言。須索迴避。他日若有差遲。莫道符融不會勸諫也。收拾獻策呈言。且做抽頭緘口人。〔下〕〔苻堅云〕苻融去了也。小校與我喚將大將梁成來者。〔卒子云〕理會的。梁成安在。〔淨梁成上〕〔云〕人中之靈。卒中之精。西秦名將。大將梁成。某乃大將梁成是也。佐於苻堅手下爲將。正在教場中操兵練士。令人來報苻公呼喚。須索走一遭去。可早來到也。報復去。道有梁成來了也。〔卒子云〕理會的。喏。報的大人得知。有梁成來了也。〔苻堅云〕着他過來。〔卒子云〕理會的。過去。〔見科〕〔梁成云〕公子。喚小官那廂使用。〔苻堅云〕且一壁有者。小校與我喚將慕容垂來者。〔卒子云〕理會的。慕容垂安在。〔淨慕容垂上〕〔云〕鵠樺雕弓把鐵胎。絃篋面闊用人擡。力打三石腰間掛。臨軍對陣拽不開。某乃慕容垂是也。某生居塞北。長在沙陀。久鎮夾山。今被秦苻堅領兵征伐。俺軍兵盡皆敗散。某有番兵三萬。盡降於秦。此恨何日得報。今有苻公呼喚。須索走一遭去。可早來到也。小校報復去。道有慕容垂來了也。〔卒子云〕理會的。喏。報的大人得知。有慕容垂來了也。〔苻堅云〕着他過來。〔卒子云〕理會的。過去。〔見科〕〔慕容垂云〕元帥。呼喚慕容垂那廂使用。〔苻堅云〕你二將都來了也。梁成。吾今待舉兵圖晉。未知您二人意下如何。〔梁成云〕我則道你有甚麼事。原來要圖晉。不打緊。都在我身上。正好領兵相持廝殺。要子哩。〔慕容垂云〕元帥。正好我也待要去。元帥記的你說的話麼。有雄兵一百萬。馬

鞭子填塞過江南。量他何足道哉。〔苻堅云〕梁成。我撥與你五萬人馬。你爲前部先鋒。先取壽陽。與他交戰。小心在意。疾去早來。〔梁成云〕得令。某則今日統領人馬。與晉相持廝殺。走一遭去。我做先鋒稀奇。準備廝殺相持。搗槌上抹上些稀蒜。就馬上辣作一堆。〔下〕〔苻堅云〕梁成去了也。慕容垂。我撥與你五萬軍馬。與同梁成。你爲合後。先取壽陽。小心在意。疾去早來。〔慕容垂背科〕

〔云〕正中吾計。若是成得。某便封官受賞。若是輸了呵。某領兵還我那夾山去。我弄他弄。某領兵與他拒敵去。〔苻堅云〕則要你成功而回也。〔慕容垂云〕得令。則今日同梁成領兵五萬。先取壽陽。走一遭去。大小三軍。聽吾將令。忙搗戰鼓。急篩銅鑼。戰鼓響三軍進步。銅鑼鳴準備收兵。大將英雄實是奇。六韜三略盡皆知。軍行禁約須當記。五十四斬盡依隨。敢勇當先能挾將。揚威耀武敢奪旗。古來自有能征將。誰比我將軍快喫食。白米悶飯喫二十碗。硬麵燒餅嚙九十。經帶闊麵輪五碗。捲煎爛蒜夾肉喫。酸酒飲上五十盞。下酒肥羊爛牛蹄。饅頭喫上五六扇。賺鵝喫了一大隻。元帥領兵當先去。我撐的肚脹動不的。〔下〕〔苻堅云〕慕容垂去了也。大小三軍。聽吾將令。到來日將士威風若虎彪。咆哮戰馬統戈矛。征塵滾滾興戈甲。放心不過長江不肯休。〔下〕

第二折

〔外扮桓沖領卒子上〕〔云〕晉朝武帝太元年。秦兵入寇犯中原。豈知江表多雄略。交鋒一陣破。

苻堅。小官大司馬桓沖是也。方今聖人在位。有西秦苻堅下將戰書來。搦俺名將。與他交鋒。他倚仗秦國人強馬壯。無故舉兵。俺晉國召求良將。可鎮迤北朔方。小官奉聖人的命。在此帥府聚衆官商議。令人與我請將王坦之來者。〔卒子云〕理會的。王坦之安在。〔外扮王坦之上〕〔云〕滾滾長江水向東。龍蟠虎踞地興隆。波濤洶湧千尋浪。勝似關山百二重。小官姓王名坦之字文度。官拜侍中之職。今有西秦苻堅入寇爲憂。召求文武良將。可以鎮禦朔方。今有桓沖大人令人來請。不知有甚事。須索走一遭去。可早來到也。報復去。道有王坦之在於門首。〔卒子云〕理會的。喏。報的大人得知。有王坦之來了也。〔桓沖云〕道有請。〔做見科〕〔王坦之云〕大人。喚小官有何事商議。〔桓沖云〕相公。請你來別無甚事。因爲西秦苻堅下將戰書來。搦俺與彼交鋒。你可舉名將。破西秦苻堅。〔王坦之云〕大人。小官才疎德薄。不能舉薦。有謝安此人才高德厚。當以舉賢拜將。堪可定西秦苻堅也。〔桓沖云〕相公不避馳驅。直至謝安宅上訪問。走一遭去。小官專等回報也。〔王坦之云〕理會的。小官辭了大人。直至謝安宅上商議。走一遭去。詔領官軍以拒秦。誰能敢去立功勳。謝安英勇忠良將。保舉當朝社稷臣。〔下〕〔桓沖云〕王坦之去了也。小官不敢久停久住。回聖人的話。走一遭去。奉勅傳宣離殿庭。秦兵入寇去相征。謝安舉將除賊患。擒捉苻堅定太平。〔下〕〔謝安領卒子上〕〔云〕山高萬仞楚天西。金柱曾將御筆題。雲水金陵龍虎旺。月明珠路鳳

來儀。氣吞江海三山小。勢壓乾坤五嶽低。試向華夷圖上看。萬年帝業與天齊。老夫姓謝名安字安石。自幼習堯舜禹湯文武周公之道。方倣周公綱常之理。講明經綸濟世之學。頗曉行兵之略。不求榮華。隱於東山。恬然高臥。每對青山。常觀綠水。看白雲來往東西。攜翠袖環圍左右。不期聖人知老夫有經綸濟世之才。累蒙宣召入朝。謝聖恩可憐。加老夫吏部尚書之職。掌管中書大事。老夫平昔所好者。乃聲律棋碁絲竹之藝。樂其心志。老夫有昆仲三人。兄乃謝奕。弟乃謝萬。吾兄有一子。乃是謝玄。此子頗習韜略遁甲之書。學成管樂之謀。下寨安營。亦有孫吳之智。此子亦有大將之才。每日攻書業儒。老夫今日早間。在於朝中。有邊庭上人來報。秦將苻堅。親自掛印爲帥。領雄兵百萬。戰將千員。前來奈俺晉朝交戰。老夫料苻堅。他則知俺晉朝兵微將寡。他豈知有賢臣在此。量他何足道哉。老夫衙門中已回。在於私宅。到來日聖人必然與老夫商議拜將出師迎敵秦兵去。老夫已安排定了也。今日無甚事。閑坐一會。令人門首看。但有事。報復我知道。〔卒子云〕理會的。〔王坦之上〕〔云〕小官王坦之。今來到謝安私宅門首也。報復去。道有王坦之在於門首。〔卒子云〕理會的。喏。報的大人得知。有王坦之大人來了也。〔謝安云〕道有請。〔卒子云〕理會的。有請。〔做見科〕〔謝安云〕相公爲何至此。〔王坦之云〕小官今日來。大人不知朝中有一事。今有西秦苻堅。領兵入寇。統兵百萬。旌旗蔽日。大人的命。着小官來與老丞相商議。可保舉名將。

破西秦苻堅。老丞相意下如何。〔謝安云〕相公請坐。此事易哉。量那強戎小寇。老夫觀他。如兒戲而已。不打緊。今要舉將。老夫舉吾姪謝玄。掛印爲帥。相公意下如何。〔王坦之云〕老丞相舉姪爲將。必有所見。敢問賢姪曾習兵書戰策麼。〔謝安云〕相公。吾姪年幼。老夫難以自獎。若論此子。乃社稷之臣。棟梁之材。堪可掛印爲帥。若論俺晉國。有長江險阻。老夫略施小智。但用機謀。將秦兵一百萬。一鼓而下。有何難哉。不打緊。相公請坐。老夫聞知相公善能圍棋。令人將過圍棋來者。我與老相公手談數着者。〔卒子云〕理會的。〔做擡棋卓上科〕〔云〕圍棋在此。〔王坦之云〕可矣可矣。丞相請着棋。〔做下棋科〕〔王坦之云〕老丞相圍棋之間。可請令姪謝玄觀棋。有何不可。〔謝安云〕既然這等。相公請坐。令人與我書房中喚將謝玄來者。〔正末扮謝玄上〕〔云〕某謝玄是也。攻看兵書戰策。叔父在前廳上呼喚。不知有甚事。須索走一遭去也呵。〔唱〕

〔南呂一枝花〕參透這九宮八卦文。一變千籌數。萬敵百戰法。三略六韜書。休道那十面埋伏。怎出這妙策幽微趣。神機決勝術。排玄武接引青龍。我若是按朱雀相連白虎。

〔梁州〕運動時風雷鼓舞。端的也行持時日月盈虛。陰陽造化分寒暑。霎時間雲遮白晝。霧障堦衢。雨施晦暗。風起吹噓。撥天關動靜全殊。應天心逆順難謀。

安營時慮險防危。布陣勢揚威耀武。排兵時運智施謀。隄防着路途間阻。要知進退行軍旅。識天文。變躔度。大將同勢與士卒。志在孫吳。〔云〕左右報復去。有謝玄來見。〔卒子云〕理會的。喏。報的大人得知。有謝玄來了也。〔謝安云〕着他過來。〔卒子云〕理會的。着過去。〔做見科〕〔謝安云〕謝玄。喚你來不爲別。那壁廂有王坦之相公在此。把體面與他相見。〔正末云〕理會的。大人支揖哩。〔王坦之云〕小將軍恕罪。〔正末云〕叔父。喚您姪兒來有何事。〔謝安云〕謝玄。我喚你來觀棋。〔王坦之云〕小將軍勿罪。小官與老丞相下此一盤棋。請將軍觀棋。〔正末云〕觀棋之意。如用兵之法。方圓動靜。可得聞乎。〔唱〕

〔牧羊關〕這棋布關天象。似星分運斗樞。〔王坦之云〕這方圓動靜。可是如何。〔正末唱〕有方圓動靜親疎。靜埋伏暗計包藏。動交戰攻城必取。〔王坦之云〕小將軍。你觀此棋。如排兵布陣相似也。〔正末唱〕圓用兵如棋子。方下寨似棋局。倚親者添雄壯。接疎情勢似孤。〔王坦之云〕小將軍觀此棋中造化。無不知備。今有秦兵入寇。令叔舉保將軍掛印爲帥。若是迎敵得勝。黃閣標名也。〔正末云〕量小將有何才德。怎消得掛印爲帥。〔王坦之云〕西秦兵多將廣。將軍堪可掛印爲帥也。〔正末唱〕

〔隔尾〕苻堅將廣非吾許。秦國兵多有若無。〔王坦之云〕他則倚仗着兵雄將勇。豈知俺

有才俊英傑也。〔正末唱〕不識江南有人物。出豪傑在帝都。顯英才在將府。〔王坦之云〕薦舉將軍爲帥。必然破了秦寇也。〔正末唱〕敢望高賢將謝玄舉。〔云〕既然教謝玄掛印爲帥。他兵百萬。我兵十萬。少不敵衆。問叔父求一計如何。〔謝安云〕謝玄。今國家用人之際。我今舉你爲帥。去破苻堅。你道是少不敵衆。想漢朝三分之時。吳國周瑜。領水軍三萬。同諸葛亮用計。與曹操戰於赤壁之間。使曹操一百萬大軍。直殺的片甲不歸。那箇豈不是少不敵衆。你問老夫求計。你也說的是。令人將紙筆來。〔做寫退字科〕〔云〕謝玄。你見麼。〔正末云〕你兒見。〔謝安云〕我說與你。凡治衆如治少。分數是也。三軍之衆。亦可敵也。我與你這箇字。便是破苻堅之計。你自己參詳去。莫要悞了我圍棋。〔做接字科〕〔正末唱〕

〔罵玉郎〕親書退字參詳去。待教我自省會。莫躊躇。他強我弱休畏懼。我如今論進攻。要退兵。知天數。

〔感皇恩〕呀。謾矜誇志捲江湖。便如您智在棋局。能通變識行藏。觀勢要分勝敗。知進退緊追逐。〔王坦之云〕將軍。令叔寫此一字。全在將軍妙算。夫未戰者。多算勝。少算不勝。何況於無算。〔正末唱〕這裡面防危慮險。更那堪損益盈虛。能挑戰。善料敵。有神術。

〔採茶歌〕我這裡用機謀在須臾。這箇字可正是要分勝敗定贏輸。得意何須

多計策。算來不索下工夫。〔謝安云〕謝玄。你豈不知孫武子兵書曰。兵乃國之大事。死生之地。存亡之道。不可不察也。今聖人選將用兵。以安社稷。撫養軍民。全在於爾。今設此計。何須多言。你自己三思去。莫要誤了我圍棋也。〔正末云〕經有五事較之。一曰道。二曰天。三曰地。四曰將。五曰法。道者令民與上同意。可與之死。可與之生。而不危矣。凡此五者。為將者莫不聞乎。放心也。〔唱〕
〔尾聲〕做學那漢雲長斬將三通鼓。蜀諸葛排兵八陣圖。到來日陳旌旗。列士卒。統干戈。禦戰車。將江山社稷扶。定番邦盡剿除。我務要戰退了秦苻堅百萬的這征夫。托賴着濟世寬仁聖明主。〔下〕〔謝安云〕謝玄去了也。相公。你纔見麼。這棋中之意。進退之節。老夫雖然不語。謝玄觀棋得計。他已是參透了也。此一去必然成其大功也。〔王坦之云〕老丞相。小官與相公圍此一盤棋。小將軍解此棋意。自然有箇主意也。〔謝安云〕相公不嫌絮煩。聽老夫慢慢的說一遍。〔王坦之云〕老丞相。這棋中幽微之趣。可得聞乎。〔謝安云〕夫圍棋者。乃運天地之機。造化陰陽之像。此棋堯王所製。以為悅豫之戲。棋盤有四角。按四時春夏秋冬。上有方圓動靜。方者為盤。圓者為子。動者為陽。靜者為陰。棋有一十九路。〔王坦之云〕老相公是那一十九路。〔謝安云〕是一天。二地。三才。四時。五行。六律。七星。八方。九州。十干。十一冬。十二支。十三閏。十四相。十五望。十六松。十七生。十八卻。十九朔。外有五盤小棋勢。〔王坦之云〕是那五

盤小棋勢。〔謝安云〕是小巧勢。小妙勢。小角勢。小機勢。小屯勢。棋盤有三百六十路。按一年三百六十日。又有二十四盤大棋勢。〔王坦之云〕老丞相是那二十四盤大棋勢。〔謝安云〕是獨飛天鵝勢。大海求魚勢。蛟龍競寶勢。蝴蝶繞園勢。錦鯉化龍勢。雙鶴朝聖勢。黃河九曲勢。華岳三峯勢。寒灰發焰勢。枯木重榮勢。彩鳳翻身勢。遊魚脫網勢。虎護山峪勢。兩狼鬪虎勢。七熊爭霸勢。六出岐山勢。七擒七縱勢。九敗章邯勢。對面千里勢。兔守三穴勢。野馬跳澗勢。批亢搗虛勢。三戰呂布勢。十面埋伏勢。若論下棋者。一安詳。二布置。三用機。四捨棄。五溫習。六究理。七自見。八知彼。九從心。十遠意。遠不可太疎。疎則易斷。近不可太促。促則勢微。欲下一子。先觀滿盤。從初至末。着着當先。追殺分不可太過。妙算分恭心卻戰。認真分棄少就多。初間布置張羅。次後往來規措。攢三聚五。死難移。角盤曲四休疑。內外相連。周回四顧。士大夫智量相瞞。小兒曹推棋抹路。有眼殺無入。問君知不知。河臨海岸淺。山勢有高低。各尋智中智。鬪搜機內機。只因一着錯。輸了半盤棋。若論下棋者。氣清意美。生智添機。須觀緊慢。要見遲疾。外靜內動。身定心逸。喜中隱怒。安裏藏危。省語者高。強語者低。自強者敗。本分者宜。贏了的似那無聲之樂。無故生歡。謳歌小令。鼓腹忻然。巧言相戲。冷語相撓。精神抖擻。語話謙謙。輸了的似那無喪之痛。嗟嘆哀憐。索索的膽戰。緊緊的眉攢。雙關裏胡撞。死眼裏胡填。打劫處胡紐。虎口裏胡鑽。棋乃堯王製。相傳到至今。手談消鬱悶。

道與度光陰。捨命往前撞。亡生向裏尋。懷恨生嫉妬。低首漫沉吟。常存斟酒意。莫使下棋心。似那
遍地野田爭種土。周天躡度旋添星。詩曰。數着殘棋用意深。包藏天地在其中。用智施謀生妙算。
局中已有定乾坤。〔王坦之云〕老相公。閑中道德。靜裏乾坤。易曰。危者安其位也。亡者保其存也。
亂者有其治也。是故君子安而不忘危。存而不忘亡。治而不忘亂。窮則變。變則通。通則久。老丞相
已知其中進退之幽微。識贏輸之奧妙。卻正是數着殘棋。江月曉。一聲長笑海天秋。國手神機動
着高。閑中道理任逍遙。靜觀棋勢除煩惱。久坐忘歸不憚勞。小官亂道。丞相勿哂也。〔謝安云〕相
公說的是。安排酒肴。管待相公。〔王坦之云〕棋局已就。不必飲酒。小官告回。〔謝安云〕相公慢去。
〔王坦之云〕到來日一同與老丞相復命。出的這門來。小官不敢久停久住。將馬來。見大人走一
遭去。狀貌堂堂大丈夫。胸中造化運機謀。棋中決勝通天地。高才傑士出皇都。〔下〕〔謝安云〕王
坦之去了也。老夫到來日。一同見聖人復命去。老夫想謝玄。必解吾棋中之意。必然破了苻堅也。
我雅量寬舒且放懷。神機妙策已安排。謝玄領兵擒秦將。班師得勝赴朝來。〔下〕

楔子

〔蔣神領鬼力上〕〔云〕英才壯貌顯威靈。玉帝親差受勅封。鍾山有威爲神後。護祐乾坤萬里清。
吾神乃生前蔣子文是也。廣陵人氏。在生爲漢朝秣陵都尉。因盜至鍾山。某盡力搏擊之。上帝爲

吾神正直無私。以此命我爲本境土神之位。以福爾下民。消災除障。後吳主封吾神爲中都侯。加印綬。立廟在於鍾山。因改爲蔣山。表其靈異。晉時蘇峻作亂。列營於吾神山前。兵勢甚重。祈禱吾神。陰助蘇峻。臨陣之間。將賊子墜馬斬首。今因秦將苻堅。領雄兵百萬。入寇爲害。吾神舉意助晉。聞知晉朝舉謝玄爲帥。若到吾神廟中祈禱呵。吾神自有箇主意。謝玄這早晚敢待來也。〔淨扮廟官上〕〔云〕官清司吏瘦。神靈廟主肥。有人來燒紙。則搶大公鷄。小官廟官的便是。我這神道。千靈萬聖。求風得雨。求雨可刮風。今日掃的廟宇乾淨。看有甚麼人來。〔謝石領卒子上〕〔云〕耿耿文官扶宇宙。桓桓武將定乾坤。遠征近治全忠信。盡是安邦社稷臣。某乃謝石是也。今爲征討副帥之職。某深通三略。善曉六韜。奉宣勅領將驅兵。作元戎鋪謀定計。忠肝秉正。義膽除邪。施勇略智勝雄師。建功勞戰敵猛將。知敵數識其勝敗。孫子曰。凡爲將者。將聽吾計。用之必勝。今有秦公苻堅。下將戰書來。奈俺相持。今奉命爲征討副元帥。謝玄爲都統大帥。劉牢之爲前部先鋒。桓伊謝琰爲左右二哨。統領十萬精兵。與秦寇拒敵。今有兵在鍾山安營。小校營門首觀者。若元帥來時。報復我知道。〔劉牢之上〕〔云〕逢山開道威風勝。遇水疊橋氣勢雄。英才謀略先鋒將。敢戰苻堅第一名。某乃前部先鋒劉牢之是也。每回臨陣。無不成功。寸鐵在手。萬夫不當之勇。今因秦兵百萬入寇。聖人的命。着謝玄爲破虜大元帥。謝石爲征討副帥。元帥將令。着大兵先至鍾山安

營會合衆將。聽令而行。元帥呼喚。須索走一遭去。可早來到也。報復去。道有先鋒劉牢之來了也。
〔卒子云〕理會的。〔報科〕〔云〕喏。報的元帥得知。有劉牢之來了也。〔謝石云〕道有請。〔卒子云〕
理會的。有請。〔見科〕〔劉牢之云〕元帥某來了也。〔謝石云〕一壁有者。〔桓伊上〕〔云〕威鎮家邦。
四海清。文韜武略顯英雄。全憑智勇安天下。統領雄師百萬兵。某乃桓伊是也。今有苻堅作亂。元
帥呼喚。不知有甚事。須索走一遭去。可早來到也。小校報復去。道有桓伊來了也。〔卒子云〕理會
的。〔報科〕〔云〕喏。報的元帥得知。有桓伊來了也。〔謝石云〕道有請。〔卒子云〕理會的。有請。〔見
科〕〔桓伊云〕元帥某來了也。〔謝石云〕一壁有者。〔謝琰上〕〔云〕威風赳赳志昂昂。身材凜凜
貌堂堂。天下豪傑聞吾怕。英雄四海把名揚。吾乃謝琰是也。今有元帥呼喚。不知有甚事。須索走
一遭去。可早來到也。小校報復去。道有謝琰在於門首。〔卒子云〕理會的。〔報科〕〔云〕喏。報的元
帥得知。有謝琰來了也。〔謝石云〕道有請。〔卒子云〕理會的。有請。〔見科〕〔謝琰云〕元帥某來了
也。〔謝石云〕您衆將一壁有者。等元帥來時。有商議的事。小校轅門首覷者。元帥來時。報復我知
道。〔正末上〕〔云〕某謝玄是也。因秦兵入寇。奉聖人的命。加某爲破秦大將軍。征西都元帥之職。
統領雄兵十萬。征伐賊寇。今大兵出城。見在鍾山安營。則等某的將令。便索起營。可早來到也。小
校報復去。有謝玄來了也。〔卒子云〕理會的。喏。報的大人得知。有謝元帥來了也。〔衆將接見科〕

〔謝石云〕元帥。今苻堅領兵入寇。有秦將梁成攻壽陽。將欲克之。有尙書朱序。言說秦兵百萬。未曾來全。今乘衆軍未集。宜速擊之。合從所言。各聽元帥將令而行。〔正末云〕此處有蔣神之廟。您跟着某行香去來。〔謝石云〕衆將都跟着元帥走一遭去。〔衆做走科〕〔謝石云〕可早來到也。元帥請。〔廟官云〕大人每來了。請請請。小道接遲休怪。〔衆跪科〕〔正末云〕今太元八年。歲次癸未。七月上旬朔。破秦大將軍謝玄等。拈香禱告神前。因爲秦兵百萬。入寇爲害。有叔父謝安。保舉掛印。領兵十萬。前去拒敵。伏望神靈陰助成功。洞鑒是幸。〔正末同衆拜科〕〔謝石云〕今衆將皆全。聽元帥將令行兵。〔正末同衆出廟科〕〔正末云〕大小三軍。聽吾將令。今因秦兵犯邊。奉聖人的命。加某爲帥。領兵十萬。征伐賊寇。您衆將各當奮勇。若破苻堅之後。都着您建節封侯。若慢慢軍情者。依軍令必當斬首。〔衆將云〕得令。〔正末唱〕

〔正宮端正好〕我奉朝內帝王宣。持闕外將軍令。統貔貅齊出石城。今日箇破西秦。要把中原定。我則待興晉室。拒秦兵。望神聖。顯威靈。分勝敗。見輸贏。則要奏凱歌。齊得勝。敲金鐙。〔下〕〔謝石云〕劉牢之。你爲前部先鋒。率精兵五千。先去新安縣白石山洛澗棚。拒敵秦兵。桓伊謝琰爲左右二哨。則要您得勝回還。看計行兵。然後某與元帥。統大勢雄兵。便來接應也。〔桓伊云〕得令。奉元帥的將令。到來日兩陣交鋒。用智能。今番大戰定輸贏。挾

人捉將千般勇。武藝精熟敢戰爭。忘生捨死行忠孝。赤心報國輔朝廷。爲將行兵周呂望。扶持社稷永興隆。〔下〕〔謝琰云〕得令。奉元帥將令與苻堅相持廝殺。走一遭去。大小三軍聽吾將令。到來日雄兵猛將列西東。殺氣騰騰罩碧空。槍刀燦爛如銀練。征塵撩亂馬蹄橫。挾人捉將垓心內。揚威耀武陣雲中。英雄慷慨忠良將。奪取今番第一功。〔下〕〔劉牢之云〕奉元帥將令。領五千人馬與秦兵交戰。走一遭去。大小三軍聽吾將令。三通鼓罷。拔寨起營。凜凜威風七尺軀。臂中韜略用機謀。匣藏寶劍龍紋勅。帳前軍將錦模糊。英雄勇將持兵刃。智按當年八陣圖。忠心輔助安天下。殺的那百萬賊兵拱手伏。〔下〕〔謝石云〕衆將去了也。某與元帥統領大軍。剿除秦兵。走一遭去。忠正常懷報國心。英雄慷慨顯威風。全憑智勇安天下。殺退秦兵建大功。〔下〕〔廟官云〕大人去了也。小道無甚事。搗蒜喫羊頭去也。我做道官愛清幽。一生哈答度春秋。搗下青蒜釀下酒。柳蒸狗肉爛羊頭。〔下〕〔蔣神云〕禍福無門。惟人自召。今日苻堅領兵入寇。今拜謝玄爲帥。統兵拒敵。來吾神廟中焚香禱告。吾乃護國之神。理合相助。率領本部神兵。前至壽春八公山中。退賊苻堅。上報聖人享祭之恩。下答蒼生虔誠之意。爲苻堅入寇興師。股肱臣懷忠秉正。能舉薦大將謝玄。運籌策基中得令。顯威靈神兵扶助。施謀略旗開得勝。滿山川草木爲兵。方顯這破苻堅蔣神靈應。〔下〕

第三折

〔淨慕容垂梁成驪馬兒領卒子上〕〔慕容垂云〕俺二將乃慕容垂梁成是也。今奉苻堅元帥將令。統領本部下人馬。與晉兵交鋒。〔梁成云〕大小三軍。擺開陣勢者。遠遠的塵土起處。必然是晉兵來了也。〔劉牢之驪馬兒領卒子上〕〔劉牢之云〕某乃大將劉牢之是也。統領本部下人馬。拒敵秦兵。大小三軍。擺開陣勢。來者何人。〔梁成云〕俺二將乃慕容垂梁成是也。你來者何人。〔劉牢之云〕某乃大將劉牢之是也。兀那賊將。敢相持麼。〔梁成云〕操鼓來。〔做戰科〕〔慕容垂云〕我近不的他。不中。逃性命。走走走。〔二淨下〕〔劉牢之云〕這厮走了也。不問那裡趕將去。〔下〕〔苻堅驪馬兒領卒子上〕〔云〕下山猛虎別深澗。出水長蛟離碧潭。百萬雄兵臨晉地。馬鞭填塞過江南。某乃秦公苻堅是也。領大勢軍馬。前來圍晉。兵至壽陽。先使前部先鋒梁成慕容垂。各率領五萬軍馬。前至洛澗口。被晉兵戰敗。他怎知俺百萬雄兵。量他到的那裡。大小三軍。擺開陣勢。看晉兵有何名將出馬也。〔正末同謝石劉牢之桓伊謝琰驪馬兒領卒子上〕〔正末云〕大小三軍。擺開陣勢。衆將奮勇。則在今朝一陣也。〔唱〕

〔越調鬪鶴鶉〕今日箇將出京師。兵離帝輦。試看那殺氣瀾漫。威風勢遠。〔劉牢之云〕你看那劍戟如銀練。旗旛彩帶飄。是好氣勢也。〔正末唱〕劍戟縱橫。旌旗晃展。我如

今統禁軍掌大權。憑着俺武略文韜。播得箇名揚貴顯。

〔紫花兒序〕我務要剿除了番虜。殺敗了羌戎。掃蕩了狼煙。全憑着刀槍鋒利。戈甲齊堅。征驍恰便似飛虎飛熊下九天。今日待與西秦交戰。擺列的兵勢威嚴。我則索將令親傳。〔苻堅云〕某乃秦苻堅是也。你敢是謝玄麼。〔正末唱〕

〔調笑令〕我正是謝玄。特地來破苻堅。我與你答話相持在兩陣前。〔苻堅云〕量你止有十萬軍馬。急早投降。〔正末唱〕你正是番人性野心不善。倚兵多小覷中原。你若肯將軍兵退過河那邊。我情願便伏低納進尊賢。〔云〕苻公。你兵百萬。我兵十萬。

少不敵衆。你將兵且退過河那邊。我回去商量。便來投降。你意下若何。〔苻堅云〕既然這等。他也說的是。大小三軍。聽吾將令。我退過淝水河那邊。擺着陣勢。他若不肯投降。再與他交戰。未爲晚矣。〔卒子云〕得令。〔做過河科〕〔蔣神冲上〕〔云〕吾神乃蔣神是也。奉上帝勅令。陰助西晉。將滿山草木。皆爲晉兵。助大將謝玄破秦。兀的不苻堅兵亂了也。〔正末云〕衆軍吶喊。與我趕將去。〔苻堅云〕可怎生秦兵大亂。兀的不晉兵趕將來。似此怎了也。〔正末唱〕

〔禿厮兒〕他退一步非災。怎免退一步橫禍纏綿。仗着他兵雄將多武藝全。則我這計通玄。也波難傳。〔蔣神云〕大小鬼兵圍住。休着走了苻堅。〔苻堅云〕滿山滿峪。都是晉

兵。吾勢已弱。如之奈何也。〔正末唱〕

〔聖藥王〕趁着他過水淵。臨岸邊。襲兵逞勢要爭先。我見他陣不圓。旗亂展。方纔半渡不能前。暫時間則一陣破了苻堅。〔苻堅云〕吾戰久遠。力盡困乏。虛擲一槍。我撥回馬逃命。走走走。〔下〕〔蔣神云〕苻堅輸了也。鬼兵速退。因晉朝洪福無疆。舉謝玄堪做忠良。見秦兵軍馬勢大。領衆將入廟燃香。爲神的威靈顯應。殺西秦將亂兵慌。今日箇謝玄得勝。神軍駕祥雲回奏穹蒼。〔下〕〔劉牢之云〕元帥。今將秦兵一陣殺其大半也。皆是元帥虎威。收軍班師回程也。〔正末云〕今日破了苻堅。衆將得勝成功。小校與我鳴金者。〔唱〕

〔尾聲〕循環天理隨人願。西秦國時乖命蹇。今日箇定番虜盡消除。留得芳名播年遠。〔同衆下〕〔苻堅慌上〕〔云〕當年不信賢人語。今日孤身一旦空。某苻堅是也。將兵百萬圖

晉。被謝玄一計。

計原作智今改

着我將兵過河。他來受降。軍至半渡。晉兵大舉。吾兵號令不齊。將我兵殺

其大半。水中淹死太平。晉兵追至青岡。滿山都是晉兵。天喪苻堅也。未知梁成慕容垂在於何處也。〔淨梁成慕容垂慌上〕〔慕容垂云〕走走走。一百萬秦兵。盡皆折了。俺兩箇剛剛的逃出命來。兀那遠遠的不是苻堅。因爲你與晉兵交戰。折了俺許多人馬。更待干罷。險些兒送了俺性命。你及早受死。〔苻堅跪科〕〔云〕將軍。可憐孤身無處投奔。望將軍饒其性命。願將西秦與之。〔慕容

垂云「苻堅。你既然赤心受命於我。饒你性命。你則是開的口大了。你豈不差麼。收拾方物。準備進貢。你再休題馬鞭填塞過江南。」苻堅云「罷罷罷。當此一日。不信苻融之言。果然今日將輸兵敗。即便回還。收拾方物。便來進貢也。陣退紛紛看敗兵。朔風凜凜捲殘雲。行程悽慘無頭奔。孤身羞恥向西秦。」下。

第四折

〔桓沖領卒子上〕〔桓沖云〕文安四海擎天柱。武定八方架海梁。小官乃大司馬桓沖是也。因秦兵入寇。有謝安舉保他姪謝玄爲帥。領兵十萬。過江迎敵。前至壽春八公山。將百萬秦兵。一鼓而下。剿除秦寇。皆賴聖人洪福。今奉主命。在於帥府安排筵席。犒勞衆將。左右人請將王坦之來者。〔卒子云〕理會的。王坦之安在。〔王坦之上〕云「小官王坦之是也。今有謝玄并衆將。大破苻堅賊衆。班師回程。小官須至帥府見大人。走一遭去。可早來到也。令人報復去。道有王坦之在於轅門首。」卒子云「理會的。喏。報的大人得知。有王坦之相公。在於門首。」〔桓沖云〕道有請。〔卒子云〕理會的。有請。〔做見科〕〔王坦之云〕大人。賀萬千之喜。今有謝玄建立功勳。當以封官賜賞也。〔桓沖云〕相公請坐。令人與我請將謝安相公來者。〔卒子云〕理會的。謝相公安在。〔謝安上〕云「老夫謝安是也。自從謝玄領兵。去敵秦將苻堅。數月光景。不見回軍。老夫在於私宅。令人來

報有大司馬桓沖大夫。在於省堂請老夫。不知有甚事。須索走一遭去。說話中間。可早來到也。令人報復去。道有吏部尙書謝安。在於門首。〔卒子云〕理會的。喏。報的大人得知。謝安相公來了也。〔桓沖云〕道有請。〔卒子云〕理會的。有請。〔做見科〕〔謝安云〕大人。請老夫有何事商議。〔桓沖云〕請相公來不爲別。飛報前來。有謝玄大破秦兵。皆老宰輔之功也。〔謝安云〕大人。吾姪謝玄。小兒之輩。亦無才智之能。豈有安邦之策。此一場托聖明洪福。大破苻堅。有何罕哉也。〔桓沖云〕令人轅門首覷者。謝玄將軍來時。報復我知道。〔卒子云〕理會的。〔正末同謝石謝琰桓伊劉牢之上〕〔劉牢之云〕元帥。俺得勝回還。皆是元帥與衆將之功也。〔正末云〕俺自領兵十萬在淝水河。則一陣大破苻堅。今已得勝班師。非某與衆將之能。皆賴聖人洪福也呵。〔唱〕

〔雙調新水令〕則爲我運籌一計建功勞。今日箇滅苻堅。杳無消耗。征塵威勢遠。殺氣陣雲高。將勇兵驍。因此上安宇宙。定廊廟。〔云〕可早來到也。小校報復去。道有謝玄同衆將班師回程也。〔卒子云〕理會的。喏。報的大人得知。有衆將下馬也。〔桓沖云〕道有請。〔卒子云〕理會的。有請。〔正末與衆將見科〕〔云〕大人。俺衆將班師回程也。〔桓沖云〕不枉了大國良將之智。平秦定虜。皆將軍之大功也。〔謝安云〕謝玄。你這一場交戰。托聖天子百靈成助。方顯這大將軍八面威風。真箇是三軍勞神也。〔正末唱〕

〔鴈兒落〕非是俺三軍費苦勞。謝叔父一計真奇妙。因此上八方定虜番。卻原來四海除兇暴。〔桓沖云〕今日箇邊庭寧靜。掃蕩西秦。八方無事。萬萬載太平之世也。〔正末唱〕〔得勝令〕呀。今日箇得勝也。赴皇朝。恰便似平步上青霄。〔謝安云〕謝玄。此是你智勇機變。所以得勝而回也。〔正末唱〕非是我陣面上隨機變。謝叔父棋局中動着高。〔謝安云〕也是你妙算神機。不差半米也。〔正末唱〕心不失分毫。真乃是雅量施三略。保祐着皇朝。播一箇美名兒在青史標。〔桓沖云〕謝安王坦之。謝玄謝石。您衆將望闕跪者。聽聖人的命。爲您冒懷輅略。腹隱神機。少少之兵。今退百萬雄師。累建大功。今日加官賜賞。謝安有雅量之才。舉姪設計。有大功勳。加官太保中書省太宰。王坦之機變之才。舉人得中。加爲尙書兼中書門下之職。謝玄有退秦兵之勇。淝水之勝。有大功勳。加爲定番虜大元帥。謝石有關張之雄。共謀破秦。累建奇功。加爲征討副帥之職。劉牢之。桓伊。謝琰等衆將。都有加官賜賞。您是那赤心報國忠良將。今日箇殺退苻堅百萬兵。謝了恩者。〔正末唱〕

〔折桂令〕今日箇拜金鑾遙望天朝。我這裡舞蹈揚塵。展脚舒腰。〔衆做拜科〕〔桓沖云〕方今聖人德過堯舜。今日犒勞衆將。賜賞加官也。〔正末唱〕俺如今感謝洪恩。蒙承大德。慶賀功勞。〔做拜科〕〔桓沖云〕您官高極品。位至三公。祿享千鍾。輩輩榮襲也。〔正末唱〕一箇

箇居祿位高官貴爵。一箇箇享榮華列土分茅。〔做拜科〕〔桓沖云〕聖上寬仁厚德。文武公卿內外臣僚。永享快樂也。〔正末唱〕則俺這文武臣僚。氣勢英豪。願吾皇聖壽齊天。明聖似虞舜唐堯。〔做拜科〕〔桓沖斷出云〕您衆將望闕跪者。聽聖人的命。一百萬入寇秦兵。接千里旌旗相映。雖然他將廣兵多。謝安石寬忠秉政。能舉薦將軍謝玄。寫退計棋中得令。爲帥首掛印興兵。入廟宇拈香禱聖。初一陣壽陽當先。後一陣淝水取勝。滿川野草木爲兵。有鶴唳風聲相趁。今日箇靖邊境破虜除番。八公山蔣神靈應。盡忠心正直爲神。萬萬載中原平定。

題目

淝水河謝玄大功

正名

破苻堅蔣神靈應

蔣神靈應穿關

頭折

苻堅 多簷帽 蟬衣曳撒 袍 項帕 三髭髯 卒子 紅碗子盃 青布釘 正末王猛 兔兒角幘 補子

圓領 帶 苻融 兔兒角幘頭 補子 梁成 皮多簷帽 膝欄曳撒 掩心 慕容垂 皮盃 膝欄貼

裏 掩心甲 項帕 直纏 襖膊 劍

第二折

桓沖 兔兒角幘頭 補子 卒子 同 王坦之 一字巾 補子 圓領 帶 三髭髯 謝安 兔兒角幘頭 補子

卒子 同 王坦之 又上 同 正末謝玄 多簷帽 蟬衣曳撒 袍 項帕 直纏 襖膊 帶 帶劍 三髭髯

楔子

蔣神 鳳翅盔 膝欄曳撒 袍 項帕 直 鬼力 鬼頭 錦襖 項 廟官 道冠 道衣 謝石 繼兒 笏

麥簷帽 膝欄曳撒 袍 項帕 三髭髯 卒子 同 劉牢之 桓伊 謝琰 鳳翅盔 膝欄曳撒 袍 直纏 襖膊 帶 帶劍 三髭髯 項帕 直纏 襖膊

帶帶劍 三髭髯 正末謝玄同前

第三折

慕容垂梁成卒子

同前 驪馬兒

劉牢之卒子

同前 驪馬兒

苻堅卒子

同前 驪馬兒

正末謝玄謝

石劉牢之桓伊謝琰卒子

同前 驪馬兒

蔣神苻堅又上

同前

梁成慕容垂又上

同前

第四折


桓沖卒子王坦之謝安

同前

正末謝玄謝石謝琰桓伊劉牢之

同前

校抄內本乙卯二月廿一日清常記



莊周夢胡蝶

元史九敬先

第一折

〔沖末扮蓬壺仙長上〕〔云〕莫瞞天地莫瞞心。心不瞞人禍不侵。十二時中行好事。災星變作福星臨。小聖乃蓬壺仙長是也。今有太白金星傳玉帝勅命。爲因大羅神仙陞玉京上清南華至德真君。在玉帝前見金童玉女。執幢旛寶蓋。不覺失笑。玉帝怪怒。貶大羅神仙下方莊氏門中爲男。名爲莊周。游學將至杭州。此人深愛花酒。恐他迷失正道。差小聖領着風花雪月四仙女。先到杭州城內。化仙莊一所。賣酒爲生。着四仙女化爲四箇妓者。等候莊周來時。先迷住他。待太白金星到時。自有點化處。〔下〕〔生扮莊子上〕〔云〕窗前十載用殷勤。多少虛名枉誤人。只爲時乖心不遂。至今無路跳龍門。小生姓莊名周字子休。祖貫山東曹州人氏。因天下大亂。跟先祖前來四川居住。我兄弟四人。父母俱亡。頗有些家貲。三箇哥哥收掌。我在學中讀書。晚上睡不着。便思想人有生死。不能逃的。小生前歲往嶺南探親。及至回家。與小生送別的朋友。一半死了。小生嘆惜爲人在世。會幾箇士大夫之人。死而無怨。小生但會朋友。便問那裡好散心。都說杭州魚米之地。小生因此一徑的來到杭州。去城不遠。小生平日愛的是花酒。不知怎麼說。若有彈唱的送酒。小

生也喫不醉。遠望見城邊酒店中坐着箇老者。試問他一聲。賣酒的有酒麼。〔蓬壺上〕〔云〕是誰叫。有酒。〔生云〕好酒取二百文錢的來。〔蓬壺云〕先生一位客。緣何用二百文錢的酒。敢喫不了。〔生云〕你不認的。我是四川莊子休。我若用心喫。一千錢的酒。我也喫了。〔蓬壺云〕既然如此。任從尊意。先生。我這杭州城。有幾箇唱的。在這莊西邊。請他來同席。只費兩壺酒。可也不可。〔生云〕甚好。老者你就去。〔蓬壺下〕〔引四旦上〕〔見科〕〔生云〕你這四箇大姐。都是院里的。會甚麼吹彈。〔四旦云〕所事都會。先生要甚雜劇。俺就扮來。〔生云〕好大話也。我說出來。你若不會。怎了。〔四旦云〕人會的。俺便會。人知道的。俺便知道。〔生云〕既如此。您將樂器各作四句詩。都要有出處的言語。〔一旦云〕蒼梧雲氣赤城霞。錦樂鈞天帝子家。醉裡忽逢王子晉。玉簫吹上碧桃花。〔生云〕婦人只知枕席之事。也曉的這等言語。〔又一旦云〕世人多慮我無憂。一片身心得自由。散誕清閑無箇事。臥吹鳳管月明秋。〔生云〕我學生會天下士大夫。止不過學而知之。似列位者。少有。〔又一旦云〕塵世飄飄萬丈坑。暮雲樓閣古今情。誰將羌管吹殘月。白玉樓頭第一聲。〔生云〕又妙又妙。〔又一旦云〕非希非易亦非奇。音律輕歌韻正宜。說與君家如得悟。無憂無慮亦無疑。〔生云〕洒保。把前後門都關了。不要放一人進來。俺五箇人直喫的盡醉方歸。〔做彈唱送酒科〕〔生連飲科〕〔云〕我醉了。〔做睡科〕〔末扮太白金星上〕〔云〕閬苑仙家白錦袍。海山銀闕宴蟠

桃。三更月底鸞聲遠。萬里風頭鶴背高。小神乃太白金星是也。奉玉帝敕旨。下方點化大羅神仙。我先差蓬壺仙領四仙女。去杭州城南聚仙莊上迷住他。我來自有話說。(唱)

〔仙呂點絳脣〕飛下天宮。將帝宣欽奉。因他宿緣重。但得相逢。是一枕胡蝶夢。
〔混江龍〕世俗迎送。都是些是非人我虎狼叢。流的緊黃河九曲。坐的穩華岳三峯。依舊春風人世所。黃河一去永無踪。生太素陰陽未判。辨清濁混沌初分。推物理三皇治世。定人倫五帝興隆。寵女色夏桀無道。自荒淫太甲居桐。廢殷祀紂辛失位。建周朝文武成功。爲宰臣職居相府。作公侯祿厚千鍾。名利似湯澆瑞雪。榮華如秉燭當風。度寒暑鴈鴻南北。搬興廢烏兔西東。天地久消磨造化。黃塵老埋沒英雄。人有限。事無窮。觀二氣漸消鎔。一會家嘆干戈千載戰爭場。可憐人一枕南柯夢。恰開眼蜂衙蟻陣。轉回頭兔跡狐踪。(云)早到聚仙莊也。蓬壺仙何在。(蓬壺引四仙女跪科)(云)上仙有何法旨。(末云)大羅仙在那裡。(蓬壺云)見在房中酒醉睡着了。(末云)既做神仙。怎生醉了。我試看看。(做看科)(云)似此不如做神仙。(唱)

〔油葫蘆〕不如我跨鳳乘鸞朝玉京。仙家日月永。你只待浩歌一曲酒千鍾。見如今春秋七國刀兵動。不如我柳陰中一枕南柯夢。俺昆侖頂上人。比淩煙閣

上臣。試看咸陽原上麒麟塚。都一般瀟灑月明中。〔云〕自太極初分。到今春秋時。已經幾萬年了。日月好疾也。〔唱〕

〔天下樂〕轉首繁華掃地空。你看乾坤造化功。笑凡夫與吾心不同。我欲待說是西。他却來道做東。想塵埃誰識神仙種。空教我嘻笑不言中。〔生醒科〕〔末自云〕好儀表也。看他眉如秋月。目若朗星。真神仙也。我且躲在西房檐下。〔做躲科〕〔生云〕賣酒的老者。〔蓬壺云〕有。〔生云〕我教你前後門都閉了。俺五箇人喫的盡醉方歸。你如何放進人來。〔蓬壺云〕此人原是杭州城裡富戶。十年前家貲鉅富。我多受他恩來。如今艱難了。來問我要酒喫。先生休怪。〔生云〕你說十年前富貴。今日艱難了。我想富貴貧窮。流轉不息。好傷感人也。老者。請他過來。這裡有酒。教他吃些。〔蓬壺請科〕〔末變艱難相貌見科〕〔生云〕老人家飲一盃酒者。〔四女跪下科〕〔生云〕請起。〔四旦云〕這老人家。是我杭州在城恩府。怎敢不跪。〔末向生云〕莊先生。看你趁這等標致身軀。眉眼動蕩。修行去罷。〔生云〕老人家。你若富貴。無這話說。如今窮了。有這異端之心。你自修行去。〔末云〕若先生功夫到了。便是神仙。似這等貪戀花酒。有甚麼好處。

〔唱〕

〔那吒令〕你戀酒呵。多敗少成。你戀色呵。色卽是空。你戀財呵。那財中隱凶。都

只因氣送了人。到底成何用。誰知你有眼無瞳。〔生云〕你道門中有甚麼好處。我甚麼有眼無瞳。〔末唱〕

〔鵲踏枝〕說起俺道門中。不與你世俗同。你愛的是雪月風花。我愛是情懶偎慵。四件事無毛大蟲。再休與酒色財氣相逢。〔生云〕你這老人家。我與你酒。全不會喫。都澆奠在地下。我與你不相識。你出去外邊立去。〔末出外科〕〔生云〕你四箇女子。唱一箇曲兒。我喫一盃。〔末云〕他不認的我。教我出外邊來。他若認的時。頭也得他的。似此作歡。能得幾時受用也。〔唱〕

〔寄生草〕他只待兩行排着紅袖。二人捧着玉鍾。數朝不離香醪甕。我着你半霎搶入迷魂洞。猶兀自一盃未盡笙歌送。全不想無常迅速頃刻休。休倚仗三寸氣在干般用。〔生云〕我又醉了。〔睡科〕〔胡蝶仙子上〕〔舞一折〕〔下〕〔生醒科〕〔云〕適夢中見胡蝶變化。好一箇大胡蝶也。〔末云〕十分胡蝶大。我有箇大胡蝶詞。〔生云〕你唱。〔末唱〕

〔醉中天〕撐破莊周夢。兩翅駕東風。五百處名園一採。〔探原作採趙校改〕一箇空。難道風

流種。說殺尋芳蜜蜂。輕輕飛動。把〔把下原有一箇二字趙校刪〕賣花人扇過橋東。〔生云〕誰想村莊上。過此知音。老者。城中不知有多少賢士大夫。老者。請坐請坐。〔末云〕我小人有一件物。還是比先

收下的。因無人買的起。出不上銀子。小人就不曾賣。(生云)值多少銀子。(末云)值銀一萬兩。
(生云)甚麼物件。直這些。(末云)小人有一花盆能種花。頃刻結果。食用可充飢渴。(生云)情願
看一看。(末種花科)(結果科)(末云)先生食果。(莊食果科)(云)好奇果也。甜如甘露。(末云)
我再種一果。先生食用。(六次科)(末收盆科)(末垂泪悲科)(生云)老者爲何煩惱。(末云)我
悲這花開六遭。如流年相似。(唱)

(金盞兒)恰春到百花紅。早夏至綠陰濃。秋來不落園林空。呀。早霜寒十月過。
春夏與秋冬。今日是一箇青春年少子。明日做了白髮老仙翁。豈不聞百年隨
手過。萬事轉頭空。(生云)當的煩惱。光陰瞬息。不覺的老了也。(末唱)

(後庭花)想人生百歲翁。似花飛一陣風。人無有千日好。花無有百日紅。(生
云)神仙有生死無有。(末唱)何必你論窮通。你如何如痴如諍。戀酒的有甚功。愛色
的有甚寵。貪財的只是凶。使氣的不善終。若將我仙境通。豁開你心上蒙。飛身
到太華峯。看白蓮開玉井。看白蓮開玉井。

(青哥兒)呀。學取那乘鸞跨鳳。傳與你伏虎降龍。呼吸風雲在掌中。俺那裡靈
芝常種。蟠桃初紅。雲鶴翔空。白雲迎送。玉女金童。紫簫調弄。香靄澄澄。紫霧濛

濛。瑞氣騰騰。罩着這五雲樓觀日華東。俺那裡有神仙洞。〔生云〕一會困上來。我再睡些。〔睡科〕〔末云〕我欲留下這四箇女子。誠恐泄露天機。是我之過。你四人每人與我幹一件事。我在空中等你。〔唱〕

〔賺煞〕你與我只一片燕鶯心。做半世胡蝶夢。扇粉翅殷勤建功。一指迷人大道中。不要你燕懶鶯慵。不留停歲月匆匆。都戀着柳綠花紅春意濃。玳筵開一終。把布袍扇動。駕白雲飛上建章宮。〔下〕〔四仙女推莊生下澗科〕〔下〕

楔子

〔生上醒科云〕怎生我在這裡。兩日茶飯不得。如何是好。〔末扮道士閉眼上〕〔云〕貧道在這山修行多年。今日無事。閑游一回。〔唱〕

〔賞花時〕剩水殘雲四五場。野杏夭桃無數花。淡隱隱臥殘霞。疎林直下。掩映着茅舍兩三家。〔生向前云〕先生作揖。〔末云〕有鬼。〔生云〕小生是人。〔末云〕我在這山中數十年。無人至此。因此我無忌憚。胡唱閑耍。你既是人。你在那裡住。〔生云〕我住處遠哩。〔末云〕遠。不在天上。地下到天上也只三萬餘程。能有多遠。〔生云〕小生四川成都府人氏。姓莊名周字子休。老先生睜眼看者。〔末開眼科〕〔云〕莊先生作揖了。我幾番在各府州縣。見先生與士大夫相處。

我不敢近前。今日在此山中相逢。也是我窮先生萬幸也。請問莊先生那裡去。(生云)小生迷在此山中。不知地界。煩你指引。與我道路。異日相謝。(末云)你出去做甚麼。你若捨身。往萬丈山澗裡一跳下去。我尋着你。咱兩箇一處閑耍了罷。(生云)我學生出不的家。(末云)我着這朱頂鶴舞一會。你看。(唱)

〔端正好〕你做神仙不能夠。出家人無慮無憂。跨黃鶴逕上虛空走。我把那世事都參透。

〔滾綉毬〕閑來時山背後喂箇水牛。閑來時把師父道德求。待做神仙。怎生能彀。似這般無慮無憂。山中有火常沽酒。常言道一日無常萬事休。我自在優游。

〔云〕我去也。(末騎鶴上升科)(生云)那裡走這箇術士來哄人。我尋路出去。(做行科)(下)

第二折

〔生上〕(云)呀。這前面一座大宅舍。一座牌樓。上寫敕建李府尹宅。我素不認的李府尹。今在窮途。試叫門者。開門。開門。(旦上)(云)是誰叫門。(生云)大姐作揖。(旦云)這漢子好無禮。見俺女人。又不迴避。俺老爹在家倦出。好揪進去打這廝。(生云)一箇女人。這等不賢。他家男子。又不知怎麼模樣哩。(向旦云)小生乃四川成都府人。姓莊名周。迷路至此。望大姐可憐見。開門放小生。

進去〔旦慌出門跪下科〕〔云〕不知是莊子叔叔。俺老爺在家。常念叔叔。請叔叔進門來。我報去。
〔旦下〕〔末扮李府尹上〕〔云〕塵夢覺。榮辱升沈堪笑。蝸角虛名何足道。不須閑計較。莫戀五花
官話。莫愛七賢朝帽。懼禍憂讒何日了。幾人能到老。小官李府尹是也。近新來故了妻室。我在房
裡睡着。只見使女來報說。四川莊子在門首。我想來莊周是箇白衣人。楚威王將重表裡取他爲
官。他不肯出仕。他游徧天下。不知認的多少士大夫。我認的他。他不認的我。須索接見者。〔做見
科〕〔末云〕莊先生請。請。〔生云〕學生不敢。〔做入科〕〔見科〕〔末云〕將酒來。〔生云〕賜飯足矣。
小人酒上不明。〔末云〕不喫酒不是斯文。豈不開白日莫閑過。青春不再來。今人不飲酒。古人安
在哉。〔唱〕

〔南呂一枝花〕且盡生前有限盃。莫思身外無窮事。窗外日光彈指過。席前花
影坐間移。廣設尊席。休惜千金醉。倒玉山非自頽。儘君心走罌飛觥。快我意追
歡共喜。

〔梁州〕我這裡小才思施強弄會。老精神燕約鶯期。〔末哭科〕〔生云〕大人這等大家
當。緣何發悲煩惱。〔末云〕買不的生死。〔唱〕我哭這光陰急急如流水。青春纔至。白髮相
催。百年身命。六道輪迴。疾箭般兔走烏飛。轉回頭虎倦龍疲。起初時鬧垓垓蝶

急蜂忙。濃鬧裡笑欣欣。鶯甜燕美。下場頭冷清清。財散人離。怎知就裡。本是箇神仙老子非凡體。待得來玉不琢不成器。保養心猿意馬肥。有甚驅馳。〔生云〕老大人根前。小生不敢說。小生在杭州曾見一人。他會開頃刻花。小生曾喫花上果子。〔末笑云〕你不知。那花盆在我這山裡出。〔生云〕大人哄我哩。〔末云〕那女子。你開了那書房門。把那花盆都搬出來。與你莊叔叔看。〔生云〕若結一箇果子。我喫一鍾酒。〔末云〕莊先生。咱往書房中看去。〔做行到見科〕〔生云〕那裡討這些花果來。〔末云〕你若在我家住些時。我與你十數盆。到家送朋友。〔生云〕不敢不敢。〔末云〕你把家中女子。都叫出來。見你叔叔一見。明日好行走。〔女子應〕〔下〕〔生云〕我不曾將人事來。每位大姐贈一首詩。〔旦攜琴上〕〔云〕一寸光陰一寸金。持將此物寄知音。先生識破浮生夢。渾似南風一操琴。〔生云〕大姐如何不操琴。〔旦云〕先生戒一件物。方去操琴。〔生云〕戒甚麼。〔旦云〕戒酒。傷人點水傍邊西。玉液瓊漿不堅久。陷人風波萬丈坑。人人送死皆因酒。〔生云〕敢問大姐甚麼名字。〔旦云〕畫樓西畔雨初晴。度柳穿花過一生。既是叔叔問名姓。妾身小字是鶯鶯。〔末云〕你說一箇女子。送四句詩。〔生云〕將筆來。〔寫科〕〔念云〕柳柳遷喬太有情。交交時作弄機聲。洛陽三月春如錦。多少工夫織得成。〔末云〕這詩是舊的。〔生云〕再來做新的。〔末唱〕

〔牧羊關〕住在這深山內。如今遷在喬木裡。送行人幾度別離。出入在柳影花陰。宿臥在枝頭葉底。半生富在鳴珂巷。一聲巧在畫樓西。他也曾驚回玉鎖窗。前夢。渾似綠楊枝上啼。〔又〕一旦將棋子上。〔云〕滿眼韶光似箭催。轉頭白髮故人稀。榮枯枕上三更夢。成敗尊前一局棋。〔生云〕又教我戒甚麼。〔旦云〕戒色。敗國亡家破吳越。蛾眉淡掃君王側。快人迷戀翠紅鄉。箇箇身亡皆爲色。〔生云〕敢問大姐甚麼名字。〔旦云〕穿簾入戶居宮殿。飛入烏衣尋不見。先生既問妾身名。舊時王謝堂前燕。〔末云〕先生作詩。〔生云〕有了。曾向烏衣看落花。春風吹影傍天涯。茅簷亦有安巢地。何必王家與謝家。〔末唱〕

〔么〕住畫樓。居蘭室。穿朱簾。入綉幃。聽花言巧語偏疾。家住在王謝堂前。祖居在烏衣巷裡。驚蟄罷。二春至。秋社後。一雙歸。休猜做沙煖鴛鴦睡。本是箇泥融燕子飛。〔又〕一女子捧書上。〔云〕浮利浮名總是虛。潑天富貴待何如。若能參透詩中意。盡在玄元一卷書。〔生云〕又着我學生戒甚麼。〔旦云〕戒財。白玉黃金是禍胎。錢多害己必爲災。勸君跳出風波險。丟了飄飄浮世財。〔生云〕敢問大姐甚麼名字。〔旦云〕殷勤釀蜜苦於農。深有於人濟世功。采蕊尋芳平日事。花間葉底小游蜂。〔末云〕先生作詩。〔生云〕蜜口喧春好信通。爲花評品嫁東風。香鬢惹得飛英去。疑是纏頭利市紅。〔末唱〕

〔么〕妙體態人多美。細腰肢舞更宜。多少人趨赴嬌姿。他蜜又調成。花又得濟。有禮數。知王法。甜口兒不虛脾。因爲我來於此。爲誰人忙甚的。〔又一女子把畫上〕

〔云〕秦晉交歡皆爲詐。榮華一筆都勾罷。龍爭虎鬪是非場。圖成四幅丹青畫。〔生云〕又教我戒甚麼。〔旦云〕戒氣。德重施仁。唐虞治。誰強誰弱不都濟。要入長生不死鄉。休爭三寸元陽氣。〔生云〕敢問大姐甚麼名字。〔旦云〕牡丹盈檻花開徹。兩翅濃香慣風月。飛入君家夢裡來。妾身本是花間蝶。〔末云〕先生作白胡蝶詩。〔生云〕銀爲鬚翅玉爲衣。任意春風不解肥。桃李上林無分到。可憐只傍菜花飛。〔末唱〕

〔么〕肌柔膩如粉施。體輕盈稱素衣。曲彎彎兩道蛾眉。一生好採蕊尋芳。半世愛偎紅倚翠。名雖擔着風月。心上戀着芳菲。繞定這尋芳客。身上舞。不若在賣花人頭上飛。〔云〕莊先生。你記的這四箇女子不記的。〔生云〕記的。他四箇是鶯燕蜂蝶。各人拿的是琴棋書畫。戒我學生的酒色財氣。〔末云〕這四件事戒的那幾件。〔生云〕學生戒不的酒色。戒不的財氣。〔末云〕將酒來。吾觀莊先生言論。如長江大河。一瀉千里。〔生云〕老大人談吐如劈竹相似。數節之後。迎刃而解。〔末起身云〕我今上洛陽做官。家中無人。兄弟怎生當一年半載家事。〔生云〕等我到家與哥哥說知。願來與大人當家。〔末云〕等你到家再來。悞了我的欽限。把這

四箇女子。留住在此服事你。有一箇不用心的。休等我來。就打無論。〔生云〕這等小生在此看家罷。〔末謝云〕既如此。我就赴任去罷。〔下〕〔生云〕您四箇女子。用心服事我。將酒來。〔做飲科〕
〔生醉睡科〕〔末上〕〔云〕某那裡是李府尹。是太白金星一化。特來度脫大羅仙。這等醉生夢死。幾時得正果朝元也。〔唱〕

〔罵玉郎〕東君不管人憔悴。那裡也酒病賴花醫。頑涎尙有何時退。不帶酒。撒膩滯。佯推醉。

〔感皇恩〕你只管情蕩心迷。廢寢忘食。你只待弄輕盈。相嬉笑。放迷稀。貪戀着燕約鶯期。蝶使蜂媒。只待要興顛狂。花簇繞。酒淋漓。〔四旦虛下〕〔生醒科〕〔哭云〕女子每都那裡去了。〔末自云〕他花情忒重也。〔唱〕

〔採茶歌〕他怎麼痛傷悲。怨別離。那裡也有情。何怕隔年期。海誓山盟君莫喜。你明日花殘月缺悔時遲。〔生復醉倒科〕〔末至前科〕〔云〕看這貪花戀酒的模樣。我欲將四箇女子留下。誠恐有別事情。就是我之過。莊子你做神仙做人。隨你。〔唱〕

〔煞尾〕罷名韁。收利鎖。觀兩輪日月搬興廢。我與你拴意馬。繫心猿。看一榻乾坤定是非。興還濃。睡正美。猜呆禪。打啞謎。能參透。其中意。不貪財。不圖利。作三

生過一世。惜花酒。戀財氣。似殘春。花亂飛。狂風飄。急雨催。塵中多枝稀。蜂倦游。蝶不戲。那時節。悔不及。直待的花殘鶯老春歸。這的一枕胡蝶家萬里。〔下〕〔生醒云〕四女子那裡去了。我且後房歇息去者。〔下〕〔末扮太白金星上〕〔云〕金風未動蟬先覺。暗送無常死不知。某太白金星是也。奉上帝命度脫大羅仙。因他花酒情重。不得正果。奏知玉帝。又令金母殿前再差四箇仙女點化他去。教他酒中會得道。花裡遇神仙。〔下〕〔生上〕〔云〕某莊周是也。在這李府尹宅上。住了許久。有四箇女子。逐日相陪。近來不知那裡去了。無處抓尋。今日在此閑坐。看有甚麼人來。〔四仙女扮旦上〕〔云〕妾乃金母殿前春夏秋冬四仙女。作爲桃柳竹石。着俺去下方。迷大羅神仙。可早來到他住所。咱過去見者。〔做見科〕〔云〕莊先生萬福。〔生云〕好東西也。是那裡來的。又不數那鶯燕蜂蝶了。敢問列位因何至此。〔一旦云〕奉師父傳法旨。差往西南山採藥。煉九轉仙丹。做不死之人。〔生云〕說這等大話。你是誰。〔旦云〕去年今日此門中。人面桃花相映紅。人面不知何處去。桃花依舊笑春風。〔生云〕你實說。你姓甚名誰。〔旦云〕武陵溪畔是吾家。妖豔春深綻錦霞。既是先生問名姓。妾身小字是桃花。〔生云〕將桃花來插在頭上。我飲酒三盃賞桃花。〔飲科〕〔又一旦上〕〔云〕試看柳色黃金嫩。勝似梨花白雪香。不向玉樓巢翡翠。故來金殿鎖鴛鴦。〔生云〕你是甚麼名字。〔旦云〕壓盡櫻桃樊素口。纖腰偏稱春蔥手。先生

既問妾身名。奴是一枝臨路柳。〔生云〕將柳來插在頭上。滿飲三盃賞柳。〔飲科〕〔又一旦上〕
〔云〕千里好風清。一輪明月冷。金堅剛不屈。忠臣節骨鯁。還同列女心。〔生云〕老實說你名字。〔旦云〕湘江長就娥皇綠。洒泪成斑枝勝玉。歲寒三友有奴名。妾身是箇梅間竹。〔生云〕將竹插在身上。酌酒三盃賞竹。〔飲科〕〔又一旦上〕〔云〕清奇古怪世間稀。說與君家知不知。倚翠偎紅花竹畔。亭亭曾見雨雲期。〔生云〕你甚麼名字。〔旦云〕萬竅千穴花木主。玲瓏剔透人皆許。風流可喜太湖石。曾伴投江浣沙女。〔生云〕你是太湖石。放在頭上。敢使不的。我也喫三盃。〔飲科〕〔生云〕你四人聽我說。你師父有甚真訣妙語。你說來共修仙道。〔一旦唱〕

〔南曲柳搖金〕聽吾所告。仙丹匪遙。八卦布周遭。保守的嬰兒壯。相憐姹女嬌。請一箇黃婆媒。合離坎。換中交。向西南採取。初生藥苗。須調火候。火候須調。火候須調。溫養汞鉛丹竈。〔又一旦唱〕

〔前腔〕汞鉛丹竈。能平善消。火候最難調。便誘的心猿順。怎防着意馬驕。奴不如金丹修煉。差悞在分毫。把離爻換坎。乾坤怎交。須教採煉。採煉須教。採煉須教。說與洞房玄妙。〔又一旦唱〕

〔前腔〕陰汞能飛走。陽鉛會伏調。緊收拾頑猿劣馬。休放半分毫。心如止

水情通九霄。堅牢溫養。溫養堅牢。溫養堅牢。管取寶珠光耀。〔生跪下科〕〔云〕
你是神仙。地下無這等人。〔旦唱〕

〔前腔〕委的是神仙來到。修真的至高。千歲宴蟠桃。金漏須金補。泥神用
土包。參的透這些消息。總是話虛囂。便存神運氣。身心枉勞。金銷石爛。石
爛金銷。石爛金銷。惹得衆仙譏笑。〔生云〕你四人既是仙侶。又明大丹之道。可能傳授。
〔四旦云〕若按子午。煉成還丹。自能了悟冲舉也。〔生云〕咱後宅煉丹去來。〔同下〕

第三折

〔末扮太白金星上〕〔云〕某令桃柳竹石四仙女。與大羅仙煉丹已成。當正果朝元。奏知玉帝。先
差三曹官把四箇女子捉將來。問他漏泄天機罪犯。然後引大羅仙朝元玉京去。〔下〕〔末扮三
曹官上〕〔云〕小聖三曹官是也。奉玉帝勅旨。太白金星差委下方。捉拿四仙女去。不覺早到下
方也。〔唱〕

〔正宮端正好〕直向這採霞身。臨凡世。來追究。展雙眸。按落雲頭。到人間。恰正
黃昏後。大踏步。衝鶯鶯。〔生引四仙女上〕〔云〕大丹已成。你四人慢慢的遞幾盃酒我喫。〔飲
科〕〔生醉科〕〔末云〕早到他宅中也。〔唱〕

〔滾綉毬〕親蒙上帝差。疾將妖魅勾。對清風月華如畫。〔做看科〕〔唱〕把花園做了謝館秦樓。只聽的品龍笛。吹鳳笙。斟雲醪。飲玉甌。列金釵不離了左右。天生就皓齒明眸。三重幔幙高燒燭。十二簾櫳不上鉤。受用也莊周。

〔倘秀才〕對寶砌磨拳擦手。挨綠窗將身退抽。怎禁他狐魅精靈潑鬼頭。挨亮榻。靠毬樓。少走。〔末云〕疾。〔風起科〕〔四旦云〕好大風也。正然天色明朗。就昏暗了。謊殺人也。空中有神鬼之聲。咱且迴避者。〔生醉睡科〕〔四旦下〕〔末云〕小鬼頭那裡去。〔唱〕

〔滾綉毬〕銀臺上吹滅了燈。金杯中漾撒了酒。都藏在綉幃之後。我奉玉帝勅旨親勾。你大膽休喫劍頭。都是你不君子的喬竹太湖石。那些兒玲瓏剔透溫柔。顛狂柳絮隨風舞。輕薄桃花逐水流。自攬這一場閑愁。〔末拿住四女科〕〔四旦告云〕上聖可憐見。俺初犯這遭。〔末云〕說甚麼初犯。你這桃柳竹石。罪犯多哩。你知也不知。桃精過來聽我說。〔唱〕

〔倘秀才〕第一徧天台山與劉晨配偶。第二徧謁漿處把崔護等候。如今和莊子惜玉憐香又不知甚日休。逐朝期會約。每日效綢繆。今日來強口。〔云〕喚柳精過來。〔唱〕

〔滾綉毬〕灞陵橋任行人取次攀。章臺街弄腰肢狂蕩遊。楚王宮餓的些美人纖瘦。汴河傍斜纜龍舟。你頑涎不肯收。舊病實是有。把一雙訴離情翠眉顰皺。休只待絮沾泥燕侶驚儔。春花秋月何時了。夜去明來早。晚休。直等的葉落歸秋。〔竹旦云〕上聖。我可是初犯。〔末云〕全是你的不是。〔唱〕

〔呆骨朵〕你虛心冷氣空僂僂。這罪犯怎肯干休。辱沒殺竹林七賢。怎見的歲寒三友。娥皇泪君空洒。孟宗笋誰能勾。你無有化龍棲鳳的心。今日要生枝上接頭。〔云〕石精過來。志誠的是石頭。今日也不好了。〔唱〕

〔倘秀才〕老石頭人難措手。喬孔竅玲瓏剔透。跟着他倚翠偎紅不識羞。三斧砍不就。一向去搗瘦。難容你陋醜。〔生醒科〕〔跪云〕上聖。小生在此。不過修真。萬望可憐。

〔末云〕你是讀書人。這等負心。〔生云〕那裡負心來。〔末唱〕

〔滾綉毬〕你把鶯鶯並不題。燕燕更不瞅。蜜蜂兒置之腦後。却不道戀胡蝶一夢莊周。你有了桃共柳。更和這石與竹。做得箇迎新忘舊。〔生云〕他四箇不知那裡去了。干小生甚事。〔末唱〕他每躲是非及早歸休。是非只爲多開口。煩惱皆因強出頭。悔又何尤。

〔煞尾〕飽諳世事慵開口。會盡人情只點頭。陰隲綿綿若肯修。福祿重重無了休。四箇妖精盡皆有。莊子先生胞胎後。遙指白雲天際頭。望着那十二瑤臺路兒上走。〔下〕〔生云〕不知甚麼神道。把四箇仙女捉將去了。我在這裡好悶人也。李府尹不知幾時回來。怎生是好。只索寧奈則箇。〔下〕

第四折

〔末上〕〔云〕小聖太白金星是也。今有大羅仙。丹鼎已成。朝元有日。我今還爲李府尹。問他索要家下人口房屋。看他說甚麼。早來到也。試叫門者。〔叫云〕開門來。開門來。〔生上〕〔云〕誰叫。〔做相見科〕〔末云〕莊先生。還我家私房屋人口來。〔生云〕你做了幾年官了。〔末云〕我做官干你甚事。早知道做了三年官。你弄了我百年家當。我做甚麼官。〔唱〕

〔雙調新水令〕這是我爲虛名一去整三年。嘆光陰甚如疾箭。更做道酒腸寬似海。常言道色膽大如天。鬧起座宅院庭軒。把俺這佳人每廝撻賤。

〔駐馬聽〕美滿團圓。幾度通宵置酒筵。不見了蜂蝶鶯燕。一春常費買花錢。十年未了悟真篇。半生好看義皇傳。不必言。將人門外疾推轉。〔末云〕不必逼勸你。莊子休。你省悟了不曾。〔生跪下〕〔云〕我省悟了也。〔末云〕你認的我是誰。〔生云〕你是太白金星。

〔末云〕你雖認的我。你不知你是誰。〔生云〕我是大羅神仙。後升玉京上清南華至德真君。因我笑執寶蓋幢幡仙女。貶在下方。〔末云〕你怎生再得到天上。〔生云〕告星君可憐。奏准玉帝。領我玉京上清牌來。我自然就到天上。〔末向空中云〕衆仙不來等甚。〔金童玉女。簾蓋費玉京牌上。〕

〔生跪受科〕〔東華仙上〕〔云〕大羅仙。你今日正果朝元。再有凡心。罰往下方。永失仙道。你回宮依舊管事。〔生謝太白金星〕〔云〕多謝上仙。〔末唱〕

〔鴈兒落〕那裡取笙歌夜月筵。那裡取桃李春風面。這的是浮生夢一場。世態雲千變。

〔得勝令〕柳外絕人烟。花裡遇神仙。今日箇跨鳳游三島。乘鸞上九天。駕箇雲軒。參拜在金闕遼陽殿。益壽千年。受東華玉帝宣。〔衆仙云〕都來與大羅仙慶喜者。大羅仙再。不可思凡了。〔末云〕大羅仙。做仙好。下方爲人好。〔生云〕凡人怎比神仙。〔末云〕你也曉的。〔唱〕

〔川撥棹〕你與那太湖石結姻緣。他身上望心堅石也穿。趁着這小桃胡扇。翠柳枝邊。月暗星全。顰袖垂肩。送了你痴呆的少年。今日箇怨甚麼天。〔生云〕我在下方。住了五六十年。上方幾年了。〔末云〕上方三五箇時辰。〔生云〕正是洞中方七日。世上幾千

年四箇女子。與我在一處煉丹。被三曹官捉去。如今不知在那裡。（末云）你既無思凡的心。尋那四箇女子做甚麼。若上帝聞知。怎了。（唱）

〔梅花酒〕劃的你牽纏顧戀。鬼狐涎。却不道春風桃李。聞鶯燕。秦樓謝館。酒家眠。齊聲唱徹陽關怨。


〔七弟兄〕今日箇列管絃。向席上尊前。柳影花邊。做了無事的神仙。宿緣人未圓。桃柳喪黃泉。竹石却還元。鶯燕怎留連。生拆散錦毛鴛。活分開並頭蓮。

〔收江南〕呀。今日是花裡遇神仙。快牢拴意馬與心猿。豈知道洞中別有一重天。風如介犬。此句疑有誤字這的是莊周一夢六十年。（云）你本是大羅神仙。爲思凡謫下人間。今日箇功成行滿。衆神仙正果朝元。

題目 太白星三度燕鶯忙

正名 老莊周一枕胡蝶夢

于小穀本錄校。皆丁巳五月二十四日清常



蘇子瞻風雪貶黃州

元費唐臣

第一折

〔王安石上開〕助役青苗法令行。坐看足食更強兵。嗷嗷朝野多非已。獨仗君王自聖明。下官姓王名安石。字介甫。金陵人氏。自幼講明儒術。涉獵子史。叨舉進士。蒙聖人擢舉。官做到丞相之職。小官既蒙知遇。知無不言。言無不用。近見西北二邊用兵。財用匱乏。我有一策。要行青苗助役於民間。在朝諸官。多言不便。獨翰林學士蘇軾。十分與我不合。昨日上疏說我奸邪。蠹政害民。我欲報復。況主上素重其才。難以輕去。且本官志大言浮。離經畔道。見新法之行。往往形諸吟咏。我已着御史李定等劾他賦詩訕謗。必致主上震怒。置之死地。亦何難哉。計謀已定。且試看如何。〔駕上引一行人云〕勤政樓頭夜未央。五更殿陛有輕霜。欲教四海隆仁化。側席從容納諫章。某宋帝是也。自我祖公公太祖皇帝。陳橋推戴。奄有四海。傳太宗真宗仁宗英宗。以至朕躬。幸喜天下治平。獨西北二邊未寧。幾欲用兵。又恐財用匱乏。饋餉不繼。昨日宰相王安石。志欲富國強兵。意與朕合。立青苗助役之法。十分有見。但百官多喜因循。以爲不便。翰林學士蘇軾。尤深詆毀。朕欲加罪。怜惜其才。近聞又生怨謗。妄斥朝廷。未知真僞。左右。喚御史臺官來。朕問取則。〔左右云〕御

史臺官安在。聖上宣喚。〔扮李定上〕〔云〕某御史李定是也。自出身以來。深蒙時相王荊公擡舉。見任御史之職。近因新法未行。翰林學士蘇軾。與荊公言論不合。令某劾其平日所爲詩章有干政化者。具爲一疏。劾其謗訕。本已寫定了。如今聖上又來宣喚。須索走一遭去。〔做到科〕〔拜跪云〕陛下宣小臣何用。〔駕云〕近聞學士蘇軾。托詩毀謗。言官何不論劾。〔李云〕臣已具本。正欲投進。〔遞本科〕〔駕云〕你說一徧朕聽。〔李跪云〕御史臣李定等言。今有翰林學士蘇軾。章句腐儒。驟登清要。志大言浮。離經畔道。論新法而短毀時相。托吟咏而謗訕朝廷。實有無君之罪。難追欺上之誅。且如題古檜云。根到九泉無屈處。世間惟有蟄龍知。陛下飛龍在天。軾以爲不知己。而求地下之蟄龍。非不臣而何。陛下發錢本以業貧民。軾則曰。贏得兒童語音好。一年強半在城中。陛下明法以課羣吏。軾則曰。讀書萬卷不讀律。致君堯舜終無術。陛下興水利。軾則曰。造物若知明主意。應教斥鹵變桑田。陛下議鹽鐵。軾則曰。豈是聞韶解忘味。邇來三月食無鹽。如此之類。尙多。伏望聖明。早加顯戮。以息怨謗。伏候指揮。〔駕怒云〕蘇軾小臣訕上。着廷尉司拿問。〔內應下〕〔張丞相上〕〔云〕下官張方平是也。舊居丞相之職。告老家居。朝廷大事。常蒙主上垂訪。近者學士蘇軾。乃一代才子。止因與王安石言論不合。被其門客李定。妄引詩篇。劾他謗訕。主上震怒。送廷尉治罪。要處之死地。我想來人才難得。又使主上有殺近臣之名。只索救他一遭去。〔下〕〔駕

上〔云〕前日着廷尉司勘問蘇軾。至今不見復旨。朕想來。本官清才重名。見重當世。其諸詩作。不過一時之興。豈有深意。待問的如何。朕自有區處。〔張丞相上〕〔云〕來到這朝門前。近臣通報者。〔左右報云〕有張方平等宣。〔駕云〕宣來。〔張進拜云〕臣有短諫。伏取聖裁。臣見得學士蘇軾。忠心爲國。不避時相。吟詩遣興。豈在朝廷。況詩尙諷諫。言之者無罪。聞之者足戒。今言官李定懷論己之私。讎結姦邪之黨類。風聞妄奏。不協人心。伏望聖明。收回成命。復本官之職。遂好生之德。臣不敢專擅。惟聖鑒不錯。〔駕云〕朕心正欲如此。近臣快宣的蘇軾來者。〔內應科〕〔正末上〕〔云〕小生姓蘇名軾。字子瞻。四川眉州人也。少舉進士。官授翰林學士承旨。極蒙主上眷顧。每召對便殿。或至深夜。嘗徹御前金蓮炬送歸。恩渥無比。但時相王安石誤國害民。創立新法。四海怨望。而御史李定。不持生母仇氏服。下官嘗惡其爲人。下官前日具疏論王安石之奸。不想李定黨比王安石。劾奏下官賦詩毀謗朝廷。主上聽信。將下于大理獄。要處以死。今日聖旨又來宣喚。不知爲何。想俺初登仕版。何等志氣。今日只如此也。〔唱〕

〔仙呂點絳脣〕萬頃瀟湘。九天星象。長江浪。吸入詩腸。都變做豪氣三千丈。

〔混江龍〕想着那絲綸閣上。常則是紫薇花對紫薇郎。步九重春色。拂兩袖天香。萬里雲烟揮翰墨。一天星斗煥文章。翰林風月。京洛山川。洞庭烟雨。金谷鶯

花。怎能殼一輪皂蓋飛頭上。詩吟的神嚎鬼哭。文驚的地老天荒。〔云〕小官若無

才學。怎居翰林之職。想當日夜對內殿。寵賜金蓮。際遇非淺也。〔唱〕

〔油葫蘆〕想月滿西樓夜未央。蒙君恩宿建章。不比長安三月荔枝香。翠鬟擁出芙蓉帳。又不是醉鞭誤入平康巷。笙歌幾處聞。淨鞭三下響。沒揣地半張鸞駕從天降。舉首彷彿見君王。

〔天下樂〕恰便似一朵紅雲捧玉皇。官裡呵。慌忙回未央。則恐怕六宮中美人愁夜長。下珠簾處處涼。鞞金蓮步步響。月明下吹簫引鳳凰。〔云〕來到這朝門外。當

駕官通報者。〔隨駕官報云〕宣的蘇軾來了。〔駕云〕着進來。〔末見科〕〔駕云〕蘇軾。你職居近侍。

何故托詩諷怨。本當處以重罪。張丞相再三申救。朕亦惜爾之才。赦爾死罪。謫黃州團練副使。本

州安置。置下原有者。字趙校刪。

〔末云〕謝吾皇不死之恩。陛下。臣蒙知遇。欲竭愚忠。見王安石一心變亂成法。

臣上萬言書諫諍。今日反受謫貶。兀的不屈死忠臣義士呵。〔唱〕

〔那吒令〕我立一身紀綱。守簞瓢陋巷。顯一生氣象。步金馬玉堂。上一封諫章。入天羅地網。錦繡腸。江湖量。都分付水國江鄉。

〔鵲踏枝〕萬言策。上君王。一騎馬。度衡陽。索離了三島蓬萊。直走徧九曲滄浪。

學不的李太白逍遙在醉鄉。參破了韓昌黎夕貶潮陽。〔駕云〕卿既遭御史臺劾論。祖宗之法。朕不敢違。卿姑去。不久即詔還也。〔末云〕臣今辭了天顏。這一去擯斥海島。葬江魚之腹。再不能見陛下矣。〔唱〕

〔寄生草〕臣則待居蠻貊。再誰想立廟堂。今日有曾參。難免投梭誑。今日有周公。難免流言講。有仲尼難免狐裘謗。本是箇長門獻賦漢相如。怎做的東籬賞菊陶元亮。〔駕云〕卿雖遠行。與在京何異。況四海之內。皆歸一統。卿不必怨朕。亦國法之不得已也。〔末云〕陛下法令嚴明。臣豈敢怨。〔唱〕

也。原作者趙校改。

〔末云〕陛下法令嚴明。臣豈敢怨。〔唱〕

〔么〕臣折麼流儋耳。臣折麼貶夜郎。一箇因書賈誼長沙放。一箇因詩杜甫江邊葬。一箇因文李白波心喪。臣觀屈原千載汨羅江。便是禹門三月桃花浪。〔張丞相云〕蘇學士。今主上寬宥。謫官南行。你不必引證古人。多言反取罪責。〔末云〕丞相錯矣。丈夫生世。忍垢何爲。丞相你聽我說。〔唱〕

〔金盞兒〕不荒唐。不顛狂。折末雲陽梟首高竿上。也要將碧天風月兩平章。揀着夢魂游故國。想像赴高堂。則今日傷心游海島。攜手上河梁。〔末云〕罷罷。則今日拜辭了聖駕。別了丞相。只索長行也。〔唱〕

〔賺煞〕則爲不入虎狼羣。躲離鯨鯢浪。直貶過淘淘大江。不信行人不斷腸。赤緊的接天隅。烟水茫茫。助淒涼。衰艸斜陽。休想我築起高臺望故鄉。這裡有當途虎狼。那裡有拍天風浪。我要過水雲鄉。則是跳出是非場。〔下〕

第二折

〔馬正卿引童上開〕下官馬正卿是也。黃州人氏。因王安石柄國。某在朝與他言論不合。致政來家。十分自在。近聞學士蘇子瞻上書發王安石之奸。反被言官論劾。貶他來黃州安置。有人傳說。將次來到。今日下着這等大雪。途路難行。我想忠臣烈士。多遭奸回之手。況蘇學士大名。遠近欽慕。我今領着家童。擔着酒果。迎接蘇學士。勸他飲一盃。稍敵寒威。這早晚敢待來也。只索等候者。
〔末引童子上〕〔云〕下官蘇軾。居翰苑數年。頗爲遭際。奈王安石虐害百姓。蒙蔽朝廷。我上萬言書諫主。反被奸黨論劾。貶我湖南。行了數日。將到黃州。今日下着這等一天風雪。瘦蹇顛仆。小童寒戰。怎生奈何。想忠臣義士。好難處世也呵。〔唱〕

〔正宮端正好〕道德五千言。禮樂三十卷。本待經綸就舜日堯天。只因兩角蝸蠻戰。貶得我日近長安遠。

〔么〕瑤臺昨夜蛟龍戰。玉鱗甲飛滿山川。馮夷飲罷瓊林宴。醉把蛟鮪剪。〔云〕

好大雪也呵。(唱)

〔滾繡毬〕潑墨雲垂四野。鑄銀河插半天。把人間翻做了廣寒宮殿。有一千頃玉界瓊田。這其間騷客遷。朝士貶。五雲鄉杳然不見。止不過隔蓬萊弱水三千。不能穀風吹章表隨龍去。可做了雪擁藍關馬不前。哽咽無言。(童云)老爹下這等大雪。風又緊。兀的不凍殺我也。老爹連忙走動些。(末唱)

〔倘秀才〕早是水杳山長路遠。那更雪凍風寒雲捲。(云)你道我行的慢呵。可知可知。我可甚爲愛青山。懶贈鞭。呵凍手聳雙肩。我只索向前。(童云)老爹人都說你好才學。卻怎生遭貶。倒不知老爹與上古賢人君子那幾箇相似。(末云)這小的雖小。倒也省事。你既問我。你聽我與你說。(唱)

〔滾繡毬〕我怕不文章似韓退之。史筆如司馬遷。英俊如仲宣子建。豪邁如居易宗元。風騷如杜少陵。疎狂如李謫仙。高潔如謝安。李愿德行如閔子顏淵。爲不學。乘桴浮海鷗夷子。生扭做踏雪尋梅孟浩然。困煞英賢。(童云)風寒雪大。我身上衣裳單薄。凍殺我也。老爹。你就不冷麼。(末唱)

〔叨叨令〕寒森森朔風失留疎刺串。舞飄飄瑞雪踢良禿樂旋。騎着正慢騰騰

瘦蹇。必丟不答踐。凍的箇立欽欽。穉子滴羞篤速戰。兀的不凍殺人也麼哥。凍殺人也麼哥。空教我瘦岳岳老夫迷留沒亂倦。〔童哭云〕這等寒冷。看看走不動。幾時

到的黃州也。〔末云〕童子休煩惱者。慢慢捱將去。〔唱〕

〔倘秀才〕脫離了長安市塵。須捱到黃州地面。更狠似夕貶潮陽路八千。往常師往聖友前賢。到如今怎展。〔童云〕老爹在翰林時。聲名滿天下。怎生一旦遠貶南荒。好苦也。〔末唱〕

〔滾繡毬〕我也曾寫珠璣一萬聯。判鶯花三百篇。掃千軍筆端鏖戰。但行處天子三宣。結平生詩酒緣。掌中天風月權。不是將帝王埋怨。爲甚把蘇軾似賈誼南遷。如今一牧童子隨驢後。可甚兩行朱衣列馬前。四野蕭然。〔馬正卿云〕蘇大人老夫等了多時也。〔末相見科〕〔馬云〕老夫馬正卿。聞知學士遠來。在此久等。如此大雪。寒氣逼人。請飲一杯。以敵嚴威。〔末云〕念蘇軾不才。朝廷斥逐。敢勞遠迓。多感厚意者。〔唱〕

〔呆骨朵〕見黃童白叟把香醪勸。怕不透徹了酒興詩顛。〔馬云〕老夫久聞大才。敢求佳作見教。〔末云〕大人飲酒則飲酒。再休言詩。〔馬云〕詩酒乃吾生分內事。大人此行。與詩酒何干。〔末唱〕我須不是爲酒忘家。見如今因詩受貶。酒債是尋常事。詩病是平生願。

我爲甚遠流身萬里。因此上怕吟詩百篇。〔馬云〕蘇大人高才重望。正宜居朝佐主。以治

太平。豈宜放逐。〔末唱〕

〔五煞〕我情願閒居村落。攻經典。誰想悶向秦樓列管絃。枕碧水千尋。對青山一帶。趁白雲萬頃。蓋茅屋三間。草舍蓬窗。苜蓿盤中。老瓦盆邊。樂於貧賤。燈火對床眠。〔馬云〕大人此行。天下共知虧枉。青天可鑒。不久還朝重用也。〔末唱〕

〔四煞〕從教頭上青天鑒。不願腰間金印懸。受他冷冷清清多。多少。避是是非非萬萬千千。或向林皋聲裡。舴艋舟中。霍索溪邊。一壺村酒。白眼望青天。〔馬云〕往常時紫羅欄白象簡。那等尊貴。今日葛巾野服。似覺快樂也呵。〔末唱〕

〔三煞〕紫袍金帶無心戀。雨笠烟蓑有意穿。或向新婦磯頭。鷗鷺鄉中。兒女浦口。鸚鵡洲邊。漲一竿春水。帶一抹寒烟。棹一隻漁舡。黑甜一枕睡。燈火對愁眠。〔馬云〕學士大人。攜家遠謫。朝中舊僚友。也要常常寄音回去。〔末唱〕

〔二煞〕佳音不托雲間犬。老計惟憑陽羨田。對橘綠橙黃。山高月小。聽南枝驚鵲。衰柳鳴蟬。不愁遠害。不陷危機。不納高軒。那裡人離鄉賤。甚日是歸年。〔馬云〕大人今遠處炎方。朝廷公道何在。後世史官。必有紀錄。〔末唱〕

〔煞尾〕從教臣子一身貶。留得高名萬古傳。但使歌低酒淺。臥雨眠烟。席地幕天。一任長安路兒遠。〔下〕

第三折

〔馬正卿上開〕老夫馬正卿是也。自從子瞻學士貶來黃州。又早許久。我常常差人問候。他雖一時被讒。終無大害。況他受知朝廷。必有宣回之日。但本州楊太守度量狹隘。不能濟人。又兼是王安石門客。決無周給。我且看如何。再作處置。〔下〕〔王安石上開〕下官王安石是也。叵耐蘇軾毀我。已令臺官彈劾。貶謫黃州安置。我心還未得遂。如今黃州楊太守。舊是我舉用的。不如寫一書與他。教他不要周濟他。窮鄉下邑。舉眼無親。不死那去。我已差人去了。試看如何。〔下〕〔淨扮楊太守上〕〔云〕無錢只圖名。回家沒結果。我就不去擣。妻子肯饒我。某乃楊太守是也。自幼讀了幾句兒書。之乎者也。哄得一舉及第。也是祖宗積慶。又蒙王安石丞相擡舉。直做到黃州太守之職。此恩未報。近日丞相有書來。說蘇軾學士恃才欺慢。見今安置黃州。着我處置他。我想來蘇軾是一代文人。豈可輕易壞他。只是在此窮鄉僻邑。薪水不給。又是嚴冬臘月。凍餓死了。等他來謁見。只是不理他便了。今日升衙無事。左右看着。有人來報。我知道。〔末引老妻幼子上〕〔云〕某蘇軾是也。自來到黃州。舉眼無親。借得兩間破房住着。衣不蓋身。食不充口。無一箇人來看顧。天那。

蘇軾一身受苦。也不打緊。連累妻子如此受苦。我空有凌雲志氣。治世才猷。怎生施展也呵。(唱)
〔越調鬬鶴鶉〕湖海三年。家鄉萬里。志氣如神。形容似鬼。瘴氣纔收。蠻烟又起。空嘆息。人未歸。望不見落葉長安。西風渭水。(云)自從離了京都。到得這裡。經了多少淒涼也呵。(唱)

〔紫花兒序〕見了些鷗行鷺聚。經了些鶴怨猿啼。盼了些鳳舞龍飛。往常間胸藏星斗。氣吐虹霓。依舊中原一布衣。揮劍長嘯。只被金谷石崇。傲殺陋巷顏回。(云)我一會家想起來。在杭州作官時行動。前簇後擁。日逐游樂。甚是受用。到今日如一場大夢也。(唱)

〔小桃紅〕想西湖風月繞蘇堤。尙覺王孫貴。銀燭高烧照珠翠。如今百事成非。江山不管春憔悴。想金勒馬嘶。玉樓人醉。依舊畫橋西。(云)前日如此快樂。今日這般生受。想造物好無定也。(唱)

〔天淨沙〕住的是小窗茅屋疎籬。吃的是粗羹淡飯黃蘗。穿的是破帽歪靴布衣。一身檻樓。便休題臥重裯列鼎而食。(僂云)這早晚還沒得早飯吃。兀的不餓殺我也。(末云)渾家孩兒害飢哩。甌中還有米也沒有。(旦云)從昨日沒了米了。(末云)既沒了米。我出

去對付些錢米來。(旦云)你平生志氣昂昂。不肯屈於人。來到這裡。舉眼無親。你那裡對付去。你說錯了也。(末唱)

〔鬼三台〕怕不待閑爭氣。赤緊的難存濟。我則索折腰爲米。更怕甚心急馬行遲。你只是婆娘家見識。陶元亮見此不見彼。公孫弘救寬不救急。便做他志若元龍。赤緊的才過子美。

〔紫花兒序〕本待昂昂而已。特地遠遠而來。怎教快快而回。世無君子。你家有賢妻。休提。擠著箇撥盡寒爐一夜灰。但得些糲食粗衣。免得冬煖號寒。年稔啼饑。(云)我去再謁楊太守。求些用度去。(旦俵下)(末云)黃州楊太守。他也是讀書人。我幾遍去謁他。他只推故不放參。不知主何意思。我欲不去。出於無奈。妻子忍不過飢寒。只索再求謁一番。行了多時。早到府衙門首。立着一箇祇候。不免向前央一央。呀。祇候哥哥拜揖。(祇候云)是那裡來的。(末云)大哥。你替我稟一聲。說前翰林蘇學士來見。(祇候進報云)稟老爹。門外有蘇翰林拜見。(淨云)請進請進。(做見科)(末云)楊大人拜揖。念蘇軾不才。遠謫此郡。窮途無倚。大人何不青目一二。(淨云)我道是誰。原來是安置副使蘇軾。你毀謗朝廷。免死足矣。如何又來干謁公衙。我一廉如水。有甚麼與你。把門人也不察。好歹來報。妨我公事。左右打這厮二十板。(左右上打

祇候了。〔祇候趕末下〕〔淨下〕〔末云〕是我的不是了也。〔唱〕

〔金蕉葉〕恨唾手功名未遂。被袞袞兒曹見欺。似這等十謁朱門九閉。又不是
一鷗西風萬里。〔祇候云〕爲你打了我一頓。你還纏甚麼。快走快走。〔末唱〕

〔聖藥王〕你教我快疾回。莫疑遲。可甚踏花歸去馬如飛。沒道理不做美。我滿
缸空載月明歸。猶自說兵機。〔云〕哥哥再與我說一聲。〔祇候云〕你好不曉事。爲你打了我。
我又敢稟哩。你快走快走。走的遲。我一頓好打。〔末唱〕

〔鬼三台〕他把賢門閉。英雄棄。莫那孟嘗君是你。暢好人面逐高低。今日羞歸
去。呵思量可知。可知那經天緯地孔仲尼。遇着輕賢重色柳盜跖。不爭富貴驕
人。小人喻利。〔云〕這公人道把門閉了。我想這一場好羞也。家中妻子卻怎了也。〔唱〕

〔紫花兒序〕仰望死聖人賢相。思量起怪友狂朋。淒涼殺穉子山妻。胸中有物。
肚裡無食。堪悲。虎病山前被犬欺。我觀楊太守這廝好管仲之器。觀我爲糞土
之牆。你却是一疥癬之疾。〔云〕罷罷。我這等人。豈是終身窮困。有一日天子寬恩。必然再召用也。

〔唱〕

〔綿搭絮〕憑着我文如游夏。有一日君勝唐堯。宣的我依舊抽毫侍禁闈。似禹

門平地一聲雷。把螭龍重振起。〔云〕我若再得還朝呵。〔唱〕

〔么〕對盤龍飛鳳椅。賦裁冰剪霧。〔作霧〕詩。虎遁狼馳。魚躍鳶飛。那一日強如今日。沛作雲霓。宴罷瑤池。出入向宮闈。拜舞向丹墀。那其間強似你。

〔尾聲〕無端四海蒼生輩。都不識男兒未濟。我止望周人之急。緊如金。〔金字〕君子之交淡如水。〔下〕

楔子

〔駕上〕〔云〕自從將學士蘇軾。安置黃州。不覺又過數年。當初誤聽李定等論劾。是朕一時沒主張。如今在朝官員。沒一箇如他的學問。似此高才之士。豈可終身斥逐。朕已令使臣領敕。宣召他回京。這一來必重用也。〔下〕〔末上〕〔云〕下官蘇軾。自從遭貶到這裡。不知受了多少苦楚。時時虧馬正卿周濟。誰想主上垂念舊臣。來宣喚回朝。行李收拾已定。刻日起身。左右門首看着。有甚麼人來。〔左右云〕理會得。〔馬正卿楊太守領村人妓樂上〕〔云〕老夫馬正卿是也。聞得朝廷再宣蘇學士回朝。正要送他一送。不想楊太守來邀。說數年不曾看顧。不好相見。今同我送一送。行了一會。不覺早到蘇學士寓舍。左右通報者。〔左右云〕報的老爹得知。有馬正卿楊太守來了。〔末云〕道有請。〔相見科〕〔馬云〕聞知大人朝京。老夫同太守大人特具一酌奉餞。〔末云〕不

敢不敢。〔淨云〕下官才力短淺。數年以來。多有欠恭之罪。又奉臺閣風旨。因此相見遠闊。大人海涵。恕罪恕罪。〔做遞酒科〕〔末云〕蘇軾今日得再入朝。如死而復生。太守大人。怎想有今日也呵。

〔唱〕

〔賞花時〕再宣入瑞靄。飄飄鵲樓。却離了芳草淒淒鸚鵡洲。我去者。依舊乘肥馬衣輕裘。休罪波文章太守。我早則不風雪貶黃州。〔衆並下〕

第四折

〔駕上〕〔云〕前日使人宣喚學士蘇軾。許久不見到。今日退朝。在便殿閑坐。當駕官朝門外看者。蘇軾敢待來也。〔天使上〕〔云〕某天朝使。臣是也。蒙聖人命。差往黃州。宣取蘇軾學士回朝。到得那裡。聞知蘇學士多虧馬正卿看顧。是他恩人。只是被楊太守窘辱。他是仇人。我今一併帶來。在朝外等宣。理當復旨。〔做見科〕〔云〕陛下。臣宣蘇軾到來。〔駕云〕教他過來。〔正末披秉上〕〔云〕下官蘇軾。自被讒譖。遠貶遐荒。誰想得復見天日。我想升沉榮辱。好無定呵。〔唱〕

〔雙調新水令〕一身流落楚江濱。少年心等閑灰盡。愛君非愛己。憂道不憂貧。富貴浮雲。真堪笑。又堪恨。

〔駐馬聽〕造化通神。鏡裡功名夢裡身。無常忽近。一分流水二分塵。名流流乃留之誤

蝸角幾時分。塵隨馬足何年盡。白髮鬢邊新。如其用我從先進。〔云〕來到朝外。只索

進見駕則。〔拜科〕〔駕云〕卿離朕數年。遠居南服。頗覺辛苦。可也想朕來不曾。你試說一編則。

〔末云〕陛下聽臣細訴苦楚。〔唱〕

〔落梅風〕陛下既從頭問。微臣怎敢隱。這數年間一言難盡。臣也曾望烟波渺然思至尊。恨天涯有家難奔。〔駕云〕卿在黃州。有甚親識。用度如何。卿細說來。〔末唱〕

〔水仙子〕臣也曾遠無親戚近無隣。臣也曾釜有蛛絲甑有塵。臣則爲歸家懶覩妻兒問。到如今布袍上有泪痕。〔駕云〕聞知卿幾遍被州官窘辱。卿是達者。如何苦苦干求於人。〔末云〕陛下。臣非得已。實出於無奈也。〔唱〕臣放着急煎煎妻罵兒。便做到達人知命。君子務本也。則索十謁朱門。〔駕云〕卿才思淵源。詩作高古。前人詩窮而後工。卿詩作必勝於前。試賦一二篇朕聽。〔末云〕臣不敢承旨也。〔唱〕

〔甜水令〕折末樂府離騷。長篇短韻。陛下待重與細論文。免陛下丁寧。非臣不遜。其實難効殷勤。〔駕云〕卿不肯對朕賦詩。卿在黃州。豈無吟咏。〔末唱〕

〔折桂令〕怕不待閑吟些白雪陽春。本是箇咏月嘲風。翻做了罔上欺君。〔駕云〕朕當初一時之誤。卿對此鶯花景物。正好陶情寫興也。〔末唱〕陛下教吟徹鶯花。這番敢

走徧乾坤。〔駕云〕想當日卿夜對便殿。詔賜金蓮。宮嬪簇捧。卿也曾賦滿庭芳詞。今日對朕再做一篇。有何不可。〔末唱〕見如今御史臺威風凜凜。怎敢向翰林院文質彬彬。則一句說殺微臣。則爲這綵女嬪妃。送了俺騷客詩人。〔駕云〕卿在黃州。誰是恩人。誰是讎人。卿說來朕聽。〔末云〕臣在黃州。多虧致仕馬正卿周給。實被楊太守窘辱。〔駕云〕如今他二人在於何處。〔末云〕已蒙天使將帶入朝。見在朝外等宣。〔駕云〕宣過來。〔楊馬見駕拜舞科〕〔楊云〕非臣辱蘇軾。他是放臣逐客。口舌害物。臣遵國法。豈敢容他。〔駕云〕馬正卿爲國重賢。扶持公道。有恩於蘇軾。封京兆府尹。走馬到任者。〔馬謝恩了〕〔駕云〕楊太守懷奸結黨。妬賢戕善。削去官職。本家爲民者。〔末云〕楊太守雖與臣不合。如今世情皆如此。炎涼趨避。亦時勢之自然。陛下察之。〔唱〕

〔川撥棹〕這世裡欠田文。都是些吃敲的石季倫。屋也似金銀。山也似珠珍。有一千箇爲富不仁。傲貧人。諂富人。〔云〕陛下。他看臣貧窮。所以不看顧。〔唱〕

〔七弟兄〕清濁不分。仁義不存。只理會得自推尊。飢寒壯士無人問。似昌黎重作送窮文。魯褒再作錢神論。

〔梅花酒〕這廝每世不聞。倚主欺賓。仗富欺貧。倚勢欺人。富而驕。貧而諂。貧無

義。富無恩。富無恩。豈是人。豈是人。類飛禽。類飛禽。頗曾論。頗曾論。處人倫。處人倫。傲飢貧。傲飢貧。莫生嗔。莫生嗔。閉賢門。閉賢門。使牛人。

〔收江南〕使牛人怎做孟嘗君。似仲尼不遇嘆麒麟。對清風明月兩閒人。折末受窘也。強如騎馬傍人門。〔駕云〕今日事定。蘇軾仍復舉士。翰林供職者。〔末拜云〕感謝聖恩。但臣曠久不能供職。不願爲官也。〔唱〕

〔鴈兒落〕臣寧可閑居原憲貧。不受夢筆江淹悶。樂陶陶三杯元亮酒。黑髮妻一枕陳搏困。

〔得勝令〕則願做白髮老參軍。怎消得天子重儒臣。那裡顯騷客騷人俊。倒不如農夫婦蠶。繞流水孤村。聽罷漁樵論。閉艸戶柴門。做一箇清閑自在人。

題目 王安石執拗行新法 李御史舉劾報私仇

正名 楊太守奸邪攻逐客 蘇子瞻風雪貶黃州

錄于小谷本

降桑椹蔡順奉母

元劉唐卿

頭折

〔沖末扮殿頭官領張千上〕〔云〕淡淡漾漾映曉星。海潮捧現日東升。九重闔闔開宮殿。文武班齊賀聖明。小官殿頭官是也。方今大漢聖人在位。節儉寬洪。施恩布德。過堯舜之治化。邁湯武之寬仁。禮樂脩明。彝倫敘正。感應的天下咸寧。八方肅靖。東夷西戎仰化。南蠻北狄歸降。貢麒麟獻瑞呈祥。產禾苗豐年稔歲。自大漢以來。立社稷之堅固。保家邦之永昌。俺漢國乃建都之地。錦繡山河。到春來賞韶華霽景。步綠野紅塵。往來車馬爭馳。賞不盡花光柳色。到夏來翫江山明媚。宴水閣風亭。荷蓮香滿池塘。處處竹林松徑。到秋來涼生暑退。登雲嶺層樓。賞黃花四野鋪金。眞乃是山明水秀。到冬來木凋松秀。賞雪尋梅。滌場圃講武操兵。享富貴紅爐煖閣。端的是四時花爛熳。八節景稀奇。乃魚龍變化之鄉。錦繡繁華之地。文臣善治安民。武將施謀定亂。方今聖人任賢使能。崇儒重道。好禮尙文。乃仁德之君也。小官忝掌朝綱之事。乃職所當爲。今日早朝。奉聖人的命。爲因朝中缺少文武英才。着小官訪能幹官員。去天下府州縣驛。驛驛當作邑山間林下。但有文高武勝之人。薦舉於朝。必當擢用。小官領了聖命。今差使臣天下採訪去了。小官不敢久停久住。

回聖人的話。走一遭也。聖人寬洪治萬邦。紛紛四海隱賢良。懷才抱德須當用。保舉於朝作棟梁。
〔下〕外扮蔡員外同卜兒領家童上。〔蔡員外云〕富貴榮華祖輩傳。常行方便自然安。家生一子行忠孝。實鼎香焚答謝天。老夫姓蔡名寧字以靜。本貫汝南人也。嫡親的四口兒家屬。婆婆延氏。所生一子。乃是蔡順。年二十歲也。孩兒幼習儒業。涉獵經史。講明聖人經書。飽讀古今事理。學成滿腹大才。爲因父母在堂。未肯求進。媳婦兒李氏潤蓮。他乃宦門之女。這孩兒他三從四德爲先。貞烈賢達第一。針指女工。無不通曉。蔡順與潤蓮十分孝道。昏定晨省。問安視寢。侍奉親闈。無些須敢慢。老夫積祖以來。家中頗有貲財。老夫平素之間。多行善事。廣積陰功。發慈悲布德施恩。行仁義寬洪海量。愛交善友良朋。並無邪僻之事。人皆員外呼之。時遇盛冬天氣。朔風大凜。密布彤雲。紛紛揚揚。下着這國家祥瑞。老夫今日在映雪堂上。安排酒筵。請幾箇年高長者。賞雪飲酒。取一時之樂。婆婆。酒餚之類。安排的停當了不曾。〔卜兒云〕老員外。我早間分付下興兒。着他買些新鮮的按酒稀奇菓品。不知停當了不曾。下次小的每。與我喚的興兒來者。〔家童云〕理會的。〔淨扮興兒上〕〔云〕自幼乖覺伶俐。不與兒童作戲。專以志誠爲本。所事合着人意。醉了時丟轆掠瓦。到晚來飛簷走壁。常着人摔翻踢打。酒醒時後悔不及。氣的我滿腹疼痛。嗤嗤的則放大屁。猛可裡一聲響。恰似我員外出氣。〔外呈答云〕得也麼。看這廝。〔興兒云〕小人是蔡員外家

中興兒便是。時遇暮冬天氣。紛紛揚揚。下着國家祥瑞。老員外不惜資財。在映雪堂上安排酒餚。請他那一般富豪長者。賞雪飲酒。施展他那富貴奢華。早間夫人分付。着我買些新鮮的按酒。與了俺十兩銀子。着我買辦。我倒落下他七兩九錢八分半。酒餚都預備停當了。員外在映雪堂上呼喚。須索走一遭去。可早來到也。〔做見科〕云：「老員外喚興兒怎麼？」員外云：「興兒。我今日要賞雪飲酒。果卓都安排下了麼？」興兒云：「員外。今日早間。妳妳分付了我一聲。我打了箇料帳。去那街市上不一時。把那應用的按酒果品。都買將來。安排的水陸俱備。別的不打緊。我七錢銀子買了一隻肥鵝。您孩兒是孝順的心腸。着我自家宰了。退的乾乾淨淨的。煮在鍋裏。煮了三兩箇時辰。不想家裏跟馬的小褚兒走將來。把那鍋蓋一揭揭開。那鵝忒楞楞就飛的去了。」外呈答云：「謊弟子孩兒。」興兒云：「我不敢說謊。我要說謊。就是老鼠養的。」外呈答云：「得也麼？」潑說：「蔡員外云：『這廝胡說。一壁廂預備果卓。』」家童原有童字趙校刪疑誤門首觀者。若衆長者來時。報復我知道。〔家童云〕「理會的。」劉普能同周景和上。〔劉普能云〕「瑞雪飛揚滿太空。黎民深喜慶年豐。收成米麥盈倉廩。絃管笙歌樂盛冬。老夫姓劉。雙名普能。這一位長者。是周景和。老夫幼習儒業。頗看詩書。田園數處。家道豐盈。牛羊孳畜成羣。地方廣闊千頃。非干老夫之能。托賴祖宗之蔭也。時遇揚風攪雪。下着國家祥瑞。本處蔡員外。安排酒餚。請衆位長者。在映雪堂上。賞雪飲酒。周景和。俺須索走

一遭去。〔周景和云〕長者。時值嚴凝天氣。朔風凜冽。瑞雪紛紛。這雪似梨花亂落長空。如柳絮飄揚霄漢。長者乃豪富之家。正好賞雪飲酒。同席歡會。俺走一遭去。可早來到也。家童報復去。道有劉普能周景和來了也。〔家童云〕理會的。〔報科〕〔云〕報得員外得知。有劉普能周景和來了也。〔蔡員外云〕道有請。〔家童云〕理會的。有請。〔做見科〕〔劉普能云〕呀呀呀。老員外。量俺二人有何德能。着員外置酒張筵。俺難以克當也。〔蔡員外云〕不敢不敢。二位長者。少待片時。等衆位長者來全了時飲酒。這早晚敢待來也。〔夏德閏仇彥達上〕〔夏德閏云〕盛世豐年。宇宙清。萬民安樂。盡康寧。天公幸際垂祥瑞。酒泛羊羔享太平。老夫姓夏。雙名德閏。這一位長者。是仇彥達。老夫幼習經典。勤於學問。祖代留傳家私廣盛。一年收十載餘糧。一倍增萬倍之利。方今聖人在位。治平天下。肅靖邊庭。感應的風調雨順。大收禾稼。此時歲稔年豐。老夫當享太平之世。時遇冬暮。天道紛紛揚揚。下着如此般大雪。有本處蔡員外。是吾故友。在映雪堂上。請衆位長者。賞雪飲酒。仇彥達。俺須索走一遭去。〔仇彥達云〕長者。這般大雪非常。方今太平盛世。此雪是國家之吉兆。單應來春天下青苗皆發。必然大收也。〔夏德閏云〕言者當也。俺一同賞去來。可早來到也。家童報復去。道有夏德閏仇彥達來了也。〔家童云〕理會的。〔報科〕〔云〕報的員外得知。有夏德閏仇彥達來了也。〔蔡員外云〕道有請。〔家童云〕理會的。有請。〔見科〕〔夏德閏云〕有勞長者設此華筵。俺

二人不勝感戴也。(蔡員外云)不敢不敢。您二位長者。且待片時。等衆員外來全了時飲酒。這早晚敢待來也。(二淨扮王伴哥白厮賴上)(王伴哥云)小子一生不受苦。外貌端莊內有福。我吹的龍笛品的簫。打的筋斗搥的鼓。我兩箇一生皮臉無羞恥。油嘴之中俺爲祖。人家擺酒未邀賓。我仗着村濁性兒魯。走到人家則管噴。酒肉裝滿咱肚腹。我這箇兄弟。他把駱駝一口咬斷了筋。我在下把那癩象一口嚼見了骨。這箇兄弟嘴饞起來似餓狼。我在下嘴饞起來如病虎。我遠門。鬻戶二十年。俺兩箇喫倒泰山不謝土。(外呈答云)饞弟子孩兒。得也麼。(王伴哥云)自家姓王。雙名是伴哥。這箇兄弟姓白。雙名是厮賴。又喚着白喫白嚼白噴。(外呈答云)得也麼。(王伴哥云)他新娶了箇媳婦。就喚做白蘿蔔兒。(外呈答云)得也麼。(王伴哥云)俺兩箇是至交的好弟兄。絕倫的光棍。平日之間。別無甚麼買賣。全憑着舌劍唇槍。說嘴兒哄人的錢使。我這兩兄弟。又比我能言快語。(白厮賴云)我說哥你少嘴舌罷。量你兄弟。不是賢兄掛齒。哥的那喉舌。何人敢及。古者有隨何刷通蘇秦。雖爲舌辯之士。若是見了哥。也拱手回容。他豈敢開口。量您兄弟拙口鈍腮。真乃蛆皮而已。我若虛言。哥就是我的孫子。(外呈答云)這厮要便宜。得也麼。(王伴哥云)兄弟。閑話休題。今日下着這般大雪。俺身上都單寒。肚裏骨碌碌的響。遠動了。我心上要喫些茶飯。手裏又無錢。可怎麼好。(白厮賴云)哥有了主兒了。我着你飽喫一頓。(王伴哥云)兄弟。

你敢請我。(白廝賴云)哥。你也不知道。蔡員外家安排酒席。在映雪堂上。請他一般兒富貴長者。賞雪飲酒哩。(王伴哥云)兄弟。這箇是天假其便。也是俺兩箇甚口食分。撞席兒去。可早來到。俺自過去。(見科)(王伴哥云)衆位長者支揖。恕俺兩箇來遲。休要見怪。若是見怪。先拿酒來。罰我幾碗酒罷。(外呈答云)得也麼。你看這廝。(白廝賴云)哥。我不要罰酒。着他搗蒜蘸胖蹄。我們先喫一頓。(蔡員外云)你兩箇休要攪擾。家童擡過果卓來者。(家童云)理會的。(擡果卓科)(蔡員外云)將酒來。(家童云)理會的。(蔡員外遞酒科)(云)衆位長者。想聖人治世。普施洪恩。大行王道。見如今四夷咸伏。天下平定。君聖臣賢。萬民歡樂。時遇盛冬天氣。下着國家祥瑞。俺遇此豐稔之時。莫負眼前光景。老夫在此草舍。聊備小酌。敬請衆位長者。盤桓一會。共賞國家禎祥。方表交情。悉皆歡飲。勿勞推辭。這一杯酒。先從劉普能長者起。長者滿飲一杯。(劉普能云)老長者請。(蔡員外云)長者請。(劉普能云)不敢。老夫飲。(做飲科)(蔡員外云)再將酒來。這一杯酒。周長者滿飲此杯。(周景和云)不敢。老夫飲。(做飲科)(蔡員外云)再將酒來。夏長者滿飲一杯。(夏德閔云)不敢。老夫飲。(做飲科)(蔡員外云)再將酒來。仇長者滿飲一杯。(仇彥達云)不敢。老夫飲。(做飲科)(王伴哥云)我說老蔡。你我們兩箇。也看不在眼裏。好酒好肉。則與別人喫。不睬我兩箇。你有手。我沒手。你不與我遞酒。我自家不會喫。(王伴哥拿酒壺科)(云)衆位長者請酒了。

罷罷罷。我嘴對嘴喫罷。〔外呈答云〕不像樣。得也麼。〔白厮賴云〕哥喫酒。我播菜兒。〔做拿下飯與王伴哥遞科〕〔王伴哥張口科〕〔白厮賴自喫科〕〔云〕香噴噴的米罕。〔外呈答云〕兩箇饒弟子孩兒。得也麼。〔蔡員外云〕酒且慢行。家童與我喚蔡順兩口兒來。與衆長者行一杯酒者。〔家童云〕理會的。〔正末扮蔡順同旦兒上〕〔正末云〕小生姓蔡名順字君仲。本貫汝南人也。嫡親的四口兒家屬。渾家李氏。一雙父母年高。小生幼習文墨。苦志於寒窗之下。學成滿腹文章。爲因父母在堂。未曾進取功名。小生每行孝道。侍奉雙親。想人子立身。莫大於孝。孝乃百行之源。萬善之本也。時遇暮冬天。紛紛揚揚。下着國家的祥瑞。有父親在映雪堂上。請衆長者賞雪飲酒。家童喚俺兩口兒。大嫂須索走一遭去。當今聖人在位。是好豐稔之年也呵。〔唱〕

〔仙呂點絳脣〕見如今雨順風調。萬民安樂。年光好。聖德過堯。則他這文共武。行忠孝。〔旦兒云〕蔡順是好雪也。恰便是銀粧成世界。粉填滿山川。這雪潤隴畝。滋禾稼。天下黎民皆喜也。〔正末唱〕

〔混江龍〕上合天道。常垂甘露潤田苗。這雪單注着多收五谷。廣贍倉廩。鄉下農民斟村酒。城中士戶飲香醪。好收成端的民歡樂。托賴着一人有慶。因此上萬國來朝。〔云〕可早來到也。不必報復。我自過去。〔正末同旦兒見科〕〔正末云〕父親。您孩兒

來了也。〔蔡員外云〕蔡順。你來了。今日下着國家祥瑞。我安排酒肴。請衆位長者。賞雪飲酒。你同媳婦兒。與衆位長者厮見者。〔正末云〕您孩兒理會的。〔正末同旦兒見衆長者科〕〔正末施禮科〕〔云〕衆位尊長支揖。〔旦兒云〕萬福。〔衆云〕不敢不敢。〔蔡員外云〕衆位長者在此。非我自誇。此子蔡順。雖無大才。頗讀經典。孩兒行於孝道。不出仕於朝。那堪媳婦潤蓮。三從四德爲先。貞烈賢達第一。朝暮問安視寢。終始無移。老夫知之於心。感於肺腑。十分的見喜。因此上喚他兩口兒出來。與衆長者捧一盃酒。盡老夫之情也。〔劉普能云〕據長者仁純德厚。仗義疎財。富不侈其心。貴不驕其志。每行善事。多積陰功。爲子者盡孝。爲婦者大賢。皆是老長者脩積也。〔正末云〕衆位長者在上。凡人子侍其父母。當盡其孝敬之心。夫孝者。始於事親。終於事君。蓋事君則忠。事親則孝。想父母養育之恩。至重難報。今蔡順遵先王之道。讀孔聖之書。切思父母深恩。重若泰山。豈敢不行孝道也。〔衆云〕先生說的深有理。〔員外云〕孩兒。你與衆位長者。遞一盃酒者。〔正末云〕理會的。大嫂執着壺。我與衆位長者遞一杯酒。大嫂將酒來。〔旦兒云〕理會的。酒在此。〔正末云〕這杯酒。劉普能尊長。滿飲一盃。〔劉普能云〕蔡秀才請。〔正末云〕不敢。老尊長請。〔劉普能云〕蔡秀才。是好大雪也。頃刻雲迷四野。須臾雪蔽山林。這雪蜂認梨花。採之無香。鵲迷日色。飛之無影。遇此勝時。正好圍爐歡飲也。〔做飲科〕〔正末唱〕

〔油葫蘆〕你看瑞雪紛紛滿目飄。將山川粉填了。恰便似蜂蝶亂嚷舞虛囂。掃
綿扯絮飛來到。恰便似楊花亂糝空中落。〔劉普能云〕蔡秀才。這場大雪。那田地上萬種
草木。到來春都皆發生也。〔正末唱〕這場雪潤良田萬物生。壓瘴氣滋稼苗。端的是遍
街衢蔽阻長安道。恰便似風內剪鵝毛。〔云〕再將酒來。這盃酒可是周員外。滿飲一盃。
〔周景和云〕好波。將來老夫飲。蔡秀才。幸際太平時世。歲稔年豐。感謝天公。降宜時瑞雪。俺正好
開筵飲酒也。〔正末云〕老員外道的是也。〔唱〕

〔天下樂〕正值着豐稔年光瑞雪飄。正好飲香也波。將珍羞擺列着。樂醕醕
宴賞直到曉。寶鼎內香篆焚。煖爐中獸炭燒。俺可也儘開懷無處討。〔云〕與

兒將熱酒來。〔與兒云〕小哥。遞些促招酒兒。衆位老員外。都是凍了。嘴頭子熱酒燙腫了。着他怎
麼喫下飯。〔外呈答云〕得也麼。潑說。〔正末云〕這杯酒。夏員外滿飲一杯。〔夏德閏云〕秀才請。
〔正末云〕不敢。老員外請。〔夏德閏云〕秀才。這場大雪。非比尋常。恰便似空中糝玉。雲外飛瓊。冷
颼颼行人迷徑。白茫茫歸鳥失巢。似這等紅爐煖閣之中。理當賞雪飲酒也。〔正末云〕這雪越下
的大了也。〔唱〕

〔醉中天〕這雪更塞擁藍關道。盡蔽了九重霄。嶺畔寒梅恰便似舒玉梢。〔云〕

將酒來。仇員外滿飲一盃。〔仇彥達云〕老夫飲這雪真乃國家祥瑞也。〔正末唱〕這雪普四海添吉兆。仰聖德黎民安樂。滿斟白醪。賀豐年萬姓歌謠。〔王伴哥云〕白厮賴。恰纔老蔡不與俺兩箇遞酒。你看小蔡兒也輕慢俺兩箇。也不遞酒。他小覷俺兩箇罷了。氣殺也。〔白厮賴云〕哥不要上氣。你若上氣。顯的就不是舊油嘴了。拿大碗來。倒着酒則管喫。濃的醉了。就打鋪在那家裏睡。哥等他爺兒每若無禮。我把他鼻子都咬下他的來。〔外呈答云〕賊弟子孩兒。得也麼。〔蔡員外云〕酒且慢行。衆位長者。非老夫敢僭。則這般飲酒。也不能取其樂。列位長者。都是通文達理的人。幸遇冬寒雪降。指雪爲題。每人吟一首詩。有詩者不飲酒。無詩者罰一杯。〔仇彥達云〕老長者。先從誰起。〔蔡員外云〕先從劉普能長者起。〔白厮賴云〕我說老蔡遞酒也從他起。吟詩也從他起。他是那一箇。他無故則是劉普能。他就是普賢菩薩。我也不讓他。〔王伴哥云〕兄弟說的是。先從你起。你了是我。我了你。兩箇油嘴胡說。到底喫的醉了。一齊調鬼。〔外呈答云〕潑說。〔劉普能云〕今蒙長者大設華筵。重意相待。老長者單指雪爲題。要俺俱各吟詩一首。無詩者罰飲一盃。衆位長者恕罪。老夫不才。強搜枯腸。作詩一首。衆位長者污目者。〔衆云〕不敢不敢。洗耳願聞。〔劉普能吟詩云〕碎剪瓊花滿太空。彤雲萬里布寒風。擁爐畫屋如春暖。詩酒高談樂盛冬。〔衆云〕高才高才。〔王伴哥云〕他便高才。喫了酒了。可不高才。〔外呈答云〕不高

才喫打得也麼。〔周景和云〕該老夫吟詩也。我詩就了。衆位長者恕罪。〔衆云〕不敢不敢。洗耳願聞。〔周景和吟詩云〕蝶翅飛揚落地輕。風翻柳絮舞零零。滋禾潤稼呈祥瑞。萬姓謳歌樂太平。〔衆云〕高才高才。〔白厮賴云〕高裁做的好衣服。〔外呈答云〕怎的。〔白厮賴云〕我說是高裁。〔外呈答云〕那箇高才。得也麼。〔夏德閏云〕該老夫吟詩。我詩就了也。衆長者恕罪。〔衆云〕不敢不敢。〔夏德閏吟詩云〕撲面穿簾拂粉牆。飛瓊糝玉六花揚。高堂映雪宜歡飲。爛醉笙歌錦瑟傍。〔衆云〕高才高才。〔王伴哥云〕我可是他能飲的伯伯。〔外呈答云〕得也麼。這廝。〔仇彥達云〕該老夫吟詩。我詩就了也。衆位長者恕罪。〔衆云〕不敢不敢。〔仇彥達吟詩科〕〔云〕一色樓臺盡粉粧。隨風逐物弄輕狂。低垂簾幙陳佳宴。笑飲忘懷入醉鄉。〔衆云〕高才高才。〔白厮賴云〕我可其實的快曠。〔外呈答云〕得也麼。這廝。〔蔡員外云〕衆位長者。高才大德。博學廣文。真乃古君子也。老夫疎於學問。草腹菜腸。對着衆位長者。也吟詩一首。萬望勿哂者。〔衆云〕不敢不敢。願聞。〔蔡員外云〕老夫吟詩也。〔做吟詩科〕〔云〕密布彤雲遍九霄。飛空四野剪鵝毛。羊羔酒泛歌金縷。共享豐年樂事饒。〔衆云〕高才高才。〔正末云〕衆位老尊長在上。小生無才。也吟詩一首。以盡人之歡也。詩中之意。倘有不週。望衆位長者教訓者。〔衆云〕不敢不敢。願聞。〔正末云〕小生吟詩也。〔做吟詩科〕〔云〕凜凜寒風透滿懷。遙空頃刻凍雲埋。紛紛祥瑞天街落。四海消除黎庶災。

〔衆云〕高才高才。〔王伴哥云〕他甚麼高才。老蔡。我把你箇老糊塗。我兩箇是客人。倒不讓俺吟詩。你爺兒兩箇是東主。你倒先吟了詩。你意思道他兩箇是愚魯之人。不知文義。小量俺兩箇。不是俺騙你那驢嘴。我把那五言詩八韻賦。長篇短文。我作了勿知其數。量這首雪詩。有何罕哉。擎酒來。我喫一碗。然後吟詩。若吟的不是。每人再罰我一碗。〔外呈答云〕得也麼。倒好了你也。〔王伴哥云〕我吟詩也。衆位長者勿罪。〔做吟詩科〕〔云〕紛紛瑞雪滿階基。有似楊花上下飛。一輪紅日當天照。管情化做一街泥。〔外呈答云〕可知是一街泥。得也麼。〔白廝賴云〕好。哥也不枉了吟的好詩。真乃是文章的魁首。油嘴的班頭。〔外呈答云〕得也麼。這廝。〔白廝賴云〕古人說。凡會酒席吟詩。不可太多。我學生不吟詩。我如今指雪爲題。唱箇小小的曲兒。曲子名是清江引。衆位長者污耳者。〔衆云〕你唱你唱。〔白廝賴云〕曲兒不打緊。聽我的歌聲宛轉。上古秦青善能歌唱。他若聽見我唱。他也拱手而伏。衆位長者。聽我唱賞雪的曲兒。〔唱〕

〔清江引〕這雪白來白似白廝賴。〔云〕這雪若還下在席子上。〔唱〕恰便似一床白綾被。鋪在熱炕上。蓋着和衣兒睡。醒來時化了一身水。〔外呈答云〕講弟子孩兒。不甚好。得也麼。〔夏德閏云〕衆長者。似這等寒冬雪降。那富豪之家。暖閣內簾氈簾。圍爐中燒獸炭。銀瓶內斟美酒。輕裘煖帽。駿馬雕鞍。富貴任其所願。有那等貧寒之家。身無遮體之衣。

口無應飢之食。戰戰兢兢。無顏落色。凍剝剝的袖手低頭。蔡秀才。你是讀書的人。想人生於世。有錢的可是怎生。無錢的可是何如。你試說。我試聽者。〔正末唱〕

〔那吒令〕有錢人最好。錦貂裘暖帽。無錢人困遭。穿補衣衲襖。遠人家乞討。忍饑寒凍倒。數九天怎過遣。大街上高聲叫。戰兢兢性命難逃。〔夏德閏云〕人生在天地之間。貧富分其兩等。乃自然之理也。〔正末唱〕

〔鵲踏枝〕富家郎逞英豪。顯奢驕。他每便語話言談。氣勢偏高。腆着脯向人前氣傲。他把這貧民每當作兒曹。〔仇彥達云〕秀才言者當也。便好道衣是人之威。錢是人之

膽。今時人享榮華。受富貴。穿錦繡。住蘭堂。乃前生分定也。〔正末云〕這貧寒富貴。非同小可。〔唱〕

〔寄生草〕有錢的高堂上常奢侈。無錢的遭貧寒居瓦窰。有錢的列金釵絃管。可便心歡樂。無錢的受恓惶寂寞傷懷抱。有錢的逞軒昂馬踐紅塵道。無錢的向人前縮手口難開。則他這貧窮富貴是天道。〔蔡員外云〕衆位長者。慢慢的飲酒。看有甚麼人來。〔解子押延岑上〕〔延岑云〕猛烈剛強自古無。平生慷慨不塵俗。見義當爲真男子。則我是正直無私大丈夫。某姓延名岑字均義。我平生好漢。剛強性魯。膂力過人。我在那長街市上閑行。因見箇年小的後生。趕着箇年老的打。我路見不平。將那年少拉將過來。三拳兩腳。過打死

了我出首到官。饒我死罪。脊杖了六十。罰我去鄭州迭配牢城。時遇冬暮天氣。紛紛揚揚的下着。這般大雪。身上單寒。肚裏無食。解子哥哥。你看這家兒人家。高房子。大門樓。門前車馬嚷鬧。必是箇豪富之家。俺去討些茶飯食用。〔解子云〕延岑。你可休走了。〔延岑云〕哥哥。小人身做身當。豈敢帶累你也。〔解子云〕你若這般。便好。〔延岑云〕來到門首也。我試叫一聲。大主人家。有那憐憫之心。用不了的茶飯。乞討些食用。〔正末云〕甚麼人在門首。大驚小怪的。我試看去者。〔蔡員外云〕孩兒也。你試看去。〔正末出門見科〕〔云〕一條好漢也。兀那壯士。你因何帶鎖披枷來。〔延岑云〕哥哥不知。小人平昔之間。剛強性勇。膂力過人。一日街上閑行。見一箇年小的後生。趕着箇年老的打。我路見不平。把那年小的拉將過來。三拳兩脚打死了。我出首到官。免我死罪。脊杖了六十。罰去鄭州迭配牢城。身上單寒。肚中饑餒。路打門首過。見車馬盈門。小人來乞討些茶飯食用。〔正末云〕壯士。你少待片時。〔正末進門科〕〔云〕俺這家私裏外。無人照管。若得這箇壯士。與我做護臂。可也好也。我對父親母親說去。〔正末見蔡員外科〕〔蔡員外云〕孩兒也。甚麼人炒鬧。〔正末云〕父親。門首有箇壯士。迭配鄭州牢城去。身上單寒。肚中饑餒。來乞討些茶飯食用。父親。俺家私裏外。無人照顧。若得這箇壯士。與我做了護臂。可也好也。〔蔡員外云〕孩兒也。與我喚過那壯士來。〔正末云〕理會的。〔正末見延岑云〕兀那壯士。俺父親喚你哩。〔延岑云〕理會的。〔見

衆長者科。〔云〕衆位老長者。小人施禮哩。〔蔡員外云〕兀那壯士。那裡人氏。姓甚名誰。因甚帶鎖披枷。你說一遍者。〔延岑云〕小人姓延名岑。字均義。乃濟州歷陽人也。我平日之間。剛直性勇。膂力過人。忽朝一日。街上閑行。見一箇年少的後生。趕着年老的打。我路見不平。將那年少的。三拳兩脚打死了。小人出首到官。免我死罪。脊杖了六十。罰去鄭州迭配牢城。下着如此般大雪。身上無衣。肚裏無食。路打長者門首過。見車馬盈門。特來乞討些茶飯食用。〔蔡員外云〕哦。原來是這般。與兒將熱酒來。着壯士飲幾杯。〔興兒云〕燙口的熱酒。〔蔡員外云〕來來來。壯士。你滿飲一杯。〔延岑云〕老長者。量小人有何德能。着長者這等錯愛。〔蔡員外云〕壯士。你在患難之中。不必多念。與兒將些茶飯來。着壯士食用。〔興兒云〕老也。留着好酒肉待客人。與他喫怎麼。看他兩箇眼。別留禿魯的。他是箇真賊。〔外呈答云〕得也麼。這厮。〔興兒舉茶飯科〕〔云〕來來來。一盤卷子。一盤羊肉。你喫你喫。〔延岑云〕解子哥哥。你喫一杯酒。喫些茶飯波。〔解子云〕我餓過了。喫不下也。〔卜兒見蔡員外云〕老的。我有句話。可敢說麼。〔蔡員外云〕婆婆有甚麼話說。〔卜兒云〕老身姓延。這箇壯士也姓延。我想來一般樹上。那得兩般花。俺五百年前是一家。我有心認義他做箇姪兒。未知老的意下何如。〔蔡員外云〕婆婆。你心與我皆同。不知道壯士心下何如。你試問他者。〔卜兒云〕兀那壯士。老身姓延。你也姓延。俺老兩口兒。止生了這箇孩兒。是蔡順。我想來一般

樹上。那得兩般花。俺五百年前是一家。我有心認義。你做箇姪兒。你意下如何。〔延岑云〕姪姪。你休逗小人耍。〔卜兒云〕我見你英雄。並無假意。〔延岑云〕是真箇多謝了父親母親也。〔卜兒云〕蔡順。您兩箇拜你哥哥者。〔正末云〕哥哥受俺兩口兒一拜。〔延岑云〕兄弟。多謝父親母親。一見如故。此恩重如泰山。異日嶢嶢。此恩必當重報也。〔正末唱〕

〔金盞兒〕哥哥你是英豪。逞雄驍。〔延岑云〕兄弟。我路見不平。把那年小的三拳兩脚。就打死了也。〔正末唱〕致傷人命。官司行告。鄭州迭配。見些功勞。有一日身榮爲官爵。青史把名標。博一箇烏靴白象簡。金帶紫羅袍。〔解子云〕這早晚雪下的大了。延岑。俺還要趕程途哩。辭了長者。俺去來。〔蔡員外云〕家童將來。〔家童擊砌末科〕〔云〕理會的。〔蔡員外云〕延岑。與你這一套暖衣。十兩銀子。做盤費。解子哥哥。與你這五兩銀子。路上看覷他者。〔解子云〕謝了長者。小人知道。〔延岑拜科〕〔云〕謝了父母。〔卜兒云〕延岑。你路上小心在意者。〔延岑云〕父親母親。您孩兒只今便索長行。久以後不得嶢嶢發達便罷。但得一身顯耀。您孩兒口中銜鐵。背上搭鞍。報今日父母之恩。哥哥嫂嫂。善待父母。衆位長者恕罪。我出的這門來。解子哥哥。我想來誰想今日。遇着這一家人家。將我認義做親。與我衣服錢鈔。此恩異日必當重報也。只因剛強性不容。致傷人命入牢城。異日風光身顯耀。必報今朝濟惠恩。〔同下〕〔劉普能云〕蔡

長者。量俺有何德能。着長者重意相待。俺酒穀了也。長者夫人告辭。〔蔡員外云〕普能再飲一杯。〔劉普能云〕不必了。長者恕罪。我出的這門來。周景和。天色晚了也。俺一同回去來。瑞雪紛紛四野垂。圍爐開宴捧金杯。知心故友同酬興。滿頭風雪醉扶歸。〔同下〕〔夏德閏云〕劉普能周景和他二人去了。仇彥達。俺也回去來。長者恕罪。出的這門來。天色晚了也。深蒙良友大張筵。美酒盈樽喜笑喧。忘懷橫飲無拘繫。不負三冬瑞雪天。〔同下〕〔王伴哥云〕白厮賴。他四位長者都回去了。俺兩箇每人再喫兩碗回去罷。〔白厮賴云〕哥也。俺打刺孫多了。您兄弟莎搭八了俺牙不約兒赤罷。〔外呈答云〕且打番語。得也麼。〔王伴哥云〕依着兄弟回去來。今日箇俺來油嘴。喫東西恰是餓鬼。我如今跑到家裏。再喫上五碗雪三盆涼水。〔一淨下〕〔蔡員外云〕衆位員外都回去了也。夫人媳婦兒。無甚事。俺回後堂中去來。〔正末云〕父親。俺回後堂中去來。〔唱〕
〔尾聲〕俺可便離了畫閣蘭堂。舉步登途道。賞瑞雪排筵罷却。〔蔡員外云〕孩兒也。爲人在世。得歡當作樂。莫負眼前光景也。〔正末唱〕啗人便休把時光虛度了。〔蔡員外云〕今日賞雪飲酒。都皆沉醉也。〔正末唱〕儘今生樂醕醕。飲香醪滿捧羊羔。寶鼎龍涎香未消。則他這銀臺上蠟燒。他每都觥籌歡笑。〔旦兒云〕蔡順。今日父母十分歡喜也。〔正末云〕俺爲子者。要孝當竭力也。〔唱〕則願的一雙父母壽年高。〔同下〕

第二折

〔卜兒抱病同蔡員外領淨興兒旦兒上〕〔卜兒云〕四肢老弱身無力。呵。兩鬢斑皤病已深。老身延氏。爲因上廟燒香去。我趕頭香起的早了些兒。感了些寒氣。一臥兒不起。飲食少進。睡臥不寧。爭奈老身年紀高大。肌體尪羸。我那裡就的這般病證。這兩日身心恍惚。老的也。我的病越沉重了也。〔蔡員外云〕婆婆。使好道天有不測風雲。人有旦夕禍福。你這病是輕災浮難。不必憂心。婆婆。將息病體。省可裡煩惱也。〔卜兒云〕媳婦兒。蔡順孩兒那裡去了也。〔旦兒云〕蔡順去街市上。與婆婆請醫士去了也。〔蔡員外云〕婆婆。想人皆養子。無過蔡順孝。俺幸遇此子。立身壯志。正好同堂歡樂。婆婆。你耐心守病也。〔卜兒云〕老的也。我這病有添無那減了也。媳婦兒。等孩兒來時。報復我知道。〔旦兒云〕理會的。我在門首望者。蔡順這早晚敢待來也。〔正末上〕〔云〕小生蔡順是也。爲因老母。廟上燒香。感了些風寒。見今病枕着床。嗟乎。年紀高大。肌體尪羸。值此病證。俺爲子者何忍乎。小生對天禱告。願將己身之壽。減一半與母親。願母親壽活百歲有餘。方表人子之孝也。小生爲母不安。這些時衣不解帶。廢寢忘餐。憂悽不止。似此可怎了。小生恰纔去那周橋左側。請下箇醫士。調治母親的病證。太醫隨後便來也。小生見母親。走一遭去。蔡順也。切思老母養育之恩。何以報答也。〔唱〕

〔商調集賢賓〕則俺那老萱親在堂年邁高。小生我想恩養有痛悲號。俺母親
喂乾濕三年乳哺。更懷耽十月劬勞。我母親擡舉的立志成名。生長的貌類清
標。方信養生送死防備老。憶深恩我未報分毫。誰承望尊堂病已深。則俺這幼
子淚如澆。〔興兒云〕小哥少煩惱。妳妳年紀高大了也。妳妳睡倒身疲倦。起來不思饌。心恍神
不寧。頭暈眼睛轉。臉上皺紋多。手上青筋亂。你若到家中。妳妳不死也氣斷。存的性命活。也是棺
材槨。〔外呈答云〕賊弟子孩兒。得也麼。〔正末云〕阿好是煩惱人也呵。〔唱〕

〔逍遙樂〕俺母親骨崑崙身軀老耄。〔帶云〕嘆母親這病。〔唱〕恰便似風裏楊花。水
上幻泡。〔興兒云〕小哥不要心焦。到家裏把妳妳的病。我替他害了罷。〔正末唱〕好教我便展
轉的添焦。俺母親眼睜睜病枕難熬。我可便心似油煎。身如火燎。仰穹蒼痛哭
嚎咷。〔帶云〕蔡順一片孝心。惟天可表也。〔唱〕則願的母病安妥。父命延長。子壽願天。
〔云〕來到門首也。〔見旦兒科〕〔云〕大嫂。你在這裡做甚麼。〔旦兒云〕蔡順母親這一會兒。覺
沉重了也。恰纔喚你來。我說你請太醫去了。你過去見母親去。〔正末云〕似此可怎了也。我去
見母親去。〔做見卜兒科〕〔云〕母親。您孩兒恰纔周橋左側。請下箇高手的醫者。便來調理母
親的病證。母親今日病體如何。〔卜兒云〕孩兒。我這一會兒不見你。不由我心中思想。我這病看

看至死。不久身亡。眼見的無那活的人也。〔蔡員外云〕孩兒也。你母親壽年高大。值此風雪之寒。寢饋俱廢。朝暮不能動履。命在頃刻之間。豈能相保。孩兒如此如之奈何。〔正末云〕父親。豈不聞聖人云。父母有疾。人子憂心。無所不用其情。怎敢時刻懈怠也。想母親止生您孩兒一箇。今立身成名。豈不知父母鞠養之恩。您孩兒爲母不安。這些時衣不解帶。寢食俱廢。憂悽不止。行坐之間。猶如失魂喪魄。您孩兒對天禱告。願將己身之壽。減一半與母親。願母親壽享百歲有餘。方稱您孩兒之願也。〔卜兒云〕孩兒也。想人子之心。奉母莫大於孝。你的孝情。我盡知也。今老身命已將危。乃人之大限。你父子免勞憂慮。兒也。我眼見的無那活的人也。〔旦兒云〕蔡順。你請的太醫。這早晚不見來。〔正末云〕大嫂。預備下茶湯。太醫這早晚敢待來也。〔正淨扮太醫上〕〔云〕我做太醫最胎孩。深知方脈廣文才。人家請我去看病。着他准備棺材往外擡。自家宋太醫的便是。雙名是了人。若論我在下手段。比衆不同。我祖是醫科。曾受琢磨。我彈的琵琶。善爲高歌。好飲美酒。快喫肥鵝。那害病的人請我。我下藥就着他沉痾。活的較少。死者較多。〔外呈答云〕名不虛傳。得也麼。〔太醫云〕我這門中。有箇醫士。姓胡。雙名是突蟲。他老子就喚是胡蘿蔔。我和他兩箇的手段。也差不多。俺因此上結爲兄弟。有人家來請我看病。俺兩箇一同都去的。少一箇也不行。我看病。兄弟便下藥。兄弟看病。我便下藥。俺兩箇說下呪願。有一箇私去看病的。嘴上就生殭疙疸。今

日有本處蔡秀才來請我。說他母親害病。請我去下藥。我使人約兄弟去了也。我在周橋上等着兄弟。這早晚敢待來也。〔淨扮糊突蟲上〕〔云〕我做太醫溫存。醫道中惟我獨尊。若論煎湯下藥。委的是效驗如神。古者有盧醫扁鵲。他則好做我重孫。害病的請我醫治。一貼藥着他發昏。〔外呈答云〕得也麼。這廝。〔糊突蟲云〕在下是箇太醫。姓胡。雙名是突蟲。小名兒是胡十八。祖傳三輩行醫。若論我學生的手段。我指上不明。醫經不通。人家看病。先打三鍾兩碗瓶酒。五箇燒餅。喫將下去。就要發風。看病不濟。我喫食倒有能。〔外呈答云〕兩箇一對兒。得也麼。〔糊突蟲云〕我這醫門中有箇醫士。姓宋。雙名是了人。俺兩箇的手段。都場八四。因此上都結做弟兄。他爲兄。我爲弟。人家來請看病。俺兩箇都同去。少一箇也不行。宋無胡而不走。胡無宋而不行。胡宋一齊同行。此爲胡虎乎。謹也。〔外呈答云〕念等韻哩。得也麼。〔胡突蟲云〕早間宋先兒。使人來請我。說蔡秀才的母親害病。請俺下藥。有哥在周橋上等着我哩。見咱哥走一遭去。可早來到也。〔做見科〕〔云〕哥也。你兄弟來遲。莫要見罪。若要見怪。哥就是蝦蟆養的。〔外呈答云〕得也麼。這廝。〔太醫云〕你還說嘴哩。你平常派賴。冬寒天道。着我在這裡久等。險些兒凍的我腿轉筋。〔糊突蟲云〕哥也。休怪您兄弟來遲。我有些心氣疼的病。今日起的早了些兒。感了些寒氣。把你兄弟爭些兒不疼死了。你兄弟媳婦兒慌了。請了太醫來。與了我一服藥。喫。我纔不疼了。〔外呈答云〕你是太

醫。怎麼又喫別人的藥。〔糊突蟲云〕我的藥中喫。是我也喫了。〔外呈答云〕可怎麼不中喫。〔糊突蟲云〕我若喫了我自家的藥呵。我這早晚。死了有兩箇時辰也。〔外呈答云〕你可是盧醫不自醫。得也麼。〔太醫云〕兄弟。自從俺打官司出來。一向無買賣。〔外呈答云〕爲甚麼打官司來。〔太醫云〕俺兩箇爲醫殺了人來。〔外呈答云〕兩箇一對兒油嘴。得也麼。〔太醫云〕兄弟。今日蔡長者家婆婆害病。請俺去下藥。他是財富之家。俺到那裡。他有一分病。俺說做十分病。有十分病。說做百分病。到那裡胡針亂灸。與他服藥喫。若是好了。俺兩箇多多的問他要東西錢鈔。猛可裡死了。背着藥包。望外就跑。〔外呈答云〕得也麼。這厮〔糊突蟲云〕哥也。言者當也。憑着俺兩箇一片好心。天也與半碗飯喫。〔外呈答云〕得也麼。〔太醫云〕兄弟俺去。可早來到也。報復去。道有兩箇高手的醫士來了也。〔家童云〕您則在這裡。我報復去。〔做報科〕〔云〕報的長者得知。太醫來了也。〔蔡員外云〕道有請。〔家童云〕理會的。有請。〔糊突蟲云〕哥也。看仔細些。莫要掉將下來。〔外呈答云〕怎的。〔糊突蟲云〕是有請有請。〔外呈答云〕慌做甚麼。得也麼。〔太醫云〕俺是箇官士大夫。上他門來看病。消不的他接待接待。就着俺過去。〔外呈答云〕你休要怪他。他家有病人。過去罷。〔太醫云〕好兒。看着你的面上。老子過去罷。〔外呈答云〕這厮做大。得也麼。〔太醫做讓科〕〔云〕兄弟請了。〔糊突蟲云〕不敢。兄長請。〔太醫云〕賢弟請。〔糊突蟲云〕兄長差矣。想在下

雖不讀孔孟之書。頗知先王之禮。豈不聞聖人云。徐行後長者謂之弟。疾行先長者謂之不弟。耕者讓畔。行者讓路。長者爲兄。次者爲弟。兄乃我之長。我乃兄之弟。既有長幼。須分尊卑。先王之禮。亦不差矣。我若先行。我就是驢馬畜生。真油嘴也。〔外呈答云〕甚麼文談。得也麼。〔糊突蟲云〕不敢不敢。吾兄請。〔太醫云〕不敢。賢弟乃善良君子。我乃是愚魯之人。區區無寸草之能。賢弟有九江之德。據賢弟醫於病。神功效驗。治於病。多有良方。賢弟乃大成之人。我乃蛆皮而已。我若先行。我學生就是真狗骨頭之類也。〔外呈答云〕得也麼。潑說。過去了罷。〔做見卜兒科〕〔太醫云〕老母憊憊身不快。〔糊突蟲云〕太醫下藥除患害。〔太醫做擎左手科〕〔糊突蟲做擎右手科〕〔太醫云〕看俺雙雙把脈。〔太醫擎卜兒左手科〕〔唱〕

〔南青哥兒〕入門來審了他這八脈。〔糊突蟲擎卜兒右手科〕〔唱〕瘦伶仃有如麻。〔太醫唱〕俺快把這藥包兒忙解開。〔糊突蟲云〕可憐也。脈息不好了。〔唱〕快疾忙去買。〔太醫唱〕快疾忙去買。〔正末云〕太醫買甚麼。〔太醫唱〕去買一箇棺材。〔糊突蟲唱〕去買一箇棺材。〔外呈答云〕幾時了。得也麼。〔太醫擎藥包兒打倒卜兒科〕〔卜兒云〕打殺我也。〔外呈答云〕他是病人。怎麼打他。〔太醫云〕不妨事。不妨事。還好哩。還知疼痛哩。〔外呈答云〕不知疼痛。可不死哩。得也麼。〔太醫云〕胡先兒。他這箇是甚麼病。〔糊突蟲云〕吾兄。不是我誇嘴。我

恰纔觀了他面目。審了他脈息。你摸他這半身子如火相似。他害的是熱病。〔太醫云〕你又胡說了。他這箇脈息跳的有一寸高。你怎說是熱病。你看他這半邊身子如冰一般涼。他害的是冷病。〔糊突蟲云〕吾兄也不難把老人家鼻子爲界。用一條繩拴在他鼻頭上。把這繩兒扯下來。就地下釘箇橛兒拴住。你醫這左半邊冷病。我醫這右半邊熱病。吾兄弟意下何如。〔太醫云〕好好好。俺兩箇說的明白。假似你一服藥。着老人家喫將下去。醫殺了這右半邊呵呢。〔糊突蟲云〕管不干你那左半邊的冷病事。〔太醫云〕說的有理。〔糊突蟲云〕假若你一服藥。着這老人家喫將下去。醫殺了你那左半邊呵呢。〔太醫云〕管不干你那右半邊的熱病事。〔糊突蟲云〕我說假似走了手。都醫殺了呵呢。〔太醫云〕管大家沒事。〔外呈答云〕謬弟子孩兒得也麼。〔蔡員外云〕太醫。你如今下一服甚麼藥。〔太醫云〕我如今下一服是奪命丹。第二服促死丸。〔蔡員外云〕你爲甚么與他兩樣藥喫。〔太醫云〕你不知道。我有主意。兩樣藥喫下去。着這老人家死也死不的。活又活不的。〔外呈答云〕得也麼。這廝。〔糊突蟲云〕蔡老官兒。你要你這婆婆好麼。〔蔡員外云〕可知要好哩。〔糊突蟲云〕我有箇海上方兒。用一莊物件。你捨的麼。〔蔡員外云〕要我這婆婆好。不問要甚麼。都的捨。〔糊突蟲云〕把你這兩隻眼。拏尖刀子剜將下來。用一鍾熱酒吃將下去。你這婆婆就好了。〔蔡員外云〕他便好了。我可怎麼了。〔糊突蟲云〕你敢柱着明杖兒走。〔外呈答云〕得

也麼。這厮胡說。〔蔡員外云〕住住住。你兩箇休要胡廝嚷。你二位端的那一位高強。讓一箇醫了罷。〔二淨擎着藥包一遞一箇打着念科〕〔太醫打糊突蟲云〕我能調理四時傷寒。〔糊突蟲打太醫云〕我善醫治諸般雜證。〔太醫云〕我療小兒吐瀉驚疳。〔糊突蟲云〕我治婦女胎前產後。〔太醫云〕我會醫四肢八脈。〔糊突蟲云〕我會醫五勞七傷。〔太醫云〕我會醫左癱右瘓。〔糊突蟲云〕我會醫緊癆慢癆。〔太醫云〕我會醫兩腿酸麻。〔糊突蟲云〕我會醫四肢沉困。〔太醫云〕我會醫口苦舌澀。〔糊突蟲云〕我會醫胸膈膨悶。〔太醫云〕我會醫癰腫跛臂。〔糊突蟲云〕我會醫暗啞癡聾。〔太醫云〕我會醫發寒發熱。〔糊突蟲云〕我會醫發傻發風。〔太醫云〕我會醫水蟲氣蟲。〔糊突蟲云〕我會醫頭疼額疼。〔太醫云〕我會醫胸膛上生着孤拐。〔糊突蟲云〕我會醫肩膀上害着脚疔。〔太醫云〕老長者着俺下藥。〔糊突蟲云〕將這箇老人家喪了。原本衍喪了二字這趙誤刪了這二字這殘生。〔太醫云〕用涼水滿滿的一碗。〔糊突蟲云〕用巴豆足足的半升。〔太醫云〕着這一箇老人家喫將下去。〔糊突蟲云〕叫喚起滿肚裏生疼。〔太醫云〕登時間直腸直肚。〔糊突蟲擎藥包打倒卜兒科〕〔云〕瀉殺這箇老媽媽。也是場乾淨。〔外呈答云〕賊弟子的孩兒去了罷。去了罷。〔打一淨下〕〔正末云〕父親。今母親得病。積日之久。四肢無力。身體飄然。似此如之奈何。〔蔡員外云〕孩兒。我試問婆婆者。婆婆。你這些時飲食不進。你心中可想甚麼食用。〔卜兒云〕老的也。

我心中想一味東西食用。奈是冬寒天氣。則怕無有此物。〔正末云〕母親想甚麼食用。對您孩兒說者。〔卜兒云〕孩兒也。我想那春暮天桑椹子食用。但得三兩枝兒喫下去。則怕我這病減了也。〔正末云〕既然母親思想桑椹子食用。您孩兒不問那裡。務要尋來奉侍母親。〔卜兒云〕孩兒也。我這會有些昏沉。媳婦兒扶我去後堂中去來。我冒風寒着床垂命。爲子者堂前孝敬。但得那美甘甘桑椹充腸。醫可了我懨懨疾病。〔同下〕〔蔡員外云〕孩兒也。你母親思想桑椹食用。況值盛冬時節。萬木凋零。便有黃金也無處買也。你母之命。仰望神天加護。他病痛苦淹纏。良方治不痊。我暫把愁眉放。生死任從天。〔下〕〔正末云〕母親思想桑椹子食用。奈是寒冬天氣。可那得此物來。興兒。與我後園中快設香案。安排祭祀禮物。我禱告神天去者。〔興兒云〕小哥說的是。前堂上人雜。後園中靜悄悄的。問神天求的幾箇桑椹子。救妳妳的命。若無桑椹子。馬蓮子也罷。喫下去倒消食。〔外呈答云〕得也麼。這廝。〔正末云〕來到這後園中也。興兒。擡過香案來者。〔興兒云〕理會的。〔做擡香案科〕〔云〕放下這香案。擺下三牲。小哥都有了也。〔正末云〕興兒。休要打攪。你且前後執料去者。〔興兒云〕我也寒冷了。小哥。你便燒香。我灶窩裏向火去也。〔下〕〔正末燒香科〕〔云〕皇天后土。三界神祇。此一炷香不爲別。有母延氏。年七十五歲。見今病枕在床。積日之久。未能得愈。切思父母之恩。未嘗頃刻下懷。今母親有疾。爲子者豈可不盡其心。小生這些時衣不解

帶。寢食皆廢。憂悽不止。今母親沉重。投藥不效。空勞無功。不期母親思想桑椹子食用。寒冬天氣。朔風遍起。萬木凋零。怎生得那桑椹子來。伏望神明可憐。怎生得天上降下幾箇桑椹子來。救濟俺母親病體痊可。願將蔡順己身之壽。減一半與母親。願母親壽活百歲餘年。方表人子之道也。百行由來孝爲先。人心盡孝理當然。椹子若能天降下。救濟慈親病體痊。〔拜科〕〔唱〕

〔梧葉兒〕列香案虔誠拜。設奠祀專意禱。但能穀那樹上發柔條。結幾箇桑椹子。摘將來醫濟的好。我這裡望青霄。哎。神也保佑的母安樂呵。惟願的可便長生不老。〔云〕小生對着神天。將頭也磕破了。滴下來的淚珠兒。可都成冰了。這一會兒。覺有些昏沉。

我搭伏着這香案。暫且盹睡者。〔做睡科〕〔增福神領鬼力上〕〔云〕蕩蕩神威氣象寬。親傳勅令下瑤天。只因人子行純孝。吾神駕霧騰雲到世間。吾神乃上界增福神是也。我身居逍遙之境。自在之鄉。掌管人間貴賤壽夭增福延壽之事。行善者增添福祿。作惡者減算除年。今因下方有一人。姓蔡名順字君仲。其妻乃李氏潤蓮。他二人每行孝道。侍奉親闈。朝暮問安視寢。未嘗有懈心。他門母親延氏。見今染病在床上。藥餌不能調治。今冬寒時月。母思桑椹子食用。此人在後花園中設其香案祭物。對天祈禱。叩頭出血。滴淚成冰。又願將己身之壽。減一半與他母親。願他母壽活百歲有餘。此人一念誠孝。通於天地。感動神靈。吾神親傳上帝勅令。將冬天變做春天。着

大衆神將。今夜晚間三更時分。降甘露瑞雪。滿山遍峪。但有的桑樹。都生桑椹子。着蔡順摘將去。獻與他母親食了呵。他那病體必然痊可。有此人在後園中焚罷香。搭伏着香案。盹睡着了也。恐防蔡順不知。吾神駕起祥雲。直至此人宅上托夢。走一遭去。按落雲頭。可早來到他家前堂上也。鬼力與我喚將蔡氏門中家宅六神來者。〔鬼力云〕理會的。蔡氏門中家宅六神安在。〔門神戶尉上〕〔門神云〕積善門闌瑞鶴生。手執斧鉞鎮宅庭。剛強正直無邪僻。以此人間爲正神。小聖乃蔡氏門中門神是也。此一位乃戶尉之神。今有蔡順的母親。病枕在床。俺家宅六神不安。因蔡順至孝。感動神明。通於天地。有增福神降臨在堂。呼喚六神。俺二神見上聖去。可早來到這前堂上也。鬼力報復去。道有門神戶尉來了也。〔鬼力云〕理會的。報的上聖得知。有門神戶尉來了也。〔增福神云〕着他過來。〔鬼力云〕理會的。過去。〔做見科〕〔門神云〕呀呀呀。早知上聖來到。只合遠接。接待不着。勿令見罪。上聖呼喚小聖有何法旨。〔增福神云〕門神戶尉。您且一壁有者。〔外扮土地井神同竈神淨廟神上〕〔土地云〕吾乃土地神。秉性純和。福自臻。常居正道。永鎮家庭。晨昏香火。悉把吾尊。招財進寶。臻佳瑞。合家無慮保安存。〔井神云〕吾乃井泉神。節操堅剛。民自稱。將流波積聚。徹底澄清。身無點污。潔似寒冰。井中常喜禱祥現。兆應家宅百事亨。〔竈神云〕吾乃是竈神。一家之主。我爲尊。終朝火燎。每日煙熏。炭頭般像貌。墨錠般法身。縱然葷素不離口。爭

奈終日縮竈門。〔淨廁神云〕吾乃是廁神。我一生無始終。我坐的是淨桶。斂的是糞坑。尿長溺一
臉。屎長污一身。何曾得聞清香味。每日人來把屁熏。〔外呈答云〕兩箇一對得也麼。〔土地云〕衆
神都來了也。今有蔡順母親。病體不安。此子至孝。通於天地。感動上界。增福神在堂呼喚。不知爲
何。俺見上聖去。來到這前堂上。鬼力報復去。道有土地等神來了也。〔鬼力云〕理會得。〔報科〕〔云〕
報的上聖得知。有土地等神來了也。〔增福神云〕着他過來。〔鬼力云〕理會的。過去。〔做見科〕
〔土地云〕呀呀呀。早知上聖到來。只合遠接。接待不着。勿令見罪。〔井神云〕上聖。小聖失於迎迓。
勿以見責也。〔竈神云〕早知來到。快跑遠接。跑的緊了。一定喫跌。〔外呈答云〕甚麼文談。得也
麼。〔廁神云〕早知上聖來到。慌忙迎笑。若還笑。鑿箇菜暴。〔外呈答云〕兩箇一對潑說。
得也麼。〔土地云〕上聖。呼喚俺家宅六神。有何事也。〔增福神云〕您六神聽者。爲蔡順母見今病
枕不安。藥餌不能醫治。他母想桑椹子食用。奈是寒冬天氣。無處求取。此子至孝。通於天地。感動
上帝之心。今吾神傳上帝勅令。特降桑椹子。救他母親之病。恐此人不知。吾神故來托一夢警。有
蔡順在後園中。燒罷香昏沉而睡。您六神隨着我托夢去來。〔衆云〕有勞上聖下降。俺跟上聖去
來。〔增福神同六神見正末科〕〔增福神云〕來到這後園中。此人真箇睡着了也。我試喚他者。蔡
順蔡君仲。〔竈神云〕蔡炒肉。〔廁神云〕蔡裏蟲。〔外呈答云〕這厮得也麼。〔正末做警醒科〕〔唱〕

〔醋葫蘆〕不由我戰兢兢的添怕怖悠悠的魂魄消。我則見衆神祇簇擁一周遭。莫不是身邊犯下甚甚原誤是趙改試亦誤麼罪惡。〔增福神云〕蔡順休驚莫怕也。〔正末唱〕他可

便單題着咱名號。我須索從頭至尾問箇根苗。〔跪科〕〔云〕何方大聖。甚處靈神。通名

顯姓者。〔廁神云〕上聖。這小蔡兒最促狹。他前日望着我嘴頭子上放了箇屁。把我牙迸掉了。我

正要擺佈他哩。〔外呈答云〕這厮且打攪。〔增福神云〕蔡順。俺非外道邪魔。吾神乃上界增福神

是也。這六位是您家宅六神。因你母親病體不安。寒冬天氣。想桑椹子食用。爲你虔誠懇禱。祈求

此物。叩頭出血。滴泪成冰。願將己身之壽。減一半與你母親。因你至孝。感動天地。今吾神傳上帝

勅令。將冬天變做春天。今夜三更時分。命大衆神祇降甘露瑞雪。滿山遍峪。但有桑樹。都生了椹

子。任你摘來。與你母親食用。自然病體安愈。你聽者。這孝乃萬善之本。百行之源。忠孝乃人之大

節也。非忠不以爲臣。非孝不以爲子。凡人子事親之際。無所不用其誠。要居則致其敬。養則致其

樂。病則致其憂。喪則致其哀。祭則致其嚴。此是人子之大孝也。你聽者。父母恩深比昊天。嗟乎病

體實堪憐。子行大孝諸神祐。永播芳名萬古傳。〔正末拜衆神科〕〔云〕感謝上聖也。〔唱〕

〔後庭花〕我怎消的衆神靈下紫霄。駕祥雲香霧遶。凜凜神威大。堂堂美像貌。

赴天朝親傳勅詔。爲慈親病重倒。因愚男盡孝道。後園中誠意禱。感天神來護。

保。枯桑上長出嫩條。香甘甘子結的飽。我摘將來盤內托。母親行將孝意表。〔增福神云〕你那母親若食了這桑椹子。可自然病體安樂也。〔正末唱〕

〔青哥兒〕喫了呵。但能得尊堂尊堂安樂。我做一壇水陸水陸大醮。〔增福神做推正末科〕〔云〕你推睡裏夢裏。〔衆神隨下〕〔正末醒科〕〔唱〕呀。原來是一枕南柯夢已

覺。恰纔那空中神道。與小生夢裏相交。細說根苗。着我歡展眉梢。小生這些時。耽着憂懷着悶受煎熬。恰纔呵聽說罷。喜孜孜開懷抱。〔旦兒上〕〔云〕蔡順。你爲何

大驚小怪的。〔正末云〕大嫂。你不知。我因母親思想桑椹子食用。奈是寒冬天氣。無處尋取。我恰纔禱告上天。覺一陣昏沉。睡着了。夢見增福神同家宅六神來托夢。增福神言說。因我孝心感動天地。把冬天變做春天。今夜三更時分。着大衆神祇降甘露瑞雪。滿山遍峪。但是桑樹。都結桑椹子。着我摘來。孝奉母親。他自然無病也。〔旦兒云〕蔡順。你的孝意真誠。因此上有這等感應也。〔正末云〕兀的不天色陰了也。〔旦兒云〕蔡順。這天色定然是雪也。〔正末云〕兀的不歡喜殺小生也。〔唱〕

〔尾聲〕可又早颼颼的風力峭。慘慘的凍雲罩。他道是三更時分雪花飄。小生我深山中摘桑。我可也不憚勞。怎敢把神靈違拗。〔云〕小生摘將那桑椹子來。母親若

喫下去呵〔唱〕恰便是靈丹入腹。可又早病兒消。〔同旦兒下〕

第三折

〔桑樹神上〕〔云〕園內開花我最奇。封爲綾錦樹神祇。蠶蟲食葉生絲廣。結果能充腹內饑。吾神乃桑樹神是也。我枝葉榮旺。生長青肥。桑條弄翠影。桑葉有陰濃。那山妻採葉。喜柔條續續連青。稚子攀枝。愛紫棋重重帶黑。吾神根蟠數丈。歲久年深。助蠶作繭。廣織紗羅。吾神在園林中顯耀。惟我獨魁也。奉上帝勅令。封吾神爲綾錦之神。今因凡間有一人。姓蔡名順字君仲。此人平生本分。孝順雙親。因他母親病體不安。如今冬寒天氣。思想桑椹子食用。爲此人孝心感動天地。奉上帝勅令。今夜三更時分。着大衆神祇降甘露瑞雪。着吾神樹上生桑椹子出來。蔡順摘去。侍奉他母親食用。就着他母親病體安康。既有勅令。不敢有違。吾神往山林中知會衆神。走一遭去。蒙勅令親到山場。着那遍樹上枝葉榮芳。桑椹子今宵就結。與蔡順孝奉萱堂。〔下〕〔風伯領鬼力上〕〔云〕巽位當權顯耀雄。揚塵簸土罩乾坤。喜時清氣人皆爽。怒後掀翻太華峯。吾神乃上界風伯神是也。專管一年四季和炎金朔。吾神隨雷電震動乾坤。助飛電渾彌宇宙。喜時塵土不動。怒時巨浪翻波。刮的那太嶽山頭嵐峯動。地軸天關上下搖。今爲下方爲人者。姓蔡名順字君仲。此人堅心孝道。因他母親病體不安。思想桑椹子食用。況值冬寒時月。無處求取。此人至孝。感動天地。

將冬天變做春天。着俺衆神祇。今夜三更時分。降甘露瑞雪。將山林下桑樹。都滋長。棧子出來。着蔡順摘去。侍奉他母親。病體自然痊可。吾神領了上帝勅令。待衆神來時。自有主意。鬼力望者。這早晚衆神敢待來也。〔雪神同雨師領鬼力上〕〔雪神云〕萬里冰花六出寒。滿空祥瑞蔽天關。頃刻變成銀世界。須臾粧作玉江山。吾神乃上界雪神是也。這一位是雨師。吾神居於瑤璃之宮。玉樹之洞。住西天佛國世界。按乾坤之道。而分陰陽。溫則爲雨露。寒則成霜雪。能滋五穀。盡喜萬民。今因下方有一人。姓蔡名順字君仲。他母親病體不安。孝心感動天地。上帝命俺衆神。將冬天變做春天。今夜裡三更時分。着吾神降雪。尊神降雨。將山中桑樹。都生棧子。着蔡順摘去。奉母病愈。方顯俺的順天感應也。有風神在空中等候。速駕雲端。走一遭去。遠遠的不是風神在此。〔做見科〕〔雪神云〕呀呀呀。吾神來遲。乞恕其罪也。〔風神云〕尊神。因蔡順一事。既蒙上帝勅令。不敢有違。等雷公電母來時。俺同降甘露瑞雪。生出桑棧。救蔡順的母親病證。雲頭起處。敢是雷公電母來也。〔雷公電母領鬼力上〕〔雷公云〕隱隱聲聞萬里驚。電光雨勢遍山村。天下一聲雷震地。人間萬物已知春。吾神乃上界雷公是也。這一位是電母。吾神形容猛壯。性烈剛強。震塌乾坤。劈開山嶽。驚搖木而發生。震蟄蟲而出戶。怒轟雲漢。惡蕩百川。今因下方有一人。姓蔡名順字君仲。他母親染病。想桑棧子食用。有蔡順孝心。感動天神。上帝命俺大衆神祇。今夜三更。降甘露瑞

雪。滿山林中。但是桑樹。都生桑椹子。着蔡順摘去。奉母治病。方顯神靈鑒察也。俺衆神既奉勅令。不敢有違。今有風神在空中等候。電母。俺去來。那雲端裏。兀的不是衆位尊神在此。〔做見衆神科〕〔雷公云〕衆位尊神。吾神與電母來了也。〔風神云〕雪神。雨神。雷公。電母。都來了。您衆位尊神。爲因下方蔡順奉母一事。您都知上帝勅令麼。〔衆神云〕俺都知上帝勅令也。〔風神云〕既知上帝勅令。俺神靈豈敢有違。天色已晚也。今夜至三更。吾神顯耀威力。起一陣寒風。着雪神微微的降一陣瑞雪。等雪住時。吾神再助一陣和風。將冬天變做春天。着雷公發一聲霹靂。震動山林。電母熒煌烟燦。光走金蛇。雨師下一陣甘雨。着遍山野桑樹上。舒青葉。長翠條。都生出桑椹子來。着蔡順摘奉母親。病體指日而安。方顯神靈感應也。鬼力是多早晚時候也。〔鬼力報科〕〔云〕報的尊神得知。夜至三更也。〔風神云〕夜至三更也。您衆神祇各顯神力。吾神刮起寒風來。兀的不寒風起了也。〔衆神云〕是好寒風也。〔風神云〕雪神可隨着這風。下一陣瑞雪。〔雪神云〕吾神降一陣瑞雪。兀的雪下了也。〔衆神云〕是好大雪也。〔風神云〕雪霰了也。吾神將冬天變做春天。助起這和風來。兀的不和風起了也。〔雷公云〕吾神顯耀威力。震一聲霹靂。兀的不雷響了也。〔雷響科〕〔衆神云〕是好雷聲也。〔風神云〕電母。可隨着雨師。行一陣甘雨者。〔電母云〕吾神掣起這電光來。〔雨師云〕吾神行一陣雨。兀的不雨下了也。〔衆神云〕是好甘雨也。〔風神云〕風雷

雨雪都有了。吾神不敢久停久住。俺衆神祇回上帝話。走一遭去。一夜枯桑盡發榮。寒冰天氣轉東風。年高母疾重安樂。着他壽享人間百歲終。〔同下〕〔延岑領僮僮上〕〔云〕幾番擺陣靠山崖。闊劍長槍鴈翅排。半坡劣缺搗搜漢。俺這裡殺死敵軍誓不埋。某乃五婁大王延岑是也。某幼習戰策。廣看兵書。英雄出衆。膽略過人。有拔刀相助之威。扶弱欺強之志。因我在前。路見不平。致傷人命。自己出首到官。謝勘官可憐。將我迭配鄭州牢城。行至半途。值着風雪。身上單寒。肚中飢餓。去蔡員外家乞討茶飯來。不料蔡員外的夫人。他也姓延。因與我同姓。認義我爲姪男。我拜他兩口兒做父母。老夫人跟前。止生了一子。名喚蔡順。此人十分孝順。多蒙老員外齎發了我煖衣一套。白銀十兩。又與了解子錢物。誰想那解子施惻隱之心。半途中開了枷鎖。放了我。某不敢回家。不得已我也聚集了五千人馬。在此山中落草爲寇。這山名爲五婁山。俺這裡高山嶽峻。闊澗灣環。山嶺峻嶒。道路崎嶇。樹林密稠。水波洶湧。某聲名傳四野。敵兵誆膽寒。俺這裡水欺東大海。山壓太行山。人見某英勇。就呼某爲五婁大王。某雖爲賊盜。仗義疎財。素性公平。不奪小客之錢。豈圖他人富貴。昨夜三更。下了一陣大雪。天氣如春之煖。忽然雷聲響亮。電掣金光。又下了一陣甘雨。未知主何凶吉。那山林中則怕有驚出來的狼蟲虎豹。某如今領着半坡小僮僮。巡山走一遭去。昨宵雨雪淨塵埃。今日英雄下峻崖。這一去軍收鑼鼓登山寨。馬馱虎豹上山來。〔同下〕

〔正末同興兒提籃兒上〕〔正末云〕小生是蔡順是也。昨日夢中見增福神。言說小生孝心感動神天。道三更時分。降甘澤瑞雪。那山林中。但是桑樹上。都生出桑椹子來。任小生摘來。侍奉母親。三更前後。果然降了一陣雪。下了一陣雨。小生今日。將着籃兒去山中摘桑椹子。走一遭去。俺母親似這等身體不安。幾時是好也。〔唱〕

〔中呂粉蝶兒〕每日家腹內思量。則我這孝心腸。豈能敢忘。憂的是老尊堂臥枕眠床。我可便受驅馳耽辛苦。滿腹愁何曾展放。不由我心內恹惶。俺母親害的箇病容顏。全不是舊時模樣。〔云〕則不小生行孝。想古者多有行孝之人也。〔興兒云〕小哥。想上古賢人。那幾箇行孝。區區愚魯。不知古往之事。小哥。試說一遍興兒聽者。〔正末唱〕

〔醉春風〕有一箇董永賣親身。黃香扇枕涼。鄒子鹿乳奉萱堂。這三人萬代可便講。講則願的老母安康。病體健。可便是俺子孫興旺。〔興兒云〕小哥。昨夜三更。舒手不見掌。刮了陣風。下雪下雨。雷聲閃電。一夜無休。雷骨碌碌的響將來。趕着我打。謊的我跪在竈窩裏。越了。那雷骨碌碌響着尋我。他尋不着我也。他說罷罷。我還響了去罷。〔外呈答云〕謊弟子孩兒。得也麼。〔正末云〕增福神說道。三更前後。降甘澤瑞雪。山中就有桑椹子。着我摘將來。侍奉母親。果然降了一陣雪。下了一陣雨。這的是人有所願。天必從之。〔唱〕

〔迎仙客〕昨夜箇瑞雪飄雨汪洋。仰天外黑黯黯。可使雲霧長。融融的便暖如春。轟轟的便雷震響。影影的便電走金光。感應的祥瑞舞。甘澤降。〔興兒云〕小哥。你看這山林中。青山綠水。有如畫意。堪入丹青之手也。〔正末云〕不覺的來到這大山中。是一派好山色景致也。〔唱〕

〔紅繡鞋〕看山色晴嵐一樣。看山峯高徹空蒼。看山景疊翠藥芬芳。看山林難描畫。看山澗水流長。端的是山中堪翫賞。〔云〕我貪看這山中景致。可忘了去尋桑樹。我轉過這隅頭。下的這山坡來。兀的不是箇桑園。〔做驚科〕〔云〕呀呀呀。你看這園中桑樹上。都結下椹子。感謝神天保佑。小生放下這籃兒。我摘這桑椹子者。〔興兒云〕小哥。你便摘。我便嚙。揜殺我往家擡。〔外呈答云〕得也麼。〔正末做摘桑椹子科〕〔唱〕

〔上小樓〕我這裡不索自忙。桑椹子園中開放。我可便舉手攀枝。摘將下來侍奉萱堂。一半紅一半黑。籃中各放。我這裡便謝天公可憐垂降。〔云〕我將這椹子。摘滿這籃兒也。〔做提籃兒科〕〔云〕小生覺我這身子。有些困倦。我在這桑樹下。暫且停止者。〔興兒云〕小哥。我跟着你張羅這一日。我也打箇盹。看有甚麼人來。〔延岑領僮僕沖上〕〔云〕巡山探獵獨強霸。縱橫放蕩任非爲。某乃是延岑也。領小僕罷去那山前山后。巡綽了一遭。不知怎生

這山中。但是桑樹。枝葉發生。都長出桑椹子來。好是奇怪也。小儂儂擺布的嚴整者。兀的不是箇桑園。你看這桑樹長的這等榮旺。〔做見正末科〕〔云〕兀那桑樹下。立着箇年紀小的後生。領着箇小厮。將着箇籃子採桑。這厮好大胆也。小儂儂與我拏將他過來者。〔儂儂云〕理會的。〔做拿正末科〕〔云〕過去跪者。〔正末做跪科〕〔云〕太保饒性命。〔與兒云〕太保留命喝湯罷。〔延岑云〕兀那厮。這是俺的境界。你怎敢在此採桑。侵犯我這山中。你這厮好大胆也。〔儂儂云〕大王。這小的倒將息的肥肥的。宰了罷。〔外呈答云〕得也麼。這厮。〔正末唱〕

〔么篇〕看了惡相貌不由我心下慌。〔延岑云〕小儂儂把這厮拏到山寨上。我慢慢的問他。〔正末唱〕他可便口口聲聲忙傳將令。拏去山岡。可惜了這桑椹子孝敬禮萱堂。想望。屈沉了那增福神夢中顯像。〔延岑云〕來到這山寨上也。小儂儂把那厮拏過來。〔儂儂云〕理會的。〔正末做跪科〕〔延岑云〕兀那厮。某在這五婁山落草爲寇。一任那強兵猛將。誰敢來侵犯我這境界。你怎敢私來採桑。可不擒住了他的征夫。捉住的敗將。某難以饒免。兀那厮。你是那裡人。姓甚名誰。說的是。我自有箇存活。若說的不是呵。小儂儂打下澗泉水。磨的刀鋒利。某親自下手也。〔與兒云〕我說你有手。我也有手。你殺了他。管替他償命。〔外呈答云〕得也麼。潑說。〔正末云〕太保饒性命。聽小生說一遍。小生乃汝南人也。姓蔡名順。嫡親的四口兒家屬。父

親蔡寧。母親延氏。妻乃李氏。告太保可憐見。〔延岑做沉吟科〕〔云〕母親延氏。你莫不是蔡員外的兒男麼。〔正末云〕小生是蔡員外的兒男。〔延岑做驚科〕〔云〕險些兒不傷害了兄弟性命。天也。正是蠶影萬重高士夢。月明千里故人來。〔做扶正末科〕〔云〕兄弟。請起請起。你認的我麼。〔正末云〕小生不認的太保。〔延岑云〕兄弟。你忘了我也。說兀的做甚。當日箇感父母救我恩臨。在山寨切切於心。今日箇巡山採獵。見兄弟獨立山林。聽說罷家鄉姓字。勝如得萬兩黃金。兄弟。你是貴人多能忘事。則我是披枷鎖迭配延岑。〔正末云〕原來是哥哥延岑。你怎生到這裡來。〔延岑云〕兄弟。感謝母親認義了我。與了我衣服盤纏。又與了我解子銀物。多蒙那解子至半途。中施惻隱之心。放了我。某難回故鄉。就在這五婁山落草爲寇。不想今日偶然間。遇着兄弟。某一時間言語衝撞。恕某之罪。兄弟。一雙父母安康麼。〔正末云〕哥哥不知。今有母親身體不安。想桑椹子食用。因小生孝心有感。神天保佑。冬月天氣。生出桑椹子來。您兄弟摘他在盤中。回家侍奉老母。不想遇着哥哥在此也。〔延岑云〕原來母親不安。兄弟有此孝敬。感動天地神靈。降生桑椹子。兄弟。你乃是賢哲君子也。小僕僱將那牛蹄粳米來者。〔僕僱拏砌末云〕理會的。〔延岑云〕兄弟。無物可奉。山林野物。牛蹄一隻。粳米三斗。你將去家中。侍奉父母親。休嫌輕微也。〔正末云〕多謝哥哥厚禮也。〔延岑云〕兄弟。拜上母親。我曾對天發誓。逢賢必住。等你回去了時。我將衆兄

弟小僕儺都散了。再不爲賊盜也。如今大漢聖人。差官各府州縣道。招安文武將士。量才擢用。某若到朝中。見了聖人。倘得任用了我呵。某定然保舉你爲官。報答父母之恩也。〔正末云〕謝了哥哥也。〔唱〕

〔耍孩兒〕願哥哥腰金衣紫爲卿相。穩做着皇家棟梁。三簷傘下氣昂昂。保忠臣護國安邦。則願的功高位至官一品。竭力芳名萬載揚。非誇獎。博一箇烏靴象簡。玉帶羅裳。〔延岑云〕兄弟言者當也。我則今日星夜長行也。〔興兒做背砌末科〕〔云〕這箇東西。定是我背着。我說老延。你就不與我箇牛蹄兒喫。〔延岑云〕兄弟穩登前路。多多拜上父母也。〔正末云〕哥哥。您兄弟知道了也。〔唱〕

〔尾聲〕哥哥你說的是壯士言。到京師見帝王。則要你去邪歸正爲良將。治國安邦萬人講。〔同下〕〔延岑云〕兄弟去了也。則今日將手下衆兄弟都散了。某星夜起程。往京師見聖人。走一遭去。則今日便索登程。促行裝親赴神京。若爲官舉薦蔡順。俺兩箇享富貴青史標名。〔同下〕

第四折

〔卜兒同蔡員外領家童上〕〔卜兒云〕藥餌難醫心上病。晨昏起坐要人扶。老身延氏。爲因身

體不安。朝則忘餐。夜則廢寢。服藥不效。我忽然思想桑椹子食用。奈是冬寒時月。無處尋取。有孩
蔡順。盡孝道之心。今日早間。去那深山中尋桑椹子去了。老的也。可怎生這早晚。還不見孩兒來。
〔蔡員外云〕婆婆。如今是寒冬天氣。此物未知有無。婆婆。你少要憂心也。家童門首覷者。看有甚
麼人來。〔家童云〕理會的。〔正末做盤中捧桑椹子同與兒背砌末上〕〔正末云〕小生蔡順。謝
天地可憐。到於山中。摘了這滿滿的一籃桑椹子。又遇着哥哥延岑。他聽知的母親不安。奉牛蹄
一隻。粳米三斗。着我將來。侍奉萱親。與兒休誤了母親食用。將着這桑椹子。獻母親去來。〔與兒
云〕小哥行動些。妳妳正想中間。若妳妳嚙下這桑椹子去。管情百病消除了也。〔正末云〕與兒。
你說的是。想俺這孝道的人。天公可也不曾虧負了俺也。〔唱〕

〔正宮端正好〕想懷耽生身意。我可也報不的老母驅馳。則我這孝心腸感動
天和地。俺可便行孝道無邪僞。

〔滾繡毬〕我焚香祭賽天。不覺的睡似癡。見一位增福神降臨凡世。他說道
半夜間響一陣春雷。他道是紛紛雪亂飛。淅淅雨下的疾。兩般兒委實奇異。我
醒來時。心內猜疑。到天明我走到山間下。誰承望園內開花結果肥。椹子皆垂。
〔云〕俺可早來到也。家童報復去。道俺來了也。〔家童云〕理會的。報的妳妳得知。有小哥來了也。

〔卜兒云〕着孩兒過來。〔家童云〕理會的過去。〔正末見科〕〔云〕母親。孩兒來了也。〔卜兒云〕孩兒。你來了也。你尋的桑椹子。可是有也無。〔正末云〕母親。有了也。這盤中托的是桑椹子。〔卜兒驚科〕〔云〕孩兒也。如今是寒冬時月。萬木凋零。你可那裡得這桑椹子來。〔正末云〕母親。桑椹子非同容易。母親。盡您孩兒孝道之心。你用幾箇者。〔卜兒云〕孩兒也。我正想他食用。將來我喫幾箇者。〔正末做捧桑椹子科〕〔云〕母親。請食用幾箇。〔卜兒做喫科〕〔云〕孩兒。這桑椹子好甜也。我喫下去如酥蜜一般。甚是甘美。滋味更佳也。〔與兒云〕我把你這箇饞嘴的老婆子。〔外呈答云〕得也麼。這厮罵的巧。〔正末唱〕

〔倘秀才〕這桑椹子猶如蜜水。〔卜兒云〕孩兒也。我喫了他呵。正是如渴思漿。如熱思涼也。〔正末云〕母親。這桑椹子休看的他輕也。〔唱〕他可便蒙雨露開花藥。〔卜兒云〕將來。我喫幾箇。〔與兒云〕你到會喫也。〔正末唱〕母親心內思想腹內飢。〔卜兒云〕孩兒也。我這病看看看看原作堪堪趙校改的好將來了也。〔正末唱〕好着我生歡悅展愁眉。請街坊慶喜。〔卜兒云〕孩兒也。我喫的穀了。與我擡了者。〔正末云〕母親。這一會兒病體如何。〔卜兒云〕孩兒。我喫了這桑椹子。這一會身體如舊時一般。覺我無了病也。〔正末唱〕

〔叨叨令〕母親也。你似那舊時節脉息通胸胃。恰纔無半霎就把你災除退。

〔卜兒云〕孩兒也。多虧你行這等孝順之心也。〔正末唱〕則我這孝心腸感動天和地。則願的母親年高百歲身榮貴。兀的不喜歡殺也波哥。喜歡殺也波哥。俺一家兒辦誠心酬謝天和地。〔卜兒云〕孩兒。我不問你別。這牛蹄粳米。是那裏來的。〔正末云〕母親。您孩

兒大山之中。遇着延岑哥哥來。〔卜兒云〕延岑。他不去鄭州送配牢城。他在山中做些甚麼那。

〔正末唱〕

〔脫布衫〕他在那大山裏落草爲賊。領半垓人馬圍隨。槍刀擺旗旛颯颯。狼虎般顯耀威勢。〔卜兒云〕他在山中落草爲寇。你可怎生撞見他來。〔正末唱〕

〔小梁州〕他把我拏到營中要整理。誰承望認的真實。從前已往說端的。他喜則喜今日會。他說道相見在山溪。〔卜兒云〕孩兒。你在山中見了延岑。威嚴擺布。你驚慌之中。說些甚麼來。〔正末唱〕

〔么篇〕我說道母親病體實難退。俺哥哥聽說罷。兩淚雙垂。他說道老母的恩心中記。他將這牛蹄和粳米。奉老母病將息。〔卜兒云〕此人他倒不忘俺舊日之恩也。〔正末云〕母親。延岑哥哥說道。逢賢必住。永不爲盜。散了手下僕僮。他去京師見大漢聖人去了。他若爲官時。要舉薦您孩兒爲官哩。〔卜兒云〕孩兒也。可難爲此人的心。俺慢慢的說話。看有甚麼

人來〔外扮使命上〕〔云〕雷霆驅號令。傳宣急急行。自離京師地。不覺至門庭。小官天朝使命是也。爲因延岑文武兼濟。刀馬過人。聖人見喜。官封太尉之職。延岑就舉保一人。乃是蔡順。說此人忠孝雙全。奉聖人的命。着小官將着玄纁丹詔。來取蔡順全家。前赴京師。加官賜賞。我問人來。這一家兒便是不索報復。我自過去。〔做見科〕〔云〕您一家兒都在此也。小官不是別人。乃天朝使命是也。〔正末云〕呀呀。天朝使命大人到此。小生有失迎接也。〔使命云〕誰是蔡順。〔正末云〕小生便是。〔使命云〕你是蔡順。如今朝中有一人。乃是延岑。在聖人跟前。舉保你爲官。着小官取您一家兒全赴京師。加官賜賞。〔正末云〕家童裝香來。〔家童云〕理會的。〔正末做焚香拜科〕〔云〕感謝聖恩。家童快安排果卓。管待使命大人。〔使命云〕小官不敢飲酒。賢士收拾行裝。便索登程。小官不敢久停久住。回聖人的話。走一遭去。則今日就盼途程。乘駿馬款款先行。到京師親臨丹陛。一一的奏說叮嚀。〔下〕〔正末云〕使命大人去了也。父親母親。俺則今日收拾行裝。赴京師走一遭去也。〔唱〕

〔尾聲〕傳宣降詔非容易。整辦行裝不可遲。俺可便盼程途去得疾。到朝中文武齊。見聖人習禮儀。受官爵加重職。俺博一箇衣紫腰金賀聲喜。〔同衆下〕

第五折

〔殿頭官領張千上〕〔云〕朝去穩登金勒馬。來時袍袖惹天香。小官殿頭官是也。爲因大將延岑。到於京師。因此人文武兼濟。刀馬過人。聖人見喜。官封太尉之職。有延岑就舉保他的認義兄弟。乃是蔡順。說此人忠孝兩全。聖人差使命。取蔡順一家兒。全赴京師。今日早朝。奉聖人的命。着小官在這相府中。聚衆大人。安排酒殺。與蔡順并他一雙父母慶喜。就與他加官賜賞。令人覲者。若衆大人來時。報復我知道。〔張千云〕理會的。〔延岑云〕舉善薦賢。施政化。報恩答義。顯忠良。某延岑是也。想某在五婁山落草爲寇。因見兄弟蔡順賢明至孝。我就將手下半坡僮僕都散了。來到京師。見了聖人。爲某文武兼濟。官封重職。我就舉保蔡順忠孝兼全。聖人就着使命。將蔡順并他父母。都取至京師。今日大人在相府中。安排酒殺。與蔡順全家慶賀。就要加官賜賞。某須索走一遭去。可早來到也。令人報復去。道有某來了也。〔張千云〕理會的。報的大人得知。有延將軍來了也。〔殿頭官云〕道有請。〔張千云〕理會的。有請。〔見科〕〔延岑云〕大人。某來了也。〔殿頭官云〕將軍少待。等蔡順一家兒來全。俺慶賀飲酒。這早晚敢待來也。〔劉普能同周景和上〕〔普能云〕爲因孝子身榮貴。遠遠登途賀喜來。老夫劉普能是也。這一位長者。是周景和。爲因蔡順於家行孝。於國盡忠。有延岑不忘他父母之恩。舉保他一家兒。都取到京師。俺不避路途艱難。來到京師。說今日相府中安排筵宴。與蔡順一者慶賀。二者加官。周景和。俺須索走一遭去。〔周景和云〕員

外。看了蔡順能文出衆。才智過人。理當爲官享祿。皇天豈負賢人也。可早來到也。令人報復去。有劉普能周景和來見大人。〔張千云〕理會的。報的大人得知。有劉普能周景和來見大人。〔殿頭官云〕着他過來。〔張千云〕理會的。過去。〔見科〕〔劉普能云〕大人。俺村野之人。乍入京華。輦轂之下。幸遇大人尊顏。實乃老拙萬幸也。〔殿頭官云〕您兩箇員外。且一壁有者。〔夏德閏仇彥達同上〕〔夏德閏云〕不因侍親行孝道。怎得加職表門閭。老夫夏德閏是也。這一位長者是仇彥達。今因蔡順至孝感天。冬月降生桑椹子。又蒙延將軍舉保。說此人忠孝雙全。將他一家兒都取至京師。賜宅居住。俺都至京師。與蔡順特來慶賀。〔仇彥達云〕夏員外。似蔡順忠於君王。孝於父母。人間少有。堪受皇家官位。可早來到也。令人報復去。道有夏德閏仇彥達。來見大人。〔張千云〕理會的。報的大人得知。有夏德閏仇彥達。來見大人。〔殿頭官云〕着他過來。〔張千云〕理會的。過去。〔做見科〕〔夏德閏云〕大人。鄉村老叟。無德無能。今日得覩大人尊顏。是老拙之萬幸也。〔殿頭官云〕您兩箇員外。且一壁有者。〔淨王伴哥同白廝賴上〕〔王伴哥云〕俺二人登山涉水。與君仲特來慶美。又無甚羊酒花紅。真一對虛頭油嘴。自家王伴哥便是。這箇是兄弟白廝賴。與俺兩箇。是出名的舊油嘴。今有蔡順。取至京師。俺兩箇也來與他作賀。俺是精光棍。又無箇驢兒騎。一路上則是步行。我若走的困了。着兄弟背着我走。兄弟走的困了。我大棍子趕着他跑。〔外呈〕

答云「你可怎生不背他。」王伴哥云「我管他死麼。」外呈答云「得也麼。」這厮沒天理。「王伴哥云」今日大人在相府中安排筵宴。與蔡順一家兒慶賀。又說加官賜賞。兄弟俺偌遠的走這一遭。是要嘍要喫。「白厮賴云」今日我喫的醉了。哥。你若不背着我走。我把耳朵都咬掉了你的。「外呈答云」得也麼。「白厮賴云」可早來到相府門首也。兀那小張兒。報復去。道有白厮賴王伴哥來了也。「張千云」理會的。報的大人得知。有白厮賴王伴哥來見大人。「殿頭官云」着他過來。「張千云」理會的。過去。「二淨做見科」王伴哥云「老大兒。小人來了也。有甚麼東西。拿來先喫着耍兒。」殿頭官云「且一壁有者。」蔡員外同卜兒旦兒上。「蔡員外云」幸能子孝爲良器。祖宗光顯感洪恩。老夫蔡寧是也。這箇是我夫人延氏。這箇是媳婦潤蓮。爲因延岑舉薦蔡順爲官。謝天恩可憐。將俺全家兒都取到京師。今日大人在相府中安排筵宴。與俺慶賀。就加官賜賞。可早來到也。令人報復去。道有蔡順家屬來了也。「張千云」理會的。報的大人得知。有蔡順家屬來了也。「殿頭官云」道有請。「張千云」理會的。有請。「做見科」蔡員外云「老漢三口兒家屬。來見大人。」殿頭官云「蔡員外。您且一壁有者。令人門首覷者。若蔡順來時。報復我知道。」張千云「理會的。」正末上云「小生蔡順是也。有延岑哥哥。到於朝中。因此人文武兼濟。弓馬熟閑。聖人見喜。重賞加官。哥哥就舉薦小生。謝聖恩可憐。將我一家兒。都取到京師。今日大人在相府中安排筵

宴與小生全家兒慶賀。加官賜賞。須索走一遭去。誰想有今日也。〔唱〕

〔雙調新水令〕聖明天子重英賢。選儒流。武士兩件。文官扶社稷。良將保山川。端的是萬載流傳。今日箇排筵會。設佳宴。〔云〕可早來到也。令人報復去。道有蔡順來了也。〔張千云〕理會的。報的大人得知。有蔡順來了也。〔殿頭官云〕道有請。〔張千云〕理會得。有請。〔做見科〕〔正末云〕大人。小生蔡順來了也。〔殿頭官云〕久聞賢士有顏回亞聖之學。曾參養親之孝。仁宏德厚。至善光輝。忠盡於君。孝盡於親。忠孝兩美。馳名於朝野之中。未嘗得親尊顏。今日一見。乃小官萬幸也。〔正末云〕不敢不敢。量小生一介寒儒。素無才德。何敢着大人掛念也。

〔唱〕

〔駐馬聽〕幼小輕年。腹內孤窮學問淺。〔殿頭官云〕久聞賢士廣覽詩書。堪爲輔弼之臣也。〔正末唱〕你不勞掛念。我是箇白衣人。怎到得玉階前。〔殿頭官云〕說賢士文勝顏回。孝越曾參也。〔正末云〕大人。小生怎敢比先賢古人也。〔唱〕鸞鳴勝似鵲聲喧。鳳飛比鴈先騰遠。我自言小生腹空虛。怎敢比高儒選。〔殿頭官云〕蔡秀才。你與延岑厮見者。〔二人做見科〕〔正末云〕呀呀。哥哥。受您兄弟兩拜。〔做拜科〕〔云〕您兄弟多虧哥哥。在聖人跟前舉薦。若不是哥哥。小生焉能得到此也。〔延岑云〕不敢。雖是某舉薦。況賢弟忠孝雙全。名播於朝。據

賢弟胸懷錦繡。口吐珠璣。乃翰林之魁首。堪可國家任用。今日嶢嶢。方稱賢弟之志也。〔正末云〕多謝了哥哥擡舉也。〔殿頭官云〕蔡秀才。當日你母親不安。冬寒天氣。思想桑椹子食用。你可怎生得桑椹子來。你說一遍。我試聽者。〔正末唱〕

〔鴈兒落〕想當日萱親疾病纏。他可使思綾錦當時見。小生我焚香禱上蒼。一夢裏神靈現。〔殿頭官云〕你夢中見神靈說甚麼來。〔正末唱〕

〔得勝令〕呀。他道是冬寒月變做春天。半夜裏雪花舞雨漣漣。枯桑上生椹子。我醒來時把夢圓。走到那山前。桑椹子都生遍。摘將來新鮮。俺母親吃了體自然。〔殿頭官云〕誰想你至孝。通天地。感神靈。將冬天變做春天。枯桑榮旺。椹子發生。保養你母親病

體安愈。孝名揚於四海。貫滿皇都。堪可排宴慶賀。令人擡上果卓來者。〔張千云〕理會的。〔做擡果卓科〕〔殿頭官云〕將酒來。這杯酒先從蔡員外來。老員外滿飲此盃。〔蔡員外云〕老夫不敢。大人先飲。〔殿頭官云〕今日與你一家兒慶賀。理當你先飲。不必過謙也。〔蔡員外飲科〕〔云〕老夫依命先飲。〔殿頭官云〕將酒來。這盃酒老夫人飲。〔卜兒云〕大人請。〔殿頭官云〕這箇孝道的兒男。不枉了生於人世。你滿飲此杯。〔卜兒飲科〕〔云〕老身飲。〔殿頭官云〕再將酒來。這一杯酒賢士飲。〔正末云〕量小生有何德能。着大人如此用心。大人先請。〔殿頭官云〕賢士飲過

者〔正末飲料〕〔云〕不敢。小生飲〔殿頭官云〕賢士。小官奉命大開筵宴。一者與你慶賀。二者加官賜賞。此一會非同小可也。〔正末唱〕

〔沽美酒〕感天恩重可憐。招傑士納英賢。端的是德似堯湯千古傳。萬萬載江山固堅。好收成謝神天。

〔太平令〕四海內年年納獻。掌山河一統安然。萬國來偏邦朝見。文共武隨龍遷轉。呀。謝聖恩可憐。就傳將俺來便宜。一一的拜舞金鑾寶殿。〔殿頭官云〕您衆人望闕跪者。聽聖人的命。大漢朝一統疆封。萬萬載海宴河清。普天下軍民樂業。遍乾坤黎庶安寧。則爲這蔡君仲奉親至孝。播皇朝萬古留名。因老母身生疾病。告蒼天血淚成冰。辦虔心至誠發願。夢寐中親見神靈。三更鼓甘澤雪降。綾錦樹榲果枝生。他去那山林中摘來奉母。救萱堂一命安存。感延岑臨朝舉薦。一家兒取至京城。蔡順封翰林學士。李氏贈賢德夫人。蔡員外治家有法。年高邁冠帶榮身。老夫人心慈性善。欽賞你十錠花銀。衆員外都賜表裏。封官罷各自回程。聖人喜的是義夫節婦。愛的是孝子賢孫。今日箇加冠賜賞。朝帝闕拜謝皇恩。

題目

報恩義延岑舉薦

正名

降桑椹蔡順奉母

降桑椹穿關

頭折

殿頭官

兔兒角幘頭
圓領帶三髯髯

補子

張千

攢頂
項帕

圓領

蔡員外

一字巾
子困帶

茶褐直身

鈎

卜兒

場頭手帕

眉額

襖

家童

攢頂
項帕

青衣

興兒

紗包頭

青

劉普能

一字巾

茶褐直身

蒼白髯

周景和

攢頂
繼兒

青直身

夏德閏

一字巾

茶褐直身

仇彥達

攢頂
繼兒

青直身

王伴哥

雙簷氈帽

綿

白厮賴

氈帽

青

正末蔡順

一字巾

圓領

旦兒

場頭手帕

襖兒

鞋

解

子攢頂

補子直身

擎棍

延岑

攢頂

補納直身

綿

第二折

卜兒

同前
手帕
拄杖

蔡員外

興兒

旦兒

正末蔡順

同前

太醫

方巾

圓領

糊突蟲

同太

醫

增福神

展角幘頭

紅欄

笏

鬼力

鬼頭

錦襖

項帕

門神

鳳翅盔

膝欄曳撒

袍

帶帶劍

金靠

戶尉

鳳翅盔

膝欄曳撒

袍

項帕

直纏

土地

方巾

邊欄道袍

繼兒

白髯

杖井神枕頭冠 上衫袍 方心曲領 火裙 錦綬牌 三髭髯 執圭 竈神弁冠 上衫袍 方心曲領 火裙 錦綬牌子 襟膊

玳瑁帶黑髮 廟神 展角幘頭 綠 旦兒又上 同

第三折

桑樹神同廟 風伯 鬼頭 錦襖 項帕 法墨 鬼力 同 雪神 雲冠 玉色 蟒衣 玉色 袍 項帕 直纏 襟膊

帶白髮 白雨師 如意冠 鶴筆 牌子 叮 鬼力 同 雷公 雷公頭 錦襖 項帕 雪光 執圭 瑞 三髭髯 柳枝 水盞

膊飛翅 電母 花箍 襖兒 裙兒 香 鬼力 同 延岑 萬字巾 蟒衣 曳撒 項帕 雷光 雷楔 串 布襪 鞋 雙鏡

髻僂僂 萬字巾 錦襖 項帕 法 正末蔡順興兒延岑僂僂又上 同

第四折

卜兒蔡員外家童同 正末蔡順興兒 同前 棒桑 使命 一字巾 補子圓 領 帶 三髭髯

第五折

殿頭官張千同 延岑 麥簷帽 蟒衣 曳撒 袍 項帕 劉普能 周景和 夏德閏 仇 直纏 襟膊 帶 帶劍 猛髯

彥達

同前

王伴哥。白厮賴。蔡員外。卜兒。旦兒。


同前

正末蔡順

一字巾領

補子圓髭髯

內本錄校道人清常記



立成湯伊尹耕莘

元鄭德輝

楔子

〔冲末扮東華仙領仙童上〕〔云〕玉闕光輝滿太玄。瓊樓霞彩自幽然。幽然二字崑崙照徹靈虛境。別是蓬壺一洞天。貧道乃東華帝君是也。貧道秉青華至真之氣化生。號曰木公。於瀛海之東。蒼靈之墟。主陽和發生之氣。理於東方。亦號東華木公。太極毓秀玄奧。東方溟滓之中。分大道純精之氣成形。與西池金母共理二氣。陶鈞萬物。養育羣生。大凡天上天下。三界十方。男子得道登仙。悉皆掌管。蓋凡昇天之時。先參貧道。授與仙訣。大徹大悟後。方得昇九天朝真而觀元始。貧道職居紫府。統三十五司命。遷去靈官校品真仙。今朝上帝。因見下方自大禹之後。孔甲無仁不道。帝癸之後。諸侯多叛。暴戾頑狠。殘忍傷生。至於禽鳥走獸不安。奉上帝疑脫勅命二字着貧道遣文曲星下降。投胎於義水有莘趙家莊上。十月滿足。其母不肯收留。送於空桑之內。後伊員外收留。養大成人。名爲伊尹。佐於成湯。建都於亳邑。仙童與我喚將文曲星來者。〔仙童云〕理會的。文曲星安在上。仙有請。〔正末扮文曲星上〕〔云〕吾神乃上界文曲星是也。上仙呼喚。不知有甚事。須索走一遭去。可早來到也。仙童報復去。道有文曲星來了也。〔仙童云〕理會的。報的上仙得知。有文曲星來。

了也。〔東華仙云〕着他過來。〔仙童云〕理會的過去。〔正末做見科〕云：上仙，呼喚小聖，有何法旨。〔東華仙云〕文曲星，今請你來，別無事。因爲下方自孔甲以來，後至履癸，不脩德政，暴戾頑狠，諸侯多叛，至於禽鳥走獸不安，民生塗炭。上帝勅命，着你降於下方，投胎義水有幸，隱於空桑之內。有伊尹外收留撫養，習成事業，名曰伊尹，輔佐成湯，伐桀救民，解除蒼生倒懸之苦，不必久停，即便往下方走一遭去。〔正末云〕既有上帝勅命，不敢久停，則今日便往下方去也。〔唱〕

〔賞花時〕今日箇奉勅親蒙聖帝差。〔東華仙云〕降生人間，輔佐於清朝，爾爲仕途良相也。〔正末唱〕待教我謫降塵寰做將相才。〔東華仙云〕則今日離了紫府仙班，便索長行也。〔正末唱〕拜辭了玉闕共金堦，離了這仙壇世界。〔東華仙云〕上帝着你出離仙骨，託化凡胎，爲世間輔弼之臣也。〔正末唱〕待教我出仙骨我今日去託凡胎。〔下〕〔東華仙云〕文曲星去了也。貧道駕起祥雲，回上帝話，走一遭去。當朝綱賢良出世，送空桑暫時隱匿，駕祥雲獨赴天庭，稟青詞親朝玉帝。〔同下〕

頭折

〔外扮旦兒抱孩兒上〕云：紺髮荆釵一布衣，平心賢淑自能齊。村莊桑女無餘事，守定催功織女機。妾身是這義水村有莘里人氏，姓趙名淑女，父母在堂，今皆年老，家中頗有些錢穀，人將俺

父親長者呼之。妾身年當二十歲。父母嚴教。不出閨門。不想我夜作一夢。夢見斗來大小一塊紅光。從天降下。落在妾身房門前。滾入房內。漸漸小了。被妾身擎在手中。不由的吞入腹中。撒然驚覺。可是南柯一夢。日久漸覺腹懷有孕。十月滿足。生了這箇滿抱的孩兒。俺父母言道。俺家是有名人家。富貴閨女。不會出嫁匹配。生此小的。恐人議論。不宜存留。抱着這小的。來到這西莊伊員外家莊後。東觀西望。無有一人。我將這小的。放在這空桑裏面。妾身回家去。哥哥也。你活也自活。死也自死。因孩兒顏貌奇絕。不可當。光飄滿室。散清香。只爭室女難收養。送赴空桑天主張。〔下〕

〔外扮王留同伴哥上〕〔王留云〕俺雖是莊農田叟。閑遊北瞻南莊。新撈的水飯。鎮心涼。半截稍瓜。蘸醬。哩哩哩。伴哥。老員外言語。着俺四下裡看田禾去來。〔伴哥云〕哩哩哩。嚕往莊裏看一看。那裡這般異香拂鼻。〔王留做聞科〕〔云〕好香也。好香也。〔伴哥云〕你看那枯桑底下。滿地紅光。〔做見驚科〕〔云〕王留。可怎麼空桑樹裏。一箇小孩兒啼哭。嚕不可隱諱。報與老員外去來。〔同下〕

〔正末扮伊員外同李老人上〕〔正末云〕老夫姓伊。雙名致祥。乃義水有莘人也。幼年頗看經書。隱居不仕。惟以務農爲活。積蓄多年。廣有錢穀。家業頗豐。又見老夫年高。人皆以老員外呼之。這箇是俺當村里老弟兄李老人。早飯已罷。俺同看田禾去來。〔李老人云〕去來。嚕在這槐陰直下。少坐片時。好田禾也。老漢想來。自古三皇五帝。開創乾坤。教民稼穡耕種。富國養民。其功

德不小也。〔正末云〕老人。若說五帝之時。你可也是不知道。你聽我說與你也呵。〔唱〕

〔仙呂點絳脣〕混元始。宇宙洪荒。二儀四象。天差降。五帝三皇。安排定。百二山河壯。

〔混江龍〕把乾坤開創。教民耕種。定綱常。疏河源。功高大禹。行庠序。德重堯王。那其間堯用一夔興禮樂。公孫甲子論陰陽。端的便察地理。占天象。留心於社稷。運用於穹蒼。〔李老人云〕想五帝之時。堯帝怎生存心於天下。加志於治民也。〔正末云〕老人不知。自古聖君。至德至聖。端的有感也。〔唱〕

〔油葫蘆〕想當日至德仁明。掌萬邦。用賢良。定四方。用天之道。理之常。弘敷五典。無偏黨。勞心盡思。行溫讓。致令的四時和。雨露均。八方寧。士庶康。人心悅。天意同和暢。因此上萬國盡來降。〔李老人云〕老員外是讀書的君子。通達古今。若不說呵。老漢怎生知道有如此大聖大德也。〔正末唱〕

〔天下樂〕那其間四野桑麻禾稼穰。百姓每謳歌。將天祭享。軍無戰爭。民戶昌。順民心。減稅科。應天心。絕逸荒。端的是普天下尊聖皇。〔王留伴哥慌上科〕〔王留云〕走走走。來到也。兀的不是老員外。〔做見科〕〔云〕老員外。您孩兒同伴哥看田禾去。俺家莊

後空桑之中。一箇小孩兒。在裏頭啼哭。異香拂鼻。紅光滿地。您孩兒每不敢隱諱。特來報與老員外知道。〔正末唱〕

〔醉中天〕他每都急急言情狀。語句意慌張。〔伴哥云〕老員外。一箇小小嬰孩。在多年的空桑樹裏頭哩。〔正末唱〕他道是年小孩童在古樹裏藏。〔王留云〕特來報與老員外知道。並不虛言。〔正末唱〕更說道並不言虛誑。我這裡心中暗想。今日箇事從天降。〔伴哥云〕誰敢不報與老員外知道。〔正末唱〕一一的訴真情細說行藏。〔云〕那空桑在那裡。

〔王留云〕在俺莊後面。〔正末云〕來來來。您跟着老夫。指與我那空桑。我試看者。〔做走科〕〔王留云〕老員外。這裡便是也。〔正末做見孩兒科〕〔李老人云〕老員外。這空桑中便怎生得這箇小孩兒來。此子生的非凡也。〔正末云〕果然如此。好是僥倖人也。〔唱〕

〔金盞兒〕你看他青滲滲秀眉長。高聳聳俊鼻梁。拳攣着手脚精神爽。潛形古樹在村莊。生的來清奇面似雪。膚體白如霜。却怎麼不教存畫閣。莫不他舉意隱空桑。〔云〕下次小的每與我抱起來。〔王留云〕理會的。〔做抱孩兒科〕〔云〕好箇小厮兒。不要哭。與員外做兒。你是有福的。員外。我着他打箇能能。〔李老人看科〕〔云〕此子生的形容端正。骨格清奇。非等閑之人也。〔正末云〕好奇異的形相也。〔唱〕

〔醉中天〕他生的神彩非凡相。美貌更端詳。莫不是謫降天宮墜下方。不由我心歡暢。〔李老人云〕此子生的眉清目朗也。〔正末唱〕眞乃是眉清目朗。可怎生流落在村莊深巷。他那裡叫叮叮兩淚成行。〔云〕王留伴哥。好好的抱到家中。便尋覓妳母。好生將養着。也是好的勾當。〔李老人云〕此子若長成。必然貴重也。〔正末唱〕

〔尾聲〕你與我誠心兒好。溫存用意相。將傍看寒暑溫涼作養。乳哺依時要忖量。另立所避風寒大廈高堂。莫張皇。等的那氣血方剛。那其間着志求賢將。師道訪。習練的才高智廣。文強武壯。恁時節扶持王業盡忠良。〔同老人下〕〔王留云〕老員外去了也。抱着這孩兒。交與俺妳妳去來。休笑野莊家。地里去瀝麻。轉在莊後頭。拾了箇小娃娃。〔同下〕

第二折

〔淨扮陶去南領喬卒子上〕〔云〕我做元戎實是美。見陣交鋒敢對壘。昨日教場去點軍。吊下馬來跌了腿。某姓陶名去南。在於履癸部下。爲元帥統軍之職。今有天乙。在履癸手下。爲方伯之職。此人背了履癸之恩。自領一枝人馬。與俺交鋒。量你湫洼之水。一捻微塵。量他到的那裡。左右與我喚將副帥趨入巢來者。〔卒子云〕理會的。〔做喚科〕〔云〕副將軍。元帥有請。〔淨扮趨入巢上〕

〔云〕我做將軍詭詐。臨敵上陣不怕。若還逢着好漢。當時跪下回話。某乃副將趕入巢是也。我小子文武兼濟。酒肉中停。大人見我好漢。擡舉我做一箇副帥。前日在教場裏射垛子。使的氣力大了些。垛子也射不中。把我仰不刺叉跌下馬來。在家正貼膏藥。元帥呼喚。須索走一遭去。可早來到也。小校報復去。道有副帥老趕來了也。〔卒子云〕理會的。喏。報的元帥得知。有老趕來了。〔陶去南云〕着他過來。〔卒子云〕理會的。過去。〔趕入巢云〕元帥呼喚小將。那裡使用。〔陶去南云〕副將。喚你來不爲別。爲因方伯天乙。背了履癸。聚起雄兵。要來與俺交鋒。我想來。嚙這裡無甚麼人馬。履癸的命。着你起九夷之師。來合兵一處。與他拒敵。則今日便索長行。〔趕入巢云〕老子也。着我老趕去。我說我則起的九夷人馬來。等拒敵天乙。可免了我出去罷。今日箇領了將令。點本部下人馬。便去起九夷之師。走一遭去。領將驅兵武藝高。機謀戰策我曾學。九夷兵至擒方伯。免我區區走一遭。〔下〕〔陶去南云〕副帥去了也。等他起的九夷兵至。與方伯天乙交鋒。走一遭去。天乙興心起戰敵。英雄陶帥敢相持。全憑手下能征將。砍破天乙臉上皮。〔下〕〔外扮方伯天乙領卒子上〕〔云〕積祖堅心。堅心疑當作艱辛立大唐。教民功德賜爲商。自從簡狄吞遺卵。契生累代至成湯。某天乙是也。先事履癸。官拜方伯。某祖是唐虞大司徒契。教民有功。封於商。賜姓子氏。契生昭明。昭明生相土。相土生昌若。昌若生曹圉。曹圉生冥。冥生振。振生微。微生報丁。報丁生報丙。報

丙生主壬。主壬生主癸。主癸生小官。是名天乙。仕於履癸。是爲方伯。因履癸不道。諸侯多叛。暴戾頑狠。殘虐軍民。禽鳥走獸。爲之不安。今無故興兵征伐。某背了他。自領一枝人馬。招安英傑。征伐不道。今聞義水有幸之野。有一人姓伊名尹。此人察風雲以辨天時。望氣色而觀地理。有經濟之才。安天下之手。某曾舉薦與履癸。不能任用。此人復歸有幸。見今耕於有幸之野。欲待徵聘此人去。爭奈無人可當此事。早間使人請仲虺去了。等他來時。一同商議。這早晚敢待來也。〔外扮仲虺上〕〔云〕健順依時佐國王。恤民定治豈豈字疑誤非常。調和鼎鼐遵仁德。變理鹽梅式大綱。小官仲虺是也。官居右丞相之職。因履癸不仁無道。暴戾頑狠。殘虐生民。諸侯多叛。今又興兵與方伯相拒。小官正在私第。憂疑此事。方伯使人來請。須索走一遭去。可早來到也。小校報復去。道有仲虺來了也。〔卒子云〕理會的。〔報科〕〔云〕喏。報的方伯得知。有右丞相在於門首。〔方伯云〕道有請。〔卒子云〕理會的。有請。〔仲虺見科〕〔云〕大人。呼喚小官。有何事也。〔方伯云〕今請你來。爲因履癸不道。暴戾頑狠。殘虐生靈。今又興兵與某相拒。某欲興師。奈無軍師。今聞義水有幸之野。有一人姓伊名尹。此人有經濟之才。見今耕於有幸之野。某欲徵聘此人。可教誰人可去爲使。〔仲虺云〕別人也去不的。可差汝方持着宣命。徵聘此人。走一遭去。〔方伯云〕斯言良哉。左右門首望者。汝方來時。報復某知道。〔卒子云〕理會的。〔外扮汝方上〕〔云〕忠義懸懸皆隱袖。文雄浩浩以

冲虛。民心安妥。差科減。聖主施恩自有餘。小官汝方是也。佐於方伯天乙手下。官拜上大夫之職。正在公館理事。方伯呼喚。不知有甚事。須索走一遭去。可早來到也。左右報復去。道有汝方來了也。〔卒子云〕理會的。〔報科〕〔云〕喏。報的方伯得知。有汝方大夫來了也。〔方伯云〕道有請。〔卒子云〕理會的。有請。〔做見科〕〔汝方云〕大人。呼喚小官。有何事也。〔方伯云〕汝大夫。今請你來不爲別。因履癸失政。無故興兵。某欲率師征伐。以除民患。奈無軍師。今聞義水有幸。有一人姓伊名尹。此人有經濟之才。安邦之策。欲令你去。徵聘此人。意下若何。〔汝方云〕公子之命。不敢有違。小官願往。〔方伯云〕既是你去。將着紫泥丹詔。玄纁玉帛。束帶朝章。你領着騶馬高車。傘蓋儀仗。直至彼地。請命賢士伊尹。以伐暴桀。速救蒼生之難也。〔汝方云〕謹遵君命。將玄纁丹詔。束帶朝章。騶馬高車等項。不敢久停久住。則今日直至有幸。請命伊尹。走一遭去。徵聘深謀去意堅。有幸之野力耕田。乾坤多感天乙德。四海皆聞伊尹賢。〔下〕〔仲虺云〕大人。汝方此一去。將着厚禮朝章玉帛。況汝方是能文大儒。到於有幸。見了伊尹。必然徵聘臨朝。共同輔佐。小官無甚事。回私宅去也。伊尹忠良有大才。耕鋤田野久沉埋。一朝入省爲卿相。四海消除黎庶災。〔下〕〔方伯云〕仲虺去了也。安排人馬。接待伊尹。無甚事。且回後堂中去。夏桀無仁動遠征。人心全失苦蒼生。只因天怒興戈甲。萬里山河一戰成。〔下〕〔正末扮伊尹同隱士余章上〕〔正末云〕小生姓伊名尹。乃

義水有莘人也。前者方伯將小生舉薦於夏。夏不能用。小生復歸有莘。無志功名。習學務農。播種耕耘。倒大來好是幽幽字疑誤哉也。〔余章云〕哥哥。想你學成經綸濟世之策。立國安邦之謀。若列朝網。憑此大才。得受官爵。顯揚於世。可不強如耕種爲活也。〔正末云〕隱士兄弟。你不知難於進用。想五帝之世。求賢用士。立業安邦。你是不知也。〔余章云〕你兄弟實不知也。〔正末云〕兄弟。你聽我說一遍也。〔唱〕

〔中呂粉蝶兒〕想當日摯逝封堯。善能行聖人之道。以全圖禹任。全圖禹任四字疑是任命舜禹之謬皐陶。他每都應天心。行正法。將黎民撫教。自履癸臨朝。運糟粕信從貪暴。

〔醉春風〕可憐見致塗炭庶和民。逢災危禽共鳥。見如今今天乙脩德有誰如。端實是少少。上應天心。外施仁義。内存純孝。〔余章云〕哥哥若肯爲官。喫堂食。飲御酒。門排

畫戟。戶列簪纓。紫袍蔽地。象簡當胸。不強似在這山間林下。受此寂寞也。〔正末云〕兄弟。你不知我的心事也。〔唱〕

〔迎仙客〕我則待習農務耕綠野。趁農時效鋤鉋。〔余章云〕似這等不肯進身。哥哥高見爲何。〔正末唱〕這的是老生涯養拙一世了。〔余章云〕似此。可是怎生也。〔正末唱〕一任待臥煙霞眠綠草。醒來時濁酒相邀。〔余章云〕哥哥差矣。似此怎麼了得身世也。〔正末

唱〕這的是伊尹窮安樂。〔汝方驪馬兒領卒子頭答捧勅書禮物上〕〔汝方云〕小官上大夫
汝方是也。奉方伯之命。徵聘伊尹。左右擺開頭答者。〔余章云〕哥哥。你見麼。遠遠塵土起處。一簇
人馬。飛星也似來。不知爲何也。〔正末唱〕

〔石榴花〕我則見揚塵蔽日罩荒郊。〔余章云〕哥哥。人馬來的近了也。〔正末唱〕更和那人
馬可便鬧淺鐸。〔余章云〕當前一匹馬。走的至緊。〔正末唱〕當頭裡一匹駿馬甚咆哮。
〔汝方云〕左右。擺開頭答齊整者。〔正末唱〕見從人列着。暢好是英豪。〔汝方云〕可早來到也。
左右接了馬者。莫非是伊尹賢士麼。〔正末唱〕見一人下馬連聲叫。〔慌科〕〔云〕小生是小生。
是。〔汝方云〕賢士休驚莫怕。小官奉方伯之命。請賢士入朝爲官哩。〔正末唱〕說的我魄散魂飛。
〔汝方云〕小官賁持紫泥丹詔。請賢士勿得怠慢也。〔正末唱〕他道是賁擎着一紙徵賢詔。
〔汝方云〕不必推辭。即便臨朝。〔正末唱〕你着我疾快便臨朝。〔汝方云〕受了束帶朝章者。〔正
末唱〕

〔鬪鶴鵲〕着我受束帶朝章。怎發付這儒冠布襖。〔汝方云〕更有驪馬高車。請陞車。到
朝中加陞官職也。〔正末唱〕擺列下駟馬高車奉天建爵。又不曾變理陰陽將鼎鼎
調。退夷狄邊塞遙。拜辭了草舍茅菴。受用的蘭堂畫閣。〔余章云〕應聘而起。國家用

人之際。乃君臣慶會之時。哥哥去朝中安邦定國。展你那胸中才調。扶持主上。可不強似在此耕種也。〔汝方云〕聞知賢士識風雲氣色。觀地理經綸。懷濟世之才。安天地之手。奉命徵聘賢士。輔安天下也。〔正末云〕量小生有何德能。不敢當。不敢當。〔唱〕

〔上小樓〕我無那擎天動作。又無那驚人才調。〔汝方云〕據賢士經濟之才。俊偉之器。堪爲將相也。〔正末唱〕我不會辨別星斗。嗅土聞風。雲霧低高。〔汝方云〕賢士疾忙而起。賢臣遇明主而出。正謂此也。〔正末唱〕止不過播種耕耘。力習農務。攻鋤田稻。〔汝方云〕見有丹詔勅文在此。〔正末唱〕怎消的紫泥宣一封丹詔。〔云〕山野村夫。何以敢當。乞請大人。收回成命。〔余章云〕哥哥。大人將着束帶朝章。哥哥是必換了衣冠。休違王命。走一遭去。〔正末唱〕

〔么篇〕你着我忙除了儒士冠。疾脫了麕布袍。〔汝方云〕左右伺候。頭答擺的齊整者。賢士請登程途。〔正末唱〕他將水罐銀瓶。傘蓋頭答。擺列週遭。〔汝方云〕賢士。你穿用紫袍金帶。騎坐着那白馬紅纓。端的是顯威嚴也。〔正末唱〕你道是白馬紅纓。紫袍金帶。施威顯耀。〔汝方云〕賢士爲官。賢士的妻房。情受五花官誥。爲賢德夫人也。〔正末云〕荆布之婦。〔唱〕怎消受五花官誥。〔余章云〕哥哥。既有宣命。不可固辭。〔汝方云〕賢士懷才抱德。方今用人之際。大丈夫

夫生於天地之間。濟世安民。忠君報國。乃是男兒所爲。沉埋田野。可惜了你那蓋世英才。賢士不必苦辭。豈不聞君命召。不俟駕行。若堅持固辭。是故違君命。罪有所歸也。〔正末云〕罷罷罷。則今日跟大人去來。〔唱〕

〔耍孩兒〕看一番揩磨日月與宗廟。揀士馬驅兵戰討。經綸天地定皇朝。保持的社稷堅牢。調和那鹽梅變理陰陽順。致令的天地和同風雨調。休想我污婪矯權狡。託賴着一人有慶。穩情取萬姓歌謠。〔云〕大人。俺去來。〔唱〕

〔尾聲〕懾伏的四夷朝帝京。八蠻賀聖朝。遍乾坤豐稔黎民樂。獻上統當今太平表。〔同下〕〔余章云〕哥哥去了也。這一去必然重用。無甚事。回我莊上去也。無分居官位。有志在桑麻。伊尹徵聘去。我却自還家。〔下〕

第三折

〔淨陶去南領喬卒子上〕〔云〕我做元帥世罕有。六韜三略不離口。近來口生都忘了。則記燒酒與黃酒。某乃履癸部下大元帥陶去南是也。如今方伯與兵征伐。難與他取勝。某令副將起九夷之兵去了。未知如何。小校帥府門首望者。但有一應軍情事。報復某知道。〔卒子云〕理會的。〔淨趨入巢上〕〔云〕區區副將趨入巢。打差不避路迢遙。九夷兵馬不肯與。枉着我去走一遭。某乃

趨入巢是也。去九夷借兵回來了也。見元帥走一遭去。可早來到也。小校報復去。道有趨叔來了。
〔卒子云〕趨叔。我則叫你小趨兒。
〔趨入巢打科〕〔云〕我則是副帥。叫我小趨兒。
〔卒子做報科〕
〔云〕休要打我。報復去。喏。小趨兒來了也。
〔陶去南云〕道有請。
〔卒子云〕趨叔有請。
〔趨入巢做見喬禮拜科〕
〔陶去南云〕借兵如何。
〔趨入巢云〕不要說。我到那裡。卑辭厚禮。央他那軍長。他堅意不肯借兵。着我使性子來了。元帥。我想起來。俺兩箇文武不濟。
〔陶去南云〕是文武兼濟。
〔趨入巢云〕哦。文武兼濟。要那九夷怎麼。則啗兩箇也擒了他。
〔陶去南云〕你也說的是。則今日點就本部人馬。你爲先鋒。我爲合後。下將戰書去。單搦方伯出馬。你爲爲字疑誤兵先與方伯交鋒。某來接應。小心在意者。
〔趨入巢云〕得令。大小三軍。聽吾將令。我是副將。實英傑。臨敵對陣。莫也斜。若是輸了下的馬。跪下叫他方大爺。
〔下〕
〔陶去南云〕某不必久停。奉履癸之命。統着人馬。接應副帥。走一遭去。我的機謀武藝深。英雄膽略強似人。若是方伯威勢大。跑到家裏關上門。
〔下〕
〔方伯同仲虺領卒子上〕
〔方伯云〕士馬紛紛離亂間。黎民塗炭實難看。幾回奮志除殘暴。劍氣衝天牛斗寒。某乃方伯天乙是也。爲因履癸無道。某興兵征伐他去。仲右丞。聞知履癸調九夷之兵。不肯從他。
〔仲虺云〕便調了來。託公子洪福。也不懼他。
〔方伯云〕今與他拒敵。必然要下毒手。大除殘暴。以平天下。以安生民。奈無人運智鋪謀。已差汝方去徵聘伊尹去了。未知如何。
〔仲虺

云公子。汝方必然徵聘伊尹來也。〔方伯云〕左右門首望者。但有軍情事。報復我知道。〔卒子云〕理會的。〔正末同汝方領卒子上〕〔正末云〕小生伊尹是也。奉方伯公子之命。令汝方大人持玄纁玉帛。徵聘小生。須索走一遭去。〔汝方云〕賢士。小官想來。賢士居於有莘之野。耕種爲活。受如此辛勤。今蒙徵聘爲官。可不強似在山間林下也。〔正末云〕若論爲官。端的受用。在山林之下。可也有一種快樂也。〔唱〕

〔正宮端正好〕再不見青靄靄柳陰濃。高聳聳山疊翠。樂耕鋤拽耙扶犁。我如今受皇宣着我居官位。端的也衣紫身榮貴。〔汝方云〕賢士。想爲官立一人之下。入則雕牆峻宇。出則大纛高牙。兀的不頭答兩行。銀盆水罐。傘蓋車馬。端的是威嚴也。〔正末唱〕

〔滾繡毬〕我則見頭答左右隨。公人前後圍。慢騰騰緩行着駿騎。喜孜孜列鼎而食。輔佐的中華社稷安。揩磨的乾坤日月輝。展經綸補完天地。盡忠誠心若金石。〔汝方云〕聘賢士入朝。可也不輕也。〔正末唱〕憑着這兩隻手掌扶王業。穩情着百二山河壯帝基。四海傳檄。〔汝方云〕賢士來到也。小官先過去報知。左右報復去。道有汝方徵聘的伊尹來了也。〔卒子云〕理會的。〔報科〕〔云〕喏。報的方伯得知。有汝大夫徵聘的伊尹來了也。〔方伯云〕着他過來。〔卒子云〕理會的。過去。〔做見科〕〔汝方云〕小官奉命。徵聘將伊尹來了。

見在門首。〔方伯云〕道有請。〔汝方云〕理會的。賢士有請。〔正末見科〕〔方伯云〕遠勞賢士。不棄降臨。適因履癸不道。暴戾頑狠。殘虐生靈。他又興兵。某欲剪伐。奈孤軍寡。稔知賢士有經濟之才。知天時。諳地利。善人和。久屈於隴畝。特遣使以玄纁玉帛。卑辭厚禮。專爲徵聘。望賢士運神機。施妙策。指顧三軍。保乾坤奠安。解生民塗炭。惟望賢士高鑒。實某之幸也。〔正末云〕量小生田野村夫。豈知安邦之策也。〔唱〕

〔倘秀才〕我本是田野中愚濁村鄙。〔仲虺云〕特請賢士。輔於公子。着賢士權臨入府。印掌三台。爲柱石之臣也。〔正末唱〕怎做的相府內賢良宰職。〔方伯云〕據賢士之才德。堪可爲國家柱石也。〔正末唱〕道我是立地擎天大柱石。〔汝方云〕因賢士超越今古。智識高明。特賜象簡紫衣。則是着賢士盡忠誠輔弼也。〔正末唱〕則這白象簡。紫羅衣。〔方伯云〕全憑你高才大手。安邦定國也。〔正末唱〕待教我安邦定國。〔汝方云〕賢士。今欲興師。未徹兵家用事。賢士展神鬼不測之機。興一旅之師。輔佐公子。以成大事。〔正末云〕小生是一扶犁叟。豈知兵家之事也。〔仲虺云〕論賢士之智能。觀夏桀有何難哉。〔正末唱〕

〔滾繡球〕止不過樂山林景色奇。向桑麻禾稼畦。〔方伯云〕休謙辭。久已知賢士之能。胸懷妙用。腹隱神機也。〔正末唱〕你着我帥軍卒運謀施智。〔方伯云〕賢士。用人之際。正當展

布大才也。〔正末唱〕你着我定乾坤施展兵機。〔方伯云〕俺這裡有軍兵百萬。安下營寨。槍林劍洞。如鐵桶相似。則是少箇運謀的人。全憑賢士爲之也。〔正末唱〕你道是齊臻臻的擺開陣勢。明晃晃列着劍戟。鬧垓垓密排着軍隊。映穹蒼號帶號帶二字疑誤旌旗。〔仲虺云〕賢士。他那裡兵勢。可也不小。亦有定計鋪謀的將帥。〔正末唱〕者莫他坐中設下千條計。豈不聞閭外將軍八面威。智勇無及。〔方伯云〕某孤陋寡聞。如今臨敵對陣。怎生排兵布陣。下寨安營。必然取勝。賢士略舉其一二。以釋愚蒙。〔正末云〕行兵大略。爲將者智通萬物。勇冠三軍。坐於邊陲。守而必固。布於行陣。戰而必勝。此是爲將之大略也。〔唱〕

〔呆骨朵〕向垓心戰討驅征騎。喊聲高戈甲排齊。〔方伯云〕怎生下寨安營。排兵布陣。賢士必有奇正方略也。〔正末唱〕我與你兵列八方。軍分四壁。依地勢。排軍隊。覷方位。安形勢。這的是行兵立陣謀。先識那臨敵攻戰機。〔方伯云〕賢士不說。某怎知也。到來日點就三軍。與他交鋒。走一遭去。〔正末唱〕

〔脫布衫〕統雄兵劈面相持。驅貔虎撻鼓奪旗。惡狠狠揚威顯武。氣昂昂奮揚威勢。〔方伯云〕更有甚行兵妙略。賢士再說一遍者。〔正末唱〕

〔小梁州〕陣列八門生最奇。爲將須知。軍卒未飯帥休食。以此能伏制甘苦共

同宜。

〔么篇〕怒無加責歡無會。士無衣將與重衣。這的是恤士功。安心計。能明此義。萬衆總歸依。〔方伯云〕到來日。某同賢士親臨戰陣。與他交鋒。務要剪伐大夏也。〔正末云〕論公子如此大德。將士効力。小生少助微智。臨陣自有奇謀。量他到的那裡也。〔汝方云〕此一去必然成功。皆賴賢士之能也。〔正末云〕放心。〔唱〕

〔尾聲〕到來日安營下寨。施才智。布陣排兵。顯武威。骨刺刺列繡旗。鬧垓垓戰馬嘶。捨死忘生惡戰敵。定亂除危攻夏畿。輔佐堅心立帝基。肱股忠良四海知。龍虎風雲同際會。平定這一統乾坤萬萬里。〔下〕〔方伯云〕賢士去了也。〔汝方云〕他此

去小歇小歇。〔方伯云〕人馬已點就了也。左右與我喚將費昌來者。〔卒子云〕理會的。〔做喚科〕

〔云〕費昌安在。〔外扮費昌上〕〔云〕膽氣沖沖智有餘。過人驍勇有誰知。文雄武壯能攻守。定亂除危大丈夫。某乃費昌是也。公子部下都護將軍。今因大夏失政興兵。與公子拒敵。公子令汝方將玉帛徵聘了伊尹來。正在帥府戟門聽令。公子呼喚。須索走一遭去。可早來到也。小校報復去。道有費昌來了也。〔卒子云〕理會的。〔報科〕〔云〕喏。報的方伯得知。有費將軍來了也。〔方伯云〕着他過來。〔卒子云〕理會的。過去。〔費昌見科〕〔云〕公子。呼喚小將那廂使用。〔方伯云〕費昌。如

今夏國興兵。與某爭戰。你統大兵。前去拒敵。某新聘了伊尹賢士來。聽他軍前支撥。翦大夏。伐履癸。不可怠慢。小心奮勇。則要成功。不可怠忽。〔費昌云〕得令。統領大勢人馬。與他拒敵。走一遭去。袍染猩紅砌錦花。劍含秋水出寒匣。槍刀耀日金光起。旗影翻翻映彩霞。昂昂勇烈相爭鬪。凜凜威風共戰伐。來朝兩陣相交處。管教賊子喪黃沙。〔下〕〔方伯云〕費昌統大兵去了。某同軍師伊尹。統領三軍接應他。走一遭去。大德高才冠古今。施謀運智鬼神欽。剿除不道興殷室。撫定蒼生失望心。〔下〕〔仲虺云〕汝方纔觀伊尹。果有大才。此一場必然得勝。平定暴亂。無甚事。噤且回私宅去來。〔汝方云〕右丞。噤同回去來。〔仲虺云〕只因履癸性暴強。荒淫無益動刀槍。天遣賢人誅無道。故教民庶得安康。〔同下〕

楔子

〔淨趨入巢。躍馬兒領喬卒子上。〕〔云〕戴上碗子盔。穿上匙頭甲。他每爭閑氣。着我去廝殺。某乃副帥老趙是也。統人馬征戰方伯。先領五千遊兵引戰。沒奈何看事色。得手趨了爲上計。大小三軍。擺開陣勢。如今兩陣對圓。大家用心。袖子裏袖上些石頭。到陣上丟了槍刀。着石頭打。這其間敵兵敢待來也。〔費昌領卒子躍馬兒上。〕〔云〕某乃大將費昌是也。奉公子之命。某領着人馬。列下大營。與敵兵交鋒。大小三軍。跟我來徑奔他營門去。〔趨入巢云〕來者何人。〔費昌云〕某乃大

將費昌。是你爹爹。〔趨入巢應科〕「云」哎。〔費昌云〕這厮無禮。爾乃何人。〔趨入巢云〕某乃履癸手下副將。趨入巢是也。你棄了夏國。順了方伯。我正要拏你這匹夫哩。〔費昌云〕這厮開這等大言。操鼓來。〔做戰科〕「淨陶去南。驢馬兒領卒子上。」「云」大小衆將。一齊的圍上來。休着走了費昌也。〔正末同方伯驢馬兒領卒子打旗號上〕「正末云」公子。這箇是奇門陣。大小三軍。往前攻殺。休要走了此賊者。〔陶去南云〕怎麼又走將兩箇來。哦。那箇便是伊尹。量你箇使牛的村夫。怎敢與某對敵。〔正末云〕這厮好無禮也。〔做調陣子科〕「唱」

「賞花時」俺這裡耀武揚威。膽氣雄。勒馬橫槍。豪氣沖。〔趨入巢云〕趕的慌。怎麼了。〔費昌趕科〕「云」那裡去。〔陶去南云〕不好了。趕的我馬不停蹄。我死也。〔正末唱〕憑着我方略立奇功。使不着你軍雄將勇。〔陶去南云〕副將不好了。倒干戈逃命。走走走。〔同下〕「方伯云」二賊子大敗虧輸。走了也。〔正末唱〕則消的一陣定疆封。〔同下〕

第四折

「外扮殿頭官同仲虺汝方領卒子上。」〔殿頭官云〕變理陰陽。贊聖威。經綸天地。就中奇。身近丹墀。傳勅命。調和鼎鼐。理鹽梅。小官殿頭官是也。因爲履癸不道。暴虐生民。諸侯多叛。天下哀怨。起無名之師。拒有道之國。方今有方伯。原是契之世孫。商湯湯瑄校改家苗裔。大起義兵。招安兵將。徵聘

有莘伊尹爲軍師。大軍臨一鼓而下。將履癸放於鳴條。公子正位。國號大商。都於亳邑。立爲神都。治民以理。順民以寬。四方歸之。湯國大治。奉命着。小官與衆官加官賜賞。列土分茅。一來是國家善用忠良。二來獎勵臣宰勞動之道。令人請伊尹衆公卿去了。左右門首覲者。若來時。報復我知道。〔正末同費昌上〕〔正末云〕小官伊尹是也。今日剋伏夏桀。公子正位。如今同費昌。須索走一遭去。〔費昌云〕履癸不仁。殘害生靈。鳥獸不安。主人用玉帛卑辭厚禮。徵聘軍師。到此用計。伐夏救民。其功不小也。〔正末云〕誰想有今日也呵。〔唱〕

〔雙調新水令〕脫白衣平步上雲衢。離塵途奮身獨步。羅襪白象簡。玉帶掛金魚。胸捲江湖。得志也叩鑾輿。〔云〕可早來到也。左右報復去。道有伊尹費昌來了也。〔卒子

云〕理會的。〔報科〕睹報的大人得知。有伊尹費昌來了也。〔殿頭官云〕道有請。〔卒子云〕理會的。有請。〔做見科〕〔正末云〕大人。小官每來了也。〔殿頭官云〕軍師鞍馬上勞神也。〔正末云〕既蒙聘取而來。今爲臣下。豈辭勞苦。正當竭力盡忠。少圖補報也。〔殿頭官云〕今日爾等籌策神謀。伐夏興湯。天下大定。軍民樂業。奉聖人命。與您衆公卿加官賜賞。列土分茅。〔正末云〕量伊尹有何德能。敢受賞封官。少罄螻蟻之心。偶爾翦夏安民。乃聖人洪福。非臣子之能也。〔唱〕

〔沉醉東風〕往常我着布衣深居白屋。〔殿頭官云〕如今身登八位。職列三台。名標青史。顯耀鄉閭也。〔正末唱〕今日落清名顯耀鄉閭。〔殿頭官云〕如今奉命。將你官上加官。祿上加祿也。〔正末唱〕高官又贈官。祿重又加祿。〔殿頭官云〕門排畫戟。戶列椒圖。索是榮顯也。〔正末唱〕列門庭畫戟椒圖。往常時蓂草爲綢。就地鋪。今日箇剗地住蘭堂畫屋。

〔殿頭官云〕似你這般立大功勳。翦除暴夏。復立大湯。重整江山。竭力盡心。真乃是肱股良臣也。〔正末唱〕

〔鴈兒落〕你道是立江山眞肱股。〔殿頭官云〕論你之功。如擎天玉柱。架海金梁也。〔正末唱〕又道我扶社稷爲梁柱。〔殿頭官云〕爲臣者盡忠良於國。堪比良金美玉也。〔正末唱〕你道我盡忠心如美金。布德政如白玉。〔殿頭官云〕久聞軍師行兵。察風雲。辨氣色。善用機

謀也。〔正末唱〕

〔得勝令〕呀。你道我戰討善機謀。〔殿頭官云〕眞箇是劍呼風雨降。筆走鬼神驚。識盡軍機樞要也。〔正末唱〕你道我筆下見贏輸。〔殿頭官云〕馬到處翦除暴夏。〔正末唱〕你道我翦除殘暴夏。〔殿頭官云〕一陣成功。輔天乙位都於毫邑也。〔正末唱〕你道我平扶立帝都。〔殿頭官云〕論功行賞。圖形麟閣。標入功勞簿。這芳萬年。美哉伊尹也。〔正末唱〕這功績纖需。要將

我標入功勞簿。論謀略荒疎。怎消的凌煙閣上圖。〔殿頭官云〕你衆官望闕跪者。聽聖人之命。都只爲夏履癸不道無仁。發頑狠暴虐黎民。是處處人心嗟怨。使鳥獸不得安存。方伯怒起兵征討。聘伊尹運智行軍。四下裡攻圍慶戰。仗神機得勝全贏。收取了州城國邑。散倉糧府庫金銀。放履癸鳴條脩德。明正典責罰奸人。今日箇論功行賞。賜官爵以勵忠臣。伊尹陞太師左相。仲虺陞太師右丞。汝方與進階二品。費昌爲天下總兵。賜重爵身登八位。列簪纓光顯門庭。論功次加官賜賞。一齊的拜謝天恩。

題目

修德政天乙誅夏

正名

立成湯伊尹耕莘

太和正音有伊尹扶湯或卽此是後人改今名也然詞句亦通暢雖不類德輝要亦非俗品姑置鄭下再攷清常

伊尹耕莘穿關

楔子

東華子

如意蓮花冠 鶴髦 牌子 玳瑁 三髯髯 執圭

仙童

秦巾 邊欄 道袍 繼兒

正末文曲星

如意冠 鶴髦 牌子 玳瑁 三

髯髯 執圭

頭折

旦兒

手帕 襖兒 裙兒 布襪 鞋 抱條兒

王留

雙簷氈帽 綿布襖 綿 布鞋 花手巾 韃鞋

伴哥

氈帽 綿布襖 綿布 花手巾 韃鞋

正

末伊員外

一字巾 茶褐直身 鈎 子困帶 蒼白髯 拄杖

李老人

攢頂 茶褐直身 繼 兒 蒼白髯 拄杖

王留伴哥又上前

第二折

陶去南

皮多簷帽 膝欄曳撒 掩心 甲 項帕 直繼 襖膊 劍

喬卒子

繼氈帕 青布釘 裏 皮盔 膝欄貼 兒甲 襖膊 劍 掩心甲

項帕 直繼

方伯天乙

簪纓公子冠 上衫袍 綬牌子 襖膊 玳瑁

方心曲領 火裙 帶 三髯髯 執圭 錦

卒子

紅碗子盔 青布釘兒甲

襖膊 仲虺

兔兒角幘頭

補子

汝方

一字巾

補子圓

正末伊尹

散巾 補納直身 繼兒 三髯髯 隱

士余章

一字巾 圓領 繖兒 三髭髯

汝方卒子

同前 捧勅書 躍馬兒

第三折

陶去南喬卒子趨入巢

同前

方伯仲虺卒子正末伊尹汝方卒子

同前 費昌 簪帽

蟒衣曳撒 袍 項帕 直裰 搭膊 帶 帶劍 三髭髯

楔子

趨入巢喬卒子費昌卒子陶去南卒子

同前 躍馬兒

正末伊尹

兔兒角幘頭 補子圓領 帶 帶劍 三髭髯

髯 躍馬兒

方伯卒子

同前 打旗 號 躍馬兒

第四折


殿頭官

兔兒角幘頭 補子 圓領 帶 三髭髯

仲虺汝方卒子正末伊尹費昌

同前

萬曆四十三年孟夏十九日校錄內本清常道人琦識



鍾離春智勇定齊

元鄭德輝

頭折

〔冲末扮齊公子領祗候上〕〔云〕紛紛戰國尙尊周。五霸爭強作列侯。率土之濱承治化。威名耿耿壯春秋。某乃齊公子是也。祖上疑有積字立國臨淄。自周初之時。封七十二國。後併一十八國。因吳越相爭以來。周平王以後。爲春秋之世。今各分十二國。乃魯國衛國晉國鄭國曹國蔡國燕國陳國宋國楚國秦國僉齊國。惟俺東齊。封疆寬闊。桑麻遍地。積粟如山。黎民樂業。雨順風調。某因昨夜晚間。作一夢。見一輪皓月。出離海角。恰麗中天。忽被雲霧遮蔽。撒然驚覺。正當夜半子時。未知主何凶吉。可請中大夫合眼虎來。與吾圓夢。早間已令人請去了。這其間敢待來也。〔淨扮合眼虎上〕〔云〕東齊東齊。生的蹺蹺。不是禿頭。便是瞎的。小官乃合眼虎是也。乃齊國中大夫之職。我平生好厮打。若打的過人。我睜着眼。則管裡打。若打不過人。我合着眼。着人則管裡打。有公子呼喚。不知有甚事。須索走一遭去。可早來到也。報復去。道有合眼虎來了也。〔祗候云〕理會的。〔報科〕〔云〕喏。報的公子得知。有合眼虎來了也。〔齊公子云〕着他過來。〔祗候云〕理會的。着過去。〔做見科〕〔淨合眼虎云〕公子。呼喚小官有何事。〔齊公子云〕合眼虎。喚你來別無甚事。某昨

夜作一夢。見一輪皓月。出離海角。恰麗中天。忽被雲遮。未知主何凶吉。請你來圓夢。〔淨合眼虎云〕我道爲甚麼。原來是夢境之事。打甚麼不緊。公子。你尋思波。月者是亮也。亮者是明也。雲者霧也。月裏頭雲。雲裏頭霧。月雲霧好事吉祥之兆。今日若不得財。公子必然有人請你嚼酒。〔齊公子云〕這厮胡云。令人請上大夫晏嬰來者。〔祇候云〕理會的。〔做請科〕〔云〕晏大夫有請。〔外扮晏嬰上〕〔云〕綱常禮樂正彝倫。善與人交秉性淳。治國齊家爲國士。在明明德在新民。小官姓晏名嬰字平仲。官拜齊國上大夫之職。今有公子呼喚。須索走一遭去。可早來到也。令人報復去。道有小官晏嬰來了也。〔祇候云〕理會的。〔報科〕〔云〕喏。報的公子得知。有晏大夫來了也。〔齊公子云〕道有請。〔祇候云〕理會的。〔見科〕〔晏嬰云〕公子。呼喚晏嬰有何事。〔齊公子云〕大夫。請你來不爲別。某昨夜作一夢。見一輪皓月。出離海角。恰麗中天。忽被雲遮。特請大夫來圓此夢。未知主何凶吉。〔晏嬰云〕公子。月者屬陰也。皓者明也。浮雲遮蔽者。乃此人時運未遇。公子未娶夫人。所有賢明淑女。隱於鄉村。或在林麓之間也。〔齊公子云〕大夫便怎生得見。〔晏嬰云〕公子。要見不難。到來日出城打圍獵射。午時三刻。必遇淑女賢人。〔齊公子云〕此言有准麼。〔晏嬰云〕決然有准無差。〔淨合眼虎云〕晏矮子正是胡說。這夢人人都有。這兩日春困。睡多夢多。我在前也曾抽籤擲筊。也曾與人圓夢來。如今賣龜兒卦的多了。不靈了。可不道。夢是心頭

想。眼跳眉毛長。鵲噪爲食忙。嚏噴鼻子痒。又說道抽籤擲琰。一貫好鈔。全無正經。則是胡道。〔齊公子云〕誰聽你胡云。合眼虎。分付左右。收拾什物鞍馬鷹犬。到來目探獵。走一遭去。〔淨合眼虎云〕得令。我出的這門來。大小頭目。便收拾鞍馬。打點鷹犬。公子要打圍獵射去。可不干我事。都是晏矮子來。他說道明日打圍處。撞見賢人淑女。若見呵便罷。若不撞見呵。晏嬰我兒也。我替你愁哩。夢是心頭想。晏嬰胡打嚷。若不見淑女。慢慢白他說。〔下〕〔齊公子云〕左右與我喚將田能來者。〔祇候云〕理會的。〔做喚科〕〔云〕田能安在。〔外扮田能上〕〔云〕四塞關河立帝基。巍巍秦嶽列峯奇。如山積粟民安業。赳赳威名號大齊。某乃田能是也。佐於齊公子麾下爲統軍上將軍之職。正在教場中操練士馬。公子呼喚。須索走一遭去。可早來到也。報復去。道有田能來了也。〔祇候云〕理會的。〔報科〕〔云〕喏。報的公子得知。有田能來了也。〔齊公子云〕着他過來。〔祇候云〕理會的。過去。〔見科〕〔齊公子云〕田能來了也。〔田能云〕小官來了也。〔齊公子云〕且一壁有者。左右與我喚將徐弘吉等來者。〔祇候云〕理會的。徐弘吉等安在。〔外扮徐弘吉同徐弘義上〕〔徐弘吉云〕武藝精熟敢戰爭。相持廝殺慣交兵。扶持齊國爲良將。威鎮邊關顯姓名。某乃徐弘吉。兄弟徐弘義。在齊公子麾下爲左右裨將之職。恰纔點軍回還。公子呼喚。不知有甚事。須索走一遭去。可早來到也。報復去。道有俺二人來了也。〔祇候云〕理會的。〔報科〕〔云〕喏。有裨將

徐弘吉徐弘義來了也。〔齊公子云〕着他過來。〔祇候云〕理會的過去。〔見科〕〔徐弘吉云〕公子呼喚俺二將。那廂使用。〔齊公子云〕我如今要打圍獵射去。〔田能云〕有。〔齊公子云〕你同他二將。即便收拾鞍馬獵射去。不可遲延。〔田能云〕得令。徐弘吉徐弘義俺統領一丟人馬。收拾行裝等物。跟公子打圍去。你二人先布圍場。某保公子出城。〔徐弘吉云〕去來。〔田能云〕裨將先去布圍場。射獵春蒐出帝鄉。大張羅網收牲口。旋回齊唱凱歌腔。〔同裨將下〕〔齊公子云〕大夫陰陽有准。若應此夢。必然重賞封官也。率士臨淄掌大權。爲無正室覓姻緣。春蒐採獵臨郊野。當遇佳人應夢賢。〔下〕〔晏嬰云〕公子回去了也。書云。先進於禮樂。野人也。蓋謂郊野之民。乃有質朴之風。今公子無有夫人。未治其內。豈治其外。得此夢境。到來日採獵於桑間。必遇賢哉淑女。可配君子。一輪皓月正當空。却被浮雲慘霧蒙。深沉林麓知何處。只在來朝採獵中。〔下〕〔外扮李老兒領卜兒淨茶旦上〕〔李老兒云〕積祖蒼山是本家。深村鄉裏事桑麻。秋收春種田園樂。無是無非度歲華。老漢覆姓鍾離名箇信字。積祖是這齊國無鹽邑人氏。嫡親的五口兒家屬。婆婆劉氏。兒孩兒是鍾大。媳婦兒鄒氏。女孩兒是鍾離春。家間頗有些田土。多收下些粗糧薄食。人都以我爲鍾大戶稱之。女孩兒鍾離春。年長二十歲。心性明慧。胸襟磊落。則是有些兒顏陋。書誦詩書。夜觀天象。十八般武藝皆通。九經三史盡曉。非因學而成就。實乃天賦其能。文武兼備。韬略精

深有安江山社稷之才。齊家治國之策。爭奈未曾許聘他人。如今時遇春間天道。正是農忙時節。鍾大孩兒使牛去了。媳婦兒。你家中好生看蠶者。〔茶旦云〕父親但開口。則賣弄他那女孩兒攻書寫字。舞劍輪槍。學的那裡用。俺是莊農人家出身。如今農忙時節。爲兒的耕田壩地去了。我獨自箇在家。又要績麻織紡。又要採桑喂蠶。又要侍奉公婆茶飯。他每日橫不拈。豎不擡。那得閒茶飯。養活着他怎地。〔卜兒云〕老的也。你休聽閑言刺語的。孩兒既攻書寫字呵。也是好處。有朝一日。孩兒顯達呵。也是俺兩口兒好處。你叫他出來。我問他。〔李老兒云〕傻弟子。他是我女孩兒。終不道不養活他。你與我喚出他來者。〔茶旦云〕父親使我喚他。可不干我事。又則道我攀他哩。我依着父親。叫他出來。〔喚科〕〔云〕無鹽姑姑。父親喚你哩。〔正旦扮鍾離春上〕〔云〕妾身覆姓鍾離名春。無鹽女是也。年長二十歲。在此深村居住。先祖仕宦。今我父親專務爲農。妾身生來懶攻針指。好習詩書。頗諳武事。父親呼喚。不知有甚事。須索走一遭去。我想上古先王。治理天下。流傳到今。非同容易也呵。〔唱〕

〔仙呂點絳脣〕自從那克伐殷湯。立基開創。今歸向周室諸王。治世爲尊上。
〔混江龍〕後來也春秋雄壯。各稱一國立家邦。界分列土。隘定封疆。却正是幸值繁華歌稔歲。喜逢美景樂風光。端的是人和美。行謙讓。爲人要心存義理。秉

受綱常。〔見科〕〔云〕嫂嫂萬福。〔茶旦云〕姑姑。父親喚你哩。嚙見去來。〔見科〕〔茶旦云〕父親。姑姑來了也。〔李老兒云〕孩兒來了也。〔正旦云〕父親。喚您孩兒有何事。〔李老兒云〕孩兒也。你是莊戶人家女孩兒。不肯做針指農婦生活。每日則是習學武藝。寫字讀書。學他何用。〔正旦云〕哦。父親原來爲此也。〔唱〕

〔油葫蘆〕你着我針指匆匆居草堂。又着我攀繡床。不如我撫瑤琴。學舞劍。誦文章。爭如我暗嗟吁。豪氣冲天上。我則待施逞韜略驅兵將。〔李老兒云〕孩兒。依着俺則做女工生活。可不好。〔正旦唱〕我從來志意堅。心性剛。我這胸中素有江湖量。爭知我待時運。且潛藏。〔李老兒云〕你是箇女孩兒家。便學成那武藝。量你到的那裡也。〔正旦唱〕

〔天下樂〕有一日出衆超羣獨占強。我則待昭彰把名姓揚。憑着我機謀運籌才智廣。〔卜兒云〕孩兒也。你學成那兵書戰策。敢與誰人拒敵也。〔正旦唱〕任交鋒將陣勢排。會埋伏把兵藝揚。我與皇家定邊疆。除惡黨。〔李老兒云〕孩兒也。俺這裡也有爲官的。也有爲吏的。也有爲商賈的。算來都不如俺這莊農每快活。〔卜兒云〕孩兒也。那登仕路的。可是怎生那。爲商賈的。可是如何。你說一遍。我試聽者。〔茶旦云〕俺莊農每。委實受用快活也。〔正旦

唱

〔寄生草〕讀書的登高位。治財的爲大商。登仕的官高三品彰名望。爲商的貨行千里圖增長。莊家每田蠶萬倍多興旺。〔茶旦云〕姑姑在家也是閑。俺採罷桑去。那牡丹亭上散心。倒好耍子。〔正旦唱〕你待着翫清涼。一座牡丹亭。我則待坐中軍九頂蓮花帳。〔李老兒云〕孩兒。你如今不小也。如今春將盡。夏將臨。正是蠶忙時候。跟着嫂嫂。採些桑葉喂蠶。可不好。〔正旦云〕父親命。敢不應承。妾身去去。〔李老兒云〕媳婦兒。好生看孩兒。不要閑遊蕩。〔正旦云〕嫂嫂。咱採桑去來。〔唱〕

〔尾聲〕我如今甘苦用心。心稍校改辛勤怎敢閑遊蕩。相伴着村務女提籃兒採桑。打疊起風流美豔粧。入家園數盡桑行。爲蠶忙急急春光。內外家私各自當。憑着我高才伎倆。威嚴形狀。有一日保全宗社定齊邦。〔同茶旦下〕〔李老兒云〕孩兒採桑去了也。老漢無甚事。莊東裏看田禾。走一遭去。春來耕種效慇懃。夏至揮鋤受苦辛。秋天五穀收成了。快活三冬老富民。〔下〕

第二折

〔田能同徐弘吉徐弘義領卒子架鷹引犬打旗上〕〔田能云〕某乃田能是也。同衆官來到此郊

野外大小三軍。布下圍場。公子這早晚敢待來也。將圍場擺開者。〔徐弘吉云〕將軍擺布嚴整了也。〔田能云〕公子敢待來也。〔齊公子同晏嬰祇候〕馬兒上。〔齊公子云〕某齊公子是也。來到郊外。兀的不是圍場。〔做〕馬兒走科。〔云〕可怎生獐狍鹿兔。不見一箇。兀的不是一箇雪白兔。子。衆人休放箭。等我射這玉兔。〔做〕射箭科。〔云〕着。箭射中玉兔也。左右與我擎來。〔卒子云〕報的公子得知。玉兔帶箭走了也。〔田能趕科〕〔云〕呀。兔子活哩。帶着箭走了也。〔齊公子云〕潑毛團。帶着我一枝金鉞箭走了也。那裡去。更待干罷。衆人跟着某。務要趕上。〔做〕趕科。〔云〕緊趕他緊走。慢趕他慢走。田能。您守定圍場。我務要趕上他。〔下〕〔田能云〕好是蹣蹣也。俺採獵半日。止有一箇白毛玉兔。公子射中。帶着金鉞箭走了。公子追將去了。衆將士。俺四下裡抓尋玉兔去來。〔同下〕〔茶旦提籃兒上〕〔唱〕

〔撼動山〕提着這箇採藥籃。我頭髮兒亂鬢。〔原作髮。據玉簫改〕今年可便好收蠶。好收蠶也麼哥。雨潤條柔。露濕花梢。轉桑行行過家南。〔云〕妾身鄒氏。父親母親言語着我相伴姑姑採桑去。早來到郊園也。姑姑行動些。〔正旦提籃兒上〕〔云〕妾身無鹽女是也。時遇春末夏初之際。養蠶正忙。蒙父母言語。着跟着嫂嫂採桑喂蠶。無鹽。幾時是你那發跡的時節也。〔唱〕

〔中呂粉蝶兒〕這些時慵怠粧梳。正遇着務農忙養蠶時序。愛偷閑學劍攻書。隱深林。潛野外。世居農務。〔茶旦云〕你看這姑姑。採桑處還舉着一本書。便有甚麼好處。〔正旦唱〕這書中曾下工夫。我待要治家邦播揚名譽。〔茶旦云〕姑姑。你會不會出來。你看這附近的人家女孩兒。還不似你都來採桑喂蠶。你般出來。一來採桑。二來耍一耍。不強似閑坐也。〔正旦唱〕

〔醉春風〕你看那隣里俊嬌娃。更和這鄉閭小幼女。家園萬卉葉蓁蓁。要把這成行兒數數。走不徹榆林。觀不盡棗棘。數不盡桑樹。〔茶旦云〕嗟慢慢的採桑。看有甚麼人來。〔齊公子踟躕馬兒趕兔上〕〔云〕走走走。甫能趕上。帶着金鉗。走入桑園去了。〔做看科〕〔云〕可怎生不見了。兀那桑間。有幾箇採桑女子。我試問他一聲。兀那採桑的女子。你會見一箇兔子。着一枝箭麼。〔茶旦云〕你在這裡尋問兔兒。我說與你。你去南海子尋問去。連獐子說與你。〔齊公子云〕兀那女人。那裡是往臨淄去的路也。〔正旦唱〕

〔紅繡鞋〕他問俺那箇是臨淄的道路。〔云〕你是甚麼人。〔齊公子云〕某乃齊公子是也。〔正旦云〕既是齊公子。〔唱〕你可便怎來到俺這郊墟。哎。你箇公子齊侯有疎虞。〔齊公子云〕這厮好無禮也。有甚麼疎虞處。〔正旦唱〕豈不知禾苗在地。也不念麥將熟。〔云〕

如今田苗在地〔唱〕你道波。你不合驟驊騮。踐田畝。〔齊公子云〕好是不祥也。爲這箇潑毛
團。受這箇採桑婦的氣。我出的這桑林。可怎生不見晏嬰。〔晏嬰踟躕馬兒慌上〕〔見科〕〔云〕公子。
量那玉兔。打甚麼不緊。直趕到這裡。〔齊公子云〕晏嬰。你圓的好夢。淑女也不得見。倒受了採桑
婦一肚子氣。〔晏嬰云〕公子。在那裡。我試看者。〔驚科〕〔云〕看了此女子。生的像貌非俗。日當卓
午。這箇莫不是應夢的賢人淑女。休問是不是。我指着他。題一首詩。看他說甚麼。兀那女子。我作
首詩。你聽着。看你曉的麼。詩曰。採桑忙來採桑忙。朝朝每日出桑行。織下綾羅和正段。未知那箇
着衣裳。〔正旦云〕這箇敢是朝中宰相。我回他一首。你聽者。詩曰。將軍忙來將軍忙。朝朝每日關
爭強。空有江山并社稷。無人敢與定封疆。〔茶旦云〕一箇道採桑忙也。採桑忙。一箇道將軍忙也。
將軍忙。男女不可話衷腸。若是您不上緊走。俺老子撞見打您娘。〔晏嬰云〕呀呀呀。果然是賢人。
兀那採桑女人。你那裡人氏。姓甚名誰。你試說。我試聽者。〔正旦唱〕

〔石榴花〕俺酬恩報國作農夫。這的是勤苦用耕鋤。〔晏嬰云〕農忙時候。索是勤苦也。
〔正旦唱〕看承禾黍不輕疎。〔晏嬰云〕你那裡人氏。〔正旦唱〕住齊邦境隅。邑土鄉俗。
〔晏嬰云〕你既是俺本國之民。當歸附於國君也。〔正旦唱〕差科徵稅當歸附。盛興隆民戶
咸伏。君侯暫且容寬恕。試聽我談論待須臾。〔晏嬰云〕俺本國人強馬壯。士民樂業。文武

賢能有何談論之事〔正旦唱〕

〔鬪鶴鶩〕您如今便士不能文。您如今兵慵傲武。〔云〕殆哉殆哉。春秋之間。外不脩君臣之禮。內不肅齊家之治。一旦志弱。彼國侵爭。悔之晚矣。〔晏嬰云〕恰纔賢女所言本國之事。小官願聞。〔正旦唱〕那箇肯入水擒蛟。伏林刺虎。一箇箇智淺才疎。腹內虛。怎能穀志縱橫。德不孤。〔晏嬰云〕方今春秋戰國。各據其境。豈無文武賢能。〔正旦唱〕豈不知西患衡秦。豈不知南讎大楚。〔晏嬰云〕公子。小官觀此女子。出言非俗。正是賢人。此乃是應夢的賢人。若得

此女子爲夫人。齊國大治。〔公子云〕大夫。你問他。〔晏嬰云〕小官恰纔聞賢女所言。非桑間婦女出言。皆治國齊家之道。賢女流中翹楚也。俺齊公子見今未有正室夫人。賢女若肯見許。與齊公子結親。小官親爲大保。賢女意下如何。〔正旦云〕你是何人。〔晏嬰云〕小官乃齊國上大夫晏嬰是也。〔正旦云〕哦。晏丞相。久聞尊名。妾來採桑。非是結親之所。有父母在堂。焉敢輕許。〔晏嬰云〕賢女許箇肯字。接了公子把定。再與你父母議親。〔正旦云〕既然如此。願公子退詔。佞去雕琢。選兵馬。實府庫。用賢良。進直言。如此者。願備後宮。大人不可相戲也。〔晏嬰云〕一言爲主。主一無適。願以信物奉之如何。〔正旦云〕任大夫爲之。〔晏嬰云〕公子。且喜賢女已許。奉信物爲定。〔公子云〕途中無甚寶物。將這紫絲轡權爲信定。〔晏嬰云〕將來。賢女。俺公子將此紫絲轡爲信定。

〔正旦云〕要結夫婦之禮。豈爲執鞭之事。不可。〔茶旦云〕也能也能。將來趕牛。〔晏嬰云〕公子那壁賢女說。既要結夫婦之禮。豈爲執鞭之事。〔公子云〕將這口劍爲信定。〔晏嬰云〕也能也能。賢女。公子這口寶劍爲信定。〔正旦云〕兵器乃不祥之物。豈可爲信物。〔茶旦云〕留着切桑葉喂蠶。〔晏嬰云〕公子賢女說。兵器者不祥物也。不可用爲信物。〔公子云〕可怎生。〔晏嬰云〕公子將腰間玉帶與賢女。堪爲信物。〔公子云〕言者當也。這玉帶與他權爲信定。〔晏嬰云〕將來將來。賢女。俺公子將這玉帶奉爲信定。賢女意下如何。〔正旦云〕妾身暫且將留。到家與父母計較。〔公子云〕晏大夫就着賢女。跟同回去。異日與他父母處行禮。如何。〔晏嬰云〕小官與賢女說去。賢女。如今公子將賢女車車。車車疑有譌字但因屢見仍之以存疑載着同回。異日與你父母行禮。擇吉日良辰成親如何。〔正旦云〕此非禮也。既要娶結親迎禮於鍾氏之門。擇吉日良時。親迎過門。此其禮也。若是同車車載回。是爲奔女也。〔公子聽科〕〔云〕晏大夫。此言深有理也。〔晏嬰云〕賢女。只收留玉帶者。〔正旦云〕妾身收了玉帶。〔唱〕

〔耍孩兒〕這玲瓏玉帶爲憑據。立於朝偏能濟楚。綱常禮樂定規模。把人倫身體拘束。〔晏嬰云〕將玉帶權爲定禮。兩下各不敢失信。〔正旦唱〕今日箇立信與織紡勤勞女。堪匹配你箇衣冠大丈夫。得之者貴顯家豪富。他聲聞鄉里。光耀門閭。〔公子

云〕大夫問賢女要回奉禮物。〔晏嬰云〕理會的。賢女。小官奉公子之命。問賢女要回奉的禮物。〔正旦云〕有有有。這一箇桑木梳。權爲回奉之禮。〔晏嬰接科〕云公子。賢女以此桑木梳一箇。權爲回奉之禮。〔公子云〕大夫。我那玉帶。價值百金。量這桑木梳。有甚稀罕。你說去。〔晏嬰云〕小官說去。賢女。俺公子說。玉帶價值百金。量這桑木梳。有甚打緊。〔茶旦云〕有甚打緊。投至的等的一箇貨郎兒來。千難萬難的。〔正旦云〕大夫。休看這桑木梳小可。他能理萬法。〔晏嬰云〕好言語。公子。賢女說休看的小可。能理萬法。〔公子云〕句句字字。皆合乎大道。女子。你姓甚名誰。何處人氏。某選吉日良時。下財行禮。娶爲正室夫人。〔正旦云〕你聽者。〔唱〕

〔尾聲〕我姓鍾離名字春。住蒼山原始祖。〔公子云〕我知也。你指與俺臨淄去的路兒者。

〔正旦唱〕你如今出桑園便是臨淄路。我本是齊國無鹽邑之女。〔下〕〔茶旦云〕賀萬千之喜。誰想俺姑姑。與齊公子做了夫人。得了玉帶。我也家去報喜去來。晏嬰堪爲上大夫。文章才智又通書。再搽一斗胭脂粉。我是箇村疃多年老嚙狐。〔下〕〔公子云〕大夫賀萬千之喜。果應此夢。便選吉日良辰。娶夫人至本國。自有加官賜賞。只因採獵入桑園。淑女相逢結美緣。奇哉智略無鹽女。治國齊家作大賢。〔同下〕

楔子

〔外扮秦姬輦領從人上〕〔云〕強秦雄霸占咸陽。關寶臨潼拱上邦。壯士紛紛施勇烈。威名赳赳白昭彰。某乃秦姬輦是也。今在秦昭公手下爲上將。方今春秋之世。秦爲上國。十一國都來進貢。惟有東齊。三年不行進貢。聽知的倚仗鍾無鹽英雄智勇。某今將這對玉連環。前往東齊。單奈無鹽。若解開玉環。休兵罷戰。若解不開。統兵前去。征伐不進貢之罪。未爲晚矣。令人喚將虎白長來。〔從人云〕理會的。虎白長安在。〔淨扮虎白長上〕〔云〕某乃虎白長是也。正操練人馬。大人呼喚。不知有甚事。須索走一遭去。可早來到也。令人報復去。道白長來了也。〔從人云〕理會的。〔報科〕〔云〕喏。報的元帥得知。有虎白長來了也。〔秦姬輦云〕着他過來。〔從人云〕理會的。過去。〔見科〕〔淨虎白長云〕元帥。喚小將那裡使用。〔秦姬輦云〕喚你來不爲別。差你爲使命。將着一對玉連環。前往東齊國。奈他解開這玉連環。俺秦國免他進貢。他若解不開。俺便統兵征伐。小心在意。疾去早來。〔淨虎白長云〕老子也。與這麼一箇差使。則今日辭別了元帥。直至齊邦。走一遭去。差使不尋常。星夜到齊邦。解開玉連環。生死我都當。〔下〕〔秦姬輦云〕虎白長去了也。若回來時。自有主意。西秦姬輦世間無。勇躍寰中大丈夫。漫說晏嬰多巧計。休言賢女有機謀。玉環進往東齊去。解不開時激惱吾。兵至遼關則一陣。東齊一國屬秦都。〔下〕〔外扮孫操領從人上〕〔云〕先祖受封居范陽。兵強將勇立家邦。一任周初分疆土。脩文演武用賢良。某乃大將孫操是也。乃孫武子

之後。某習祖父之兵法。久居范陽。佐於燕公子麾下。保守無虞。頗奈東齊無禮。倚仗兵多將廣。自稱大國。某心中不忿。造蒲琴一張。此琴有金徽玉軫。鳳沼龍池。上面製蒲絃七條。今差使命。送至臨淄。若彈響蒲琴。齊爲上邦。若彈不響蒲琴。齊爲下邦。倘若不允。然後領兵征伐。未爲晚矣。令人與我喚將孫做來者。〔從人云〕理會的。〔做喚科〕〔云〕孫做安在。〔淨扮孫做上〕〔云〕小人是孫做。一生則說謊。聽的父親叫。看他胡廝嚷。來也來也。恰纔拾馬糞來家。自家孫做是也。乃孫操次男。父親呼喚。不知有甚事。須索走一遭去。來到也。報復去。道有三舍來了也。〔從人云〕理會的。〔報科〕〔云〕喏。報的將軍得知。有三舍來了也。〔孫操云〕着他過來。〔從人云〕理會的。着過去。〔淨孫做做見科〕〔云〕父親。喚您孩兒那廂使用。〔孫操云〕孫做。喚你來別無甚事。頗奈東齊無禮。累次侵擾鄰邦。你將這張蒲琴。直至東齊。單奈臨淄名將。若彈響蒲琴。齊爲上邦。彈不響蒲琴。齊爲下國。你小心在意。疾去早來。〔淨孫做云〕得令。則今日持着蒲琴。辭別了父親。直至東齊。走一遭去。這張蒲琴好。果然無處討。若還彈不響。看你怎麼了。〔下〕〔孫操云〕孫做去了也。若回來時。自有箇主意。蒲琴巧匠製工成。智量機關如用兵。彈出高山流水調。東齊尊大顯奇能。〔下〕

〔齊公子同晏嬰田能合眼虎領祗候上〕〔齊公子云〕淑女貞良世罕稀。英才智略果爲奇。自從娶得夫人後。始覺融融家道齊。某齊公子是也。自採獵應夢。得見淑女。論齊家治國之道。憑晏嬰

爲媒。娶爲夫人。依夫人所言。屏不急之事。招致賢良。納用直言。以此齊國大治。大夫一壁安排筵宴賀喜。令人門首觀者。看有甚麼人來。〔淨虎白長棒玉連環上〕〔云〕某乃白虎長是也。自離西秦。箇月期程。可早來到東齊也。這的是府門。令人報復去。道有秦國使命到此。〔祇候云〕理會的。〔報科〕〔云〕喏。報的公子得知。有秦國使命。在於門首。〔齊公子云〕着他過來。〔祇候云〕理會的。過去。〔淨虎白長做見科〕〔云〕某奉俺秦國元帥秦姬釐的將令。將這一對玉連環。進與公子。若解開玉環。西秦與東齊年年進貢。若解不開玉環。東齊可與俺西秦進奉。〔齊公子云〕將來。一壁有者。〔淨孫做捧琴上〕〔云〕某乃孫做是也。自離燕國。可早來到東齊也。令人報復去。道有大將孫操。差使命在此。〔祇候云〕理會的。〔報科〕〔云〕喏。報的公子得知。有大將孫操。差使命在於門首。〔齊公子云〕着過來。〔祇候云〕理會的。過去。〔見科〕〔齊公子云〕使命是那國來的。〔淨孫做云〕某是燕國來的。奉大將孫操元帥的將令。將着這一張蒲琴。上面七條蒲絃。進與您東齊。若是有人操的響。俺本國與東齊進貢稱臣。操不響。領十萬雄兵。至蒼山交鋒。〔公子做看琴玉環科〕〔云〕將來。我試看者。這一張琴。上面是七條蒲絃。可怎生操的響。這一對玉連環相連着。又無痕路。可怎生解的開。晏嬰。似此怎生計較。〔晏嬰云〕公子放心。請夫人出來。他自有妙法。商量此事。〔齊公子云〕大夫說的是。侍女傳報後堂中。請出夫人來者。〔祇候云〕理會的。後面侍女。

請夫人出來議事。〔外應科〕〔云〕理會的。〔正旦上〕〔云〕妾乃無鹽女是也。自昔日遇着齊公子。一席話間。公子納爲正室夫人。公子在前堂。令人相請。不知有甚事。須索走一遭去。〔做見科〕〔云〕公子。喚妾身有何事。〔公子云〕夫人。請你來不爲別。今有燕國范陽孫操。差使命進一張蒲琴。秦姬釐進一對玉連環。特來奈俺東齊。若操響蒲琴。解不開玉環。他爲上國。不然統兵前來征伐。無計可施。特請夫人商議。〔正旦云〕將琴來我看。〔做看科〕〔云〕他那裡是奈公子衆官。正意的則是奈妾身。有何難哉。可用丈二竹竿一條。將琴掛在高處。妾身自有主意。〔祇候做掛琴科〕〔正旦云〕晏嬰。你扶着兀那使命。你近前來聽者。琴者禁也。以禁人之心。這琴上有三十大龍吟。二十大素聲。按宮商角徵羽。兀那厮你聽者。玉軫金徽妙理深。良工特意造蒲琴。吾今聊展丹誠手。操出高山流水音。〔琴響科〕〔正旦云〕兀那厮。你聽的琴響麼。〔淨孫做云〕聽的聽的。委果琴響。卽是響了。我回去罷。〔做走科〕〔正旦云〕左右。拏下去。剝了那厮衣服。〔祇候做剝衣服科〕〔正旦做寫背科〕〔云〕用針刺了。與孫操看去。令人搶出去。〔祇候做搶科〕〔云〕出去。〔淨孫做云〕夫人忒造次。並不干我事。我又不做賊。怎麼身上刺了字。〔下〕〔正旦云〕將秦國玉環來我看。〔做看科〕〔云〕公子。夫玉者出自崑岡。難同瓊玖。良工有智。造作連環。吾今用意。要解不難。兀那厮。你看者。巧匠琢磨。非等閑。相聯一對最

宜看袖中舒出擎雲手。當面分明解玉環。〔正旦做解開玉環科〕〔淨虎白長云〕既然玉環開也。慢在小子告回。〔做走科〕〔正旦云〕令人將那厮拿下去。〔祇候做拿科〕〔淨虎白長做跪科〕〔云〕老子也。怎麼的。〔正旦云〕將筆來。〔做寫科〕〔云〕左右將針來。點了面上字。你與秦姬輩看去。令人搶出去。〔淨虎白長出門科〕〔云〕臉上刺上字。我又不曾做賊。可是苦也。戴上眼罩子回本國。看秦將軍怎的說。臉上刺字也不妨。穿州經縣過村坊。鬧市叢中人看見。則是小的每槽的我慌。〔下〕〔齊公子云〕夫人。既然操響蒲琴。解開玉環。皆夫人之妙智也。則不合將來人點面刺背而回。聽知的孫操秦姬輩。好生英雄。倘惹起刀兵來。怎了。〔正旦云〕公子。不如是。着他小量齊邦。不妨事。有妾身哩。〔唱〕

〔賞花時〕便休題孫操軒昂志勇驍。怕甚麼姬輩英才天下少。衛吳起。更丰標。任他有通天智巧。〔云〕公子放心。〔唱〕我直着十一國敢可兀的盡來朝。〔下〕〔齊公子云〕夫人去了也。田能便與我整擲人馬。鋒劍磨刀。你爲副將。合眼虎爲先鋒。若兩國兵至。與他拒敵。〔田能云〕得令。則今日下教場。點就人馬。整備什物。單等兩國來交鋒。大小三軍聽吾將令。奉命出師起大營。關劍長槍列萬層。方天畫戟懸豹尾。矛盾斧鉞掛紅纓。立國安邦忠良將。深知韜略有聲名。他時統領齊兵去。馬踐偏邦如土平。〔下〕〔合眼虎云〕則今日點起人馬。以

備秦兵。秦兵秦兵。箇箇英雄。准是我輸。必定他贏。〔下〕〔齊公子云〕衆將去了也。便是他兩家領兵來。憑着夫人神機妙策。量他到的那裡。西秦姬楚逞雄才。范陽孫操捲江淮。則說東齊無賢士。鳴琴又解玉環開。〔下〕〔晏嬰云〕公子去了也。小官且回私宅去。賢母奇才治國均。誰如鍾氏世絕倫。安危定亂平天下。纔識桑間應夢人。〔下〕〔秦姬轎領從人上〕〔秦姬轎云〕遣使臨齊國。不見信音回。某秦姬轎是也。自從使命將玉環奈東齊去。不見回來。令人門首覷者。但有軍情事。報復某知道。〔從人云〕理會的。〔淨虎白長上〕〔云〕走走走。自家虎白長是也。進玉環去。惹了一身禍來了。不住程回到秦國。須索見秦將軍去。來到也。報復去。道虎白長來了也。〔從人云〕理會的。〔報料〕〔云〕喏。報的元帥得知。有虎白長來了也。〔秦姬轎云〕方纔說罷。使命來了。着他過來的。〔從人云〕理會的。過去。〔做見科〕〔秦姬轎云〕虎白長。進玉環一事。如何。〔淨虎白長云〕將軍。不好說。走到東齊。獻了玉環。大小官員。都解不的。惟有齊公子夫人。解開了玉環。不敢說謊。〔秦姬轎云〕玉環安在。〔淨虎白長做與玉環看科〕〔云〕這的便是。〔秦姬轎云〕無鹽女好無禮也。怎敢將玉環摔碎了。兀那厮。臉上黑的是甚麼。〔淨虎白長云〕是甚麼。你看你看。〔秦姬轎看科〕〔云〕我試看者。立國安邦齊有賢。英雄戰將萬千員。殿前解開秦國寶。摔碎無價玉連環。吾身頗會驅兵將。休把東齊作等閑。說與兒曹秦姬轎。怕娘休要過潼關。〔淨虎白長云〕吓。你還念哩。你

近不的他。把我臉上刺了一臉字。洗又洗不的。可怎麼了。好箇秦姬輦。專一則弄事。着我進玉環。刺了一臉字。〔下〕〔秦姬輦云〕頗奈無鹽女無禮。將玉環摔碎。又將某看承爲兒曹。將使命刺了面字。此恨痛入骨髓。某如今奏知主公。親自爲帥。點就十萬雄兵。會同衛國吳起。征伐東齊。擒拏無鹽女。走一遭去。我聽言說罷。怒生嗔。來朝疾便踐征塵。你殿前摔碎無價寶。鯨面將咱惡語噴。衛國吳起爲前部。吾今親自統三軍。驅兵領將臨齊地。放心活捉桑間採葉人。〔下〕孫操領卒子上。〔云〕寶帳周圍排虎將。中軍左右列雄兵。文韜武略機謀大。下寨安營神鬼驚。某乃孫操是也。奉燕國公子之命。遣使命進蒲琴。前往東齊。奈他去了。報馬來說。今日來到。小校門首覷者。若來時。報復我知道。〔卒子云〕理會的。〔淨孫傲上〕〔云〕禍福無門。惟人自召。進與蒲琴。惹下心焦。某乃孫傲是也。進蒲琴已回。飛星回程。來到本國也。回父親話。走一遭去。可早來到也。報復去。道有孫傲來了也。〔卒子云〕理會的。喏。報的將軍得知。有孫傲來了也。〔孫操云〕着他過來。〔卒子云〕理會的。過去。〔傲見科〕〔孫操云〕孫傲。進蒲琴一事如何。〔淨孫傲做長吁氣。跌腳。搥背科〕〔云〕您孩兒奉父親的言語。將着蒲琴到東齊。被無鹽女操響蒲琴。將孩兒毆了一頓。〔孫操云〕齊夫人操響蒲琴。這厮是能。他說甚麼來。〔淨孫傲云〕他說甚麼來。你來你來。〔做脫衣服與孫操看科〕〔云〕不知這脊梁上。寫着甚麼。將針刺了字。疼殺我。你看你看。進的好蒲琴。惹下禍了。

〔孫操做看念科〕〔云〕我試看者。無鹽英名天下知。八方歸伏罷征旗。踏翻各國爲塵土。蕩散偏邦化作泥。孫操愚夫生巧計。蒲琴故作惹災危。書與小邦賊子看。怕娘及早順東齊。〔孫做嘆科〕〔云〕嘆。你還念哩。你不害羞。我去也。俺老子奈他弄機會。來往走了數十日。做了八句罵賊子。大字刺了一脊背。〔下〕〔孫操云〕頗奈探桑村婦無禮。怎敢將吾毀罵。更待干罷。則今日分付點人馬親身爲帥。俺會同二國征伐東齊。擒拏無鹽女。以雪此恨。大小三軍。聽吾將令。忠義興邦起大兵。刀槍濟濟甲層層。人如猛虎離山岳。馬似長蛟出水行。壓地兵山塵土暗。沖天殺氣密雲生。揚威耀武相攻戰。踏碎東齊如土平。〔下〕〔外扮吳起領卒子上〕〔云〕武略文韜體聖謨。深通兵法運神術。功名四十無成就。枉做堂堂大丈夫。某乃大將吳起是也。其先衛國人。曾於蓋公山學藝。今在魏文侯麾下爲大將之職。西戰於秦。拔其五城。某行兵有法。臥不設席。行不乘騎。與士卒同甘苦。嘗與魏武侯浮西河而下。武侯曰。美哉山河之固。某對曰。在德不在險。以此一言。人稱某爲文武元帥。今因齊國無禮。累次辱俺二國。俺如今點就雄兵十萬。與秦姬輦燕孫操會合一處。征伐東齊。則今日拔寨起營。大小三軍。聽吾將令。彩雲擁出萬山中。閃爍金光射碧空。馬似蛟龍離大海。人如虎豹出巔峯。征塵滾滾沖霄漢。殺氣騰騰戰曉風。全憑勇略將齊邦破。恁時方識我英雄。〔下〕

第三折

〔正旦同田能淨合眼虎跚馬兒領卒子打旗號上〕〔正旦云〕妾身無鹽女是也。頗奈秦姬輦無禮。調各國名將。合兵一處。要與俺齊國交戰。憑着我神機妙策。量他到的那裡也。〔唱〕

〔越調鬪鶴鶉〕則我這陣布奎星旗分箕尾。暗置虛危。明排翼壁。勢若參房。形如斗室。作用稀。兵法奇。一會兒遯起天山。師乘地水。

〔紫花兒序〕憑着我五行斡運。八卦周流。萬象璇璣。用先天乾坤南北。坎離東西。週迴艮兌風雷。一任疾山澤通氣。霎時天地相交。水火相催。〔淨合眼虎云〕娘待今日怎麼與他廝殺。量他到的那裡。等我一箇殺他這些秦兵。〔正旦云〕大小衆將。您軍排萬隊。將列陣前。擺一箇周天二十八宿。名曰九宮八卦陣。合眼虎。〔淨合眼虎云〕哎。娘叫怎的。〔正旦云〕與你一千軍馬。與我引戰。則要你輸。若秦兵不識此機。你詐敗。趕入垓心。必中吾計。〔淨合眼虎云〕知道了。料必我則是輸了。〔正旦云〕遠遠的敢是秦兵來了也。〔秦姬輦同孫操吳起跚馬兒領卒子上〕〔秦姬輦云〕某乃秦姬輦是也。頗奈鍾無鹽無禮。將某玉環摔破。將使命文面而回。此恨痛入骨髓。某會合魏國吳起。燕國孫操。統大勢雄兵。征伐鍾無鹽。走一遭去。大小三軍。擺開陣勢者。〔孫操云〕將軍且稍待。等我與他比試三合。來者何人。〔淨合眼虎云〕某乃齊

公子手下合眼虎是也。〔孫操云〕兀那厮。你那無鹽女。在於何處。怎敢將吾毀謗。我不與你厮殺。你則着無鹽女出來。〔淨合眼虎云〕我道你不敢和我相持麼。〔孫操云〕小賊開大言。小校操鼓來。〔戰科〕〔淨合眼虎詐敗走科〕〔云〕近不的他。走走走。〔下〕〔孫操云〕那裡去。不問那裡趕將去。〔正旦云〕左右與我拏住者。〔衆做拏住孫操科〕〔卒子云〕拏住孫操也。〔正旦唱〕

〔調笑令〕這厮不識咱運機。將人來緊追襲。呀。你如今船到江心補漏遲。抵多少臨崖勒馬纔收騎。尙兀自追趕着爭持。不覩事撞入咱陣裏。你正是有路無歸。〔云〕與我拏向前來。〔卒子云〕理會的。當面。〔孫操跪科〕〔云〕夫人可憐見。怎生饒過我這一遭。

〔正旦云〕你原來怕死。既然怕死。且饒他這一遭。〔田能云〕夫人既拏住。可放了敢不中麼。〔正旦云〕不妨事。你那裡知道。釋了縛。小校搶出去。〔卒子云〕理會的。〔搶科〕〔云〕出去。〔孫操出門科〕〔云〕無鹽女委實壯哉。饒了我的性命。我回本營中去。〔做見衆科〕〔云〕兩陣之間。被齊兵把我拏將過去。無鹽女放回我來了也。〔秦姬聲吳起跚馬兒走科〕〔云〕吓。孫操你差麼。你壓着陣。吳起。踏兩箇與他交鋒去。〔淨合眼虎跚馬兒上〕〔云〕秦將出馬。我這遭必然贏了。〔秦姬聲云〕來者何人。〔淨合眼虎云〕我說與你。我是合眼虎。我兒也。你須聞我的名。〔秦姬聲云〕兀那厮。我不與你厮殺。你那無鹽女。怎敢摔破俺玉連環。又將使命文面而回。此恨痛入骨髓。則着

無鹽女出來。我不殺你這匹夫。〔淨合眼虎云〕這厮無禮。怎敢毀謗俺夫人。我和你比試三合。

〔秦姬輦云〕小校操鼓來。〔戰科〕〔淨合眼虎敗走科〕〔云〕敵不住他。走走走。〔下〕〔秦姬輦吳起趕科〕〔秦姬輦云〕走的那裡去。〔正旦云〕與我拏住者。〔衆拏住二將科〕〔唱〕

〔鬼三台〕由你有瞞天智。拏雲計。出不的八卦陰陽道理。〔秦姬輦云〕被他智賺了俺。何足道哉。〔正旦唱〕你猶兀自說兵機。各自要於家爲國。你不合把軍兵來逞雄盡意追。豈不知伏兵暗藏使見識。您今日遭陷擒縛。方纔是臨危自悔。〔秦姬輦

同吳起跪科〕〔云〕你使這短見。也不爲強。你如今放出俺去。與你相持。若兩陣之間拏住我。便是算您強。〔正旦云〕你也說的是。釋了縛。搶出去。〔卒子云〕理會的。〔搶科〕〔云〕出去。〔秦姬輦

吳起出門科〕〔秦姬輦云〕這厮是能。吳將軍。俺二人結束威風。上的馬。擺開陣勢。兀那無鹽女。你出馬來。〔正旦云〕小校將刀馬來。我與他交鋒。操鼓來。〔調陣子科〕〔唱〕

〔禿厮兒〕定齊刀青龍舉起。安邦將似大蟒爭馳。你看那交鋒。則憑箇手段疾。端的也你撐持。辨箇高低。〔秦姬輦云〕及早下馬受降。〔戰科〕〔正旦唱〕

〔聖藥王〕那一箇槍舉的遲。這一箇馬驟的微。看看的馬乏人困。怎支持。征塵起。殺氣迷。拋撇金鼓。漾了征旗。〔秦姬輦吳起孫操敗走科〕〔秦姬輦云〕不中。敵不住他。我

與你走走走〔下〕〔正旦唱〕則見他沒揣的撞出兵圍。〔正旦云〕小校與我鳴金。〔卒子云〕理會的。〔正旦唱〕

〔尾聲〕今日箇灘河邊戰退英雄輩。四海聲名貫知。待教那十一國盡來朝。我直着永鎮齊邦萬萬紀。〔同下〕

第四折

〔外扮秦國公子領祗候上〕〔秦公子云〕八水通流分上國。三川似錦樂蒸民。春秋繼世尊嬴氏。赳赳威嚴號大秦。某乃秦哀公是也。建國於咸陽。方今春秋十二國。秦爲上國。不期齊國有無鹽女。好生的智勇多能。因解玉連環一事。將使命文面而回。某差秦姬輦衆將。大敗而歸。又下將戰書來。如今會俺十一國公子至臨淄。尊齊爲上國。某已約定十國公子。如期而至。某不敢久停。領本部人馬。收拾方物進貢。走一遭去。白馬金鞍碧玉轡。無鹽端的是英豪。紅羅袍下盤鸞鳳。百萬軍中舞劍刀。文通禮樂三千字。武按陰陽出六韜。十一國中無敵手。謹當表賀盡來朝。〔同下〕

〔齊公子同晏嬰田能合眼虎領祗候上〕〔齊公子云〕勇烈夫人天下奇。行兵布陣按神機。交鋒八卦排軍隊。凜凜威名說大齊。某齊公子是也。當日爲因解玉環操蒲琴一事。秦姬輦會同燕魏二國。合兵一處。征伐東齊。被夫人同衆將領兵迎敵。將秦兵一鼓而下。得勝回還。名傳四海。威懾

諸邦。今各國公子尊齊爲上國。此夫人之功能也。說各國公子都來到也。今日安排筵會。論功行賞。慶賀齊邦夫人。請將夫人來者。〔晏嬰云〕理會的。簾內丫鬟請夫人出來。〔正旦整扮領侍女上〕〔云〕妾身無鹽女是也。公子令人來請。須索走一遭去。〔唱〕

〔雙調新水令〕今日箇大周威勢顯英豪。俺端的氣昂昂智籌雄略。見如今他邦皆納土。列國盡來朝。將勇兵驍。則俺這威名大似山嶽。〔正旦云〕令人報復去。道妾身來了也。〔祇候云〕理會的。喏。報的公子得知。有夫人來了也。〔齊公子云〕某接待夫人去。〔見科〕〔云〕夫人有請。〔正旦云〕公子萬福。〔齊公子云〕夫人。今日各國歸伏。皆賴夫人之功。能。當日夜夢雲遮的月。今日雲散月明。皆因晏嬰大夫圓夢有準。若不是大夫。豈有今日也。〔正旦唱〕

〔沉醉東風〕今日箇皓月瑩瑩皎皎。都則爲白雲冉冉飄飄。到中天分外明照。齊國生光耀。顯一輪晃徹青霄。蟾影輝輝澄大朝。把萬里浮雲淨掃。〔齊公子云〕夫人不知。某差人取夫人一雙父母到此。加官賜賞。不見來到。令人門首覷者。若來時。報復我知。〔李老兒同卜兒搽旦上〕〔李老兒云〕歡來不似今朝。喜來那逢今日。老漢鍾大戶是也。誰想女孩兒。有如此般才能。平定了齊國。公子着人取俺老小。可早來到也。哥哥報復去。道有鍾大戶。

來了也。〔祇候云〕理會的。〔報科〕〔云〕啫報的公子得知。有鍾大戶一家兒來了也。〔齊公子云〕有請。〔祇候云〕理會的。有請。〔見科〕〔李老兒云〕公子。呼喚老漢有何事。〔齊公子云〕鍾大戶。你見你女孩兒者。〔李老兒同卜兒打認科〕〔云〕孩兒也。你怎生別是箇模樣了。我道你不是箇受苦的。〔正旦拜科〕〔云〕父親母親。認的您孩兒麼。問別無恙否。〔唱〕

〔甜水令〕想當日頻採桑園。躬收蠶繭。把家私補報。〔李老兒云〕孩兒索是辛苦也。〔正旦唱〕端的是晝辛苦。夜勤勞。不付能得進其身。成名得志。則怕鄉人恥笑。〔云〕採桑處若不遇着齊公子。〔唱〕這其間可便甘老在荒郊。〔李老兒云〕孩兒舊話休題。〔齊公子云〕見如今各國歸順。尊爲上邦。皆夫人汗馬之勞也。〔正旦唱〕

〔折桂令〕這春秋戰國爭豪。平定了臨淄安妥了齊朝。不動征旗。不施戈甲。不動槍刀。險些兒作村婦桑間到老。想當日做農姬田畔徒勞。博得箇名姓清標。自在逍遙。〔齊公子云〕鍾大戶。因你女孩兒有大功勳。特請你加官賜賞。封你爲太師柱國之職。食邑三千戶。老夫人柱國太夫人。更褒封三代。〔李老兒云〕深感厚恩。何以敢當也。〔正旦唱〕你今日受賞封官。報答您那養育劬勞。〔下〕〔齊公子云〕令人門首覲者。各國公子敢待來也。〔秦公子領卒子上〕〔秦公子云〕某乃秦公子是也。同各國公子。來齊國慶賀。可早來到也。令人

報復去。道秦公子來了也。〔祇候云〕理會的。〔報科〕〔云〕喏。報的公子得知。有各國公子來了也。〔齊公子云〕某親自接待去。〔接見科〕〔云〕公子有請。〔秦公子云〕公子先請。〔齊公子云〕不敢。〔秦公子云〕俺各國公子來遲。恕罪也。〔齊公子云〕某有何德能。有勞公子屈降也。〔秦公子云〕公子。今俺各國皆同一心。休兵罷戰。永爲唇齒之邦。想俺都是大周宗枝。故此特來慶賀也。〔齊公子云〕晏嬰安排酒宴。謝各國公子遠臨。同飲慶喜筵宴。衆公子聽者。則爲這賢夫人名揚天下。齊兵勝四海傳奇。操蒲琴七絃律呂。解玉環珍寶精微。穿九曲明珠剔透。秤白牙大象奪魁。曉六藝遍通書畫。善博奕極盡圍棋。文學廣善占天象。武略勇對壘相持。謝你箇晏平仲文才安國。多虧了鍾離春智勇定齊。

題目 晏平仲文才安國

正名 鍾離春智勇定齊

智勇定齊穿關

頭折

齊公子

簪纓公子冠 上衫袍

方心曲領 火裙 錦

祇候 攢頂 圓領

合眼虎 皮

簪帽 膝欄曳撒 掩心甲

晏嬰 兔兒角幘頭 補子

田能 三叉冠 抹額 蟒衣曳撒 帶

項帕 直纏 搭膊 劍 帶

髭髯 三 徐弘吉

鳳翅盔 膝欄曳撒 帶

項帕 三髭髯 徐弘義

鳳翅盔 膝欄曳撒 帶

項帕 三髭髯 徐弘義

鳳翅盔 膝欄曳撒 帶

項帕 三髭髯 徐弘義

鳳翅盔 膝欄曳撒 帶

項帕 三髭髯 徐弘義

三髭 李老兒

一字巾 茶褐直身 拄杖

卜兒 塌頭手帕 眉額

襖 茶旦 髭髯手帕 比甲

布襪 鞋 襖兒 裙兒 布

鞋 襖兒 裙兒 布

鞋 襖兒 裙兒 布

鞋 襖兒 裙兒 布

鞋 襖兒 裙兒 布

鞋 正旦鍾離春無鹽

花箍 襖兒 裙

兒 布襪 鞋

兒 布襪 鞋

兒 布襪 鞋

兒 布襪 鞋

兒 布襪 鞋

兒 布襪 鞋

兒 布襪 鞋

第二折

田能 徐弘吉 徐弘義

同卒子 紅碗子盔 青布釘

齊公子 晏嬰 祇候

同前 躍馬兒

茶

茶

茶

茶

茶

旦 同前 正旦無鹽女

同前 齊公子 以上 同

晏嬰 同前

躍馬兒

躍馬兒

躍馬兒

躍馬兒

躍馬兒

躍馬兒

楔子

秦姬輦

麥簷帽 直纏

蟒衣曳撒 帶劍

項帕 三髯髯

從人 項帕 圓領

虎白長 皮盔

掩心甲 項帕

秦姬輦

直纏

蟒衣曳撒 帶劍

項帕 三髯髯

從人 項帕 圓領

直纏

秦姬輦

直纏

蟒衣曳撒 帶劍

項帕 三髯髯

從人 項帕 圓領

虎白長 皮盔

掩心甲 項帕

秦姬輦

直纏

蟒衣曳撒 帶劍

項帕 三髯髯

從人 項帕 圓領

襖膊

劍

秦姬輦

直纏

蟒衣曳撒 帶劍

項帕 三髯髯

從人 項帕 圓領

虎白長 皮盔

掩心甲 項帕

秦姬輦

直纏

蟒衣曳撒 帶劍

項帕 三髯髯

從人 項帕 圓領

旦無鹽女

髮髻頭面 膝欄裙

布襪 鞋

秦姬輦

從人 虎白長

又上 孫操

卒子又上

同

孫操卒子又上孫倣又上

同

吳起

麥簷帽 蟒衣曳撒

帶劍 項帕

卒子

同

第三折

正旦無鹽女

碗子盃 布襪

金釘甲 襖兒

裙兒

田能

合眼虎

卒子

同

秦姬輦

孫操

吳起卒子

同

合眼虎

又上

同

第四折

秦公子祇候

同

齊公子

晏嬰

田能

合眼虎

祇候

同

正旦無鹽女

髮髻頭面

襖兒 補子袍兒

裙兒

侍女

花箍 襖兒

裙

李老兒

卜兒

茶旦

同

秦公子

卒子

同

虎牢關三戰呂布

元鄭德輝

頭折

〔沖末袁紹領卒子上〕〔云〕駿馬雖鞍紫錦袍。臨軍能識陣雲高。等閑贏得食天祿。願竭丹心輔聖朝。某乃冀王袁紹是也。幼而能文。長而閱武。自爲官以來。累立戰功。今在此河北爲理。保一方寧靜無虞。今有呂布。領一標人馬。威鎮在虎牢關下。此人好生英勇。擲戟勒馬。有九牛之力。萬夫不當之勇。累次與他交戰。並不曾得他半根兒折箭。又下將戰書來。搦俺十八路諸侯相持。某今聚集十八路諸侯。領大勢雄兵。直至虎牢關。務要生擒了呂布。以雪前恥。今日是吉日良辰。與同衆將。商議分派行兵。小校門首觀者。若衆將來時。報復某知道。〔卒子云〕理會的。〔外扮曹操上〕〔云〕少年錦帶掛吳鉤。鐵馬西風塞草秋。全憑匣中三尺劍。坐中往往覓封侯。某姓曹名操字孟德。沛國譙郡人也。幼習先王典教。後看輜略遁甲之書。今官拜兗州太守之職。今有呂布在虎牢關下。搦俺十八路諸侯相持。冀王袁紹。調天下諸侯。聚集於河北。一同行兵。往虎牢關與呂布交戰。須索走一遭去。可早來到也。小校報復去。道有曹操在於門首。〔卒子云〕理會的。〔做報科〕〔云〕喏。報的元帥得知。有曹參謀在於門首。〔袁紹云〕道有請。〔卒子云〕理會的。有請。〔曹操見

科」〔云〕元帥。小官曹操來了也。〔袁紹云〕參謀使來了也。今日會同天下諸侯。計議擒拏呂布等。衆諸侯來時。俺慢慢的商議也。〔淨扮孫堅上〕〔云〕我做將軍世稀有。無人與我做敵手。聽得臨陣肚裏疼。喫上幾鍾熱燒酒。某長沙太守孫堅是也。自幼而讀了本百家姓。長而念了幾句千字文。爲某能騎疥狗。善拽軟弓。射又不遠。則賴頂風對南牆。箭箭不空。雖然我爲大將。全無寸箭之功。今有呂布。威鎮於虎牢關。擲戟勒馬。可有一關之壯。搦俺天下諸侯。與他交戰。某正在本處。與小廝每打牌殖。今有冀王袁紹。聚俺十八路諸侯。擒拏呂布。須索走一遭去。可早來到也。小校報復去。道有孫堅來了也。〔卒子云〕理會的。〔做報科〕〔云〕喏。報的元帥得知。有孫元帥在於門首。〔袁紹云〕道有請。〔卒子云〕理會的。有請。〔見科〕〔孫堅云〕元帥。小子在下老孫來了也。〔袁紹云〕一壁有者。等衆諸侯來全時。一同商議。衆諸侯這早晚敢待來也。〔外扮荊州太守劉表北海太守孔融益州太守韓昇上〕〔劉表云〕幼習兵書武藝精。龍韜虎略敢施呈。全憑匣中鏃鏑劍。敢與皇家定太平。某乃荊州太守劉表是也。這二位是北海太守孔融。益州太守韓昇。因某披堅執銳。臥雪眠霜。累立戰功。各鎮一境。奉冀王將令。調俺十八路諸侯。各領本部下人馬。直至河北。孔將軍俺行動些。這早晚天下諸侯。已到了也。〔孔融云〕俺今一同見元帥。走一遭去。可早來到也。小校報復去。道有荊州太守劉表北海太守孔融益州太守韓昇在於門首。〔卒子云〕

理會的。〔做報科〕〔云〕喏。報的元帥得知。有三路太守劉表韓昇孔融在於門首。〔袁紹云〕道有請。〔卒子云〕理會的。有請。〔見科〕〔劉表云〕元帥。俺三路諸侯來了也。〔袁紹云〕且一壁有者。等衆諸侯來時。一同計議。這早晚敢待來也。〔外扮濟州太守鮑信山陽太守喬梅河內太守王曠上〕〔鮑信云〕雄威赳赳志昂昂。各統雄兵鎮一邦。罄竭忠心扶漢業。英名贏得遠流芳。某乃濟州太守鮑信是也。這一位是山陽太守喬梅。這一位是河內太守王曠。某等遵奉漢命。各鎮一方。當今之世。各路諸侯。統率軍馬。保障無虞。今聞知呂布領兵前來。駐紮於虎牢關下。搦俺十八路諸侯。相持廝殺。若論俺十八路諸侯。有雄兵百萬。量那呂布便到的那裡也。〔喬梅云〕元帥。俺雖有百萬人馬。聞知的呂布好生英勇。今主將袁紹。聚俺衆諸侯。同破呂布也。〔王曠云〕俺衆諸侯會兵一處。必然成功。說話中間。可早來到也。令人報復去。道有三路太守鮑信喬梅王曠在於門首也。〔卒子云〕理會的。〔做報科〕〔云〕喏。報的元帥得知。有三路太守鮑信喬梅王曠在於門首。〔袁紹云〕道有請。〔卒子云〕理會的。有請。〔見科〕〔鮑信云〕元帥。聚集俺衆將。那廂使用也。〔袁紹云〕一壁有者。衆將來全時。報復我知道。〔外扮潼關太守韓兪同滄州太守吳愼南陽太守張秀上〕〔韓兪云〕韜略兵書自幼攻。英名震世有威風。軍前累立功勞大。列土分茅受大封。某乃潼關太守韓兪是也。這一位是滄州太守吳愼。這一位是南陽太守張秀。某等累立功勳。奉命各

領一路人馬。近因呂布統兵在於虎牢關下。侵奪俺漢國。如今主將袁紹聚俺天下諸侯。拒戰呂布。二位太守。俺一同去來。〔吳愼云〕這呂布先奉丁建陽爲父。後與董卓爲子。聞知的呂布善能攻城野戰。以少擊衆。俺這一去。必然與他大戰一場。決要成功也。〔張秀云〕元帥。那呂布十八般武藝。無有不拈。無有不會。威震天下。俺如今見了元帥商量。務要與他決戰。說話中間。可早來到也。令人報復去。道有潼關太守韓兪。滄州太守吳愼。南陽太守張秀。在於門首。〔卒子云〕理會的。〔做報科〕〔云〕喏。報的元帥得知。有三路諸侯韓兪吳愼張秀。在於門首。〔袁紹云〕道有請。〔卒子云〕理會的。有請。〔見科〕〔韓兪云〕元帥。俺三路太守來了也。〔袁紹云〕三位元帥。且一壁有者。等衆太守來全了時。一同商議。〔外扮徐州太守陶謙同壽春太守袁術陝州太守趙莊上〕〔陶謙云〕奉命迢迢千里來。要擒呂布聚英才。一心星火臨河北。專聽將軍袁紹差。某乃徐州太守陶謙是也。這一位是壽春太守袁術。這一位是陝州太守趙莊。俺各守其土數年。兵戈寧息。士馬消閑。今因呂布搦戰。今調俺來。與他相持也。〔袁術云〕元帥。聞得人說。呂布十分驍勇也。〔趙莊云〕便是。呂布驍勇。不過一人。俺十八路諸侯。舉大兵齊力攻之。愁他不破也。〔陶謙云〕俺同去見元帥。自有計策。可早來到也。小校報復去。道有俺三路太守陶謙袁術趙莊來了也。〔卒子云〕理會的。〔做報科〕〔云〕喏。報的元帥得知。有三路太守陶謙袁術趙莊來了也。〔袁紹云〕道

有請。〔卒子云〕理會的。有請。〔見科〕〔陶謙云〕元帥。俺三路太守特來聽令。〔袁紹云〕一壁有者。待衆元帥來了時。有事商議。〔外扮幽州太守劉羽鎮陽太守公孫瓚青州太守田客上〕〔劉羽云〕無故興兵起殺機。將軍嚴命敢差遲。如今麾下聽差遣。試看軍前奮武威。某乃幽州太守劉羽是也。這一位乃是鎮陽太守公孫瓚。這一位乃是青州太守田客。今爲呂布搦戰。有河北冀王袁紹奉命調取十八路諸侯。一同去攻戰呂布。量他到的那裡也。〔公孫瓚云〕元帥。俺同心共意。併力相攻也。〔田客云〕太守。俺這十八路諸侯。豈無英傑在其中也。〔劉羽云〕說的是。俺見冀王袁紹去來。可早來到也。小校報復去。道有劉羽公孫瓚田客三路太守來了也。〔卒子云〕理會的。〔做報科〕〔云〕喏。報的元帥得知。有劉羽公孫瓚田客三路太守在於門首。〔袁紹云〕道有請。〔卒子云〕理會的。有請。〔見科〕〔劉羽云〕元帥。俺三路太守來了也。〔袁紹云〕曹參謀。您衆太守都來了也。常言道文官不愛財。武將不怕死。乃世之寶也。今董卓手下有一大將。乃是呂布。小觀俺漢國。着呂布爲帥。統領大勢雄兵。在於虎牢關下。單使搦俺漢家十八路諸侯與他交鋒。您天下諸侯有何計策也。〔曹操云〕元帥。量他一夯鐵之夫。何足道哉。元帥若運計鋪謀。差遣衆將。統大兵將那呂布圍住。任他英勇。也出不得俺十八路諸侯之手也。〔鮑信云〕元帥。俺衆諸侯。願同心出力。擒拿呂布也。〔袁紹云〕既然如此。軍分五路。您衆將聽令。荊州太守劉表。北海太守孔

融。益州太守韓昇。你三將各領本部下人馬爲前哨。與呂布交戰。小心在意。得勝回營者。〔劉表云〕得令。某領本部下人馬爲前哨。與呂布交戰。走一遭去。大將英雄非等閑。旌旗招颭似雲翻。馬如猛獸纔離水。人似奔彪初下山。跨下雕鞍全蹀躞。匣中寶劍玉連環。軍馬未曾離寨柵。殺聲先到虎牢關。〔下〕〔孔融云〕某同荊州太守劉表。統領本部下人馬。與呂布交戰。走一遭去。颯颯旌旗耀日光。紛紛塵土蔽天黃。征雲繚繞千山遠。殺氣氤氳萬里長。密密魚鱗排劍戟。層層鴈翅列刀槍。古來雖有相爭戰。試看今番這一場。〔下〕〔韓昇云〕某領本部下人馬。與同荊州太守劉表北海太守孔融爲前哨。與呂布相持。走一遭去。戰鼓鼙鼙有若雷。遮天映日列旌旗。馬如猛獸離大海。人似神兵下北極。竊竊征塵迷日色。紛紛殺氣接天齊。虎牢關上施英勇。不捉家奴誓不回。〔下〕〔袁紹云〕濟州太守鮑信。山陽太守喬梅。河內太守王曠。你三將各領本部下人馬爲左哨。與呂布相持。走一遭去。則要您小心在意。得勝而回者。〔鮑信云〕得令。某領本部下人馬爲左哨。與呂布交戰。走一遭去。統領雄兵上虎牢。人如猛虎馬如蛟。弓懸秋月彎龍角。箭射流星插鳳毛。殺氣瀾漫遮日月。喊聲嘹唳震青霄。休言呂布千般勇。怎比諸侯志氣高。〔下〕〔喬梅云〕某同濟州太守鮑信。領本部下人馬爲左哨。與呂布相持。走一遭去。各路諸侯領大兵。甲光流水晃天明。遮雲蕩漾旗旛影。震地悠揚鑼鼓聲。戰馬如龍出大海。征人似虎離山峯。來朝兩陣相持處。我

殺的呂布回身走似風。〔下〕〔王曠云〕得令。某領本部下人馬。同濟州太守鮑信。山陽太守喬梅。爲左哨。與呂布交戰。走一遭去。戰馬奔馳似水流。陣前英勇統貔貅。能征戰將奔如虎。善鬪兒郎。猛似彪。鐵馬金戈光燦燦。銅鑼畫角韻悠悠。虎牢關上相持處。不捉溫侯誓不休。〔下〕〔袁紹云〕潼關太守韓兪。滄州太守吳愼。南陽太守張秀。你三將各領本部人馬爲右哨。征伐呂布。則要您。小心在意。得勝而回者。〔韓兪云〕得令。某領本部人馬爲右哨。與呂布交戰。走一遭去。戈戟鮮明。映日紅。施謀運智顯英雄。能征猛將三千隊。慣戰雄兵十萬重。人如越嶺爬山獸。馬賽翻江混海龍。全憑忠烈威風大。一陣須教立大功。〔下〕〔吳愼云〕得令。則今日統領本部人馬。與潼關太守韓兪爲右哨。與呂布相持。走一遭去。劍戟橫空密似麻。戰袍五彩繡團花。震天鑼鼓沖銀漢。映日旗旛蕩碧霞。竊驚征塵籠宇宙。騰騰殺氣滿天涯。任他英勇能征戰。到頭都屬帝王家。〔下〕〔張秀云〕某領本部人馬。與潼關太守韓兪。滄州太守吳愼爲右哨。與呂布交戰。走一遭去。各顯威風。統大軍。相持廝殺立功勳。鼓聲震動三江水。戰馬衝開萬里塵。斬將寶刀腰間掛。開山鉞斧手中輪。陣前平定誅賊子。竭力攄忠報聖君。〔下〕〔袁紹云〕徐州太守陶謙。壽春太守袁術。陝州太守趙莊。您三將各統領部下人馬爲合後。前去虎牢關下。與呂布交戰。小心在意。得勝回營者。〔陶謙云〕得令。出的這轅門來。某領本部人馬爲合後。與呂布交戰。走一遭去。大小三軍。聽吾將令。

到來日統領雄兵出虎牢。人人奮勇顯英豪。兵行似虎離山嶽。馬驟如龍出海潮。燦燦滲黃金甲晃。飄飄雜彩繡旗搖。明朝一戰安天下。奏凱同將寶鐙敲。〔下〕〔袁術云〕某領本部下人馬。同徐州太守陶謙爲合後。與呂布交戰。走一遭去。人如天降馬如龍。冲破軍圍一萬重。殺氣騰騰迷四野。征雲冉冉罩長空。甲掛秋霜明曉日。軍排列宿顯威風。虎牢關上相持處。一陣須教立大功。〔下〕〔趙莊云〕某奉元帥將令。與同太守陶謙袁術。各領本部人馬。與呂布交戰。走一遭去。統軍合後展雄謨。奮勇全忠保帝都。陣列九星排隊伍。兵行五路列軍卒。破陣弓開秋月滿。催軍鼓凱陣雲孤。明朝管取成功效。方顯人間大丈夫。〔下〕〔袁紹云〕幽州太守劉羽。鎮陽太守公孫瓚。青州太守田客。各領本部下人馬爲遊兵。前去虎牢關。往來接應各路諸侯人馬。則要您小心在意。成功而回者。〔劉羽云〕得令。某領本部人馬。與呂布交戰。走一遭去。殺氣瀾漫罩太虛。排兵布陣按兵書。槍橫銀蟒開前路。劍掛青蛇斬將軀。將士施威分勝敗。軍卒捨命定贏輸。總饒呂布千般勇。一陣須教盡掃除。〔下〕〔公孫瓚云〕得令。某領本部下人馬。與同幽州太守劉羽爲遊騎。與呂布交戰。走一遭去。勇將雄兵密密排。槍刀人馬勝天來。鑼鳴四野千山震。刀砍三軍兩陣開。匝地征塵迷宇宙。冲天志氣捲江淮。來朝大戰驚天地。不數當年大會垓。〔下〕〔田客云〕得令。某領本部下人馬。同幽州太守劉羽鎮陽太守公孫瓚爲遊騎。與呂布交戰。走一遭去。戰馬彎彎出大營。

旌旗招颭。統雄兵。錦袍。烟燦。渾金繡。銀甲。光輝。耀日明。袋內弓彎如皓月。壺中箭插似寒星。任他呂布千般勇。一陣須教定太平。〔下〕〔袁紹云〕衆將教各依陣勢攻取虎牢關下。擒拏呂布。都去了也。長沙太守孫堅。兖州太守曹操。望闕跪者。加孫堅爲監軍之職。曹操爲隨軍參謀使之職。俺一同坐中軍。統領人馬。捉拏呂布。走一遭去。一心共把忠誠盡。憑吾執掌元戎印。前臨朱雀按離宮。後依玄武旗旛映。青龍白虎各東西。劍戟槍刀併力進。任教呂布逞英雄。難逃天羅地網陣。〔同衆下〕外扮呂布同八健將楊奉。侯成。高順。李肅。李儒。何蒙。陳廉。韓先。領卒子上。〔呂布云〕畫戟金冠。戰馬奔征。袍鎧甲帶獅蠻。天下萬夫難敵勇。端的是英雄獨占虎牢關。某姓呂名布字奉先。乃九原人也。自從拜董卓爲父之後。俺父子每聚集下雄兵戰將。馬草軍糧。更兼某之英勇。觀漢國有如兒戲。威鎮於虎牢關下。今下將戰書去了。單搦漢家十八路諸侯。與俺相持廝殺。八健將楊奉那裡。〔楊奉云〕俺八健將有。〔呂布云〕卽今整搦下大勢人馬。頗奈袁紹無禮。帶領十八路諸侯。來攻俺虎牢關。量他何足道哉。您衆將人人奮勇。箇箇爭強。顯耀你那弓馬熟閑。施展那威嚴勇烈。城上城下。密排着甲士層層。陣北陣南。齊列下槍刀滾滾。殺氣騰騰。罩碧空。三軍精銳。展英雄。營排白虎居金位。陣引青龍坐正東。前隊馬催如烈火。後營兵列按玄宮。元戎穩坐中軍帳。直把那漢陣旌旗血染紅。〔同八健將卒子下〕〔袁紹同曹操淨孫堅。驢馬兒領卒子上〕〔袁

紹云〕陣前陣後列旌旗。戈甲層層望眼迷。播鼓鳴金催出馬。殺聲直過虎牢西。某乃冀王袁紹是也。同曹參謀中軍壓陣。孫元帥奉命監軍。俺着劉表孔融韓昇爲前哨。鮑信喬梅王曠爲左哨。韓俞吳慎張秀爲右哨。陶謙袁術趙莊爲合後。劉羽公孫瓚田客爲遊兵。各按方位。率領大勢人馬。攻取虎牢關。活捉呂布。衆將各依將令。擺下陣勢者。〔劉表同孔融韓昇躍馬兒領卒子上〕〔劉表云〕前哨軍行戰霧飄。紛紛殺氣喊聲高。三軍奮勇齊攻取。不放家奴出虎牢。某乃劉表是也。同孔融韓昇統本部下人馬爲前哨。排下陣勢。則等中軍裏號令。便往前攻戰也。〔孔融云〕元帥得令。〔韓昇云〕兀那塵土起處。是俺左哨人馬上來了也。〔鮑信同喬梅王曠躍馬兒領卒子上〕〔鮑信云〕左哨雄兵次第行。位臨甲乙按天星。一心奮勇來攻戰。要與皇家定太平。某乃鮑信是也。同喬梅王曠軍行左哨。旗旛招颺。戈甲重排。列於左哨。兀的不右哨人馬上來了也。〔韓俞同吳慎張秀躍馬兒領卒子上〕〔韓俞云〕右哨排兵十里長。重重猛士列刀槍。從來自將軍戰。不似今番這一場。某乃韓俞是也。同吳慎張秀軍行右哨。征人奮勇戰馬彎韉。有似那飛雲流水。四下裏大兵滾滾的圍將上來了也。〔吳慎云〕俺可早排下陣也。〔張秀云〕則聽那中軍號令。一齊向前攻戰。兀的不合後的人馬來了也。〔陶謙袁術趙莊躍馬兒領卒子上〕〔陶謙云〕列列喊聲催戰馬。參參帥鼓趙軍行。陣臨合後非輕小。玄武旗頭起黑雲。某乃陶謙是也。今同袁術趙莊。

奉主將之命。軍行合後。這裡離中軍不遠。列下大營者。〔袁術云〕俺這合後人馬。委實精銳。你看那一望旌旗蔽塞野。三軍壯氣罩長空。觀虎牢關有若翻掌也。〔趙莊云〕元帥。衆將齊排陣勢。呂布必落在彀中也。三軍紮住營者。〔劉羽公孫瓚田客躍馬兒領卒子上〕〔劉羽云〕殺氣愁雲結暮陰。征夫箇箇逞胸襟。忘生捨死攻城寨。方表英豪一片心。某乃劉羽是也。同公孫瓚田客。率領五千精兵。奉元帥將令。遊擊陣前。生擒呂布也。〔公孫瓚云〕俺領着本部人馬。往前攻殺一陣如何。〔田客云〕元帥。不殺他一陣。他也不怕。俺大軍跟將來。俺殺入去者。〔呂布領八健將卒子躍馬兒沖上〕〔呂布云〕某乃呂布是也。兀的不是漢將殺將入來了。八健將跟着我來。三軍與我一齊吶喊者。〔見科〕〔呂布云〕來者何人。〔劉羽云〕兀那三姓家奴。你聽者。某幽州太守劉羽是也。這一位是公孫瓚。這一位是田客。你敢和俺相持麼。〔呂布云〕這厮好無禮也。〔做戰科〕〔劉羽云〕二位元帥。俺敵不住他。須索逃命。撲入中軍去來。走走走。〔呂布云〕這厮輸了也。量他到的那裡。將士每跟着我。撲他左哨去來。〔鮑信云〕二位將軍。跟着我殺呂布去來。〔見科〕〔呂布云〕無名小將。及早下馬受降。〔鮑信云〕這匹夫好無禮也。怎敢開如此大言。操鼓來。〔做戰科〕〔鮑信云〕這厮甚驍勇。敵不住他。俺逃命走了罷。撲入中軍去來。走走走。〔呂布云〕左哨大敗了也。八健將跟我殺入右哨去來。〔韓俞云〕你看那呂布。不殺入俺右哨來了也。〔呂布云〕八健將。漢

家軍馬將士也只如此。跟着我殺入右哨去。〔韓俞見科〕〔云〕呸。呂布。偏你是英雄好漢。你敢和我交戰麼。〔呂布云〕八健將和他說些甚麼。操鼓來。〔韓俞云〕這厮越發狠了也。敵不住他。走走走。〔陶謙云〕二位將軍。凡的俺各營人馬亂了也。俺出陣殺這家奴去來。〔做見科〕〔云〕呸。呂布。敢與某交戰麼。〔呂布云〕你來者何人。〔陶謙云〕某乃陶謙袁術趙莊是也。〔呂布云〕老賊無禮。量你到的那裡。操鼓來。〔做戰科〕〔陶謙云〕這小賊甚驍勇。敵不住他。俺撲入中軍裡去。走走走。〔呂布云〕漢家各營人馬大亂。十八路諸侯皆敗了。八健將跟着某直殺入中軍去來。〔袁紹云〕衆將您見麼。呂布領八健將往中軍撲入來了。您衆將四下裡拷栳圈。簸箕掌。圍住。看我殺這匹夫。三軍吶喊。呂布慢來。有吾久等多時也。〔呂布云〕你乃何人。〔袁紹云〕某乃冀王袁紹是也。家奴敢與我厮殺麼。〔呂布云〕好無禮也。操鼓來。〔衆做混戰科〕〔袁紹云〕這家奴十分英勇。漢家諸侯。難與他拒敵。撥回馬。衆將逃命去來。〔同衆敗科〕〔呂布云〕八健將。我則道十八路諸侯。怎生英雄。原來也只如此。被某日不移影。殺十八路諸侯大敗虧輸。今日止不曾見長沙太守孫堅。如今且收兵回營。操軍練士。積草屯糧。整搦人馬。慢慢的再與孫堅交戰。未爲晚矣。勒馬橫槍力九牛。關前力戰衆諸侯。須知呂布英豪將。怎肯尋常折半籌。〔同八健將卒子下〕〔淨扮孫堅領漾門卒子上〕〔孫堅云〕湛湛青天不可欺。八箇螃蟹往南飛。則有一箇飛不動。看

了原來是尖臍。某長沙太守孫堅是也。某十八般武藝。無有不拈。無有不曾。上的馬去。常川不濟。聽的廝殺。帳房裏推睡。元帥陞帳。威勢全別。不知天文。不曉地理。凡爲元帥。須要機謀。批吭搗虛。爲頭說謊。調皮無賽。俺這裡先排百員衝油嘴。密排千隊嫖嫖軍。轅門戰鼓掉了腔。助陣鑼鼓全不響。帳前打兩面引軍旗。旗上描成哈叭狗。左先鋒手持兩面刀。右先鋒擎着精光棍。人人奮勇喫食。拚命當先。箇箇威風。奸狡賊滑無比。休言人敢帳前喧。便有那蝦蟆過時。他也叮叮的叫。今有呂布。威鎮於虎牢關。聚俺這十八路諸侯。與呂布交鋒。俺不會得他半根兒折箭。今有各處糧草已完了。止有青州糧草未完。小校與我請將曹參謀來者。〔卒子云〕理會的。〔曹操上云〕綽胸中智有餘。等閑熟看五車書。恁時列鼎重裊日。方表堂堂大丈夫。某乃曹操是也。今有呂布搦戟勒馬。威鎮在虎牢關。搦天下十八路諸侯相持。不會得呂布半根兒折箭。此人英勇難敵。止有長沙太守孫堅。未曾與呂布交鋒。今有孫堅元帥。着令人來請。須索走一遭去。小校報復去。道有曹操在於門首。〔卒子云〕理會的。〔報科云〕元帥。有曹操在於門首。〔孫堅云〕道有請。〔卒子云〕理會的。有請。〔曹操見科云〕元帥。請小官來有何事商議也。〔孫堅云〕請你來別無甚事。今有各處糧草都來了。止有青州糧草未完。你不避驅馳。一來催趨糧草。二來怕有那山間林下。隱跡埋名的英雄好漢。就招安將他來。若破了呂布。自有加官賜賞也。〔曹操云〕小官催運糧

草去。若有各處英雄好漢。舉到元帥跟前。若見了小官的薦章。元帥可以重用他也。〔孫堅云〕若
有你的薦章來。我便收留他也。〔曹操云〕則今日辭別了元帥。便索長行。小校收拾行裝。至青
州催運糧草。走一遭去。忙傳將令莫停留。輕弓短箭統戈矛。積草屯糧人馬壯。恁時方破呂溫侯。
〔下〕〔孫堅云〕曹孟德去了也。我無甚事。小校牽過馬來。鞍上騾子。跳上駱駝。廚房裡睡去也。
〔同卒子下〕〔劉末領卒子上〕〔云〕桑蓋層層徹碧霞。織席編履作生涯。有人來問宗和祖。四百
年前旺氣家。小官姓劉名備字玄德。大樹樓桑人也。當年結義下兩箇兄弟。二兄弟姓關名羽字
雲長。蒲州解良人也。三兄弟姓張名飛字翼德。涿州范陽人也。俺弟兄三人。在桃園結義。宰白馬
祭天。殺烏牛祭地。不求同日生。只願當日死。要一在三在一亡三亡。自破黃巾賊之後。加某爲德
州平原縣縣令之職。兩箇兄弟。一箇是馬弓手。一箇是步弓手。今日兩箇兄弟。巡綽邊境去了。令
人門首覷者。若來時。報復我知道。〔卒子云〕理會的。〔曹操領卒子上〕〔云〕某乃曹操是也。自離
了虎牢關。前往青州催運糧草去。到此德州平原縣。見此處桑麻映日。禾稼連天。問其故。原來是
劉關張弟兄三人。在此爲理。某想來。若得了他弟兄三人。到於虎牢關。愁甚麼呂布不破。我如今
相訪玄德公。走一遭去。我若見了此人。自有箇主意。來到也。左右人接了馬者。令人報復去。道曹
參謀下馬也。〔卒子云〕理會的。〔報科〕〔云〕報的大人得知。有曹參謀下馬也。〔劉末云〕道有請。

〔卒子云〕理會的。有請。〔曹操見劉末科〕〔劉末云〕參謀數載不能相見。今日貴腳踏於賤地也。〔曹操云〕玄德公。自京華一別。忽經數載。光陰迅速。間別無恙也。〔劉末云〕參謀何往。〔曹操云〕小官前往青州催運糧草去。路打此德州平原縣經過。見此處桑麻映日。禾稼連天。說玄德公在此爲理。小官想來。今有呂布威鎮於虎牢關下。搦天下十八路諸侯相持。不會得呂布半根兒折箭。您弟兄三人。若到於虎牢關。戰退了呂布。自有加官賜賞。不強似在此處爲理也。〔劉末云〕參謀。爭奈俺手下兵微將寡。怎生破的呂布。並然去不的也。〔曹操云〕二位將軍安在。〔劉末云〕兩箇兄弟。巡邊境去了也。〔曹操云〕等二位將軍來時。報復我知道。〔卒子云〕理會的。〔正末同關末上〕〔關末云〕家住蒲州是解良。面如掙聚美髯長。青龍寶刀吞獸口。姓關名羽字雲長。某姓關名羽字雲長。蒲州解良人也。大哥姓劉名備字玄德。大樹樓桑人也。三兄弟姓張名飛字翼德。涿州范陽人也。俺弟兄三人。自桃園結義之後。宰白馬祭天。殺烏牛祭地。不求同日生。只願當日死。一在三在。一亡三亡。自破黃巾賊張角之後。謝聖人可憐。加俺大哥爲德州平原縣縣令。某爲馬弓手。三兄弟爲步弓手。俺二將巡綽邊境以回。無甚事。見大哥走一遭去。〔正末云〕哥也。似這般閑居。幾時是了也呵。〔關末云〕兄弟。俺這等閑居的。倒大來好悠哉也呵。〔正末唱〕

〔仙呂點絳脣〕每日家赤閑白閑。虎軀慵懶。〔關末云〕兄弟。俺頗攻遁甲之書。久後必有

大用也。〔正末唱〕攻書晚。厮琅琅頓劍搖環。〔關末云〕兄弟。便好道奮發有時。休得心困也。〔正末唱〕哥也。兀的不屈沉殺俺英雄漢。〔關末云〕大丈夫生於天地之間。必有崢嶸之日也。〔正末唱〕

〔混江龍〕每日家仰天長嘆。看別人荔枝金帶紫羅襪。〔關末云〕俺這大哥哥。雖爲縣令。頗得民心也。〔正末唱〕則俺大哥哥。雖不稱這綠袍槐簡。生熬的他皓首蒼顏。無福受掛印懸牌金頂帳。則有分手投筆班超玉門關。〔關末云〕俺大哥哥心懷異志。必有拜相封侯之日也。〔正末唱〕我則待要將臺上受拜。您怕的是頓劍下遭誅。〔關末云〕兄弟也。便好道君子待時守分也。〔正末唱〕則俺這二哥哥能把俺這軍心憚。〔關末云〕想昔日韓信。若不是蕭何三薦。豈有登壇之日也。〔正末云〕韓信。〔唱〕他可甚莅官清吉。〔關末云〕俺閑居的。倒大來是悠哉也。〔正末云〕哥也。俺閑則閑。〔唱〕則落的箇人馬平安。〔關末云〕三兄弟。俺來到縣衙門首也。〔正末云〕這馬是誰的馬。〔卒子云〕是曹參謀的馬。〔正末云〕哥。俺見參謀去來。〔關末云〕三兄弟。原來是誰。曹參謀。他是箇足智多謀的人。他來俺這縣衙裏。必有箇主意。三兄弟。這曹參謀。俺見了他呵。少要說話。你則依着您哥哥者。小校報復去。說俺兩箇兄弟。巡綽邊境回來了也。〔卒子云〕理會的。〔報科〕〔云〕有二位將軍下馬。

了也。〔劉末云〕你說去。有曹參謀在此。着他把體面着過來。〔卒子云〕理會的。二位將軍。有曹參謀在此。着你每把體面過去。〔關末同正末見科〕〔劉末云〕兩箇兄弟。參謀在此。把體面。〔曹操云〕二位將軍恕罪。〔關末云〕呀呀呀。參謀。自京華一別。忽經數載。光陰迅速。有勞參謀貴脚來踏賤地。實乃俺弟兄三人之萬幸也。〔正末云〕喏。參謀爲何至此也。〔曹末云〕將軍不知。今有呂布。威鎮於虎牢關。天下十八路諸侯。不曾得呂布半根兒折箭。我想來憑着您弟兄三人刀馬武藝。到於虎牢關。破了呂布。愁甚麼高官不做。不強似您在此爲理。將軍意下若何。〔正末云〕左右那裡。與我鞍馬者。〔劉末云〕兄弟。鞍馬往那裡去。〔正末云〕我戰呂布去。〔曹操云〕不枉了好將軍也。〔劉末云〕住住住。三兄弟。你好燥暴也。十八路諸侯。不曾贏的呂布半根兒折箭。量俺弟兄三人。兵微將寡。怎敢與他相持。並然去不的。〔關末云〕住住住。參謀。想呂布是一員虎將。威鎮於虎牢關。搦戟勒馬。聚雄兵十萬。健將八員。天下十八路諸侯。與呂布交鋒。不曾贏的他戟尖點地。馬蹄兒倒那。想俺弟兄三人。兵微將寡。難以拒敵。俺斷然去不的也。〔正末云〕哥也。不趁着這箇機會兒去呵。久以後敢遲了也。〔唱〕

〔油葫蘆〕少不的一事無成兩鬢斑。怎時節後悔晚。〔關末云〕我想這爲官的。不如閑居倒好也。〔正末唱〕做甚早算來名利不如閑。〔劉末云〕兄弟。俺如何去的也。〔正末唱〕大

哥哥。你不肯將男子功名幹。〔關末云〕俺又不曾兵書戰策。斷然不敢去也。〔正末唱〕二哥哥你枉將左傳春秋看。〔關末云〕依着兄弟主意如何。〔正末唱〕我則待惡戰在殺場軍陣中。您則待高臥在竹離茅舍間。似恁的幾年間夢見周公旦。您則待要睡徹日三竿。〔劉末云〕天下諸侯。不會贏的呂布半根兒折箭。量俺到的那裡也。〔正末唱〕

〔天下樂〕哥也幾時能殺鐵甲將軍夜過關。若是今也波番。今番到那兩陣間。〔關末云〕呂布英雄。則怕兄弟難敵他麼。〔正末唱〕但贏的我這馬蹄兒倒褪可也難上難。〔關末云〕三兄弟。你堅意要去。與呂布相持廝殺。兩陣之間。憑着您甚麼武藝。敢與他交鋒。〔正末唱〕咳心裏手搭着槍。殺場上硬睜着眼。哥也敢戰兀那三千合。我也不倦憊。〔劉末云〕兄弟。想呂布世之虎將。十八路諸侯。不能取勝。量俺弟兄三人。也敵不住那呂布也。

〔正末唱〕

〔那吒令〕不是這箇張翼德。我觀呂溫侯似等閑。〔關末云〕他使一枝方天畫戟戟。好生利害也。〔正末唱〕則我這條丈八矛。將方天戟來小看。〔關末云〕騎一匹捲毛赤兔馬。好生驍劣也。〔正末唱〕跨下這匹豹月烏。不刺刺把赤兔馬來擋翻。〔劉末云〕破呂布憑着您些甚麼那。〔正末唱〕憑着我這捉將手挾人慣。兩條臂有似的這攔關。〔劉末

云〕兩陣對圓。旗鼓相望。則怕你贏不得他麼。〔正末唱〕

〔鵲踏枝〕上陣處磕搭地。搭住獅蠻。交馬處滴溜撲摔下雕鞍。直殺的他敗將投降。戰馬空還。敗殘軍將追也。那後趕。他每可都撇漾了些金鼓旗旛。〔曹操云〕玄德公。您這裡有多少人馬。報箇總數來。〔劉末云〕量劉備官小職微。那裡得那人馬來。並然去不的也。〔正末唱〕

〔寄生草〕俺這裡衙門靜。活計艱。每月家俸錢剛把他這家私辦。除公田又無甚別積。都是些箇擎鞭執帽關西漢。〔曹操云〕破呂布可用多少人馬。〔正末唱〕戰呂布輕弓短箭。俺三人哥也何消的錦衣繡襖軍十萬。〔曹操云〕那呂布十分英勇。你敢近不的他麼。〔正末唱〕

〔河西後庭花〕哥也。我題起那厮殺呵。也不打慳。天生的忒耐煩。我則待渴飲刀頭血。困來在這馬上眠。要活的呵。將那厮臂牢拴。要死的呵。將那厮天靈來打爛。兩莊兒由元帥揀。〔劉末云〕既然兄弟堅意的要去參謀。俺到那裡。則怕不用俺麼。〔曹操云〕三位將軍。既然要去呵。我修一封薦章。到於虎牢關下。見了孫堅元帥。他若見是我的書呈。必然重用也。〔劉末云〕多謝了參謀。則今日持着書呈。領本部下人馬。便往虎牢關去也。〔正

末云。則今日便索長行也。〔唱〕

〔尾聲〕十載武夫閑。〔九原本趙校旁注久字〕得兵書看。八卦陣如同等閑。七禁令將軍我小

看。六丁神不許將我遮攔。者麼是五雲間。四壁銀山。三姓家奴。恁意兒反。〔關末

云〕兄弟。想呂布十分英勇。又有八健將。則怕你難敵麼。〔正末唱〕二哥哥你休將我小看。

憑着我這一生得村漢。〔關末云〕兄弟也。兩陣之間。你可怎生交馬也。〔正末唱〕我可敢半

空中。滴溜撲翻過那一座虎牢關。〔正末同劉末關末下〕〔曹操云〕誰想今日舉薦劉關張

弟兄三人。到於虎牢關下。必然破了呂布。某不敢久停久住。催運糧草。走一遭去。呂布雄威鎮虎

牢。關張劉備顯英豪。三人竭力行忠孝。方顯忠良輔聖朝。〔領卒子下〕

第二折

〔呂布領卒子上〕〔云〕跨下征驄名赤兔。手中塞戟號方天。天下英雄聞吾怕。則是我健勇神威

呂奉先。某姓呂名布字奉先。乃九原人也。幼而習文。長而演武。上陣使一枝方天戟。寸鐵在手。萬

夫不當之勇。〔之勇趙校刪〕片甲遮身。千人難敵之威。〔之威趙校刪〕先拜丁建陽爲父。一日丁建陽令吾濯足。丁

建陽左足上有一玄瘤。某問其故。足生一瘤者何也。丁建陽言曰。足生一瘤者。有五霸諸侯之分。

某暗想你足生一瘤。尙有五霸諸侯之分。某足生雙瘤。我福分更小似你那。某綽金盆在手。一金

盆打殺了丁建陽。就乘騎捲毛赤兔馬。疑有脫文後拜董卓爲父。董卓乃隴西人氏。姓董名卓字仲英。

生的肌肥肚大。臍盛七季。以高三尺。氣吹簾凹。坐綽飛燕。步走如飛。力能奔馬。俺父子二人。名壓天下英雄。某統領十萬雄兵。威鎮在虎牢關下。漢家聚十八路諸侯。不曾得某半根兒折箭。別的諸侯。都與我交鋒過。惟有長沙太守孫堅。不曾與某交戰。下將戰書去。單搦長沙太守孫堅。與吾交戰也。跨下忙騎赤兔馬。方天戟上定江山。殺的那血水有如東洋海。放心死屍骸填滿虎牢關。

〔下〕〔淨扮孫堅領卒子上〕〔云〕朝中宰相五更冷。鐵甲將軍都跳井。則有一箇跳不過。跌在裏面撲簌簌。某乃孫堅是也。自從與呂布交戰之後。這裡也無人。我喫他說出我一莊病來。但聽的呂布索戰。諛的我便肚裏頭疼。上瀉下吐。今有曹參謀。青州催運糧草去了。不見回來。小校轅門首觀者。但有軍情事。報復我知道。〔卒子云〕理會的。〔劉末同關末正末上〕〔劉末云〕兄弟也。俺來到這元帥府也。這裡可不比俺那德州平原縣。使不的你那操暴。〔關末云〕哥哥說的是。你則休操暴。〔劉末云〕兄弟。你則依着我者。小校報復去。有桃園三士。在於門首。〔卒子云〕你則這裡有者。〔做報科〕〔云〕喏。報的元帥得知。有桃園三士。在於門首。〔孫堅云〕今年果子准貴。偌大箇桃園。則結了三箇柿子。〔卒子云〕不是了。他是三箇人。〔孫堅云〕問他是甚麼職役。〔卒子云〕理會的。你是甚麼職役。〔劉末云〕一箇是德州平原縣縣令。一箇是馬弓手。一箇是步弓手。〔孫堅

云。他不往兵馬司裏去。來我這裡。有甚麼勾當。卒子云。不是。是他的官職。孫堅云。你可說弓手。你問他。是諸侯。便過去。不是諸侯。不要過去。卒子云。理會的。問科。云。元帥將令。是諸侯。便過去。不是諸侯。不要過去。正末云。哥哥走了馬也。劉末云。在那裡。正末打卒子科。

〔劉備攔科〕云。兄弟休暴躁。正末云。哥也放手。唱。

〔雙調新水令〕則俺這大哥哥。雖不曾道做諸侯。他更歹歹殺者波。他須是中山靖王之後。你莫不是胎胞兒裏傳將令。搖車兒上做諸侯。兀的不氣堵住我咽喉。哥也赤緊的君子落在您這小兒彀。卒子云。哎。我兒也。你打了也罷。罵了也罷。你又罵俺元帥。我見俺元帥去。元帥的將令。說是諸侯的便過去。不是諸侯的休過去。一箇大眼漢。他說哥走了馬也。把我擎住。打了一頓。他又罵元帥。他說君子落在小兒彀。他倒是君子。元帥你倒是小兒。孫堅云。他倒是君子。我倒是小兒。傳着我的胎骨。卒子云。是台旨。孫堅云。吓。是台旨。着他在轅門外。手捏鞋鼻。打躬施禮。一日不得元帥將令。一日不要放起來。二日不得元帥將令。二日不要放起來。三日不得元帥將令。三日不要放起來。你說去。關前誅董卓。不用綠衣郎。卒子云。理會的。兀那三那三箇。您聽者。元帥的將令。着您三箇在轅門外。手捏鞋鼻。打躬施禮。一日不得元帥將令。一日不許起來。二日不得元帥將令。二日不許起來。三日不得元帥

將令。三日不許起來。您聽者。關前誅董卓。不用綠衣郎。打躬打躬。〔劉末云〕兄弟可怎了也。〔正末云〕哥也。做甚麼。〔劉末云〕元帥將令。着俺打躬哩。〔正末云〕好波。二位哥。你打躬。我則輪龍頭。〔劉末云〕那箇打躬。似那小頑童。背不過書來。手捏鞋鼻。打躬施禮。兄弟。咱打躬者。〔正末云〕平身。〔劉末云〕誰說來。〔正末云〕我說來。〔劉末云〕好自在性兒也。〔正末云〕哥也。假似一日不得將令呵呢。〔劉末云〕一日不得起來。〔正末云〕假似二日不得將令呵呢。〔劉末云〕二日不得起來。〔正末云〕假似三日不得將令呵呢。〔劉末云〕三日不得起來。〔三科了〕〔正末云〕假似一年不得他將令呵呢。〔劉末云〕那得箇一年的理來。兄弟也。元帥將令。俺打躬者。〔正末唱〕

〔駐馬聽〕我可甚麼高枕無憂。空抄定拽硬弓。擲長槍阿。吓。我這對捉將手。我可甚麼低頭來切肉。怒睜開我這辨風雲。別氣色。這一對殺人眸。大哥哥羞慚替他羞。二哥哥受苦甘心受。我則怕掉下一箇樹葉兒來呵。我則怕倒打破您那頭。〔云〕長沙太守孫堅。〔唱〕怎麼來。早是非只爲多開口。〔劉末云〕兄弟。不可多言也。

〔正末唱〕

〔鴈兒落〕往常我觀雲間鳥兔走。今日箇看地下蚍蜉鬪。姜太公渭水河邊執着釣鈎。今日箇輪到俺轅門外打鼻鈕。〔劉末云〕俺在人矮簷下也。〔正末唱〕

〔得勝令〕哥也更兀則這裡怎敢不低頭。似怎的幾時得到摘星樓。別人去省部裏標了名姓。哥也赤緊的俺縣衙裏無甚解憂。〔劉末云〕但得箇大小官職也罷。

〔正末唱〕但得箇知州。也是我不待屈不能穀。〔劉末云〕哎喲哎喲。〔正末唱〕哎喲屈的我冷汗便似澆流。〔云〕劉關張弟兄三人。破一百萬黃巾賊。臨了在轅門外。與別人打躬。

〔唱〕我可甚麼男兒得志秋。〔卒子云〕平身。可不早說。喏。報的元帥得知。呂布索戰。〔孫堅云〕

我肚裏疼了。〔正末云〕哥也走了馬也。〔劉末云〕在那裡。〔正末見孫堅科〕〔云〕喏。我醫元帥肚裏疼也。〔孫堅云〕你要醫我的病。好箇醜太醫。你有甚麼名方妙藥。治我的病。你試說一遍。我試聽者。〔正末唱〕

〔夜行船〕你可甚麼一心分破帝王憂。〔云〕聽的道呂布索戰。哎喲我好肚裏疼也。〔唱〕

你嘴碌都恰便似跌了彈的斑鳩。似鬼綽了你眼光膠黏住你口。你暢好是懦弱氣。十八路諸侯。你乾請了皇家俸。你可是羞也。那是不羞。我則道你是衝鋼。糊。吓。你原來是箇蠟槍頭。〔孫堅云〕這厮好無禮也。他說道我是蠟槍頭。着軟的。撲。就過

去了。着硬的。就捲回來了。小校。掣出去殺壞了者。〔卒子云〕理會的。〔做斬正末科〕〔劉末云〕似此呵怎了也。〔曹操上〕〔云〕某乃曹參謀是也。催運糧草已回。來到元帥府門首也。左右接了

馬者呀呀呀。玄德公三將軍爲甚麼來。〔劉末云〕參謀。張飛不知爲何。衝撞着元帥。要斬張飛。參謀。怎生救張飛一命。可也好也。〔曹操云〕刀斧手且留人者。小校報復去。道有曹參謀下馬了也。〔卒子云〕報的元帥得知。有曹參謀下馬也。〔孫堅云〕道有請。〔卒子云〕理會的。有請。〔做見科〕〔曹操云〕元帥。坐帥府不易也。〔孫堅云〕參謀。鞍馬上勞神也。〔曹操云〕元帥。曾有甚麼英雄好漢來麼。〔孫堅云〕沒有。〔曹操云〕曾有桃園三士。〔孫堅云〕甚麼桃園三士。〔曹操云〕是劉關張弟兄三人。〔孫堅云〕並無甚麼劉關張。〔曹操云〕爲何要殺壞張飛來。〔孫堅云〕吓。哦。是那大眼漢無禮。他說大話。君子落在小兒彀。他是君子。我是小兒。這箇也不打緊。我一陣肚裏疼。他來醫我的病。他罵我做蠟槍頭。我是箇元帥。他罵我。因此上要殺壞了他也。〔曹操云〕俺不會與呂布交戰。先斬了一員上將。做的箇於軍不利。看小官之面。饒過張飛。可也好也。〔孫堅云〕看着參謀的面皮。我饒了他。〔曹操云〕謝了元帥。小官的薦章。元帥曾見來麼。〔孫堅云〕若有薦章來時。我可用度了他也。着他一箇箇過來。〔曹操云〕小校喚過那姓劉的來。〔卒子云〕姓劉的將軍過來。〔劉末云〕喏。小官劉備。〔孫堅云〕大河裏淌下臥單來。可知流被哩。我認的你。大樹樓桑人也。你家裏孤窮。織席編履。你賣草鞋。我穿了你一雙草鞋。還不會與你鈔哩。靠後。〔曹操云〕喚過那姓張的來。〔卒子云〕張將軍過來。〔正末見科〕〔云〕喏。張飛。〔孫堅云〕你是張飛。開了吊窗。着他

飛。可又飛不的。我認的你。你是涿州范陽人氏。你賣肉爲生。爛頭巾廚子出身。我曾問你買了副血臟喫來。靠後。〔關末做搬科〕〔云〕踏了關某脚也。〔孫堅云〕神道許了三牲還不曾饗哩。〔卒子報科〕〔云〕喏。報的元帥得知。有呂布索戰。〔曹操云〕元帥。呂布索戰。怎生帶張飛出去。可也好也。〔孫堅云〕我與呂布交鋒。着他弟兄三人跟我去。可那裡用他好。〔曹操云〕元帥。與他每一箇執事。〔孫堅云〕看着參謀面皮。着他去。可則怕帶累我。姓劉的。你是糧草大使。姓關的。你是糧草副使。〔正末云〕元帥。我是甚麼職事。〔孫堅云〕你做箇打陣將官掠陣使。〔正末云〕元帥。張飛廝殺了一世。不知怎生是打陣將官掠陣使。〔孫堅云〕你可又不省的。我當先殺了活的。剩下死的。你割他那鼻子耳朵來。元帥府裏獻功來。我殺活的。你殺死的。〔正末云〕我殺活的。你殺死的。〔孫堅云〕我殺活的。你殺死的。〔正末云〕我殺活的。你殺死的。〔孫堅云〕你殺活的。我殺死的。吓顛倒了我的也。〔曹操云〕張飛。此一去小心在意者。〔正末云〕參謀。你放心也。〔劉末云〕兄弟。小心在意者。〔正末唱〕

〔尾聲〕你看我水磨鞭帶合額打綻那賊臣口。我這點鋼槍抹挑皮喫一會生人肉。直殺的他馬困人乏。端的籬響軍收。暢道是與那濯足家奴來來來和爺兩箇單挑鬪。到來日不刺刺馬打過交頭。我着他綽見這箇張飛撲碌碌着那

斷望風兒走。〔下〕〔孫堅云〕張飛去了也。劉備。你爲糧草大使。就統領本部下人馬。與呂布交戰。走一遭去。小心在意者。〔劉末云〕得令。某統領本部下人馬。與呂布交戰。走一遭去。傳令三軍不憚勞。頂盔擐甲與披袍。兩口龍泉扶社稷。一腔鮮血報皇朝。〔下〕〔孫堅云〕關雲長。撥與你三千人馬。你爲糧草副使。則要你得勝而回者。〔關末云〕得令。則今日與呂布相持廝殺。走一遭去。驅軍校敢戰相爭。衆將士顯耀威風。統雄兵揚威耀武。傳將令盡按軍情。人人似爬山猛虎。箇箇如出海蛟龍。中軍帳三軍聽令。擒賊將先建頭功。〔下〕〔孫堅云〕參謀使緊守營寨。我領人馬。與呂布交戰。走一遭去。大小三軍。聽吾將令。到來日瘦馬不得馳驟。破鑼不得亂鳴。不許交頭說話。不得語笑喧呼。三通鼓罷。拔寨而起。若少一箇。就罰你去惜薪司裏擡炭担。你知道了麼。到來日大小軍校。還搗搜。今朝一日統戈矛。若還兩家對敵住。一齊下馬打筋兜。交橫十字地下滾。由他刀砍血流。今世裡隨他殺了俺。那世裡慢慢的報冤讎。〔同卒子下〕〔曹操云〕劉關張去了也。左右將馬來。我直至虎牢關下。看元帥與呂布交戰。走一遭去。虎將排兵到陣前。鑼鳴鼓響震天喧。孫堅元帥施英勇。必破奸臣呂奉先。〔下〕

楔子

〔淨孫堅領卒子上〕〔云〕某孫堅是也。大小三軍。擺開陣勢。依着我先擺箇衝鋒陣。〔卒子云〕元

帥。怎麼叫做衝衝陣。(孫堅云)把這馬軍擺在一邊。把步軍擺在一邊。中間裡留一條大路。我若輸了好跑。擺開陣勢。塵土起處。呂布敢待來也。(呂布領卒子上)(云)某乃呂布是也。領着本部下人馬。與孫堅相持廝殺。走一遭去。大小三軍。擺開陣勢。兀那塵土起處。敢是孫堅來了也。(孫堅云)你來者何人。(呂布云)你聽者。呂奉先是你的爹爹。(孫堅應科)(云)哦。風大聽不見。(呂布云)我是你爹爹。(孫堅云)哦。風大聽不見。(呂布云)呂布。是你爹爹。(孫堅云)哦。你怎生是我爹爹。(呂布云)嘿。你來者何人。(卒子云)元帥。他罵陣哩。你還他大着些。(孫堅云)某乃長沙太守孫堅。是你孫子哩。(卒子云)你怎麼不做大。怎麼與他做孫子。(孫堅云)你那裡知道。常贏了便好。若輸了呵。拏住要殺。他便饒了道是我孫子哩。(卒子云)他也殺了。(做調陣子科)(孫堅云)我近不的他。走了罷。走走。(下)(呂布云)孫堅走了也。這廝合死。不往本陣中去。他落荒的走了也。有你走處。有我趕處。走到天涯。趕到海角。不問那裡趕將去。(下)(孫堅上)(云)走走。被呂布殺的我魂靈兒也無了。近不的他。兀的一所密林。我入的這密林來。一棵枯樹。我脫下這衣甲頭盔來。拴在這樹上。按孫武子兵書曰。是脫殼金蟬計。呂布趕將來。則道是我。擲上一戟。寸鐵入木。九牛難拔。投到他拔出戟來。我走過蘆溝橋去也。(下)(呂布上)(云)某乃呂布是也。孫堅與某交戰。近不的某。走了。某緊趕着。往這密林中去了。我入的這密林中來。兀的不是孫堅。

着這厮喫我一戟。可怎生其屍不倒。哦。原來是脫殼金蟬計。他走了也。寸鐵入木。九牛難拔。我拔出這戟來。將着這衣袍鎧甲去。俺父親跟前獻功去。楊奉安在。〔淨楊奉上〕〔云〕則我是楊奉。厮殺全沒用。每日跟元帥。陣前聽將令。某乃楊奉是也。我正在帳房裏喫飯。有元帥呼喚。不知有甚事。可早來到也。我自過去。〔見科〕〔云〕元帥呼喚楊奉那廂使用。〔呂布云〕楊奉。我殺敗了孫堅也。走入這密林中。他用脫殼金蟬計。脫下他的衣袍鎧甲。走了也。你擎着他這衣袍鎧甲。先去父親跟前報功去。我將這敗殘軍校。殺了便來也。你小心在意者。〔楊奉云〕得令。〔呂布云〕軍器叢中分外別。擎住孫堅馬上挾。饒君更披三重鎧。寶劍剝做兩三截。〔下〕〔楊奉云〕我擎着孫堅太守的衣袍鎧甲。元帥府裏獻功。走一遭去。〔正末領卒子冲上〕〔云〕來者何人。〔楊奉云〕我是呂布手下八健將楊奉是也。〔正末云〕你將着的是甚麼東西。〔楊奉云〕我擎着的是孫堅的衣袍鎧甲。將着元帥府裏獻功去也。〔正末云〕將來與我。〔楊奉云〕好說。你倒省氣力也。你要。我怎麼與你。〔正末云〕你真箇不與我。我則一槍。〔楊奉云〕老叔。你要時你擎了去罷。這衣袍鎧甲。你擎便擎了去罷。你則通箇名。顯箇姓。你是誰。我到元帥府裏。好回話去也。〔正末云〕兀那厮。你聽者。

〔唱〕

〔賞花時〕你那厮丁建陽身亡可也不駕車。去你那董卓跟前深唱喏。〔楊奉云〕

老叔。你去便去。通名顯姓者。〔正末唱〕我是您呂布的第二箇爺爺。〔楊奉云〕可知道呂布利害哩。他還有這麼一箇老子哩。你姓甚名誰。〔正末唱〕張飛可便是也。到來日兒出馬。可兀的搗您爹爹。〔下〕〔楊奉云〕你來。你來。可怎麼好。衣袍鎧甲。被他掣的去了。我也不敢久停久住。元帥府裏回話那。走一遭去。〔下〕

第三折

〔呂布領卒子上〕〔云〕紫金冠。分三叉。紅抹額。茜紅霞。絳袍似烈火。霧鎖繡團花。袋內弓彎如秋月。壺中箭插衝鋼鐵。跨下南海赤征驄。匣中寶劍常帶血。聲名揚四海。英勇戰三傑。相貌無人比。文高武又絕。畫戟橫擔定。威風氣象別。某乃呂布是也。昨日孫堅與某交戰。不到二十餘合。近不的我。撞入密林。脫殼金蟬計。走了也。某得了衣袍鎧甲。着楊奉去俺父親跟前獻功去了。不見回話。小校關上看者。這其間敢待來也。〔淨楊奉上〕〔云〕見元帥回話去。可早來到也。不必報復。我自過去。〔見科〕〔楊奉云〕元帥禍事也。〔呂布云〕禍從何來。你將着衣袍鎧甲。獻與俺父親。他說甚麼來。〔楊奉云〕我領着元帥將令。將着衣袍鎧甲。正走中間。可的撞着箇大眼漢當住我。他說你掣的是甚麼東西。我說我是呂布手下八健將楊奉。我掣的是孫堅太守的衣甲頭盔。我去元帥府裏獻功去也。他說道。將來與我。我說不與你。他說你不與我。我則一槍。說的我那戰。我說

老叔。你要便拏了去罷。我就丟下。他拏了去也。〔呂布云〕是誰奪將去了。〔楊奉云〕我問他來。我說你通名顯姓。你可姓甚名誰。〔做意兒科〕〔云〕等我想。哦。想起來了。〔唱〕丁建陽身亡不駕車。〔呂布云〕喂。你怎麼唱。〔楊奉云〕他是這等唱來。〔唱〕董卓跟前深唱喏。〔做伯科〕〔云〕可不好說的。是他說來。不干我事。〔呂布云〕他說甚麼來。〔楊奉唱〕他說我是呂布的第三箇爺爺。〔呂布云〕他怎生是我的爺爺。〔楊奉云〕我還是第四箇老子哩。〔唱〕張飛可便是也。到來日兒出馬。搦您爹爹。〔云〕我可想起來了也。元帥是張飛奪的去了也。〔呂布云〕頗奈張飛無禮。我和你往日無冤。近日無讐。你將衣袍鎧甲奪的去了。又在某跟前稱爺道字。更待干罷。下將戰書去。單搦張飛與某相持廝殺。走一遭去。與我喚將李肅來者。〔卒子云〕理會的。李肅安在。〔李肅上〕〔云〕胸中韜略運機籌。箭插寒星射斗牛。帷幄之中施巧計。坐間談笑覓封侯。某乃李肅是也。今佐於呂奉先麾下。爲八健將之職。十八般武藝。無有不拈。無有不曾。寸鐵在手。有萬夫不當之勇。坐籌帷幄之中。決勝千里之外。每回臨陣。無不幹功。正在教場中操兵練士。元帥呼喚。不知有甚事。須索走一遭去。可早來到也。小校報復去。道有李肅來了也。〔卒子云〕理會的。〔報科〕〔云〕喏。報的元帥得知。有李肅來了也。〔呂布云〕着他過來。〔卒子云〕理會的。過去。〔李肅見科〕〔云〕元帥呼喚李肅。那廂使用。〔呂布云〕且一壁有者。小校與我喚將侯成來者。〔卒子云〕理會的。侯成

安在〔侯成上〕〔云〕六韜三略顯威風。排兵布陣統三軍。驅兵領將施謀略。答報吾皇爵祿恩。某八健將侯成是也。佐於呂布手下爲將。正在校場中操兵練士。元帥呼喚。不知有甚事。須索走一遭去。可早來到也。小校報復去。道有侯成來了也。〔卒子云〕理會的。〔報科〕〔云〕喏。報的元帥得知。有侯成來了也。〔呂布云〕着他過來。〔卒子云〕理會的。着過去。〔侯成見科〕〔云〕元帥呼喚侯成。那廂使用。〔呂布云〕且一壁有著。小校喚將李儒來者。〔卒子云〕理會的。李儒安在。〔李儒上〕〔云〕深通武藝顯英豪。出馬交鋒殺氣高。陣前敢與敵兵戰。忘生捨死建功勞。某八健將李儒是也。佐於呂奉先麾下爲將。某深通兵書。廣知戰策。每回臨陣。無不幹功。正在帳下演習韜略之書。元帥呼喚。不知有甚事。須索走一遭去。可早來到也。小校報復去。道有李儒來了也。〔卒子云〕理會的。〔報科〕〔云〕喏。報的元帥得知。有李儒來了也。〔呂布云〕着他過來。〔卒子云〕理會的。着過去。〔見科〕〔李儒云〕元帥呼喚俺八健將。有何將令。〔呂布云〕且一壁有著。小校與我喚將高順來者。〔卒子云〕理會的。高順安在。〔高順上〕〔云〕三十男兒鬚未斑。好將英勇展江山。馬前自有封侯劍。何有區區筆硯間。某乃高順是也。佐於呂布手下爲八健將之職。正在教場中操兵練士。今有元帥呼喚。不知有甚事。須索走一遭去。可早來到也。小校報復去。道有高順來了也。〔卒子云〕理會的。〔報科〕〔云〕喏。報的元帥得知。有高順來了也。〔呂布云〕着他過來。〔卒子云〕理會

的着過去。〔見科〕〔高順云〕元帥呼喚某那廂使用。〔呂布云〕且一壁有者。小校喚將何蒙來者。〔卒子云〕理會的。何蒙安在。〔何蒙上〕〔云〕英雄大將有聲名。南征北討苦相爭。博得青史標名姓。圖像麒麟第一人。某乃何蒙是也。十八般武藝。無有不拈。無有不曾。寸鐵在手。有萬夫不當之勇。佐於呂布麾下爲將。元帥呼喚。不知有甚事。須索見元帥去。可早來到也。小校報復去。道有何蒙來了也。〔卒子云〕理會的。〔報科〕〔云〕喏。報的元帥得知。有何蒙來了也。〔呂布云〕着他過來。〔卒子云〕理會的。着過去。〔見科〕〔何蒙云〕元帥呼喚何蒙。那廂使用。〔呂布云〕你且一壁有者。小校喚將陳廉來者。〔卒子云〕理會的。陳廉安在。〔陳廉上〕〔云〕武藝精熟。智量能排。兵布陣顯威風。坐籌帷幄。真壯士。決勝千里。定輸贏。某乃大將陳廉是也。因某威風赳赳。狀貌堂堂。正在教場中操兵練士。元帥呼喚。不知有甚事。須索走一遭去。可早來到也。小校報復去。道有陳廉來了也。〔卒子云〕理會的。〔報科〕〔云〕喏。報的元帥得知。有陳廉來了也。〔呂布云〕着他過來。〔卒子云〕理會的。着過去。〔見科〕〔陳廉云〕元帥呼喚小將。那廂使用。〔呂布云〕且一壁有者。小校喚我喚將韓先來者。〔卒子云〕理會的。韓先安在。〔韓先上〕〔云〕幼小曾將武藝習。南征北討慣相持。臨軍望塵知敵數。對壘嗅土識兵機。某乃韓先是也。佐於呂布麾下。爲八健將。今有元帥呼喚。不知有甚事。須索走一遭去。可早來到也。小校報復去。道有韓先來了也。〔卒子云〕理會的。

〔做報科〕〔云〕喏。報的元帥得知。有韓先來了也。〔呂布云〕着他過來。〔卒子云〕理會的。着過去。〔韓先見科〕〔云〕元帥。呼喚韓先。有何將令也。〔呂布云〕喚您來別無甚事。只因昨日孫堅與某交戰。近不的某。脫殼金蟬計走了。某着楊奉將着孫堅的衣袍鎧甲。去我父親跟前獻功去。不期被張飛奪的去了。又在某跟前稱爺道字。更待干罷。李肅。侯成。撥與你三千人馬。你爲前哨。與張飛相持廝殺去。小心在意者。〔李肅云〕得令。奉元帥將令。領三千人馬。與劉關張相持廝殺。走一遭去。到來日蕩散征塵。殺氣開。陣雲隊裏顯英才。鳴鑼擊鼓驚天地。征人戰馬踐塵埃。傍牌遮箭魚鱗砌。硬弩雕弓密密排。輕舒捉將挾人手。放心我生擒賊寇獻功來。〔下〕〔侯成云〕奉元帥將令。領三千人馬。與劉關張相持廝殺。走一遭去。砲響催軍起大營。人人奮勇顯英雄。人如越嶺爬山虎。馬似翻江出水龍。弓箭鏃鏃如流水。槍刀劍戟若寒冰。拏住三軍親殺壞。方顯男兒建大功。〔下〕〔呂布云〕李儒。高順。撥與你三千人馬。截殺劉關張去。小心在意者。〔李儒云〕得令。統領本部下人馬。與劉關張交戰。走一遭去。大小三軍。聽吾將令。到來日東西列左軍右軍。前後擺合後先鋒。鴉翎般蹬開硬弩。秋月般拽滿雕弓。斬上將湯澆瑞雪。殺敵兵風捲殘雲。托賴着真天子百靈咸助。大將軍八面威風。〔下〕〔高順云〕則今日領三千人馬。與劉關張弟兄三人。相持廝殺。走一遭去。忙傳將令便長行。賞罰直正要公平。甲光燦燦如流水。槍刀閃爍若寒冰。人似南山白額。

虎馬如北海赤鬚龍。兩陣交鋒分勝敗。班師得勝獻頭功。〔下〕〔呂布云〕何蒙。陳廉。撥與你三千人馬。與劉關張交戰。小心在意者。〔何蒙云〕得令。奉元帥將令。領三千人馬。與劉關張相持廝殺。走一遭去。大小三軍。聽吾將令。到來日出馬當先臨陣中。施逞武藝顯威風。掃蕩征塵干戈息。試看今番建大功。〔下〕〔陳廉云〕得令。領三千人馬。與劉關張相持廝殺。走一遭去。大小三軍。聽吾將令。到來日百萬雄兵出帝都。齊排隊伍列征夫。銀盔燦燦紅纓舞。金甲輝輝襯戰服。撞陣衝圍能取勝。安營下寨善埋伏。敵軍拍馬聞風走。永保皇圖顯智謀。〔下〕〔呂布云〕韓先。楊奉。撥與你三千人馬。擒拏劉關張。小心在意者。〔韓先云〕得令。奉元帥將令。領兵擒拏劉關張。走一遭去。大小三軍。聽吾將令。鼓響鑼鳴軍將排。行雲靄靄繡旗開。散散金花衝陣角。騰騰殺氣罩賢才。馬如北海蛟出水。人似南山虎下崖。軍將未知多共少。捨死忘生戰敵來。〔下〕〔楊奉云〕得令。奉元帥令。領着人馬。趁打哄耍耍子兒。走一遭去來。大小三軍。聽吾將令。到來日統領雄兵不可遲。營裏先揀好馬騎。若還野外安營寨。則偷人家肥草雞。〔下〕〔呂布云〕衆將都去了也。某親率三軍。擒拏張飛。走一遭去。大小三軍。聽吾將令。到來日頗奈你箇環眼張飛。怎將我小覷低微。你罵我是三姓家奴。你不是關張劉備。不答話來回便戰。垓心內比並箇高低。輕舒我這挾人手段。活拏你箇莽撞張飛。〔下〕〔曹操同劉末關末上〕〔云〕某乃曹參謀是也。孫堅元帥。領三將軍張飛。與呂

布相持去了。未知輸贏。小校轅門首覷者。元帥來時。報復我知道。〔淨孫堅上〕〔云〕夾着無繮馬。兩脚走如飛。正是鞭敲金鐙響。我可甚人唱凱歌回。某乃孫堅是也。提起來惶恐。昨日着呂布殺的我魂不附體。早是我脫殼金蟬計走了。別人都不知道。則有張飛知道。我說我贏了。誰敢說甚麼來。到了也。〔見卒子科〕〔云〕小校報復去。說元帥得勝回營也。〔卒子云〕理會的。〔報科〕〔云〕喏。報的參謀知道。元帥得勝回營也。〔曹操云〕道有請。〔卒子云〕理會的。元帥有請。〔做見科〕〔曹操云〕元帥鞍馬上勞神也。〔孫堅云〕參謀。劍甲在身。不能施禮也。〔曹操云〕呂布安在。〔孫堅云〕呂布那厮不合死。我本待要活拏過來。他繫着一條多年的舊帶鞋爛了。他掙斷皮條走了。〔曹操云〕張飛安在。〔孫堅云〕張飛這早晚。敢着馬躍死了。〔劉末云〕噫。可怎了也。〔曹操云〕玄德公放心。張飛回來了。小校轅門首看着。若來時。報復我知道。〔卒子云〕理會的。〔正末領卒子上〕〔云〕小校將着衣袍鎧甲。收的牢者。元帥府裏白那厮箇處去。〔唱〕

〔中呂粉蝶兒〕又不敢東轉西移。守着那甲杖庫也不似這般費心勞力。將元帥那護身符在意收者。猛然間纔聽罷三通鼓播。猛可裡觀窺。我看那孫太守氣也那不氣。

〔醉春風〕惱的我惡向膽邊生。不由我怒從心上起。〔云〕我不惱他別。〔唱〕自從那

早晨間打躬到日平西。孫堅。那裡取這箇禮。道不的箇千戰千贏。百發百中。他則落的一人一騎。〔云〕小校報復去。道張飛來了也。〔卒子云〕理會的。〔報科〕〔云〕喏。張飛來了也。〔曹操云〕元帥。你聽的說麼。張飛回來了也。〔孫堅云〕你這廝。你眼花。敢錯認了他。敢不是他。着他過來。〔卒子云〕過去。〔正末見淨科〕〔孫堅唱喏科〕〔云〕三叔恕罪。你昨日見我和呂布廝殺來麼。〔正末云〕元帥。好廝殺。好廝殺。〔孫堅云〕怎麼好廝殺。〔曹操云〕張飛。元帥與呂布好相持麼。〔正末云〕好廝殺。不好廝殺。那軍前有兩句言語。是說的好。〔孫堅云〕人都說甚麼來。〔正末云〕他道人中呂布。馬中赤兔。一箇好呂布也。〔曹操云〕元帥。你聽的說麼。說道一箇好呂布哩。〔孫堅云〕參謀。呂布雖好。也則是他一人。敢問我可如何。〔正末云〕元帥。你也好。〔曹操云〕元帥。怎生也好。〔孫堅云〕也好。也者。呼爲好也。好之極。好張飛。那呂布怎生好。穿甚麼衣袍。披甚麼鎧甲。戴甚麼頭盔。騎甚麼鞍馬。使甚麼兵器。怎生打扮。你說與參謀試聽者。〔正末云〕我先說了呂布。後敷演元帥也。〔唱〕

〔迎仙客〕呂布那三叉紫金冠上翎。插着那雉鷄。他那百花袍。鎧是唐猊。那一匹衝陣馬。遠觀恰便似火炭赤。〔孫堅云〕他怎麼與我廝殺。使甚麼兵器來。〔正末唱〕垓心裏馬馱着人。鞍心裏手搭定戟。〔孫堅云〕我看來。那廝力怯膽薄也。〔正末唱〕覷了他

英勇神威。〔云〕那呂布似一員神將。〔孫堅云〕可是那一員神將。〔正末唱〕恰便似托塔李天王。下兜率臨凡世。〔孫堅云〕這箇是呂布了。我可怎生威嚴擺布。披袍擐甲。戎裝擐帶。結束威風。騎甚麼鞍馬。使甚麼兵器。老三。你賣弄的好了。打酒請你。〔劉末云〕元帥與呂布怎生交戰來。

你試說一遍者。〔正末云〕元帥你也狠那。〔孫堅云〕廝殺哩。說箇狠。可不道無毒不丈夫。〔正末唱〕

〔紅繡鞋〕見元帥惡狠狠手執着兵器。〔孫堅云〕可也古怪。我剛披掛了。我那會兒惱。不

知從那裡來。〔正末唱〕見元帥不鄧鄧氣吐虹蜺。〔云〕元帥你也似一員神將。〔孫堅云〕我似

那一員神將。〔正末唱〕恰便似護法諸天。可便立在門旗。〔孫堅云〕護法諸天。立在門旗。我

恰好不會動手也。〔正末云〕元帥昨日廝殺處。張飛眼花。不會見元帥甚麼披掛。〔唱〕元帥你那

虎筋絛。你勒來也。那不會勒。〔孫堅云〕我繫着來。〔正末唱〕龍鱗鎧。你披來也。那不

會披。〔孫堅云〕我披着來。〔正末唱〕則你那頂鳳翅盔。戴來也。那不會戴者。〔孫堅

云〕張飛。你說俺兩家在虎牢關下。怎生排兵布陣。吶喊搖旗。三將軍。你說與參謀聽波。〔曹操

云〕那壁廂呂布出馬。俺元帥臨陣。怎生與呂布相持來。〔正末云〕聽張飛慢慢的說一遍者。

〔唱〕

〔石榴花〕則聽的數聲寒角。一似老龍悲。撲簌簌的征鼙鼓響似震天雷。〔孫堅

云〕你可瞧見。我那一會兒傳令。怎麼支撥人馬來。〔正末唱〕馬軍步軍鞭梢一點鴈行齊。各排着陣勢。吶喊搖旗。〔孫堅云〕呂布出馬。教我就敵住他了。〔正末唱〕則見呂溫侯勒馬。垓心內。來來來。不怕死的與吾兩箇相持。見元帥你不刺刺縱馬到垓心內。您兩箇不答話便相持。〔孫堅云〕那一會兒惱哩。答甚麼話。恨不的一刀抓了他首級哩。看來那厮也慌了。〔正末唱〕

〔鬪鵲〕元帥閃霍霍。刀晃動銀蓋朱纓。呂溫侯赤力力戟擺動。那金錢豹尾。〔孫堅云〕早則還是我的刀哩。纔敵住他的戟。第二箇也輸在他手裡了。〔正末唱〕元帥將刀。斜斜。〔云〕那呂布見刀來。出的趨過。〔唱〕他將那戟尖。戟尖來便刺。〔孫堅云〕俺兩箇揪住袍。攢住帶。就攪成一團。打做一塊。怎麼肯放了他。饒了他。饒蝎子的娘哩。〔正末唱〕你兩箇一來一往。一上一下。有似飛。見元帥打鬧裡。〔云〕一箇道休來趕。休來趕。〔唱〕你可暗暗的私奔。〔云〕那呂布道住者。〔唱〕腦背後高聲。可使叫起。〔孫堅云〕參謀使。你可不會見那厮殺。兩匹馬滾在一處。我要下馬出恭。百忙裡拴了箇關門鎖絆住脚。急的我要不的。他叫我做甚麼來。〔正末唱〕

〔上小樓〕元帥將那脖驤枕者。呂溫侯將龍駒不勒。我則見二馬相交。嘴尾相

脚。不曾相離。見元帥你打鬧裡。先撞入林中趨避。〔孫堅云〕是村裏。〔正末云〕是林裏。

〔孫堅云〕是村裏。我覓涼漿喫去來。〔正末云〕是林裏。〔唱〕見放着孤椿上是你脫身之計。

〔孫堅云〕這厮怎麼瞧見來。你不知道。都是我那匹馬戀槽。把我就掉的走了。着我怎麼扯的住

呢。你可在那裡來。〔正末唱〕

〔么篇〕恰離了軍陣中。早來到林琅裏。可又早解開環帶。鬆開戎裝。脫下征衣。

呂溫侯他縱玉勒再趕到十里田地。〔孫堅云〕這箇是我使的計來。〔正末云〕你那計

〔唱〕廝殺不到兩三合脫的赤條條的。〔孫堅云〕這厮好無禮也。着言語譏諷我。你是一箇

掠陣使。別人都報了功也。你這早晚纔來。你有甚麼功勞。〔正末云〕張飛有功勞來。〔孫堅云〕有

甚麼功勞來。〔正末唱〕

〔滿庭芳〕昨宵晚夕。長空淡淡。涼月輝輝。張飛來往巡綽。擎住箇奸細。手中將

着幾件東西。〔孫堅云〕莫不是兩事家使的槍刀劍戟麼。〔正末唱〕也不是兩事家使的槍

刀劍戟。〔孫堅云〕可是甚麼那。〔正末云〕左右將來。〔做將衣甲頭盔丟在當面科〕〔唱〕那一箇

諸侯王的這衣甲頭盔。〔孫堅云〕哎。一箇好先生。買命算卦。說我不合破財。果然今日還

送將來了。〔正末唱〕謊的他一箇呆癡的。〔云〕元帥你不道來。〔唱〕快將你那兒郎準備。

〔云〕這衣袍鎧甲。被別人奪將去了。〔唱〕這的是你那人和着凱歌回。〔孫堅云〕參謀使。你不知道。這廝無禮。我將這衣袍鎧甲。脫在樹上。我是脫殼金蟬計來。我裡面安排着陷馬坑。絆馬索。要拏呂布。這廝破了我的計。拏出去。與我殺壞了者。〔曹操云〕住住住。元帥。看小官之面。饒過張飛者。〔孫堅云〕斷然饒不的。〔卒子云〕喏。報的元帥得知。有呂布索戰。〔孫堅云〕我肚裏又疼起來了。〔曹操云〕他搦誰哩。〔卒子云〕住住住。元帥。他不搦元帥。單搦他第三箇爺爺哩。〔孫堅云〕我若是說一句話。我這嘴上就生碗來大箇疔瘡。〔正末云〕是張飛說來。〔孫堅云〕三叔。你發付他去。不干我事。〔正末云〕我敢去。我敢去。〔唱〕

〔耍孩兒〕我道來。我道來。不是我說強嘴。說強嘴。則我這點鋼槍。分付在那廝鼻凹裏。遮截架解難投奔。則我這刺棚簽創槍法疾。我是箇好廝殺的天魔崇。從虎者應無善獸。好鬪者必遇強敵。〔曹操云〕玄德公。您弟兄三人。若破了呂布。自有加官賜賞也。〔正末云〕參謀。你放心也。〔劉末云〕俺弟兄三人。同破呂布。走一遭去。〔正末唱〕

〔尾聲〕說與那交遼王呂奉先。正撞見英雄張翼德。跨下這匹豹月烏。不刺刺便蕩翻赤兔追風騎。則我這丈八矛。咭叮生扛折那廝方天畫桿戟。〔同劉末關末下〕〔曹操云〕劉關張去了也。他弟兄三人。必然破了呂布。元帥。俺與他壓着陣。看他弟兄三

人與呂布交鋒。走一遭去。款縱烏騅豹月奔。長槍闊劍定江山。劉備關張施勇躍。三人喊殺虎牢關。〔同下〕

楔子

〔呂布領八健將上〕〔云〕某乃呂布是也。領着本部下人馬。與張飛相持廝殺。走一遭去。大小三軍。擺開陣勢者。塵土起處。張飛敢待來也。〔正末上〕〔云〕某乃張飛是也。與呂布交戰。走一遭去。來者何人。〔呂布云〕某乃呂布是也。你來者何人。〔正末云〕某乃張飛是也。〔呂布云〕兀那張飛。你將我衣袍鎧甲。奪的去了。又在我跟前稱爺道字。量你到的那裡。操鼓來。〔做戰科〕〔三科了〕〔呂布架住槍科〕〔云〕住者。張飛。我和你小歇一小歇。〔正末云〕兀那家奴。我放你小歇去。〔呂布在場正末回身科〕〔劉末關末在古門道關末舉刀喝科〕〔云〕張飛。你往那裡去也。〔正末云〕家奴告小歇哩。〔關末云〕兄弟。你不知他靴尖點地。有九牛二虎之力。休要放他小歇。〔正末喝科〕〔云〕喂。家奴住者。〔呂布云〕環眼漢。要戰便戰。不戰便罷。你叫怎的。〔正末云〕我喊叫三聲。有九牛二虎之力也。〔呂布云〕這環眼漢是強。操鼓來。〔做戰科〕〔正末唱〕

〔賞花時〕不是張飛誇大口。〔呂布云〕某仗方天戟。要奪取江山。量你到的那裡也。〔正末唱〕則你那方天戟難敵丈八矛。〔劉末躍馬兒上〕〔云〕三兄弟放心。看某與呂布交戰者。

〔正末唱〕大哥哥雙股劍冷颼颼。〔二人交戰一合科〕〔關末躍馬兒上〕〔云〕家奴少走。喫吾一刀。〔戰科〕〔正末唱〕二哥哥三停刀。可便在手。〔呂布云〕他三人十分英勇。某近不的他。攔回馬逃命。走走走。〔同八健將下〕〔劉末云〕家奴走了也。〔正末云〕二位哥哥放心。〔唱〕我可直趕上呂溫侯。〔下〕〔劉末云〕二兄弟。俺不問那裡。趕呂布去來。〔同關末下〕

第四折

〔河北冀王袁紹領卒子上〕〔云〕一統山河帝業昌。文臣武將盡忠良。八方拜表朝金闕。萬國來朝讚聖皇。某乃河北冀王袁紹是也。今有太守孫堅與呂布交戰。大敗虧輸。因有曹操青州催運糧草去。路打德州平原縣經過。舉薦劉關張弟兄爲將。直至虎牢關下。與呂布相持廝殺去了。今有飛報前來。得勝班師。奉聖人的命。着某在此元帥府。加官賜賞。令人門首覷者。曹參謀來時。報復我知道。〔卒子云〕理會的。〔曹操云〕將軍賀凱敲金鐙。得勝班師到許都。某曹孟德是也。今有劉關張弟兄三人。到於虎牢關下。戰退呂布。得勝回還。某已奏知。聖人大喜。今在此元帥府加官賜賞。可早來到也。小校報復去。道有曹參謀在於門首。〔卒子云〕理會的。〔報科〕〔云〕報的元帥得知。有曹參謀在於門首。〔袁紹云〕道有請。〔卒子云〕有請。〔做見科〕〔曹操云〕元帥。誰想劉關張果然戰退了呂布也。〔袁紹云〕曹參謀。此一件大功。皆是聖人齊天洪福。二賴參謀舉薦之能。

今日劉關張戰退呂布。真乃棟梁之才也。某奉聖人的命。在此帥府。加官賜賞。小校門首覲者。劉關張三箇將軍下馬呵。報復我知道。〔卒子云〕理會的。〔正末同劉末關末上〕〔劉末云〕兩箇兄弟。今日托聖皇洪福齊天。得勝回還也。〔關末云〕哥哥。想十八路諸侯。不曾得呂布半根兒折箭。誰想被俺殺的他大敗虧輸也。〔正末云〕二位哥哥。此一番征戰。若不是俺弟兄三人。戰退呂布。豈有今日也呵。〔正末唱〕

〔正宮端正好〕今日箇奉聖勅戰溫侯。驅士馬擒賊將。俺弟兄每盡忠心志氣昂昂。〔劉末云〕三兄弟。今日戰退呂布。肅靖邊關。俺保社稷之堅固。立家邦之永昌。方顯大將之能也。〔正末唱〕俺將這漢朝社稷重開創。顯耀處八面威風像。〔關末云〕憑着兄弟戰陣有勇。拒敵當先。今擊破呂布。真乃是世之虎將也。〔正末唱〕

〔滾繡毬〕則這箇張翼德性氣剛。〔劉末云〕俺二兄弟雲長。勇烈剛強也。〔正末唱〕更和這漢雲長武藝強。〔劉末云〕這一場征戰。皆托二兄弟之威也。〔正末唱〕若不是劉玄德一衝一撞。俺端的逞英雄惡戰在殺場。〔劉末云〕那呂布恃強獨霸。攪擾中原。威鎮於虎牢關下。仗八健將之勇猛。誰想今日大敗虧輸。力不能敵也。〔正末唱〕逼的箇呂溫侯逃命慌。八健將已中傷。殺的那敗殘軍盡皆失喪。〔劉末云〕俺殺的那呂溫侯。倒戈卸甲。血染黃

沙。這場大戰。非同小可也。〔正末唱〕恰便似臥麻般撒漾了些劍戟刀槍。殺的他冠斜。獬豸將軍敗。血染征袍馬帶傷。四海名揚。〔云〕可早來到轅門首也。左右接了馬者。小校報復去。道有劉關張弟兄三人得勝而回也。〔卒子云〕報的元帥得知。有劉關張弟兄三人得勝而回也。〔袁紹云〕道有請。〔卒子云〕理會的。有請。〔見科〕〔劉末云〕元帥想劉備才德俱薄。兵微將寡。托賴聖人洪福。元帥之威。方得戰退呂布也。〔袁紹云〕據玄德公聲播寰區。名傳海宇。德勝英傑。才超俊士。況其二弟相扶。譬如猛虎。加之羽翼。因賊子反亂中原。四海之民。受其殘暴。殺敗十八路諸侯。拱手而伏。無能拒禦。誰想三位將軍。到於虎牢關。汗馬之勞。戰退了呂布。以解聖主之憂。救蒼生塗炭之苦。今主上大喜。命某在此帥府。封官賜賞。這一場非同小可也。〔曹操云〕三位將軍。勇於一戰。溫侯大敗。餘兵盡皆殘滅。一賴聖恩洪福。二托將軍之威也。〔正末唱〕

〔倫秀才〕托賴着聖明主寬洪大量。二來是十八路諸侯伎倆。因此上耀武揚威。托上蒼。〔袁紹云〕此一場上答天心。下合人意。以此上剿除賊衆也。〔正末唱〕這的是天心順國運昌。平除了寇黨。〔袁紹云〕您弟兄三人。在那虎牢關。怎生角聲助戰。畫鼓添威。排兵布陣。調遣三軍。戰退溫侯。剿除賊黨。有勞三將軍略說一遍者。〔正末云〕試聽張飛說一遍者。〔唱〕〔脫布衫〕虎牢關排軍校殺氣飄揚。鳴金鼓聲振穹蒼。〔袁紹云〕門旗開處。玄德公

使的是那一般兵器。〔正末唱〕大哥哥雙股劍實難措手。〔袁紹云〕雲長公用那一般器械來。
〔正末唱〕二哥哥三停刀怎生遮當。〔袁紹云〕三將軍你那槍到處人人失命。箇箇皆亡也。

〔正末唱〕

〔小梁州〕張飛我躍馬橫擔丈八槍。舞梨花攪海翻江。〔袁紹云〕呂布可怎生對敵來。
〔正末唱〕呂溫侯方天畫戟怎提防。殺的他無歸向。今日箇一陣定興亡。〔袁紹

云〕今日箇肅靖海宇。保祚山河。道泰歌謠。黎民樂業也。〔正末唱〕

〔么篇〕今日箇中原清靜昇平像。保山河臣宰賢良。〔袁紹云〕您弟兄三人。有如此大功。正當食君之祿也。〔正末唱〕怎消的祿位遷加。俺爲邊庭將。〔袁紹云〕今日共享太平之福也。
〔正末唱〕端的是太平之世。願聖壽永無疆。〔袁紹云〕曹參謀并劉關張。望闕跪者。聽

聖人的命。因董卓獨霸專權。仗呂布虎視中原。十萬兵揚威耀武。入健將敢勇當先。威鎮在虎牢關上。一心謀漢室山川。曹參謀催糧舉將。劉關張立國安邦。憑驍勇戰退呂布。奉君命極品陞遷。曹操加你爲左丞相之職。整朝綱執掌兵權。封劉備爲越殿襄王之位。享天恩每聽皇宣。關雲長加你爲漢寇將軍之職。眞義勇文武雙全。張飛加你爲車騎將軍之職。萬人稱四海名傳。賜御酒羣臣慶賀。金鑾殿大設華筵。齊祝讚千千載皇圖永固。萬萬年聖壽齊天。

題目

轅門外單氣張飛

正名

虎牢關三戰呂布

孤本元明雜劇

三戰呂布

廿

涵芬樓藏版

三戰呂布穿關

頭折

袁紹

多簷帽 蟒衣曳撒 袍

項帕 直 卒子

紅碗子盔 青布釘 劍

曹操

兔兒角幘 補子

圓領 帶 帶

孫堅

皮多簷帽 甲 項帕

膝襴曳撒 掩心 劍

劉表

多簷帽 蟒衣曳撒 袍 帶 帶 劍

三髯

孔融 韓昇 鮑信 喬梅 王曠 韓俞 吳愼 張秀

鳳翅盔 膝襴曳撒 袍 帶 帶 劍 三髯

陶謙

鳳翅盔 膝襴曳撒 袍 帶 帶 劍

項帕 直 袁術 趙莊 劉羽 公孫瓚 田客

鳳翅盔 膝襴曳撒 袍 帶 帶 劍 三髯

項帕 直 帶 帶 劍 三髯

呂布

三叉冠雉雞翎 抹額 蟒衣曳撒 袍 簡 楊奉

皮盔 膝襴 帶 帶 劍 三

甲 項帕 直 帶 帶 劍 三

侯成 高順 李肅 李儒 何蒙 陳廉 韓先

鳳翅盔 膝襴曳撒 袍 帶 帶 劍 三

髯 袁紹 曹操 孫堅 卒子 又上

同前 躍馬兒

劉表 孔融 韓昇 卒子 又上

同前 躍馬兒 鮑信

喬梅 王曠 卒子 又上

同前 躍馬兒

韓俞 吳愼 張秀 卒子 又上

同前 躍馬兒 陶謙 袁術 趙

莊 卒子 又上

同前 躍馬兒

劉羽 公孫瓚 田客 卒子 又上

同前 躍馬兒

呂布 八健將 卒子

又上同前 孫堅又上同前 漾門卒子紅碗帽 青布釘 曹操又上同前 劉末麥簷

蟒衣曳撒 黃袍 項帕 直纏 卒子同前 曹操卒子又上同前 正末張飛包巾 蟒衣曳

帶 襖膊 帶 帶劍 三髯髯 帶 帶劍 三髯髯 帶 帶劍 三髯髯

第二折

呂布卒子同前 孫堅卒子同前 劉末 關末 正末張飛同前 曹操同前

楔子

孫堅卒子 呂布卒子同前 孫堅又上 呂布又上 楊奉同前 正末張飛卒子同前

第三折

呂布卒子 楊奉 李肅 侯成同前 李儒 高順 何蒙 陳廉 韓先同前 曹操 劉末 關末 卒

子同前 孫堅襯盔帽 藍 正末張飛卒子同前 擎

楔子

呂布八健將。劉末關末同前。劉末又上。關末又上。同前。
躍馬兒

第四折

袁紹卒子曹操同前。正末張飛。劉末。關末同前。

程咬金斧劈老君堂

元鄭德輝

楔子

〔冲末扮劉文靜引卒子上〕〔云〕晝夜憂心輔國朝。開基創業建功勞。太平時序風光盛。腰掛金魚着錦袍。小官劉文靜是也。自從隨侍大唐。數載之間。三鎮晉陽。得歸帝業。謝聖人可憐。加小官爲大司馬之職。昨日行文。頒行天下。自俺大唐建國以來。各處都歸伏了。惟有洛陽王世充。殺了俺大唐使命。點聚雄兵。虎視咸陽。要與俺征戰。今日早朝。御筆點差秦王唐元帥爲掛印總兵。袁天罡李淳風爲諫議大夫。馬三寶段志玄爲前部先鋒。擇日長行。左右門首覲者。等衆大人來時。報復我知道。〔卒子云〕理會的。〔袁天罡同李淳風上〕〔袁天罡云〕幼小曾將周易占。坎離坤兌。匹乾天。雖無喚雨呼風法。永保華夷天下安。小官袁天罡是也。此位是李淳風大人。自扶立唐帝。官封司天臺上大夫之職。正在私宅看書。劉文靜大人有請。不知有甚事。須索走一遭去。可早來到也。令人報復去。道俺二人來了也。〔卒子云〕理會的。〔做報科〕〔云〕報的大人得知。有袁天罡李淳風。在於門首也。〔劉文靜云〕道有請。〔卒子云〕二位大人有請。〔袁天罡李淳風見科〕〔劉文靜云〕您二位大人少待。等衆將來時。報復我知道。〔馬三寶段志玄上〕〔云〕匣中寶劍逼人寒。

袋內雕弓每上絃。不念自身披甲苦。驕驕何得離離鞍。某馬三寶是也。此位將軍是段志玄。自扶立唐朝以來。官封俺二人殿前金吾大將軍之職。今有劉文靜大人來請。須索走一遭去。可早來到也。令人報復去。道有俺二人來了也。〔卒子云〕理會的。〔做見科〕報的大人得知。道有馬三寶段志玄。在於門首。〔劉文靜云〕道有請。〔卒子云〕理會的。二位大人有請。〔做見科〕〔劉文靜云〕將軍略等片時。等唐元帥敢待來也。〔正末扮秦王上〕〔云〕某乃秦王李世民是也。在府中正坐。令人來報。有劉文靜有請。須索走一遭去。可早來到也。令人報復去。道有唐元帥來了也。〔卒子云〕理會的。報的大人得知。有唐元帥來了也。〔劉文靜云〕道有請。〔卒子云〕理會的。有請。〔做見科〕〔正末云〕劉文靜。請某有何事也。〔劉文靜云〕元帥。小官奉聖人的命。因有洛陽王世充殺了俺使命。點就人馬。要來與俺交戰。某今奉聖人的命。教元帥爲總兵官。袁天罡李淳風爲諫議大夫。隨軍伍勾當。着馬三寶段志玄爲前部先鋒。同領馬步禁軍十萬。勦殺敵兵。作急就行。見有勅命在此也。〔正末云〕謹尊上命。隨征將士。跟某點人馬去來。〔唱〕

〔賞花時〕准備着馬到成功定太平。統領雄兵遠去征。一箇箇顯才能。威名耿耿。穩情取得勝也。赴神京。〔同衆將下〕〔劉文靜云〕衆將都去了也。小官回聖人的話。走一遭去。兵勦列征旗。將軍顯武威。興兵施戰討。共立錦華夷。〔下〕

頭折

〔外扮李密引卒子上〕〔云〕自小從來看武經。相持厮殺有聲名。只因攘攘刀兵起。獨占金墉一座城。某乃李密是也。祖居京兆府人氏。生而英勇。自小豪傑。如今隋帝失政。今六十四處煙塵。豪傑併起。某建立金墉城。我麾下有二士三賢五虎七熊八彪。兵有百萬。將有千員。自號魏王。誰想李淵三鎮晉陽。在咸陽爲君。說他調兵來征伐俺洛陽。惟恐侵犯俺金墉城地方。着人請軍師徐懋功去了。等他來時。報復某知道。〔卒子云〕理會的。〔外扮徐懋功上〕〔云〕頗觀三略六韜書。布陣排兵廣運謀。輔佐魏王爲宰相。安邦定國顯奇術。小官姓徐雙名世勣字懋功。本貫曹州離狐縣人也。輔佐金墉隨侍李密。封某爲軍師之職。正在私宅中閑坐。有魏公令人來請。須索走一遭去。可早來到也。令人報復去。道有徐懋功來了也。〔卒子云〕理會的。有懋功來了也。〔李密云〕道有請。〔卒子云〕理會的。有請。〔做見科〕〔李密云〕懋功你來了也。請你來有一件軍情大事。你知麼。〔徐懋功云〕主公。既是這等。差程咬金領三千人馬。以巡綽邊境爲由。便是唐童來呵。有何難哉也。〔李密云〕小校喚將程咬金來者。〔卒子云〕理會的。程咬金安在。主公呼喚你哩。〔程咬金上〕〔云〕髮黑鬚黃眼似金。搗搜容貌賽天蓬。手中持定宣花斧。不怕英雄百萬兵。某姓程雙名咬金。字知節。祖貫東阿縣人也。某幼習韜略之書。隨侍魏王。保守金墉。今大王呼喚。不知有甚事。

須索走一遭去。可早來到也。不必報復。我自過去。〔做見科〕〔云〕主公呼喚程咬金。有何事商議。
〔李密云〕如今有李淵差唐童爲帥。調兵來攻洛陽。惟恐侵犯俺邊境。你聽軍師將令。你小心者。
〔徐懋功云〕程咬金。你如今領三千人馬。往邊界上哨者。倘有別處來打細的人。與我拿將來者。
〔程咬金云〕奉軍師將令。某今日整點人馬。巡綽邊境。走一遭去。雄兵點就出金墉。威風赳赳鎮邊庭。若遇敵兵來犯境。活捉歸來見懋功。〔李密云〕程咬金點人馬去了也。軍師俺後堂中飲酒去來。二士三賢播四方。七熊五虎賽關張。何時掃蕩狼煙靜。方顯英雄大魏王。〔同下〕〔正末同衆將天罡上〕〔正末云〕某唐元帥是也。奉父王命。同衆將來取洛陽。可早來到。北邙山下安了大營。聞說此山歷代名賢。葬于此處。天罡先生果然不虛也呵。〔天罡云〕元帥是好山勢也。〔正末唱〕

〔仙呂點絳脣〕蕩蕩邙山。望中嗟嘆。遶着這週圍看。盡都是圯塚摧殘。埋沒了多少英雄漢。

〔混江龍〕則見那園荒碑斷。漫漫松柏翠烟寒。倒塌了明堂瓦舍。崩損了石器封壇。辨不出君臣賢聖塚。看不盡碑碣蘚苔斑。我則見山花簇簇。山水潺潺。惟生荆棘。不見芝蘭。荒涼境界少人行。狐蹤兔跡縱橫亂。嘆世人百年歸土。爭名

利到此一般。〔云〕你衆軍校看守着營寨。等我看一看北邙山去。〔天罡云〕元帥切不可出營去。面容上帶着一百日大災。決休去也。〔正末云〕不可擋吾。決要看去。〔唱〕

〔油葫蘆〕忽聽先生發語間。說咱面帶着低運顏。你把那天周易細循環。將我那五行四柱從頭算。年災月值依經按。陰陽不順情。若順情有禍難。吉凶之事從天限。若論那生死事有何難。〔天罡云〕元帥不聽我之言。定遭縲絏之中也。那時悔之晚矣。〔正末云〕聖人道算甚麼命。問甚麼卜。欺人是禍。饒人是福。聽我告訴一遍者。〔唱〕

〔天下樂〕常言道禍福無門。人自攀。休也波。奸天數關。論先生算吾非妙罕。把一心放正行。你不必再阻攔。我可便雖愚癡。非懦弱。〔天罡云〕元帥怎生不聽我的言語。〔正末云〕不妨事。各歸本帳。休管我也。〔衆將勸科〕〔天罡云〕既是元帥不依。俺衆將各回本帳去來。寶帳騰騰殺氣威。中軍元帥有神機。且回本帳營中去。來朝禍福見真實。〔正末云〕衆將去了也。左右捧馬來。輕弓短箭。善馬熟人。百騎往北邙。走一遭去。〔唱〕

〔那吒令〕寶雕弓慢彎。駿龍駒備鞍。紫絲韁輕挽。白玉帶緊拴。急飛身上鞍。把鎧鎧款彈。挽紅絨縱駿騮。轉山麓臨溪岸。不覺的早到前山。〔云〕兀那小校每。等衆將來議事。則說我睡哩。〔卒子云〕理會的。〔正末唱〕

〔鵲踏枝〕把門人謹牢攔。切莫要漏機關。我如今一探賊情。二去盤桓。不一時踐征塵便返。則要您在軍中堅守營盤。〔卒子云〕俺元帥去偷觀金墉城池去了。着俺牢守營寨。無甚事。俺回帳房中去也。〔下〕〔正末云〕來到山邊。並無一箇鳥獸。再往山後觀看去也。

〔唱〕

〔寄生草〕呀。恰轉過山峯畔。又來到闊澗灘。只見那青松檜柏侵霄漢。怪石峻嶺難模範。週圍四下都觀看。只見枯墳野塚倒石碑。荒涼古道飛寒鴈。〔做看科〕〔外扮白鹿上跑科了。〕〔正末云〕可是奇怪也。兀的不是隻白鹿。不免趕將去。我拈弓在手。着箭。

〔唱〕

〔么篇〕忙縱馬臨邊塞。拽雕弓身慢翻。則俺那驊騮心急嫌蹄慢。將白鹿便往山後趕。放鷗翎的的相侵犯。轉山坡不見去如飛。霎時間風過休驚散。〔見射箭科〕〔白鹿帶箭下。〕〔正末云〕白鹿中了吾一箭不見了。兀的不是座城池。好是蓋造的好也。

〔唱〕

〔金盞兒〕我則見柳陰繁。映河灘。遶城池一帶依平岸。則見那成樓高聳接雲間。門排金甲士。橋豎赤旗旛。金牌書大字。墉府魏都關。〔程咬金上。〕〔云〕馬跨驊騮。

疾似風。宣花月斧手中輪。忽聽城外軍情事。急出城來探事情。某程咬金是也。奉魏王的命。着我巡綽邊境。遠遠的見一箇人走。不知是那裡的。不免去拿將來問他。〔正末云〕兀的不城內一箇將軍來了也。可怎生是好。我縱馬逃難去也。〔唱〕

〔么篇〕見一人急高呼驟征驄。慌的我兜戰馬疾回還。心忙意急將人盼。那將軍銀盔鳳翅逞威顏。他那裡縱心追吾緊。我這裡叉手告人難。見一座神堂高廟古。且閃在這其間。〔云〕原來是老君堂。不免進去。這是老君聖像。尊神與某金鞭指路。聖手

遮欄。我將門關上。神靈保護某者。〔程咬金趕到科〕〔云〕是一座老君堂廟。此人趕在這廟裏。他也逃不出命去。必然出這廟來。我在此樹邊掩映着。等他出來時。着他死於斧下。〔秦叔寶上〕

〔云〕某乃秦叔寶是也。有程咬金趕着一人。往這老君堂去了。我趕上看是何人也。〔做見科〕

〔程咬金云〕叔寶將軍。我追趕着一人。往這老君堂來。今在此務要生擒活拿。我用斧劈開這廟門。看是甚麼人。〔正末云〕將軍饒性命。〔程咬金做劈門科〕〔云〕我也不認的。你是何人。你喫我一斧。〔秦叔寶用鋼架住斧科〕〔云〕程將軍不可傷其性命。可斟酌行。〔程咬金云〕既然叔寶勸我。且饒他一斧。小校將此人執縛定。拿至金墉城。見俺魏王去來。〔秦叔寶做背科〕〔云〕兀那犯邊的將軍。你端的是何人也。〔正末唱〕

〔尾聲〕我便是唐國一藩臣。今日箇誤把金墉犯。便好道禍臨身悔之已晚。恨不聽天罡言語。攔鳳凰雛落在籠樊。惹愁煩甚日將師班。把我那蓋世英雄一筆刪。也是我一時間性情上疎散。倒做了機謀中破綻。看何時逃難離邊關。〔同秦叔寶下〕

第二折

〔外扮劉文靜引卒子上〕〔云〕小官劉文靜是也。自從唐元帥與衆將征伐洛陽去。未見回來。左右門首看者。若來時。報復我知道。〔卒子云〕理會的。〔袁天罡同衆將上〕〔云〕某袁天罡是也。俺衆將星夜來到咸陽。火速臨朝。先見劉文靜去。可早來到也。令人報復去。道有俺衆將來了也。〔卒子報科〕〔劉文靜云〕着進來。〔卒子云〕着進去。〔做見科〕〔劉文靜云〕衆大人。馬上索是辛苦也。怎生不見元帥來。〔天罡云〕兵到北邙山下。我算元帥有一百日大災。元帥不聽私出去。被李密差程咬金。掣將去了也。〔劉文靜云〕大人放心。我與李密有親。我務要去金墉城。見了李密。親自取元帥。走一遭去。左右將馬來。急驟驕騶奔外邦。心忙不憚路荒涼。若還到的金墉地。管教元帥赴咸陽。〔下〕〔袁天罡云〕大人不可去。我算他也有一百日大災。他也不可去。〔下〕〔李密引卒子上〕〔云〕某乃李密是也。誰想唐秦王侵犯我國。被程咬金掣將來。如今下在南牢。令人

門首看者。看有甚麼人來。〔劉文靜上〕云：小官劉文靜是也。自從離了咸陽。不覺到了金墉。不免進城見魏王去。可早來到也。令人報復去。道有咸陽使命來到了也。〔卒子云〕喏。報的大王得知。有咸陽使命劉文靜來了也。〔李密云〕着他過來。〔卒子云〕理會的。着你過去。〔劉文靜做見科〕〔李密云〕你不是劉文靜。〔劉文靜云〕小官是也。有勅諭在此。〔劉文靜念云〕唐君勅諭魏王座前。今有秦王領兵。勦殺天下羣雄。不想誤犯洛陽邊境被獲。今差使臣前去。將千金之資請罪。放還本國。惟王鑑之。〔李密聽念畢怒科〕云：你這厮。你因與我關親。你歸唐王。各事一主。敵國之臣。怎敢大膽。左右與我擎着這厮。下在南牢中去。〔卒子做拿科〕下。〔李密云〕頗奈無知大不良。倚親來此惱吾腸。二人下在南牢內。管教永不到家鄉。下。〔外扮徐懋功上〕云：鼎鼎調和理庶民。安邦定國立功勳。爲臣輔弼行忠孝。堪作凌煙閣上人。小官姓徐。雙名世勳。字懋功是也。幼而習文。頗知韜略之書。因豪傑並起。某先隨翟讓起義於瓦岡。因除翟讓。後佐於魏王李密手下。見今魏王手下。有雄兵百萬。戰將千員。其中有二士五虎七熊八彪。據於金墉城。此處糧多草廣。奉魏王之命。大赦囚犯之人。差小官同魏徵秦叔寶。往牢中放罪人去。領勅到衙。等他二人來時。同共開詔。小校門首覷者。等魏徵秦叔寶二位大人來時。報復我知道。〔卒子云〕理會的。〔外扮魏徵同秦叔寶上〕〔魏徵云〕小官姓魏。名徵。字玄成。小官幼習儒業。頗看詩書。因天下羣

雄並起。小官同徐懋功等。今佐於魏王李密麾下。俺這金墉城魏王。多招將士。廣結英雄。積草屯糧。俺魏王領兵。與孟海公相持去了。教俺同徐懋功秦叔寶二位大人。固守城池。不想殺了孟海公。得了滄州。今差使命來。教俺大赦金墉城的囚犯。着小官同往牢中。釋放罪人去。今領勅書到衙門。同共開此詔書去。可早來到也。小校報復去。道某來了也。〔卒子云〕理會的。〔報科〕〔云〕喏。報的大人得知。有魏徵秦叔寶來了也。〔徐懋功云〕道有請。〔卒子云〕理會的。有請。〔衆見科〕秦叔寶云。看了詔書內。此一句單說着唐元帥劉文靜的事。我有一句話。敢說也不敢也。〔徐懋功云〕將軍有話。但說不妨。〔秦叔寶云〕我想唐家國坐咸陽。人心拱服。這唐元帥上應天命。下合人心。兵行得勝。馬到成功。被程咬金趕到老君堂。某見有異相。我想俺魏王所行之事。閉塞賢門。有功不賞。有罪不罰。暗誅賢士。天不降祥。乃義禮不辨。望大人每詳之。〔徐懋功云〕公言者當也。左右人牢中取出唐元帥劉文靜來。〔正末云〕某唐元帥是也。自離了咸陽。悔不聽袁天罡之言。果遭他人之手。劉文靜。誰着你來也。〔劉文靜云〕爲元帥之苦。避死貪生。何爲忠臣也。恰纔叫俺每。不免走一遭去。〔正末云〕有何人答救俺也呵。〔唱〕

〔中呂粉蝶兒〕俺如今度日如年。遭縲紲心中嗟怨。悔不聽賢相之言。自爲我看金墉尋白鹿。怎生敢相犯。他將我拿到廳前。下南牢不由人分辯。〔劉文靜云〕

元帥休要惱怒。權且奈心也。〔正末唱〕

〔醉春風〕不由咱心內惱淚珠垂。也是咱時運蹇。不信那賢臣言語。受恓惶悔時節晚。恨不的駕霧騰雲。臂生兩翅。飛出獄院。〔做見科〕〔徐懋功云〕如今魏王太恩赦罪。〔內說南。南原作。征今改。〕牢二子不放還鄉。你二人休想還鄉也。〔正末唱〕

〔上小樓〕聽說罷愁眉淚眼。則是望恩官方便。我如今犯法違條。擾亂邊疆。罪可當然。忙跪下三位官。將詔書更變。〔徐懋功云〕俺若救了你。便來報讐也。〔正末唱〕咱非敢再興兵。又來交戰。〔魏徵云〕你不是等閑人。俺如今救了你。到後來有大望也。〔秦叔寶云〕良禽相木而棲。賢臣擇主而佐。聞說唐君德勝堯舜。欽文敬武。天下紛紛。以有德而伐無德。以有仁而伐不仁。如今望二位大人主意也。〔正末唱〕

〔十二月〕則是望恩官可憐。若道是放我回旋。到的那咸陽里。久後拜謝明賢。〔徐懋功云〕快休動人馬也。〔正末唱〕

〔堯民歌〕呀。咱每怎敢報啣冤。到來朝一一訴三賢。險些兒一命喪黃泉。多謝恩官救咱言。今也波年。今年得凱旋。異日見恩官面。〔魏徵云〕此言決不可漏泄。不字出頭。改箇本字。〔徐懋功云〕大妙大妙。一字抵萬金之價。左右人開了枷鎖。您二人路上小心仔

細俺三人改詔書放你還邦也。〔正末云〕謝了三位恩人。〔唱〕

〔耍孩兒〕今日箇多承賢士恩難斷。救得俺時間倒懸。回朝親奏玉階前。不忘了施恩德。改詔哀憐。我自想英_{英原}魂_{作芳}喪在金墉地。豈知道今朝還帝輦。忙把行途踐。此恩此德。肺腑難言。〔徐懋功云〕元帥記着俺三人也。〔正末云〕我切切在心。亦不敢忘也。〔唱〕

〔尾聲〕俺如今拜別了。即便還赴家鄉朝御前。何朝見得恩官面。若要是歸到咸陽。避甚麼路兒遠。〔下〕〔秦叔寶云〕今日改詔救了秦王。乃魏徵大人之功也。若是魏王見責俺三人一面承當。各歸本府去來也。公門之處好修行。三人改詔放英雄。俺如今欺公爲主施恩義。人生何處不相逢。〔同下〕

楔子

〔外扮蕭銑同蕭虎蕭彪領卒子上〕〔蕭銑云〕泰山頂上刀磨缺。北海波中馬飲枯。男子三十身不立。枉作堂堂大丈夫。某乃大將蕭銑是也。因隋失其政。天下豪傑併起。各佔_{佔原}封疆。某聚集軍馬數萬。獨占江南九郡之地。某麾下兄弟二人。乃是蕭虎蕭彪是也。又有一員大將。乃是高熊。此人十分英勇。不期李密占了金墉城。又聞的李淵領着他子父兵獨占天下。在此咸陽。自稱

大唐神堯高祖。他不忿天下豪傑之心。今要併吞天下。今着唐童爲帥。領大勢人馬來征俺江南。某想來。有雄兵百萬。戰將千員。兄弟每。量唐童何足道哉也。〔蕭虎云〕尊兄在上。既然唐元帥領兵征俺江南。必然連機對敵。俺隨後發兵。拒敵大唐。有何不可。〔蕭銑云〕兄弟。大唐將勇兵雄。可用意勦殺他也。〔蕭虎云〕大王。俺這裡百萬雄兵。都是好漢。量唐元帥到的那裡也。〔蕭銑云〕二兄弟蕭彪。你可小心與唐將相持。着志者。〔蕭彪云〕大王。俺二將緊跟着哥哥出馬。分勝敗定在今朝也。〔蕭銑云〕兀那小校。與我喚將大將高熊來者。〔卒子云〕理會的。高將軍安在。〔淨扮高熊上〕〔云〕我做將軍古怪。廝殺相持無賽。常川吊下馬來。至今跌破腦袋。某乃大將高熊是也。十八般武藝。無一件兒是會的。論文一口氣直念到蔣沈韓楊。論武調隊子歪纏到底。在教場裏。壁蜻蜓耍子。巴都兒來報大王呼喚。不知有何將令。小學生跑一遭去。可早來到也。小校報復去。道有大將高熊來了也。〔卒子做報科〕〔云〕理會的。喏。高將軍來了也。〔蕭銑云〕着他過來。〔卒子云〕理會的。着你過去哩。〔做見科〕〔云〕老元帥。小人劍甲在身。不能打腿。喚小將有何事。〔蕭銑云〕高熊喚你來不爲別。今有大唐領大勢軍馬。與俺拒敵。說他每十分英勇。你可與他拒敵。小心在意者。〔高熊云〕得令。奉大王將令。統領十萬雄兵。親爲合後。殺唐兵走一遭去。大小三軍。聽我放屁。未會上馬。先喫一醉。不穿鐵甲。披着錦被。撞見唐兵。和他對壘。射將箭來。舒着大

腿丟了殘生。黃泉做鬼。十萬兵擺列刀鎗。一箇箇跨上綿羊。遇相持準備逃命。夾迴馬跑到良鄉。
〔下〕〔蕭銑云〕高熊與唐兵交戰去了也。兩箇兄弟。嚙領大勢軍兵。整搦人馬去接應。與唐兵相持廝殺。走一遭去。雄兵百萬列鎗刀。箇箇威風殺氣高。若還撞見唐兵將。決定斬首不相饒。〔同下〕〔劉文靜上〕〔云〕近來脫離金墪難。復爲唐朝股肱臣。小官乃劉文靜是也。自從搭救主公。不期李密將某也囚入南牢。多虧魏徵改詔放秦王並某還邦。今李密兵敗勢傾。奉大唐聖人的命。着秦王親自爲帥。統兵十萬。南征蕭銑。某爲前哨。先在此清風嶺等候。塵土起處。唐元帥敢待來也。〔正末同秦叔寶段志玄上〕〔正末云〕某乃秦王李世民是也。多虧魏徵改詔放某還鄉。今李密亡家喪國。某奉父王聖命。着某南征蕭銑。掛印爲帥。某同此三將。乃秦叔寶段志玄等。領兵到此金沙灘。某先差馬三寶在清風嶺截殺賊兵。二將軍看俺這唐兵。是好威勢也。〔秦叔寶云〕元帥。俺這唐兵人強馬壯。耀武揚威。真箇是將勇兵驍也。〔段志玄云〕元帥。俺唐兵旌旗千里。殺氣冲霄。量蕭銑何足道哉。〔正末云〕遠遠的不是劉文靜的旗號至近也。〔劉文靜見正末下馬科〕〔云〕元帥小官劉文靜前哨軍馬在此謹候也。〔正末云〕大小三軍。擺開陣勢。蕭銑敢待來也。〔蕭銑同蕭虎蕭彪上〕〔蕭銑云〕大小三軍。擺的嚴整着。〔蕭虎云〕元帥。小將每知道。蕭彪你合後着。〔蕭彪云〕我知道了。〔正末云〕來者何人。〔蕭銑云〕某乃大將蕭銑是也。你來者何人。〔正

末云：「某乃大唐元帥秦王是也。兀那蕭銑，及早下馬受降。」蕭銑云：「量你到的那裡。」正末云：「操鼓來。」衆將一齊戰科。（唱）

〔賞花時〕我與你縱馬橫刀去戰敵，殺氣騰騰映日起，助陣鼓凱春雷。〔秦叔寶鎗打倒蕭虎科〕云：「蕭虎喫吾一鎗着。」蕭虎中鎗科。（下）正末唱：「恰便似鞭伏了盜跖。」〔段志玄云〕蕭彪喫吾一劍。〔中劍科〕（下）正末唱：「龍泉下鮮血染錦征衣。」蕭銑云：「你殺了我兩箇兄弟，更待干罷。我和你決戰九千合。」正末云：「二將靠後，某單戰蕭銑。」蕭銑云：「操鼓來。」正末唱：

〔么篇〕再交馬刀迎畫桿戟，輕展猿猱斬逆賊。蕭銑云：「唐童是英勇，我近不的他。我逃命走了罷。」正末唱：「殺的他七魄散五魂飛。」云：「蕭銑喫吾一刀。」蕭銑中刀。（下）卒子報科。云：「俺元帥刀劈了蕭銑，得了勝也。」正末唱：「見小校登時間報喜，今日箇敲金鐙齊唱着凱歌迴。」同下。〔淨扮高熊上〕云：「某乃高熊是也。某領着十萬雄兵，與大唐家交戰。故意截住唐元帥迴路。大小巴都兒，擺開陣勢。來者何人？」馬三寶引卒子上。云：「某乃唐將馬三寶是也。奉唐元帥將令，差某領三萬精兵，在此清風嶺接應。聞知元帥得勝還營，有蕭銑手下餘黨未退，截俺唐兵迴路。遠遠的塵土起處，不是賊兵至也。」淨高熊云：「某乃江南大將高熊是也。」

故來截你迴路。你見我手中的鉞斧麼。我和你決戰九千七百六十四合半。纔顯我老高的手段也。你來者何人。〔馬三寶云〕某乃唐將馬三寶是也。〔二將做戰科〕〔高熊云〕花腔邊鼓。雜彩繡旗搖。衆將齊吶喊。二騎馬相交。〔高熊云〕這馬將軍十分英勇。我敵不住他。我虛劈一斧逃命走了罷。〔馬三寶做鎗刺科〕〔高熊倒科〕〔云〕我死也。〔下〕〔馬三寶云〕誰想高熊截俺唐兵迴路。被某鎗刺高熊。勦殺了賊兵敗將。班師迴還。回元帥話去來。頗奈高熊覓戰爭。故來截路當唐兵。被吾鎗刺賊兵死。得勝回朝奏聖君。〔下〕

第三折

〔外扮李靖上〕〔云〕得勝班師報捷回。秦王立國展兵機。陣前一戰誅蕭銑。青史書名萬古題。某乃軍師李靖是也。聞知唐元帥南征蕭銑。一鼓而下。得勝班師回國。我使的一箇報喜的探子去了也。這早晚敢待來也。〔正末云〕一場好廝殺也呵。〔唱〕

〔黃鍾醉花陰〕百萬天兵喊聲炒。自古無今番戰討。憑虎略顯龍韜。奉命興師。有道伐無道。則一陣定唐朝。聽小校從頭。〔做見科〕〔云〕報報報。〔唱〕說這遭。〔李靖云〕好探子也。從那陣面上來。看他那喜色旺氣。錦襖偏宜錦戰裙。金環雙襯滲青巾。陣前察探軍情事。專聽來人仔細陳。俺唐兵與蕭銑兩家對住陣。怎生相持廝殺來。你喘息定。慢慢的說一

遍〔正末唱〕

〔喜遷鶯〕我則見密排軍校。明晃晃劍戟鎗刀。英豪征塵籠罩。骨刺刺的旌旗雜彩搖。殺氣飄如虎豹。征人勇烈似蛟龍。戰馬咆哮。〔李靖云〕好厮杀也。那壁廂蕭銑蕭虎蕭彪出馬。俺這廂唐元帥秦叔寶段志玄三將臨陣。好相持也。六員將領劍搖環。六匹馬踢跳彎犇。六軍勇衝圍破陣。六人戰膽戰心寒。六般兒滲人兵器。似那六天兵降下天關。六沉鎗闊劍巨斧。六丁神混戰人間。六員大將。怎交馬耀武揚威。兀那探子。你慢慢的再說一遍。〔正末唱〕

〔出隊子〕六員將雄如虎豹。逞英雄秦叔寶。皮楞鐵鋼將難逃。蕭虎登時該命夭。〔云〕俺段志玄〔唱〕劍斬蕭彪陣上倒。〔李靖云〕俺秦叔寶仗着唐元帥的威風。鋼打死蕭虎。段志玄顯大將的英雄。劍斬了蕭彪。好相持也。叔寶英雄不可當。全憑鐵鋼保封疆。打翻蕭虎難逃命。更有將軍段志玄。劍斬蕭彪魂魄散。陣前蕭銑大開言。單搦秦王雙戰鬪。今朝目下定江山。俺秦叔寶段志玄殺番了蕭虎蕭彪。那蕭銑在陣前厲聲高叫。秦俺元帥怎生相持。探子你慢慢的再說一遍者。〔正末唱〕

〔刮地風〕惡狠狠蕭銑軍前施燥暴。搦元帥比並低高。俺秦王聽罷呷呷笑。縱

馬輪刀。垓心內顯耀英豪。陣面上並不相饒。見畫戟來鋼刀去。怒氣相交有百十合不定交。要辨箇清濁。俺元帥刀起人頭落。呀。敢血淋漓錦戰袍。〔李靖云〕俺元帥與蕭銑戰到百十合上。見蕭銑筋弛力盡。馬困人乏。望元帥虛刺一方天畫桿戟來。俺元帥舉起鴈翎刀。立誅了蕭銑。則見金盔倒偃。兩脚登空。倒於馬下。元帥英雄播四方。能文善武世無雙。南征蕭銑功勞大。刀劈賊徒定萬邦。天下豪傑皆上表。威鎮乾坤罷刀鎗。真爲白玉擎天柱。堪作黃金架海梁。唐元帥立誅了蕭銑。怎生殺敗殘兵將。你慢慢的再說一遍。〔正末唱〕

〔四門子〕俺元帥斬將驅軍校。殺殘兵無路逃。把城郭收。將軍士又招。下江南遠征真一掃。府庫又封。臣子又朝。一處處歸降順了。〔李靖云〕俺唐元帥誅了蕭銑。有賊將手下餘黨。圍住秦王俺元帥託賴聖人洪福。勦殺敗殘兵將。好英雄也。文武雙全將相才。氣衝牛斗捲江淮。江南地面屬唐國。天下諸侯上表來。後有高熊截住俺元帥歸路。不期馬三寶敵住。鎗刺死高熊。平收一國。見今四海咸寧。萬民樂業。真乃太平之世。探子你再說一遍。〔正末唱〕

〔古水仙子〕呀呀呀萬方寧。仰聖朝。納土稱臣皆上表。美美美風雨調和。軍民安樂。見見見四夷人來進寶。太平年五穀豐饒。將將將十八處擅改皆盡剿。俺

秦王謹奉尊君詔。是是是平蕭銑定唐朝。〔李靖云〕俺唐元帥平定了江南。探子無甚事。

自回本營中去。〔正末唱〕

〔尾聲〕四海稱臣萬民樂。建立下蓋世功勞。萬萬載願吾皇登大寶。〔下〕〔李靖云〕探子去了也。俺聖朝軍馬得了勝也。這的是真天子百靈成助。方顯大將軍八面威風。〔下〕

第四折

〔冲末扮殿頭官引卒子上〕〔云〕五夜漏聲催曉箭。九重春色醉仙桃。旌旗日暖龍蛇動。宮殿風微燕雀高。小官乃殿頭官是也。今日早朝。飛報軍情來。奏說俺唐元帥爲觀看北邙山。教魏王李密所獲。聖人差劉文靜爲使。齎勅與李密講和去。不想李密將此二人都下在南牢。今聞的李密收了滄州。殺了孟海公。赦此一城罪犯之人。不想詔書內一應囚犯俱放了。則不放俺唐元帥等二人。有劉文靜所央魏徵等改了詔書。將俺唐元帥等二人釋放了。今又奉命征伐江南。勦殺了蕭銑等。又得了人馬糧草無數。今全功得勝。奉聖人的命。着小官傳與該衙門安排筵宴。犒勞大小衆將。就差一使命。前去加官賜賞。小官在此帥府等候。小校門首覷着。若唐元帥等來時。報復我知道。〔卒子云〕理會的。〔正末同秦叔寶段志玄上〕〔正末云〕某乃唐元帥是也。平定江南已回。今日班師。秦將軍。俺入朝見聖人去來。〔秦叔寶云〕遙望京師不遠。今已得勝還朝。大小軍將。

是好威風也呵。〔正末唱〕

〔雙調新水令〕立誅蕭銑靖邊庭。託賴着一人有慶。班師回帝輦。領將到神京。報捷連聲。臨卽府聽宣命。〔云〕可早來到帥府門首也。小校報復去。有秦王等下馬也。〔卒子云〕云。理會的。喏。報的大人得知。有唐元帥等下馬。見在府門首也。〔殿頭官云〕道有請。〔卒子云〕理會的。大人有請。〔做見科〕〔殿頭官云〕唐元帥於國有功。與衆將甚是辛苦也。〔正末云〕老宰輔治朝綱不易也。〔殿頭官云〕元帥似此智勇妙算。名揚天下。實乃國家磐石之固。〔正末云〕大人非某之能。託賴尊君洪福。並二位將軍之能也。〔秦叔寶云〕老宰輔。此一場非俺二將之能。仰賴元帥虎威。〔段志玄云〕老大人。俺二將殺了蕭虎蕭彪。總不如元帥戰敵賊首。立誅蕭銑。今日定了太平也。〔殿頭官云〕元帥一來尊君洪福。二來元帥謀略過人。今日得了勝也。〔正末唱〕

〔沉醉東風〕奉勅旨征南遠行。奸邪蕭銑排兵。無徒蕭虎強。怎比秦瓊勝。則一鋼喪了殘生。頗奈蕭彪尋戰爭。〔云〕被俺段志玄。〔唱〕寶劍斬安邊定境。〔殿頭官云〕元帥之能。不在諸葛武侯之下。量蕭銑到的那裡也。〔正末唱〕

〔掛玉鉤〕蕭銑英雄武藝能。方天戟橫持定。出馬開旗吶喊聲。我刀過處無回頸。有似那斬蔡陽。霎時誅讒佞。將他那百萬貔貅。一掃皆平。〔殿頭官云〕元帥少待。

小校就請李靖軍師。將那收復了李密手下衆將官。都與我拏將來者。〔卒子云〕理會的。李靖軍師。大人有請。〔李靖同卒子拏程咬金上〕〔云〕小官李靖是也。今有魏王李密手下大小衆將。盡皆歸降俺大唐。內有一人。乃是程咬金。此人當日將俺秦王主公拏至金墉城。多虧魏徵改詔。放俺元帥還邦。今日程咬金投降。未知秦王尊意。怎生決斷。小官將程咬金執縛定。拿見秦王去可。早來到帥府門首也。小校報復去。有李靖軍師來了也。〔卒子云〕理會的。報的大人得知。有李靖軍師等來了也。〔殿頭官云〕道有請。〔做見科〕〔李靖云〕大人。俺元帥平定了江南。深有汗馬之功勞也。〔正末云〕軍師真乃扶持社稷股肱之臣也。〔李靖云〕不敢不敢。小官此一來有一事啓知元帥。〔正末云〕軍師有何事。〔李靖云〕如今李密手下大小衆將。盡皆降俺大唐。內有一將。乃是程咬金。某想此人手持宣花斧。追趕元帥。拏至金墉城。誰想今日程咬金投降。將此人執縛定了。拏來見元帥。見在帥府門首也。〔做拏見科〕〔正末云〕着他過來。〔卒子云〕理會的。左右人拏將過去。〔李靖云〕元帥。則他便是程咬金。〔程咬金云〕大王。小將乃亡家之臣。前者不可追襲大王。小將有彌天之罪。今日投降。小將情願納頭受死於大王斧鉞之下也。〔正末云〕軍師衆大人聽者。爲人臣者當以盡忠報國。程咬金追某至老君堂。此人當時盡忠於魏王。未識某矣。今來投降。某肯念其前讐。豈不聞桀犬吠堯。非堯不仁。皆各認其主。某今將程咬金將軍舉入朝中。必當

重用。我親釋其縛也。〔正末解程咬金繩科〕〔程咬金云〕感蒙大王赦臣萬死。大王若納微臣爲將。我捨一腔熱血。盡忠竭力。報大王不殺之恩。〔正末云〕程將軍但放心。某奏過尊君。必有重用。封官賜賞也。〔程咬金做拜謝科〕〔殿頭官云〕左右人擡上果卓來者。〔做遞酒科〕〔殿頭官云〕元帥滿飲此盃。〔正末云〕某也飲酒。老宰輔同軍師與衆將。今日與某正當龍虎風雲會。〔殿頭官云〕欽賜筵宴。慶功飲酒。正當其禮也。〔正末唱〕

〔川撥棹〕開玳筵。慶功成。勸金盃。飲醪醕。文武公卿笑語歡聲。樂醕醕。方歸畫庭。獻烹魚佳饌。馨〔殿頭官云〕勦殺天下羣雄。天下太平。方今四海晏然也。〔正末唱〕

〔梅花酒〕見如今太平戰爭盡皆寧。千邦萬國來朝正。金枝玉葉永延齡。風調雨順年豐盛。〔李靖云〕皆託文武之能也。〔正末唱〕

〔七弟兄〕呀。文臣每盡調鼎。武將每操兵。是處咸亨。法正官清。願吾皇聖壽安。萬萬歲祝遐齡。三邊靜。四海清。靈芝現。醴泉生。慶雲燦。景星明。〔殿頭官云〕皆因是

聖天子洪福齊天。文武每保安社稷。皆豐稔之世也。〔正末唱〕

〔收江南〕呀。託賴着聖朝天子重羣英。賢臣良將輔朝廷。中原清宴賀昇平。幸倉廩滿盈。保皇圖一統萬年興。〔外扮使命冲上〕〔云〕雷霆驅號令。星斗煥文章。小官乃天

朝使命是也。奉聖人的命。着某直至元帥府。加官賜賞。走一遭去。可早來到也。唐元帥裝香來。并大小衆將。望闕跪者。聽聖人的命。加官賜賞也。〔正末同衆將跪科〕〔云〕大小衆將。謹聽勅旨。〔使命云〕您聽者。因李密侮慢朝綱。金墉城積草屯糧。唐元帥偷觀入境。程咬金各佐主追趕秦王。斧劈在老君堂內。秦叔寶鋼架住真表忠良。袁天罡算百日之難。虧魏徵改詔書釋放還鄉。王世充兵敗李密。有蕭銑不順大唐。聖勅封秦王爲帥。統雄師征討南方。仗洪福立誅蕭銑。破奸邪展土開疆。奉聖命加官賜賞。排御宴犒勞非常。加秦王繼承後位。秦瓊等位至都堂。扶社稷萬年一統。保皇圖帝道遐昌。

題目

唐秦王悞看金墉府

正名

程咬金斧劈老君堂

老君堂穿關

楔子

劉文靜

兔兒角幘頭
圓領帶

三髭髯

卒子

紅碗子盔
兒甲

青布釘劍

袁天罡

一字巾
領帶

補子圓

李淳

風

一字巾
領帶

補子圓

馬三寶

鳳翅盔
直纏

膝欄曳撒

帶劍

項帕

三髭髯

段志玄

鳳翅盔
曳撒

膝欄

項

帶帕

直纏

膝欄

正末秦王

多簷帽
直纏

膝欄

帶劍

弓箭

三髭髯

頭折

李密

三山帽
直纏

蟒衣曳撒

帶劍

項帕

卒子

同徐懋功

兔兒角幘頭
圓領帶

三髭髯

程咬金

四

縫

四

笠子盔

膝欄曳撒

帶劍

項帕

開山斧

正末秦王

袁天罡

同白鹿

鹿

程咬金

同上

同

同

秦叔寶

三叉冠
帕

抹額

蟒衣曳撒

帶劍

三髭髯

第二折

劉文靜

卒子

同袁天罡

前

李密

卒子

同劉文靜

又上

同徐懋功

卒子

同魏

前

魏

徵兔兒角幘頭 補子秦叔寶同正末秦王小帽 手帕 青直劉文靜小帽 手帕 青直領

惹兒 枷鎖

楔子

蕭銑麥簷帽 蟒衣曳撒 袍 項帕 三髯髯蕭虎皮麥簷帽 膝欄曳撒 掩 蕭彪 皮盔 膝

掩心甲 項帕 卒子 同 高熊 皮盔 膝欄曳撒 掩心 劉文靜 同 頭折 正末秦王 同

直纏 搭膊秦叔寶同段志玄同蕭銑蕭虎蕭彪又上同高熊又上馬三寶卒子同

第三折

李靖兔兒角幘頭 補子正末探子碗子盔 錦襖 項帕 如意裙 直纏 搭膊

第四折

殿頭官兔兒角幘頭 補子卒子同正末秦叔寶段志玄同李靖卒子拏程咬

金同使命一字巾 補子圓領 帶 三髯髯

是集余於內府閱過乃係元人鄭德輝筆今則宜置鄭下

陶母剪髮待賓

元秦簡夫

第一折

〔沖末孤上〕〔云〕滿腹文章七步才。綺羅衫袖拂香埃。今生坐享清平福。不是讀書那得來。小官姓范名達。官拜舉士之職。方今聖人在位。拔擢英才。因爲山間林下。多有懷材抱德之人。不肯進取功名。今着小官五路採訪。但有才德文學孝廉仁義之士。一有所長。着小官保奏到朝中。聖人自有加官賜賞。小官不敢久停久住。乘驛馬使索登程。小官離帝闕親赴他邦。多有那居山林隱跡埋藏。奉朝命四方採訪。這一去舉名儒要見忠良。〔下〕〔生扮陶侃上〕〔云〕黃卷青燈苦業儒。九經三史腹中居。寸陰當惜休輕放。治國齊家在此書。小生姓陶名侃字士行。祖居丹陽人氏。年方二十歲。父親辭世。有母湛氏。撫養小生。成人長大。訓課讀書。爭奈家貧。母親與人家縫聯補綻。洗衣刮裳。覓來錢物。與小生做學課錢。雖則學成滿腹文章。何日是崢嶸發達之時。今日太學中有一老先生。姓范名達。來到府學。箇月期程。別的書生都請了他。止有小生不曾相請。便請可也無錢。小生也無計所奈。寫了箇錢字信字。有箇韓夫人。他是箇巨富的財主。開着座解典庫。小生將着這兩箇字。直至韓夫人家。折當三五貫長錢。來請那范先生。也是小生出於無奈。我想陶侃空

學成滿腹文章。幾時得遂大志也呵。正是魯麟周鳳皆爲瑞。出不逢時奈若何。〔下〕〔韓夫人上〕

〔云〕守志韓門。魏丈夫。世傳清白事非無。治家嚴肅。閨門整。文業堪同曹大姑。妾身姓韓。丹陽縣人氏。家中頗有資財。油磨房解典庫。鴉飛不過的田土。嫡親的兩口兒家屬。有箇女孩兒。年方一十八歲。不曾許聘他人。今日在解典庫中閑坐。看有甚麼人來。〔陶侃上〕〔云〕小生陶侃是也。說話中間。來到韓夫人門首。無人報復。我自家過去。〔做見科〕〔云〕夫人拜揖。〔夫人云〕好一箇秀才也。敢問秀才姓甚名誰。此來卻是爲何。〔陶侃云〕小生本處人氏。姓陶名侃。字士行。嫡親的祖母二人。小生幼習儒業。頗讀詩書。爭奈家貧如洗。如今天下多事。母親恐小生安逸。不堪任事。着小生朝運百甕於齋外。暮運百甕於齋內。慣習勤苦。奪取功名。今有太學中一老先生。來此經久。小生欲要相請。爭奈無錢。今寫了一箇錢字。一箇信字。當在夫人這裡。怎生當與小生五貫長錢使用。小生若兌付的錢來。可來贖取這兩箇字。〔夫人云〕量這箇信字。打甚麼不緊。〔陶侃云〕夫人。這箇信字不輕。俺這信行爲准。秀才每既爲孔子門徒。豈敢失信於人。可不道人無信不立。〔夫人云〕我見這箇秀才。發言吐語。論議四出。久後必然蟬噪顯達。秀才你既有事。將五貫錢去。〔陶侃云〕多謝夫人不阻。〔夫人云〕秀才且休回家去。下次小的每將酒來。秀才滿飲一盃。〔陶侃云〕母親嚴教。並不敢喫酒。〔夫人云〕秀才。這酒是老身服湯藥的酒。秀才略飲三盃。若到家你

母親問你時。便道我着你喫酒來。你母親也不怪你。〔陶云〕既是這等。小生逆不過夫人面皮。只得勉飲三盃。〔做飲科〕〔云〕夫人。小生得了酒也。夫人休怪。小生將着這五貫錢。還家中去也。〔下〕〔夫人云〕秀才去了也。我恰纔覷了陶秀才相貌。雖則時間受窘。久後必然發跡。我有心待將女孩兒許與這生爲妻。爭奈不認的他那母親。我且記在心懷。待後圖之。今日無事。且回後堂去也。〔下〕〔正旦扮陶母上〕〔云〕老身丹陽縣人氏。自身姓湛。夫主姓陶名丹。早年亡過。所生一子。喚名陶侃。學成滿腹文章。爭奈風雲未遂。今日往太學中講書去了。安排下茶飯。孩兒這早晚敢待來也。〔唱〕

〔仙呂點絳脣〕夫主歸天。老身發願。將豚犬嚴教了十年。下苦志習經典。

〔混江龍〕我將些衣服頭面。都做了文房四寶束脩錢。他學的賦課成八韻。詩吟就全篇。十載寒窗黃卷客。博一紙九重天上紫泥宣。〔云〕念老身治家教子。我孩

兒事奉萱親。着他受半生辛苦。指望待一舉成名。我與人縫聯補綻。洗衣刮裳。〔唱〕那箇不說兒

文章虧殺了娘針線。學成了詩云子曰。久以後忠孝雙全。〔原本念老身治家教子至此〕〔云〕

安排下茶飯。陶侃這早晚敢待來也。〔陶侃帶酒上〕〔云〕小生陶侃。恰纔在韓夫人家。當了這五

貫長錢。喫了三盃兒酒。面皮紅了。則怕母親問。來到家中。我不言語自過去。母親。您孩兒下學來

了也。〔旦云〕你莫不喫酒來。〔陶云〕你兒不曾喫酒。〔旦云〕你未學讀書。先學喫酒。你喫酒敢還

早哩麼。〔唱〕

〔油葫蘆〕你不肯刺骨懸頭作狀元。金榜上將名姓顯。你則待長安市上酒家眠。則他這匡衡牆。緊靠着編修院。則他那杜康宅。隔壁是悲田院。你學仲宣空倚樓。似祖生懶着鞭。你則待醉鄉中早稱了平生願。常留着一體在頭邊。

〔天下樂〕哎兒也。你幾時能穀兩行朱衣列馬前。〔云〕孩兒你須知道的。〔唱〕則俺這家緣。可也無甚錢。則怕典不了賣不了。啗金谷園。你則待醉華筵。學五侯。往竹林訪七賢。幾曾見凌烟閣上畫醉仙。〔云〕孩兒。想你這般攻書呵。你娘那裡得那錢物來。

〔陶云〕孩兒知道。則是多虧了母親。〔旦唱〕

〔那吒令〕則他這今年非同似往年。恰還了紙錢。又少欠下筆錢。常着我左肩那在這右肩。與人家做生活打些全活。閑停止粧宅眷。端的使碎我這意馬心猿。

〔鵲踏枝〕你則待要赴佳筵。倒金船。啗如今少米無柴。赤手空拳。你不學漢賈誼。獻長策萬言。你則待學劉伶般爛醉十年。〔陶云〕您孩兒不會飲酒。〔旦唱〕

〔寄生草〕你則待扶頭酒尋半碗。謁人詩贈幾篇。請着你不離隨着他轉。逢着你的唱。偌迎着他善。後來便說着你的體面難消遣。則你這拖狗皮纏定這謝家樓。幾時得布衣人走上黃金殿。〔二〕陶侃。你實說在那裡飲酒來。〔陶跪云〕不瞞母親說。孩兒在韓夫人家飲酒來。〔旦云〕你爲甚麼到韓夫人家。〔陶云〕母親不知。容您孩兒慢慢說一遍。近日太學中來了一箇老先生。姓范名達。別箇書生都相請了。則有您孩兒不曾請。爭奈家寒無有錢鈔。您孩兒寫了一箇信字。一箇錢字。在韓夫人家當了五貫長錢。夫人道。偌大一箇解典庫。怎教你空口出門。他服湯藥的酒。着您孩兒喫了三鍾。您孩兒不肯喫來。夫人說道。你母親怪你。就說我教你喫來。今母親致怒。我不怨別人。只怨韓夫人。〔旦云〕小孩兒家。你喫了他酒。又當下一箇信字。倒還怨他。陶侃。你寫一箇信字。一箇錢字來我看。〔陶云〕理會的。〔做寫科〕〔二〕寫就了也。母親。這箇是錢字信字。〔旦云〕陶侃。這兩箇字。那一箇好。〔陶云〕母親不問。你孩兒也不敢說。還是錢字好。〔旦云〕怎生這錢字好。〔陶云〕母親。便好道錢字是人之膽。財是富之苗。如何有錢的。出則人敬。坐則人讓。口食香美之食。身穿錦綉之衣。無錢的口食糲食。身穿破衣。有鈔方能成事業。無錢眼下受奔波。這箇信字。打甚麼不緊。〔旦云〕你那裡知道。我說與你。〔唱〕

〔金盞兒〕錢字是大金榜。錢字是立人邊。言信近於義。錢招怨。這一箇有錢

可更有信。兩件事。古來傳。這一箇有錢的石崇般富。這一箇有信的范丹賢。你常存着立身夫子信。〔云〕擡了者。〔唱〕休戀這轉世鄧通錢。〔云〕陶侃你又飲酒又失信。

過來躺着。須當痛責。〔陶云〕母親打的是。這一場都是韓夫人。〔旦唱〕

〔醉扶歸〕你可便休把他人怨。你可便不聽你這母親言。〔陶云〕母親閃了手也。〔旦云〕陶侃你多大年紀也。〔陶云〕母親孩兒二十歲了。〔旦唱〕你如今二十歲也。不索可使虛受了一歲者波。你可也央及了我十九年。〔云〕不打這廝慣了他。陶侃你再敢喫酒麼。〔陶云〕你孩兒再不敢了也。〔旦唱〕我這裡自解嘆無人將我來勸。我這裡欲待要打也。索好着我心兒裡可憐。〔云〕陶侃起來。我不打你。饒了你者。〔陶云〕我謝了母親。爲甚麼不打你孩兒。〔旦云〕你問我爲甚麼不打你。〔唱〕我看著未及第的書生面。〔陶云〕謝了母親。

〔旦云〕從今後見酒。一點也不要吃。你那五貫長錢。使了未曾。〔陶云〕還不曾使動。〔旦云〕與他一箇月利息。與我贖將那箇信字來。我與你待客。〔陶云〕母親索是用心也。〔旦唱〕

〔賺煞〕不爲一紙傲書遲。二怕你交朋友。則我這老益壯貧而益堅。我甘分饑寒守自然。那冷時節熬的舊顏畝。這饑時節是我忍過的心閑。哎。兒也。你曾看這魯論篇。〔陶云〕孩兒也曾讀來。不知是那一篇。〔旦云〕齊景公有馬千驥。〔唱〕民無德而稱。

焉。都是些有德行。顏淵閔子騫。你與我書讀那萬卷。愁甚麼戶封八縣。〔云〕咱要發跡呵。也至容易。〔唱〕你再去那六經中。苦志二三年。〔旦下〕〔陶云〕母親言語。不敢不依。將着這五貫錢。去那韓夫人家。贖那信字。走一遭去。〔下〕

第二折

〔韓夫人同小哥上〕〔夫人云〕妾身韓夫人。自從陶侃當下這箇信字。拿錢到家中。被他母親痛決了一場。今日早間。陶侃將信字贖將去了。老身看中那秀才。有心待招他做女婿。爭奈不曾見他母親。今日無事。且在解典庫中坐着。看有甚麼人來。〔正旦扮陶母上〕〔云〕老身陶侃的母親。便是。爲家貧。無錢待客。將自己頂心裡頭髮。剪了兩剪。繒做一絛兒頭髮。上長街市上。賣些錢物。管待范學士。我一會家想來。子母孤窮。常就饑凍。幾時是俺那發跡的日子也呵。〔唱〕

〔正宮端正好〕甘守分。半生貧。則爲我有孟母三遷志。我當了二十年無倚靠的家私。我幾曾買賣臨街市。我如今顧不的人輕視。

〔滾繡毬〕我這裡自三思。俺那兒做伴的。都是些善人君子。孔子云。與朋友。切切偲偲。有朋自遠方至。如此。怕不我重管待理當如是。則爲這一頓飯。剪了一絛青絲。做兒的攻書十載。可使學成儒業。做娘的請客三番。敢剪做戒師。我甘

分無辭。〔韓夫人云〕兀那街市上一箇婆婆。手裡拿着一綰兒頭髮。不知是賣的。不知是買的。下次小的每與我喚將過來。〔小二哥云〕理會的。兀那婆婆。這頭髮是賣的是買的。〔旦云〕是賣的。〔小二哥云〕解典庫中。有俺夫人。要買你的哩。〔做見科〕〔韓夫人云〕兀那婆婆。這頭髮是賣的是買的。〔旦云〕是賣的。〔韓夫人云〕是活髮麼。〔旦云〕是活髮。〔韓夫人云〕要多少錢。〔旦云〕不添不減。則要五貫錢。〔韓夫人云〕敢多了些兒麼。〔旦云〕我則要五貫錢。〔韓夫人云〕清早晨我不發這鈔出去。你轉一轉來取。〔旦云〕你不買。我別處賣去。〔韓夫人云〕你只這般用的錢緊。

〔旦唱〕

〔倘秀才〕我家裡請下客。非同造次。等着錢家中要使。誰家自己髮。與人做頭髮兒。〔韓夫人云〕恁的呵。我不買。〔旦云〕你不買罷。〔唱〕常存的青絲在。須有變錢時。他比不的秋後的扇兒。〔韓夫人背云〕這婆子聲音模樣。與陶侃秀才一般。莫不是他母親。不是。是我問他一聲。〔云〕婆婆。你莫不是陶侃的母親麼。〔旦云〕然也。那壁敢是韓夫人麼。〔韓夫人云〕然也。〔相見拜科〕〔韓夫人云〕婆婆。請家裡來。我問你者。你孩兒拿的箇信字來。我當與他五貫長錢。你怎生將他痛決了一場。你差了也。量箇信字。打甚麼不緊。一點墨。半張紙。又不中吃。又不中使。做甚麼打他。〔旦唱〕

〔滾繡毬〕你道是一點墨。半張紙。不中吃。不中使。〔云〕俺典了信字。管待秀才。〔唱〕又則道俺咬文嚼字。〔韓夫人云〕量這箇信字。打甚麼不緊。〔旦唱〕都是那十數畫兒。有這信字。爲臣的作箇重臣。爲子的作箇諍子。爲吏的情取箇束身行止。借人錢財主每。休想道推辭。〔云〕姐姐。噲這婦道人家有這箇信字呵。〔唱〕則被這親男兒。敬重做賢達婦。〔云〕男子漢有這箇信字呵。〔唱〕交朋友皆呼信有之。你可休看覷因而。〔韓夫人云〕婆婆。我有心看上你那秀才。肯與我家做箇女婿。我陪奩房斷送。我女孩兒與他爲妻。你意下如何。〔旦云〕我這裡賣頭髮來。說親來。下次使不的箇媒人說不的。〔韓夫人云〕我許這親事早哩。〔旦唱〕

〔倘秀才〕俺孩兒。善與人交。久而敬之。〔云〕姐姐。你待要題親呵。〔唱〕你可便見賢思齊。默而識之。你分明是搬調人家小樣兒。俺孩兒常存着讀書志。怎肯教不記下樓詩。見俺那讀書的小廝。〔韓夫人云〕你今日先許了這親着。〔旦云〕夫人且等着。〔韓夫人云〕等着甚麼。〔旦唱〕

〔呆骨朵〕俺那孩兒。遙受着玉堂金馬三學士。你便鬪的俺那棟梁材節外生枝。〔韓夫人云〕小秀才只恁怕你。〔旦唱〕你道是兒怕娘嚴。〔云〕着姐姐道也。〔唱〕大古里

子孝父慈。不爭着秀才每無忠信。便使美玉生瑕疵。你待要閨中養艷姝。姐姐也。我則理會的棒頭出孝子。〔韓夫人云〕我是一箇巨富的財主。倒陪奩房。將我箇描不成

畫不就的女孩兒。與你兒子做媳婦。你倒不肯。〔旦云〕姐姐。休這般說。〔唱〕

〔脫布衫〕你可便休賣弄花朵兒般嬌姿。休倚仗你銅斗兒家私。好前程萬中怎選。你待題親事。一家無二。

〔醉太平〕你待實心兒外待。也索轉意兒尋思。〔云〕要成親早哩。〔唱〕直等的俺孩兒金榜掛名時。那其間新婚燕爾。俺孩兒守寒窗。遂了十年志。戰羣儒。一掃三千字。上天梯。賦就五言詩。恁時封妻廕子。〔韓夫人云〕你許了我這親事者。〔旦云〕你還我頭髮錢來。〔韓夫人云〕誰偷了你的也。〔旦云〕聖人道先功名而後妻室。等俺孩兒得了官呵。

那其間成這親事。未爲遲哩。〔唱〕

〔尾聲〕等俺孩兒。若受了千鍾祿。三品職。成就了高堂大廈英傑子。你兒那時節五花誥。駟馬車。做一箇大院深宅媳婦兒。更有鄉鄰不輕視。車馬迎門不造次。百味珍羞揀口兒。喝婢呼奴換套兒。富貴榮華有人使。兒女團圓做了親事。恁時節永遠姻親。方顯的我慎終始。〔下〕〔韓夫人云〕好箇古撒的婆婆。今日見他一面。果

然得治家之道。我將女兒與這等婆婆。不強似許與別人。等秀才應過舉時。務要成此親事。我不爭拘束着閉月羞花女。那其間分付與你箇銀鞍白面郎。今日無事。且回後堂中去來。(下)

第三折

〔陶侃上〕(云)小生陶侃。多虧母親指頭上討了些針線錢。今日着我請范老先生。已着人請去了。這早晚怎生不見來。〔末扮范先生上〕(云)滿腹文章七步才。綺羅衫袖拂香埃。今生坐享清平福。不是讀書那裡來。小官范逵是也。五南路採訪賢良。來到此丹陽縣太學中。箇月期程。秀才叢中。有一人姓陶名侃字士行。嫡親的子母二人。此人依母指教。苦志攻書。我觀陶侃。有經濟大才。我有心想保舉此人。若到京師。見了聖人。必然重用。今日他家中請小官飲酒。他則知道我是箇學士。不知小官所幹事務。如今見了他母子。我自箇主意。說話中間問人來。這箇門兒。便是他家。試叫一聲。陶秀才在家麼。〔陶侃上〕(云)在家。呀。學士大人有請。〔范云〕陶秀才。量某有何德能。動勞生受。〔陶云〕不敢。起動大人先生。貴脚來踏賤地。請坐。待小生請家母。與老先生相見。母親。范老先生來了也。〔旦上〕(云)陶侃。老先生來了也。〔陶云〕來了也。母親相見者。〔做見科〕(旦云)學士大人。貴脚踏於賤地。蓬蓽生光。〔范云〕久聞老母教子有方。今日登堂瞻拜。實乃小官萬幸也。〔旦云〕老身不敢。將酒來。我與學士遞一盃。〔行酒科〕(旦云)蔬食薄味。簞食壺

漿不堪管待。聊表芹意。望學士休笑者。〔唱〕

〔中呂粉蝶兒〕則俺這茅舍疎籬。又無甚廳堂客位。則見些蓬窗土炕蘆席。雖然是飯蔬食。薄酒味。大剛來是俺主人家情意。秀才每淡飯黃齏。與你箇嚙珍羞大人厭飫。

〔醉春風〕俺家裡甌有范丹塵。廚無原憲米。量這些藜羹黍飯不成席。則是箇理理。都是些棟梁之材。鳳麟之瑞。廟堂之器。〔二淨闌上云〕幫閑鑽懶爲活計。脫空說謊作營生。小人名喚杜裡飢。兄弟叫做世不飽。俺兩箇不會營生買賣。全憑嘴抹兒過其日月。如今陶侃家中請客喫酒。俺兩箇到那裡。與他遞酒搬湯擡卓兒。臨了嚙兩箇務要吃箇醉。還要包些卓面東西。到家與俺老婆喫。來到門首。自家過去。〔做見科〕〔云〕陶侃。你怎生不請俺兩箇。我與你執壺把盞。老母休怪。〔陶云〕似這般怎了。〔旦云〕學士請坐。老身前後執料去。孩兒你遞酒去波。〔陶云〕母親。我則請的一位。如今又走將兩箇這廝來。可着甚麼與他喫。酒將近無也。那得錢來買。〔旦唱〕

〔迎仙客〕我與你準備下酒食。我着你便待相識。〔云〕你道我那裡得錢物來買。〔唱〕這的是人頭上錢。若還容易得請客呵。豈不聞打迭起酸寒。不是我便誇富貴。

問甚麼請來那是誰。豈不聞四海皆兄弟。〔陶云〕母親安排下一箇人的茶飯。如今又走將兩箇人來。可怎了。〔旦唱〕

〔石榴花〕則俺這主人家情重客都齊。問的他無一話皺雙眉。他坐而不覺立而饑。陶侃也。你與我便快疾把盞安席。略可便將沒作有。把這賓朋來會。他可辨甚賢愚良賤高低。我不要你揀好擇弱尋相識。常言道白髮故人稀。

〔鬪鶴鵲〕則願得我牙落重生。則願的我白頭再黑。〔二淨云〕陶侃將酒來。我遞一鍾。〔陶云〕這兩箇好無禮也。〔旦唱〕這的是您娘的私房。且與你做面皮。這頓飯如法要整齊。着他每放心的喫。將我這霧髮雲鬟。博換做龍肝鳳髓。〔二淨云〕陶侃你有錢

好請客。無錢便罷。如何逼併的你娘剪頭髮賣錢請人。我把你箇生忿忤逆弟子孩兒。〔陶云〕母親他二人對着學士跟前。說我生忿忤逆。爲請人剪了娘的頭髮。賣成錢鈔買物。兀的不要我做甚麼。〔氣倒科〕〔二淨云〕陶侃氣死了。不干我事。收拾了桌上的東西。嚙回家去來。〔下〕〔旦云〕兒也干你甚麼事。〔唱〕

〔上小樓〕他走將來便嚇天喝地。道孩兒生忿忤逆。俺孩兒便舌則不喫。見他必顧。孝當竭力。他道是逼併的娘剪髮。安排筵席。則俺這箇賽曾參。氣也不氣。

〔陶醒科云〕母親他兩箇說您孩兒。怎生知道。〔旦唱〕

〔么〕着人道娘教子。我爲你後人說。陵母伏劍。陶母邀賓。孟母三移。則爲這一箇字。五貫錢。別尋生意。我則怕人無信而不立。〔范云〕陶秀才你來。今日是箇好日辰。

收拾琴劍書箱。隨我上京應舉去來。〔陶云〕大人先生說的是。待小生稟命母親去。〔做問科〕

〔云〕母親。今學士大人。要領你孩兒上京應舉去。爭奈母親年高。孩兒盡忠。不能盡孝。孩兒去好。不去好。〔旦云〕學士這等說來。我問學士去。〔做問科〕〔云〕學士。量陶侃有甚文學。着學士如此用心也。〔范云〕老母。你放心。我領秀才到的京師。必然爲官。則今日便索長行。〔旦云〕我謝了學士者。陶侃。你來聽分付。此一去。則要你着志者。得官不得官。早些兒回來。休着我憂心。〔唱〕

〔耍孩兒〕這的是爲頭兒兩眼恹惶泪。第一聲長吁嘆息。起初時今夜魂夢驚。破題兒不展愁眉。比及你奪皇家富貴。他人聚。今日箇白屋貧寒親子離。常記着禮之用。和爲貴。到那裡則要你折腰叉手。休學那苦眼鋪眉。〔陶云〕母親休煩惱。

〔旦唱〕

〔二煞〕我如今近五旬。你方纔整二十。兒行千里母也行千里。鳳凰池不到你娘心先到。龍虎榜文齊。只怕你福不齊。問甚麼及第不及第。及第呵。你休昂昂。

而已不及第呵。你可休快快而歸。〔陶云〕母親。您孩兒今日就行。我與母親遞一盃酒。母親

滿飲此一盃。〔旦云〕孩兒。對着學士在這裡。老身二十年不曾飲酒。孩兒今日臨行。我飲過此盃。

我且不喫哩。〔陶云〕母親爲何又不飲。〔旦唱〕

〔尾聲〕或是你受一道宣。或是你受一道敕。你若是還家呵。把一盞慶喜酒。在你這娘根前跪。〔云〕孩兒。你若得了官呵。回到家中。想你那父親亡過。若不是老身。豈有今日也呵。〔唱〕兀的是我二十載孤孀落得的。〔下〕〔范云〕陶秀才。則今日收拾起程。隨我上京去來。老慈母訓子殷勤。陶士行今日成名。乘傳去朝廷保奏。一家兒列鼎重祿。〔下〕〔陶云〕則今日跟着范學士。應舉走一遭去。便好道三寸舌爲安國劍。五言詩作上天梯。青霄有路終須到。金榜無名誓不歸。〔下〕

第四折

〔范學士上〕〔云〕高鳥相良木而棲。賢臣擇明主而佐。小官范達。離了丹陽縣。領着陶侃。來到京師。小官見了聖人。說陶侃母親教子有法。甘守孤貧。母爲賢母。子爲孝子。將剪髮事奏知聖人。就加陶侃爲頭名狀元。就着小官直至丹陽。將陶侃母親。賜賞加封去。小官不敢久停。須索長行。方信道舉善薦賢。今日箇果有安身之法。〔下〕〔韓夫人上云〕歡來不似今朝。喜來那逢今日。妾身

韓夫人是也。我打聽得陶侃秀才應過舉。得了頭名狀元。當初曾將我女孩兒許與他爲妻。他母親道。等他孩兒得了官。方纔成此親事。今日果然得了官也。我到來日。牽羊擔酒。到他家中。一來慶喜。二來成就這頭親事。正是淑女可配君子也。須索走一遭去。〔下〕〔正旦引陶侃上〕〔陶云〕母親賀萬千之喜。若不是母親嚴教。豈有今日爲官。〔旦云〕誰想有今日也呵。〔唱〕

〔雙調新水令〕兒做了狀元郎。娘做了太夫人。娘和兒一齊發運。母三宣朝鳳闕。兒一舉跳龍門。俺孩兒寒窗下爲人。今日箇成家計會秦晉。〔云〕看有甚麼人來。〔范達上〕〔云〕小官范達。奉聖人命。與陶侃加官賜賞。可早來到也。左右接了馬者。陶侃裝香來。您母子跪者。〔陶云〕母親聽聖人之命。〔范云〕陶侃母親。則爲你甘貧守法。教子讀書。貞烈雙全。聖人賜賞加封。你本是賢德之門。堪可爲朝廷宰臣。則爲你教子有法。則爲你剪髮待賓。陶侃爲頭名狀元。奉老母翰苑修文。湛氏賜黃金千兩。封你爲蓋國義烈夫人。國家喜的是義夫節婦。重的是孝子順孫。今日箇加官賜賞。一齊的望闕謝恩。老母。你可認的我麼。則我便是。將領陶侃去的范學士。是我保舉你子母來。〔旦云〕陶侃過來。啣謝了大人者。〔范云〕老母。請將你教子之法。略說一偏者。〔旦云〕學士不嫌絮煩。聽老身慢慢說一偏。〔唱〕

〔喬牌兒〕俺當初覓一文。俺喫一頓。覓一頓。待時分。我教他習文學禮。捱貧困。

我着他苦攻勤溫故新。

〔甜水令〕老身做了些針線生活。擔饑受冷。把家私營運。端的是用盡老精神。我着他刺骨腰間。懸頭梁上。望改家門。今日可使得遇恩人。〔范云〕聖人云。公卿生於白屋。將相出於寒門。信不虛矣。〔旦唱〕

〔折桂令〕豈不聞求忠臣於孝子之門。我教訓他攻書將傍的成人。〔范云〕據老母三從四德俱全。〔旦唱〕老身雖無那九烈三貞。受了那十年五載。萬苦千辛。我做箇窮漢婦。甘貧受窘。孩兒把聖人書。溫故知新。俺孩兒志氣凌雲。演武習文。〔范云〕當初爲甚麼來。〔旦唱〕則爲他戀酒三盃。這肯教他爛醉十分。〔范云〕當初請小官的錢物。是那裡措辦來的。〔旦唱〕

〔川撥棹〕我當初住在寒門。我着他拜嚴師。居善鄰。是半世白身。漏面黃塵。爲請下箇官人。錢又沒分文。老身因此上剪髮待賓。怕孩兒他不孝順。

〔七弟兄〕我可便怕人議論索殷勤。那寒窗十載都休問。俺孩兒布衣及第作朝臣。說與那賢門公子都不信。

〔梅花酒〕呀。怕不我便去請人。我如今做生活。怕昏騰。洗衣裳。覺身困。怕不待

請恩人。怕不待要列金尊。

〔收江南〕呀。爭奈我病惶惶。難做那孟嘗君。〔范云〕豈有今日那。〔旦唱〕笑吟吟迎出驛門。俺孩兒讀書十載博換紫朝臣。待着人叫母親。寒窗下逼殺看書人。〔韓夫人引小旦上〕〔云〕下次小的每。把那羊酒。且遠着些。我先過去者。〔做見科〕〔云〕親家母。賀

萬千之喜。〔旦云〕夫人。這親事如何。〔韓夫人云〕你這養兒的有志氣也。〔旦唱〕

〔鴈兒落〕你道我養兒的有氣分。赤緊的養女的先隨順。陪奩房成斷送。則今日成秦晉。

〔得勝令〕方信道天子重賢臣。〔范云〕小官就主張成此親事。〔旦唱〕這的是賤媳婦。貴媒人。俺孩兒得志在長朝殿。不强如守田家老瓦盆。成就了婚姻。兒共女心先順。改換了家門。這的是文章可立身。〔范云〕今日是吉日良辰。小官作媒。將韓夫人女兒。就今日過門。成此百年姻眷。也顯的陶士行志苦心堅。韓夫人不食前言。一家兒榮華富貴。新

狀元夫婦團圓。〔旦唱〕

〔尾聲〕則金冠霞帔親朝覲。丹陽縣母子承天運。謝吾皇聖德重如山。願陛下四海邊疆萬年穩。〔末云〕天下喜事。無過夫婦團圓。文章把筆安天下。武將提刀定太平。


題目

范學士薦賢舉善

正名

晉陶母剪髮待賓

于小谷本錄校



劉玄德醉走黃鶴樓

元朱 凱

頭折

〔沖末諸葛亮領卒子上〕〔云〕前次春花桃噴火。今日東籬菊綻金。誰似豫州存大志。求賢用盡歲寒心。貧道覆姓諸葛名亮字孔明。道號臥龍先生。瑯琊陽都人也。在於臥龍岡辦道脩行。自玄德公請貧道下山。拜爲軍師。頭一陣博望燒屯。殺夏侯惇十萬雄兵。片甲不回。不想曹操不捨。親率領八十三萬雄兵。來取新野。來至三江夏口。主公命某過江。問東吳借水兵三萬。周瑜爲帥。黃蓋爲先鋒。俺兩家合兵一處。拒敵曹操。貧道祭風。周瑜舉火。黃蓋詐降。燒曹兵八十三萬。片甲不回。今曹操敗走華容路。貧道領關張二將。追趕曹操。說與趙雲衆將。緊守赤壁連城。休要有失。則今日追曹操走一遭去。施謀略平欺管樂。領雄兵密排軍校。先拏住百計張遼。直趕上奸雄曹操。〔下〕〔外扮周瑜領卒子上〕〔云〕腹中韜略隱黃公。匣藏寶劍掣青龍。坐籌帷幄眞壯士。決勝千里作元戎。某姓周名瑜字公瑾。乃廬江舒城人也。某幼習先王典教。後看韜略遁甲之書。某每回臨陣。無不幹功。幼年曾與長沙孫策同堂學業。孫策已亡。後佐於江東孫權麾下。爲大將之職。因劉關張着孔明軍師過江。問俺江東借俺赤壁連城。暫且屯軍。俺主公拜某爲帥。黃蓋爲先鋒。

領水軍數萬。戰於赤壁之間。某與孔明併力而攻。將曹兵八十三萬。一火焚之。皆某之功。又折了俺首將黃蓋。誠恐此人久後乘勝。必取荊州。某想赤壁之戰。非干已讐。折某虎牙之將。某常懷深恨。未曾報讐。某聞知諸葛孔明領衆將往華容路。追趕曹兵去了。乘此機會。某設一計。俺這江東有一樓。名曰黃鶴樓。設一會。乃是碧蓮會。我脩一封書。差首將魯肅。直至赤壁連城。請劉玄德過江赴會。若劉玄德來時。某暗設三計。頭一計。酒至半酣。席間問其強弱。應答不合某心。用劍斬之。第二計。着大將于樊。把住樓門。一切人等。不放上下。若無某令箭。不許下樓。第三計。酒酣之際。要劉備順情歸吾。意有不從。擊金鍾爲號。伏兵盡舉。擒住劉備。困於江東。不放回赤壁連城。方稱某平生之願。設計已定。小校與我喚將魯肅來者。〔卒子云〕理會的。魯肅安在。〔魯肅上〕〔云〕自小會將武藝習。南征北討慣相持。臨軍望塵知敵數。對壘嗅土識兵機。某乃魯肅是也。某文通三略。武解六韜。十八般武藝。無有不拈。無有不會。今佐於江東孫權手下爲將。正在教場中習演武藝。元帥呼喚。不知有甚事。須索走一遭去。說話中間。可早來到也。小校報復去。有魯肅在於門首。〔卒子云〕理會的。喏。報的元帥得知。有魯肅在於門首。〔周瑜云〕着他過來。〔卒子云〕過去。〔做見科〕〔云〕元帥呼喚小將。那裡使用。〔周瑜云〕喚你來別無甚事。我與你這封書。你過江直至赤壁連城。請劉玄德去。若見了玄德。你道俺元帥在黃鶴樓上安排筵宴。請玄德公過江赴碧蓮會。

你小心在意。疾去早來。(魯肅云)小將得令。則今日領着元帥將令。直至赤壁連城。請玄德公過江。赴碧蓮會。走一遭去。雲山水陸俱完備。定計鋪謀。驅鐵騎。赤壁相邀玄德公。謹請早赴碧蓮會。(下)(周瑜云)玄德公也。若你不來時。萬事罷論。若來呵。便插翅也飛不過這大江去。排兵布陣。用心機。魯肅疾去莫延遲。玄德若赴碧蓮會。不還荊州不放回。(下)(劉備領卒子上)(云)駿馬雕鞍紫錦袍。胸襟壓盡五陵豪。有人來問宗和祖。附鳳攀龍是故交。小官姓劉名備。字玄德。大樹樓桑人也。某有兩箇兄弟。二兄弟姓關名羽。字雲長。是這蒲州解良人也。三兄弟姓張名飛。字翼德。是這涿州范陽人也。俺三人結義在桃園。曾對天盟誓。不求同日生。則求當日死。一在三。在一。亡三亡。俺弟兄三人。自從南陽臥龍岡。請下孔明師父來。拜爲軍師。自博望燒屯。殺夏侯惇。十萬雄兵。片甲不回。曹操不捨。親領雄兵百萬。來取新野。某遣孔明軍師過江。結好於東吳。借起軍馬數萬。拜周瑜爲帥。與曹操戰於赤壁。火燒曹兵百萬。大敗而回。某屯軍於赤壁。城中有俺孔明師父。言先取荊州爲本。後圖西蜀。未爲晚矣。今孔明軍師領雲長張飛取荊州去了。未見回還。小校門首覷者。看有甚麼人來。(卒子云)理會的。(魯肅上)(云)某乃魯肅是也。奉着周瑜元帥的令。持着書呈。前來赤壁連城。請玄德公黃鶴樓上赴碧蓮會去。可早來到也。小校報復去。有周瑜元帥差魯肅持書。在於門首。(卒子云)理會的。(做報科)(云)喏。報的元帥得知。有東吳國周瑜元

帥手下魯肅持書來見。〔劉末云〕周瑜持書呈來。不知主何意。着那下書的過來。〔做見科〕〔劉末云〕來者何人。〔魯肅云〕小將乃東吳國周瑜手下魯肅是也。奉俺元帥的將令。持書一封。請玄德公過江。黃鶴樓上赴碧蓮會去。〔劉末云〕將那書來。我看這書者。〔看書科〕〔云〕越殿襄王大德劉公閣下開拆。周瑜謹封。〔拆書科〕〔云〕我拆開這封皮。書曰。高皇創業。良將安邦。立明君二十四帝。統國祚四百餘年。目今獻皇在位。建安十三年歲在戊子。因曹操乃是奸臣。欲圖漢室。天時不順。大率雄師。戰於赤壁。明公乃王室之胄。英才蓋世。衆士慕仰。若水之歸海。川諸葛之神機。憑關張之智勇。借瑜吳主江東水軍。恃長江險阻之勢。納部將黃蓋之能。火烈風猛。雷鼓大振。北軍大敗。瑜與明公水陸並進。追至南郡。曹仁敗於夷陵。孔明等追操未還。仗公之威德也。今因武昌有黃鶴樓。瑜設碧蓮蓮下原有之字趙校刪會。敬請明公。以賀近退曹兵。共享清平之世。坐敘契闊之情。俯賜降臨。幸勿間阻。伏惟高照不宣。東吳大帥周瑜頓首百拜書。越殿襄王玄德公府下。〔看畢書科〕〔云〕書中的意。我盡知道了也。兀那魯肅。你先回去。說與你元帥。我便來也。〔魯肅云〕出的這門來。不敢久停久住。回元帥的話去。蒙差遣心勞意攘。劉玄德須當一往。黃鶴樓暗釣鯨鯢。難逃這天羅地網。〔下〕〔劉末云〕魯肅去了也。〔卒子云〕去了也。〔劉末云〕今有周瑜請我赴宴。我待不去來。想當初赤壁鏖兵之時。多虧了周瑜元帥助俺破曹。我待去來。爭奈孔明師父與兩

簡兄弟不在。我喚劉封來。與他商議。小校與我喚將劉封來者。〔做喚劉封科〕〔淨劉封上〕〔云〕六韜三略不曾習。南征北討要相持。高頭戰馬牽過來。從早到晚上不得。某乃劉封是也。我十八般武藝。件件不通。殷殷不會。自破曹之後。俺屯軍在赤壁連城。俺二叔叔雲長。三叔叔張飛。同軍師諸葛。西征曹軍去了。止有趙雲和某。鎮守着赤壁連城。正在竈窩裏打盹。父親呼喚我。想來左右是着我喫酒。見父親一遭去。可早來到門首也。小校報復去。有劉封來了也。〔卒子報科〕〔云〕啫。報的主公得知。有劉封來了也。〔做見科〕〔劉封云〕父親喚您孩兒。有何事商議。〔劉末云〕劉封。喚你來別無甚事。今有江東周瑜。差人持書呈來。請我黃鶴樓上赴宴。喚你來商議。你意下如何。〔劉封云〕父親。想東吳國周瑜。好意請父親赴會。若不去呵。不惹的他怪。不妨事。則管去。若有好歹。您孩兒來接應父親。〔劉末云〕雖然這等。我還不會與趙雲商議。〔劉末云〕父親。你沒正經。您孩兒主張了便罷。又叫他來怎的。〔劉末云〕小校與我喚將趙雲來者。〔正末扮趙雲上〕〔云〕某乃真定常山人也。姓趙名雲。字子龍。見佐玄德公麾下。爲上將之職。今日玄德公請俺衆將。不知有甚事商議。須索走一遭去。可早來到也。小校報復去。道有趙雲在於門首。〔卒子云〕啫。報的主公得知。有子龍將軍來了也。〔劉末云〕着他過來。〔卒子云〕過去。〔做見科〕〔正末云〕元帥喚趙雲。有何事商議。〔劉末云〕趙雲。喚你來別無甚事。今有周瑜。請我過江黃鶴樓上赴碧蓮會。我特來請你商議。我去好不好。〔正末云〕元帥要赴碧蓮會。敢不可去麼。〔劉末云〕怎麼不可去。

〔正末云〕則怕周瑜有歹意。〔劉末云〕周瑜他便有歹心。憑着俺孔明師父用計。衆將英雄。量他到的那裡。〔劉封云〕父親想周瑜無歹意。他助嚙軍馬。赤壁鏖兵。破了曹兵百萬。如今他請父親飲酒。有甚麼歹意。便有歹意呵。憑着俺二叔叔雲長。三叔叔張飛。又有老官人趙雲。又有姪兒劉封。又有諸葛軍師。俺人強馬壯。量他到的那裡。〔正末云〕噤聲。〔唱〕

〔仙呂點絳脣〕賣弄你馬壯人強。驅兵領將。東吳往。咱可便同共商量。商量的都停當。〔劉末云〕周瑜請我飲酒。他豈有歹意。〔劉封云〕哎。老趙想俺父親在襄陽會上。也不同小可也。〔正末唱〕

〔混江龍〕不比那襄陽會上。他則待興心兒圖謀漢家邦。〔劉封云〕想周瑜破了百萬曹兵。他正是擎天玉柱。架海金梁。他有甚麼歹意。父親。你赴宴走一遭去。有甚麼事。〔正末唱〕你道他是擎天的玉柱。架海金梁。纔殺退霸道奸雄曹孟德。那周瑜不弱如興劉滅楚的這漢張良。索仔細。莫荒唐。涉大水。渡長江。看了這黃鶴樓。勝似他那宴鴻門。觀了他這碧蓮會。更狠如臨潼上。〔劉封云〕他見俺父親。不得不敬。務要走一遭去。〔正末唱〕他遣來使相請。咱可便不去。落的這何妨。〔劉封云〕老趙。你閑言刺語的。父親休聽他。你赴宴走一遭。料着不妨。〔劉末云〕子龍將軍。劉封也說的是。那周瑜他敬意請我。若不去

呵。則道我怕他哩。〔正末云〕元帥道的箇筵無好筵。會無好會。不可去也。〔劉封云〕老趙。你越老的糊突了。憑着我十八般武藝。無有不拈。無有不合。他若有歹心呵。我殺的周瑜片甲不回。〔正末云〕噤聲。劉封。你說差了也。〔劉封云〕我怎麼說的差了也。〔正末唱〕

〔油葫蘆〕哎。你箇一勇性的劉封。不忖量。你做不的些好勾當。〔劉封云〕想周瑜請俺父親飲酒。你左攔右當。必有僥倖。〔正末唱〕惱的我氣撲撲忿怒夯胸膛。恰正是低着頭。往虎窟龍潭創。却正是合着眼。去那地網天羅裏撞。〔劉末云〕子龍將軍。那周瑜安排筵宴。請我飲酒。豈有歹意。〔正末唱〕你道他飲玉甌。在畫堂。〔劉封云〕父親說的是。他若有歹意呵。憑着父親坐下的盧馬。把檀溪河也跳過去了。料着不妨事。〔正末唱〕憑着這的盧戰馬十分壯。怎跳過那四十里漢陽江。

〔天下樂〕無撚指黃鶴樓。敢翻做戰場。我想那周瑜有智量。明晃晃列着刀共槍。魚不可離了水。虎不可離了岡。他可敢安排着惡戰場。〔云〕主公。周瑜差誰來請

主公來。〔劉末云〕周瑜差首將魯肅下請書來。趙雲怕你不信。請書在此。〔正末云〕將書來我看。

〔唱〕

〔後庭花〕拏着這虛飄飄的紙一張。上寫着黑眞眞字幾行。他則是仗劍施威。

計埋伏

伏原作食趙校改

打鳳凰。這件事不尋常。那裡有風波千丈。我言語不是謊。〔劉末

云〕憑着俺三兄弟張飛英勇。可量他到的那裡也。〔正末唱〕

〔金盞兒〕你道是張翼德氣昂昂。性兒剛。〔劉封云〕俺三叔叔張飛十八騎人馬。在那當陽橋上。喝了一聲。橋塌三橫水逆流。說的曹兵倒退三十里遠。〔正末唱〕在那當陽橋。喝退了曹丞相。據着他一衝一撞。賣弄高強。〔劉封云〕憑着俺三叔叔。坐下烏騾馬。手中丈八矛。萬夫不當之勇。〔正末唱〕倚仗着當三軍不刺刺烏騾騎。敵萬夫光燦燦丈八點鋼槍。〔劉封云〕俺三叔安喜縣鞭督郵。又在石亭驛中。將袁祥提起腿。攢的花紅腦子出來。不妨事。父親走一遭去。〔正末唱〕你休賣弄安喜縣鞭督郵。石亭驛摔袁祥。〔劉末云〕子龍將軍。你放心。想周瑜當此一日。助俺破曹。他與俺結爲唇齒之邦。他今日請我赴會。豈有歹心。你緊守城池。我赴罷宴便來也。〔正末云〕我勸元帥不聽。堅意的要去。你小心在意者。〔劉末云〕子龍將軍。你放心。不妨事。〔劉封云〕老趙。你多慮。料着不妨事。〔正末唱〕

〔尾聲〕他那裡明明的捧着瑤觴。暗暗的藏着軍將。用計鋪謀怎防。着主公坐在那難走難逃筵會上。你心下自索參詳自度量。不比尋常。他則待賺虎離窩入地網。〔劉封云〕哎。趙叔。你不知道。那黃鶴樓近在水邊。若水長呵。我安排戰船。搭起浮橋接應。我

父親他便跌下水去。落的他睡一覺。〔正末唱〕那黃鶴樓接天水長。翻波滾浪。〔正末云〕若主公不聽趙雲諫當呵。〔唱〕知他是甚風兒。吹過漢陽江。〔下〕〔劉封云〕老趙你去。我父親他也不聽你說。父親走一遭。則管啣食去。〔劉末云〕劉封。你與趙雲緊守着城池。則着三五騎人馬。跟我過江。直至黃鶴樓上赴宴。走一遭去。子龍心下莫躊躇。今朝上馬踐程途。過江親赴碧蓮會。直至那黃鶴樓上見周瑜。〔下〕〔劉封云〕父親去了也。爲甚麼我齋發的俺父親過江去。那周瑜是箇足智多謀的人。俺父親若有些好歹。他這箇位。就是我承襲。憑着我這般好心腸。天也與我半碗飯喫。〔下〕

第二折

〔諸葛亮領卒子上〕〔云〕筆頭掃出千條計。腹內包藏萬卷書。貧道諸葛亮是也。領關張二將。追趕曹操於華容路上。我夜觀乾象。玄德公有難。誰想周瑜請玄德公黃鶴樓上飲宴去了。周瑜他要傷害玄德公。景你怎出貧道之手。想當日赤壁之間。貧道問周瑜要一枝令箭鎮壇。貧道留到今日。我將此箭藏在柱拂子裏面。憑此箭着主公無事而回。令人與我喚將關平來者。〔卒子云〕理會的。關平安在。〔關平上〕〔云〕善變風雲曉六韜。將門累世顯英豪。能征慣戰施勇猛。父子堅心輔聖朝。某乃大將關平是也。俺父親是關雲長。頗奈曹操無禮。追趕俺至三江夏口。孔明師父

求救於孫權。孫權助俺水軍三萬。俺師父將曹操百萬雄兵。在赤壁之間。一火焚之。今曹操脫命而走。師父同俺父親。追趕到華容路。安營下寨。今有軍師呼喚。不知有甚事。須索走一遭去。可早來到也。小校報復去。道有關平來了也。〔卒子云〕理會的。喏。報的軍師得知。有關平來了也。〔諸葛亮云〕着他過來。〔卒子云〕理會的。着過去。〔見科〕〔關平云〕師父呼喚關平。那廂使用。〔諸葛亮云〕關平。則今日將着暖衣。拄拂子。直至黃鶴樓上。與伯父送暖衣。走一遭去。小心在意。疾去早來。〔關平云〕理會的。則今日辭別了師父。直至黃鶴樓上。與伯父送暖衣。拄拂子。走一遭去。跨下征驄。有似風。黃金甲。襯錦袍。紅。關平豈敢違軍令。不分星夜到江東。〔下〕〔諸葛亮云〕關平去了也。令人說與姜維。扮做一漁翁。手上寫八箇字。是彼驕必衰。彼醉必逃。主公見了。自有脫身之計。隨後着雲長張飛。蘆花深處。接應玄德公去。一枝箭頃刻成功。八箇字救出英雄。蘆花岸張飛等候。周公瑾恥向江東。〔下〕〔淨伴姑兒上〕〔唱〕

〔豆葉黃〕那裡那裡。酸棗的林兒西裡。您娘教你早來家。早來家。恐怕那狼蟲咬你來。摘棗兒。摘棗兒。你道不曾摘棗兒。口裏核兒那裡來。張羅張羅。見箇狼呵。跳過牆呵。誑殺你娘呵。〔云〕我做莊家不須誇。壓着城裏富豪家。喫的飯飽無處去。水坑裏面捉蝦蟆。〔唱〕

〔禾詞〕春景最爲頭。綠水青泉遠院流。桃杏爭開紅似火。王留閑來無事倒騎牛。村童扶策懶凝眸。爲甚莊家多快樂。休休。皇天不負老實頭。〔云〕白家村姑兒的便是。清早晨起來。頭不會梳。臉不會洗。喝了五六碗茶。阿的們大燒餅。喫了六七箇。纔充了饑也。我要看些田禾去。那小廝每說。兀那田禾裡有狼。我是箇女孩兒。怎麼不怕那狼虎。我不免叫伴哥兒同走一遭去。伴哥兒行動些兒。〔正末扮禾傑上〕〔云〕伴姑兒。你等我一波。〔唱〕

〔正宮端正好〕則聽的二姑把三哥來叫。〔禾旦云〕俺看田苗去來。〔正末唱〕東莊裡看取些田苗。落荒休把這山莊遶。咱可使尋一條家抄直道。〔禾旦云〕俺這江南。青的是山。綠的是水。你看那漁舟唱晚。響窮彭蠡之濱。鴈陣驚寒。聲斷衡陽之浦。家家採下茶苗。杜鵑春啼曉。夏蟬高噪。綠楊枝秋蟬晚噪。俺莊家好快活也。〔正末唱〕

〔滾繡毬〕俺這裡對青山堪畫描。端的是景物好。你觀那紅葉兒秋蟬晚噪。俺這裡家家採下茶苗。〔禾旦云〕俺江南好煖和也。〔正末唱〕則這江南地煖風寒少。俺這裡春夏秋冬草不凋。綠水千條。〔禾旦云〕你看那黃菊近東籬。村老忙將塞驢騎。牛金牛表扶策走。只喫的東歪西倒醉如泥。受用有誰知。紫袍金帶雖然貴。其實不如俺淡飯黃蘗布。

衣伴哥兒。我打東莊裡過來。看了幾般兒社火。吹的吹。舞的舞。擂的擂。不是我聰明。我一般般都記將來了也。〔正末云〕伴姑兒道。我恰纔打那東莊頭過來。看了幾般兒社火。我也都學他的來了也。〔禾旦云〕伴哥兒。我不曾見。你試學一遍者。〔正末云〕試聽我說一遍者。〔唱〕

〔叨叨令〕那秃二姑在井口上。將轆轤兒乞留曲律的攪。〔禾旦云〕瞎伴姐在麥場上。將碓兒搗也搗的。〔正末唱〕瞎伴姐在麥場上。將那碓臼兒急并各邦的搗。〔禾旦云〕那小厮們手擎着鞭子。哨也哨的。〔正末唱〕小厮兒他手擎着鞭桿子。他嘶嘶颼颼的哨。〔禾旦云〕牧童兒倒騎着水牛。叫也叫的。〔正末唱〕那牧童兒便倒騎着一箇水牛。呀呀的叫。〔禾旦云〕俺莊家好快活也。〔正末唱〕一弄兒快活也麼哥。一弄兒快活也麼哥。〔禾旦云〕俺莊家五穀收成了。甚是安樂。〔正末唱〕正遇着風調雨順民安樂。〔關平躍馬兒上〕〔云〕自幼攻習學六韜。南征北討建功勞。下寨安營依三略。赤心敢勇保皇朝。某乃關平是也。父乃關雲長。俺父親隨軍師諸葛。同叔父張飛。追襲曹兵去了。某奉軍師將令。有俺伯父往江東黃鶴樓上請赴碧蓮會去了。軍師差某與俺伯父送暖衣去。來至這半途之中。遇着這一條路。不知那一條路往江東去。正行之間。兀的不是兩箇莊家。我問他一聲者。〔禾旦云〕伴哥兒。一箇官人來也。你向前答應答應。〔正末唱〕

〔倘秀才〕那匹馬緊不緊疾不疾。蕩紅塵一道。風吹起脖項上絳毛纓。一似火燎。他斜拽起團花那一領錦戰袍。端的是人英勇。馬咆哮。〔關平云〕兀那莊家。你住者。我和你有說的話。〔正末唱〕他那裡高聲兒叫。住著。〔關平云〕兀那莊家。你休驚莫怕。你近前來。我不是歹人。我問你。這三條路。不知那一條路。往江東黃鶴樓上去。你試說與我。〔正末云〕官人。你往江東黃鶴樓上去。我說與你這一條路。你則牢牢的記著。〔關平云〕你說。我記著。〔正末唱〕〔貨郎兒〕你過的這乞留曲律。蚰蜒小道。聽說罷。官人你記著。你過的一橫澗。搭一橫橋。更有那倒塌了的山神廟。〔關平云〕再有甚麼記號。〔正末唱〕破牆匡。草團瓢。轉山坡。過嶺橋。河裏魚兒水不著。春夏秋冬草不凋。貪看雲中鵲打鷹。你可休離俺這山莊。可便錯去了。〔關平云〕兀那莊家。你這江南地面。一年四季。怎生春種夏鋤。秋收冬藏。從頭至尾。慢慢的說一遍。我試聽者。〔正末唱〕

〔尾聲〕俺這裡風調雨順。民安樂。百姓每鼓腹謳歌。賀聖朝。則這一帶青山堪畫描。四野田疇景物好。倒大來無是無非。〔關平云〕多生受你。慢慢的去。〔正末唱〕可兀的快活到老。〔下〕〔末旦云〕官人。恰纔俺伴哥唱了去也。我也唱一箇官人聽。〔末旦唱〕

〔楚天遙〕重重疊疊山。曲曲灣灣水。山水兩相連。送伊十萬里。送你幾時

回。兩行慟惶淚。莊家每快活。枕着甜瓜睡。〔云〕官人忙便罷。若閑時。家來教你打幾箇擲拾。〔下〕〔關平云〕問了路逕也。將着這暖衣。直至黃鶴樓上。見伯父。走一遭去。漫辭憚途路艱難。也不怕江水潺潺。送暖衣黃鶴樓上。着伯父急早回還。〔下〕

第三折

〔周瑜領卒子上〕〔云〕安排打鳳牢籠。牢籠或作撈籠計。準備興邦立國基。某乃周瑜是也。我這魯肅持書一封。直至赤壁連城。請劉玄德赴會。此人欣然而來。某今日在此黃鶴樓上。安排筵宴。等待劉玄德。他此一來中吾之計。英雄甲士。暗藏在壁衣之後。令人樓下覷者。若劉玄德來時。報復我知道。〔卒子云〕理會的。〔劉末上〕〔云〕憶昔當年涿郡東。桃園結義會英雄。紛紛四海皆兄弟。誰似三人有始終。某乃劉玄德是也。今有周瑜元帥。差魯肅請我黃鶴樓上。赴碧蓮會。離了赤壁連城。可早來到這江東黃鶴樓下。令人報復去。道有劉玄德至此也。〔卒子報科〕〔云〕喏。報的元帥得知。劉玄德至此也。〔周瑜云〕道有請。〔卒子云〕理會的。有請。〔周瑜見科〕〔云〕呀呀呀。玄德公。一自霜松露菊。鴻鴈秋風。大戰於赤壁之下。彼各兩分。嘆光陰迅速。日月逡巡。奈關山迢遞。途路跋涉。恨不能一面之會。使某刻石而記於心懷。雖木而印於肺腑。某常思玄德公信義愈明。德服內外。嚴正而不失其道。追景昇之顧。則情感三軍。戀義兵之隨。則甘與同收。終濟大業。某常思玄德公往

昔之好。今具濁酒菲肴。敢勞玄德公屈高就下。枉駕來臨。誠爲周瑜萬幸也。〔劉末云〕元帥自赤壁相別。久不得會。元帥破曹操百萬雄師。有如此重恩。未能答報。今日感蒙置酒張筵。劉備何以克當。〔周瑜云〕玄德公自建安之秋。九月既望。猛風烈火。水陸并進。人馬燒溺。北軍大敗。曹操引軍步走。某與玄德公襲至南郡。曹操殘兵饑疫。死者甚衆。某想當時共討曹操。正所謂扶三綱。立人極。誅亂臣賊子。於千百載之下。使古今信義無時而不明也。若非除殘去穢。今日箇焉能坐視江陵。某常思玄德公無時不掛於心。某故此遠勞尊體也。〔劉末云〕元帥深通虎略。善曉龍韜。展濟世之神機。運安邦之妙策。掃除殘暴。剿滅奸邪。真乃天下英雄。誠爲廟堂偉器。今日重會尊席。實乃劉備萬幸也。〔周瑜背云〕某着軍兵四面埋伏。威懾劉備。看此人有懼怯之心麼。玄德公。俺江東鄙所。所趙校改雖是箇微末境界。你看那江濤峻峻。山勢嵯峨。今日俺宴會此樓。四圍眼景。觀之不足。玄德公。你看俺這樓外之景者。〔劉末看科〕〔云〕元帥黃鶴樓乃江南之勝景。某推開這吊窗。我試倚欄觀看者。好是奇怪也。他既請我赴會。可怎生四面八方兵山相似。劉備也。你尋思波。早是不來呵。也能我自箇主意。元帥是好景致也。元帥此樓外四圍之景。山川秀麗。草木清奇。西北有大江之險。東南望翠嶺之巔。乃吳主興隆之地。真乃爲霸業之鄉。誠爲虎踞龍蟠之勢也。〔周瑜云〕玄德公可休要作疑。某周瑜我並無歹心。俺盤桓數日。慢慢的回去。小校擡上果卓。

來者。〔卒子云〕理會的。果卓在此。〔周瑜云〕令人將酒來斟滿者。玄德公。量周瑜有何德能。有勞玄德公遠遠而來。蔬食薄味。不堪奉用。玄德公滿飲此杯。〔劉末云〕劉備碌碌庸才。着元帥置酒張筵。元帥先請。〔周瑜云〕玄德公請。〔劉末云〕將酒來。元帥滿飲一杯。〔周瑜云〕酒且慢行。看有甚麼人來。〔關平上〕〔云〕某乃關平是也。奉軍師將令。直至黃鶴樓。與伯父送暖衣去。可早來到也。小校報復去。我是關雲長的孩兒。奉俺軍師將令。着某與俺伯父送暖衣來。〔卒子云〕你則在這裡等候着。我報復去。〔報科〕〔云〕喏。報的元帥得知。有關平在於樓下。來見元帥。〔周瑜云〕關平此一來有何事。着他上樓來。〔卒子云〕着你上樓去。〔關平做見科〕〔周瑜云〕關平。你此一來有何事。〔關平云〕小將奉俺軍師將令。與伯父送暖衣來。〔周瑜云〕既然與你伯父送暖衣來。將酒來。着關平飲一杯酒。〔關平云〕小將不能飲酒。〔劉末云〕關平。你回去見孔明軍師。你說道元帥請我赴碧蓮會。飲宴罷。我可便來也。〔關平云〕伯父飲罷宴。早些兒回來。您姪兒先回去也。下的樓來。不敢久停久住。回軍師話。走一遭去。〔下〕〔周瑜云〕關平去了也。令人將酒來。玄德公滿飲此杯。〔劉末云〕元帥請。〔周瑜云〕再將酒來。玄德公滿飲一杯。〔周瑜放杯科〕〔云〕小校。與我喚一箇精細伶俐的來。〔卒子云〕理會的。兀那樓下有聰明伶俐的。着一箇上樓去。答應元帥。〔淨扮俊俏眼兒上〕〔云〕若論乖覺。非是謊。跳下床來不洗臉。精細伶俐敢爲頭。道我是智慧聰明俊俏眼。自

家于樊的便是。元帥見我聰明伶俐。與了我箇異名兒。叫做俊俏眼。不問遠方那裡來的人。我就認的他。我把他的膽認破了。我着他苦一世。元帥此一喚我來。則是賞我幾鍾酒喫罷了。我見元帥去。〔做見科〕〔云〕元帥喚小的有何事。〔周瑜云〕我道是誰。原來是子樊。玄德公。這小的喚做子樊。我見他聰明乖覺。別的不打緊。他一雙好眼。不問遠方來的人。不是我這國的。他便認將出來。我見他精細伶俐。與了他箇異名兒。喚做俊俏眼。〔劉末云〕這小的是一對好眼。〔俊俏眼云〕我頗頗兒。〔周瑜云〕兀那俊俏眼。我與玄德公飲酒。替我掌着令。你見我這對令箭麼。〔俊俏眼云〕小的每見。〔周瑜云〕你將着一枝。我收着一枝。你與我把着樓門。一切人等。不許放上放下。如有下樓的。對上我這枝箭的。你便放他下樓去。如無令箭的。休道是別人。就是我。你也不許放下樓去。〔俊俏眼云〕得令。就是我老子。我也不放他。〔做下樓科〕〔云〕爲甚麼俺元帥不着別人把這樓門。別人不會幹事。元帥見我精細伶俐。喚我做俊俏眼。我這兩箇眼。不問甚麼人。我便就認出他來。他怎生瞞的過我。我把住這樓胡梯。有令箭的。放下樓去。無令箭的。休想我放他下樓去。〔正末扮姜維上〕〔云〕某乃大膽姜維是也。因周瑜請俺主公黃鶴樓上赴會去了。孔明軍師在我手裏寫着兩行字。我扮做箇漁夫。將着這對金色鯉魚。黃鶴樓上推獻好新。走一遭去。〔唱〕

〔雙調新水令〕我將這錦鱗魚斜穿在綠楊枝。舞西風晚涼恰至。殘荷凋翡翠。

紅葉染胭脂景物宜時。〔云〕我纔住船者。〔唱〕我這裡上江岸步行至。〔云〕我來至這

黃鶴樓也。我打聽的周瑜差他那心腹人喚做俊俏眼。把着樓胡梯。我怎生推一箇乍熟兒。他說我姓張。我便姓張。他說我姓李。我便姓李。我則得上的這樓去呵。我自有箇主意。先見他去者。

〔俊俏眼做盹睡科〕〔正末云〕這厮睡着也。我着這厮喫一箇巴掌道。〔做打淨科〕〔俊俏眼做驚科〕〔云〕是誰打我來。〔正末云〕道你認的我麼。〔俊俏眼云〕我認的你。有些面熟。你敢是魚兒張麼。〔正末云〕誰道是蝦兒李來。〔俊俏眼云〕你那裡去來。〔正末云〕我聽的元帥在這黃鶴樓上筵宴。我將着這一對金色鯉魚。元帥跟前獻口味來。〔俊俏眼云〕是一對好金色鯉魚也。你前日許了鮮魚兒鮮蝦兒。你許下我。你怎生不送來與我。〔正末云〕你怎生舉薦我一舉薦。我把這魚元帥跟前獻了。到明日你來我那船上來。我着你蝦兒魚兒挑一擔來。可不好。〔俊俏眼云〕休說謊。我如今便替你說去。你明日好鮮蝦兒鮮魚兒。可與我挑一擔來。你則在這裡。我替你說去。〔俊俏眼做上樓見科〕〔周瑜云〕這厮做甚麼。〔俊俏眼云〕樓下有一箇打魚的。見元帥這裡飲酒。獻一對金色鯉魚。與元帥跟前獻好新來。〔周瑜云〕打魚的獻口味。你認的他麼。〔俊俏眼云〕小的每認得他。每日在這江邊打魚。他喚做魚兒張。〔周瑜云〕既然你認的。着他過來。〔俊俏眼做下樓見正末科〕〔云〕我替你說過了也。着你過去哩。休忘了我的鮮魚兒鮮蝦兒。明日

送來。〔正末云〕我這蓑衣斗笠。放在這裡。〔俊俏眼云〕你放下。我替你看著。〔正末上樓科〕〔周瑜云〕兀那厮。你是甚麼人。〔正末云〕小人是這打魚兒的小張兒。〔周瑜云〕你來做甚麼來。〔正末云〕聽知的元帥在此筵宴。小的每無甚麼孝順。將着這一對金色鯉魚。元帥跟前獻口味來。〔周瑜云〕玄德公。他知道俺在此飲酒。將這一對魚來獻新。〔劉末云〕也是他孝順的心腸。〔周瑜背云〕我如今指着這魚。雙關二意。亂道數句。我譏諷這大耳漢。看他知道麼。〔周瑜對劉末云〕玄德公。俺今日在此樓上飲酒。感的這野人來獻新。不才周瑜。亂道數句。玄德公跟前呈醜者。〔劉末云〕劉備洗耳願聞。〔周瑜云〕這魚他在那碧波中遊戲。不隄防撒網垂釣。則爲他失計吞食。今日落在俺漁翁之手。魚也。你也難回淵浪。自損你那殘生。你若是做小伏低。我着你活撥撥的遠趁江湖。你若是弄巧呈乖。我着你須臾間除鱗切尾。你可也難逢子產。今日箇正遇着楊胥魚也。你若是肯隨順呵。我着你享崢嶸獨步過龍門。你若是施呈能強。着你受金刀。肝腸皆粉碎。〔劉末云〕元帥高才高才。〔劉末背云〕這匹夫好無禮也。他指着此魚譏諷我。則除是這般元帥。小官也有數句亂談。單題着此魚。元帥汚耳。〔周瑜云〕某願聞者。〔劉末云〕這魚生於水底。長在煙波。趁風濤滾滾入東吳。不隄防悞落在漁翁手。這魚他將那絲綸垂釣。怎牽萬丈鯨鯢。鱗甲生輝。斬眼着江翻海沸。錦鱗隨浪。湧身發忿跳龍門。若遇春雷。試看蟄龍歸大海。吐霧噴雲入

大淵。騰身雷震動山川。那時頭角崢嶸際。攪海翻江上九天。〔周瑜背云〕這厮好無禮也。他着言語譏諷。我如今待要走向前去。一劍揮之兩段。着人便道周瑜乃江陵大帥。酒酣之際。殺了劉備。着後代史官點筆。罵名不朽。待不如此來。可不乾走了這大耳漢。我如今將機就計。着這漁翁推切。走向前去。一劍刺了劉備。着後人便道劉備着箇漁翁殺了。可也不干我事。兀那漁翁。你近前來。你是土居也。那寄居。〔正末云〕孩兒每是這江東部民土居。〔周瑜云〕哦。原來是俺這江東的部民。孩兒也。你再近前來。你與我做箇心腹人。可是恁的。〔正末云〕小人理會的。〔周瑜云〕兀那漁翁。你這魚是針鈎上釣來的。是網索上打來的。〔正末云〕元帥。這魚也不是扳罾撒網。聽小人說一遍。〔周瑜云〕你說。我試聽者。〔正末唱〕

〔殿前歡〕這魚兒他自尋思。可是他爲吞香餌。可使中鈎兒。〔周瑜云〕這魚可在那裡來。〔正末唱〕他在那水晶宮裏相傳示。〔周瑜云〕兀那漁翁。你將這魚除鱗切尾。逗鹽加醬。當面製造。急忙下手。某帶酒也。〔睡科〕〔正末唱〕誰承望命在參差。任漁翁自三思。空有翻波志。他可使眼見的在鋼刀下死。這魚兒比並着玄德。你與我仔細尋思。〔劉末低低問科〕〔云〕姜維。敢是軍師教你來。〔周瑜醒科〕〔云〕兀那厮。你不切鱗。說甚麼哩。切鱗。

〔又睡科〕〔正末唱〕

〔夜行船〕小可漁夫該萬死。又不曾差說了言詞。進忠言。玄德可也無不是。〔周瑜怒科〕〔云〕你則依着我下手切鱸。〔又睡科〕〔劉末驚科〕〔云〕兀那小張兒。好生的切鱸。〔正末云〕小人理會的。〔正末切鱸科〕〔云〕元帥。小人切了銀絲鱸也。〔周瑜不醒科〕〔正末云〕他睡着了也。〔正末舒手科〕〔唱〕你休看手梢兒。我手心裏公事。〔劉末看云〕寫着道彼驕必褒彼醉必逃。軍師的計策。我知道了也。〔正末唱〕

〔水仙子〕你休戀那玉簫銀管飲金卮。你將這碧蓮會筵席且告辭。〔劉末云〕軍師說甚麼來。〔正末唱〕俺軍師把元帥多傳示。〔劉末云〕關張二弟曾說甚麼來。〔正末唱〕這其間在江邊敢沒亂死。〔劉末云〕軍師再說甚麼來。〔正末唱〕俺軍師細說言詞。〔劉末云〕俺軍師可怎生不着人接應我那。〔正末唱〕這其間敢排着軍校。〔劉末云〕可在那裡接應。〔正末唱〕在堤圈楊柳枝。〔劉末云〕我怎生得過這江去。〔正末唱〕先安排下箇漁船兒。〔周瑜醒科〕〔云〕兀那厮。你說甚麼哩。其中有好詐。小校那裡把這厮擎下樓去。殺壞了者。〔卒子云〕理會的。〔劉末云〕元帥息怒。量他則是箇打魚的人。有甚麼奸詐處。看小官面皮。饒了他罷。〔周瑜云〕看玄德公面皮。將這厮擎下樓去。這厮敢泥中隱刺。〔正末唱〕

〔尾聲〕小人怎敢泥中刺。〔周瑜云〕若不看玄德公的面皮。殺了這厮多時了。〔正末唱〕休

休休。可不道大官不覲簾下事。〔云〕我下的這樓來。〔俊俏眼云〕你獻了那口味也。〔正末云〕我獻了口味也。我那蓑衣斗笠呢。〔俊俏眼云〕兀的不是。明日替我送將蝦兒魚兒來。〔正末唱〕恰便似火上澆油。命掩參差。暢道萬語千言。三回兩次。若不是玄德公言詞。險些兒三尺龍泉劍下死。〔下〕〔周瑜云〕將酒來。玄德公滿飲一杯。〔劉末云〕元帥先飲。〔周瑜云〕接了盞者。玄德公。你出一酒令。俺橫飲幾杯者。〔劉末云〕小官不敢。〔周瑜云〕便好道東家置酒客製令。〔劉末云〕哦。着小官行箇酒令。元帥差矣。正是以能問於不能。以多問於寡。小官焉敢在元帥跟前行令。正是弄斧於班門。小官行一杯酒。請元帥行箇令。小官依令而聽之。〔周瑜云〕既然玄德公不肯出令。某不敢違命。某周瑜出一令。單爲席間取一笑耳。論這古往今來。誰是英雄好漢。言者當。理當敬酒。言者不當。罰凉水飲之。玄德公請開談。〔劉末云〕元帥不問。小官也不敢多言。若論自古英雄。昔日魯公項羽。謂之好漢。〔周瑜云〕項羽他怎生是英雄好漢。〔劉末云〕昔日魯公姓項名羽字籍。乃臨淮下湘人也。幼失父母。雄威少壯。力能舉鼎。勢勇拔山。暗鳴叱咤。目有重瞳。劉項相持。共立懷王。統兵北路。虎視咸陽。詐設鴻門會。火燒阿房宮。渡河交戰。九敗章邯。榮陽城火焚紀信。倚勇烈威鎮諸侯。贏沛公七十二陣。左有龍且。右有范增。楚漢元年五月五日。自號爲西楚霸王。豈不爲好漢也。西楚重瞳獨霸強。暗鳴叱咤志軒昂。拔山舉鼎千斤

力。自古英雄說霸王。元帥一箇好霸王也。〔周瑜云〕玄德公差矣。項羽乃項燕之子。項梁之姪。雖力舉千斤。能勇而不能怯。故故原作固今改也。那項羽。心陷彊。向惡從鄙。微微字疑誤利不時。毒苦天下。殺宋義奪印。後入關背約。坑新安無辜之卒。殺軹道已降之主。劫墓取財。開宮戀女。屠虜咸陽士庶。燒阿房宮院。弑義帝於江中。左遷諸侯於別地。他稱爵稱尊。所過無不殘滅。無所容於天地之間。那項羽不聽韓生之諫。不納范增之言。被淮陰跨夫盜粟韓信。逼至烏江。自刎陰陵。他豈爲英雄好漢。霸王英雄。今自刎烏江。玄德公。你道的差了。你罰涼水。某則飲酒。〔劉末云〕元帥息怒。是小官差了也。元帥上酒。小官罰涼水。〔周瑜云〕玄德公。俺不論古往英傑。則論方今之世。誰是英雄好漢。〔劉末云〕元帥言道。不論古往英傑。則說方今之世。誰是英雄好漢。元帥。想方今之世。曹操謂之好漢。〔周瑜云〕曹操怎生是英雄好漢。〔劉末云〕想曹操籌謀廣運。智略多端。心如曲珠。意有百幸。夜臥九枕。日服鴆酒三杯。威伏漢室。自爲大將軍。封武平侯。挾天子以擅征伐。尋爲丞相。贊拜不名。入朝不趨。劍履上殿。自立爲魏公。加九錫。納其三女爲貴人。進位於諸侯之上。宮禁侍衛。莫非曹氏之人。曹操以雄兵百萬。虎將千員。左有百計張遼。右有九牛許褚。獨霸許昌。虎視中原。豈不謂之好漢。豪傑滾滾競山川。玄德奸雄掌大權。戰將千員兵百萬。一箇曹公英勇占中原。元帥一箇好曹操也。〔周瑜云〕玄德公。你又差了也。想曹操奸雄足智。任俠放蕩。然托名漢相。實

爲漢賊。功非扶漢。意在篡君。仗兵勢雄威。霸許都之地。雖然討袁紹。破呂布。下關西。定荊州。他那其事雖順。其情則逆。他夜臥九枕。日服煬酒。不離了許昌之地。某等合兵。一舉而焚於赤壁以下。他豈爲英雄好漢。曹操奸雄。不離許昌。玄德公。你又道的差了。你再罰涼水。某則飲酒。〔劉末云〕是是是。小官又差了也。元帥飲酒。小官罰涼水。〔周瑜云〕玄德公。俺不論古往今來英雄好漢。則說俺二人。誰是英雄好漢。〔劉末云〕哦。元帥言道不論古往今來。也不論方今之世。則說今日俺二人飲酒。誰是英雄好漢。〔背科云〕可着我說甚麼的是。則除是這般。元帥。非小官饒舌。不才劉備。乃景帝玄孫。中山靖王劉勝之後。然漢之宗葉。素懦弱孤窮。紛紛世亂。因未遇隱於樓桑。今發忿嶢嶢。受天恩官居越殿。堪恨曹操奸雄。威權太重。羣臣皆懼。漢室宗枝。盡皆隱姓埋名。然劉備將寡兵微。我則待立劉朝。復興漢室。非小官之能。一托軍師諸葛神機。二賴關張二弟之勇。非小官自誇。曹兵百萬。稱羽飛二弟爲萬人敵也。若論漢室英雄。小官劉備我。是英雄好漢。〔周瑜云〕玄德公。你怎生是好漢。你又差了也。你既然有蓋世之才。而無應卒之機。斬之不能禁釋。二句疑有脫誤誰不知你是孤窮劉備。你在新野。被曹操領兵追襲。不敢領兵攻拒。棄妻子而奔於夏口。若不是關張二弟扶持。這其間定死在奸雄之手。劉備孤窮。倚仗關張。玄德公。你又道差了也。〔劉末云〕是是是。小官失言。元帥是好漢。〔周瑜云〕我怎生是好漢。〔劉末云〕想曹操統一百萬雄

兵。到此三江夏口。被元帥則一陣。破曹於赤壁之間。殺得曹操片甲不回。元帥豈不是好漢。〔周瑜云〕則這一句。纔合着我的心。玄德公言者當也。昔日霸王英雄兮。自刎烏江。曹操英雄兮。獨占許昌。劉備英雄兮。倚仗關張。赤壁鏖兵兮。美哉周郎。〔做笑科〕〔云〕將酒來。你也飲一杯。我再飲一杯。〔劉末云〕元帥再飲一杯。〔周瑜云〕且住者。我恰纔貪歡喜。多飲了幾杯酒。覺我這酒上來了。我權時歇息者。〔做猛醒科〕〔云〕周瑜也。你好蕩心也。我若睡着了呵。倘或玄德公盜了我這箭呵。不乾走了他。則除是這般。玄德公。你慢慢的住幾日去。我於你身上無歹意。周瑜若是有歹心呵。你見我這一枝箭麼。我捲箭爲誓。丟在這江裏。〔周瑜做捲箭丟在江裏睡科〕〔劉末做慌科〕〔云〕嗨。我指望盜他這枝令箭下樓去。誰承望他捲折了。丟在這江裏。我怎能殺下這樓去。軍師也。你既然差關平來。送暖衣挂拂子來與我。可怎生無計救我回去。〔劉末做拏挂拂子擲地科〕〔云〕我何日得過這江去。〔劉末見挂拂子響科〕〔云〕好奇怪也。這挂拂子裏面。可怎生這般響。我試仔細看者。原來是兩截兒的。我把你拔開看者。兀的不是。一枝箭。我看者。這箭不是周瑜的箭。可怎生得到軍師手裏。軍師你好強也。有了這箭也。我與你下這樓去。〔做下樓科〕〔俊俏眼云〕那裡去。〔劉末云〕有元帥將令。着我回去。〔俊俏眼云〕你有令箭麼。〔劉末云〕我無令箭呵。怎生能殺下樓去。〔俊俏眼云〕將來我看。〔劉末云〕兀的不是令箭。〔俊俏眼云〕正是一對。既有

了令箭。你去。〔劉末云〕我下的這樓來。劉備也。你好險也。若不是軍師之計。我幾時能殺過這江去。軍師也。則你這彼驕必褒真良將。彼醉必逃思故鄉。周瑜也比及一醉酒醒尋玄德。那其間我片帆飛過漢陽江。〔下〕〔周瑜做醒科〕〔云〕霸王英雄兮。自刎烏江。曹操奸雄兮。獨占許昌。劉備孤窮兮。倚仗關張。赤壁鏖兵兮。美哉周郎。皇叔。〔俊俏眼云〕黃鼠做了添換了。〔周瑜云〕劉備安在。〔俊俏眼云〕他下樓去了。〔周瑜云〕誰着你放他下樓去了。〔俊俏眼云〕他傳着元帥將令。將着元帥的令箭。因此上我放他去了。〔周瑜云〕住住住。我的令箭。我記的攔折了。丟在這江裏。他怎生又有這枝令箭來。〔俊俏眼云〕他將着元帥的令箭。小的不敢不放他回去。〔周瑜云〕他怎生又有這枝令箭來。〔猛見挂拂子科〕〔云〕兀那箇是甚麼東西。〔俊俏眼云〕這箇是諸葛亮差關平送來的挂拂子。〔周瑜云〕你將來我試看。〔做看科〕〔云〕元來這挂拂子是空的。這裏面藏着令箭。他那裡得我這枝令箭來呵。我想起來了也。他祭風時。問我要枝令箭鎮壇。我又中這懶夫之計也。我正是使碎自己心。笑破他人口。既然走了。更待干罷。我如今便差甘寧凌統韓當程普四將。領兵追趕劉備去。務要擒拏將他來。忙差軍校去如飛。統兵領將急忙追。若還趕上劉玄德。永困江東誓不回。〔同下〕

第四折

〔劉封領卒子上〕〔云〕帥鼓銅鑼一兩敲。懷門裏外列英豪。三軍報罷平安喏。買賣歸來汗未消。某乃劉封是也。自從我的父親過江黃鶴樓上赴宴去了。音信皆無。俺父親本不去。可是我送的父親去了。若是軍師來呵。我自有言語支對他。左右那裡。門首覷者。軍師來呵。報復我知道。〔卒子云〕理會的。〔孔明上〕〔云〕決勝千里施謀略。坐籌帷幄掌三軍。幼年隱跡南陽野。覆姓諸葛號臥龍。貧道諸葛孔明是也。頗奈曹操無禮。他領八十三萬雄兵。與某交戰。俺主公結好於江東。吳王遣周瑜爲帥。黃蓋作先鋒。貧道祭風。周瑜舉火。黃蓋詐降。關張伏路。殺曹兵大敗虧輸。亂軍中走了曹操。貧道領關張追趕。某夜觀乾象。見主公有難。某急差關平。後差姜維。接應主公去了。某料俺主公無事回還。貧道今日收兵。回於赤壁連城。可早來到也。左右接了馬者。報復去。道有軍師下馬。〔卒子云〕理會的。報的將軍得知。軍師下馬也。〔見科〕〔劉封云〕呀呀呀。早知軍師來到。只合遠接。接待不着。勿令見罪。〔孔明云〕劉封。俺主公安在。〔劉封云〕苦苦苦。我父親。正在帳中閑坐。不想周瑜使魯肅將書來。請我父親過江黃鶴樓上飲宴。我便道父親不可去。軍師又不。在。則怕父親有失。我左右當不住。俺父親一人一騎過江。黃鶴樓上赴會去了。〔孔明云〕誰着你父親一人一騎過江。黃鶴樓上赴會。假若你父親有失呵。怎了。我不和你說。等你兩箇叔叔來。看你怎生回話。〔劉封云〕這箇軍師干我甚麼事。〔關末上〕〔云〕憑吾義勇扶劉主。一桿青龍立漢

朝某關雲長奉軍師的將令。着某在華容路等曹操。不想亂陣間走了曹操也。今日回營見哥哥軍師去。可早來到也。小校接了馬者。報復去。道有關某來了也。〔卒子云〕理會的。喏。報的軍師得知。有二將軍來了也。〔孔明云〕道有請。〔卒子云〕有請。〔見科〕孔明云：雲長。曹操安在。〔關末云〕關某在華容路上。等着曹操交戰。亂陣中不想走了曹操也。〔孔明云〕既是他走了。也不必追趕。〔關末云〕住住住。我哥哥玄德公安在。〔孔明云〕二將軍。你休問我。問你姪兒劉封去。〔關末云〕劉封。你父親安在。〔劉封云〕二叔息怒。自從叔叔同軍師去之後。不想周瑜遣魯肅持一封書。請我父親過江。黃鶴樓上赴會去。我便道。他那裡筵無好筵。會無好會。則怕周瑜那廝生歹心。你休去。我父親惱了。扯出劍來要殺我。我害慌躲避了。俺父親不想就上馬。一人一騎過江去了。〔關末怒云〕好也落。你怎生齋發哥哥過江去。若有疎失怎了。把這廝擎住一壁。等三兄弟來。俺一同的問這廝。〔劉封云〕二叔叔。不干姪兒事。若三叔叔來。勸一勸。〔孔明云〕左右那裡。門首覷者。等張飛來。報復我知道。〔卒子云〕理會的。〔正末扮張飛上〕云：某乃張飛是也。奉軍師將令。華容路上。追趕曹操。不想曹操見某走了也。回軍師話。走一遭去。左右那裡。接了馬者。〔卒子云〕理會的。〔正末唱〕

〔南呂一枝花〕撥回獬豸身。滴溜撲跳下烏騅騎。舒開狻猊爪。〔正末見劉封走科〕

也。〔孔明云〕一壁有者。〔正末云〕二哥勿罪也。〔孔明云〕小校門首覷者。看有甚麼人來。〔卒子云〕理會的。〔劉末上〕云歡來不似今朝。喜來那逢今日。小官劉備是也。誰想周瑜有傷害某之心。酒酣之際。盹睡着了。多虧軍師妙計。小官以此得脫回還。可早來到也。左右接了馬者。兀的不是三兄弟張飛兄弟也。咱爭些兒不得相見也。〔正末云〕哥哥來了也。〔唱〕

〔隔尾〕俺哥哥到黑龍江流的是潺潺水。〔淨云〕爹爹救我者。〔正末唱〕紅蓼堤邊
叮叮的叫喚誰。〔劉末云〕兀那吊着的是誰。〔正末唱〕是你那孝子曾參可人意。〔劉末
云〕三兄弟爲甚麼吊起他來。〔正末唱〕見哥哥無些箇信息。怕有些箇疎失。因此上將
他在柳樹梢頭。着他便吊望着你。〔劉末云〕兄弟。不干劉封事。饒了他者。〔孔明云〕主公煞
是驚恐也。〔劉末云〕若不是軍師神機妙策。鋪謀定計呵。劉備怎能轂回還也。〔正末云〕收拾戰
船。我和他交戰去。務要拏住周瑜。與俺哥哥報警。有何不可。〔孔明云〕三將軍。既然今日主公回
來了也。休得躁暴。〔正末唱〕

〔紫蝦蟆〕軍將便似魚鱗砌。槍刀便似鴈翅般齊。我又索與你迎敵。自從桃園
結義。又在徐州失配。不曾相持對壘。不曾翻天倒地。我無處發付氣力。甫能逢
着今日。紅錦征袍喜披。黃錦腰帶緊繫。再把烏雕扣鞍。又把包巾整理。我聽的

鑿鑿鼓播。忽的搖旗。出的相持。美也兀的不歡喜煞。愛廝殺的張飛迎敵。馬蹄兒踏碎了東吳國。你是那周公瑾。我是這張翼德。眼兒裡見了。耳朵兒聽者。孔明云。住住住。三將軍息怒。衆將休鬧。比及周瑜來請主公赴會。貧道已知多時了也。某先差關平。後差姜維。我料周瑜。怎出貧道之手。今日主公果然無事回還。三將軍可以饒免劉封。貧道今勸三將軍休兵罷戰。可是爲何。近日間俺向東吳家借軍。破了曹操。不爭俺與他交鋒呵。則顯的俺忘恩背義也。既今日主公無事回來了。當以殺羊宰馬。做一箇慶喜的筵席。則爲那三江夏口列英雄。赤壁焚燒百萬兵。周瑜漫使千條計。怎比南陽一臥龍。領兵先借荊州地。後取西川白帝城。四方寧靜干戈息。永保皇圖享太平。

劉玄德醉走黃鶴樓 終

黃鶴樓穿關

頭折

諸葛亮

捲雲冠
緋兒

紅雲鶴道袍
三髯髯羽扇

卒子

紅碗子盔
兒甲 裙膊

青布釘劍

周瑜

麥簷帽
項帕

蟒衣曳撒
直纏 裙膊

帶袍

帶劍 三髯髯

卒子

同魯肅

鳳翅盔
直纏 裙膊

膝襴曳撒

帶袍 帶劍

項帕 三髯髯

劉末

麥簷帽
項帕

蟒衣曳撒
直纏 裙膊

黃

帶劍 三髯髯

卒子

魯肅

同上

劉封

皮麥簷帽
項帕

膝襴曳撒

掩心劍

正末

趙雲

三山帽
蟒衣

曳撒袍 項帕

直纏 裙膊

帶劍 三髯髯

第二折

諸葛亮

卒子

同關平

三山帽
直纏 裙膊

膝襴曳撒

帶袍 帶劍

項帕 三髯髯

伴姑兒

髻髻箍兒

比甲襖

布襪 鞋

正末

來

紗包頭
布翅 花手巾

綿布襖
綿鞋

關平

同上

躍馬兒

第三折

周瑜

卒子

劉末

同關平

俊俏眼

紅氍帽
釘兒甲

青布 裙膊

正末

姜維

散巾
緋兒

補納直身
三髯髯

第四折

劉封卒子諸葛亮

同前

關末

滲青巾直纏

蟒衣曳撒帶劍

紅袍項帕三髯髯

正末張飛


包巾蟒衣曳撒

皂袍項帕直纏 劉末

同前

內本錄校道人清常

錄鬼簿有劉先主襄陽會是高文秀所作意者卽此詞乎當查清常道人丁巳十二月十九日



癩李岳詩酒翫江亭

元戴善甫

頭折

〔沖末扮東華仙領八仙同仙童上〕〔東華云〕萬縷金光燦碧霞。三山海島映仙家。片片綵雲風散盡。融融麗日照東華。貧道乃東華紫府少陽帝君是也。吾傳太清之道。隱於崑崙山中。以東華至真之氣。碧海之上。蒼靈之墟。脩真養性。累積善功。以成正道。掌管玉霄紫府洞天福地三島十洲蓬萊之境。貧道德傳於世。天上天下。三界十方。登仙得道。名記丹臺。方得成道。我閑騎白鹿遊三島。笑跨黃鶴翫九州。貧道因赴天齋以回。爲西池王母殿下金童玉女。有一念思凡。本當罰往酆都受罪。上帝好生之德。着此二人。往下方酆州託化爲人。金童乃是牛璘。玉女是趙江梅。恐防此二人到於人世之間。戀着那酒色財氣。人我是非。迷卻仙道。您八仙之中。可差那一位下方度脫此二人去。〔鍾離云〕上仙。貧道舉一人。乃是鐵拐李。此人神通廣大。變化多般。能造逡巡酒。善開頃刻花。因此上去的也。〔東華仙云〕既是這等。便着鐵拐李岳。直至下方。度脫此二人。走一遭去。還歸正道。返本朝元。貧道自有箇主意。一任教兔走鳥飛。用道法點化心回。待二人功成行滿。同共赴閬苑瑤池。〔下〕〔卜兒上〕〔云〕花有重開日。人無再少年。休道黃金貴。安樂最值錢。老

身姓劉。夫主姓趙。不幸夫主早年間辭世。別無甚得力兒男。止有一女。乃是江梅。未曾許聘他人。近新來招了箇女婿。姓牛是牛璘。家中頗有幾貫錢財。人皆員外呼之。員外去那江邊蓋了一座亭。名曰是翫江亭。每日與俺女孩兒。在翫江亭上飲酒。下次小的每扶持着。去翫江亭上飲酒去。小心在意者。一壁廂便說與牛員外。早些兒回來。老身無甚事。且回後堂中去也。〔下〕淨牛員外領家童上。〔云〕僧起早。道起早。禮拜三光天未曉。在城多少富豪家。不識明星直到老。小可人鄆州人氏。姓牛名璘。家中頗有些資財。人口順。都將我員外呼之。平日之間。好打雙陸。下象棋。折牌道字。頂真續麻。無所不通。無般不曉。嫡親的三口兒家屬。有母親在堂。渾家姓趙。小字江梅。我這大姐。生而聰明。長而智慧。我爲大姐。在這江那邊蓋了一座亭。名曰是翫江亭。今日是大姐生辰貴降之日。我要在家裏安排筵席。則怕那六人親眷每來攪了我這筵席。故意的在此翫江亭上安排酒餚。早上着人請大姐去了。不見到來。小的每江上看者。若大姐來時。報復我知道。〔正旦引梢公梅香上〕〔梢公云〕來。來。來。不要慌。不要慌。一家和氣孝爲先。奉侍雙親了總歡然。人生在世長安樂了那。焚香頂禮則箇謝皇天呵。噲。噲。〔正旦云〕妾身鄆州人氏。姓趙。小字江梅。嫡親的三口兒家屬。母親在堂。夫主姓牛名璘。家中頗有幾貫資財。人口順。將俺員外呼之。俺員外在江那邊蓋了一座亭。名曰是翫江亭。今日是我生辰貴降之日。牛員外在翫江亭上。安排酒

果與我做生日。須索走一遭去。是好受用也呵。(唱)

〔仙呂點絳脣〕則我這寶篆氤氳。麝蘭香噴。家滋潤。瑞氣迎門。端的是人物偏丰韻。

〔混江龍〕則我這髻鬟雲鬢。更和這玉搔珠結。應時新。金鈿笑壓。翠點眉顰。穿的是雲繡雙肩絨錦襖。更和那冰絲六幅蕩湘裙。端的是梳妝的儀態天然俊。俺便是箇富家的仕女。勝似他這宰相佳人。(云)梢公纜住船。(梢公云)理會的小人。攏下脚踏板。請娘子上岸。我去兀那柳陰直下歇息去也。(下)(正旦云)上的這岸來。到這亭子上也。(牛員外云)呀呀呀。早知大姐來到。只合遠接。接待不着。恕牛璘之罪。大姐請坐。(正旦云)員外。量妾身有何德能。着員外如此用心也。(牛璘做遞酒科)(云)下次小的每。擡上果卓來者。將酒來。與大姐遞一盃。大姐滿飲一盃。我無甚麼與大姐。金銀玉頭面三副。每一副二十八件。每一件兒重五十四兩。怕大姐愛逛時。都戴在頭上。壓破頭。可不干我事。(正旦云)員外。噲有這錢便親。無錢便不親。你還少我多哩。(唱)

〔金盞兒〕俺如今正青春笑歡欣。(牛員外云)再將來紗羅紵絲三十疋。權爲手帕。休嫌輕微也。(正旦唱)量這些浮財兒。休把我真心引。(牛員外云)小生數月前。着人往各處去買

時新的案酒果品。今日與大姐慶賀貴降也。〔正旦唱〕費了你許多錢物與賤妾做生辰。〔牛員外云〕爲這幾件頭面兒不打緊。我半年前裏倒下金子。雇人匠累絲廂嵌。何等的用心哩也。〔正旦唱〕愛才郎偏着意。量這些三頭面兒不關親。我則理會的易求無價寶。端的便難買俺這少年人。〔牛員外云〕大姐請穩便。等牛璘前後執料去者。下次小的每將一應的船隻都攏住者。靠到這岸邊來。連環鈎搭。一隻連住一隻。可是爲何。則怕有那閑雜人來攪了我這筵席。我不道的饒了你哩。將酒來。慢慢的飲幾盃。看有甚麼人來。〔鐵拐扮先生上〕〔云〕世俗的人。哎。跟貧道出家去來。我着你人人成仙。箇箇了道也。一脚高蹺。一脚輕。鬚髯短髮數星辰。世人休笑蒼蒼拐。我這拐攪的黃河徹底清。貧道上八洞神仙鐵拐李岳是也。今奉上仙法旨。有金童玉女。一念思凡。罰在下方鄧州。金童爲男子身。玉女爲女子身。金童是牛璘。玉女是趙江梅。牛璘有萬貫家財。在趙江梅家作贅。今日是趙江梅生辰貴降之日。本待家中安排酒餚。怕有六人親戚打攪。此人在江那邊蓋了一座亭。是翫江亭。此人在亭上飲酒。將船隻都攏在江那邊去了。則說貧道過不去。疾。牛璘那。稽首。〔見科〕〔牛員外做驚科〕〔云〕好一箇道貌非俗的先生。師父。你從那裡來。〔先生云〕我從天上來。〔牛員外云〕掉下來跌破頭。〔正旦云〕員外你過來。我問他者。甚箇癩先生。〔牛員外云〕大姐。他是箇出家兒人。休毀謗他。〔先生云〕趙江梅也。跟貧道出

家去來。〔正旦云〕師父。你來做甚麼。〔先生云〕我來與你做生日來。〔正旦云〕你來與我做生日。梅香。擡了他那羊。擔了他那酒。有甚麼與我做生日。〔先生云〕俺出家兒人。一鉢千家飯。孤身萬里遊。那得那羊酒來。我有四句詩。與你上壽。〔正旦云〕將來。我試看者。好寫染也。詩曰。一樹寒梅。恰正開。可憐春盡落香堦。仙家冷眼偷窺覷。移向瑤池檻內栽。這四句詩。可也道的好。〔先生云〕您卻不得知道哩。我與您做師父。您與我做箇徒弟。跟的我出家去來。〔正旦云〕你與俺做師父。俺與你做徒弟。你聽者。〔唱〕

〔醉中天〕你怎管那驅邪院裏三臺印。錯猜做蓬萊洞裏那箇真人。哎。你一箇一脚的先生。驚入俺門。我急索把你箇吾師來問。你莫不是四皓八仙七真。〔云〕我猜着了也。〔唱〕你則是箇上八洞裏的齊孫臧。〔先生云〕他噪磕我這條腿哩。趙江梅牛璘。您跟我出家去來。我有十箇字。便着你做神仙也。〔正旦云〕是那十箇字。〔先生云〕爲甚不爭名。曾與高人論。〔做笑科〕〔正旦云〕這十箇字。不道着俺。單道着您。〔先生云〕怎生道着我。〔正旦云〕爲甚不爭名。曾與高人論。你聽者。〔唱〕

〔金盞兒〕你則是怕當軍。倦爲民。兩莊兒曾與高人論。你有則得半仙之分。你更不全真。速離了八仙洞。飛下那九天門。你則是箇逍遙雲外客。特地來點化。

俺這世間人。〔牛員外云〕大姐。出家兒人。休毀傷他。收拾了酒餚。看船隻。嚙回去來。師父。俺出不的家。梢公那裡。〔梢公上〕〔云〕小人攬下脚踏板。請員外娘子上船。〔先生云〕您兩箇好緣分薄淺也。〔正旦云〕師父。俺出不的家。嚙回去來。〔唱〕

〔尾聲〕俺這梅他粉包了心。檀黃嫩。插在那銀瓶裏。宜得水溫。如麝如蘭香。噴噴。端的有欺霜傲雪的精神。哎。你箇許真人。白日飛昇。比不的岳陽樓下。枯乾了的柳樹神。他也無那神仙的福分。則有些江梅丰韻。冷清清。今夜待黃昏。
〔下〕〔牛員外云〕大姐上船。嚙回去來。〔下〕〔先生云〕牛璘趙江梅。你兩箇好緣分薄淺也。你若肯跟貧道出家去。我着你使寒暑不侵其體。養日月不老其顏。龍蟠金鼎。煉華池一液。浸通玉戶金闕。使姪女嬰兒鎖定。我着他身登紫府。朝三清。位拜真人。名記丹臺。使九族不爲下鬼。我與他閻王簿上除名字。紫府宮中立姓名。指開海角天涯路。引的迷人大路行。〔下〕

第二折

〔店小二上〕〔云〕造成春夏秋冬酒。醉倒東西南北人。若是空心喫一盞。登時整的肚裏疼。小可人是箇賣酒的。在此開着箇酒店。但是南來北往。經商客旅。做買賣。推車負擔。都來我這店裏喫酒。我這酒店。十分興旺。是這牛員外的酒店。他閑常不來。一箇月便和我算一遭帳。昨日着人

來說。今日要來與我算帳。我打掃的酒店乾淨。看有甚麼人來。〔牛員外上〕〔云〕小可人牛璘的便是。自從亭子上。與大姐做生日去。見了那箇先生。他着我跟他出家去。不知怎生。這幾日睡裏夢裏。但合眼便則是見那箇先生。先生道是喫牛璘。跟貧道出家去來。喫他也纏的我慌也。我這裡開着箇酒店。多時不曾去算帳。一來算帳。第二來就趕那先生去。說話中間。可早來到也。店小二。〔店小二云〕員外來了也。有請。〔牛員外云〕我這幾日不曾與你算帳。〔店小二云〕員外一向不曾算帳。今日可算一算帳。買米十五石。使銀十五兩二錢七分半。〔牛員外云〕住。我且不與你算帳。你把那前後門都與我重重疊疊的關閉的牢者。休放一應閑雜人來。我這裡坐一坐。釀一瓶好酒來。我自家喫幾鍾。〔店小二云〕員外且不算帳。要喫酒呵。有乾榨酒。聽的員外來。我就倒上一桶涼水。我關門就釀酒去。我把這前後門都關閉了。我回他話去。員外。前後門都關閉了也。員外。酒在此。〔牛員外云〕你去。我自家喫幾鍾。〔店小二云〕理會的。〔先生上〕〔云〕貧道鐵拐李岳是也。有牛璘在店肆中算帳。他那裡是算帳。他則是趕貧道。可早來到也。他這門更關着。則道貧道人過不去。這裡不顯神通。那裡顯神通。疾。牛璘那。跟貧道出家去來。〔牛員外失驚科〕〔云〕師父。你從那裡來。住。你敢從天上來麼。〔先生云〕這廝他攙了我的也。〔牛員外云〕師父請坐。師父你喫酒麼。〔先生云〕不拘葷素。便是酒我也食用。〔牛員外云〕此處是牛璘的酒店。

等牛璘安排些酒來。與師父喫。店小二。你來。〔做打科〕〔云〕我着你把那前後門都與我重重疊疊。關閉的牢者。我對你說甚麼來。我趕這先生。你怎生放過他來。〔店小二云〕爹你不信。你看我前後門都關閉的牢牢的哩。〔牛員外云〕既是關閉着這門。他可從那裡來。〔店小二云〕他敢往貓道裏鑽過來。〔牛員外云〕安排酒來。師父滿飲一盃。〔遞酒科〕〔云〕師父不知。此處是牛璘的箇酒店。酒怕無有。爭奈無有案酒。師父略坐一坐。等牛璘去買些新鮮的案酒。新鮮的果品。來與師父同飲幾盃。有何不可。〔先生云〕你看案酒去。〔牛員外做出門科〕〔云〕店小二。後槽上有風也似快馬背一匹來。我那裡是買案酒。這先生纏的我慌也。如今我騎着這馬。這等郊野外。一來賞翫景致。二來就趕這先生那。走一遭去。〔下〕〔先生云〕牛璘那。〔笑科〕〔云〕燕雀豈知鵬鷖志。頑童不解老仙機。牛璘也。你怎生瞞的過貧道。他推買案酒。騎着風也似快馬。去那郊野外趕貧道。投到你到郊野外趕我。我先到郊野外等着你。他不肯訪道尋真。戀榮華愛物貪嗔。推買物山中去趕。貧道我出荒郊先等牛璘。〔下〕〔店小二做哭科〕〔云〕阿呀。來麼來麼。你看我那造物。今日員外來算帳。帳也不會算的成。他着我把前後門都關閉了。不知那裡走將箇先生來。着俺員外出家去。他潑天也似家私。他怎肯出家去。他騎着快馬。趕那先生去了。我思量起來。可不是苦阿。若他每都去了。我也趕那先生去也。〔下〕〔先生上〕〔云〕貧道鐵拐李岳是也。說話中

間。可早來到這郊野外。在此等候牛璘。這早晚敢待來也。〔牛員外騎馬兒上〕〔云〕自家牛員外的便是。將那先生穩在那酒店裏。我騎着風也似快馬。來到這荒郊野外。下的這馬來。將這馬拴在這樹上。你看這青山綠水。闊澗陡崖。端的好景致也。〔牛員外做見先生科〕〔先生云〕牛璘那。〔笑科〕〔云〕你敢來尋我來。〔牛員外云〕我趕你來。〔先生云〕你來這裡做甚麼來。〔牛員外云〕我來飲馬來。你可來這裡怎的。〔先生云〕我特喂你箇牛來。〔牛員外云〕我那裡省的他謎言謎語的。我來趕他。他到先等着我。師父。你在牛璘家中。可也定害的我多了。我如今饑又饑。渴又渴。師父。你可與我回席者。〔先生云〕也罷。我與你回席。〔牛員外云〕師父。你既要請我。這滿地裏又無房舍。〔先生云〕你要房舍。疾。看房舍。青堂瓦舍。雕梁畫棟。琴棋書畫。靠凳椅卓。〔牛員外云〕哎約。哎約。你看那前堂後閣。東廊西舍。走馬門樓。琴棋書畫。條凳椅卓。幔幕紗廚。香球吊掛。好房舍。好房舍。可無酒喫。〔先生云〕你要酒喫。〔牛員外云〕可知要喫酒哩。〔先生云〕牛璘。你見我這拐麼。款款在手。輕輕搖動。地皮開處便是酒。你嚐。〔牛員外做驚科〕〔云〕哎約。師父將拐劃一劃。地皮就開了。師父。這是酒。這酒不是酒。是水。〔先生云〕三點水着箇酉字。疾。你嚐。〔牛員外云〕今番可是酒。我試嚐者。好酒也。可怎生頭裏嚐着是水。師父寫了三點水着箇酉字。墜下去就是酒。好酒。端的是醍醐灌頂。甘露灑心。好酒。師父。酒也有了。可無有眼前景致。〔先生云〕

你見那枯樹麼。(牛員外云)我見。(先生云)疾。花開爛熳。春景融和。賞花飲酒。(牛員外云)阿阿。努嘴兒了。放嫩葉了。阿阿。打骨朵了。阿阿。開花兒了。你看那桃紅柳綠。梨花白。杏花紅。芍藥紫。茶蘼淡。牡丹濃。山茶綻。臘梅開。杜鵑啼。流鶯語。春景融和。百花爛熳。阿約。好花木。好花木。牛璘也。要你尋思波。我趂他。他到先在這裡等着我。我說師父。你在牛璘家中。可也定害的多了。我如今餓又饑。渴又渴。師父可與我回席者。他道你着我回席。着我說這滿地裏又無房舍。他將那袍袖一拂。就是房舍。我道有了房舍。無有酒喫。他說你要喫酒。他將那拐去那地皮上劃一劃。地皮開處。就是酒。我道有了酒。無眼景。他說你見那潤下的枯樹麼。我說見。他將那袍袖去那枯樹上一拂。就是花木。牛璘。你試尋思者。我曾聽得人說。寒波造酒。枯樹開花。他便是大羅神仙。這不是寒波造酒。兀的不是枯樹上開花。他不是神仙。誰是神仙。若是今番錯過。後會難逢。你則管裡戀着那酒色財氣。人我是非。便好道盡日往東行。回頭便是西。罷罷罷。則今日跟着師父出家去。師父稽首。牛璘情願跟師父出家去。(先生云)既然跟貧道出家去。更改了衣服。頭挽雙髻。身穿着粗布袍。腰繫雜彩縑。手擎漁鼓簡子。口念着黃庭道德真經。道可道。非常道。名可名。非常名。凡百的事。則要你忍者。氣無強弱志爲先。努力須行莫換肩。捱的這番難境界。更添脊骨一番天。(牛員外云)理會的。(做出門科)(云)我如今怕不待跟師父出家去也。可還有這匹馬拴在這

裡。我解下這馬來。把這挽手兒插在這鞍子上。馬也。我如今跟師父出家去也。我可也不騎坐你也。你去那有水有草的去處去。若有人遇着你。着那人收留住你。騎坐你去。你去。師父的言語。既要跟我出家去。不是這般打扮。着我頭挽雙髻。身穿粗布袍。腰繫雜彩緋。脚下行纏八答鞋。手拍漁鼓簡子。口念黃庭道德經。道可道。非常道。名可名。非常名。凡百事則要你忍者。罷罷罷。說兀的做甚。我不戀嬌妻幼子。棄捨了銅斗兒家緣。恰纔解放了雕鞍駿騎。從今後牢拴定意馬心猿。
〔下〕〔先生云〕打徹利名關。終到小境處。牛璘。恰纔見了此小境頭。便跟貧道出家去。等此人修行三年五載。那其間說與他長生之法。未爲晚矣。哎。你箇貪財漢。棄卻家財。做神僊。免離塵埃。削除了六根清淨。同共赴閻苑蓬萊。
〔下〕〔正旦同梅香上〕〔云〕妾身趙江梅。牛員外在翫江亭上。見了那箇癩先生。跟他出家去了。今日說道。俺員外化瓦礫來也。梅香門首覷者。若來時報復我知道。
〔唱〕

〔南呂一枝花〕良辰曉霧濃。美景韶光麗。草茵輕荏苒。則他這桃李任芳菲。春日遲遲。檻外黃鶯嚶。簾前紫燕飛。幸開懷宴樂歡娛。俺可便宜賞翫。情甘意美。
〔梁州〕則俺這深閨女風流可也怎比。則俺那富家郎典雅誰及。也是俺前生有分今生會。受用的綺羅畫閣。錦繡屏幃。寶珠裝嵌。玉砌金堆。今日箇壽筵開。

玳瑁尊席酒頻斟。玉罍金盃。擺列着齊臻臻多嬌媚。絲竹笙簧。盤堆着美甘甘香噴噴珍饈的這味美。呀呀呀。安排着香馥馥喜佳餚異品堂食。豈知就裏俺牛員外全不管家活計。我全不解他其中的意。每日家淡飯黃齏。忍着肚饑。你怎能覷到閨苑瑤池。〔云〕梅香門首覷者。看有甚麼人來。〔梅香云〕理會的。〔牛員外打漁鼓

簡子上〕〔唱道情云〕年少青春正好情。一口咬破鐵饅頭。滋味得時合着口。穩取白日赴瀛洲。

〔又〕未生我時誰是我。生下我來我是誰。今日方知我是我。休也合眼知他誰是誰。〔又〕纔離閨苑下蓬瀛。舉步輕擡不見踪。世人不識吾名姓。則我是油嘴光邊夾腦風。〔又〕身穿羊皮百衲衣。饑時化飯飽時歸。雖然不得神仙做。則我是趨奸避懶礮東西。〔又〕身在公門道在心。道心不與利心同。船到江心牢把棹。箭安絃上慢張弓。爐中有火休添炭。扇遇涼時莫助風。臨危不與人方便。休也念盡彌陀總是空。〔又〕我是天臺一先生。逍遙散澹在心中。靈丹妙藥都不用。吃的是生薑辣蒜大葱蔥。空心將來則管喫。登時螫的肚裏疼。〔唱〕

〔十二月〕穿的是麻袍和這草履。〔云〕吓。是草鞋。錯唱了草履。便也罷。則是難爲我唱了。從頭都改過哩。也罷也罷。一言既出。驢馬追而不及。我若不改了。顯的我就無才學了。〔唱〕穿的是麻袍和這草鞋。更强似着綠穿白。我伴的是鮎魚和這鯉魚。鋪的

是樺草茅柴。採的是不老長生的藥材。俺可便每日家厮捱。〔云〕你不知道怎麼捱。俺師父有兩箇徒弟。一遞一日打柴。他打柴。我學道。我打柴。他學道。該我我便去。該他他便去。他不去。我肯去。〔唱〕俺可便每日家厮捱。

〔堯民歌〕我則待要引着狗。騎着貓。逍遙散澹。乘興歌曲過南臺。〔云〕我是出家人。我心裏待要往南臺。就往南臺。要往北開口去。誰敢當攔住我。〔唱〕我則待靠着水。偎着山。小小低低。急留圪刺。椽兒棒兒。拴拴抓抓。蓋一座茅廬那幽哉。一似那亂紛紛急穰穰。蜂衙蟻陣受禁害。稽首則不如跟貧道打簡子。搥漁鼓。搶着喫。搥着喫。抹油嘴。無憂無慮那開懷。傷也波哉。尋着李太白。我着。你便一箇人生一身疥。

〔錦上花〕則不如我展放開愁眉。休爭閑氣。今日容顏老似昨日。古往今來。我須盡知。賢的愚的。貧的共富的。到頭這一場。難逃那一日。則不如快活了一日。一日便宜。百歲光陰七十又早稀。鹹的酸的。香的共臭的。

〔清江引〕落花滿園春又早歸。滿耳笙歌沸。馬足車塵中。蟻陣蜂衙內。呆漢。你尋一坨兒穩便處閑坐的。

〔又〕江裏海裏都是水。無一答兒閑田地。你也無柴擔。我把漁船繫。呆漢。呆。尋一坵兒穩便處閑坐的。

〔又〕金剛本是泥塑的。塑的來偌高的。存又存不的。走又走不的。呆漢。呆。尋一坵兒穩便處閑坐的。〔云〕自家牛璘的便是。自從跟的師父出了家。真箇快活也。俺出家人閑來坐靜。閑來遊訪。尋仙問道。滾松咲柏。遊山翫水。簪冠披氅。惜氣養神。飲風吸露。打漁鼓。擷箇子。挽髻髻。懸織袋。誦南華。尊太上。講道德。說真言。無榮無辱。無拘繫。我是那怕當差的。趨奸賊。今日無甚事。街上閑行。道可道。非常道。名可名。非常名。街上閑行。看有甚麼人來。〔見梅香科〕〔梅香云〕兀的不是姐夫。〔牛員外云〕梅香來了。嚶。你快走。我如今不比往常了。我如今做了神仙了。道可道。非常道。名可名。非常名。忍著。〔梅香云〕我和我姐姐說去。姐姐。你看姐夫。不知甚麼打扮。你看他去。〔正旦云〕在那裡。我試看者。牛員外。甚麼打扮。你家裏來。〔牛員外云〕魔頭來了來了。放手。休扯我。我今日不比往日。我如今出了家。做了神仙了。忍著。〔正旦云〕請家裏來。〔唱〕

〔隔尾〕你挾着這半截家竹桶閑行立。你可甚麼一部笙歌出入隨。幾曾見子弟舍裏。新添了箇八仙隊。不爭你在這裡。俺門前立地。着人道出落着你箇先

生少可有二十嘴。〔云〕你家裏來。〔牛員外云〕我家去。你看着人。則怕師父瞧見我家去。〔入門科〕〔云〕梅香。有茶將一鍾來。我喫了去罷。〔正旦云〕員外請坐。〔牛員外云〕你這等羅羅哩哩的。〔正旦云〕員外請坐。〔牛員外云〕不敢坐。〔三科了〕〔牛員外倒科〕〔云〕跌了腰子。〔正旦云〕你爲甚麼不敢坐。〔牛員外云〕俺出家兒人。行如風。立如松。睡如彎狗。精神不走。一手扳脚。一手搗口。若還番身。不敢換手。若是換手。大姐。你怎麼聞聞字下疑呢。〔正旦云〕梅香。將梳子來。與員外梳起這頭髮者。〔牛員外云〕不敢梳頭。我受了髻了。〔正旦云〕這箇呢。〔牛員外云〕這箇是成道髻。〔正旦云〕這箇呢。〔牛員外云〕是大悲髻。〔正旦云〕這箇呢。〔牛員外云〕留着與姐姐插針。〔正旦云〕員外。你爲甚麼出了家來。〔牛員外云〕你不知。自從與你做了生日。我就跟那先生出了家。〔正旦云〕你白日裏在那裡喫飯。晚間在那裡宵宿。你說一遍。我試聽者。〔牛員外云〕我要喫飯呵。走到那飯店門前。打箇稽首。便是白燂腰子。醬煎草鞋。要喫酒呵。走到那酒店門前。打箇稽首。惱兒酒。乾榨酒。冷酒熱酒。喫了便走。要喫茶呵。走到那茶坊裏。打箇稽首。粗茶細茶。冷茶熱茶。喫了便掣。白日街市上打着漁鼓簡子。到晚來或是庵裏。或是觀裏。蓋一床羊皮被。鋪半片破蘆席。端的是一鉢千家飯。孤身萬里遊。到大來快活也。〔正旦云〕打甚麼不緊。〔唱〕

〔牧羊關〕你原來喝人些殘湯水。喫人些剩飯食。枉饑餓的你黑乾憔悴。〔牛員

外云「我白日裏遠定街前。到晚來宿在觀裏。」〔正旦唱〕「白日裏遠定街前。到晚來宿在他這觀裏。」〔牛員外云〕「我蓋一床羊皮被。鋪半片破蘆席。到大來好是快活也。」〔笑科〕〔正旦唱〕「蓋一床羊皮被。鋪半片破蘆席。怎如俺錦帳繡羅幃。」員外喏。那裡有那笙歌左右隨。」〔云〕「員外。誰是你的師父。」〔牛員外云〕「與你做生日的那先生。便是我師父。」〔正旦云〕「那箇

癩先生。是你師父。你見他甚麼景象。」〔牛員外云〕「那一日在那郊野外。師父請我喫酒。我見他寒波造酒。枯樹開花。因此上跟他出了家。」〔正旦云〕「怎生是寒波造酒。」〔牛員外云〕「你要見酒麼。我可沒拐。你見我這漁鼓。款款的在手。輕輕的搖動。地皮開處。疾。你嚐。」〔正旦云〕「那裡是酒精水。」〔牛員外云〕「可知是水哩。還不會下麴子哩。三點水着箇酉字。墜下。疾。你嚐。」〔正旦嘗科〕〔云〕「是好酒也。」〔牛員外云〕「你要看花木麼。」〔正旦云〕「可知要看花木哩。」〔牛員外云〕「你見那枯樹麼。疾。看花。」〔正旦云〕「是好花木也。」〔牛員外云〕「這的是寒波造酒。枯樹開花。師父傳與我金丹大道。着我休說與人哩。師父聽見罷了罷了。我就是死。」〔正旦云〕「這的便是寒波造酒。這的便是枯樹開花。打甚麼不緊。」〔唱〕

〔紅芍藥〕「你和他每日煉脩持。可待要說是談非。」〔牛員外云〕「俺師徒二人。這一向在山中修煉。師父也離不的我。我也離不的師父。喫飯的工夫也沒了。」〔正旦唱〕「你與他每日不

曾離。直這般廢寢忘食。〔牛員外云〕我與你做箇師父。你與我做箇徒弟。我把手捏腕。傳與你金丹大道。可是如何。〔正旦唱〕我則道因箇甚的。我這裡便謝吾師說破玄機。厮抹着肩胛手相攏。說您那弄盞傳盃。〔牛員外云〕那一日師父在那郊野外。與我回席。我十分的醉了也。〔正旦唱〕

〔菩薩梁州〕你道是先生與你回席。灌的你十分沉醉。長留做甚薄醅。真乃是水酒三盃。〔先生上〕〔云〕牛郎說與趙江梅。〔牛員外做喫驚科〕〔云〕道可道。非常道。名可名。非常名。〔笑科〕〔正旦唱〕你道是牛郎說與趙江梅。〔云〕可也怪不着也。〔唱〕你可甚麼一枝泄漏春消息。他別人銅斗兒般好家計。指空劃空信着你。你搬調的他棄子拋妻。〔先生云〕他不合說與外人知。〔正旦唱〕

〔賀新郎〕你道是他不合說與外人知。〔先生云〕打這厮口發虛言。〔正旦唱〕你打他口發虛言。你大古裏腳踏着實地。〔先生云〕我踏罡步斗驅邪祟。仗着劍書符呪水。〔正旦唱〕則你那踏罡步斗驅邪祟。你仗劍書符也那呪水。休阿則你那不濟事。謊話兒休題。〔先生云〕跟我出家去呵。我着你全身無病疾。遠害免災危。〔正旦唱〕你着俺全身無病疾。遠害免災危。見如今拄着一條粗拐。瘸着一條腿。那些箇滿川縛虎意。

猶自說兵機。〔先生云〕哽你先行。隨後便來也。〔牛員外云〕師父。你見甚麼來。〔先生云〕青衣童子請貧道赴天齋哩。〔牛員外云〕哦哦哦。您見麼。我也不見。〔正旦云〕牛員外還了俗者。信着你波。〔唱〕

〔尾聲〕你幾時得瑤池宴罷踏金砌。你不着左右人扶怎下玉梯。好一會弱一會。連麻頭續麻尾。空着我念八陽金經。啣到有一車氣。〔先生云〕我與你做箇師父。您與我做箇徒弟。〔正旦唱〕做徒弟又執迷。做師父的滯滯。〔云〕休道是你。〔唱〕便跳出您那七代先靈勸不得。〔下〕〔先生打耳暗科〕〔云〕牛璘近前來。可是暗的。〔牛員外云〕理會的。〔先生云〕恰離紫府下瑤池。再向人間登一直。度脫了你箇好酒貪盃的牛員外。則你手裏要那不信神佛的趙江梅。〔同下〕

第三折

〔卜兒上〕〔云〕老來漸覺朱顏減。羞對菱花兩鬢斑。老身是趙江梅的母親。俺孩兒與牛員外作伴。老身喫穿衣飲。都是員外看管。自從那一日在甌江亭上。與俺女孩兒做生日去。見了箇癩先生。後來員外不知怎生。就跟他出家去了。老身想來。偌大的箇家當。俺娘女每怎生執掌的住。下次小的每。便說與江梅。着他去城裏城外。前街後巷。或是庵裏觀裏。不問那裡。尋將他來。勸的

他回心轉意。還了俗。執掌家當。尋將來呵。報復我知道。老身無甚事。後堂中執料家當去也。眼望旗節旗。耳聽好消息。〔下〕〔牛員外同雜當上〕〔云〕出家扮道最稀奇。漁鼓簡子手中提。漁松啖柏爲活計。不管人間閑是非。書符呪水先怕鬼。乘鸞跨鳳不敢騎。昨朝因打山頭過。被這大蟲咬了我皮。自家牛璣的便是。師父的言語。今日箇魔頭至此。知他是那箇魔頭。來到長街市上。我試問行者。〔正旦上〕〔云〕妾身趙江梅的便是。自從牛員外。他出家去了。可早半年光景也。今日是俺母親慶壽之辰。妾身多飲了幾盃酒。母親的言語。道你怎生不勸牛員外。他出家去了。偌大的箇家當。無人看管。你去前街後巷。尋他來家。看管家當。可着我那裡尋他去。〔做問科〕〔云〕哥哥每。你會見俺那牛員外來麼。〔雜當云〕恰纔過去了。〔正旦云〕哥哥休怪來。〔又問科〕〔云〕哥哥每。你會見牛員外來麼。〔雜當云〕說道恰纔過去了。〔正旦云〕哥哥休怪來。〔又問科〕〔云〕哥哥每。曾見牛員外來麼。〔雜當云〕你則認的我說道過去了。〔正旦回身科〕〔雜當云〕好人則是好人。這等弟子。則是弟子。〔正旦打雜當科〕〔云〕你說我甚麼哩。偏你娘不喫酒。〔打科〕〔云〕哥哥休怪來。改日家裏喫茶。〔雜當云〕喫你娘耳根。你正是先打後商量。〔下〕〔正旦云〕順父母言。情呼爲大孝。須索走一遭去。〔唱〕

〔中呂粉蝶兒〕今日箇橫飲金甌。喫的來醉醺醺。不知一箇前後。〔云〕若見俺牛

員外呵。〔唱〕我和他話不相投。我可便見他呵。相逢處這一場邂逅。將他那衣快忙揪。拽起這綠羅裙。揎拳裸袖。

〔醉春風〕若見俺筍條也似可憎人。舒開我這葱枝般纖細手。若是這謝天香。揪住馬丹陽。我看他怎生便走走。我作念的他一寸眉攢。盼望的我九迴腸斷。思量的我兩眉倬倬。〔做見牛員外科〕〔云〕兀的不是牛員外。〔牛員外云〕魔頭來了也。〔正

旦云〕趨的我好也。你爲甚麼出了家。〔牛員外云〕大姐。你看你那模樣。少吃些酒。越瘦了你也。〔正旦云〕你爲甚麼出了家。〔牛員外云〕你聽者。我如今不比往常。我如今蓋茅庵。撇了謝家樓也。〔正旦唱〕

〔石榴花〕你道是蓋茅庵撇了俺這謝家樓。〔牛員外云〕將恩愛變爲仇。〔正旦唱〕你道是將恩愛變爲仇。〔牛員外云〕我隨緣過的便合休。〔正旦唱〕你道是隨緣過的便合休。〔牛員外云〕我與你做一箇師父。〔正旦唱〕打一箇稽首。〔牛員外云〕兀的不是也。〔正旦唱〕便要回頭。〔牛員外云〕我清風明月爲知友。〔正旦唱〕倚仗着你清風明月爲知友。那的是閬苑神洲。〔牛員外云〕我每日家麻縑草履垂袍袖。〔正旦唱〕你道你那麻縑草履垂袍袖。這的是你拄杖恰過頭。〔牛員外云〕我每日家翫水遊山。〔正旦唱〕

〔鬪鶴鵲〕你則待耍水遊山。怎如俺眠花臥柳。〔牛員外云〕我每日家暮禮晨參。〔正旦唱〕你道是暮禮晨參。怎如俺野眠浪宿。〔牛員外做喝科〕〔云〕你見麼。青龍白虎。請我赴天齋哩。〔正旦唱〕這厮便見景生情。信口謊。兀的可不笑破人口。〔牛員外云〕你見那白虎青龍麼。〔正旦唱〕我不見那白虎青龍。你則是箇腌臢疥狗。〔牛員外云〕大姐。天色晚了也。你還家去罷。我也還庵中去也。〔正旦云〕牛員外。我醉了也。你背我家去。你若不背我。我須打你也。〔牛員外云〕罷罷罷。我背着你還家去來。天色晚了也。你家去了罷。〔正旦唱〕

〔十二月〕你可便堅心兒強口。他可便不害那慚羞。〔牛員外云〕我這般躬身叉手。曲脊低頭。背着你。街上人都捻舌。排說我哩。〔正旦唱〕長街上躬身叉手。我見他便曲脊低頭。長街上惹的人家嘴口。不爭你壓背着嬌羞。〔云〕嚙兩箇有箇比喻。〔牛員外云〕你聽的人說。嚙兩箇似箇甚麼那。〔正旦唱〕

〔堯民歌〕呀。着人道牧童歸去倒騎牛。呀。敢抵多少一千箇劉盼盼鬧衡州。這的是前街後巷。滴滴蹬蹬馬和牛。這的是戀酒迷花。風風魔魔下場頭。〔牛員外云〕我如今去見了師父說知。着你跟我也做神仙去。〔正旦唱〕休也波謊。待學馬牛州。去也。我可也做不的劉行首。〔牛員外做回身科〕〔云〕我着你乘鸞跨鳳。做我的仙友。你怎麼到

惱我。你去了罷。〔正旦唱〕

〔耍孩兒〕我身將跨鳳乘鸞友。都做了參辰卯酉。〔牛員外云〕我如今等閑恩愛等閑休。〔正旦唱〕你道是等閑恩愛等閑休。空着咱一任難酬。〔牛員外云〕我如今飽諳世事慵開口。〔正旦唱〕你如今飽諳世事慵開口。會盡人間只點頭。把浮生夢都參透。撇了這酒色財氣。真箇是譚馬丘劉。〔牛員外云〕喫你也纔殺我也。我回庵中去罷。〔正旦打一掌科〕〔云〕你那裡去。〔唱〕

〔二煞〕我爲甚先打你這頭。〔牛員外云〕你爲何贈我這一擊。怎麼說。〔正旦唱〕我則是到來年喫賤牛。則你那一天和氣恩情厚。你行處春日春風動。你過處春山春水流。你模樣忒出醜。〔牛員外云〕我模樣忒出醜。哦。他也則是噪磕我這牛哩。你再有何比並。〔正旦唱〕你拋了這朝雲暮雨。則恐怕誤了你那春種秋收。〔牛員外云〕這一日你怎生則噪磕我這牛罷。我趕了你罷。〔正旦云〕你那裡去。〔唱〕

〔尾聲〕準備着硬繩去。你那鼻竅裏穿。〔牛員外云〕你怎生則噪磕我這牛。〔正旦唱〕籬鞭仗把你那跨骨上丟。則你那偷寒送煖村皮肉。我教你綽見我這龐兒望風兒似走。〔同下〕

第四折

〔牛員外同正旦上〕〔牛員外云〕大姐。我送你來到家也。你聽者。則俺這出家兒受用。強似您這富家郎。〔正旦云〕牛員外。你說甚麼哩。〔牛員外云〕則俺這出家兒受用。強似您這富家郎。〔正

旦唱〕

〔雙調新水令〕則您這出家兒受用。似俺那富家郎。哎。你箇鼓盆歌老先生休強。喫了些無是非的稀解粥。忍了些受饑餓瘦皮囊。空着我腹熱腸慌。則不如葫蘆提喫的來粉紅樣。〔云〕牛員外。我這一會身子有些困倦。我要睡也。〔牛員外云〕你要睡着梅香打鋪。你睡。擎枕頭來。〔正旦云〕我不要枕頭。我枕着你腿睡。〔牛員外云〕也罷。隨你枕着睡罷。〔正旦做睡科〕〔牛員外云〕你睡着了也。疾。大睡一覺。着他見一箇境頭。趙江梅。你母親喚你哩。〔下〕〔正旦做醒科〕〔云〕母親呼喚。我與你走一遭去。〔下〕〔牛員外同先生沖上〕〔云〕牛璘。則你手裏要趙江梅出家。我與你這條拐。撐篙搖櫓扶舵。都在這根拐上。〔牛員外云〕假似這水深。這拐短。可怎了也。〔先生云〕水長一尺。拐長一尺。水長一丈。拐長一丈。我着一時能棄捨。同共赴仙家。〔同牛員外下〕〔牛璘倒扮梢公上〕〔云〕師父去了也。江梅這早晚敢待來也。〔正旦上〕〔云〕母親呼喚。前有大江攔路。怎生得過去。兀那梢公。將船來。渡我過去。我與你船錢。

〔牛員外云〕我撐過這船來。我攬下這脚踏板。上船上船上船。〔正旦云〕梢公。你在這裡做甚麼哩。〔牛員外云〕我專則在這裡渡人。上船來。上船來。〔正旦上船科〕〔牛員外云〕我撐開這船。來到這半江中。有天有地。有你有我。大姐。你肯隨順了我便罷。你若不肯隨順我呵。你見我這拐麼。則一拐打在你這水裏。〔正旦唱〕

〔川撥棹〕這厮狠心腸。沒道理。別勢樣。好教我急急忙忙。腹熱腸慌。〔牛員外云〕阿罷了。歪了船。淹上水來了。踏着這邊晃一晃。看他怕也不怕。〔正旦唱〕這厮他撐的箇小船兒搖搖晃晃。我心中慌上慌。我心中忙上忙。〔牛員外云〕你若肯與我做箇渾家便罷。你若不肯呵。這裡怕你飛上壁去。〔正旦唱〕


〔七弟兄〕這厮便指望大綱要成雙。〔牛員外云〕你走的那裡去。〔正旦唱〕百般的不肯將咱放。身軀兒左右怎遮攔。手脚兒怎生難遮當。〔牛員外做打科〕〔云〕你既不肯着去。〔牛員外做脫衣服科〕〔正旦唱〕

〔梅花酒〕呀。誰承望這一場。我恰纔身命在長江。面對着沙灘。空腹熱腸慌。不見捲雲濤。波浩浩。翻滾滾。水茫茫。誰承望這一場。〔先生上〕〔云〕趙江梅。你省也麼。〔正旦云〕師父。弟子省也。〔唱〕我則道是畫眉郎。睡夢裏廝魔障。

〔喜江南〕呀。今日箇劉行首。省悟也波馬丹陽。不求白日赴仙鄉。落花深處水茫茫。俺可便翫賞。今日箇拜三清。同赴上天堂。〔先生云〕牛璘趙江梅。你省了麼。您二人功成行滿了也。跟貧道見上仙去來。你本是大羅神仙。在人間數十餘年。今日箇功成行滿。跟貧道證果朝元。

題目 牛員外得悟平康巷

正名 癯李岳詩酒翫江亭



呂洞賓桃柳昇仙夢

元賈仲名

第一折

〔冲末扮南極星引羣仙青衣童子上〕〔云〕太極之初不記年。瑤池紫府會羣仙。陰陽造化乾坤大。靜中別有一壺天。吾乃南極老人長眉仙是也。居南極之位。東華之上。西靈之境。北真之府。共壽算於無窮。掌管一切羣仙道德真人。今朝玉帝。因見兩道青氣。下照汴京梁園館聚香亭畔。有桃柳二株。已經年久。有道骨仙風。恐其迷却仙道。可以差神仙點化。青衣童子。與我喚將洞賓來者。〔青衣云〕理會的。洞賓師父安在。〔扮呂洞賓上〕〔云〕髮短髯長本自然。半爲羅漢半爲仙。胸中自有吾夫子。到底三家總一天。貧道姓呂名岩字洞賓。道號純陽子。乃唐朝進士出身。上國觀光。到於中條山王化店。遇着鍾離師父。傳金丹大道。遂得長生不死之方。想俺神仙。吞霞服日。投至到此。也非同容易。今日上仙呼喚。須索走一遭去。早來到也。青衣童子報伏去。道呂岩來了也。〔做報科〕〔南極云〕着他過來。〔見科〕〔呂云〕上仙稽首。呼喚貧道有何事。〔南極云〕洞賓。喚你來別無甚事。今下方汴京梁園館聚香亭畔。有桃柳二株。已經年久。有道骨仙風。恐迷却仙道。你不避驅馳。可往下方走一遭去。〔呂云〕上仙法旨。不敢有違。則今日辭別了上仙。下方走一遭。

去。因桃柳年深成器。差純陽降臨凡世。先將他點化爲人。後指引來入仙隊。斷絕了利鎖名韁。逼
綽了酒色財氣。有一日得道成仙。直引到瑤池之會。〔下〕〔南極云〕呂洞賓下方點化。度脫那桃
柳二株。必然先教他爲人。後方能教他成仙。若見了酒色財氣。那其間返本真方入仙籍。俺仙家
道德爲先。桃柳有宿世之緣。有一日功成行滿。都引入大羅青天。〔同下〕〔酒保上〕〔云〕酒店門前
三尺布。人來人往尋主顧。黃酒做了一百缸。九十九缸似頭醋。小可是梁園館一箇賣酒的。我這
裡有一亭。名曰聚香亭。有四時不謝之花。八節長春之景。左有多年翠柳。右有四季嬌桃。南來北
往客人。都來此處飲酒賞玩。今日開了這門面。燒的湯熱。看有甚麼人來。〔洞賓上〕〔云〕朝游北
海暮蒼梧。袖裏青蛇膽氣粗。三醉岳陽人不識。朗吟飛過洞庭湖。貧道呂岩是也。奉上仙法旨。來
到下方。直至梁園館聚香亭。飲幾杯酒者。〔見酒保科〕〔云〕酒保有酒麼。〔酒保云〕師父請進來。
有酒有酒。不問你要甚麼酒。〔呂云〕與我打二百常錢酒來。〔酒保云〕這仙長獨自一箇。要二百
錢的酒。師父你敢喫不了。〔呂云〕量這些打甚麼緊。你聽。齋食一斛米。酒飲數百鍾。尙然不醉飽。
何況此杯中。〔酒保云〕有有。這箇好酒好菜蔬。師父你慢慢的飲。〔呂飲科〕〔云〕好飲杯中物。離
却蓬萊路。三醉岳陽樓。點石爲金玉。朝向酒家眠。夜宿牡丹處。桃柳豈難哉。我覩兒曹數。兀那酒
保。再將酒來。兀的不天色晚了也。〔做睡科〕〔酒保云〕這先生怎麼睡了。〔做叫科〕〔云〕仙長不中。

這亭中有妖精鬼魅。醒來去了罷。恐害了性命。我身上也不便。喚不醒他。天色晚了。收拾了家火。我還家去。等天明了。我來看他。這箇先生沒道理。喚的醉了喚不起。晚夕妖精傷害人。神樂觀裏少住持。〔下〕〔正末上〕〔云〕我乃梁園館前一株翠柳。已經年久。四時不衰。八節長青。枝榮葉茂。遂得成形。我與嬌桃約在湖山側相會去。我雖心靈性慧。爭奈是土木之軀。何日是了也呵。〔唱〕
〔北仙呂點絳脣〕則爲我根脚培埋。長青可愛。枝梢大。雖然是土木形骸。茂盛多精彩。

〔混江龍〕綠陰翠蓋。依稀裊娜映樓臺。一任教霜凌雪壓。日炙風篩。近水柔條多雅趣。臨風對月助吟懷。我可便更軟善。無毒害。雖不成神仙之道。也是箇梁棟之材。〔云〕我在這湖山下。等候嬌桃。這早晚敢待來也。〔正旦上〕〔云〕妾身乃梁園館前一株嬌桃。我這花四季開放。已經年久。遂得成形。我與翠柳爲其伴侶。今夜風清月朗。約翠柳在湖山畔相會。想我這桃花。〔唱〕

〔南東甌令〕多嬌態。甚奇哉。嫩蕊嬌香霞映色。風流可喜堪人愛。家住在天台側。劉郎去後瘦如柴。懶插短金釵。〔做見科〕〔末云〕兀的不是嬌桃姐姐。〔旦云〕翠柳哥哥。萬福。〔末云〕姐姐恕罪。你看今夕銀河耿耿。明月橫空。好月色也呵。〔旦云〕是好月色也呵。〔末唱〕

〔北那吒令〕燦銀河世界。正當天月色。綉雲破纓黷。轉花陰弄色。遇良宵好景。會多嬌嬌色。〔旦云〕我與翠柳。豈偶然也。〔末唱〕也是俺宿世緣合該載。只落得箇夜去明來。〔旦云〕量妾身有何德能。着哥哥如此錯愛。深有垂顧也。〔末云〕不敢。〔旦唱〕

〔南桂枝香〕多承錯愛。深蒙款待。則啗這愛戀如山。則啗這恩情似海。〔末云〕因姐姐容貌非常。〔旦唱〕我丰姿豔色。我丰姿豔色。你形端無賽。正是桃紅柳綠。則願的四時不改。今夜同相會。只怕青春不再來。〔末云〕嬌桃姐姐。遇此良宵。爭忍孤負。〔唱〕〔北鵲踏枝〕趁良宵靜幽哉。願和諧。柳絲長結就同心。桃腮嫩引惹情懷。謝芳卿又不曾見責。怎能穀跨蒼鸞同赴瑤臺。〔旦唱〕

〔南玉包肚〕今宵爽快。趁一天風清月白。〔末云〕我和姐姐飲幾杯酒。〔旦唱〕飲金杯暫且寧耐。乘時遣興開懷。子這春從天上九重來。好向亭心酒漫篩。〔末云〕既如此。嚙向亭子上飲酒去。〔做見呂科〕〔末云〕嬌桃不中。嚙回去來。〔呂醒科〕〔云〕小鬼頭那裡去。

〔末唱〕

〔北寄生草〕見師父威嚴大。神氣藹。謊的我兢兢戰戰磕頭拜。〔呂云〕你是山妖木怪地鬼麼。〔末唱〕不是山妖地鬼人間怪。〔呂云〕你可是甚麼妖精。〔末唱〕俺則是多年

枯木英靈在。〔呂云〕貧道答救度脫你如何。〔末唱〕若是吾師答救俺蒼生。早得超凡入聖登仙界。〔呂云〕兀那桃柳。你跟我出家去。我教你先爲人身。後教你成仙。意下如何。〔旦唱〕〔南樂安神〕但却離的紫陌。可憐桃柳潑形骸。只因俺四季不凋衰。不逐流水東風外。超凡天地也蓋載。還了冤家債。〔呂云〕翠柳。你往長安柳氏門中。托化爲男身。嬌桃。你去長安陶氏門中。托化爲女身。二人成其配偶。先教你爲人。後教你成仙。三十年之後。再來點化。桃柳今番已出叢。滿天風雨盡包籠。柳也你再休舞低楊柳樓心月。桃也你再不歌盡桃花扇底風。疾便下方去。〔末云〕謝了師父。〔旦云〕翠柳嚙去來。〔末唱〕

〔北賺煞〕今日箇得遇大羅仙。道德如天大。桃也再不去向陽弄色。我可便送盡行人纔放解。也是我命運合該。謝師父說明白。今日箇苦盡甘來。直至長安名姓改。你休要沒顏落色。休等那霜欺雪蓋。願師父早些兒引度俺到蓬萊。〔下〕〔呂云〕誰想今日。度脫了桃柳二株。先教他成人。後教他成仙。奉上仙道德言開。雖桃柳土木形骸。度脫他成仙了道。拜真人同赴蓬萊。〔下〕

第二折

〔陳員外李大戶同街坊上〕〔云〕爲商作賈數年間。江湖來往泛舟舡。家門贏得財源盛。燒香願

得子孫賢。小生長安人氏。姓陳名仲澤。此位是李大戶。這三位是俺街坊。有一人姓柳名春字景陽。其妻陶氏。是這長安城中點一點二的財主。家私有萬倍之利的人家。時遇秋天九月。重陽節令。請俺衆街坊。去郊外秀野園。安排酒果。登高賞玩。〔李云〕員外。既然柳景陽相請。咱再安排茶飯果盒酒肴。回敬與他。〔陳云〕說的是。咱不避驅馳。郊外登高。走一遭去。柳景陽請俺登高。衆街坊不避塵勞。太平年乘時宴賞。拚歸來鼓腹醕醕。〔同下〕〔正末同旦引興兒上〕〔云〕小生姓柳名春字景陽。長安人氏。渾家陶氏。自祖父已來。頗積家財。萬貫有餘。人皆以員外呼之。大嫂。我想爲人在世。不如受用了是便宜。時遇重陽節令。分付興兒。在這秀野園登高賞玩。請下衆位街坊。俺先到此間。興兒。安排酒果完備了麼。〔興兒云〕都完備了也。〔末云〕大嫂。重陽節令。好秋景也呵。〔旦云〕真箇好秋景也。〔末唱〕

〔北中呂粉蝶兒〕昨日箇秋雨淋漓。舞丹楓蕭蕭葉墜。聽砧聲別院淒淒。蕩金風。冷玉露。池荷減翠。節令相催。今日箇賞重陽登高樂意。

〔醉春風〕你看那北苑柳添黃。東籬菊放蕊。橙黃橘綠蟹初肥。端的美。美。我如今家道興隆。門安戶泰。夫榮妻貴。〔旦云〕員外。你看那秋色秋光。美景良辰。正好賞玩也呵。

〔南好事近〕佳節景相宜。玩賞登高遊戲。園林處處。翻蜀錦。落葉紛飛。昇平盛世。設華筵。慶賞重陽會。好光陰。莫得輕拋。想人生百年有幾。〔末云〕真箇好景也。與兒看。衆街坊敢待來也。〔與兒云〕理會的。〔陳員外李大戶上〕〔云〕衆街坊。嚙來到秀野園前也。與兒報伏去。道俺衆街坊。都來了也。〔做報科〕〔末云〕道有請。〔做見科〕〔陳云〕柳員外。量俺有何德能。請俺街坊登高。深感厚意。〔末云〕衆高親。想人生白駒過隙。遇此節令。休要孤負。只是有勞衆位。驅馳到此。〔陳云〕不敢。〔末唱〕

〔北上小樓〕衆街坊齊來到已。賞重陽秋光佳致。我安排果卓杯盤。品物希奇。水陸俱備。今日笑吟吟。暢開懷。都教沉醉。樂人間洞天福地。〔陳云〕多蒙款待。〔做

飲酒科〕〔旦唱〕

〔南千秋歲〕捧金杯。摘取黃花香。散朵朵節令相宜。笑語聲喧。笑語聲喧。見這仕女佳人相攜。登高處。郊原內。我則見管絃聲裡。勝似春光明媚。端的是三秋美景。還家再整筵席。〔末云〕嚙慢慢的飲酒者。〔淨扮劉社長上〕〔云〕我做社長。實無比。年紀高大更有德。一生不肯出人情。則去人家抹油嘴。老漢是長安城中一箇社長。姓劉名得中。俺這街上有箇財主。是柳景陽。今日是重陽節。他把街坊都請去。秀野園登高去了。偏不請我。如今撞

將去。喫些酒肉。也是便宜。早來到了。〔做見科〕「云」你們躲的我好。〔末云〕我忘請了。老的你休怪。
「淨云」怪你怎的。將酒來我喫。〔末云〕將酒來。你喫你喫。〔淨飲科〕「云」我便喫了。俺老婆在家清
坐。〔陳云〕你好不達時務。你喫了便罷。怎麼說這等的話。〔淨云〕我不管你。〔做搶卓面科〕「衆推
出科」〔淨云〕這厮每狐朋狗黨。把我叉出來。推在溝裡。我搶了這一包東西。都污了。我看者。〔做
笑科〕「云」不由老劉笑微微。衆人喫酒賞東籬。被我恰纔撞將來。將着酒肉搶如飛。螃蟹約有三
十箇。又有一隻大公雞。饅頭上面都是糞。羊肉高處沾上泥。今日我也喫飽了。拿到家裡與我老
婆喫。〔下〕「陳云」被這厮打攪了一日。柳員外。天色將晚也。俺衆人告回。〔末云〕衆街坊先行。俺也
便來。〔陳云〕多擾了。俺回去也。〔同下〕「末云」衆街坊去了也。看有甚麼人來。〔呂上〕「云」撥轉
頂門關。撥子伊誰不是大羅仙。貧道呂純陽。離却仙苑。直至下方。度脫柳春陶氏。他二人可是誰。
可是那三十年前。梁園館裡。一箇是翠柳。一箇是嬌桃。我教他先爲人。後成仙。想登仙道。非同容
易。他二人今在秀野園登高飲酒。就此度脫成仙。柳春陶氏。你好有緣也。可早來到也。我自過去。
「做見科」「云」稽首。〔末云〕恕罪。一箇出家的先生。好道貌也。敢問先生那裡來。〔呂云〕我從天上
來。〔與兒云〕天上來。掉下來跌破頭。〔呂云〕兀那柳員外。我特來化一齋。〔末云〕好箇仙長也。〔唱〕
「北上小樓」見仙長容貌偉。神清秀有氣質。〔呂云〕特來度脫你修行。要你棄了家緣。除

免災危。〔末唱〕你可便度我修行。棄了家緣。免了災危。〔旦云〕這先生甚麼言語。〔末唱〕大嫂。由他說。俺如今更富貴。年未已。是豪傑之輩。我怎肯棄家緣入山隱退。〔呂云〕你若跟我出家去。着你尋真採藥。訪道參玄。遨遊園苑。直到蓬萊。不強如居於塵世。你兀的不死也。〔旦唱〕

〔南越恁好〕這先生大叫高呼你。勸修行省氣力。訪蓬萊園苑尋真。採藥容易。趨人間是非。成仙了道。壽命期。〔呂云〕你休要呆癡。〔旦唱〕他道俺兩口兒休要癡。俺三十歲夫共妻。雙雙美。休要管他。俺今日且向花前沉醉。〔末云〕大嫂。由他鬧去。我困倦了。暫且歇息。〔旦云〕我也困了。歇息一會。〔末旦睡科〕〔興兒云〕您都睡了。我閑要去也。〔下〕〔呂云〕他兩口兒都睡着了也。疾。我着他大睡一覺。見箇境界。爲桃柳原有仙風。呂純陽降赴樊籠。有一日功成行滿。親引到紫府天宮。〔下〕〔使命上〕〔云〕雷霆驅號令。星斗煥文章。小官天朝使命。我非凡人。乃上八洞神仙張四郎是也。奉純陽師父法旨。教我夢境中引度柳春與陶氏。走一遭去。早來到也。柳春接聖旨。〔末云〕大嫂裝香來。〔使命云〕聖人的命。着小官賣話命勅。割着你爲江西南昌府通判。不可悞期。便索長行。〔末云〕感謝聖恩。〔使命云〕小官回聖人的話去也。〔末云〕喫了筵席去。〔使命云〕不必筵席。我回聖人的話去也。我出的這門來。他那裡知

道俺神仙的道理也呵。就夢中引度桃柳。做神仙天長地久。呂純陽用盡心機。向瑤池參星禮斗。

〔下〕〔末云〕誰想有今日。大嫂快收拾行李。便索長行也。〔旦云〕收拾停當了。〔末唱〕

〔北快活三〕今日箇受誥勅。做通判到江西。不怠慢莫延遲。喏索早離城內。〔旦唱〕

〔南紅綉鞋〕將行李即便收拾。踐程途遠路奔馳。整綱常免差役。調四季用鹽梅。仗才智撫黔黎。仗才智撫黔黎。〔末云〕大嫂。嚙上任去來。〔唱〕

〔北尾聲〕荷方今聖主恩。俺夫妻受誥勅。則願得一朝任滿還鄉內。燕樂親朋齊賀喜。〔同下〕

第三折

〔鍾離扮邦老領婁羅上〕〔云〕天道幽微日月明。名山洞府氣長清。三千功行朝元去。金丹結就道方成。貧道上八洞神仙漢。鍾離是也。今有呂純陽。奉上仙法旨。點化桃柳。先教他爲人。後教他成仙。今已度脫。恐迷却正道。貧道就夢中於半山等候。這早晚敢待來也。〔正末同正旦跣馬上〕〔云〕小官柳景陽。奉聖人的命。往江西南昌府爲通判。夫人。嚙離家數日。一路上好辛苦也。〔旦云〕眞箇是驅馳人也呵。〔末唱〕

〔北越調鬪鶴鶩〕經了些水遠山遙。暢好是天寬地狹。野店生莓。山城噪鴉。崎嶇長途。奔馳瘦馬。昏鄧鄧塵似篩。撲唐唐泥又滑。綠水堤邊。青山那答。

〔北紫花兒序〕夕陽古道。客旅人稀。老樹槎枒。一林紅葉。三徑黃花。看了那高低禾黍。紛紛桑共麻。俺則爲功名牽掛。今日箇背井離鄉。幾時得任滿還家。〔旦

云〕相公。偌近遠。我也受不得這等辛苦。〔末云〕夫人。你如何說這等言語。嚙爲功名到此也。

〔旦唱〕

〔南訴衷腸〕你道是功名牽掛。早過了夕陽下。一帶雲山似圖畫。眼巴巴幾時得到京華。過山遙路遠怎去。他教我心驚膽顫怕。如今容顏瘦。倒不如受辛勤還家罷。我如今力困筋乏。〔末云〕夫人。你休要那般說。〔唱〕

〔北耍三台〕我對你丁寧話。你不必心驚怕。你須受了那官話勅劄。〔旦云〕我則要還家去。〔末唱〕你不去。敢有刑法。請夫人鑒察。我爲官理民莫漫誇。你做夫人富貴受用者。你穿上霞帔金冠。你見人呵。那其間敢裝麼做大。〔云〕夫人。來到這山

崦中。兀的胡哨響。有強人來了。可怎了也。〔邦云〕留下買路錢。〔旦云〕可怎了也。〔唱〕

〔南山馬客〕胡哨聽幾聲那答。見強人一簇。炒鬧山下。我心驚腿酸麻。〔末云〕夫

人你休要怕。按下心膽。〔旦唱〕唬得我如癡似醉。眼花。〔邦云〕那裡去。〔旦唱〕幾乎唬殺。料他不肯放咱。相公。你依我者。俺則索停驂下馬告他。〔做跪科〕〔邦云〕便好道擒來的敗將。捉住的冤夫。刀劍難存。你有何理說。〔末云〕太保聽說一徧者。〔邦云〕你說。〔末唱〕

〔北調笑令〕太保你鑒察問根芽。〔邦云〕你那裡人氏。〔末唱〕俺是那長安富貴家。〔邦云〕你因何到我這山中。〔末唱〕我受皇恩理民明教化。爲通判俸祿遷加。〔邦云〕這婦人是誰。〔末唱〕與妻兒遠行勞困殺。太保也可憐見俺背井離家。〔邦云〕留下金珠財寶。放你過去。若不與我呵。就殺壞了你。〔旦唱〕

〔南憶多嬌〕太保你謀害咱。則待殺金銀寶貝盡納下。且將性命都擔饒罷。〔邦云〕有就放你回去。〔旦唱〕俺便行程。你是我重生父母報答。〔邦云〕我便不放却是如何。〔末唱〕

〔北耍厮兒〕〔即亮〕你不要非真當假。大丈夫言出無差。輕言寡信休要耍。俺性命在天涯。泪似懸麻。〔邦云〕我務要殺你。〔旦唱〕

〔南江神子〕不由人心亂殺。眼睜睜夫妻分離下。遠了家鄉誰牽掛。誰想今朝命掩沙。〔邦云〕磨的刀快。我親自下手。〔末唱〕

〔北聖藥王〕則見他越怒發。難按納。圖財致命怎干罷。也是俺死限催。命運差。前生遇着這冤家。〔邦云〕殺殺。〔末唱〕可憐我一命似飛花。〔邦做殺科〕〔云〕你推睡裡夢裡疾。〔下〕〔末云〕有殺人賊。〔做醒科〕〔呂上〕〔云〕柳春陶氏。你二人省了麼。〔末同旦云〕師父弟子省了也。〔呂云〕你二人見了境頭也。〔末云〕弟子見了也。〔呂云〕你二人跟我出家修行去。待一年半載。引你成仙了道。要你着意者。〔末云〕謝了師父。〔唱〕

〔北尾聲〕從今後跟師父。直至林泉下。拴住心猿意馬。謝指教願長生。紫府瑤池受用煞。〔下〕〔呂云〕此二人見了些境頭。跟我修行去。待一年半載。着他成仙了道。未爲晚矣。桃柳人間三十年。今將大道爲他傳。功成行滿朝真去。一同參拜大羅仙。〔下〕

第四折

〔呂上〕〔云〕貧道呂純陽。自從度脫柳春陶氏。心回性悟。知其前生。爭奈不了塵緣。在山中修行。今日是他昇仙之期。再與他箇境頭。方能成道。下紫府兩次三番。成正果似易實難。頓悟了長生大道。參真人引入仙班。〔下〕〔正末正旦道扮上〕〔云〕自從純陽師父。度脫修行。夢中覺悟。知其前生之事。未曾得參上真。在此山中。好幽哉也。〔末唱〕

〔北雙調新水令〕三十年人事若癡愚。謝師父度脫俺省悟。登山採藥苗。近水

結茅廬。則爲那一夢華胥。跟師父赴仙路。〔旦云〕我則怕爲仙爲道。非同容易也。〔唱〕

〔南畫錦堂〕自古道德非俗。脩真養性。燒丹煉藥工夫。利鎖名韉。人我是非皆除。無慮。將寶貝金珠棄如土。若是有緣。終到青霄路。〔合〕尋真侶。今日向彩雲深處。願登仙府。〔末云〕嚙兩箇兀那山坡下游玩去來。〔旦云〕嚙去來波。〔末唱〕

〔北甜水令〕嚙。可便轉過山岡。纔離峻嶺。崎嶇徑路。〔旦云〕你看這裡那桃柳。開的好豔冶也呵。〔末唱〕則見花柳錦模糊。你可便待向前來。折取一枝。休得辜負。〔云〕可怎生這裡有此桃柳。〔唱〕我可便參不透仙謀。〔旦云〕好花柳也。〔唱〕

〔南四塊金〕桃紅柳綠。則今日朱顏故。朝風暮雨。曉日迎烟霧。桃腮點嫩朱。柳眉愁未足。萬緒千頭。一點情舒。記得當初。也曾經惡雪霜風。受過無數苦。〔末云〕

嚙折了一枝。回菴中去來。〔旦云〕嚙去來。〔末云〕來到菴中也。兀的不天色晚了。暫且盹睡者。

〔做驚科〕〔桃柳二神同上〕〔神云〕俺乃桃柳二神。乃是柳春陶氏前身。今日二人將以成道。奉

上仙法旨。着俺二人磨障他去。可早來到也。〔做喚門科〕〔云〕柳春開門來。〔末云〕甚麼人大呼

小叫。好是奇怪也。〔唱〕

〔北川撥棹〕是誰人鬧喧呼。謊的我魂魄無。我即便走出門戶。〔神云〕那柳春。你見

俺二人麼。〔末唱〕見兩箇無徒。〔神云〕將金銀寶貝來。〔末唱〕俺出家人有甚寶物。好教我便怒。〔旦唱〕

〔南川撥棹〕因何故。有甚麼寶貝金珠。你那裡仗劍提刀。則是仙家伴侶。〔神云〕你好無禮也。〔旦唱〕我不曾敢冒瀆。〔神云〕我就殺了你。〔旦唱〕休要將我性命圖。〔神云〕你二人敢這等無禮。我好共歹殺了你。〔末唱〕

〔北七弟兄〕這厮他惡語。暢好是狠毒。他一心待要圖謀。〔云〕要金銀。你將的去。〔神云〕將來波。〔末唱〕將金銀盡都收拾去。這一場全不用工夫。我和你兩箇前生注。〔神云〕我也不要金銀。只待要殺了你。〔旦唱〕

〔南錦衣香〕他待要將俺誅。俺可也無門路。死難捱。合相遇。我可甚道門功行。禍福消除。眼睜睜死限在須臾。〔神云〕你二人受死。〔旦唱〕怎生得人來救我身軀。俺歸泉世命已夫。磕頭禮拜不放住。可憐見。可憐見。休教間阻。空望斷。空望斷。俺師父。〔神云〕我不饒你。務要殺了你。〔末唱〕

〔北喜江南〕師父也。這其間朗吟飛過洞庭湖。〔神做殺科〕〔云〕休推睡裡夢裡。〔末喊云〕有殺人賊。〔呂冲上云〕你二人省了麼。〔末唱〕原來是呂純陽。又使這權術。見師父威

嚴□□□尋俗與俺便做主。願師父明白指破這迷途。〔呂云〕兀那柳春陶氏。你不

知這段姻緣。聽貧道從頭說與你二人。汴京梁園館前兩株桃柳。柳春便是翠柳。陶氏便是嬌桃。已經年久。有宿緣仙分。我奉上仙法旨。特來點化。先教你爲人。後教你成仙。着你托化在長安富豪之家。一夢中見了境頭。就跟貧道出家。爭奈俗緣未退。故着你元神磨障。今日纔得行滿也。則爲梁園館桃柳芬芳。奉法旨飛下穹蒼。我貧道特來點化。托生在豪富之鄉。若不是一夢中見了境界。怎能殼地久天長。桃也再不要年年結子。柳也再不要風裡顛狂。今日箇成仙了道。拜真人同赴天堂。

題目

漢鍾離助道用機關

正名

呂純陽桃柳昇仙夢

張公藝九世同居

闕名

第一折

〔正末領大末二末三末淨行錢上〕〔正末云〕老夫姓張名公藝。壽張縣人氏。嫡親的四口兒家屬。老夫所生三箇孩兒。大的張悅。第二張翬。第三箇張英。大的箇治家。第二箇習文。第三箇習武。這三箇孩兒。家私裏外。都是俺這三箇孩兒的。自北齊至隋。到今九世同居。曾蒙兩朝旌表門閭。人呼爲義門張氏。老夫自來仗義疎財。爲鄉里欽敬。尊稱曰長者相呼。目今聖人治世。上托着萬萬歲主人洪福。下托着祖宗陰德。似我這般人家。天下罕有也。〔大末云〕父親。有甚麼脩身齊家的事。訓教您兒者。〔正末唱〕

〔仙呂點絳脣〕九世同居。故家喬木。傳今古。則俺這遠近宗族。端的是上下皆和睦。

〔混江龍〕尊卑有序。俺一團和氣。露門閭。立身的有士農工賈。傳家的有禮樂詩書。想着那累代功名天下有。似俺家滿門忠孝世間無。爲男的孝於父母。做女的善侍公姑。人力衆數百家眷。田宅廣無限倉庾。倉庾原作根。親戚同高樓大廈。朋友共肥馬輕

車。樂天年幽居田野。播芳聲。喧滿江湖。但存忠孝以齊家。不求榮顯學千祿。常能如此。更待何如。〔大末云〕父親想嚙一家兒人家。自祖宗以來。九世同居。富貴奢華。皆因是祖宗陰德也。〔正末云〕您衆孩兒不知。我說與你聽者。〔唱〕

〔油葫蘆〕似俺般富貴榮華天付與。俺端的心自足。〔大末云〕喜遇明君治世。〔正末唱〕時遇着舜天堯日樂安居。堪嘆的是西山日迫桑榆暮。喜的是高堂月旦芝蘭聚。自北齊千乘君。大隋仁聖主。省〔原作拂趙校改〕差徭免賦稅。加優恤。見如今旌表耀門閭。〔二末云〕

俺祖輩以來。多受皇家褒獎也。〔正末唱〕

〔天下樂〕兩度天書出帝都。家也波聲傳父祖。一家兒孝慈成化俗。士民俱讚揚。鄉閭皆敬伏。俺端的播清風。一萬占。〔大末云〕父親。今日是八月十五日旦之日。中堂上設祭祀之禮。請父親拈香。〔正末云〕着行錢擡過那香卓來者。〔淨行錢做擡香卓科〕〔云〕偌多的人。偏要使我做着這箇行錢好不氣長也。我擡過香卓來了。〔正末拈香科〕〔云〕老夫張公藝。自祖宗以來。九世同居。上托着明君治世。國泰民安。俺一家兒虔誠告祝也。〔唱〕

〔那吒令〕銀臺燒絳燭。祥煙散華屋。沉檀炷寶爐。輕風飄翠縷。金盃奠醪醕。清香噴玉壺。陳饌饅排樽俎。排列在堦除。

〔鵲踏枝〕左右行列昭穆。定親疎。追思這祖考音容。洋洋乎在生規模。再拜虔誠告祝。保護一家兒上下無虞。〔大末云〕拜告已畢。請父親陞堂。以序長幼之禮。〔正末云〕今日月旦。子孫中居長者。各分班次。〔二末做見科〕〔正末云〕張文玉近前。所習何業。〔二末云〕您兒攻書哩。〔正末云〕讀甚麼書。〔二末云〕父親。您孩兒雪案螢窗。朝夕勤勞。攻習經史。您孩兒無書不讀。托祖宗遺德。父親餘蔭。學成滿腹詩書。您孩兒聞知大開學校。招賢納士。您孩兒待要應舉走一遭。〔正末云〕孩兒也。聖人道。學則庶民之子爲公卿。不學則公卿之子爲庶民也。孩兒的便是也。〔唱〕

〔寄生草〕你做須做文章伯。學則學君子儒。可不道書中自有千鍾粟。你爲人要比連城玉。濟時須作擎天柱。〔帶云〕孟子云窮則獨善其身。達則兼善天下。〔唱〕你達時腰金佩紫。掌絲綸。不達時論黃數黑尋章句。〔三末做見科〕〔正末云〕張武傑所習何業。〔三末云〕您兒學武藝哩。〔正末云〕吾聞詩禮傳家。此子棄文就武。亦各言其志也。曾讀武經七書麼。〔三末云〕您兒讀來。〔正末云〕用兵貴乎隨機應變。勿學趙括。膠柱鼓瑟。不能成其事也。〔三末云〕父親。您孩兒學成滿腹兵書戰策。如今聖主選用良才。招納四方傑士。您孩兒文武兼濟。若到舉場。必然重用。得了一官半職。光顯門閥。可不好那。〔正末唱〕

〔么篇〕你學濟世安邦策。按六韜三略書。則要你識安危動變驅兵旅。察虛實攻守安營戍。分奇正左右依行伍。但能殺英雄。趕虎豹。帳中居。煞強如冷清清鸚鵡洲邊住。〔云〕老夫年紀高大。也無多神思。孩兒每衆多。也有爲官的。也有守莊產的。也有爲商賈的。齊向前來。聽我訓誨也。〔唱〕

〔六么序〕我這裡頻囑付。孩兒每自暗伏。休得恣荒淫酒色歡娛。爲儒的早趁三餘。篤志詩書。休得閑遙遙情却身軀。少年莫道儒冠誤。索將他經史熟讀。聖人言不貳過。不遷怒。脩其天爵。爵原作道趙校改人爵從諸。〔云〕孩兒也。你兩箇學的文武全才。即今便上

朝應舉去。則要你着志者。〔二末云〕您孩兒即今便行也。〔正末唱〕

〔么篇〕想爲官的要辨賢愚。休要弄權術。愛恤民庶。教化風俗。一片心常思報主。想民瘼不易除。爲農的竭力耕鋤。休教他田野荒蕪。到頭來勤苦是亨衢。飽衣煖食供朝暮。不勤時倉廩空虛。禮義廉恥爲先務。毋忝爾祖。以保身軀。〔云〕爲官更有

幾件分付你也。〔唱〕

〔賺煞尾〕便好道養育受親恩。養育受親恩原作一仕宦趙校改食天祿。這的是父生汝君王食汝。自古君親兩不殊。不忠孝天理何如。慎其獨似十目視。十手指嚴乎。〔帶云〕則

要你上合天心下協民望（唱）天網恢恢本不疎。你索溫恭自虛。制節謹度。行藏須鑒聖賢書（同下）

第二折

〔外扮王伯清上〕〔云〕家業消乏命運乖。父喪不舉意悲哀。讀書萬卷青燈下。曉夜淒淒不放懷。小生姓王名澄字伯清。乃江右王原舉之子。小生年幼。不想父親亡化過了。止有老母在堂。家私窮薄。薄原作暴今改停柩在家。無錢埋殯。父親生前時。說有張公墓。此人平昔仗義疎財。父親在時。與他有一面之交。今日無計所奈。待要投托此人去。儻若有些小財物。殯葬父親。可不是好。不敢久停久住。我須索走一遭去也。憂心切切難驅遣。謁托張公大丈夫。〔下〕〔正末領行錢上〕〔云〕老夫年過七旬。不覺的老邁。待將家私分付與孩兒每來。心上有幾件不了的事。索分付孩兒每辦下。以盡平生之願。想人生光陰易老也呵。〔唱〕

〔南呂一枝花〕鏡原作相趙校改添白髮新。人原作相趙校改對黃花瘦。光陰駒過隙。世事水浮漚。寒暑相逐。烏兔搬昏晝。昨日春。今日秋。過中年。原作到老無趙校改萬事俱休。空枉了堆金北斗。

〔梁州〕我不願生前貴顯。但只願身後名留。此生多感皇天祐。有乾柴細米。肥

馬輕裘。千箱羅綺。百味珍羞。倚晴空。高高原作深趙校改閣重樓。捲飛雲。綠幕銀鉤。我我我。有芝蘭晚節森榮。是是是。對松菊終朝唱酌。嘒嘒嘒。嘆桑榆暮景優游。回頭故友。十年間阻。干戈後。寄書信。細窮究。半上青雲半土垢。題起來。雨淚交流。〔云〕烏兔如飛。日月逝矣也。〔唱〕

〔隔尾〕逐朝青鏡容顏瘦。一枕黃糧夢境熟。往事回頭盡參透。吾心已休。甘心退守。老却當年釣鰲手。〔云〕下次小的每。與我喚將張悅來者。〔大末上〕〔見科〕〔云〕父親喚您兒。有甚事訓教。〔正末云〕孩兒也。我年紀高大了。一切家私。都分付與你。我心上有三件未了的事。我說與你。你辦下。盡我數年清樂。豈不快哉。〔大末云〕父親有那三件未了的事。父親頭一件事怎生。您兒不知。父親試說者。〔正末云〕頭一件。與我請箇明師。立一箇義學。但鄉中人家孩兒。儘他來讀書。酒食束脩。我家自辦。左右兩齋。明窗淨几。蓋一座書樓。要整齊者。〔大末云〕知道了。〔正末唱〕

〔牧羊關〕有一等要讀書的家私薄。薄原誤暴趙改寄末的更無錢辦束脩。因此上。有志難酬。似這般。淨几明窗。煞強如桑樞甕牖。〔帶云〕這書樓休觀的小可也。〔唱〕這書樓是一箇未變化魚龍窟。是一箇未發達的鳳凰樓。但能般禮樂從先進。一強如您鄉閭出下流。〔大末

云「父親第二件是甚麼。」（正末云）你如今撥二頃田莊的錢糧。與我別收下者。（大末云）另收下何用。（正末唱）

〔么〕莊田與我親標撥。錢糧與我別項收。恐有那一等受貧窮朋友干求。儻有那連喪不舉的人家。久定難成的配偶。（大末云）喪不舉呵。怎的。（正末唱）喪不舉呵。我與他齋僧道。營墳墓。（大末云）婚不了呵。如何。（正末唱）女不嫁呵。我與他辦首飾。置衾綢。須教他嫁娶。心無憾。免得他居喪禮不周。（云）下次小的每。門首看着。有甚麼人來。（大末云）理會的。（王伯清上）（云）小生王伯清是也。因父喪不舉。到此張公藝家。借些小錢物。埋殯父親。可早來到也。兀那門公報復去。道有王原舉之子來見老員外。（行錢云）理會的。（做報科）（云）報的員外得知。有王原舉之子來見員外。（正末云）行錢。當初王原舉。此人與老夫有一面之交。請他過來。（行錢云）理會的。有請。（王伯清做見施禮科）（正末云）孩兒也。你有甚麼事。來到此處也。（王伯清云）不瞞長者說。我父親曾與長者有一面之交。我父不幸。身亡三載。停柩在堂。無錢殯葬。止有老母在堂。並無親故。想長者有疎財仗義之心。全望長者可憐。借些錢物。以葬我父親。若蒙俯允。此恩不忘也。（正末唱）

〔紅芍藥〕他從頭至尾說因由。和我也雨淚交流。他道父亡三載。父亡三載。原作三載。窗數趙校改。載久停。

留並無一箇親識追

趙校改 道原作干

求。則你那文齊來福未酬。則要你顯男兒得志之秋。〔正

末做悲科〕老夫一一記

趙校改 記原作觀

在心頭。我必有箇主意相周。〔正末取銀子鞍馬衣服科〕

〔云〕這拾兩銀子。與你埋殯父親。你埋殯了父親。你上朝求官應舉去。這拾兩銀子。與你做盤纏。這鞍馬權與你代步。孩兒。你則着志者。〔王伯清做謝科〕〔云〕多謝了長者也。〔正末云〕路遠不及弔問。休怪也。〔王伯清云〕不敢不敢。〔行錢云〕我倒好笑。擎着細絲銀子兒。鞍馬衣服。白與了別人去了。我整日家與他做買賣。倒不與我。真乃是夾腦風也。〔正末唱〕

〔菩薩梁州〕你與我疾便登舟。休辭生受。顯文章魁首。免你那倚門尊母憂愁。蟾宮獨步占鰲頭。門庭改換傳家後。此言語不虛謬。不枉了燈窗學業脩。萬古名留。〔王伯清云〕就如今辭了長者。若王澄異日發達時。此恩必當重報也。〔正末云〕王伯清去了也。

孩兒。我與你說未了。早有這等窮薄

薄原作暴今改

的來。嗒齋助他些盤纏。豈非美事。更有一件心上事。

你與我辦者。〔大末云〕再有甚麼事。〔正末云〕你與我蓋造池亭園館一所。我要每日散心悅情。

世間萬事。總是一場春夢。想我爲人在世。此心足矣。〔大末云〕您兒謹依尊命也。〔正末唱〕

〔罵玉郎〕聲名不落他人後。心已遂。更何求。人情世事皆虛謬。想如今故友稀。嘆鬢邊白髮新。喜榻上青氈舊。〔大末云〕父親。你平生所樂何事也。〔正末唱〕

〔感皇恩〕呀愛的是山水清幽。喜的是菊松芳秀。伴風月兩閑人。渺乾坤雙醉眼。樂詩酒一儒流。閑散心青山故。故原作問趙校改友。暫忘機滄海盟鷗。夢羲皇。謝塵世。臥糟丘。〔行錢

云〕你老人家。偌大年紀。正好喫酒耍子兒哩。〔正末唱〕

〔採茶歌〕做一箇醉鄉侯。老風流。得優游處且優游。對酒當歌開笑口。一杯消盡古今愁。〔云〕分付你的言語。你牢記着。〔大末云〕您孩兒理會的。〔正末唱〕

〔煞尾〕把我那西園池館從新構。北院山亭即便脩。留得閑身漫迤逗。栽花種柳。攜琴載酒。我和那松竹梅花做心友。〔衆下〕〔淨扮貢官領張千上〕〔云〕小官姓賊名皮。表德字要鈔。奉聖人的命。今春開放選場。天下文武舉子。都來應舉。着小官做箇知貢舉官。小官想來。我這一頭兒買賣。可也。張千開放舉場。看有甚麼人來。〔淨扮張狂李柰上〕〔張狂云〕小子姓張。家住在金魏陶姜。〔李柰云〕則我是果珍李柰。家住在菜重芥薑。〔張狂云〕小子姓張。是張狂。兄弟是李柰。俺二人學成文武。故來應舉。可早來到也。門裏人報復去。道有兩位能文善武的秀才。特來應舉。〔張千做報科〕〔云〕報的大人得知。外面有兩箇秀才。特來應舉。〔貢官云〕着他過來。〔張千云〕着過去。〔做見科〕〔貢官云〕兀那兩箇是甚麼人。〔張狂云〕是應舉的秀才。〔貢官云〕你來應舉。會吟詩麼。〔張狂云〕會吟詩。會課賦。丟了斧子拽的鋸。〔貢官云〕這壯士。你來

應舉。〔李泰云〕學生我來應舉。〔貢官云〕你會甚麼武藝。〔李泰云〕我十九般武藝都會。〔貢官云〕只有十八般武藝。偏你十九般。那一般呢。〔李泰云〕我會打筋斗。〔貢官云〕這厮潑說。且一壁有者。〔二末同三末上〕〔二末云〕兄弟。嚙弟兄兩箇。自從辭別了父親。上朝取應。可早來到舉場中也。俺過去見貢官去也。〔三末云〕哥哥。俺見貢官去來。門裏人報復去。道有兩箇秀才。特來應舉。〔張千做報科〕〔云〕報的大人得知。有兩箇秀才。特來應舉。〔貢官云〕着他過來。〔張千云〕着過去。〔貢官云〕兀那兩箇是甚麼人。〔二末云〕俺是應舉的秀才。〔貢官云〕那箇呢。〔三末云〕我來應武舉。〔貢官云〕您都一壁有者。〔王伯清扮官人上〕〔云〕自小習學看九經。一朝及第望身榮。治民有法知條令。報答吾皇水土恩。小官王伯清是也。江右壽張縣人也。自幼攻習文墨。父喪家貧。三載不舉。聞知張公藝長者恤孤念寡。敬老憐貧。出無倚之喪。嫁孤寒之女。小官出於無奈。投於張公藝。借些錢物。埋殯我父親。不想此人與我埋葬之資。又與銀兩衣服鞍馬。將父親殯葬已畢。小生上朝取應。見了聖人。日不移影。應對百篇。加小官爲黃門侍郎之職。今春大開舉場。選用文武英才。着小官爲考官總裁。如今到場中考試文武。走一遭去。可早來到也。〔做見科〕〔貢官云〕相公。恕學生接遲也。〔王伯清云〕有秀才來到也不會。〔貢官云〕相公請坐。有四秀才來應文武舉。您過來見相公。〔見科〕〔王伯清云〕秀才那裡人氏。〔二末云〕小生江左壽張縣人。

氏。姓張名珣。是張公藝之子。〔王伯清云〕張公藝莫不是九世不分居的張公藝麼。〔二末云〕然也。〔王伯清云〕是名家之子。曾讀那一經來。〔二末云〕小生非敢大言。九經皆通。〔王伯清云〕你且一壁有者。〔二末云〕理會的。〔王伯清云〕兀那壯士。你那裡人氏。〔三末云〕某乃壽張縣。姓張名英。乃張公藝第三箇孩兒。〔王伯清云〕習那一家兵書戰策。〔三末云〕某習黃公三略法。呂望六韜書。〔王伯清云〕你且一壁有者。這箇秀才。姓甚名誰。〔張狂云〕小生姓張。是張狂。〔王伯清云〕你通那一經。〔張狂云〕頗曉九經。〔王伯清云〕這箇壯士。姓甚名誰。〔李素云〕小生姓李。是李素。〔王伯清云〕你讀那一家兵書戰策。〔李素云〕黃公三略法。〔貢官云〕這兩箇秀才。倒做的官。倒好耍子。〔王伯清云〕兀那知貢舉官。你看這秀才每的文卷。都做下了不曾。如做的完備了。都收將來我看者。〔貢官云〕你這秀才每的文卷。都做完了不曾。連忙趨着做將來。大人要看哩。〔二末云〕文卷都做完備了。〔貢官云〕既然做的完備。將來我與大人看去。你們轆下些人事兒送我。〔做收文卷呈遞科〕〔云〕大人。文卷都有了也。〔王伯清云〕將來我看。〔做看科〕〔云〕這張狂。李素。經書不通。怎麼做的秀才。趕出去。這張珣。文如錦繡。筆走龍蛇。堪做頭名狀元。這張英。機謀廣大。策論熟滑。堪做武舉狀元。小官不敢久停久住。回聖人的話。走一遭去。〔下〕〔貢官云〕我也不曾要你銀子。你也不得官做。我家去也。〔下〕〔二末云〕一舉首登龍虎榜。十年身到鳳凰池。

〔同三末下〕〔張狂云〕兄弟。別人做了狀元。把嚙趕出來。嚙一人唱兩句兒。回家去來罷。〔二淨唱〕

〔雙調清江引〕別人做了狀元喜滿腮。嚙兩箇如之柰。他兩箇都爲三品官。齊向金堦拜。嚙兩箇躲在那背巷裏悄悄的家去來。〔同下〕

第三折

〔正末同大末行錢上〕〔正末云〕自從將家私付與孩兒每。倒大來好清閑也。〔唱〕

〔正宮端正好〕人事尙炎涼。世態輕忠信。似這般不義富於我如浮雲。小人若得十年運。早忘了貧時分。

〔滾繡毬〕向人前敢自尊。胡議論。出言語無半星兒謙遜。氣昂昂傍若無人。倚仗着千兩金萬兩銀。見一等窮相識並不餉問。若見他富豪人便和氣。若雷陳。他親的是朱樓翠閣風流子。他敬的是白馬紅纓衫色新。何足云云。〔云〕行錢門首看者。看有甚麼人來。〔行錢云〕理會的。〔使命上〕〔云〕雷霆驅號令。星斗煥文章。小官乃使命是也。有一及第書生王伯清。在聖人前保奏壽張縣張公藝。見今九世同居。奉聖人的命。差某問他有何齊家之道。不敢久停久住。須索走一遭。說話中間。可早來到也。令人報復去。道有天朝使命。在於門首。〔行

錢云「理會的。」〔做報科〕「云」報的員外得知有天朝使命。在於門首。〔正末云〕「呀呀呀。我索接待去。」〔做接科〕「云」早知天使來到。只合遠接。接待不着。勿令見罪也。〔唱〕

「倘秀才」傳聖旨。天臣到門。忙驚訝。心中自忖。有甚事傳言達至尊。擡香案。引兒孫。向前接引。〔使命云〕聖命至此。張公。你焚香接待也。〔正末唱〕

「脫布衫」炷金爐。寶篆氤氳。遙瞻拜玉闕。丹宸頓首誠惶謝恩。有何事感蒙君問。

「小梁州」止不過草芥微軀。一庶民。隱跡山村。〔使命云〕聖人的命。問你九世不分居。有何齊家之道。〔正末唱〕聖人問齊家之道何因。爲甚麼家和順。九世不曾分。

「么」老夫自小蒙家訓。止不過慈愛寬仁。非老夫能。家無他論。則我這齊家之本。誠意與脩身。〔使命云〕你有何言語。我與你上達也。〔正末云〕將紙墨筆硯過來者。〔行錢云〕紙

筆在此。〔正末唱〕

「醉太平」紙光如素粉。墨濃似春雲。抵多少蘸霜毫。筆陣掃千軍。〔做沉吟科〕口無言自哂。待對這萬言長策。無高論。待答那表章無學問。〔做寫忍字科〕寫到百十箇忍字對天臣。望傳達至尊。〔使命做怒科〕「云」你這等是不敬上。聖上差我來。問你九世不分居。

的緣故。你寫上許多忍字。儻若聖人問我。這忍字着小官怎生回答。好沒道理也。〔正末云〕天臣息怒。聽老夫細說。我齊家之道。止不過在此忍字而已。〔唱〕

〔叨叨令〕假如道飯食不周。衣服不備。爲下的道心偏遜。恭敬不至。禮節不到。爲上的道

他生忿。上責下怨。上

即疑當作積

漸的生嗔恨。上不慈下不孝。必定相爭論。〔帶云〕我家不分

呵爲何。〔唱〕彼各都忍了也麼哥。彼各都忍了也波哥。因此上父爲子隱。上下家和順。

〔使命云〕原來是如此。我怎知道也。〔正末云〕天使不則齊家之法。有此忍字。上至宰臣。下及庶民。皆有此忍。能忍者全身保命。不忍者喪家取禍。天使聽我說一遍。〔使命云〕你說。小官試聽者。

〔正末唱〕

〔隨煞尾〕這忍字向不平。心上安刀刃。呵。心地清。能忍清涼絕鬪紛。守口如瓶要安分。防意如城主忠信。能忍呵怨恨成歡讎。變恩不能忍呵恩愛爲讎。喜作嗔。能忍呵誰是誰非盡休問。他弱他強莫爭論。能忍呵寬裕溫柔保六親。你若遠害全身止不過在於忍。〔下〕〔使命云〕誰想這忍字上。有如此齊家之道。小官不敢久停久住。回聖人話。走一遭去。忙馳驛路心何急。回奏天庭達聖聰。〔下〕

第四折

〔王伯清上〕〔云〕小官王伯清是也。自從父親亡化已過。無錢殯葬。曾去壽張縣投托張公藝。多謝此人贈我花銀十兩。衣服盤纏。回家殯葬父親。已後小官一舉登第。官至黃門侍郎。小官曾在聖人面前。保奏此人九世不分。遣使命問此人。答以忍字百餘。龍顏大喜。就差小官開讀詔書。贈絹百疋。免他一應差役。旌表門閭。小官乘此良便。就將原借銀兩等物送還。以表寸心。小官不敢久停久住。直至壽張縣。走一遭去。〔下〕〔正末領行錢上〕〔正末云〕兩箇孩兒。上朝取應去了。未知得官也不曾。着老夫轉輾思慮。看有甚麼人來。〔雜當上〕〔云〕自家是箇報登科記的。如今張老員外的兩箇孩兒。都得了官也。往他家報箇喜信去。問人來則這箇便是張員外家。我自過去。〔見科〕員外。你的兩箇孩兒。都做了狀元也。〔正末云〕是真箇。將五兩銀子來與他。〔雜當云〕多謝了員外也。〔二末三末領祇候擺頭踏上〕〔二末云〕小官張翊是也。這位是兄弟張英。俺二人到的帝都闕下。一舉狀元及第。又蒙王伯清保奏着。俺錦衣還鄉。擺開頭踏。慢慢的行者。〔行錢云〕員外。有他弟兄兩箇。都得了官。擺着頭踏來家了。〔正末云〕是一派好樂聲也。〔外做動樂科〕〔唱〕

〔雙調新水令〕揭清天一派動簫韶。聚春風玉驄爭道。錦爛斑仙仗擁。花爛慢彩樓高。縣宰官僚。頭踏盡來到。〔二末云〕遠遠的是父親。左右接了馬者。〔見科〕〔云〕父親。

俺弟兄二人都得了頭名狀元也。〔正末唱〕

〔駐馬聽〕天路迢迢。萬里春風拂繡袍。街衢喧鬧。九天恩雨到蓬蒿。黃華使者下雲霄。聖明天子旌忠孝。門閭氣勢豪。輦飛輪奐。祥煙繞。〔做入門科〕〔王伯清上〕
〔云〕可早來到也。左右接了馬者。令人報復去。道有使命在於門首。〔行錢云〕理會的。員外。有使命在於門首。〔正末云〕使命至也。我索接待也。〔做接見科〕〔云〕早知使命前來。只合遠接。接待不着。勿令見罪也。〔王伯清云〕張公藝你聽者。因你九世不分居。風俗忠孝。家道雍睦。差小官特來加官賜賞也。〔正末云〕感謝聖恩也。〔王伯清云〕請長者坐受小官一禮。以伸報謝也。〔正末唱〕

〔殿前歡〕天使索劬勞。事君王束帶立於朝。承宣走馬長安道。胸捲江濤。〔王伯清云〕長者請坐受禮也。〔正末唱〕偶相逢一面交。惹議論諸公笑。則道是沒見識村夫傲。〔王伯清云〕長者有德。小官年幼也。〔正末唱〕俺年高呵則是箇山林潦倒。您年幼呵則當代的英豪。〔王伯清云〕長者。你記得小官麼。〔正末唱〕

〔川撥棹〕彷彿記舊丰標。偶相逢恐認錯。老人多病年高。老景蕭條。僻處荒郊。多因是間別久時間忘了。隔關河途路杳。〔王伯清云〕長者受禮。小官因父喪不舉。多蒙長者

厚贈以葬其父。此恩寸心不忘。吾乃王原舉之子王伯清是也。〔正末唱〕

〔七弟兄〕天臣道了。老夫記着那一朝。爲父喪足下親來到。〔云〕多蒙厚賜也。〔唱〕謝君不責禮輕薄。〔王伯清做遞銀子與正末科〕〔云〕長者當時所賜銀兩。今在此奉還也。多蒙長者厚贈。葬我父親之恩也。〔正末唱〕暫周急。怎敢思君報。〔云〕這銀兩我決不受也。〔王伯

清云〕長者你收了者。〔正末唱〕

〔梅花酒〕今日箇事已了。乃朋友之交。我投以木桃。君報以瓊瑤。感足下情分好。並不受半分毫。〔行錢云〕這些銀子你不要。我拏去買酒喫哩。〔正末唱〕謝天臣敬重老對縣宰衆官僚。他舉金盃勸香醪。談今古恣酬酢。喜歡會在今朝。

〔收江南〕呀不覺的淋漓酒濕錦宮袍。春風滿面樂醕醕。一聲長笑海山高。想離多會少。霎時間一鞭春色馬蹄遙。〔王伯清云〕聖人知你九世不分居。又兼疎財仗義。差小官與你加官賜賞也。〔正末唱〕

〔鴛鴦煞〕感君王親賜皇宣詔。謝天臣遠踐紅塵道。送別臨歧。走馬還朝。唱道頓首誠惶。瞻天拜表。感謝深蒙雨露恩難報。華胄遙遙。千古清風播皇閣。〔王伯清云〕你一行人跪者。聽我下斷。聖明朝四海安康。行王道褒獎忠良。張公藝九世同居。天顏悅

喜氣洋洋。張翊爲頭名狀元。張英乃武舉棟梁。更賜與色絹百疋。承恩命滿袖天香。立牌坊孝義之門。免差徭萬古名揚。今日箇加官賜賞。一家兒拜謝吾皇。

題目

忠孝門三朝旌表

正名

張公藝九世同居

此冊與于小谷本大同小異。又別錄一冊。丁巳四月十五日清常道人

二郎神醉射鎖魔鏡

闕名

第一折

〔冲末扮二郎引衆上開〕〔云〕喜來折草量天地。怒後擔山趕太陽。我是那五十四州都土地。三千里外總城隍。吾神姓趙名昱。字從道。幼年曾爲嘉州太守。嘉州有冷源二河。河內有一健蛟。與風作浪。損害人民。嘉州父老。報知吾神。我親身仗劍入水。斬其健蛟。左手提健蛟首級。右手仗劍出水。見七人拜降在地。此乃是眉山七聖。吾神自斬了健蛟。收了眉山七聖。騎白馬白日飛昇。灌江人民。就與吾神立廟。奉天符牒玉帝勅。加吾神爲灌江口二郎之位。清源妙道眞君。玉帝勅令。着吾神鎮守西川。因打這玉結連環寨。過有那吒三太子鎮守此處。吾神就探望兄弟。走一遭去。然後回西川也未遲哩。吾神統領本部下神兵。直至玉結連環寨。相訪那吒三太子。走一遭去。〔下〕〔正末扮那吒引衆上〕〔云〕小聖乃那吒神是也。爲因小聖降十大魔王。八角師陀鬼。鐵頭藍天鬼。獨角逆鱗龍。無邊大刀鬼。更有四魔女。天魔女。地魔女。運魔女。色魔女。爲降衆多妖魔。加小聖八百八十一萬天兵降妖大元帥。手下有副元帥野馬賁支茹。首將是藥師大聖。統領天兵。鎮玉結連環寨。非小聖之能也。〔唱〕

〔仙呂點絳脣〕皆是天將英雄。地神簇捧。施英猛。憑着我變化神通。都降了十大魔君洞。

〔混江龍〕則爲這玉皇選用。封我做都天大帥總元戎。我將這九天魔女。觀的似三歲孩童。則我這斷怪降妖施計策。除魔滅祟建奇功。擺列着長鎗闊劍。各執着短箭輕弓。週遭有黃旛豹尾。乘騎着玉轡銀驄。前後列朱雀玄武。左右列白虎青龍。遵差命黃巾力士。聽當直黑煞天蓬。分勝敗山澤水火。辨輸贏天地雷風。映曉日愁雲靄靄。遮青霄慘霧濛濛。獸帶飄征旗颭颭。魚鱗砌鎧甲重重。鳳翅盔斜兜護頂。獅蠻帶緊扣當胸。繡球落似千條火滾。火輪舉如萬道霞烘。人人慷慨箇箇英雄。我搖一搖疏喇喇外道鬼神驚。撼一撼赤力力地戶天關動。騰雲駕霧。喚雨呼風。〔二郎引手將上〕〔云〕吾神乃二郎神是也。來到這玉結連環寨。報道有清源妙道真君特來相訪。〔報科〕〔末云〕道有請。〔見科〕〔末云〕哥哥見別亡恙。〔二郎云〕吾神特來相訪賢弟。〔末云〕哥哥爲何至此。〔二郎云〕吾神因朝玉帝已回。往此玉結連環寨經過。特來相訪賢弟。〔末云〕多謝哥哥探望。將酒過來。〔把盞科〕〔末唱〕

〔油葫蘆〕則這渺渺雲山千萬重。阻隔啗兩弟兄。不期今日喜相逢。嚙兩箇十年

來纔把這樽席共。便休題一盃未盡笙歌送。噯說的這話正投。吃的這酒正濃。既然契厚爲昆仲。噯今日休放酒盃空。〔二郎云〕吾神帶酒也。賢弟請波。〔末唱〕

〔天下樂〕我這裡便親手高擎碧玉鍾。走巽飛觥。噯兩箇興正濃。〔二郎醉科云〕吾神帶酒了也。〔末唱〕我見他前合後偃酒力擁。〔二郎云〕兄弟。路途遙遠。急難前行。〔末唱〕俺這裡人如虎。更那堪馬似龍。〔二郎云〕兄弟。吾神要回西川去哩。〔末唱〕覷西川。則是一陣風。

〔云〕你諸神將隨意歌舞一回。勸俺哥哥一盃。〔衆作歌舞勸酒科〕〔二郎云〕酒盡了也。〔末云〕您四魔女何不做法魔隊舞。也來勸俺哥哥一鍾。〔魔女作歌舞勸酒科〕〔二郎云〕久聞兄弟弓馬熟閑。今在此玉結連環寨。曾演習武藝來麼。〔末云〕您兄弟在此寨中。常常演習武藝。〔二郎云〕將的弓箭來。推出紅心垛子去。我看兄弟射幾箭者。〔末云〕鬼力將過弓箭來者。〔鬼力云〕理會的。兀的不是弓箭在此。〔末做擎弓箭科〕〔唱〕

〔醉扶歸〕我這裡忙把彪軀來聳。拽滿寶雕弓。遠觀着兀良則是一望中。我這裡款款放。輕輕送。〔做射箭科〕〔云〕着箭。〔鬼力云〕正中紅心。〔三箭中科〕〔末唱〕不是我誇強賣弄。一箭箭把紅心來中。〔二郎云〕兄弟也。不枉了武藝高強。將弓箭來。我也射三箭。爭奈吾神帶酒也。〔拿弓科〕〔末唱〕

〔金盞兒〕我見他手拈着弓。箭離了桶。端詳了弓箭無偏縱。弓開箭去渺無踪。
〔二郎云〕着箭。〔鬼力云〕正中紅心。〔兩射科〕〔二郎云〕西北下一點着箭。〔外響亮一聲科〕〔末唱〕
箭去呵就地上火光三萬丈。雷吼似五千聲。則聽的震天關如霹靂。徹上下半天紅。
〔二郎云〕那裡這般響亮一聲。〔末云〕哥哥。你的不是了也。那裡是天獄。有三面鏡子。一面是照妖鏡。一面是鎖魔鏡。一面是驅邪鏡。三面鏡子。鎖着數洞魔君。不知射破那一面鏡子。走了那一洞妖魔。倘或驅邪院主見罪。如之奈何。〔二郎云〕似此怎了也。是吾神的不是了也。吾神也不敢久停。便索回西川去也。〔末唱〕

〔尾聲〕這聲響說的三界鬼神驚。震的萬里乾坤動。則聽的山塌天摧地崩。不似你心中無付量。誰着你秋月般拽滿雕弓。箭去半天紅。不辨西東。慘霧陰雲。罩着碧空。這一箭恰便似摔碎玉籠。飛騰彩鳳。早則麼頓開金鎖走蛟龍。〔下〕〔二郎云〕吾神不敢久停久住。恐防玉帝得知。駕起祥雲。便回西川去也。〔下〕〔外扮牛魔淨扮百眼背枷鎖慌上〕〔云〕吾神乃九首牛魔羅王是也。兄弟是金睛百眼鬼。俺二人誤犯了天條。罰俺在鎖魔鏡裏受罪。玉帝勅令。鎖魔鏡破。方才得出天獄。不知是那一位神祇。射破鎖魔寶鏡。俺二人逃命得出。則怕上聖得知。捉拏我二人。不敢久停久住。便往黑風山黑風洞裏去來。〔下〕〔扮韓元帥

上〔云〕小聖韓元帥是也。不知那一位神祇。射破鎖魔鏡。走了兩洞妖魔。金睛百眼鬼。九首牛魔羅王。恐防玉帝得知。有驅邪院主法旨。着小聖追趕兩洞妖魔。去的遠了也。趕不上。回驅邪院主去也。〔下〕〔外扮驅邪院主上〕〔云〕太極初分天地中。驅神使將顯神通。金闕書名朝上帝。掌判驅邪鎮北宮。貧道乃驅邪院主是也。今有那吒神與二郎飲酒。比試武藝。二郎神一箭射破鎖魔寶鏡。走了兩洞妖魔。金睛百眼鬼。九首牛魔羅王。我差韓元帥追趕去了。怎生這早晚不見回來。〔韓元帥上〕〔云〕小聖韓元帥。趕不上兩洞妖魔。回上仙話去。〔見科〕〔韓云〕小聖趕不上兩洞妖魔。回上仙法旨。〔院主云〕韓元帥。二郎神射破鎖魔寶鏡。箭上有二郎名字。則今朝一日。差天神背縛貧道的法旨。直至西川。與二郎說知。令他與那吒三太子。擒拿兩洞妖魔去。若拿住。將功折罪。拿不住呵。二罪俱發。說與天神。小心在意。速去疾來。〔下〕

第二折

〔二郎上〕〔云〕小聖二郎是也。在玉結連環寨。與那吒演習武藝。因帶酒射破鎖魔寶鏡。不知走出那一洞妖魔。恐防上帝得知。怎生是了。鬼力們看覷着。若有天神。報復我知道。〔末扮天神上〕〔云〕小聖乃天神是也。爲二郎神與那吒三太子演習武藝。一箭射破鎖魔寶鏡。走了金睛百眼鬼。九首牛魔羅王。小聖奉驅邪院主法旨。差小聖報知二郎神與那吒。擒拿兩洞妖魔去。駕起祥

雲直至西川。報知二郎。走一遭去。(唱)

〔南呂一枝花〕我親奉着東華聖帝差。謹領着北極尊神令。駕祥雲離帝闕。乘彩鳳下天庭。怎敢消停。早來到北極西川郡。則爲那玉帝行宣限的緊。二郎因當日酒飲了三巡。因此上惹起今朝禍根。

〔梁州〕則爲那有膽量的那吒帥首。管待那無尋思的妙道真君。他平生武藝施逞盡。賣弄他神通廣大。倚仗着筋力無倫。拽的弓開秋月。忽的箭去流星。誰想走了百眼金睛。那牛魔王死裡逃生。他如今暗點下山鬼。和那山精。俺如今準備下天兵。和那地兵。則要你箇二郎神千戰千贏。符到奉行。東華教玉帝勅。如來命。怎敢道遲慢了半箇時辰。今日箇須當定罪名。怎敢道容情。(云)來到也。報復去。聽驅邪院主法旨。(鬼力報云)報的上聖得知。有天神來到也。(二郎云)道有請。(見科)(二郎云)早知尊神來到。只合遠接。接待不着。勿令見罪。(末唱)

〔隔尾〕小神廳上開勅令。二郎去階前仔細聽。你不合射透驅邪院鎖魔鏡。則你的罪名。罪名又不輕。你去那玉闕天庭。將是非來整。(云)驅邪院主法旨。爲你射破鎖魔寶鏡。走了金睛百眼鬼。九首牛魔王。着你與那吒神。領本部神兵。擒拿兩洞妖魔去。若

拏住將功折罪。如拿不住。罰往天獄受罪。二郎聽得了麼。〔二郎云〕尊神。你但放心。原來走了這兩洞妖魔。則今日擒拿他。走一遭去。量這孽畜。到的那裡。〔末唱〕

〔牧羊關〕見如今如來怒。玉帝嗔。你罪過我待說一言難盡。爲當日酒飲了三巡。今日裏禍臨着自身。你若是施謀略。驅邪祟。顯神力。滅羣精。恁時如來處饒了你那愆罰。恁時節玉皇行免你罪名。〔二郎云〕尊神。想吾神神通廣大。變化多般。我則今日與那吒神。領本部下神兵。擒獲此業畜。走一遭去。〔末唱〕

〔罵玉郎〕我平生正直無私狗。你休怠慢莫消停。你索用心機打破他那迷魂陣。除免你那腹內愁。頓脫了眉上鎖。釋放了心頭病。

〔感皇恩〕你須索捨死忘生。建立功勳。則要你顯神通。施謀略。逞精神。〔云〕若拿不住呵。你〔唱〕告與那那吒太子。他可敢掃蕩魔君。他也敢擒妖怪。拿孽畜。領天兵。

〔採茶歌〕若是您箇二郎神顯英靈。威伏天下鬼神驚。滅盡妖魔那時分。恁時神鬼得安寧。〔二郎云〕則今日親率天兵。擒拏金睛百眼鬼。九首牛魔王。走一遭去。天神且自放心。我隨後便擒將兩洞妖魔來也。〔末唱〕

〔尾聲〕則要你鞭敲金鐙回軍陣。統領天兵疾便行。降妖魔須用功。敢相持敢

戰爭。將妖魔便誅盡。三尖刀劈那厮腦門。斬妖劍將那厮粉骨碎分身。若拿住妖魔呵。那時節證了本。〔下〕〔二郎云〕天神去了也。吾神與那吒同領本部下神兵。擒拿兩洞妖魔。走一遭去。大小神兵。聽吾神旨。三通鼓罷。拔寨起營。我也不用天兵神將。顯神通變出本相。若拿住兩洞妖魔。直獻到九重天上。〔下〕〔牛魔王上〕〔云〕巨口獠牙顯化身。呼風喚雨駕祥雲。三界神祇聞吾怕。我是那變化多般牛魔神。吾神乃九首牛魔王是也。兄弟是金睛百眼鬼。因俺二神誤犯天條。鎮在鎖魔鏡裏受罪。不想被二郎神射破鎖魔鏡。俺二人得出天獄。躲在黑風山黑風洞裏。奈那吒無禮。他與二郎統領天兵。擒拿俺二人。量他到的那裡。吾今日便點鬼兵。與那吒二郎鬪勝。走一遭去。鑼鼓響喊殺連聲。點鬼兵提備相征。顯神通變出本相。直趕到玉闕天庭。〔下〕〔百眼鬼上〕〔云〕我做妖魔一百箇眼。箇箇眼似亮燈盞。昨日害眼討眼藥。費了五十對青魚膽。吾乃金睛百眼鬼是也。哥哥去了也。點手下鬼兵。與那吒鬪勝。走一遭去。忙差鬼怪喚山精。狐兔猿鶴都點名。若把那吒活拿住。一人賞一箇大燒餅。〔下〕

第三折

〔末扮那吒同二郎上〕〔云〕衆神將擺布的嚴整着。〔末唱〕

〔越調鬪鶴鶉〕冷颼颼殺氣飄飄。氣昂昂精神抖搜。雄赳赳斷怪除妖。威凜凜

踏罡步斗。沉點點帥印懸腰。明晃晃雙鋒在手。馬似熊。人似彪。左右列合後先鋒。簇擁着元戎帥首。

〔紫花兒序〕鳳翅盔簪纓款按。鎖子甲戰襖高提。獅蠻帶納袴輕兜。直趕遍三千世界。搜尋過四大神州。統領着戈矛。若撞見那兩箇妖魔吃劍頭。半合兒也不勾。殺的那厮無處安身。有地難投。〔二郎云〕大小天兵。擺布的嚴整。〔末云〕擺開陣勢者。〔唱〕

〔金蕉葉〕四魔女休離了我左右。八角鬼鎗刀在手。大刀鬼鎮守着山岩洞口。獅陀鬼牢把定天關地軸。〔二郎云〕擺開陣勢者。塵土起處。必然是兩洞妖魔來也。〔牛魔王同百眼鬼上〕〔云〕大小鬼兵。擺開陣勢。來者何人。〔末云〕吾乃那吒神是也。〔二郎云〕吾乃清源妙道真君二郎是也。你來者何人。〔牛魔王云〕吾神乃九首牛魔王。兄弟是金睛百眼鬼。敢闖勝麼。〔二郎云〕天兵操鼓來。休教走了兩洞妖魔。〔未唱〕

〔調笑令〕他那裡賣口則管裡絮無休。他道他世上寰中無對手。他道他陰符戰策曾窮究。將兵書念得滑熟。喏兩箇橫鎗躍馬。且交半籌。敢則一陣裏抹了芒頭。

〔禿廝兒〕火輪起金蛇亂走。鞭梢動驟損驂騑。我則見絲絲戰塵遮了日頭。早尋走路便搜求。無箇緣由。

〔聖藥王〕他將那軍校收弓箭丟。人慌馬亂怎收救。你爲帥首怎的休。俺領着天兵神將緊追求。去來專拿住恁時休。〔牛魔王云〕近不的他。走走走。〔下〕〔二郎云〕走了兩洞妖魔。大小天兵。跟我趕將去。〔同下〕〔牛魔王百眼鬼慌上〕〔云〕背後趕將來了。如何是好。〔二郎云〕天兵下了天羅地網者。休要走了兩洞妖魔。〔末唱〕

〔雪裏梅〕你看我運機籌。嚙兩箇遇着敵頭。殺的他進退無門。死生也那難救。將身軀來倒縮。

〔古竹馬〕顯志酬這場征鬪。殺妖魔千死千休。我和你敢做敵頭。不喇喇緊驂騑。我便款兜慢收。揎袍捋袖。征驂馳驟。顯神通變化搗搜。到今日怎地干休。你少憂莫愁。我率領天兵。顯耀神威。走石吹砂風亂吼。

〔么〕顯出我六臂三頭。密匝匝列着戈矛。齊臻臻統領貔貅。這廝命休。盡頭。大小天兵齊下手。誆的他荒荒亂亂。心驚膽戰。悲悲切切。鬼哭神愁。〔二郎云〕天神與我拿住者。〔衆神做拿住二妖科〕〔二郎云〕將過兩箇妖魔。執縛定。見上帝去來。〔末唱〕

〔尾聲〕今日將牛魔王百眼鬼都拿住也。方纔罷手。我得勝也。引軍回。直殺的妖魔望風兒走。〔同下〕

第四折

〔驅邪院主上〕〔云〕貧道乃驅邪院主是也。因爲二郎與那吒神。在玉結連環寨飲酒。射破鎖魔寶鏡。走了兩洞妖魔。金睛百眼鬼。九首牛魔王。今差二郎與那吒。同領本部神兵。擒拏去了。未知輸贏勝敗。使將箇報喜的神探子打探去了。這早晚敢待來也。〔末扮探子上〕〔云〕一場好鬪勝也呵。〔唱〕

〔黃鍾醉花陰〕兩下裏交鋒喊聲起。差小聖到天兵陣裏。看勝敗。辨真實。若說着那吒衆神將。應難比。

〔喜遷鶯〕駕一片黑雲疾。一徑的差咱。〔見科〕〔末云〕報。報。報。來報喜。〔院主云〕好探子也。兩足輕挪似捧風。一聲報探語如鐘。兩處神兵分勝敗。盡在來人啓口中。俺二郎與那吒。領大小神兵。怎生擒拏兩洞妖魔來。你喘息定。慢慢說一遍。〔末唱〕若說着那吒雄勢。你看那衆天將後面跟隨。其實我則見盈天殺氣。一箇箇一人人能戰敵。他每便顯武藝。撲咚咚征皮鼓凱。刮喇喇搶鼓奪旗。〔院主云〕俺這壁那吒出馬。三頭颯颯。六臂輝輝。三頭颯颯顯神通。

六臂輝輝降妖怪。量那業畜。到的那裡。你再說一遍者。〔未唱〕

〔出隊子〕齊臻臻天兵擺列。惡眼眼尋對壘。鼙鼓響似春雷。火火火雜彩旗遮了太極。則見那一郎神當先戰馬嘶。〔院主云〕俺這壁二郎神出馬。他神通廣大。變化多般。身長萬餘丈。腰闊數千圍。面青髮赤。巨口獠牙。二郎變化顯神通。掣電轟雷縹緲中。領將驅兵活灌口。殺敗那法力低微牛魔神。探子。你慢慢再說一遍。〔未唱〕

〔刮地風〕則見那百眼鬼軍前高叫起。哈兩箇比試高低。那吒神怒從心上起。可早變化了神威。顯着那三頭六臂。六般兵器。一來一往。一上一下。有似高飛。我見那吒神有氣力。顯出那變化容儀。

〔四門子〕牛魔王怎當神雄勢。他見了也走如飛。〔院主云〕俺這壁是那吒出馬。三頭六臂顯神威。變化多般敢戰敵。他是那玉結連環都帥首。殺的那霧罩乾坤天地迷。探子。慢慢的再說一遍。〔未唱〕那吒神大叫如霹靂。顯神通敢更疾。那業畜荒_{疑脫}怎敢道遲。引殘兵

望東走似飛。那吒神好似狼轉好是疾。直趕到黑風洞裏。〔院主云〕俺這壁兩員神將出馬。選幾箇呼的風喚的雨。偏能廝殺。騰的雲駕的霧快。顯神通。有大鬼和小鬼能輪大斧。有雷聲和霹靂亂散頑兵。殺的那金睛百眼難逃命。牛魔王武藝低。二郎驅使天兵將。那吒顯耀

虎狼威。你慢慢的再說一遍。〔末唱〕

〔古水仙子〕騰騰騰火焰起。見見見火輪上烟迷四下裏。火火火降魔杵偏着。颼颼颼火星劍緊劈。他他他繡毬兒高滾起。呀呀呀牛魔王怎生支持。來來來縛妖索緊綁住。是是是回軍也齊將金鐙繫。俺俺俺得勝也盡和凱歌回。〔院主云〕拏住兩洞妖魔也。探子也。無甚事。你自回去。〔末唱〕

〔尾聲〕得勝也回軍。那些雄勢。那潑妖魔怎生支持。將他那衆妖魔。盡拏回天陣裏。〔下〕〔院主云〕二郎神與那吒。拏住兩洞妖魔也。殺氣騰騰萬道光。鬼怪山精遍地亡。一場大戰妖魔怕。方顯神通法力強。〔下〕

第五折

此爲趙清常校抄內本第四折與是本第四折探報曲白情文全異語無複沓今錄爲第五折

〔驅邪院主領鬼力上〕〔院主云〕貧道乃驅邪院主是也。今有二郎神與那吒。擒拏九首牛魔王。金睛百眼鬼去了。〔探子回報。已拏住兩洞妖魔也。〕原本無此十二字照各本探報之例增鬼力望者。若拏將來時。報復我知道。〔鬼力云〕理會的。〔正末同二郎神領衆神拏牛魔王百眼鬼上〕〔二郎神云〕小聖二郎神是也。同那吒拏住兩洞妖魔。俺見驅邪院主去來。〔正末云〕今日拏住兩洞妖魔了。嚙見上聖去來。〔唱〕

〔雙調新水令〕則爲這逞雄威射貼顯英豪。不思那二魔神頓開鎖鑰。疎狂惹罪愆。縱意犯天條。今日箇引動刀兵。俺可便驅邪鬼。統軍校。〔二郎神云〕可早來到也。鬼力報復去。道有二郎神同那吒。擒拏住兩洞妖魔來了也。〔鬼力報科〕〔院主云〕着他過來。〔鬼力云〕着過去。〔二郎神同正末做見科〕〔二郎神云〕上聖。小聖與那吒神。拏將兩洞妖魔來了也。〔院主云〕當初二郎神怎生射破鎖魔鏡。走脫兩洞妖魔來。你試說一遍者。〔正末唱〕

〔喬牌兒〕對神天將罪犯招。則爲那二郎神性暴躁。他將那寶雕弓拽滿懷中抱。玃玃的把青銅射破了。〔院主云〕那吒神。當日二郎神。怎生正射着鎖魔寶鏡。你再說一遍。我試聽者。〔正末云〕二郎神正射着紅心射貼。忽見正北上一點光明。二郎神又放一箭。正射破了鎖魔鏡也。〔唱〕

〔鴈兒落〕不想那二魔神將性命逃。奮惡氣。生殘暴。奉天符玉帝勅。着俺這衆神將都來到。

〔得勝令〕呀。四下裏神將一週遭。二魔神猶自逞籠豪。則我這繡毬千團火。二郎神輕輪動三尖兩刃刀。驟戰馬相交。見殺氣遮籠罩。俺輕舒展猿猴。將他那二魔神拏住了。〔院主云〕與我拏過那兩洞業畜來。〔鬼力做拏二妖魔科〕〔院主云〕與我拏過

那兩洞妖魔。因你造業太重。鎮壓在鎖魔鏡受罪。被二郎神射破寶鏡。逃難得脫。豈知今日拏住。您聽者。您不合飲酒赴會。與二郎神比試武藝。射破了鎖魔寶鏡。潑妖魔得脫趨避。損生靈造業極多。犯天條無邊大罪。將妖魔押入酆都。衆神將復還本位。

題目 三太子大鬧黑風山

正名 二郎神醉射鎖魔鏡

鎖魔鏡穿關

第一折

驅邪院主

撒髮陀頭 鶴髦 牌子 玎 靈官 梁冠 上衫袍 方心曲領 火裙 錦綬
璫 三髯髯 執圭 背光 牌子 玎璫 襖膊 帶 蒼白髯 執圭

玉女

花箍 補子襖兒 執旗 披廈冠 束髮陀頭 膝襴曳撒 皂 捧劍 秦巾 邊欄 二郎
裙兒 布襖 鞋 袍 項帕 直纏 襖膊 帶 猛髯 道袍 繸兒

神

三山帽 四花圓 郭牙直 鐵幘頭 膝襴曳撒 袍 項帕 奴厮兒 黃髮陀頭 茶褐直
領 帶 如意 直纏 襖膊 帶 帶劍 紅髯 身 繸兒 彈弓

狗掌洞魔軍

披廈冠 黑髮陀頭 抹額 膝襴曳撒 袍 鬼力 鬼頭 錦襖 項帕
項帕 直纏 襖膊 帶 帶劍 三髯髯 法墨冠 直纏 襖膊

天魔女地魔女色魔女運魔女

髻髻 虎兒斑手帕 結彩襖 裙兒 野馬大聖藥
襖膊 布襖 鞋 彩光 劍

師大聖

披廈冠 紅髮陀頭 抹額 膝襴曳撒 袍 正末那吒 鈴杵冠 蟒衣曳撒 比鬼
項帕 直纏 襖膊 帶 帶劍 紅髯 甲 鬧粧茄袋 繡毯

力同金睛百眼鬼

百眼鬼頭 錦欄 項帕 法 牛魔王 披廈冠 紅髮髯角陀頭 抹額
墨冠 直纏 襖膊 柳鎖 錦襖袍 項帕 如意裙 直纏

布襖 襖膊 帶 帶劍 行纏
八答鞋 紅髯 柳鎖

第二折

牛魔王百眼鬼

同前

韓元帥

弁冠

子

上衫袍

瑯瑤

搭膊

帶

黑髮

三髯髯

執圭

驅邪院主

鬼

力韓元帥二郎神奴厮兒

狗鬼力

同前

抱刀鬼

鬼頭

直纏

搭膊

執刀

正末天

神鐵幘頭

蟒衣曳撒

袍

項帕

直纏

旗

郭牙直

同前

梅山大聖

梅山二聖

梅山三

聖梅山四聖梅山五聖梅山六聖梅山七聖

撒髮陀頭抹額

直纏

搭膊

膝欄曳撒

袍

項

第三折

牛魔王百眼鬼

同前

正末那吒

二郎

掌洞魔軍

四魔女

野馬大聖

藥師大聖

郭

牙直奴厮兒

衆神將

同前

牛魔王

百眼鬼

鬼力

又上

同前

梅山大聖

二聖

鬼力

同前

梅山三聖

四聖

六聖

七聖

鬼力

同前

牛魔王

百眼鬼

又上

同前

正末那吒

二郎

衆

神將又上

同前

第四折

刻本無穿關

第五折

驅邪院主鬼力同前正末那吒二郎四魔女藥師大聖野馬大聖郭牙直奴厮

兒七聖衆神拏牛魔王百眼鬼同前

內本錄校清常道人記

關雲長千里獨行

元闕名

楔子

〔冲末曹操同張文遠上開云〕幼小曾將武藝攻。驅馳四海結英雄。自從掃滅風塵息。身居宰相祿千鍾。某乃曹操字孟德。沛國譙郡人也。幼年曾爲典軍校尉。因破黃巾賊有功。官封都尉。後因破呂布。除四寇。累建奇功。謝聖恩可憐。官拜左丞之職。某手下軍有百萬。將有千員。近有劉關張無禮。我在聖人跟前保奏過。將他加官賜賞。他今不從某調。弟兄三人。私奔暗出許都。直至徐州。殺了徐州牧車胄。奪了徐州。更待干罷。我今奏過聖人。某親自爲帥。着夏侯惇爲先鋒。統領十萬雄兵。直至徐州。擒拿劉關張。走一遭去。今朝一日統戈矛。野草閑花滿地愁。拿住三人必殺壞。恁時方表報冤讐。〔下〕〔劉末同關末上〕〔劉末云〕桑蓋層層徹碧霞。織席編履作生涯。有人來問宗和祖。四百年前王氣家。某姓劉名備字玄德。二兄弟姓關名羽字雲長。三兄弟姓張名飛字翼德。俺三人在桃園結義。曾對天盟誓。不求同日生。只愿當日死。俺弟兄三人。自破黃巾賊之後。某在德州平原縣爲理。不期有這徐州太守陶謙。請將俺弟兄三人到此。三讓徐州。某在此後。有淮南袁術遣紀陵軍兵。顏杲呂布無禮。他將俺徐州賺了。俺軍屯於小沛。後被呂布圍了小沛。某着

兄弟張飛打此陣去。兄弟三出小沛至許都。問曹丞相借起十萬軍來。破了呂布。曹丞相領俺兄弟三人。見了聖人。不想聖人知某名姓。將兄弟三人都封官賜賞。就在許都居住。某暗想曹操奸雄之人。某因此不從他調。俺兄弟三人。暗出許都。來到徐州。有徐州刺史車胄不順。俺兄弟雲長襲了車胄。某在這徐州鎮守。今日兄弟教場中去了。小校門首覷着。看有甚麼人來。〔淨辦張虎上〕〔云〕朝爲田舍郎。暮登張子房。出的齊化門。便是大黃莊。某姓字不巧。巧字不姓。打箇吹盆。暗了箇大甌。我是這徐州衙門將張虎的便是。我當初是這徐州太守陶謙的手將。今佐於玄德公手下。今日差某巡邊境去來。誰想哨着曹丞相大勢軍兵。見在清風嶺安營下寨。我不敢久停久住。報與玄德公知道。小校報伏去。說道張虎巡邊境回來見元帥。〔卒子云〕你則在這裡。〔卒子報科〕〔云〕喏。報元帥知道。有張虎巡邊境回來見元帥。〔關末云〕哥哥。張虎巡邊境回來見哥哥。必然有甚麼話說。〔劉末云〕叫他過來。〔卒子云〕理會的。叫你過去。〔張虎做見劉末科〕〔云〕元帥禍事了也。〔劉末云〕張虎。禍從何來。〔張虎云〕今曹丞相領大勢軍馬。見在清風嶺安營下寨。〔劉末云〕是誰那般道。〔張虎云〕小人親自哨着見來。〔劉末云〕兄弟。我道這曹賊必不捨。今日果然領兵來。如之奈何。〔關末云〕哥哥。不妨事。不比在那許都。是他的地面。今日這裡。他領兵前來。料想不妨。等兄弟張飛來。再做商量。〔劉末云〕二兄弟道的是。一壁廂叫小校去教場

中請的三將軍來。〔卒子云〕理會的。〔張飛上云〕泰山頂上刀磨缺。北海波中馬飲枯。男兒三十不立名。枉作堂堂大丈夫。某姓張名飛字翼德。涿州范陽人也。某與俺兩箇哥哥。在桃園結義。曾對天盟誓。一在三在一亡三亡。俺自破呂布之後。聖人加某爲車騎上將軍。爲因曹操奸雄。俺兄弟三人。離了許都。來到這徐州鎮守。今日某正在教場中。聽的小校來報。說道哥哥呼喚。不知有甚事。須索見哥哥去。來到也。小校報伏去。〔卒子云〕喏。有三將軍下馬也。〔劉末云〕叫過來。〔卒子云〕理會的。將軍有請。〔張飛云〕喏。哥哥。呼喚你兄弟。有何事。〔劉末云〕兄弟。今有曹操統領十萬軍兵。在清風嶺安營。離徐州不遠。似此。如之奈何。〔張飛云〕哥哥。不妨事。道不的箇軍至將敵。水來土堰。者麼他那曹操。領多少軍將來。您兄弟我和他相持廝殺去。〔關末云〕住。住。兄弟也可不道。將在謀而不在勇。俺如今假如多有些軍兵。便可與他拒敵。俺如今兵微將少。怎生與他拒敵。〔張飛云〕哥哥。似起你這般說呵。俺如今不與他交鋒。嚙丟了徐州城。走了罷。〔關末云〕兄弟。不然如此說。我如今有一計。〔張飛云〕哥哥有何計。〔關末云〕嚙如今分軍在三處。哥哥領着三房頭家小。并大小軍將。守着這徐州。我領着五百校刀手。守着這下邳。兄弟你領着你那十八騎烏馬長鎗。守着這小沛。嚙就是箇陣勢。〔張飛云〕哥哥。是箇甚麼陣。〔關末云〕兄弟。喚做一字長蛇陣。假若那曹操的軍兵。來圍這小沛。哥哥這徐州軍兵。我這下邳的軍兵。都來救小沛。

若圍着下邳。這徐州小沛兵。可來救這下邳。若是他圍了這徐州城。我和你下邳小沛的軍兵。可來救這徐州。便比喻這徐州似箇蛇身。俺這兩處。便如那蛇頭蛇尾。似這般呵。方可與曹操拒敵。
〔劉末云〕此計大妙。
〔張飛云〕哥哥也。這計不好。是不是先折了腰。哥哥。我有一箇陣。
〔劉末云〕三兄弟。你有何陣勢。
〔張飛云〕哥哥。我這陣勢。喚做熱奔陣。
〔劉末云〕怎生喚做熱奔陣。
〔張飛云〕哥哥也。那曹操偌近。遠領將軍兵。來到這裡。安營下寨。也正人困馬乏也。我今夜晚間。領着軍兵。直殺入曹營。尋着曹操殺了他可不好。我殺他箇措手不及。這箇陣勢何如。
〔張虎云〕三將軍。你這箇陣。不如二將軍的陣勢好。
〔張飛云〕我這陣。怎生不如俺二哥的陣。
〔張虎云〕二將軍的陣。是兵書裏面擇出來的。三將軍。兵書裏面。那裡有箇甚麼熱奔陣。三將軍委實不好。
〔張飛云〕這厮無禮。我的陣勢不好。小校把這厮推出去。斬訖報來。
〔劉末關末做勸科〕
〔云〕兄弟息怒。俺未曾與曹操交鋒。先殺了一員將也。做的箇於軍不利也。且饒他這遭。
〔張飛云〕我若不是兩箇哥哥勸了呵。我殺了這箇匹夫。把那厮拿過來。洗剝了打上四十。搶出去。
〔張虎云〕頗奈這環眼漢。無禮。我好意說他。倒打了我這四十。恰才若不是玄德公勸住了呵。爭些兒被這環眼漢殺了。更待干罷。你度我爲讐。我如今投奔曹丞相去。將這計策都說與曹丞相。着他做箇準備。拿住環眼漢殺了。那其間便是我平生願足。
〔下〕
〔關末云〕兄弟。你依着我。喲分軍三處。好救應。
〔張飛云〕二。

哥。我好也不離俺哥哥。歹也不離了哥哥。二哥。你自往下邳去。我與俺哥哥領着三房頭家小守着徐州。二哥哥你不去罷。我和哥哥今夜晚間。領着軍兵。直至曹營劫寨。走一遭去。我則殺他一箇措手不及。二哥。你則去下邳城去。〔劉末云〕二兄弟三兄弟也說的是。俺兄弟兩箇共家小在這徐州城。你去保守着下邳。〔關末云〕既然兄弟堅意要去。兄弟。你則小心在意者。〔張飛云〕二哥。不是我不道的有失。你則守你那下邳。〔關末云〕哥哥與兄弟謹守徐州。關羽領着五百校刀手。往下邳去鎮守去也。曹操興師起大兵。三人各自逞英雄。張飛謹保徐州地。今朝獨守下邳城。〔下〕〔劉末云〕二兄弟去了也。〔張飛云〕二哥去了也。哥也。噤。今晚間領着百十騎人馬。偷營劫寨。走一遭去。殺他箇措手不及。〔劉末做喚卒子請夫人科〕〔正小旦上〕〔云〕妾身甘糜二夫人的便是。正在後堂中。有主公呼喚。不知有甚事商議。須索見主公去。〔見科〕〔正旦云〕主公呼喚俺有何事商議。〔劉云前事科〕〔正旦云〕主公三叔叔這計策不甚好。主公。你休要去罷。〔劉末云〕計已定了。不妨事。〔正旦云〕主公。你去則去。則要你小心在意者。〔唱〕

〔正宮端正好〕我則怕他用心機。敢可兀的鋪謀定計。我想這曹操是那智足奸雄。信着俺小叔莽驍多英勇。〔帶云〕主公。哎。〔唱〕你則合操士馬。教三軍明隄備。破曹兵。則怕他排隊伍。暗伏兵。則要你得勝也。把他這干戈來定。〔劉末云〕這般

呵。嚙。留下些軍兵。緊守着這徐州城。保着三房頭家小。則今晚出城。大小三軍。聽吾將令。人人啣枚。馬須勒嘴。勿得人語馬嘶。則今夜晚間。偷營劫寨。走一遭去。〔下〕〔曹末上〕〔云〕某曹操是也。今領十萬雄兵。來到這裡。離徐州不遠。清風嶺安營下寨。小校喚將張文遠來。〔卒子云〕理會的。〔張遼上〕〔云〕筆頭掃出千條計。腹內包藏七字書。小官姓張名遼。字文遠。幼習儒業。頗看韜略之書。先曾在呂布之下爲健將。後在於曹丞相手下爲參謀。今因劉關張弟兄三人。不從俺丞相調。私奔暗出許都。來到這徐州。又殺了徐州刺史車胄。占了徐州。如今俺丞相統領十萬雄兵。親自爲帥。與劉關張交鋒。今日到此清風嶺安營。丞相呼喚。不知有甚事。須索走一遭去。報伏去。說道張遼來了也。〔卒子云〕理會的。喏。報的丞相知道。有張遼在轅門首。〔曹末云〕叫他過來。〔卒子云〕理會的。叫你過去。〔張遼做見科〕〔云〕丞相。呼喚小官有何事。〔曹末云〕張文遠。今日俺安營在此。離徐州不遠。俺如今怎生定計。擒拿劉關張弟兄三人。特喚你來商議。〔張遼云〕丞相。俺如今見領十萬雄兵。那劉關張兵微將少。俺如今將領軍兵。圍了那徐州城。觀他則是一鼓而下。有何難哉。〔曹末云〕你傳與衆將軍。今日少歇。到明日起營。〔張遼云〕理會的。小校轅門首覷着。看有甚麼人來。〔張虎上〕〔云〕恨消非君子。無毒不丈夫。自家張虎的便是。頗奈張飛無禮。我好意的說他。倒打了我這四十。更待干罷。我如今投降曹丞相去。將他那個熱奔陣。我說與曹

丞相教他做箇準備。拿住這箇匹夫。那其間報了冤讐。便是我平生願足。可早來到也。〔卒子云〕那裡來的。〔張虎云〕報伏去。道徐州劉玄德手下小將張虎。特來投降。〔卒子云〕你則在這裡。啞。我報的丞相知道。有徐州劉玄德手下小將張虎。見在轅門首。特來投降丞相。〔曹末云〕劉備手下小將來投降。必然有話說。教他過來。〔卒子云〕理會的。俺丞相叫你過去。〔淨見科〕〔曹末云〕你何人。〔張虎云〕小將是劉玄德手下張虎。特來投降。〔曹末云〕你爲何來投降於某。〔張虎云〕丞相不知。俺劉玄德聽的丞相領兵前來。聚俺衆將商議。有二將軍言道。我擺箇一字長蛇陣。分三處。劉玄德守徐州。張飛守小沛。雲長守下邳。若曹丞相軍來呵。俺三下裡軍兵好救應。有張飛不肯依他。張飛言道。我擺箇熱奔陣。〔曹末云〕怎生喚做熱奔陣。〔張虎云〕張飛言道。曹丞相軍馬。偌近遠來到這裡。人困馬乏。他要今晚夜間。領兵來偷營劫寨。小將言道。三將軍。你這計策。不如二將軍計策。張飛怒了。要殺小將。玄德公勸了。打了我四十。小將因此上特來投降與丞相。〔曹末云〕張文遠。那雲長的計策是好。若劉備依着他呵。將軍分三處。俺是難與他拒敵。〔張遼云〕丞相。雲長的計雖然好。若不是這張虎來說呵。今晚張飛來偷營劫寨。俺是不做準備。〔曹末云〕張文遠。這張虎也是箇孝順的人。兀那張虎。我如今着你去古城鎮守。那裡面糧多草廣。我教你那裡受用快活去。則今日便行。〔張虎云〕謝了丞相。今日不敢久停久住。便索往古城鎮守去也。

〔曹末云〕張文遠。今夜晚間。張飛來偷營劫寨。咱怎生做準備。〔張遼云〕丞相容易。俺今夜倒下箇空營。着懸羊擊鼓。餓馬提鈴。將這十萬軍兵。四下裏埋伏了。等張飛來入的營中。俺這裡一聲信砲響。四下裏伏兵。盡舉圍上來。那其間方可拿得張飛。〔曹末云〕便傳令與軍將。都與我四下裏埋伏了者。我着那懸羊擊鼓。餓馬提鈴。埋伏四面。隱軍兵。拿住張飛必殺壞。方顯曹公智量能。〔下〕劉末同張飛領卒子上。〔張飛云〕來到這曹營也。這廝每都熟睡着也。待咱殺入去。哥哥不中了也。却着箇空營也。〔劉末云〕咱倒干戈走。〔曹末領卒子上〕〔云〕大小三軍圍了者。休着走了。劉備張飛。〔做調陣子科〕〔劉末張飛做輪科慌走科〕〔同下〕〔曹末云〕衆將休着走了。劉備張飛。咱趕將去來。〔下〕〔劉末慌上〕〔云〕如之奈何。我不信二兄弟之言。今日果中曹操的計也。後面曹操趕至。亂軍中又不見了兄弟張飛。來到這河邊。罷罷。我做箇脫殼金蟬計。我將這衣甲頭盔。放在這河邊。若曹兵來見了呵。則道我跳在這河裏也。我不問那裡尋兄弟張飛去也。〔下〕〔張遼上〕〔云〕俺緊趕着劉備。又早不見了。兀的不是劉備衣甲頭盔。放在河邊。見俺追的近。他跳在這河裏去也。將着這劉備衣甲頭盔。丞相跟前獻功去來。〔下〕〔曹末上〕〔云〕某差張文遠趕拿劉備張飛去了。這早晚不見來。〔張遼上〕〔云〕某將這箇劉備衣甲頭盔。丞相跟前獻功去也。報伏去。道張遼回來了。〔卒子云〕喏。有張遼回來了也。〔曹末云〕着他過來。〔卒子云〕叫你過去。〔做見科〕

〔曹末云〕張文遠。劉備安在。〔張遼云〕丞相。張遼趕着那劉備。到一河邊。將他那衣甲頭盔。都脫在河邊。劉備跳在河裏去了。衣甲頭盔。被張遼拿將來了。〔曹末云〕在那裡。〔張遼云〕小校將的來。這的便是。〔曹末云〕正是劉備的衣甲頭盔。劉備跳在河裏。張飛不知所在。眼見都無了也。〔張遼云〕丞相。雖然這弟兄二人無了。如今還有二將軍雲長哩。此人寸鐵入手。萬夫不當之勇。〔曹末云〕俺如今怎生拿這雲長。〔張遼云〕丞相。不可與他交鋒。則可智取。〔曹末云〕怎生智勝。〔張遼云〕丞相。如今關雲長在下邳。他那家小都在徐州城中。劉備張飛和他那些軍校。都被俺殺的無了也。他那徐州城中家小。不知道無了劉備和張飛。俺廝殺了一夜。如今天明也。噤打着他的旗號。必然開門也。那其間噤把他那三房頭家小。擄在營中。卻去下邳城招安關雲長去。這雲長文武雙全。他若肯降於丞相呵。可強似得徐州。〔曹末云〕張文遠。你說的也是。我也有心待要這雲長。說此人好生英雄。噤如今領百騎人馬。打着劉備旗號去徐州城。走一遭去。〔下〕

第一折

〔關末上〕〔云〕某關雲長是也。守着這下邳城。昨日三兄弟和哥哥。曹操營中劫寨去了。小校城頭掩着。看有甚麼人來。〔曹末同張遼上〕〔曹末云〕某早晨間打着劉備旗號。賺開徐州城門。將他三房頭家小。都擄在軍中。俺如今去下邳城。招安關雲長。走一遭去。可早來到城下也。〔張遼

云「兀那城上軍校。報與你那關將軍知道。有曹丞相在此。請你雲長打話。」卒子云「喏。報的將軍知道。有曹丞相領兵在城下。請將軍打話。」關末上城云「我與他打話去。丞相。你爲何領兵來。」曹末云「關將軍。你劃的不知道哩。爲你弟兄每忘恩背義。私奔來到此。我今領十萬雄兵前來。夜來晚間。你那哥哥劉玄德。和兄弟張飛。都被某殺了也。」關末云「我哥哥和兄弟。不道的落在你那殼中哩。」曹末云「怕你不信呵。張文遠。將那劉備衣甲頭盔叫過看。」張遼云「小校。將那鞦韆板來吊上去。你試看。」關末云「兀的真箇是俺哥哥的衣甲頭盔。可怎生落在他手裏。」曹末云「雲長。你哥哥兄弟。都被我殺了也。你若肯投我呵。聖人跟前保奏過。我教你列坐諸官之右。你若不肯投降呵。你那三房頭家小。被我都拿在營中。你徐州城也被俺占了。你不降呵。等到幾時。」關末云「我不信。」曹末云「既是他不信。張文遠。將他那三房頭家小領出來。着你看。」張遼云「理會的小校。領過那三房頭家小來。」正小旦扮甘糜二夫人卒子上云「正旦云「妾身二人。是這甘糜二夫人的便是。不想玄德公與小叔叔張飛。與曹操交戰。弟兄二人。不知所在。不想丞相詐打俺玄德公的旗號。賺了徐州。將俺三房頭家小。都擄在曹營。今日說二叔叔雲長。在下邳城與曹丞相打話。喚俺去城下。見俺二叔叔去。誰想有這場事也呵。」唱」

〔仙呂點絳脣〕俺可便奔走東西。氣沖兩肋。心生計。恨不的插翅如飛。飛不出

劍洞鎗林內。〔小旦云〕姐姐。玄德公信着三叔叔的計策。全不是了也。〔正旦唱〕

〔混江龍〕誰想這徐州失利。送的俺弟兄姊妹兩分離。閃殺我也仁慈的玄德。送了我也莽撞張飛。本來也無戰爭平白地起戰爭。你正是得便宜翻做了落便宜。〔小旦云〕姐姐。你見麼。兀的城頭上不是二叔叔雲長也。〔正旦唱〕我這裡猛擡頭見小叔叔在城頭上立。曹丞相倚強壓弱。俺如今受困遭危。〔曹末云〕張文遠將他那家

小簇在那城下叫雲長看。〔張遼云〕二將軍你見麼。〔關末云〕真箇是我三房頭家小。可怎生落在曹營。嫂嫂。俺哥哥兄弟安在。〔正旦云〕二叔叔。自你來下邳來。當夜晚間。你哥哥和張飛去劫曹營。不想曹操得知。倒下空寨。四面圍住。軍兵都折了。你哥哥兄弟不知所在。曹丞相詐打着你哥哥的旗號。賺了徐州。擄的俺到這曹營。叔叔似這般。如之奈何。〔關末云〕原來是這般。想兄弟那般武藝。可怎生落在他殺中。〔正旦唱〕

〔油葫蘆〕則俺這兄弟張飛誰近的他。端的有見識。使一條點鋼鎗敢與萬人敵。他便安排着打鳳撈龍計。誰着他便搜尋出劫寨偷營智。〔小旦云〕姐姐。玄德定計。曹操他怎生便知道來。〔正旦唱〕曹丞相暗地裏。他可早先准備。打了箇拷桡圈。圍在垓心內。人和馬。怎生走。不能飛。〔關末云〕嫂嫂。當初依着關羽呵。今日不道的有失也。

〔正旦唱〕

〔天下樂〕可正是船到江心補漏遲。〔關末云〕嫂嫂。如今曹丞相要招安我。我不降他來。

則怕曹丞相傷害着你性命也。〔正旦云〕叔叔。俺可打甚麼不緊也。〔正旦唱〕則這曹也波賊。恐

害着你。〔關末云〕我想哥哥兄弟之情。我怎生歸降他。〔正旦唱〕你若是不歸降。他怒從心

上起。我起下原本衍我字今刪一壁廂統着士卒。一壁廂探着陣勢。〔云〕叔叔。你若不肯投降。曹丞相將俺

這三房頭家小。叫聲殺壞了。〔唱〕你那其間敢眼睜睜怎近得。〔關末云〕嫂嫂。我待投降來。

想俺兄弟三人。對天盟誓。一在三在。一亡三亡。我若不降來。這三房家小。見在曹營。倘若有些好

歹呵。如之奈何。〔張遼云〕二將軍你見麼。你這三房頭家小。都在俺曹營。你若不降呵。這三房頭

家小。怎生了也。〔關末云〕張文遠。你說與你那曹丞相。他若依我三莊事。我便投降。〔張遼云〕二

將軍。你但言的事。俺丞相都依着。〔關末云〕我頭一莊。我雖然投降。我可不降你丞相。我是降漢

不降曹。第二莊。我和俺哥哥兄弟家屬。一宅分兩院。第三莊。我若打聽的俺哥哥兄弟信息。我便

尋去。可不許您攔當。你說去。〔張遼云〕我知道。丞相。雲長投降。叫丞相依他三莊事。他便降。〔曹

末云〕那三莊事。〔張遼云〕頭一莊。他降漢不降曹。第二莊。他和他嫂嫂家小。一宅分兩院。第三

莊。他但是打聽的他哥哥兄弟信息。他便去尋去。〔曹末云〕這其間知道他那哥哥兄弟有也無。

都依的他開了門。我和他厮見者。〔張遼云〕二將軍俺丞相都依了也。你開門和俺丞相厮見者。〔關末云〕小校開了城門。〔曹末云〕俺入的這城來。張文遠教他那三房頭老小與他厮見者。〔張遼云〕理會的。請兩箇夫人與二將軍厮見者。〔正小旦做見關末打悲科〕〔關末云〕嫂嫂誰想今日有這場也。當初張飛依着我。我不去呵。無此事也。看了曹兵那般勢大。兄弟是難逃也。〔正旦云〕想三叔他是一勇性也。〔唱〕

〔金盞兒〕刀劍一時催。弓弩似電光飛。伏兵四面一齊起。饒你有通天武藝。怎施威。驟征驍。尋家計。插翅走如飛。他可甚鞭敲金鐙響。人和凱歌回。〔曹末與關末相見科〕〔曹末云〕雲長。一別許久也。則今日。嚙便往京師。見了聖人。將你重重賜賞加官。一壁廂準備卓乘。老小每上車。〔關末云〕嫂嫂。您上車兒先行。〔正旦云〕多謝叔叔。〔關末云〕嫂嫂。關羽不敢。〔小旦云〕姐姐。若不是二叔叔。俺豈有今日也。〔正旦唱〕

〔尾聲〕今日箇救出我這亂軍中。不枉了結義在桃園內。救了俺這姊妹殘生。頃刻。俺便似泰山般一家兒倚靠着你。從今後照顧您這親戚。則今後信音稀。要見他容易。則除是一枕南柯夢兒裏。誰想我與玄德公厮離。俺可也事關着前世。玄德公也。你正是要便宜。翻做落便宜。〔同下〕〔曹末云〕雲長。則今日嚙同到許都。

見了聖人。別有加官賜賞。噤則今日班師回程去來。〔下〕

第二折

〔張飛上〕〔云〕某張飛是也。不想被張虎那箇匹夫。走透了消息。曹操倒下了空營。四下裏埋伏了軍。俺整廝殺一夜到天明。混戰間不見了哥哥。如是奈何。〔劉末上〕〔云〕不想曹操倒下空營。將軍兵折盡。亂戰不見了兄弟張飛。某到徐州。不想被曹操占了徐州。可怎生是好。兀的不是兄弟。〔張飛云〕兀的不是哥哥。〔做認哭科〕〔張飛云〕哥哥。你在那裡來。〔劉末云〕兄弟。我到天明得脫。撞出陣去。往徐州去。不想被曹操打着我的旗號。占了徐州也。〔張飛云〕似這般怎了。〔劉末云〕兄弟。噤去下邳尋二兄弟雲長去來。〔張飛云〕哥也。噤尋二哥去來。〔同下〕〔淨上〕〔云〕帥鼓銅鑼一兩敲。轅門裏外賣花糕。烏江不是無船渡。買賣歸來汗未消。某是這古城太守張虎是也。自從降了曹丞相。着某古城鎮守。俺這裡糧多草廣。我每日飲酒快活。小校看有甚麼人來。〔劉末張飛同上〕〔云〕事有足詫。物有固然。原本作是有足濁。物有固然今改。當日俺兩箇到的下邳。誰想雲長降了曹操。俺兄弟二人。直到河北。問太守袁紹。借起軍來。與曹操交鋒。誰想雲長刺了顏良。誅了文醜。俺兩箇瞞着袁紹。私奔離了河北。兄弟。不是俺走的快呵。俺兩箇性命不保。〔張飛云〕哥也。誰想二哥。不想噤桃園結義之情。今日順了曹操。〔劉末云〕兄弟。俺如今往那廂去也。〔張飛云〕哥也。

我聽的前面這古城裏。可是您兄弟打了四十那張虎。這厮走透消息。曹操着他古城鎮守。哥也。俺如今到的這古城。拿住匹夫殺壞了。可不報冤讐。〔劉末云〕兄弟言者當也。〔張飛云〕哥也。噲去來。可早來到古城也。兀那城上軍校。叫你那張虎打話。〔卒子云〕喏。報的將軍知道。城下有兩箇將軍。叫着將軍的名姓。教與他打話。〔淨云〕甚麼人叫我的名字。這厮正是尋死。抹着閻王鼻子。在那裡。〔卒子云〕在城下面。兀的不是。〔張飛云〕叫你那張虎來打話。〔淨做見科〕〔云〕那裡走將他來。〔張飛云〕兀那匹夫。是你當初走透了消息。今日你可在這裡。更待干罷。你快出來受死。〔淨云〕罷罷。事到這裡也。大小三軍跟我來。出城與他交戰。先與我擺下箇衝衝陣。〔卒子云〕怎生是衝衝陣。〔淨云〕我常贏了他便好。我若是輸了呵。我便往衝衝裏走。〔張飛云〕張虎交馬來。〔做調陣子科〕〔淨云〕不中。我近不的他。走走。〔淨下〕〔張飛云〕這厮走了。我趕將去。〔劉末云〕兄弟也。量他箇無名的小將。趕他做甚麼。兄弟也。噲見今無處歸着。這古城中糧多草廣。噲在此住些時。那其間噲可往荊州。問荆王劉表借起軍來。與曹操交鋒。也未爲晚矣。〔張飛云〕可惜走了這厮。我趕上殺了這匹夫好來。罷罷。既哥哥說。噲入這古城去來。〔同下〕〔曹操同張遼上〕〔云〕事有足詫。物有固然。自從雲長降了某。來到這許都。我奏知聖人。封雲長壽亭侯之職。某待雲長非輕。我與雲長上馬一提金。下馬一提銀。每日筵席管待。近日有河北袁紹。遣顏良

文醜爲帥。領兵前來。與某交戰。被雲長百萬軍中刺了顏良。又誅了文醜。得勝還營。今日在此安排筵席。犒勞雲長。張文遠。與我請將壽亭侯來。(張遼云)理會的。(關末上)(云)某矣雲長。自到許都。見了聖人。封某爲壽亭侯之職。着曹丞相待某甚厚。上馬一提金。下馬一提銀。雖然如此。我心中則是想我那哥哥兄弟。未知有也是無。近日袁紹手下有二將。是顏良和文醜。領十萬兵與曹丞相交鋒。被某十萬軍中刺了顏良。又誅了文醜。今日曹丞相請某赴宴。須索走一遭去。(張遼云)壽亭侯。俺丞相久等多時也。(關末云)報伏一聲。(張遼云)丞相。壽亭侯下馬也。(曹末云)有請。(張遼云)有請。(做見科)(曹末云)呀。壽亭侯鞍馬上勞神。(關末云)丞相。關羽托丞相虎威。則一陣被關羽刺了顏良。又誅了文醜也。(曹末云)今日在此安排筵宴。管待將軍。左右將酒來。壽亭侯滿飲一盃。(做遞酒科)(關末云)丞相先請。(曹末云)慢慢的行酒。教壽亭侯盡醉而歸。(張遼云)理會的。(淨上)(云)殺的我那碎屁兒支支的流。我可那裡近的他。若不是我走的快呵。險被他殺了。今日來到許都也。到的曹丞相府門首。把門的報與丞相。說古城鎮守張虎來見丞相。(卒子做報科)(淨做見科)(曹末云)張虎你爲何來。(關末做認的)(背云)兀的不是張虎。咳。誰想這廝降了曹操。我則推醉了我聽他說甚麼。(淨云)丞相着張虎在古城。不想近日間有劉玄德和張飛走將來。將我殺退了。奪了俺古城也。(關末做驚云)元來

是我哥哥和兄弟。〔曹末云〕無也。這厮說差了。張文遠把這厮推出去斬了者。〔做斬淨科〕〔淨云〕好也。我正是躲了點鋼鎗。撞見喪門劍。〔下〕〔關末推醉科〕〔曹末云〕壽亭侯再飲一盃。〔關末醉云〕丞相。關羽酒醉了也。〔曹末云〕呀呀。壽亭侯是醉了也。張文遠扶着壽亭侯還宅去。〔卒子做扶關末下〕〔張遼云〕丞相。壽亭侯無酒也。〔曹末云〕您怎生知道。〔張遼云〕一頭裏不醉。雲長一見了張虎說他玄德張飛。雲長就推沉醉。則怕此人要去尋劉玄德張飛去。〔曹末云〕頭裏休放那厮進來也罷。張文遠。你如今宜陽宅看雲長一遭。看雲長一箇動靜。你可來回話。〔下〕〔張遼云〕小官往宜陽宅看雲長。走一遭去。〔下〕〔甘糜二夫人上〕〔云〕自從俺在徐州失散。俺二叔叔不得已。降了曹丞相。到的許都。聖人封俺二叔叔爲壽亭侯。我和二叔叔一宅分兩院。俺在這宜陽宅住坐。不知玄德公如何。俺姊妹兩箇怎了也呵。〔小旦云〕姐姐。想俺二叔叔如今降了曹丞相。受了封贈。他如今一身榮顯。他那肯想他那哥哥玄德公。這其間知他在那裡也呵。〔正旦唱〕

〔南呂一枝花〕今日箇難除我腹內憂。怎解我眉間皺。我可也心懷家國恨。則我這眉鎖他這箇廟堂愁。我可便有信難投。眼睜睜無人救。今日箇這淒涼何日休。〔小旦云〕當日都是三叔叔張飛的不是了也。〔正旦唱〕你當日逞英雄。與曹操做敵

頭。則被他倒空營。俺着他機殺。

〔梁州〕則俺這姊妹淹留在許昌。則被那兄弟每失散在徐州。〔小旦云〕姐姐。俺想玄德公何日相見也。〔正旦唱〕我想這英雄玄德仁慈厚。他端的忠直慷慨。壯志難酬。豁達大度。納諫如流。我這裡撲簌簌淚滿星眸。俺可便看他何日樂矣忘憂。我我我折倒的骨捱捱身似柴蓬。是是是俺可也病懨懨黃乾黑瘦。呀呀呀俺可使每日家綠慘紅愁。怎生做箇解憂。半生勤苦乾生受。俺叔叔花也成。蜜也就。可使地久天長怎了救。〔小旦云〕姐姐省煩惱。俺好歹有一日見玄德公也。〔正旦唱〕好教我無了無休。〔正旦云〕妹子。俺這裡閒攀着話。看有甚人來。〔關末上〕云歡來不似今朝。喜

來那逢今日。關羽也。我恰才本無酒。我聽的那厮說我哥哥兄弟在古城。我故意推醉。來到這宅中。有俺嫂嫂逐日煩惱。他則說俺哥哥兄弟不見。每日思念。誰想哥哥兄弟。如今見在古城。我如今到於嫂嫂宅中。我且不說哥哥兄弟還有哩。我則推醉。看他說甚麼。報伏去。道有關羽在於門首。〔報伏科〕〔正旦云〕呀。既然二叔叔來了也。叔叔請坐。〔關末推醉科〕云嫂嫂。關羽不必坐。好酒也。我醉了也。〔正旦云〕妹子。你看俺二叔叔好快活也。〔關末云〕我怎麼不快活。我如今封官爲壽亭侯。每日筵宴管待。正好受用也。〔正旦云〕叔叔你的也是也。〔唱〕

〔紅芍藥〕你道是近新來加你做壽亭侯。〔關末云〕我上馬一提金。下馬一提銀。〔正旦唱〕枉受了些肥馬輕裘。這的是你桃園結義下場頭。枉了宰白馬。殺烏牛。〔關末云〕我三日一小宴。五日一大宴。〔正旦唱〕你每日喫堂食。飲御酒。你全不記往日的冤讎。想着您同行同坐數年秋。到如今一筆勾都勾。〔關末云〕我如今官封爲壽亭侯哩。〔正旦唱〕

〔菩薩梁州〕今日箇你建節來封侯。登時間忘舊。知書的小叔。你可便枉看了些左傳春秋。我這裡聽言說罷淚交流。弟兄今日難相守。甚日箇得完就。誰想你結義賓朋不到頭。則他這歲月淹流。〔關末云〕我將這條機椅卓都打碎了。幔帳紗櫺都扯掉了。〔正旦云〕叔叔煩惱了也。妹子。嚙與叔叔陪話去來。〔唱〕

〔罵玉郎〕則我這心中負屈應難受。不由我便撲簌簌淚交的流。我見他撲登登忿怒難收救。他那裡踢翻椅卓。扯了幔幕。緊揎起那征袍袖。〔小旦云〕姐姐。二叔叔不知爲何至怒也。〔正旦唱〕

〔感皇恩〕呀。我見他並不回頭。怒氣難收。我這裡自躊躇。自埋怨。我這裡自傷。你嫂嫂言語的是緊。叔叔你惱怒無休。我陪有十分笑。叔叔你千般狠。我懷

着九分憂。

〔採茶歌〕叔叔你早則麼皺着眉頭。休記冤讎。叔叔你與我停嗔息怒壽亭侯。則你那失散了的哥哥不知道無共有。方信道知心的這相識可也到頭休。

〔云〕妹子俺跪着。二叔叔可憐見俺姊妹二人。〔正旦小旦都做跪科〕〔關末云〕嫂嫂請起。你休煩惱。你歡喜者。〔一旦云〕我有甚麼歡喜。〔關末云〕嫂嫂。你不知俺哥哥兄弟見在古城。有哩。

〔正旦云〕叔叔。誰那般道。〔關末云〕嫂嫂。今日曹丞相請我赴宴。有一箇張虎來說。我哥哥兄弟殺退了他。哥哥兄弟如今見在古城。我故意推醉。我特來報與嫂嫂知道。〔一旦云〕是真箇。〔關末云〕是真箇。我將曹丞相賜與我的金銀和這壽亭侯牌印。我都鎖在宜陽宅。不分星夜。便出許都。〔正旦云〕是真箇。慚愧也。叔叔。則今日收拾行李。便索長行。〔唱〕

〔尾聲〕則你那忠直勇烈依了你口。誰想這劉備張飛見在有。打聽的兄弟哥哥有時候。忙離了許州。盼不到地頭。俺遙望着千里的這紅塵路兒上走。〔下〕

〔關末云〕如今便收拾車乘鞍馬。尋我哥哥。走一遭去也。我驅馳不避路迢遙。我是箇忠臣豈肯順降曹。想着俺相隨數載恩情厚。我因此上棄印封金謁故交。〔下〕

第三折

〔曹末上〕〔云〕某着張文遠去看雲長去了。怎生這早晚不見來。〔張遼上〕〔云〕某乃張文遠是也。奉丞相將令。去宜陽宅看雲長去。不想此人將領着他那三房頭老小。往古城去了也。我索報與丞相去者。報伏去。道張文遠求見。〔卒子云〕喏。報的丞相知道。有張文遠來見。〔曹末云〕着過來。〔做見科〕〔曹末云〕張文遠。雲長如何。〔張遼云〕關雲長將丞相賜與他的上馬一提金。下馬一提銀。并他那壽亭侯牌印。都封在宜陽宅內。雲長引三房頭老小。往古城尋玄德公張飛去了也。〔曹末云〕誰想雲長領着他家小往古城尋劉玄德去了。我這般相待。他不辭我去了。更待干罷。喚將九牛許褚來。〔許褚上〕〔云〕馬不喫草。都把來瘦了。某九牛許褚是也。今有丞相呼喚。須索走一遭。報伏去。道有許褚來了也。〔卒子做報科〕〔做見科〕丞相喚許褚有甚事。〔曹末云〕許褚。我喚你來別無甚事。因爲關雲長背了某。將領着他三房頭老小。不辭我往古城去尋劉備去了。我今喚你來商議。〔許褚云〕丞相。俺如今領大勢軍兵趕上。活拿的雲長來。〔張遼云〕丞相。咱不可與他交鋒。想雲長在十萬軍中刺了顏良。誅了文醜。俺如今領兵與他交戰。丞相也。枉則損兵折將。〔曹末云〕似此。怎生擒的雲長。〔張遼云〕丞相。俺如今則可智取。〔曹末云〕你有什么智量。〔張遼云〕我有三條妙計。丞相領兵趕上雲長。則准與他送行。丞相若見雲長。丞相先下馬。關雲長見丞相下馬。他必然也下馬來。若是雲長下馬來。叫許褚上前抱住雲長。着衆將下手。第二

計。丞相與雲長遞一盃酒。酒裏面下上毒藥。第三計。丞相把那西川錦征袍。着許褚托在盤中。丞相贈與雲長。雲長見了。必然下馬來穿這袍。可叫許褚向前抱住。衆將下手。恁的方可擒的雲長。
〔曹末云〕張文遠此計大妙。料想雲長出不的我這三條計也。則今日領兵十萬趕雲長。走一遭去。我驅兵領將逞英豪。我這三條妙計他決難逃。擒住雲長必殺壞。方顯曹公智量高。
〔下〕
〔關末引正小旦上〕
〔云〕嫂嫂。賀萬千之喜。噲早則出了許都也。
〔正旦唱〕

〔中呂粉蝶兒〕則你那途路迢遙。趁西風斜陽古道。催幾鞭行色劬勞。踐紅塵。登紫陌。領着些關西小校。不索辭曹。恨不的一時間古城行到。

〔醉春風〕你今日棄印覓親兄。你則待封金謁故交。獨行千里探哥哥。似叔叔的少。少。他把你官上加官。祿上贈祿。曹丞相傲也。那不做。
〔關末云〕兀的後面有軍馬至也。
〔曹末同張遼許褚上〕
〔云〕兀的前面不是雲長。
〔做喚關末科〕
〔云〕壽亭侯兄弟也。且住者。
〔關末云〕真箇是丞相領兵來趕。
〔正旦云〕叔叔。曹丞相領兵趕將來。你小心在意者。
〔關末云〕不妨事。
〔正旦唱〕

〔紅綉鞋〕曹孟德能施謀略。則要你箇關雲長牢把鞍橋。噲可便嘴尾相唧緊。隨着暗暗的便埋着軍將。明明的列着鎗刀。可休似徐州城失散了。
〔云〕叔叔。小

心在意者。〔關末云〕嫂嫂放心。我自知道。〔曹末上見住〕〔做下馬科〕〔云〕壽亭侯兄弟也。怎生不辭而去。〔關末云〕丞相勿罪。我不下馬來也。〔許褚云〕呀。可早一條計也。〔曹末云〕將酒來。〔許褚做斟酒科〕〔曹末遞酒科〕〔云〕雲長。既然你要去也。你下馬來滿飲一盃。〔正旦云〕叔叔。你休下馬去。〔關末云〕嫂嫂。他與咱送路。他有甚麼歹意。〔正旦唱〕

〔快活三〕則他那饒行的意雖好。鋪謀的智難逃。不防馬上接了香醪。我與你附耳低低道。

〔朝天子〕我這裡望着。定睛的覷了。曹丞相百萬軍都來到。據着他興心主意。不相饒。折算你誰知道。我見他厚禮卑辭。親捧香醪。這裏面安排下斬人刀。叔叔你暗約。則依着你嫂嫂。則怕他酒裏面藏有機妙。〔關末云〕難得丞相好心。丞相先飲過。關羽喫。〔曹末云〕可怎了。〔許褚云〕丞相放心吃。我自有毒的。〔曹飲酒科〕〔許褚云〕呀。可早兩條計也。〔正旦云〕叔叔。我說來麼。〔關末云〕嫂嫂說的是也。〔曹末云〕許褚將那饒行禮來。〔正旦唱〕

〔上小樓〕他待使些鵬心鷹爪。安排下龍韜虎略。他一箇箇執銳披堅。勒馬橫鎗。舉斧輪刀。他將一領錦征袍盤內托。我可便觀了容貌。他那裡曲躬躬一身。

伏着。〔曹末云〕壽亭侯想咱弟兄厮守許多時。也無甚與你。將這一領錦征袍。送與將軍。正好你披。

請下馬來穿袍。〔關末云〕嫂嫂。我如今下馬的是。不下馬的是。〔正旦云〕叔叔。你不要下馬去。

〔關末云〕我待下馬去。則怕中他的計策。我待不下馬去。可惜了一領錦征袍。你聽者。關羽從來性粗豪。哎你箇賢達嫂嫂莫心焦。上告孟德休心困。刀尖斜挑錦征袍。〔正旦唱〕

〔么〕又不向盤內取。則向刀刃上挑。險些兒驚殺許褚。慌殺曹公。謊殺張遼。他每都緊趕着奸雄曹操。我問你那錦征袍要也那不要。〔許褚云〕我見他輕輕舉起手中刀。將我登時就一交。三條妙計都不濟。好也。顛倒去了一領錦征袍。〔關末云〕嫂嫂先行。我

隨後便趕將來也。〔正旦唱〕

〔尾聲〕襲車胄。武藝能。刺顏良。名分高。用盡自己心。惹的傍人笑。哎。你箇奸雄曹操。倒賠了西川十樣錦征袍。〔下〕〔關末云〕感謝丞相厚意。丞相之恩。我異日必報也。

〔曹末云〕張文遠可不活拿了關雲長也。你趕上他。你道俺丞相問你要一件回奉之物。看他說甚麼。〔張遼云〕理會的。雲長且住者。〔關末云〕你爲何來。〔張遼云〕俺丞相的令。問將軍要一件回奉之物。〔關末云〕丞相的恩。我報了也。我與他刺了顏良。誅了文醜。他今日又要回奉之物。我隨身無甚麼值錢物件。我這一去見了哥哥。我異日借起兵來。與您曹丞相交鋒。我若拿住你。

曹丞相。我這大刀下饒你丞相一箇死。便是回奉。張文遠。你快回去。你若是再趕將來。你見我這手中刀麼。我將你那曹兵都殺盡。要一箇寄信的也無。張文遠。你聽者。想着俺桃園結義弟兄情。因此上辭曹棄印與封金。久以後拿住曹公不殺壞。那其間方顯雲長回奉心。〔下〕張遼做見曹末科。〔曹末云〕張文遠。雲長說甚麼。〔張遼云〕小官問他要回奉之物。雲長言稱道。他這一去見了那玄德公張翼德。必然領兵來與俺相持。他要丞相呵。那青龍刀下饒丞相一箇死。〔曹末云〕正是使碎自己心。笑破他人口。罷。教他去。我這一回去。點就一百萬大軍。與劉關張交鋒。未爲晚矣。這一去將那百萬軍兵親點校。驅兵領將統戈矛。拿住一人必殺壞。恁時方表報冤讐。〔下〕
〔蔡陽上開〕三尺龍泉萬卷書。皇天生我意何如。山東宰相山西將。彼丈夫兮我丈夫。某姓蔡名陽字仲威。關西人氏。十八般武藝。無有不拈。無有不曾。某身披二鎧。刀重百斤。馬行千里。但寸鐵在手。有萬夫不當之勇。某新在佐於曹丞相手下爲上將。今奉丞相的令。爲因關雲長背了俺丞相之恩。領他家小。不辭而去。丞相差某領五百哨腿關西漢。直至古城。與雲長交戰。關刀走一遭去。大小三軍。聽吾將令。甲馬不得馳驟。金鼓不得亂鳴。不得交頭接耳。不得語笑喧呼。但違令依軍令決無輕恕。竊竊征雲籠宇宙。騰騰殺氣陣雲高。臨軍聊展英雄手。試看今番刀對刀。〔下〕

第四折

〔劉末同張飛上〕〔云〕某劉玄德自從兄弟張飛殺退張虎奪了古城。這裡糧多草廣。俺二人權且在此停止。〔張飛云〕哥哥不想二哥雲長投降曹操。全不想桃園結義之心。更待干罷。噤如今不問那裡。偕起軍來。務要與曹交鋒。雪徐州之恨。〔劉末云〕兄弟爭奈。噤三房頭老小。不知下落。又聽的人說。與雲長都降了曹操也。三兄弟則怕雲長聽的俺在此。他必然來也。〔張飛云〕哥哥他戀着那曹操。那般富貴。他豈肯來。他便來呵。我也不認他。〔劉末云〕看有甚麼人來。〔正小旦同關末上〕〔關末云〕嫂嫂。你歡喜者。兀的早望見古城也。〔正旦云〕二叔叔。一路上煞是辛苦也。〔唱〕

〔雙調新水令〕你保護的俺一家兒。妯娌得安康。則他弟和兄。這其間別來無恙。叔叔是那擎天白玉柱。架海的紫金梁。義勇忠良。俺今日團圓日。不承望。〔關末云〕我到這古城也。把門的軍卒報伏去。你道有關羽領着三房頭老小來了也。〔劉末云〕兄弟也。我道他知道。噤在此呵。必然來也。元來兄弟領着三房頭老小來了也。〔張飛云〕哥。他有甚麼臉兒。我與他打話。〔劉末云〕兄弟息怒。噤同見雲長去。〔做見科〕〔關末做下馬科〕〔云〕哥。哥間別無恙。〔劉末云〕兄弟。你怎生不想桃園結義之心。因何投降了曹操。〔關末云〕你兄弟無降曹之心也。〔劉末云〕我斷然不認你。〔正旦云〕玄德公息怒。聽妾身說一遍者。〔唱〕

〔殿前歡〕若不是這漢雲長。則爲俺這家屬不得已。可便詐投降。〔劉末云〕他受他封官來。〔正旦唱〕壽亭侯官職無心望。甚的他快樂的這心腸。〔云〕那一日與曹操飲酒。聽的說主公與小叔叔在此收拾便行。〔唱〕他封金印出許都。〔帶云〕曹操趕至瀾陵橋。三計要拿雲長。二叔叔致怒。〔唱〕竄說殺那曹丞相。錦征袍便斜挑在他刀尖上。〔帶云〕若不是二叔叔。俺三房頭家小。都落在曹營。〔唱〕怎能殺那弟兄每完聚。也不能殺今日得這還鄉。〔張飛云〕嫂嫂。你替他說謊。也說不過。既然不降了曹操。怎生封你爲壽亭侯。直到今日也不認你。有甚麼面顏。和你厮見。〔劉末云〕雲長。你既然不忘了俺桃園結義之心。怎生撇了俺弟兄二人。因何投降了曹操。〔關末云〕哥哥。您兄弟爲這三房頭老小。被曹操擄了。您兄弟無計所奈也。〔張飛云〕你既有兄弟之情呵。可怎生我共哥哥在此古城住許多時。你怎生不來尋我。〔正旦云〕三叔叔息怒。俺若不是二叔叔呵。那裡取俺性命來也。〔張飛云〕嫂嫂。我不信他說。我出於無奈也。〔正旦唱〕

〔正旦唱〕

〔川撥棹〕你那裡自參詳。張將軍不料量。他那裡說短論長。數黑論黃。斷不了村沙莽撞。你心中自忖量。〔張飛云〕你既降了曹操也。你有何面目見俺。〔關末云〕兄弟。也是

我出於無奈也。〔正旦唱〕

〔七弟兄〕他可便這廂那廂。他兩箇逞能強。怒忿忿豪氣三千丈。他丈八矛輪動怎生當。這青龍刀舉起無遮當。好着我淚兩行。便有些不停當。你心下自參詳。你心下自參詳。

〔收江南〕呀。則你那哥哥兄弟好商量。不比你一勇性石亭驛裏摔袁祥。救了俺全家老小得安康。你自便料量。息怒波興劉滅楚漢張良。〔劉末云〕三兄弟。雲長

也則爲噲這三房頭老小也。〔張飛云〕則請二位嫂嫂來。別的我都不認。〔正小旦做見科〕〔正旦云〕玄德公。俺若不是雲長呵。那得俺性命來。〔蔡陽上云〕某矣。蔡陽來到這古城也。衆軍擺開陣勢者。〔張飛云〕你道你不順曹操。可怎生蔡陽又領軍來。〔關末云〕蔡陽這一來。他必來趕我來。兄弟。你不信呵。我如今斬了蔡陽如何。〔張飛云〕我不信。蔡陽和你一家。你怎肯殺了他。你若斬了蔡陽。俺便認你。〔關末云〕既然是這等。五百校刀手擺開陣勢者。蔡陽。你爲何來。〔蔡陽云〕雲長爲你背了丞相之恩。奉丞相命。特來擒你。〔關末云〕蔡陽。我與你言定。俺如今頭一通鼓響。噲埋鍋造飯。第二通鼓響。披衣擐甲。第三通鼓響。噲兩箇交鋒。〔蔡陽云〕你去埋鍋造飯去。〔關末云〕三軍休要埋鍋造飯。與我披衣擐甲者。交鼓響。〔劉末云〕張飛。噲看雲長與蔡陽交戰去來。〔張飛云〕哥也。怎生不交戰發擂那。〔關末云〕叫蔡陽臨陣。〔蔡陽云〕我不曾披掛。可怎生

便索戰。〔做調陣子科〕〔關末做斬蔡陽科〕〔云〕我斬了蔡陽也。〔劉末云〕張飛兀的雲長不斬了蔡陽也。〔張飛云〕左右那裡安排筵席。請二哥來見哥哥。〔關末做拜劉末科〕〔云〕您兄弟托哥哥虎威。我斬了蔡陽也。〔張飛云〕哥哥不枉了真虎將也。受您兄弟幾拜。〔正旦云〕二叔叔不枉了好將軍也。〔唱〕

〔掛玉鉤〕他恰才萬馬千軍。擺下戰場。則見他忙把門旗放。顯出那棄印封金。有智量。他怎肯扶立起曹丞相。斬了蔡陽在沙場上。才聽的搥鼓三通。可又早得勝還鄉。〔張飛云〕兩壁廂敲馬宰牛。做一箇慶喜的筵席。〔關末云〕哥哥是你兄弟不是了也。〔劉末云〕兄弟是您哥哥的不是了也。想兄弟您爲俺三房頭家小。您不得已而降曹操。你雖身居重職。你不改其志。此爲仁也。你不遠千里而來。被張飛與某百般發忿。兄弟。你口不出怨恨之語。此爲義也。你棄印封金。辭曹歸漢。此爲禮也。不一時立斬蔡陽。此爲智也。你會與曹操言定三事。聽的某在此。你將領家小前來。不忘桃園結義之心。此爲信也。據兄弟你仁義禮智信俱全。則今日敲牛宰馬。做箇慶喜的筵席。則爲那徐州失散各分張。今日箇古城歡會聚賢良。兄弟據着你智勇禮全誰可比。正馬單刀斬蔡陽。則爲那妯娌賢達世間少。俺兄弟仁義果無雙。俺本是扶持社稷忠良將。俺三人永保皇圖帝業昌。

題目

灞陵橋曹操賜袍

正名

關雲長千里獨行

諸葛亮博望燒屯

元闕名

頭折

〔冲末扮劉末同關末張飛領卒子上〕〔劉末云〕桑蓋層層徹碧霞。織席編履作生涯。有人來問宗和祖。四百年前旺氣家。某姓劉名備字玄德。大樹樓桑人也。某有兩箇兄弟。二兄弟蒲州解良人也。姓關名羽字雲長。三兄弟涿州范陽人也。姓張名飛字翼德。俺三人結義在桃園。宰白馬祭天。殺烏牛祭地。不求同日生。只願當日死。俺自破黃巾賊誅呂布之後。英雄各占一方。見今曹操據於許昌。孫權占了江東。俺權且下寨於新野。俺待舉兵與曹操交鋒。爭奈無軍師。有徐庶曾言南陽鄧州臥龍岡有一仙長。覆姓諸葛名亮字孔明。道號臥龍先生。此人才欺管樂。智壓孫吳。論醫起死回生。論卜知凶定吉。劍揮星斗怕。書動鬼神驚。六韜三略。妙策神機。徐元直舉善薦賢。若得孔明下山。拜爲軍師。憑着關張雄虎之將。如猛虎插翅。俺弟兄三人。建安十二年春月間至臥龍岡上。訪孔明一次不遇。當年秋九月又訪孔明一次也不遇。如今是第三遭也。收拾了行裝。再請諸葛先生。走一遭去。我問兩箇兄弟者。雲長。噲弟兄三人。再請一遭去如何。〔關末云〕哥哥。噲弟兄三人。走一遭去。今求賢用士。如那太公隱於磻溪。似子房圯橋進履。噲屈膝於吾師。方可成

就大事也。〔劉末云〕三兄弟。你心下可是如何。〔張飛云〕二位哥哥。昔日徐庶是脫身之計。量那村夫。省得甚麼。三年三訪。費了工夫。憑着您兄弟坐下馬。手中鎗。萬夫不當之勇。觀那曹操。掌上觀紋。不要請去。既哥哥要去。您兄弟不去。〔劉末云〕兄弟也。將在謀而不在勇。也有用着你那躁暴處。也有用不着你躁暴處。則依着你兩箇哥哥者。〔張飛云〕二位哥哥去。您兄弟斷然不去。〔劉末云〕既然三兄弟不去呵。俺弟兄二人。點就軍卒。留下趙雲劉封糜竺糜芳。您衆將緊守着新野。小心在意。則今日直至臥龍岡訪孔明。走一遭去。獨跨蒼鸞何處遊。神仙多管赴瀛洲。訪君不遇空回首。惹的那野草閑花滿地愁。〔劉末同關末下〕〔張飛云〕二位哥哥去了也。張飛也。你要尋思者。俺弟兄每曾言。一在三在。一亡三亡。兩箇哥哥去了也。我索走一遭去。我此一去。不請那村夫。我則是相伴俺兩箇哥哥。走一遭去。俺驅馬離新野。誠心謁孔明。今年又不遇。放心燒的草薶平。〔下〕〔正末扮諸葛亮領道童上〕〔正末云〕貧道覆姓諸葛名亮字孔明。道號臥龍先生。乃琅琊陽都人也。今在襄陽城西。號曰隆中。有一岡名是臥龍岡。貧道耕鋤於隴畝。近日之間。有新野太守劉備來謁兩次。貧道不曾放參。可是爲何。我避其煩冗。不知俺出家兒人。倒大來幽靜快活也呵。〔唱〕

〔仙呂點絳脣〕數下皇極。課傳周易。知天理飽養玄機。常有那尊道德。參玄意。

〔混江龍〕有朝一日我出茅廬。指點世人迷。憑着我劍揮星斗。我志逐風雷。聖明君穩坐九重龍鳳闕。顯出那大將軍八面虎狼威。〔云〕道童。你見麼。〔道童云〕師父。您徒弟見甚麼。〔正末唱〕見風篩竹影。日射松窗。我恰纔袖中發課。你去那門外觀。窺。安排着香卓。準備着烹茶。〔云〕道童。這一來。〔道童云〕師父。可是何人到此也。〔正末唱〕必定是關雲長張翼德和劉備。〔云〕道童。〔道童云〕師父有何話說。〔正末唱〕你與我忙鋪下席簟。你與我半掩得這柴扉。〔道童云〕師父。您徒弟安排下香卓。烹了茶湯。鋪下席簟。灑掃的乾淨了也。〔正末云〕道童。你門首覷者。看有甚麼人來。〔劉末同關末張飛上〕〔劉末云〕兄弟。可早來到也。遠遠的看見茅菴。將俺的軍馬屯在這山峪口。安營下寨。嚙弟兄三人。直至茅菴中請師父去。可早來到也。二位兄弟。俺見師父去來。〔張飛云〕二位哥。今番第三遭。這村夫若下山去呵。我和他佛眼相看。若不下山去呵。我不道的饒了他哩。〔關末云〕兄弟。你休道等躁暴。俺求賢用士哩。〔劉末云〕兄弟。你不得躁暴。休誤了大事。〔劉末見道童科〕〔云〕道童。你師父菴中有麼。〔道童云〕俺師父正在菴中盹睡哩。〔張飛做揪住道童科〕〔云〕你師父在那裡。〔道童慌科〕〔云〕老官兒。我纔不說來。師父昨日酒多了。還不曾睡醒哩。老官兒休要動手。〔張飛云〕這村夫到不納房錢。則是睡。〔關末云〕兄弟休要躁暴。〔張飛做放了道童科〕〔云〕去。我且饒你。

〔道童云〕呀。可不是晦氣。此人就是箇村牛一般。〔劉末云〕道童。對你師父說去。有新野太守劉關張弟兄三人。特來拜見。〔道童云〕理會的。〔報科〕〔云〕報的師父得知。菴門首有劉關張弟兄三人來拜見師父。〔正末云〕既然一年三訪。此人誠心。我必索與他相見者。道童。你請那姓劉的過來。〔道童云〕理會的。〔做見劉末科〕〔云〕那箇是那姓劉的老官兒。俺師父有請。〔劉末云〕您二位兄弟。則在門首等者。我見了師父。着人來請您二位兄弟。〔劉末做見科〕〔正末唱〕

〔醉中天〕我見他挪身起。他忙挪步上地基。〔劉末拜科〕〔云〕師父。孤窮劉備來兩次不遇。今番是第三遭也。劉備特來相訪。〔正末唱〕玄德公。你這般兩次三番勞貴體。〔劉末云〕小官特來相請也。〔正末唱〕你請貧道因何意。〔劉末云〕一年三訪不遇。今日得見吾師。實乃孤窮劉備之萬幸也。〔正末唱〕我請你箇玄德公安然坐的。〔劉末云〕孤窮劉備。斷然不敢。

〔正末唱〕他口聲聲道是孤窮劉備。那一箇孤窮的他生這般舜日堯眉。〔云〕敢問玄德公。來謁貧道。有何事務也。〔劉末云〕上告師父。俺一年三顧。因宗社遠遠而來。不避驅馳。爲漢室展轉參禮。徐元直舉善薦賢。告吾師屈高就下。今日得見尊顏。如撥雲霧而觀青天。德助軍威。揮寶劍而遣風雲雷雨。全在吾師揮毫一助。師父。你那七星劍上呼風雨。六甲書中動鬼神。九天挽得銀河水。願與三軍洗戰塵。師父若下山去呵。施展你黃石公三略法。顯揚你那呂望六韜。

書。重磨俺那日月光天德。再整俺那山河壯帝居。〔正末云〕將軍少罪。貧道本是南陽一耕夫。豈管塵世之事。只可脩身養性。貧道去不的也。〔劉末云〕師父。好歹下山走一遭去也。〔正末唱〕

〔油葫蘆〕我則待做學巢由。洗是非。我一心待習道德。我可便喜登呂望釣漁磯。誰待要蝸牛角上爭名利。誰待要蜘蛛網內求官位。〔劉末云〕師父隱跡於此。不知主何意也。〔正末唱〕我但穿些布草衣。但喫些麤糲食。我則待日高三丈我便朦頭睡。一任教烏兔走東西。〔劉末云〕師父在此。好是清幽也。〔正末唱〕

〔天下樂〕我則是除睡人間總不知。我可便其也波實。其實可便無甚智。〔劉末云〕師父若肯下山去呵。同扶漢室。再立炎劉。有何不可也。〔正末唱〕你今日請貧道下山待出些氣力。〔云〕貧道便下山去呵。〔唱〕我其實當不的寒。我可便濟不的飢。便請下這箇臥龍岡做甚的。〔云〕玄德公。你同誰來。〔劉末云〕有二兄弟。雲長在門首。〔正末云〕道童。你請那二公子過來。〔道童云〕理會的。〔做見關末科〕〔云〕那箇是那二公子。〔關末云〕小官便是。

〔道童云〕二官人。俺師父有請。〔關末云〕三兄弟。你則在門首。我見師父去。〔做見正末科〕〔云〕師父。俺三謁不遇尊師。今日得見。實乃雲長萬幸也。〔正末云〕不敢不敢。好箇將軍也。〔唱〕

〔金盞兒〕他生的高聳聳俊英鼻。長挽挽臥蠶眉。紅馥馥面皮。有似胭脂般赤。

黑髯三綰美髯垂。這將軍內藏着君子氣。外顯出滲人

滲人疑殺人之說但元刊本同

威。這將軍

生前爲將相。他若是死後做神祇。

張飛做見正末喝科

二云。嚶。來來來。兀那村夫。俺兩箇

哥哥鞠躬相請。你堅意推托。依着我呵。你與我拏鎗牽馬。我也不要。你驅馳俺兩箇哥哥。兀那村

夫。你聽者。則這張飛情性強。我忙撚丈八鎗。你若不隨哥哥去。將火來。我燒了你這臥龍岡。若不

是俺兩箇哥哥在此。我則一槍搠殺你箇村夫。你無道理。無廉恥。無上下。失尊卑也。正末唱

醉中天。你道我無道理。無廉恥。無上下。失尊卑。你將這環眼睜圓。瞋定誰。爹

沙起黃髭髯。

張飛云。兀那村夫。你相我。可是如何。正末唱

你顯出那五霸諸侯氣

力。張飛云。不則你說。都是這般道。張飛有五霸諸侯之分。正末唱。他不住的叫天吼地。

張飛云。誰不知我是莽張飛也。正末唱。可不道你外名兒是莽撞張飛。劉末云。師父。

俺弟兄三人。遠遠而來。好共歹。要師父下山去也。正末云。貧道斷然去不的。趙雲冲上。二云

腕上鋼鞭能打將。匣中寶劍掣秋霜。幼年販馬爲商賈。真定常山是故鄉。某姓趙名雲。字子龍。某

文通三略。武解六韜。見在玄德公手下爲將。今有玄德公弟兄三人。上臥龍岡訪諸葛孔明去了。

着某鎮守新野。誰想甘夫人生一子。主公不知。某親自去臥龍岡報喜去。可早來到也。不必報復。

我自過去。做見劉末科。劉末云。趙雲爲何至此也。趙雲云。報的主公得知。賀萬千之喜。有

甘夫人所生一子。趙雲特來報喜。〔劉末云〕兄弟。打甚麼不緊。師父不肯下山去哩。既是這等。我與師父說知去。〔做見正末科〕〔正末云〕玄德公。貧道則今日便下山去。〔張飛云〕這村夫無禮。俺哥哥的面皮。到不如趙雲那。〔劉末云〕師父爲何便下山去。〔正末云〕不然。我觀玄德公喜氣而生。旺氣而長。我所以下山去也。〔劉末云〕師父有甘夫人所生一子。有兄弟趙雲來報喜信來。〔正末云〕玄德公。貧道已知了也。我去則去。要說的明白。〔劉末云〕師父說。小官試聽者。〔正末云〕曹操七十二郡。按着天時之地。孫權見居江東八十一郡。按着九數。乃地利之方。〔劉末云〕師父。劉備何處安身。〔正末云〕吾觀玄德公。可住西蜀也。〔劉末云〕西蜀乃是吾宗族劉璋所居之地。劉備爭忍圖之。則怕不中麼。〔正末云〕非圖之也。自有良法取之。西川五十四州。五見四。也是箇九數。是人和之地。使好道天時不如地利。地利不如人和。〔劉末云〕謝了師父者。吾師真乃是通神。喜殺孤窮窮業人。錦繡江山十萬里。今日箇茅廬一論定三分。〔正末唱〕

〔尾聲〕把您這孫劉曹吳蜀魏鼎足三分。不可缺矣。曹操天時爲第一。想孫權地利合宜。玄德公掌人和。穩勝磐石。先占了西蜀四千里。我對你箇玄德公說知。哎。你箇張將軍賭氣。我則見笑談間一陣捲征旗。〔同衆下〕

第二折

〔曹操同許褚領卒子上〕〔曹操云〕官封九錫位三公。玉帶金魚祿萬鍾。日服鳩酒千條計。夜臥九枕有誰同。某姓曹名操字孟德。沛國譙郡人也。幼習韜略遁甲之書。曾爲行軍參謀之職。因某累建奇功。自破呂布之後。加某爲大漢左丞相之職。頗奈劉關張弟兄三人無禮。他不受某節制。屯軍在於新野。直至南臥龍岡。請下諸葛村夫來。拜爲軍師。要與某交戰。我欲待統兵迎敵。爭奈俺軍師管通病體在身。未曾行兵。我手下有一員上將。乃是百計張遼。喚此人來商議。有何不可。小校喚的張遼來者。〔卒子云〕理會的。張遼安在。〔張遼上〕〔云〕三十男兒鬢未斑。好將英勇展江山。馬前自有封侯劍。何用區區筆硯間。小官姓張名遼字文遠。乃朔州馬邑縣人也。自習兵甲之書。深曉軍陣之法。今輔佐於曹公麾下。爲上將之職。正在教場中操兵練士。有丞相呼喚。不知有甚事。須索走一遭去。可早來到也。小校報復去。道有張遼來了也。〔卒子云〕理會的。〔報科〕〔云〕喏。報的丞相得知。有張遼來了也。〔曹操云〕着他過來。〔卒子云〕理會的。過去。〔張遼做見科〕〔云〕丞相呼喚張遼。那廂使用。〔曹操云〕張遼。喚你來別無甚事。爲因劉關張請諸葛亮下山。拜爲軍師。要與某交戰。更待干罷。你則今日先下將戰書去。看諸葛亮動靜如何。小心在意。疾去早來。〔張遼云〕得令。奉丞相的將令。直至劉關張營內下戰書。走一遭去。劉關張相請諸葛亮下山來演武操兵將。持書呈親往探虛實。看好歹回報曹丞相。〔下〕〔曹操云〕張遼去了也。〔卒

子云」去了也。〔曹操云〕小校與我喚將夏侯惇來者。〔卒子云〕理會的。夏侯惇安在。〔淨扮夏侯惇上〕〔云〕帥鼓銅鑼一兩敲。轅門裏外列英豪。三軍報罷平安喏。買賣歸來汗未消。某覆姓夏侯名惇字元讓。佐於曹丞相麾下爲將。某文通三略。武解六韜。上的馬去。番番不濟。到的陣前。則是盹睡。若遇敵將。做不的本對。他輪刀便砍。慌的跳下馬來膝跪。正在帳裏打盹。丞相呼喚。不知有甚事。須索走一遭去。可早來到也。小校報復去。道有夏侯惇來了也。〔卒子云〕理會的。過去。〔夏侯惇做見科〕〔曹操云〕夏侯惇。我今要征伐新野劉關張弟兄三人。他直至南陽。請下諸葛孔明來。拜爲軍師。量那村夫。何足道哉。你爲前部先鋒。領十萬雄兵。與他弟兄三人交戰。先收博望。後攻新野。則要你得勝而回。小心在意者。〔夏侯惇云〕得令。某奉丞相的將令。領十萬人馬。與劉關張相持廝殺。走一遭去。大小三軍。聽吾將令。我做元帥威風勝。大小三軍聽將令。人人捨命要當先。把你有似爺娘敬。或陞百戶與千戶。或做同知并縣令。賞賜金銀旋旋關。高官得做俸合請。若還得勝還營後。一人賞你一本百家姓。〔下〕〔曹操云〕夏侯惇去了也。〔卒子云〕去了也。〔曹操云〕憑着俺人強馬壯。將勇兵雄。觀劉玄德兵微將寡。一鼓而下。這一去必然平新野樊城。方趁某平生願足。我傳令莫延遲。人馬朔風疾。鞭敲金鐙響。齊和凱歌回。〔下〕〔劉末領衆將上〕〔劉末云〕某乃劉玄德是也。自從請的孔明師父下山來。衆將皆喜。今日當卓午。請師父掛軍師。

牌印。大小衆將。聽吾將令。軍師陞帳。威勢偏別。陣雲繚繞望空蒼。殺氣騰騰遮紅日。列能征猛將數千員。敢勇英雄千百隊。人人攢竹竿上挑紅纓。箇箇方天戟上懸豹尾。飛魚袋內。鐵胎弓上虎筋弦。走獸壺中。插鵬翎狼牙鑿子箭。前排五百鴈翎刀。後擺三千傍牌手。左列千隊鐵衣郎。右排萬餘金甲將。轅門列五運轉光旗。中軍擲順天八卦蓋。八卦蓋者。是乾坎艮震巽離坤兌。東方旗青如藍靛。上有日月星辰。西方旗雪色金色。隔天河鎖南辰北斗。南方旗烈火燒天。上有十二員神將。北方旗擺似烏雲。上有九曜星官。中方杏黃旗上。蛟龍戲二十八宿。俺這裡軍隨印轉行直正。罪若當刑先言定。休誤在朝天子宣。莫違闔外將軍令。衆將皆全。請師父掛軍師牌印。這早晚師父敢待來也。〔正末引道童上〕〔云〕貧道諸葛孔明是也。今日玄德公同衆將在元帥府拜貧道爲軍師。須索走一遭去。可早來到也。小校報復去。道有貧道至此也。〔卒子云〕理會的。喏。報的元帥得知。有軍師來了也。〔劉末云〕小官同衆將親自接待去。〔劉末同衆做迎接科〕〔云〕早知軍師來到。只合遠接。接待不着。恕劉備之罪也。〔正末云〕不敢不敢。量貧道有何德能。有勞玄德公用意也。〔劉末云〕軍師請。〔正末云〕玄德公請。〔劉末云〕衆將謹參。〔衆做拜科〕〔正末云〕衆將免禮。貧道不敢不敢。玄德公。衆將皆全了麼。〔劉末云〕上告軍師。前後將卒擺列的停當。未知如何。請師父觀看一遭者。〔正末云〕玄德公。大小三軍。擺布的好齊整也。竊竊征雲籠宇宙。騰騰

殺霧罩征旗。軍卒有似魚鱗砌。敢戰將軍鴈翅齊。〔唱〕

〔南呂一枝花〕我則見遮天雜彩旗。震地花腔鼓。關雲長青龍偃月刀。張翼德銀蟒可兀的點鋼毒。齊臻臻鎧甲結束。銀纏桿花稍弩。獸吞頭金蘸斧。有五千員越嶺犇彪。有百萬隻爬山猛虎。

〔梁州〕我今日坐中軍七重的這圍子。不辜負你那臥龍岡三謁茅廬。我可便觀寰中草寇如無物。憑着我運乾坤手段。安社稷機謀。我可便使一條妙計。更和那三卷的這天書。顯神機鎮住東吳。論人和可住西蜀。憑着這諸葛亮關羽張飛。怕甚麼曹孟德張遼的這許褚。更和那孫仲謀魯肅和那周瑜。〔劉末云〕一陣好大風也。師父。此一陣風主何凶吉也。〔正末云〕玄德公。此一陣風。不按和炎金朔。是一陣信風。這信風過處。無一時有人下戰書來也。〔劉末云〕令人門首覷者。看有甚麼人來。〔張遼上云〕某乃張遼是也。奉曹丞相的將令。着我直至新野。下戰書去。可早來到也。小校報復去。道有曹丞相手下。差一人來下戰書。〔卒子云〕你則這裡有者。喏。報的軍師得知。有曹丞相差一人下戰書。在於轅門首。〔劉末云〕恰纔軍師語未懸口。果然有下戰書的來了也。〔正末唱〕無一時報復。夏侯惇鐵桶般軍無數。〔云〕着那下戰書的過來。〔卒子云〕理會的。過去。〔張遼見科〕〔衆做喝科〕〔正末云〕那廂

來的〔張遼云〕小將是曹丞相差來。下一封戰書在此。〔正末云〕將那戰書來。我試看者。〔劉末云〕將戰書與師父看。〔張遼遞書科〕〔劉末云〕師父看戰書者。〔正末唱〕將封皮展開觀。〔云〕誰是張遼。〔張遼云〕小將便是張遼。〔正末唱〕哦。你是張遼下戰書。〔劉末云〕書上可不知寫着甚麼哩。莫非搦劉備出馬麼。〔正末云〕他那裡是搦您衆將。〔唱〕他則是單搦這耕夫。〔云〕小校將筆來。背批四字。來日交戰。着那下書的回去。〔劉末云〕兀那張遼軍師的將令。着你回去選日交兵。〔張遼云〕理會的。我出的這門來。下了戰書也。不敢久停久住。回俺丞相的話。走一遭去。奉命迴程赴許昌。書嚇劉備與關張。來朝兩陣交鋒處。試看相持戰一場。〔下〕〔張飛云〕夏侯惇領兵來索戰。衆將都簇捧着。他你看俺二位哥哥。也立在他跟前。我看這村夫。怎生調兵。兀的不氣殺我也。〔劉末云〕上告師父。今夏侯惇統領兵來索戰。誰做先鋒。誰做合後。師父支撥軍馬。衆將聽令也。〔正末云〕您衆將近前來聽令。〔衆將云〕理會的。〔正末云〕趙雲安在。〔趙雲云〕師父呼喚小將。那廂使用。〔正末云〕你爲先鋒。領五百軍引戰夏侯惇。去博望城南門。與夏侯惇對敵。不要你贏。則要你輸。〔趙雲云〕小將得令。〔正末唱〕

〔四塊玉〕我這裡便呼趙雲。你可便休停住。則要你擐甲披袍。統征夫。你可便橫槍縱馬爲先部。趙雲。你便聽我的言。你莫信他那箇語。〔云〕趙雲。你近前來。可是

暗的〔唱〕不要你贏則那箇要輸。〔云〕小心在意者。〔趙雲云〕得令。則今日領五百人馬。引戰夏侯惇。走一遭去。我出的這門來。〔張飛云〕趙雲。你那裡去。〔趙雲云〕我奉師父將令。着我去博望城中引戰夏侯惇去。兩陣之間。則要我輸。不要我贏。贏便是我罪。輸便是我功。〔張飛云〕我道是這村夫不會行兵。那裡廝殺處。則要輸不要贏。趙雲你過來。等我過去。〔見正末科〕〔正末云〕張飛怎的。〔張飛云〕我去博望城中引戰。走一遭去。〔正末云〕張飛。你那槍快麼。〔張飛云〕槍快。〔正末云〕馬飽麼。〔張飛云〕馬飽。〔正末云〕你敢廝殺麼。〔張飛云〕敢廝殺。〔正末云〕我不用你出去。〔張飛云〕這村夫。兀的不氣殺我也。〔關末云〕兄弟也。你則依着師父。你休躁暴。〔張飛云〕罷罷罷。趙雲你去。〔趙雲云〕則今日統領軍馬。與夏侯惇交戰。走一遭去。征旗如血染。戰馬似蛟龍。劣缺搗搜漢。英雄膽氣生。若逢征戰處。務要見輸贏。我掌吾師計。必定獻頭功。〔下〕〔正末云〕劉封安在。〔劉封云〕軍師呼喚劉封。那廂使用。〔正末云〕劉封。你也領五百軍。去博望城南門。一人一箇簞箕。等貧道祭起風來。你那裡便與我播土揚塵。〔劉封云〕小將得令。〔正末唱〕

〔牧羊關〕則要你魚鱗般排軍陣。雁行般列隊伍。依着我運計鋪謀。我不要你戰鬪相持。我則要你揚塵也。那播土。你休去那垓心裡撞。你則向草坡裡伏。〔劉封云〕軍師。則怕不中麼。〔正末唱〕哎。你箇義子休心怕。你正是賊兒膽底虛。〔云〕小

心在意者。〔劉封云〕得令。奉軍師的將令。領五百人馬。去博望城外播土揚塵。走一遭去。我出的這門來。〔張飛云〕劉封。你那裡去。〔劉封云〕我奉軍師將令。領五百人馬。去博望城外播土揚塵去也。〔張飛云〕你看這村夫。不會行兵。着人播土揚塵。可不眯了人眼。你過來。我見他去。〔見正末云〕兀那村夫。我去播土揚塵。走一遭去。〔正末云〕你那槍快麼。〔張飛云〕我槍快。〔正末云〕你馬飽麼。〔張飛云〕馬飽。〔正末云〕你敢廝殺麼。〔張飛云〕我敢廝殺。〔正末云〕我可不用你。出去。〔張飛云〕這村夫。兀的不氣殺我也。〔關公云〕兄弟。你則依着師父。休要躁暴也。〔張飛云〕罷罷罷。劉封你去。〔劉封云〕則今日領五百人馬。一人一箇簋箕。去博望城外播土揚塵。走一遭去。大小三軍。聽吾將令。到來日遮天地征雲似火。槍刀明有似寒冰。仗軍師神機妙策。跟着我播土揚塵。〔下〕〔正末云〕糜竺糜芳安在。〔糜竺糜芳云〕師父。喚俺二將那廂使用。〔正末云〕糜竺糜芳。你二人領五百軍馬。博望城外等夏侯惇入的城中。你便與我舉火燒屯。〔糜竺糜芳云〕師父。小將得令。〔正末唱〕

〔賀新郎〕你向那博望城多準備着火葫蘆。〔云〕等他入的城來。着鹿角叉住巷口。當住城門。〔唱〕你與我先點着糧車。後燒着窩鋪。您四下裡火箭一齊去。火燒的他神豪也。那鬼哭火燒的他馬死人無。着他在火坑中喪了性命。都着他火陣內喪

了殘軀。〔糜竺云〕則怕三將軍他要去麼。〔正末唱〕你着那張將軍不索堵前怒。這的是黃公三略法。更壓着那呂望六韜書。〔云〕小心在意者。〔糜竺糜芳云〕得令。我出的這轅門來。〔張飛云〕您二將那裡去。〔糜竺云〕奉軍師將令。撥與俺五百人馬。着俺二人舉火燒屯去也。〔張飛云〕這村夫無理也。不着人廝殺。怎生放火燒人。你兩箇休去。我走一遭去。〔見正末科〕〔云〕兀那村夫。來來來。我舉火燒屯。走一遭去。〔正末云〕你槍快麼。〔張飛云〕槍快。〔正末云〕你馬飽麼。〔張飛云〕馬飽。〔正末云〕你敢廝殺麼。〔張飛云〕我敢廝殺。〔正末云〕我可不用你。出去。〔張飛云〕兀的不氣殺我也。〔關末云〕兄弟也。你休躁暴。〔張飛云〕糜竺糜芳。您去。〔糜竺云〕大小三軍。聽吾將令。三通鼓罷。拔寨起營。遮天地。征人似火。槍刀明有似寒冰。仗軍師神機妙策。跟着我舉火燒屯。〔下〕〔糜芳云〕某奉軍師將令。舉火燒屯。走一遭去。奉軍師將令。忙差統軍校弓弩齊排。博望城屯糧積草。都與某暗暗藏埋。火砲響驚天動地。施謀略巧計安排。若舉住夏侯元讓。難逃這火內之災。〔下〕〔正末云〕二將軍雲長。你也領五百軍。去那潞陵渡口。用沙囊土布袋。堰住那長流水。等夏侯惇軍馬過時。提閘放水。小心在意者。〔關末云〕得令。〔正末唱〕

〔隔尾〕關雲長。你去潞陵渡。〔關末云〕師父。潞陵渡怎生堰住水口。〔正末唱〕用土布袋把長江緊當住。水淹殺的軍兵死無數。他活時節是戰夫。死後做了水卒。〔云〕

二將軍雲長。〔關末云〕有。〔正末唱〕你若是得勝還營。你將我來自然許。〔云〕則要你幹事成功者。〔關末云〕得令。則今日點就五百軍馬。至潺陵渡口提閘放水。走一遭去。我出的這門來。〔張飛云〕二哥。你那裡去。〔關末云〕兄弟。你不知道。師父的將令。着我去潺陵渡口。提閘放水。走一遭去。〔張飛云〕二哥。你則道波。自從請下這村夫。搬調得俺弟兄每一頭放水。一頭放火。二哥你休去。等我去。兀那村夫。來來來。潺陵渡口。我去提閘放水去。〔正末云〕您那槍快馬。飽敢廝殺麼。〔張飛云〕我槍快馬飽。敢廝殺。〔正末云〕我不用你。出去。〔張飛云〕阿。又不用我也。〔劉末云〕兄弟。俺求賢用士哩。你依着師父出去。〔張飛云〕罷罷罷。二哥你去。〔關末云〕大小三軍。聽吾將令。跟着我提閘放水。走一遭去。吾師差遣漢雲長。潺陵渡口古滄浪。軍卒堰住河中水。片時翻做漢陽江。火燒博望似那田單陣。不弱如背水韓侯惡戰場。敗殘軍過潺陵渡。我着他軍馬連人水內亡。〔下〕〔張飛云〕這村夫真箇不用我。衆將去了。我好也要廝殺去。歹也要廝殺去。他不用我。我自過去。〔見科〕〔云〕來來來。兀那村夫。那裡有人不敢去的去處。我張飛走一遭去。〔正末云〕張飛。不是貧道不用你。你不爲上將。〔張飛云〕我怎生不爲上將。〔正末云〕我要差你出去。你也不能成功。〔張飛云〕我怎生不能成功。〔劉末跪科〕〔云〕師父。衆將都用了。張飛是一員虎將。可怎生不用他。你看小官之面。重用張飛。可也好也。〔正末云〕玄德公請起。張飛。我

本待不用你。看玄德公之面。不是我小覷你。我如今撥與你五百人馬。到來日日當卓午。夏侯惇領一百騎敗殘人馬。往許昌路上過。我兩隻手分付在你袖裏。你拏不住他一箇。〔張飛云〕我若拏住他一箇呵。你可輸些甚麼。〔正末云〕貧道與你打箇賭賽。到來日巳時未時。也是輸了。貧道正日當卓午。你撞見夏侯惇人馬。若是多一箇少一箇。也輸了。貧道整整的一百騎人馬。往你跟前去。你拏不住他一箇。〔張飛云〕我若是拏將夏侯惇來呵。你可輸些甚麼。〔正末云〕你說。你若拏將夏侯惇來。休說是夏侯惇。就是殘軍敗將。拏將一箇來。我也就當作夏侯惇。貧道就輸與你這軍師牌印。你若拏不將來。你可輸些甚麼。〔張飛云〕你放心。我睜着一雙大眼。我拏不住那夏侯惇呵。我擺一席請你。〔正末云〕要配上我這軍師牌印者。〔張飛云〕罷。我輸一顆牛頭。〔正末云〕也配不上。〔張飛云〕恁的呵。罷罷罷。我也賭着我這一顆六陽會首。則不我的賭着。連我二位哥的頭也賭着。〔正末云〕張飛。你要與貧道賭頭爭印。軍政司立了軍令狀者。〔張飛云〕兀那村夫。你聽者。我這一去。鞭敲金鐙響。凱歌齊聲唱。我輸了呵。緊綁綁剪了臂膊。直挺挺舒着脖項。我本是箇架海紫金梁。他不是托塔李天王。我得勝定掌軍師印。我不拏住不姓張。憑着這馬壯人強。我也曾鞭督郵魂飄蕩。石亭驛裏摔袁祥。這的是男兒當自強。〔正末唱〕

〔紅芍藥〕張將軍不索氣長吁。也不索你大叫哎高呼。我着你吞聲匿氣自然

伏。你休賣弄你那武藝滑熟。〔云〕日當卓午時候。〔唱〕又不是風清過二鼓。〔張飛云〕夏侯惇若是領着九十九箇。是你輸了。若一百單一箇。也是你輸了。〔正末唱〕整整的一百箇軍卒。他每都東歪西倒自長吁。他剛剛的整理的他那身軀。〔張飛云〕我若撞不見夏

侯惇呵。也是你輸了。〔正末唱〕

〔菩薩梁州〕恰待出博望得程途。剛尋着走路你跟前過去。你若是拏不住。怎的支吾。〔張飛云〕我也不信。我豹頭環眼。倒拏不住一目的夏侯惇。〔正末云〕張飛。不是我小覷你。我便與你一千軍馬。你休道是拏那夏侯惇來。你則拏的他一箇殘軍敗將來。也輸了貧道。〔張飛云〕啗兩箇賭頭爭印。立下軍狀了。我若拏將夏侯惇來呵。你可休不與我那牌印也。〔正末唱〕張將軍啗兩箇立下文書。若是你手裏親拏住。我則怕踏盡鐵鞋無覓處。你若違犯了。不輕恕。〔張飛云〕我若贏了你呵呢。〔正末唱〕你得勝腰間掛虎符。〔云〕張飛你輸了呵。〔唱〕你看我斬首權謀。〔劉末云〕兄弟也。既然軍師重用了你。則要你得勝成功而回者。〔張飛云〕大哥你放心。則今日統十八騎烏馬長槍。去許昌路上擒拏夏侯惇。走一遭去。莫量張飛統戰兵。豹頭慙戰鬼神驚。休誇曹操能征戰。若論相持我絕倫。烏馬偏宜獅蠻帶。白袍堪襯絳紅纓。試看燕人張翼德。放心我單拏去。一日夏侯惇。〔下〕〔劉末云〕張飛一時間躁暴。軍師神機妙

〔云〕哦。〔卒子云〕應的美。元帥這箇喚做罵陣。罵的惱了就廝殺。他說是你爹爹。你可再大着些壓伏他。〔夏侯惇云〕我知道。曉的是罵陣。譬如口強。便掙一半。我說大着降着他。我行不改名。坐不改姓。曹丞相手下大將夏侯惇。〔卒子云〕元帥大着些。〔夏侯惇云〕我知道。夏侯惇。我是你家重孫累孫。〔卒子云〕元帥。你怎麼與他做重孫累孫。倒越小了。〔夏侯惇云〕我不着。你這幾箇弟子孩兒。也送不了我。一了說做小做小。天下着了。兩家交馬處。他若是一槍刺下我馬來。恰待要殺。他看一看。他道是我家重孫哩。〔卒子云〕他也殺了。〔夏侯惇云〕兀那趙雲。你領多少人馬。與我廝殺來。〔趙雲云〕我領着十萬人馬。與你交戰。〔夏侯惇云〕你且住者。我揀兵書看一看。他兵十萬。我兵十萬。兀那趙雲。我不與你廝殺。〔趙雲云〕你怎生不與我廝殺。〔夏侯惇云〕你的是十萬。孫武子兵書曰。你兵是十萬。我兵是十萬。遇敵兵而不戰。你強我弱。不與你廝殺。〔趙雲云〕兀那夏侯惇。我這裡十萬人馬。退了五萬。則用五萬戰你那十萬人馬。〔夏侯惇云〕我兵十萬。你兵五萬。你退了五萬。肯退了那好兵。都是囊的懦的。老的小的。病的跛的。則留下精壯的。孫武子兵書挑兵而不戰。〔趙雲云〕我十萬兵都不要。則我一人一騎。與你交戰。〔夏侯惇云〕等我再看。我兵十萬。他則是一人。越發不戰了。〔趙雲云〕怎生又不戰。〔夏侯惇云〕一人捨命。萬夫難當。操鼓來。〔一將交戰科〕〔夏侯惇云〕花腔邊鼓。搖。三軍齊吶喊。二騎馬相交。〔趙雲云〕

看了這厮的武藝。則是如此。我虛擲一槍。佯輸詐敗。望博望城中走走走。〔下〕〔夏侯惇云〕這厮走了也。他來如狼似虎。去後似犬如貓。有你走處。有我趕處。饒你走到焰魔天。隨後駕雲須趕上。不問那裡趕將去。〔趕下〕〔趙雲上〕〔云〕某乃趙雲。佯輸詐敗。來到這博望城中。三軍望城中南門入北門出。俺進城去來。〔下〕〔夏侯惇趕上〕〔云〕三軍來到這博望城也。跟着我趕殺進城去來。〔做入城科〕〔云〕這厮走了也。這一城都是糧草。原來都是劉關張家的糧草城池。便好道功大者無過救駕。計毒者無過斷糧。先得了他糧草城池。小校先替我將四城門把住。〔卒子云〕得令。〔夏侯惇云〕怎生無有東門西門。則有南門北門。便替我關上城門。聽我將令。暗與劉關張家整廝殺了一日。今夜晚間。都解衣卸甲。不要您提鈴喝號。也不要您轉箭支更。更有鋪蓋的打開鋪蓋睡。沒鋪蓋的扯下那草來鋪着睡。怕冷的鑽入草垛裏睡一夜。明日與他廝殺。睡去。〔衆做睡科〕〔糜竺糜芳領卒子上〕〔糜竺云〕某乃糜竺糜芳是也。奉軍師將令。着俺二將舉火燒屯。來到這博望城下也。怎生關閉着這城也。小校立起雲梯。我試望者。夏侯惇軍馬兀的不睡着了也。等某先發一箭。我這裡急取弓和箭。搭上鳳翎毛。推出弓靶去。拽損瘦龍腰。火箭如神射。火焰騰騰飄。燎折北斗柄。燒死衆英豪。三軍齊發箭。火起了也。俺軍師府裏獻功那。走一遭去。〔同糜芳下〕〔夏侯惇做睡醒科〕〔云〕哎約。好大火燒殺我也。三軍打開城門逃性命。走走走。〔下〕

〔劉封領卒子上〕〔云〕某乃劉封是也。奉軍師將令。着某簳土揚塵。放榴木砲石。等待夏侯惇。這早晚敢待來也。〔夏侯惇慌科上〕〔云〕來到這博望山底下。上山走。〔劉封云〕夏侯惇的軍馬來了也。三軍播土揚塵。放榴木砲石。〔夏侯惇云〕哎。約。又不好也。榴木砲石打將下來了。不好了。噲往潺陵渡逃命去來。〔下〕〔劉封云〕簳土揚塵放榴木砲石。打中了曹兵也。我回軍師的話。走一遭去。〔下〕〔關末領卒子冲上〕〔云〕某乃關雲長是也。奉軍師將令。着某提閘放水。來到這潺陵渡口也。夏侯惇敢待來也。〔夏侯惇上〕〔云〕三軍走走走。俺來到這潺陵渡口也。昨日與劉關張家交戰。整廝殺了一日。趙雲敗走。趕入博望城。那廝又走了。被某占了糧草城池。關了城門。濃睡一夜。來日再與他交戰。誰想中了諸葛懶夫之計。舉火燒屯。燒殺了我一半人馬。出城被他簳土揚塵。把我眯了眼。又殺了我一半人馬。到的博望山下。榴木砲石。又打殺了我一半人馬。俺如今領着敗殘軍馬。來到這潺陵渡口也。小軍兒着一箇下河去。看河裏水勢深淺。〔卒子云〕元帥則有漫脚面的水。〔夏侯惇云〕既是漫脚面的水。三軍一齊下河去。把您身上火燒的泡。着水泡一泡。害渴的就喫些涼水。淋洗一淋洗身上。〔關末云〕夏侯惇敗殘軍馬來了也。三軍與我提閘放水。兀的不水淹了曹兵也。三軍跟着我回軍師話。走一遭去。〔下〕〔夏侯惇云〕罷了罷了。水淹下來也。三軍跟着我擗手浮。擗手浮。狗跑兒浮。狗跑兒浮。蹚水兒浮。蹚水兒浮。鴨兒浮。鴨兒浮。觀

音浮觀音浮。上的這岸來。噍。廝殺了一日一夜。劉備家軍將見了趙雲糜竺糜芳劉封關大王都見了。止不會見張飛。噍。不要往華容路上去。順着蜿蜒小道兒。望許昌路上走走。〔下〕〔張飛領卒子上〕〔云〕大小三軍。擺開陣勢。夏侯惇敢待來也。〔夏侯惇領卒子慌上〕〔云〕三軍跟着我往許昌路上逃命。走走走。〔張飛云〕來者何人。〔夏侯惇云〕某乃夏侯惇是也。你來者何人。〔張飛云〕某乃張飛是也。〔夏侯惇云〕好也。趕了他一日。恰好撞在他懷裏。三叔。你是一員名將。你又是箇知禮的人。且不要動手動脚的。聽姪兒說與三叔。你要與姪兒廝殺。正是趕乏兔兒相似哩。〔張飛云〕怎生是趕乏兔兒。〔夏侯惇云〕三叔。你好歹明理也。聽姪兒說。我領出十萬人馬來。與您趙雲廝殺。趙雲敗走。着我趕入博望城。誰想趙雲又走了。我占了您糧草城池。濃睡一夜。來日再與你交戰。不想被劉封放火。燒了我一半軍馬。出的城來。被糜竺糜芳簾土揚塵。沙土眯殺了一半軍馬。有一半小軍兒。還在那裡擦眼哩。上的博望坡。榴木砲石。又打殺了一半人馬。來到潺陵渡口。被您二哥提閘放水。又淹殺了我一半人馬。便好道軍行千里。不戰而自乏。你如今要擊我去呵。則是趕乏兔兒相似。如今依着我。放我一箭之地。埋鍋造飯。人喫些茶飯。馬喫些草料。到明日我上的馬去。與你兩陣對圓。旗鼓相望。兩陣之間。你若擊了我。萬代清名不朽。三叔。你是箇知禮的人。您孩兒不敢自尊。望三叔思之。〔張飛云〕兀那匹夫。你敢與我交戰麼。

〔夏侯惇云〕三叔。你要擊就擊了我去罷。〔張飛云〕你那裡有多少人馬。〔夏侯惇云〕我還不會點軍哩。小校點一點。看還有多少人馬。〔卒子云〕一五一十。不少不多。還有一百騎人馬哩。〔夏侯惇云〕三叔。我這裡不多不少。連我則一百騎人馬。你要擊就擊了去。着人罵你一世。放我一箭之地。埋鍋造飯去。〔張飛云〕既然這等罷罷罷。將你那着刀中箭的小軍來權爲質當。〔夏侯惇云〕我知道三叔張飛不肯着我們一箇着刀中箭的小軍兒權爲質當。您那一箇來。與他權爲質當。〔卒子云〕元帥。我們與他廝殺了一日一夜。逃出命來。家中也有那一爺二娘三兄四弟。那箇肯去。都不肯去。〔夏侯惇云〕是說的是。三叔。俺與你廝殺了一日一夜。火燒殺了一半。鏖土揚塵。眯殺了一半。擂木砲石。打殺了一半。水淹殺了一半。都是沙裏澄金。纔逃出性命來。他家中也有那一爺二娘三兄四弟五子六妹七青八黃九紫十赤。放我一箭之地。埋鍋造飯。喫飽了。兩陣之間。你就擊了我去。着人便道是張飛活擊了夏侯惇也。萬代標名。你如今就要擊了我去。着人便道。夏侯惇與趙雲糜竺糜芳劉封關大王。整廝殺了一日一夜。人困馬乏。張飛擊了去獻功也。萬代罵名不朽。你是箇聰明人。三叔你思之。〔張飛云〕罷罷罷。放你一箭之地。〔夏侯惇云〕謝了三叔。〔卒子云〕元帥。我們如今可埋鍋造飯。〔夏侯惇云〕傻廝。埋甚麼鍋。造甚麼飯。這箇是孫武子兵書曰脫身之計。支轉他推埋鍋造飯。擊那折槍折弩破牌破鞍子。堆在一處。你如

今再打些蒿草柴來。一層乾蒿子。一層濕蒿子。打起火鏟火石。燒起煙來。再砍下些柳枝來。拴在馬尾巴上。揚起灰塵煙。又是那草偶灰塵。又狂天的起風。又是刮。俺在上風頭。他在下風頭。刮下煙去。則說俺真箇埋鍋造飯哩。順着蚰蜒小道兒。我直走到哈密里去也。〔卒子云〕依着元帥。將這折槍破鞍子蒿草偶起煙來了也。〔夏侯惇云〕兀的煙起了也。順着蚰蜒小道兒。走走走。〔下〕

〔卒子報科〕〔云〕可不早說。報的三將軍得知。有夏侯惇走了也。〔張飛云〕怎生夏侯惇走了也。小校看多早晚時候也。〔卒子云〕日當卓午也。〔張飛云〕嗨。這軍師是能也。他道日當卓午。撞見夏侯惇。領着一百騎敗殘人馬。兩隻手分付到我袍袖裏。說我擎不住夏侯惇。休道是夏侯惇。就是敗殘軍卒也擎不住一箇。我與他賭頭爭印來。果然今日撞見夏侯惇那厮。告某推埋鍋造飯去。偶煙計走了也。張飛也。眼見的輸了你也罷。大丈夫睜着眼做。合着眼受。則今日元帥府裏請罪。走一遭去。則爲那無徒賊子說英雄。可問張飛不見功。今日箇請罪親臨元帥府。方顯軍師妙算能。〔下〕

〔劉末正末領卒子上〕〔劉末云〕師父。如今二兄弟雲長等衆將與夏侯惇在博望城交戰去了。憑着師父神機妙策。衆將必然成功也。令人門首覷者。衆將來時。報復我知道。〔正末云〕玄德公。不必憂心。我觀戰討之氣。他衆將必然成功也。安排下果卓盃盤。準備慶喜。不一時有報功之將來也。〔唱〕

〔雙調新水令〕管教這數千員敢戰的鐵衣郎。則有箇莽張飛。他可便不伏諸葛亮。則因惡戰討我。可便懶下臥龍岡。則他這戰馬刀鎗。多無那半箇時分見明降。〔云〕玄德公。暗安排下慶喜的酒者。〔劉末云〕小校門首覷者。衆將來時。報復俺知道。〔卒子云〕理會的。〔趙雲上〕〔云〕某乃趙雲是也。奉軍師的將令。某佯輸詐敗。將夏侯惇引入博望城中。建其大功。回軍師話。走一遭去。可早來到也。不必報復。我自過去。〔見科〕〔云〕軍師。趙雲引戰夏侯惇。引入博望城中。成功而回也。〔正末云〕好將軍也。一壁有者。看有那一員將軍來。〔糜竺糜芳上〕〔云〕某乃糜竺糜芳是也。舉火燒屯成功也。見軍師走一遭去。可早來到也。不必報復。我自過去。〔見科〕〔云〕軍師。俺二將舉火燒屯。成功而回也。〔正末云〕貧道已知。且一壁有者。看有那一員將軍來報功。〔劉封上〕〔云〕某乃劉封是也。鎚土揚塵。成了功也。見軍師報功。走一遭去。可早來到也。不必報復。我自過去。〔見科〕〔云〕軍師。劉封鎚土揚塵。成功而回也。〔正末云〕且一壁有者。看有那一員將軍來。〔關末上〕〔云〕某乃關雲長是也。提關放水。得勝成功。軍師府獻功。走一遭去。可早來到也。不必報復。某自過去。軍師。某提關放水。渰死曹兵太平。成功而回。特來報功。〔正末云〕您衆將都成了功也。小校擡上果卓來者。〔卒子云〕理會的。〔正末云〕將酒來。二公子滿飲一杯。〔關末云〕關某不敢。此一陣皆托賴軍師妙算。大哥虎威。軍師先請。〔正末唱〕

〔風入松〕您衆將軍武藝委實強。〔云〕好將軍也。〔唱〕更那堪狀貌堂堂。捨性命便往垓心裏撞。恰便似鬧垓垓虎蕩羣羊。飲過酒今番不忘。爲將帥顯高強。〔云〕

您衆將都來全了麼。〔劉末云〕衆將皆全。則少張飛哩。〔正末云〕玄德公眼見的輸了貧道也。

〔劉末云〕衆將都皆成功。未知俺兄弟張飛如何。令人門首覷者。張飛來時。報復我知道。〔卒子云〕理會的。〔張飛袒臂負荊上〕〔云〕某張飛是也。做學春秋廉頗。袒臂負荊。軍師府裏請罪。走一遭去。〔做見關末科〕〔云〕二哥。張飛來了也。〔關末云〕哎呀。哎呀。兄弟也。你怎生這箇模樣。俺軍師如何。〔張飛云〕好軍師。好軍師。〔關末云〕你擎的夏侯惇安在。〔張飛云〕夏侯惇走了也。〔關末云〕怎生夏侯惇走了。兄弟。你不與軍師賭頭爭印來。似此怎了也。〔張飛云〕哥哥。軍師行善言者。〔關末云〕兄弟。你則在門首。等我報復去。〔張飛云〕二哥。是必勸勸兒。〔關末云〕你有些多小心。〔報科〕〔云〕報的軍師得知。有張飛回來了也。〔正末云〕眼見得輸了貧道也。小校將過那軍師牌印來者。着他過來。〔唱〕

〔鴈兒落〕眼見的鞭敲金鐙響。將凱歌齊聲唱。緊綁綁拴住臂膊。直挺挺舒着脖子。〔張飛做見科〕〔云〕軍師舊話休題。饒過張飛者。〔正末唱〕

〔得勝令〕張飛也。你不道是架海紫金梁。他不是那托塔的李天王。得勝掌軍

師印。你道是不挈住不姓張。你憑着馬壯人強。你道是鞭督郵魂飄蕩。你會摔袁祥。〔帶云〕張飛你不道來那。〔張飛云〕我道甚麼來。〔正末唱〕你道是男兒當自強。〔張飛

云〕軍師張飛。齷齪乞望寬恕者。〔正末云〕張飛夏侯惇安在。〔張飛云〕夏侯惇走了也。〔正末云〕怎生。〔張飛云〕走了也。〔正末云〕夏侯惇走了也。你與貧道不賭頭爭印來。更待干罷。小校那裡。怒呼刀斧莫延遲。虎將登時血染衣。我未去許昌擒曹操。先看帳下斬張飛。小校斬了張飛者。〔卒子云〕理會的。〔劉末同衆將跪下科〕〔劉末云〕衆將跟某跪者。師父張飛今日得罪。怎生看小官之面。且饒過張飛。不爭殺了他呵。做的箇於軍不利。劉備不敢自尊。乞軍師尊鑑不錯。〔正末云〕玄德公請起。若不看玄德公之面。這其間斬了張飛多時也。且放張飛起來。〔劉末云〕三兄弟謝了軍師者。〔張飛云〕謝軍師不斬之恩。〔卒子云〕可不早說。喏。報的軍師得知。夏侯惇領一百騎人馬又來索戰哩。〔正末云〕張飛你聽的麼。夏侯惇又來索戰哩。你敢去麼。〔張飛云〕我敢去。我敢去。〔正末云〕我撥與你三千軍馬。與夏侯惇交戰。若是贏了呵。將功折罪。若是輸了呵。二罪俱罰。小心在意者。〔劉末云〕兄弟此一去。則要你成功。休着您哥哥落保也。〔張飛云〕大哥你放心也。則今日統領本部下人馬。擒拿夏侯惇。走一遭去。則我這軍器叢中分外別。層層疊疊緊相接。有如枯竹根三尺。恰似烏龍尾半截。打人面貌生殺氣。丟人腦蓋損英傑。饒君更披三

做見科〔云〕丞相呼喚貧道。有何事商議。〔曹操云〕今日請師父來。別無他事。頗奈諸葛亮無禮。將夏侯惇十萬雄兵。盡皆折損。今日請師父來。就拜爲軍師。怎生用計。破他弟兄三人。擒拏諸葛亮。軍師主意如何。〔管通云〕此一莊事。丞相放心。我與諸葛亮同師故友。比及與劉關張交戰。我先到新野。將諸葛亮一席話說說將來。同心協力。然後破劉關張。未爲晚矣。丞相意下若何。〔曹操云〕此計大妙。軍師。你直至新野說說諸葛去。若肯佐於某麾下。擒拏了劉關張弟兄三人。將師父重賞封官也。〔管通云〕則今日便索長行。不索驅軍將。妙策旋安排。我輕輕垂下釣。着他款款上鉤來。〔下〕〔曹操云〕管通師父去了也。此一去必然成功也。果然諸葛亮肯投降某麾下。我自有的主意。管通今日便登程。直至新野訪臥龍。若得南陽耕種叟。擒拏劉備那三人。〔下〕〔正末劉末關末張飛趙雲糜竺糜芳劉封領卒子上〕〔劉末云〕師父。想博望燒屯這一場廝殺。多虧師父鋪謀定計。衆將得勝也。今日安排筵席。與師父慶喜者。〔正末云〕玄德公擺列衆將齊整者。我纔袖占一課。今日當卓午。必有說客至此。您衆將每則要您威風者。〔唱〕

〔中呂粉蝶兒〕自從和曹操爭鋒。恰如同一場春夢。擺列着蓋國英雄。一箇箇善相持能挑戰。他可便超羣出衆。一箇箇都建了頭功。眞乃是世之梁棟。〔醉春風〕想昔日夢非熊。您今朝請臥龍。我可甚兩三番懶下臥龍岡。我其實

怕兀兀。我今日當權掌軍師名項。則不如我在那半坡里養性。〔云〕玄德公安排酒果。准備的齊整者。不到半時。必有說客至此。則要糜竺糜芳在此。其餘將軍都來聽令。趙雲附耳來。可是恁的。〔做打耳暗科〕〔趙雲云〕師父連主公也着迴避。您衆將聽師父將令。糜竺糜芳緊守着師父。小心在意者。〔正末云〕是也。〔劉末云〕師父連劉備也着迴避。衆將聽師父將令。糜竺糜芳緊守着師父。小心在意。〔趙雲云〕俺迴避也。〔同衆下〕〔管通上〕〔云〕貧道管通是也。自離魏地。可早來到新野。小校報復去。道有一雲遊先生。乃是管通。特來相訪。〔卒子云〕理會的。喏。報的軍師得知。有一雲遊的先生管通。在於門首。〔正末云〕我須索接待哥哥。走一遭去。〔見科〕〔云〕哥哥有請。〔管通云〕不敢。〔正末云〕哥哥。俺一向相別。拳拳在意。終日無忘。不想哥哥今日來到。實乃諸葛之萬幸也。〔管通云〕賢兄久別情懷。常思快快。嘆美景無多。流光易邁。想音容切切於心。思大德懸懸在念。自菴中作別以來。無一時忘於左右。今日得遇尊顏。實乃貧道之萬幸也。〔正末云〕哥哥請坐。小校擡上果卓來者。〔卒子云〕理會的。〔正末云〕將酒來。〔做遞酒科〕〔云〕哥哥滿飲一杯。〔管通云〕不敢。賢兄請。〔做飲酒科〕〔正末唱〕

〔迎仙客〕俺今日飲醪。我這裡便捧金樽。〔管通云〕想數載舊交之情。故來探望也。〔正末唱〕喏。須是二十年布衣間。布衣間。便可舊那箇弟兄。〔管通云〕我一徑的探

兄弟來。〔正末唱〕不知你事江東。〔管通云〕我佐於曹丞相麾下。〔正末唱〕原來你便居在那漢中。〔管通云〕數載不見。今日相逢也。〔正末唱〕不想俺今日相逢。〔管通云〕貧道遠道而來。不辭勞憊也。〔正末唱〕哥哥你便來探望勞台重。〔云〕將酒來。〔卒子云〕理會的。〔正末做遞酒科〕〔云〕哥哥滿飲此杯。〔管通云〕兄弟。想你在玄德公麾下爲軍師。如此般崢嶸。可也不枉了也。〔正末云〕您兄弟自離了哥哥失學。也則是虛耽軍師而已矣。〔管通云〕你休謙。你休謙。〔正末云〕哥哥今日既見了您兄弟。須多飲幾盃。將酒來。哥哥滿飲此盃。〔管通云〕兄弟請。〔正末云〕糜竺糜芳。我這哥哥。難比其餘的。可會藏機之術。您這元帥府下。者麼您甚麼物件。不問你藏在何處。我這哥哥便得知道。〔管通云〕賢弟。此箇術法。也不爲能智。既然二位將軍要看呵。您就在元帥府下。者麼將着是何物件。放在何處。貧道便得知也。〔正末云〕你知道麼。〔糜竺糜芳藏棋子科〕〔正末云〕你衆將軍看者。〔唱〕

〔別銀燈〕非是我廳堦前賣弄。你衆將休要打鬪。若猜着衆將休驚恐。您試看變化的這神通。這的是真術藝。又不是說脫空。睜着眼都不要轉動。

〔蔓菁菜〕您把兩隻手拳的無縫。〔云〕糜竺糜芳。一邊一箇立地舒出手來。〔糜竺糜芳擎棋子科〕〔管通云〕您手中各有一件物。着貧道算。我知道了也。如何瞞的過貧道。您二人暗使機關。

我通玄機妙用難量。您手拈着黑白二子。乾坤事一掌包藏。你擎着九箇黑棋子。他擎着九個白棋子。你不信。二位將軍開手者。〔正末唱〕這棋子暗包籠。端的是用功。〔管通云〕您二位將軍試開手者。〔正末唱〕死共活都只在我手心中。不灑了成何用。〔管通云〕我觀二將氣象。也無能智。你依着我。若見了曹公。必拜你爲軍師。俺丞相手下雄兵百萬。戰將千員。聲傳宇宙。威鎮諸邦。我舉薦你數遭有餘也。你跟着我去。你意下如何。〔正末云〕哥哥可也說的是。您兄弟這裡有幾間房舍。鎖着幾件物。哥哥你若相的是。您兄弟便跟哥哥去。〔管通云〕你這五間房內。每一間房內一件物。着貧道算。暗暗貧道已知也。量這的打甚麼不緊。〔正末云〕哥哥。你相道一間房裏是如何。〔管通云〕此房中敢是箇客商之將麼。〔正末云〕哥哥。你敢相的不是麼。〔管通云〕開了門者。〔做開門科〕〔趙雲上〕〔云〕管通。你認得某麼。〔正末云〕哥哥。你看這第二間房如何。〔管通云〕這間房內是箇二姓之將。〔正末云〕小校開了門者。〔做開門科〕〔劉封上〕〔云〕管通。你認的某麼。〔正末云〕哥哥。你看這第三間房裏可是如何。〔管通云〕此間房內。這箇將軍。雄如彪虎。猛若狻猊。戰陣有勇之將。〔正末云〕哥哥。你敢相的差了也。〔管通云〕我相的不差。你開了門者。〔正末云〕小校開了門者。〔做開門科〕〔張飛上〕〔云〕管通。某在此也。〔正末云〕哥哥。你相這第四間房裏如何。〔管通云〕這間房內。這箇將軍神威狀貌。氣秉忠良。意合天心。一部神威之將。

〔正末云〕哥哥。你敢猜不着麼。〔管通云〕開了門者。〔做開門科〕〔關末上〕〔云〕關某在此也。〔管通云〕這幾個將軍。生的雄威驚勇虎將之材。他都是上將。我不認的他。姓甚名誰。兄弟。你試說。我試聽者。〔正末云〕我一箇箇說與哥哥者。〔管通云〕他是誰。〔正末唱〕

〔十二月〕這箇是常山趙雲。〔管通云〕這箇是誰。〔正末唱〕這箇是義子劉封。〔管通云〕這箇是誰。〔正末唱〕這箇是燕人翼德。〔管通云〕這箇是誰。〔正末唱〕這箇是勇烈關公。

〔管通云〕貧道相的不差也。〔正末唱〕哎。你箇能相法。哥哥管通。你可也比衆難同。〔云〕哥哥。這四間房。哥哥都相過了。哥哥。你看這間房裏如何。〔管通云〕我觀這間房中。氣象全別。你看那祥雲籠罩。紫氣騰騰。必是貴人之相。都壓着這幾位將軍。兄弟不信呵。開了門。我試看者。〔正末做怒科〕〔云〕休開門。〔管通云〕開了者。〔正末云〕休開門。〔管通云〕你爲何不開。〔正末云〕哥哥。不爭您兄弟開開這門。〔唱〕

〔堯民歌〕呀。我則怕頓開金鎖走蛟龍。這幾箇戰將有威風。您衆將都是廟堂臣。凌煙閣端的是可標名。論戰討超也波羣。崢嶸箇箇能。〔劉末上〕〔云〕師父。某在此處。〔正末唱〕則俺這劉玄德堪知重。〔劉末云〕兀的不是管通。你好無禮。你怎生下說詞。着師父投降曹操。更待干罷。趙雲與我擎下管通斬了者。〔正末云〕玄德公。看貧道一師之面。饒了

他者〔劉末云〕看師父之面。囚在牢中去者。〔管通云〕罷罷罷。諸葛亮是強也。諸葛妙策占星斗。談天論地應難有。當初則說管通強。今日箇強中更有強中手。〔下〕〔劉末斷出〕因爲那曹操奸雄。將夏侯惇拜做先鋒。遇趙雲佯輸詐敗。追趕到博望城中。着雲長提閘放水。使劉封鑿土揚塵。俺軍師故使巧計。舉火箭博望燒屯。則今日收軍罷戰。再不許起動刀兵。

題目

關雲長提閘放水

正名

諸葛亮博望燒屯

博望燒屯穿關

頭折

劉末 多簷帽 蟒衣曳撒 黃袍 項帕 關末 滲青巾 蟒衣曳撒 紅袍 項帕 張飛

包巾 蟒衣曳撒 皂袍 項帕 卒子 紅碗子盔 青布釘 正末諸葛亮 捲雲冠 紅

直纏 襟膊 帶 猛髯 竹節鞭 劉末 關末 張飛 叉上 同 趙雲 三山帽 蟒衣曳撒

繼兒 三髯 道童 雙髻鬚髮陀頭 繼兒 劉末 關末 張飛 叉上 同 趙雲 三山帽 蟒衣曳撒

第二折

曹操 兔兒角幘頭 補子圓領 許褚 皮盔 膝襴貼裏 掩心甲 卒子 同 張遼 鳳翅盔

袍 項帕 直纏 襟 夏侯惇 皮多簷帽 膝襴曳撒 掩心 劉末 關末 張飛 趙雲

同劉封 糜竺 糜芳 鳳翅盔 膝襴曳撒 袍 項帕 三髯髯 正末諸葛亮 道童 同

第三折

夏侯惇卒子

同前

趙雲卒子趙雲又上

同前 躍馬兒

夏侯惇又上糜竺糜芳卒子劉

封卒子

同前

夏侯惇又上關末卒子夏侯惇又上同前張飛卒子夏侯惇又上劉

末正末諸葛亮卒子

同前

趙雲又上糜竺糜芳又上劉封又上同前關末又上同前

張飛又上

同前

第四折

曹操卒子

同前管通

散巾

邊欄道袍 三髯髯 裙扇

繼

正末諸葛亮劉末關末張飛趙雲糜竺

糜芳卒子

同前

管通又上趙雲又上劉封又上


同前

張飛又上關末又上劉末又

上

同前

萬曆四十三年乙卯二月廿九晦日校內本大約與諸葛亮掛印氣
張飛同意此後多管通一節筆氣老幹當是元人行家清常道人記



摩利支飛刀對箭

元闕名

頭折

〔冲末徐懋功領卒子上〕〔云〕少年錦帶掛吳鉤。鐵馬西風塞草秋。全憑匣中三尺劍。坐中往往覓封侯。老夫姓徐。雙名世勣。祖居曹州離狐縣人也。自立大唐以來。頗有章句。以功名而取富貴。今謝聖人可憐。加某爲英公軍師之職。今有海東一十六國。與俺大唐年年進貢。歲歲來臣。聞知高麗國不順俺大唐。新收一員上將。姓蓋名蘇文。官封大將摩利支。領十萬雄兵。在鴨綠江白額坡前。將各處進貢。都邀截了。又下將戰書來。單搦俺大唐名將。與他交鋒。夜來聖人作一夢。夢見與摩利支交戰。忽然見一白袍小將。跨騎白馬。手持方天畫戟。戟。一陣殺退摩利支。天子問白袍小將那裡人氏。姓甚名誰。白袍小將言曰。我家住在虹霓三刀。天子灑然驚覺。可是南柯一夢。聖人着老夫圓此一夢。老夫想來。這虹霓者是絳也。三刀者是州也。這箇應夢將軍。必然出在絳州龍門鎮。奉聖人的命。就出黃榜。招攬義勇好漢。着張士貴先去絳州龍門鎮。招攬義軍去了。許多時不見回還。我今親身直至絳州。催攬義軍。走一遭去。張士貴休避辛勤。出黃榜曉諭多人。普天下招攬好漢。必然有應夢將軍。〔下〕〔李老兒同卜兒旦兒上〕〔李老兒云〕急急光陰似水流。等閑

白了少年頭。月過十五光明少。人到中年萬事休。老漢絳州龍門鎮大黃莊人氏。姓薛。是薛大伯。嫡親的四口兒家屬。婆婆王氏。媳婦是柳迎春。孩兒薛驢哥。不肯做莊農的生活。每日家則是刺鎗弄棒。舞劍輪叉。我說起來。他母親讓在頭裏。薛驢哥那裡去了也。〔旦兒云〕薛驢哥不知那裡去了也。〔李老兒云〕媳婦兒。不問那裡。尋將薛驢哥來。〔卜兒云〕媳婦兒。依着你公公。不問那裡尋將他來。〔旦兒云〕理會的。下次小的每。前街後巷。不問那裡。尋將薛驢哥來。說他父親尋他哩。〔正末上〕〔云〕自家絳州龍門鎮大黃莊人氏。姓薛。名仁貴。嫡親的四口兒家屬。一雙父母年高。我自小學成十八般武藝。無有不拈。無有不會。俺父親母親。每日則着我使牛耕種。薛仁貴也。幾時是我那發達的時節也呵。〔唱〕

〔仙呂點絳脣〕萬里青霄。四方明照。行仁道。俺父親他則着我耕種鋤鉋。似恁的幾時上凌煙閣。

〔混江龍〕我如今五陵年少。不能穀奪旗。捲鼓顯英豪。恰便似天邊老鴈。更和那雲外孤鶴。我不能穀邊塞上統軍居帥府。丹墀內束帶立於朝。我乾受了半生苦志。十載劬勞。姜太公渭河邊垂釣。伍員在丹陽縣吹簫。待進來眼前有八荒荆棘。待退來腦後有萬丈波濤。我如今脩不成活計。壘不就窩巢。每日家苦

淹淹守定這座大黃莊。空着我便眼巴巴盼不到長安道。我不能穀奮青雲鵬。我倒不如那傲夏日鷓鴣。〔云〕薛仁貴也。幾時是你那發達的時節也呵。〔唱〕

〔油葫蘆〕空着我每夜思量計萬條。閑遙遙的何日了。看別人臥重裯。食列鼎。喜任消。一會家我運不行。似喫着迷魂藥。一會家我志不成。似喫着無心草。聖人道。貧不憂。富不驕。我這裡怨天公。安排得我便無着落。困蟄龍久隱在草團瓢。

〔天下樂〕幾時能穀宮殿風微燕雀高。我這裡便量也波度。不由我心內焦。則我那上天梯。若還尋覓着。龍能穀致雨風。虎能穀奮牙爪。將我這平生志須應了。〔見旦兒科〕〔二云〕大嫂做甚麼。父親尋我來不曾。〔旦兒云〕薛驢哥。你在那裡來。父親母親尋你哩。你過去見父親去。〔正末云〕我見父親去。〔做見李老兒科〕〔李老兒云〕薛驢哥。你來了也。〔正末云〕父親母親。您孩兒來了也。〔李老兒云〕你那裡去來。〔正末云〕我使牛去來。〔李老兒云〕你看他着言語支對我。你使牛去來。耕了多少田地。〔正末云〕我耕了二畝田地。〔李老兒云〕好也。你去了。一日。則耕了二畝田地。媳婦兒。將棒子來。我打這廝。〔正末唱〕

〔那吒令〕我這裡見父親煩煩惱惱。〔卜兒云〕老的。休打孩兒。且饒過這一遭者。〔正末

唱〕母親那裡勸着。俺父親他慥慥慥慥。〔旦兒云〕哎。這箇父親。今日也說打。明日也說打。不付能尋將來。父親可又不打他。〔正末云〕噤聲。〔唱〕他那裡嘴不刺的他也聒聒噪噪。〔李老兒云〕我說着他。他倒尋媳婦兒的不是。孩兒也。你也似不的那閨子賢。會參孝。〔正末唱〕我似不的那閨子般賢。我學不的曾參般孝。和你一箇瞽瞍把我閑瞧。〔李老兒

云〕黃桑棍拷折你腰。近不的你。我告到官中。着你坐下牢底來。〔正末唱〕

〔鵲踏枝〕動不動黃桑棒拷折腰。是不是坐囚牢。我可甚恭儉溫良。你可甚善與人交。〔李老兒云〕你不做莊農生活。每日則是刺鎗弄棒。你怎麼能彀長進。〔正末唱〕有一日長全我這六梢。〔李老兒云〕你可待往那裡去。〔正末唱〕我可敢飛騰過萬里青霄。〔李

老兒云〕俺莊農人家。欲要富。土裏做。欲要牢。土裏鉋。你說你會武藝。你就在這草堂上敷演一遍。我試看者。〔正末云〕我在這草堂上敷演一遍。父親母親。你試看者。〔唱〕

〔寄生草〕我若是臨軍陣惡戰討。遮莫他撲碌碌隊伍在這殺場上鬧。亂紛紛土雨在空中落。慢騰騰殺氣頭直上罩。遮莫便骨刺刺雜彩繡旗搖。遮莫便撲鑿鑿畫鼓征鼙噪。〔李老兒云〕孩兒也。俺則做莊農的好也。〔正末云〕父親。如今絳州龍門鎮。貼起黃榜。招安義勇好漢。您孩兒要投義軍去。不知父親母親意下如何。〔李老兒云〕孩兒也。想着

俺兩口兒眼睛一對。臂膊一雙。則看着你哩。你去了呵。可着誰人養活俺也。好也不要你去。歹也不要你去。〔卜兒云〕老也。俺兩口兒偌大年紀也。則看着孩兒一箇。休着孩兒去。〔正末唱〕

〔後庭花〕休將你這歹孩兒留戀着。枉把我這功名來耽誤了。〔李老兒云〕你這一去。憑着你甚麼武藝那。〔正末唱〕憑着我這四海五湖量。〔李老兒云〕孩兒也。則做莊農罷。

〔正末唱〕我怎肯深村裏窮到老。〔李老兒云〕兩陣之間。你怎生與他拒敵。〔正末唱〕你看我便顯英豪。聽您這歹孩兒言道。馬頭前若撞着。仗英雄顯榮耀。〔卜兒云〕孩兒也。便好道父母在堂。不可遠遊也。〔正末唱〕見母親留戀着。老家尊心內焦。〔李老兒云〕好共歹不要你去。〔正末云〕父親。您孩兒若不去呵。〔唱〕

〔青哥兒〕休阿〔阿字疑誤〕枉惹的鄉人鄉人恥笑。〔云〕父親。您孩兒盡忠。不能盡孝也。〔唱〕我報不的哀哀父母劬勞。〔李老兒云〕孩兒也。你伴着那沙三伴哥王留。飲酒耍子。可不好。〔正末唱〕我可甚麼人伴賢良智轉高。〔李老兒云〕你聽的誰說來。〔正末唱〕則聽的絳州人道。黃榜上名標。我將這義軍來投了。骨剌刺擺開旗號。二馬相交。珞玳的箭對了飛刀。輕舒猿猴。磕答的擋住征袍。滴溜撲摔下鞍轡。將背唐朝高麗。一隻手擋住頭梢。把那厮攢攢的拖來到。〔李老兒云〕孩兒也。便好道心去意難留。留下結冤讐。去

則去。得官不得官。你則早些兒回來。休着老漢憂心也。〔正末云〕則今日好日辰。辭別了父親母親。便索長行也。〔卜兒云〕孩兒也。你這一去。得官不得官。則要你早些兒回來。休着我憂心也。〔正末云〕大嫂。你在家中。好生看覷一雙父母。我若爲了官呵。你便是夫人縣君也。〔旦兒云〕住住住。薛仁貴。父親在上。依着妾身說呵。可以待時守分。耕種爲活。堪可度日。侍奉一雙父母。不強似名利奔波。你堅心要去。我未知你的主意如何也。〔正末唱〕

〔尾聲〕我則要身到鳳凰池。有心待標寫在凌煙閣。與敵兵相持戰討。下寨安營。邊塞遙。我胸中虎略龍韜。看殺氣陣雲高。蕩征塵土雨瀟瀟。則我這馬到處賊兵都退了。〔孝老兒云〕你這一去。憑着些甚麼手策也。〔正末唱〕倚仗我撥天關手爪。憑着我這撼乾坤勇躍。捨着我這一腔鮮血立唐朝。〔下〕〔孝老兒云〕孩兒去了也。這一去。他必然爲官也。老漢無甚事。回我那家中去也。眼觀旌捷旗。耳聽好消息。〔同下〕

第二折

〔淨扮張士貴領卒子上〕〔云〕自小從來爲軍健。四大神州都走遍。當日箇將軍和我奈相持。不曾打話就征戰。我使的是方天畫桿戟。那厮使的是雙刃劍。兩箇不曾交過馬。把我左臂廝砍了。一大片。着我慌忙下的馬。荷包裏取出針和線。我使雙線縫箇住。上的馬去又征戰。那厮使的是

大桿刀。我使的是雀畫弓。帶過雕翎箭。兩箇不曾交過馬。把我右臂廂砍了一大片。被我慌忙下的馬。荷包裏取出針和線。着我雙線縫箇住。上的馬去又征戰。那厮使的是簸箕大小開山斧。我可輪的是雙刀劍。我兩箇不曾交過馬。把我連人帶馬劈兩半。着我慌忙跳下馬。我荷包裏又取出針和線。着我雙線縫箇住。上的馬去又征戰。那裡戰到數十合。把我渾身上下都縫遍。那箇將軍不喝噪。那箇把我不談羨。說我厮殺全不濟。嘆道我使的一把兒好針線。某乃張士貴是也。海外有一十六國。惟待平奠高麗國。高麗國他不強。手下新收一員上將。姓蓋名蘇文。官封大將摩利支。脊背上有五口飛刀。三口得用。百步之外。能取上將之首級。統領數萬人馬。在於鴨綠江白額坡前安營下寨。將天下各處的進貢。盡皆邀截了。又下將戰書來。單搦俺大唐名將出馬。與他拒敵。某奉聖人的命。着某與軍師徐懋功。在這絳州龍門鎮貼起黃榜。招安義軍好漢。今日三日光景也。並無那投軍的好漢。小校門首觀者。但有軍情事。報復我知道。〔卒子云〕理會的。掛起黃榜。看有甚麼人來。〔正末上〕〔云〕自家薛仁貴的便是。自從離了家中。來到這絳州也。你看那做買賣的。是好熱鬧的城池也呵。薛仁貴。幾時是你那發達的時節也呵。〔唱〕

〔正宮端正好〕看別人雲滾滾省臺登。看別人雲滾滾省臺登。幾時能穀鬧穰穰。公侯做。則他那謁朱門緣木求魚。則這書中自有他這黃金屋。將我便久困

在紅塵路。

〔滾繡毬〕每日家聽鐘聲山寺裏齋。趕宿頭古廟裏居。有那等財主每聽笙簧。則在那畫堂深處。如今那有學的。酪子裏韞匱藏諸。我看了這今世圖。這時務。枉了我交語。赤緊的滿眼裏不辨賢愚。存的我這胷中三卷黃公略。我愁甚麼。架上三封天子書。恰便似餓虎當途。〔云〕兀那裡一簇人鬧。敢是那黃榜。我分開這人叢。揭了這黃榜者。小校報復去。道有一莊農。在於門首。〔卒子云〕甚麼人揭了黃榜。你則在這裡。我報復去。〔報科〕〔云〕喏。報的元帥得知。有一莊家農夫。揭了黃榜也。〔張士貴云〕莊家他不去使牛去。來我這裡有甚麼勾當。着他過來。〔卒子云〕着過去。〔正末見科〕〔云〕喏。大人。小人黃榜在身。不能施禮。〔張士貴云〕這厮倒一條好漢。前頭看着。恰似望後仰着。後頭看着。恰似望前合着。好漢。狗背驢腰的。哦。是虎背熊腰。兩條臂膊。恰似欄杆。兩箇拳頭。恰似石鼓。兩條腿。恰似井椿。一箇肚皮。恰似簸箕。腦袋恰似栲栳。脖子恰似一條麻線。兀那裡。你那裡鄉貫。姓甚名誰。對我說一遍。我試聽者。〔正末云〕聽小人慢慢的說一遍者。〔唱〕

〔快活三〕小人在龍門鎮是我祖居。〔張士貴云〕你可在那裡居住。〔正末唱〕大黃莊有我的家屬。〔張士貴云〕你從小裡習學甚麼武藝來。〔正末唱〕自小裡習文演武。用工

夫〔張士貴云〕你可來俺這元帥府做甚麼〔正末唱〕特地來奪富貴爭名目〔張士貴云〕你開的弓蹬的弩麼〔正末唱〕

〔朝天子〕遮莫待開弓也那蹬弩〔張士貴云〕你敢揚威耀武麼〔正末唱〕揚威也那耀武〔張士貴云〕你敢陣面上相持去麼〔正末唱〕我情願陣面上相持去〔張士貴云〕我就用你在我軍陣中做箇小卒你意下如何〔正末唱〕但能殺軍陣裏做一箇小卒〔張士貴云〕我着你合後當先你敢去麼〔正末唱〕遮莫便合後等當先去〔張士貴云〕兀那厮你是軍健漢逢山開路遇水疊橋你敢去麼〔正末唱〕遮莫待遇水疊橋逢山開路〔張士貴云〕你敢施威敢射虎麼〔正末唱〕我可便敢施威敢射虎〔張士貴云〕就用了這厮〔正末唱〕大人若是用度用度了這勇夫我馬到處寫滿了您那功勞簿〔張士貴云〕這厮說大言你馬到處寫滿了功勞簿瞞不過衆人我做了三十年總管那功勞簿上怕有我一箇字兒兀那厮你不知道說那摩利支身凜凜貌堂堂恰便似煙薰的子路墨灑就的金剛橫裡一丈豎裡一丈剔留禿魯不知甚麼模樣看了你這麼黃甘甘骨崑崙一搭兩頭無剩則怕你近不過那摩利支他也小覷你也〔正末唱〕

〔四邊靜〕摩利支將咱欺負陣面上不刺刺的馬到處他飛刀起難遮護我箭

發似流星般去。若見那箇匹夫。輕舒我這虎軀。〔云〕到來日三枝箭。對了他那三口飛刀。不刺刺甲馬當先。揪住袍。攥住帶。滴溜撲摔在塵埃。〔唱〕我格支支拗折了那厮腰脊骨。〔張士貴云〕這厮說大話。格支支拗折他腰脊骨。你長把摩利支腰脊骨拗折了便好。你厮殺的眼花了。你把我揉探住。拗折了我的腰脊骨。可怎麼了。兀那厮。你說了這半日。你可姓甚麼。〔正末云〕小人姓薛。〔張士貴云〕薛甚麼。〔正末云〕名仁貴。〔張士貴云〕這厮無禮也。可不道入城問稅。入衙問諱。我是總管張士貴。你是薛仁貴。你又貴。我又貴。這賤的着誰買。這厮悞犯大官諱字。〔正末云〕大人。與小人改箇名字。〔張士貴云〕這厮也說的是。我替你改薛寫謝薛。〔卒子云〕百忙裏切字。〔張士貴云〕改做楔子兒。〔卒子云〕不好。〔張士貴云〕不好。改做雪裏梅。〔卒子云〕不好。〔張士貴云〕看了你這等箇模樣。好好好。就喚做窮雪裡。〔正末云〕謝了大人。〔張士貴云〕兀那厮。十八般武藝。甚麼打頭。〔正末云〕弓箭打頭。〔張士貴云〕你拽的硬弓麼。〔正末云〕拽的硬弓。〔張士貴云〕拿一石米的弓來與他拽。〔卒子云〕理會的。一石米的硬弓。〔張士貴云〕你拽。〔正末云〕這弓軟。不中使。〔張士貴云〕再換那石五米的弓來。與他拽。〔卒子云〕石五米的硬弓在此。〔張士貴云〕與他拽。〔正末云〕這弓又軟。不中使。〔張士貴云〕討那兩石米氣力的弓來與他拽。〔卒子云〕兩石米的弓在此。〔張士貴云〕與他拽。〔正末云〕這弓軟。不中使。〔張士貴云〕拿那

鎮庫銅胎鐵靶寶雕弓來。着他拽。〔卒子云〕那裡取去。〔張士貴云〕東庫裏尋去。〔卒子云〕東庫裏無有。〔張士貴云〕西庫裏尋去。〔卒子云〕西庫裏無有。〔張士貴云〕去家裏討。〔卒子云〕家裏無有。說元帥隨身帶着哩。〔張士貴云〕說我隨身帶出來了。可在那裡。等我想。哦。我想起來了。原來可在我這頭庫裏。着他拽。〔正末云〕大人。這箇便是那鎮庫銅胎鐵靶寶雕弓。大人要幾箇滿。〔張士貴云〕這厮說大口。這一張弓。是日南交趾國進將來的。聖人賜與了我。着我拿到家中。綁在梁上。我渾家大小七八十口人。打着千斤望下墜。也不會墜的。這弓開一些兒。你說道你拽三箇滿。休說道是三箇滿。你則拽的開一些兒。我也就用了你。〔正末云〕一箇滿。兩箇滿。三箇滿。呀。拽折了這張弓也。〔張士貴云〕好漢好漢。兩輪日月。六合乾坤。也不會見這麼好漢。把這席篾兒拽做兩截。你常在這裡。拽折了弓也罷了。上陣處拿將來的弓。你都拽折了。可不悞了我大事。這厮做的箇損弓折箭。這厮氣力大。小校推出轅門外。殺壞了者。〔正末云〕着誰人救我也呵。〔徐懋功上〕〔云〕老夫徐懋功是也。今因張士貴在這絳州招安義軍。許多時也。着老夫催趲義軍去。我來到帥府門首也。一簇人圍着一箇莊家後生。兀那小的。你得何罪犯。元帥要殺壞你。若說的是呵。我與你做主。〔正末唱〕

〔齊天樂〕當街裏馬頭來攔住。聽小人從頭細說當初。〔徐懋功云〕你那裡人氏。姓

甚名誰。〔正末唱〕小人是農夫。大黃莊有我的家屬。來時節歡娛。到的這龍門鎮。揭黃榜過去。正犯着大人名諱。他道是不用俺這村夫。磕答的弓拽折。急惱的元帥怒。他道我該斬該徒。〔徐懋功云〕既然還等。正是英雄好漢。元帥怎生道要殺壞了你那。

〔正末唱〕

〔紅衫兒〕軍兵牢拿住。綁在長街去。好教我氣長吁。氣長吁。仰面嚎咷哭。大人也薛仁貴委實的啣冤負屈。〔徐懋功云〕刀斧手且留人者。我見元帥自有箇主意。令人報

復去。道有軍師下馬也。〔卒子云〕喏。軍師下馬也。〔張士貴云〕道有請。〔卒子云〕有請。〔見科〕

〔張士貴云〕軍師鞍馬上勞神也。〔徐懋功云〕元帥招義軍不易也。〔張士貴云〕請坐。看茶來喫。

〔徐懋功云〕元帥招了多少英雄好漢。〔張士貴云〕軍師。自你去後三日。並無一箇蠅蠅狗蚤來

投義軍的。〔徐懋功云〕你道不曾有一箇。小校着那莊家後生過來。〔正末見科〕〔云〕喏。〔徐懋

功云〕元帥。你道無一箇。這小的得何罪犯。你要殺壞了他。〔張士貴云〕軍師說起他的罪過來。

大似狗蚤。他走將來。看着我也不施禮。他說馬到處寫滿功勞簿。瞞不過你。我做了三十年總管。

功勞簿上。怕有我一箇字兒。這箇也罷了。他又要攛折了摩利支的腰脊骨。老子他常把摩利支

腰脊骨攛折了。便好殺的他眼花了。把我拿住。攛折腰脊骨。我殘疾一世兒。這箇也罷。我說你拽

的弓麼。拿將來的弓嫌軟。與他那鎮庫銅胎鐵靶寶雕弓。着他拽。你說這厮無禮麼。他把一根席簾兒攪做兩斷。則爲他損弓折箭。氣力忒大。因此上拿出去殺壞了。〔徐懋功云〕這箇正是好漢。元帥未曾與摩利支交鋒。先殺一箇軍士。做的箇於軍不利。老夫不敢自尊。乞元帥尊鑑不錯。〔卒子慌報云〕喏。摩利支索戰。〔徐懋功云〕元帥。摩利支索戰。他若敢跟的元帥破摩利支去。贏了將功折過。輸了二罪俱罰。元帥意下如何也。〔張士貴云〕既是這等。看着軍師面皮。饒了那厮者。〔徐懋功云〕兀那薛仁貴。你敢跟的元帥破摩利支去麼。〔正末云〕我敢去。我敢去。〔徐懋功云〕你用甚麼衣甲頭盔鎗刀器械。〔正末云〕我用白袍白甲素銀盔。丈二方天畫桿戟。跨下騎一匹白馬。要一張硬弓。我自有一枝連珠箭。〔徐懋功云〕元來正是天子應夢的將軍。說與軍正司。便關與他衣甲頭盔鎗刀器械。薛仁貴。你小心在意者。你若得了勝。自有加官賜賞。〔張士貴云〕便領與他衣甲。跟將我廝殺去。〔正末云〕大人放心也。〔唱〕

〔尾聲〕願吾皇懾夷狄。降邊國。千千年九五飛龍齊天福。願吾皇永坐着宗廟舊家邦。老萬萬載百二山河壯帝居。到來日看排兵列士卒。蕩征塵。騰土雨。旱路上亡。水面上浮。成不的功。變不的虎。我直殺的他吶不的喊。搖不的旗。放心也。我着他便擂不的鼓。〔下〕〔張士貴云〕軍師。你緊守營寨。我與摩利支交戰。走一遭去。大小

三軍聽吾將令。三通鼓罷。拔寨起營。到來日忙擂破鼓。急篩金鑼。聚豆腐軍一萬。妳妳軍八千。人英勇。喫飯處拚命當前。箇箇狼獾。都在帳房裏打盹。俺這裡大旗頭。小旗頭。偏能喫飯。放下筯。撇下碗。肚裏又饑。張病子。李病子。忙輪簾拐。常禿廝。王禿廝。頭似鹽梅。宋長官。劉長官。偷人家貓狗。小賈兒。小魏兒。拾人家肥鷄。到晚夕下寨安營。到來日看俺相持。俺見他來。謊的俺一齊落馬。謊的俺丟了箭。撇了甲。掉了頭盔。他那裡雄赳赳。氣昂昂。一箇箇都是好漢。我領着些無鼻子。少耳朵。駝着腰。癩着腿。都是些鷹嘴刺梨。〔卒子隨下〕徐懋功〔云〕元帥領白袍小將。與摩利支相持。廝殺去了。老夫不敢久停久住。回聖人話。走一遭去。奉命親差。豈自由。與師遣將統戈矛。海東名將休誇勇。應夢英雄出絳州。〔下〕

楔子

〔摩利支騎馬兒引卒子上〕〔云〕昨夜西風透錦袍。將軍呵手撚弓鞘。休言十載寒窗苦。不比征夫半日勞。某乃大漢高麗國人民。姓蓋名蘇文。官封摩利支。凡爲將者。要知天文。曉地理。觀氣色。辨風雲。某文通三略法。武解六韜書。三略者。一曰天略。二曰地略。三曰人略。六韜者。一文韜。二武韜。三龍韜。四虎韜。五豹韜。六犬韜。此乃是黃公三略法。呂望六韜書。俺軍中有七要。是那七要。一要仁。二要信。三要賞。四要罰。五要謀。六要勇。七要變。坐籌帷幄之中。決勝千里之外。排白虎得勝。

轅門。列黃旛豹尾帳下。錦衣使者肩擔着赤羽旌幢。清秀兒郎手持着吳鉤越戟。陣前列五運轉光旗。帳下擲順天八卦蓋。五運轉光旗者。有虎鴉旗。日月旗。龍鳳旗。得勝旗。轉光旗。八卦蓋者。是乾坎艮震巽離坤兌。俺這裡軍不斬不齊。將不嚴不整。令字旗催促先鋒。帥字旗爲軍中眼目。豹纛旗開。犯令者不論親疎。得勝旗搖。收軍望封官賜賞。軍隨印轉行直正。罪若當刑先言定。在朝休悞天子宣。莫違閫外將軍令。現在海東有一十六國。與大唐年年進奉。累歲稱臣。惟有俺高麗不順大唐。某脊背上有五口飛刀。三口得用。百步之外。能取上將首級。久鎮在鴨綠江白額坡前。將各處進奉。都邀截了。下將戰書去。單搦大唐名將出馬。聽知總管張士貴。領兵前來。要與某拒敵。量他到的那裡。某則今日點就三軍。與張士貴相持。走一遭去。大小三軍。聽吾將令。到來日甲馬不得馳驟。金鼓不得亂鳴。不許交頭接耳。不得語笑喧呼。但違令必當斬首。到來日都要擐甲與披袍。兵士列鎗刀。風捲龍蛇影。雜彩繡旗搖。南山射猛虎。北海斬長蛟。逢山須開道。遇水要疊橋。人人施勇猛。箇箇顯英豪。一箇箇頭頂金盔腕懸鞭。驅兵領將數十員。拿住總管張士貴。放心血濺東南半壁天。〔下〕〔淨張士貴領卒子騎馬兒上〕〔云〕某乃總管張士貴是也。如今與摩利支交戰去。大小三軍。擺開陣勢。塵土起處。摩利支這早晚敢待來也。〔摩利支騎馬兒上〕〔云〕某乃摩利支是也。大小三軍。擺開陣勢。那壁廂塵土起處。來者何人。〔張士貴云〕你來者何

人〔摩利支云〕某乃大將摩利支。是你爹爹。〔張士貴應云〕哎。風大不聽見。〔三科〕〔摩利支云〕你是何人。〔張士貴云〕某乃總管張士貴。是你的孫子哩。〔卒子云〕你怎麼道與他做孫子。〔張士貴云〕我怎麼道是孫子。如今交馬處。無三合。無兩合。則一合。拿將我過去。他拿起刀來。恰待要殺。罷。饒了你。他是我的孫子哩。〔卒子云〕也殺了。〔摩利支云〕量你到的那裡。與我操鼓來。〔做交馬科〕〔張士貴云〕我也近不的他。我與你走了罷。走走走。〔下〕〔摩利支云〕這厮輸了也。量你走的到那裡。我不問那裡。趕將去。〔正末騎馬兒上〕〔云〕大小三軍。擺開陣勢者。來者何人。〔摩利支云〕你來者何人。〔正末云〕某乃大唐大將薛仁貴是也。你敢相持麼。〔摩利支云〕薛仁貴。有張士貴被我殺敗了。量你到的那裡。與我操鼓來。〔正末唱〕

〔賞花時〕那厮便耀武揚威說大言。怎敢今番奪衆權。〔摩利支云〕我飛刀起。〔正末云〕箭對了。〔摩利支云〕飛刀起。〔正末云〕箭對了。〔摩利支云〕飛刀起。〔正末云〕箭對了。〔摩利支云〕五口飛刀。對了我三口。留着兩口防身。不中。我也近不的他。撥回馬。我與你走走。〔下〕〔正末唱〕他那裡飛刀起。我這裡箭離絃。殺的他身軀倒偃。我見他撥回馬走當先。

〔么篇〕你可甚爲看青山懶贈鞭。看的俺唐十宰公卿如芥蘚。遮莫他變做神

鬼化做飛仙。〔云〕待走往那裡去。〔唱〕離不了天涯和那海邊。〔云〕衆軍校跟我去來。
〔唱〕我與你直趕到他這箇燄魔天。〔下〕

第三折

〔高麗將上〕〔云〕顯耀英才天地中。衝衝志氣展長虹。夷狄之國多雄壯。赳赳威名鎮海東。某乃高麗大將是也。俺國有一十六國。與大唐年年進奉。累歲稱臣。惟有俺高麗國。不順大唐。可是爲何。某手下有一員上將。姓蓋名蘇文。官封摩利支。脊背上有五口飛刀。三口得用。百步之外。能取上將首級。久鎮在鴨綠江白額坡前。某聽的大唐家病了秦瓊。貶了敬德。兵微將寡。我差人下將戰書去了。單搦大唐名將出馬。與俺摩利支交戰。未知輸贏勝敗。使的箇報喜探子去了也。還早晚敢待來也。〔正末扮探子上〕〔云〕一場好廝殺也呵。〔唱〕

〔越調鬪鶴鶉〕走的我汗似湯澆。渾身上水洗。恰離了亂攬軍營。急煎煎盼不到元帥府裏。兩隻脚飛騰。一聲兒踰起。苦亡家傾敗。國惡戰敵。人着箭踉蹌身歪。馬中鎗驚急裡脚失。

〔紫花兒序〕焰騰騰火燒了寨柵。浪滔滔水渰了營壘。不刺刺馬踏碎了城池。英雄虎將。世上無敵。難及。一箇箇擐甲披袍。那氣勢耀武揚威。擂鼓篩鑼。吶喊

搖旗。〔見科〕云報報報。高麗將云好探子也。他從那陣面上來。我則見喜色旺氣。一張弓彎秋月。兩枝箭插寒星。三尺劍掛小貂裘。四方報急問探子。五花營內。來往有似攬梭。六隊軍卒。上下有如交頸。七尺軀肩擔着令字旗。戴一頂八角紅纓桶子帽。久久等待你許多時。實實的細說你那軍情事。探子你喘息定。慢慢的說一遍。〔正末唱〕

〔寨兒令〕鼓震的山嶽摧。喊一聲鬼神悲。蕩征塵翻滾滾。天日輝。領雄兵迎敵。廝殺相持。〔云〕出馬來。出馬來。〔唱〕則聽的高叫一聲似春雷。〔高麗將云〕這壁廂是俺摩利支出馬。好將軍也。頂盔擐甲。掛劍懸鞭。彎弓插箭。張士貴見了俺摩利支。可是怕也不怕。探子你喘息定。慢慢的再說一遍。〔正末唱〕

〔么篇〕垓心裏耀武揚威。陣面上捲鼓奪旗。摩利支冠簪着金獬豸。甲掛着錦唐猊。坐下馬渾一似赤狻猊。〔高麗將云〕俺摩利支戴一頂描星辰晃日月籠海獸玲瓏三叉鬘。戴紫金冠。披一副遮的刀迎的箭黃金打柳葉砌成的龜背唐猊鎧。穿一領晃日月耀人目猩猩血染西川十樣無縫錦征袍。跨下騎一匹兩耳尖四蹄輕胸膛闊尾靶細日行千里胭脂馬。輪一口獸吞頭蘸金鏖冷颼颼逼人寒。百斤合扇大桿刀。張士貴輸了也。〔正末云〕有一白袍小將出馬。好將軍也。馬騎西海雪麟兒。人若天王玉戟枝。高叫摩利支休得走。今日箇白袍將等待

許多時。〔高麗將云〕你可慢慢的再說一遍。〔正末云〕大唐家一員白袍小將出馬。好將軍也。〔唱〕

〔鬼三臺〕他又不會言名諱。不使甚別兵器。他使一條方天畫桿戟。身穿着白袍白甲。頭戴着素銀盔。猛見了恰便似西方神下世。這一箇合扇刀。望着腦蓋上劈。那一箇方天戟。不離了軟脅裏刺。這一箇恨不的撞撞的扯碎了黃旛。那一箇恨不的支支的頓斷豹尾。〔高麗將云〕一箇白龍馬。蕩散征塵。一箇胭脂馬。衝開殺

氣。白袍將四縫盔倒展雙纓。摩利支三叉冠斜飄雉尾。摩利支搭定犀角靶。白袍將搭上紫金鉞。

〔正末云〕摩利支見刀不中。和和連撒起三口飛刀。白袍將見箭不中。着着連射三枝神箭。刀中仁貴唐朝失。箭射番兵遼國休。連撒刀不中唐朝白額虎。則一箭射退遼東錦毛彪。〔高麗

將云〕你可慢慢的說一遍。〔正末唱〕

〔禿厮兒〕兩員將各施武藝。兩員將比並高低。他兩箇棋逢對手難摘離。兩員將費心機。好蹣蹣。

〔聖藥王〕摩利支命運低。那將軍分福催。則他這英雄虎將世間稀。這一箇聽聽的刀去劈。那一箇着着的箭發疾。珞玳瑁相對在半空裏。足律律迸一萬道家火光飛。〔高麗將云〕摩利支輸了也。白袍小將贏了也。天命有威用機謀。展土開疆立帝都。遼兵

正中連珠箭。聖明天子百靈扶。探子無甚事。自回營中去。〔正末唱〕

〔尾聲〕高麗家休占那中原地。年年進金珠寶貝。十萬里錦繡江山。願陛下永坐定蟠龍元金椅。〔下〕〔高麗將云〕摩利支輸了也。白袍小將贏了也。俺收拾方物。與大唐進奉。走一遭去。饒你深山共深處。到頭都屬帝王家。〔下〕

第四折

〔徐懋功領卒子上〕〔云〕老夫徐懋功是也。今有總管張士貴。領白袍小將。與摩利支相持廝殺去了。聽知的張士貴大敗虧輸。若不是薛仁貴當住海口。三箭定了天山。怎能殺退遼兵。聖人已知。將他父母家屬。取赴京師。賜宅居住。老夫在此帥府。安排筵宴。犒勞三軍。就要加官賜賞。令人請他父母去了。怎生不見來。令人門首覷者。若來時。報復我知道。〔卒子云〕理會的。〔淨張士貴上〕〔云〕某乃張士貴是也。昨日喫那摩利支殺的我大敗虧輸。早是我的馬快走。爭些兒着他掣將去了。我便走了。聽的人說。薛仁貴三箭定了天山。殺退了摩利支。又無人知道。則說是我之功勞。誰敢說我甚麼。我見了聖人。則說是我的功勞。誰敢與我對話。必然又加官賜賞。小校報復去。道有張士貴來了。〔卒子云〕理會的。〔報科〕〔云〕喏。張士貴來了也。〔徐懋功云〕着他過來。〔卒子云〕着過去。〔做見科〕〔張士貴云〕軍師恕罪。劍甲在身。不能施禮也。〔徐懋功云〕張士貴。

你征摩利支如何。〔張士貴云〕我贏了也。我把摩利支殺的他片甲不歸。口咬殺高麗大將。屁細殺摩利支。都是我的功勞。將酒來。與我擡手喫三鍾。軍師。你就加了官。我家裏喫酒兒去也。〔徐懋功云〕噤聲。小校與我擎下張士貴者。你刻的還戲說哩。你被摩利支殺的大敗虧輸。若不是薛仁貴當住海口。怎能殺退遼兵。三箭定了天山。聖人已知也。這功勞都是薛仁貴。你賴他的功勞。本合該斬首。饒你項上一刀。則今日打爲庶民。永不敘用。又出轅門去。〔張士貴云〕罷了。今番賴不成這功了。打爲百姓也罷。作莊農去也。苦莊三頃地。伏手一張鋤。倒能穀喫渾酒肥草雞兒。可不快活。我是張士貴。苦莊三頃地。一頓三碗飯。喫的飽了炕上睡。〔下〕〔徐懋功云〕令人與我請將薛仁貴的父母來者。〔卒子云〕理會的。〔做喚科〕〔李老兒同卜兒旦兒上〕〔李老兒云〕老漢薛大伯的便是。自從薛驢哥投義軍去了。音信皆無。今有大人。取俺三口兒到京師。見大人去來。可早來到也。令人報復去。道有薛仁貴父母。在於門首。〔卒子云〕理會的。〔報科〕〔云〕有薛仁貴父母。在於門首。〔徐懋功云〕道有請。〔卒子云〕有請。〔做見科〕〔李老兒云〕大人。呼喚俺三口兒有何事。〔徐懋功云〕你是薛仁貴一雙父母。可都老了也。你且在那班部叢中有者。〔李老兒云〕老漢理會的。〔徐懋功云〕令人與我請將薛仁貴來者。〔卒子云〕理會的。〔正末上〕〔云〕某薛仁貴是也。誰想有今日也呵。〔唱〕

〔雙調新水令〕則我這布衣改換紫欄新。誰想我撥天關一聲雷震。青霄飛鳳鳥。黃閣上畫麒麟。〔云〕當初若依着我父親呵。〔唱〕守着他那水館深村。尙兀自捱不出那貧困。〔云〕可早來到也。小校報復去。道有薛仁貴來了也。〔卒子云〕理會的。〔報科〕〔云〕薛仁

貴來了也。〔徐懋功云〕道有請。〔卒子云〕有請。〔做見科〕〔正末云〕軍師。呼喚薛仁貴。有何事也。

〔徐懋功云〕薛仁貴望闕跪者。聽聖人的命。爲你殺退遼兵。多有功勞。加你爲天下兵馬大元帥。

謝了恩者。〔正末云〕大人可憐見。小人不敢受這官職。〔徐懋功云〕聖人與你封官賜賞。你因何

不受。〔正末云〕大人。薛仁貴家中。有一雙父母。年紀高大。無人侍養。因此上不敢受這官職。〔徐懋

功云〕此人忠孝雙全。薛仁貴。兀那班部叢中。有兩口兒老的。你試看去者。〔正末做看科〕〔唱〕

〔甜水令〕我在這班部叢中。秉笏披袍。抽身忙褪。我這裡獨步出轅門。〔李老兒

云〕一箇大人來了也。〔正末唱〕我則見他便老弱羸羸。腰屈頭低。霜髯雪鬢。〔李老

兒云〕兀的說殺老漢也。〔正末云〕兀的不是我父親母親也。〔唱〕年邁箇也堂上雙親。〔李

老兒云〕媳婦兒。扶着你母親靠後些。〔正末云〕休道俺父母不老。〔唱〕

〔折桂令〕和我那賽楊香憔悴了精神。〔李老兒云〕大人。你是誰。〔正末云〕父親。母親。你

認的你孩兒薛驢哥麼。〔李老兒云〕誰是薛驢哥。〔正末云〕則您孩兒。便是薛驢哥。〔李老兒云〕孩兒。

你做了官也。兀的不歡喜殺老漢也。〔正末唱〕我這裡便展脚舒腰。安樂者波堂上雙親。
〔卜兒云〕大人請起。兀的不誆殺老身也。〔正末唱〕我如今狀貌堂堂。威風赳赳。志氣凌雲。
〔李老兒云〕孩兒也。你如今得了箇甚麼官也。〔正末唱〕我如今下馬爲朝中宰臣。上馬爲閫外將軍。
〔李老兒云〕孩兒。你多受了些辛苦也。〔正末唱〕我受了些熱血相噴。萬苦千辛。恰便似翻滾滾的雪浪裏逃生。您兒今日箇便跳過龍門。〔徐懋功云〕您一家兒望闕跪者。聽聖人的命。爲你多有功勞。忠孝雙全。加你父親爲老評事之職。賜金千兩。香酒百瓶。玉柱杖一條。謝了恩者。
〔李老兒云〕感謝聖恩。孩兒也。大人的命。陞我爲老評事。賜金千兩。香酒百瓶。玉柱杖一條。兀的不歡喜殺我也。〔正末唱〕

〔喬牌兒〕酩子裡添笑忻。十載受勞困。老來也又得官一品。〔云〕父親。您孩兒不道來。
〔李老兒云〕你道甚麼來。〔正末唱〕你兒道是改家門有定准。
〔李老兒云〕孩兒也。大人賞我黃金千兩。香酒百瓶。玉柱杖一條。喜歡殺老漢也。〔正末唱〕

〔掛玉鈎〕索強如段段田苗。可便接遠村。
〔李老兒云〕這箇原來是玉柱杖。〔正末云〕這玉柱杖。〔唱〕索強似您打麒麟的黃桑棍。
〔李老兒云〕又與俺香酒百瓶也。〔正末云〕父親。您休喫了。留者。
〔李老兒云〕留者做甚麼。〔正末唱〕啗可索答荷天公雨露恩。
〔李老兒云〕孩

兒也。休題舊話。〔正末唱〕我將這勇烈施逞盡。〔李老兒云〕我老漢老了也。拂綽了土滿身。梳掠起白髭鬚。這的是一日爲官。強似千載爲民也。〔正末唱〕拂綽了土滿身。梳掠起白髭鬚。這的是一日爲官。索強似千載爲民。〔徐懋功云〕您一家兒望闕跪者。聽聖人的命。薛仁貴。則爲你多有功勳。如今加你爲征東兵馬大元帥。金吾上將軍。你父月支三品俸。你母爲太平郡夫人。你妻爲賢德夫人。您聽者。統千戈掃蕩征塵。秉忠心建立功勳。方天戟寰中罕有。連珠箭世上絕倫。平高麗重安社稷。保華夷再整乾坤。加你爲征東司馬。鎮偏邦征虜將軍。薛大伯賜金千兩。望金鑾拜謝皇恩。

題目 薛仁貴跨海征東

正名 摩利支飛刀對箭

飛刀對箭穿关

頭折

徐懋功

兔兒角幘頭
圓領帶

蒼白髯

補子

卒子

紅碗子盔

青布釘

字老兒

一字巾

茶褐直身

拄杖

卜

兒

塌頭手帕
襖兒

旦兒

花箍

襖兒

裙

正末薛仁貴

攢頂

玉色直身

項

三髯髯

第二折

張士貴

皮麥簷帽
甲頂帕

膝襴曳撒

掩心

劍

卒子

正末薛仁貴

徐懋功

前

同

楔子

摩利支

三叉冠
抹額

膝襴曳撒

袍

項

卒子

張士貴

卒子

摩利支

卒子

又上

同

正末薛仁貴

銀鳳翅盔

玉色蟒衣曳撒

玉色袍

項帕

卒子

同

前

同

第三折

高麗將

犀角帶
蟒衣曳撒

袍

海蛟項帕

正末探子

四大巾

錦襖

項帕

如意

藍絹褲

直纏

搭膊

腿綳護膝 布襪
八答鞋 弓

第四折

徐懋功卒子張士貴同前孛老兒卜兒旦兒正末薛仁貴同楔子

萬曆四十三年乙卯三月十六日校錄內本清常記

鴈門關存孝打虎

元闕名

楔子

〔殿頭官上〕〔云〕只將忠義報皇朝。要竭身心不憚勞。但得舉賢勤政事。同扶社稷輔神堯。小官乃殿頭官是也。奉聖人的命。今因黃巢作亂。縱橫天下。遣差陳景

景原作敬據五代史
記唐本紀第四改

思。直至沙陀

國取李克用去。左右喚陳景思來者。〔卒子云〕得令。陳景思安在。〔正末上〕〔云〕小官陳景思是也。今有殿頭官呼喚。不知有甚事。須索走一遭去。說話中間。可早來到門首也。令人報伏去。道有陳景思來了也。〔卒子報云〕陳景思在於門首。〔殿頭官云〕道有請。〔做見科〕〔正末云〕大人。呼喚小官。那廂使用。〔殿頭官云〕陳景思。喚你來不爲別。今因黃巢作亂。無人可敵。有沙陀李克用。他手下有五百義兒家將。十萬騎兵。戰將千員。奉聖人的命。將他打傷國舅段文楚的罪過。盡行赦免。就與他五百面金字牌。五百道空頭宣敕。加他爲天下兵馬大元帥。你去宣取來破黃巢。疾去早來。〔正末云〕得令。則今日便索長行也。〔唱〕

〔賞花時〕止不過漠漠平沙際碧天。又不比夕貶潮陽路八千。我忙傳着一紙聖人宣。〔殿頭官云〕則是路途較遠難行。須要小心在意者。〔正末唱〕避不的山遙路遠。

〔云〕大人放心。〔唱〕我可也無明夜到居延。〔下〕〔殿頭官云〕陳景思去了也。無有甚事。回聖人話。走一遭去。〔下〕

第一折

〔冲末李克用上〕〔云〕萬里平如掌。古月月原作大今改獨爲尊。地寒氈帳煖。殺氣陣雲昏。江岸連三島。黃河占八分。華夷圖上看。別有一乾坤。番番地惡人。權騎劣馬。坐雕鞍。飛鷹走犬。野水秋山。渴飲羊羔酒。飢餐鹿脯乾。响箭手中慣捻。雕弓臂上常彎。宴罷歸來胡旋舞。丹青寫入畫圖看。某乃沙陀李克用是也。先父複姓朱邪。名赤心。因討龐勛有功。唐天子賜姓名李國昌。五十七歲身亡。某襲幽州刺史。因某帶酒打傷國舅段文楚。聖人大怒。貶某在沙陀歇馬三年。今中原黃巢反亂。唐僖宗信任田令孜等。貪財好賄。人民失散。四野飢荒。盜賊並起。黃巢縱橫天下。朝中文武。並不以社稷爲重。今日雖有各藩節度使二十四鎮。在於華嚴川。不曾得黃巢半根兒折箭。某夜來睡中得一夢。夢見一輪紅日。在帳房裡滾。又問陰陽人圓此夢。他說道。日乃人君之象。此夢必主朝中有宣敕來。某想來。車駕見今幸西川。怎生得宣敕來。今日無甚事。在此閑坐一會。看有甚麼人來。〔正末上〕〔云〕小官陳景思的便是。奉聖人命。宣召李克用去。望北塞而行。是好感愴人也。

〔唱〕

〔仙呂點絳脣〕滿面塵埃。一鞭行色。青山外。碧樹雲埋。遙望見沙陀界。

〔混江龍〕遙望見鴈門紫塞。黃沙漠漠接天涯。看了這山遙路遠。更和那日炙風篩。一騎馬直臨蘇武坂。半天雲遮盡李陵臺。一川烟草。數點寒鴉。半竿紅日。幾縷殘霞。悠悠羌笛在這晚風前。呀呀歸鴈遙天外。增添旅況。蕭索情懷。〔云〕

可早來到也。左右報伏去。道天朝使命在此。〔卒子報云〕報的阿媽得知。如今有天朝使命。在於門首。〔李克用云〕道有請。等我親身接待使命。〔卒子云〕道有請。〔做見科〕〔李克用云〕早知天使前來。只合遠接。接待不着。勿令見罪。〔正末云〕李克用將香卓來。望闕跪者。聽聖人的命。將你打傷國舅段文楚的罪過。盡皆饒免。今因黃巢作亂。取你破黃巢。就加你爲天下兵馬大元帥。賜與你五百面金字牌。五百道空頭宣勅。賊平之日。論功陞賞。〔李克用云〕感謝聖恩。〔正末云〕關山多阻隔。信息最難通。〔李克用云〕昨日得好夢。今日喜相逢。〔正末唱〕

〔油葫蘆〕烟水雲山兩間隔。數年間音信乖。我可便把仁兄常記在心懷。〔李克用云〕自幽州相別。今日恰得相逢也。〔正末唱〕想當日在幽州略得瞻風采。今日箇到沙陀。不想重參拜。聖人三紙宣。將小官一徑差。請你箇與劉滅楚的韓元帥。聖人着早早的獻功來。〔李克用云〕大唐家手下的文武全才。英雄濟濟。狀貌堂堂。那等好漢無

限。量小官到的那裡〔正末唱〕

〔天下樂〕準備下高築黃金拜將臺。請你箇英材休左猜。恰便似虹霓般盼望。你到來。與唐家輔一人。仗威風振四海。穩情取播清風千萬載。〔李克用云〕左右將酒來。〔做把盞科〕〔云〕天使滿飲此盃。〔正末回酒科〕〔李克用云〕聞說黃巢反叛。忽聚餓夫百萬。手下有葛從周孟截海鄧天王張歸霸張歸厚等五將。那些英雄好漢。量小官到的那裡。〔正末云〕休這般道。將軍有經綸濟世之才。補完天地之手。是必走一遭去。〔李克用云〕黃巢這厮利害。去不的。〔正末唱〕

〔那吒令〕雖賊徒利害。你觀他小哉。破黃巢的計策。則除是你該。扶唐朝世界。若非公大才。且休說漢三傑。更和這唐十宰。他每都日轉千堦。〔李克用云〕破黃巢也要鋪謀定計的也。〔正末唱〕

〔鵲踏枝〕上陣似揭魂臺。臨軍如捨身崖。若說俺朝野公卿。無一箇將相之才。因此上萬乘君向西蜀避乖。誰曾見這一場興衰。

〔么〕上陣處把軍排。賞罰處要明白。則你那千戰千贏。你是箇決勝之才。你可便用智謀計策。與唐家百姓除災。〔李克用云〕兀那景思。排兵布陣。統領雄兵。鋪謀定計。小

官到的那裡。〔正末云〕你休這般道。〔唱〕

〔寄生草〕降災殃從天至。起干戈動地來。驚的那一朝帝主無精彩。諛的那兩班文武失魂魄。慌的那六宮粉黛無顏色。見如今龍車鳳輦尙遷移。知他那雕梁玉砌今何在。〔云〕大人休違了聖旨。你早早破黃巢去來。〔李克用云〕景思請坐。等我喚出義

兒家將來。你試看者。小校起鼓。〔卒擂鼓科〕〔李亞子李存信李從珂康君立周德威五將上〕

〔云〕某乃李亞子是也。這四位將軍。乃是李存信。李從珂。康君立。周德威。正在帳中。則聽聚將鼓響。想是父親呼喚。須索走一遭去。〔做見科〕〔云〕阿媽。喚你孩兒。那廂使用。〔李克用云〕天使在此。你相見者。〔衆云〕理會的。〔衆將跪拜科〕〔正末云〕呀呀。將軍。請起請起。〔李克用云〕景思。我這義兒家將。破黃巢去。却是何如。〔正末云〕看了將軍手下的人人驍勇。箇箇威風。量黃巢到的那裡。〔李從珂康君立云〕父親不可去。〔李克用云〕怎生不可去。〔李從珂康君立云〕想父親在幽州。帶酒打傷了國舅段文楚。聖人大怒。貶在沙陀歇馬。今日黃巢反亂。可來宣咱。父親不可去。〔李克用云〕吾兒說的是。不去。則今日殺牛宰馬。做箇大大筵席。管待天使大人起身。〔李亞子李存信云〕父親。既有朝命在此。不可違悖聖旨。畏刀避箭。壞了聲名也。〔李克用云〕吾兒李亞子說的是。則今日整擄人馬。破黃巢去。〔康君立云〕父親不可去。〔李克

用仗劍擊案云。再有限當軍情。說不去破黃巢的。此劍爲令。〔正末云〕將軍是必走一遭去。

〔唱〕

〔寄生草〕你八面威風大。端的是將相才。則你那龍韜虎略人難賽。握雲拿霧施兵策。排兵布陣添精彩。決勝千里辨輸贏。單註着黃巢今日何當敗。〔李克用云〕景思先行。我隨後拔寨而起。破黃巢走一遭去。〔正末云〕將軍是必早來者。〔唱〕

〔後庭花〕則要你領雄兵將隊伍排。今日箇請明公自見解。單註着李鴈門威風大。今日箇黃巨天旺氣衰。一句既明白。除將軍英雄慷慨。休俄延。莫等待。將金牌懷內揣。

〔柳葉兒〕將軍授破黃巢的元帥。見皇家重用良才。敢把你鞠躬躬展脚舒腰拜。他每都忙挾策上壇臺。將軍你穩情掛勢劍金牌。〔李克用云〕罷罷罷。便好道用之則行。舍之則藏。義兒家將。則今日拔寨起營。破黃巢走一遭去。〔正末云〕將軍快來。某先回聖人話去也。〔唱〕

〔賺煞〕則要你起軍卒。今日便離沙塞。說下的言詞莫改。我索先報與君王且放懷。則說道李沙陀隨後軍來。莫耽捱。准備着犒賞金帛。顯你那捉將挾人那。

手策。哎。你箇將軍休左猜。俺可便專心兒等待。等待你箇擎天架海棟梁材。
〔下〕〔李克用云〕陳景思去了也。則今日破黃巢。走一遭去。咱呵哩。哪闌嗎。那哈兒。噴噴言。不實。
我克厭兒。哦八遲哈兒。布姪兒。何狗不狼也。這也。雇而鉄哩。古雷都。腦刻實可不巡。〔下〕

第二折

〔李克用上〕〔云〕歡來不似今朝。喜來那逢今日。某乃李克用是也。自從來這沙陀。三年光景。蒙聖恩。取回破黃巢。加某爲天下兵馬大元帥。統領五百義兒家將。三萬騎兵。軍過鴈門關。夜來得了一夢。夢見一個大蟲。趕着我咬。撒然驚覺。乃是南柯一夢。未知主何吉凶。左右與我喚將周德威來者。〔卒子云〕得令。周德威安在。元帥喚你哩。〔周德威上〕〔云〕小官周德威是也。今日元帥呼喚。不知有甚事。須索走一遭去。早來到也。令人報伏去。周德威來了也。〔卒子報科〕〔云〕報的元帥得知。有周德威在於門首。〔李克用云〕道有請。〔卒子云〕有請。〔見科〕〔周德威云〕元帥喚小官來有甚事。〔李克用云〕某今夜做了一夢不祥。不知主何吉凶。請你來圓夢。〔周德威云〕元帥夢有三不圓。記的頭。忘了尾。一不圓。記的尾。忘了頭。二不圓。記的中間。忘了頭尾。三不圓。元帥說來。〔李克用云〕昨夜三更時分。夢見一箇大蟲。搗着兩箇肉翅。望着某咬一口。撒然驚覺。乃是南柯一夢。不知主何吉凶。〔周德威云〕此夢單主吉。不主凶。〔李克用云〕此夢怎生單

主吉不主凶。〔周德威云〕單主今日。日當卓午。得一箇應夢的將軍。〔李克用云〕應夢的將軍。在於何處。〔周德威云〕不在飛虎。必在陵丘。〔李克用云〕怎生得見。〔周德威云〕元帥。除非是打圍射獵得見。〔李克用云〕既是這等。義兒家將。您聽者。快布圍場。出塞沙。雕弓硬弩隨身掛。短劍長鎗手內拿。皂雕起處。麋鹿死。放起黃鷹捉水鴨。山獐野獸能着箭。虎豹豺狼又中叉。馬馱鳥獸鷄和兔。驢背獐麋鹿犯。飛鷹走此下趙校加馬字似誤當作狗圍場罷。應夢將軍尋見他。〔同下〕〔正末上〕〔云〕自家安敬思的便是。在這鴈門關居住。與這鄧大戶家牧羊度日。我想來。學成十八般武藝。幾時是崢嶸發達的時節也呵。〔唱〕

〔南呂一枝花〕屈沉殺大丈夫。埋沒了英雄漢。有分受辛勤。捱日月。幾時得施謀略。展江山。天數輪迴。想太公在磻溪岸。他雖然成事晚。也曾釣西風。蓑笠綸竿。倒換做朝北闕。烏靴象簡。

〔梁州〕比似我受辛勤放羊北海。幾時得逞英雄射虎南山。眼前光景成虛幻。怕的是鴈門月冷。紫塞風寒。黃沙漠漠。衰草班班。幾般兒生熬的人。皓首蒼顏。消磨盡義膽忠肝。用功勞如韓信周勃。施妙策如張良謝安。呀呀呀。逞英雄似樂毅田單。枉將人等閑小看。便有那吐虹霓志氣冲霄漢。命不濟。枉長嘆。每日

價相伴着沙陀老契丹。受了些摧殘。〔云〕我把這羊趕在山坡崖下有水有草去處。着他吃些。我在這盤陀石上。盹睡盹睡。看有甚麼人來。〔正末盹睡科〕〔李克用領衆將上〕〔布圍場科〕〔李克用云〕周德威擺開人馬。快布圍場。不要走了。聲響野鹿。虎豹豺狼。〔卒子云〕理會的。〔扮虎上冲科〕〔李克用云〕圍場中趕過甚麼去了。〔周德威云〕趕過牛來大一箇大蟲。跳過山澗去了。〔李克用云〕呀。那盤陀石上。睡着一箇年紀小的後生。則怕那毒蟲傷害了那小的性命。叫他起來。〔卒子叫云〕兀那放羊的後生。虎咬了羊也。〔正末做醒科〕〔云〕今日不見了羊。明日也不見了羊。俺主人家鄧大戶家。則說我賣了羊。原來是你這潑毛團吃了這羊。好無理也。〔唱〕
〔隔尾〕我則見八面威的猛獸。假深澗。他可早一跳身翻飛過淺山。把我這貪水食的羣羊盡哄散。這厮將咱惱犯。我這裡將皮裘緊拴。大踏步望前。捨死的趕。〔李克用云〕周德威。我從見日月交食。不曾見這箇好爭鬪的後生。見了那大蟲。無些兒害怕。你和他說。他敢打這虎。我與他篩鑼播鼓。吶喊搖旗。助着威風。你可打這毒蟲。〔周德威云〕兀那放羊的後生。俺元帥說來。你敢打那大蟲。俺與你篩鑼播鼓。吶喊搖旗。助着威風。你打那毒蟲。〔正末云〕你與我助着威風。看我打這大蟲。〔唱〕

〔牧羊關〕血鼻凹撲碌碌連打十餘下。死尸骸骨魯魯滾到四五番。恨不的莽

拳頭打挫牙關。八面威氣象全無。十石力身軀軟癱。泥污了數尺金椽尾。血模糊幾道剪刀斑。舒不出鋼鈎似十八爪。閃不開金鈴也一對眼。〔正末打死虎科〕

〔李克用云〕周德威。你看那放羊的後生。將那大蟲三拳兩脚。打死了也。這虎乃獸中之王。有十石之力。百步之威。人見虎骨肉皆癱。此人真乃壯士也。你對壯士說。這毒蟲原是我園場中趕出去的。教他還我來。〔周德威云〕兀那打虎的壯士。俺元帥說來。那虎原是俺這園場中趕出去的。你還俺來。〔正末云〕你靠後。我丟與你。〔正末丟虎科〕〔李克用做驚科〕〔云〕隔着許來大山澗。丟將過來。着他尋一條蚰蜒小路過來。我與他說話。〔周德威云〕兀那壯士。俺元帥教你尋條蚰蜒小路過來。與你說話。〔正末云〕我那裡尋那蚰蜒小路着的呵。〔做跳澗科〕〔李克用云〕兀那壯士。你是那裡人氏。姓甚名誰。你說一遍我聽。〔正末云〕大人不嫌絮煩。聽小人說一遍者。〔唱〕

〔賀新郎〕小人本家住在鴈門關。〔李克用云〕你做甚買賣營生。〔正末唱〕與人家牧牛羊。〔李克用云〕你和他同財合本。〔正末唱〕則是苟圖些三衣飯。〔李克用云〕你有甚麼親眷。〔正末唱〕沒親眷獨自箇單身漢。〔李克用云〕你姓甚名誰。〔正末唱〕名敬思。小人姓安。〔李克用云〕你十八般武藝。那一般精熟。〔正末唱〕我學的十八般武藝熟閑。〔李克用云〕你既然學成十八般武藝。見如今黃巢作亂。縱橫天下。你肯去破黃巢去麼。〔正末唱〕不是這習兵

書的好漢少。赤緊的養劍客的主人難。〔李克用云〕看了你威風凜凜。狀貌堂堂。何不進取功名。〔正末唱〕覷了這窮身潑命。難把功名幹。〔李克用云〕你既有打虎之威。取功名有何難哉。〔正末唱〕端的是入山擒虎易。叉手告人難。〔李克用云〕兀那壯士。既學成十八般武藝。何不進取功名。在此受這等艱難。〔正末唱〕

〔哭皇天〕只爲俺衣飯難迭辦。不得已在他入眉睫間。〔李克用云〕你在那裡居住。〔正末唱〕則這安敬思在飛虎峪。〔李克用云〕你爲何在此受苦。〔正末云〕大人。不爭小人一箇受苦。上輩古人。多有受窘的哩。〔李克用云〕可是那幾箇古人受窘。〔正末唱〕便似班定遠在玉門關。空學的兵書戰策。爭奈運拙時艱。淹留在此。去住無門。便似蘇武般陷番。打虎的壯士。牧羊的家奴。似梁園採木。把我做凡花凡花一例看。你覷的黃巢利害。我看似等閑。〔李克用云〕兀那壯士。你若肯去破黃巢。我助你十萬鴉兵。你意下如何。〔正末云〕不要不要。〔唱〕

〔烏夜啼〕也不要錦衣綉襖軍十萬。我手裡要恢復你大唐江山。可憐見荒荒百姓遭塗炭。見如今地亂天翻。我直教國泰民安。不能穀開疆展土笑談間。算甚麼頂天立地男兒漢。枉了你廝聽使。相調慢。花根本艷。虎體元斑。〔李克用云〕

兀那壯士。你肯跟我去破黃巢。作箇義兒。作箇家將。〔正末云〕怎生喚做義兒。怎生喚做家將。〔李克用云〕你作家將。是我手下散軍頭目一般。要作義兒。便與親兒李亞子一般。〔正末云〕小人情願做箇義兒。不作家將。〔李克用云〕既然與我作義兒。改名喚做李存孝。你用甚麼衣袍鎧甲。我關與你。〔正末云〕父親。您孩兒不用衣袍鎧甲。就用這死虎皮。做一箇虎皮磕腦。虎皮袍。虎筋繖。孩兒自有兩般兵器。渾鐵鎗。鐵飛撻。〔李克用云〕我得了此人。正是應夢的將軍。周德威。你說今日日當卓午。得一箇應夢將軍。果然得了應夢的將軍。則你那陰陽有準。禍福無差。將一錠金來。與周德威做壓卦錢。〔與金科〕〔周德威云〕多謝元帥厚意。〔李克用云〕左右將過空頭宣敕來。李存孝望闕跪者。自今日加你爲十三太保飛虎將軍。存孝望闕謝了恩者。〔正末云〕感謝聖恩。〔李克用云〕孩兒。則今日便索長行。〔正末云〕父親。孩兒去辭了鄧大戶來。便索長行。〔李克用云〕既是這等。左右與我喚將鄧大戶來。〔卒子云〕得令。鄧大戶安在。〔外扮鄧大戶上〕〔云〕老漢鄧大戶是也。正在莊田裡。只聽的元帥呼喚。須索走一遭去。說話中間。可早來到。令人報伏去。說老漢來見元帥。〔卒子報科〕〔李克用云〕着他過來。〔做見科〕〔鄧大戶云〕元帥。喚老漢那廂使用。〔李克用云〕鄧大戶。這安敬思。多虧了你恩養。他如今與我做了義兒。是朝廷的人了。將十錠金。十錠銀。與你。作恩養錢。〔鄧大戶云〕老漢不敢受這金銀。家中有一小女。喚做金定。

小姐。年長一十八歲。就與存孝爲妻。不知元帥意下如何。〔李克用云〕好好。你的女兒。配與我孩兒爲妻。我孩兒若作了官。你女兒便是夫人哩。〔鄧大戶云〕既然如此。多謝了元帥恩意。老漢告辭回去也。〔下〕〔李克用云〕吾兒存孝。我與你三千人馬。先去破黃巢。你敢去麼。〔正末云〕父親放心。不是你孩兒誇大言。〔唱〕

〔二煞〕憑着我忠心掃蕩烟塵散。提將手扶持社稷安。華嚴大戰那其間。上的那駿馬雕鞍。恁般兒雖不似跨海征遼那漢。黃金鎧不須損。憑着背上雕弓月樣彎。我則要定了天山。〔李克用云〕李存孝。你既然這等英雄。你敢與黃巢交戰麼。〔正末云〕

父親放心。〔唱〕

〔尾聲〕不是勤王存孝相輕慢。我觀的叛國黃巢一似等閑。休俄延。莫怠慢。我將它特小看。好還咱。兩陣間。看存孝。這一番。不許當。不許攔。一颼軍沒揣的撞入長安。忙離寶鐙。跳下征鞍。直臨內苑。撞入皇宮。一隻手可答地拖離寶殿。滴溜撲摔下瑤堦。比及挑筋剔骨。摘膽剜心。大拳頭搥住嘴縫。闊腳板踏住胸脯。我只問你因何將大唐天下反。〔下〕〔李克用云〕存孝去了也。〔卒子云〕去了也。〔李克用云〕衆義兒家將。自今日聽吾將令。前排甲馬。後列軍卒。耳聞金鼓震天雷。眼望纛旗遮日月。道

與俺那能爭好鬪的番官。捨死忘生的家將。一箇箇齊懸着虎爪狼牙棍。沙魚鞘插三環寶劍。鴈翎刀擺明晃晃耀日爭光。綉旗下列光油油檀子棒。手彈着樂器。有弩杜花遲。准備着相持。得勝也。安排着筵會。金盞子滿斟着賽銀打刺蘇。膽瓶中插一枝萬金千柳。帳房內擺幾箇描不成畫。不就嬌滴滴酥胸胡女。帳房外三二百員鬢黃髮亂番官。賽銀。齊將鴛蘇門也舍吃。都帶着隱□。擺着營盤。錦行軍使。打幾對雲月皂鵬旗。列拐子馬數千鐵鷄子。俺這裡馬如龍。人似虎。趕上將鋼刀剝。銅斧砍。鐵鞭忙丟。來着馬皮。放回拿住。將他殺盡方休。〔下〕

第三折

〔黃巢上〕〔云〕馬韁征鞍將掛袍。將軍呵手撚弓鞘。休言十載燈窗苦。怎比征夫半日勞。某乃黃巢是也。因大唐開其選場。某乃上朝應舉。唐天子嫌某貌醜。退出不用。某在太行山落草爲寇。某手下有御弟黃圭。鄧天王。張歸霸。張歸厚。雄兵有百萬。戰將有千員。要奪大唐家江山社稷。今有北塞沙陀。取將李克用來。他手下有箇牧羊子。喚做李存孝。統領雄兵。與俺交戰。我如今喚張歸霸。張歸厚來。與他雄兵百萬。着他交戰去。左右喚他二人出來。〔卒子云〕張歸霸。張歸厚。大王喚你哩。〔二淨上〕〔云〕湛湛青天不可欺。八箇螃蟹往南飛。只有一箇飛不動。原來是箇尖腩的。某乃張歸霸。張歸厚是也。今有大王呼喚。不知有甚事。須索走一遭去。說話中間。可早來到。左右報

伏去。道俺二將來見。〔卒子報云〕喏。報的大王得知。有張歸霸張歸厚來了也。〔黃巢云〕着他過來。〔卒子云〕着你過去哩。〔二淨見科〕〔云〕大王。喚俺那廂使用。〔黃巢云〕喚你二人來。今因大唐家取將沙陀李克用來。他手下有箇牧羊子。喚做李存孝。統領十萬雄兵。千員猛將。來與俺交戰。我如今也與你百萬雄兵。到來日與他相持廝殺去。〔二淨云〕得令。我出的這門來。大小三軍。聽吾將令。甲馬不許馳驟。金鼓不許亂鳴。人披人甲。馬披馬甲。若還沒甲。披上兩葉板鬪。兩頭繩子繫殺。我若殺的過。則管殺。我若殺不過。我便走了。看你怎生刺巴巴。〔下〕〔黃巢云〕他二人去了也。大小三軍。聽吾將令。統戈甲便是巡捕。狹路處低言輕語。不許大叫高呼。犯着令。斬首級。決不輕恕。〔下〕〔正末上〕〔云〕某乃十三太保李存孝是也。叵耐黃巢無禮。他着張歸霸張歸厚。統雄兵百萬。戰將千員。來與俺這裡交戰。想這廝好生無禮也呵。〔唱〕

〔越調鬪鶴鶉〕你看我對壘交鋒。相持廝殺。則聽的吶喊搖旗。天摧地塌。則我這耀武揚威。披袍擐甲。非小可。不是耍。則這入水三川。屯着千軍萬馬。

〔紫花兒序〕人蕩散征塵殺氣。旗招颭落日殘霞。馬踏遍野草閑花。你看我施逞武藝。則待將賊將活拿。這場征伐。你看我虎略龍韜。隄備下。不是我自獎自誇。憑着我志節軒昂。武藝熟滑。〔云〕大小三軍。擺開陣勢。看有甚麼人來。〔二淨上〕〔云〕某

乃黃巢手下大將張歸霸張歸厚是也。你是何人。敢和我相持廝殺麼。〔正末云〕這厮好無禮也。操鼓來。〔唱〕

〔金蕉葉〕我則見黑黯黯雲遮日華。昏鄧鄧風吹塞沙。見一人雄赳赳披袍擐甲。嗔忿忿橫鎗躍馬。〔二淨云〕來將何人。〔正末唱〕

〔調笑令〕不索你搦咱。更怕你會征伐。〔二淨云〕來者何人。通名道姓。〔正末唱〕你存孝爹爹出陣者。〔云〕你是何人。〔二淨云〕吾乃黃巢手下大將張歸霸張歸厚。你那牧羊子。早早下馬來受死。〔正末唱〕原來是黃巢手下張歸霸。嗔道這般氣高膽大。向前來二人挑戰者。不索你鑿鑿戰鼓頻搥。〔二淨云〕叵耐牧羊子無禮。你敢與我決戰三合麼。〔正末

云〕交馬來。〔唱〕

〔禿厮兒〕鞍上將威風轉加。坐下馬筋力堪誇。我則見紗燈兒般轉到十數匝。我看你怎生收煞。〔二淨云〕我兒李存孝。早下馬罷。〔正末云〕這厮好無禮也。〔唱〕

〔聖藥王〕叵耐他小覷咱。匣中寶劍定中華。憑着我坐下馬。手中搥。李存孝非是自矜誇。我扶立起大唐家。〔二淨云〕殺不過他。往長安走了罷。〔下〕〔正末云〕這厮可早走了也。往那裡去了。〔卒子云〕往長安城去了。〔正末云〕大小三軍。一齊殺進長安城去。〔唱〕

〔雪裡梅〕猛然間入京華。誰敢道當關咱。則這京城中可是俺大唐天下。不刺刺忙催戰馬。〔云〕進的這城來。大小三軍。擺開陣勢。看有甚麼人來。〔黃圭上〕〔云〕某乃御弟黃圭是也。臣耐大唐家。去沙陀取將李克用來。他手下新收的一箇牧羊子。叫做存孝。來殺俺三三三。今殺到長安城裏。無人敢當。某親身與他交戰。一遭去。兀那牧羊子。來與某交手者。〔正末云〕這厮好無禮也。走將來交馬便戰。不要看這厮披掛。倒騎着一疋好馬。大小三軍。看我拿那厮來。〔唱〕

〔古竹馬〕也不索征鞍輕壓。征靴撤抹。征靴緊跨。不刺刺直赶到海角天涯。生熬的兩事家心驚膽戰。力困神乏。見他見他戰戰兢兢。怯怯喬喬。黃甘甘容顏如蠟渣。全不見武藝熟滑。〔黃圭敗科〕〔云〕我殺不過他。走了罷。〔下〕〔正末云〕這厮走了也。須索趕上去。〔唱〕

〔么〕我從來劣性難拿。正惱犯如何收煞。見咱趕他撞陣冲軍。倒戈棄甲。縱轡加鞭催戰馬。恨不的剪斷紫韁。踏斜寶鐙。頓寬玉勒。擺損金甲。

〔尾聲〕把那倉廩府庫隨風化。不落根椽片瓦。這勤王存孝得功回。教這反國黃巢沒亂殺。〔下〕

第四折

〔李克用上〕〔云〕帥鼓銅鑼一兩敲。轅門裡外列英豪。三軍唱罷平安喏。緊捲旗旛不動搖。某乃李克用是也。今有李存孝孩兒。與黃巢交戰去了。未知輸贏勝敗。差了一箇能行快走的探子去了。這早晚敢待來也。〔正末扮探子上〕〔云〕一場好廝殺也呵。〔唱〕

〔黃鍾醉花陰〕一托氣直奔數十里。徧體汗渾如水洗。非是我說兵機。若論相持。大會垓。應難比。

〔喜遷鶯〕火速的上塔基。一徑的攬先隊。〔云〕報報報喏。〔唱〕來報喜。〔李克用云〕好探子也。從那陣面上來。喜色旺氣。一張弓彎秋月。兩枝箭插寒星。三尺劍掛小貂裘。四方報喜問探子。五花營中來往。有如攬梭。六隊軍中上下。有如蛟龍。七尺軀肩擔令字旗。八角紅纓桶子帽。久久等待許多時。實實數說軍情事。〔探子唱〕當日箇華嚴川內。衆諸侯聚會雲集。端的阿誰不會。盡是些使爭好鬪。顯氣勢。一箇箇挾人捉將。一箇箇搥鼓奪旗。〔李克用云〕俺存孝與黃巢賊將。兩陣對圓。怎生相持廝殺。你喘息定。慢慢說一遍者。〔探子唱〕

〔出隊子〕齊臻臻軍卒擺列。韻悠悠畫角吹。撲簌簌振地凱征聲。赤力力遮天摩綉旗。不刺刺追風戰馬嘶。〔李克用云〕那賊將怎生冲陣。憑陵大叫。俺存孝怎生一勇冲

殺。你喘息定。試再說一遍。〔探子唱〕

〔刮地風〕則見張歸霸軍前猛叫起。咱兩箇比試高低。李存孝怒從心上起。呀。可早變了容儀。倒豎神眉。踏寶鐙。滴溜撲跳上烏騾。吼風雷。吐虹蜺。一怒千斤力。拚性命廝對敵。手拿定兩柄撾槌。〔李克用云〕俺存孝與賊將交馬十數合。那家贏。那家

輸。你喘息定。再說上一遍。〔探子唱〕

〔四門子〕惡嗽嗽撞入垓心內。張歸霸走似飛。料應他武藝敵不的。打征驍。捻玉勒。暢好是慌。好是急。飛虎將早來望後追。暢好是慌。好是急。悞撞入長安市裡。〔李克用云〕那賊將敵不過存孝。敗陣望長安逃命而走。俺存孝乘勝追趕。撞入長安城內。又與

賊將怎生巷戰。你再說一遍。〔探子唱〕

〔古水仙子〕趕來到灞河裡。見一隻舡來有似飛。搖櫓的水手又心忙。把舵的梢公膽碎。恨不的兩下裡納降旗。一齊的馬前忙跪膝。告爹爹委實敵不的。來來來似小鬼見鍾馗。

〔寨兒令〕端的。端的全無半點疎失。又不見敵軍武藝低。雖存孝善兵機。也托賴着當今帝。〔李克用云〕好探子也。與你兩隻羊。兩瓶酒。十箇免帖。回本營去。〔探子唱〕

〔尾〕到不得底千尋浪頭裡。看時節顯出些頭盛。我則見尸堰斷瀾陵橋下水。

題目

張歸霸布陣排兵

李克用揚威耀武

正名

長安城黃巢篡位

鴈門關存孝打虎

丁巳年借于小谷本錄校清常記

狄青復奪衣襖車

闕名

頭折

〔冲末范仲淹領張千上〕〔范仲淹云〕職列鵷班真棟梁。恩霑雨露坐琴堂。調和鼎鼐安天下。燮理陰陽定萬方。老夫姓范名仲淹字希文。幼習儒業。在長白山修學。我與友人溫習經書。煮粟米二升。作粥一器。斷齋數莖。酢汁半盂。煖而啗之。後成大儒。今輔佐大宋。見今八方無事。四海晏然。山河一統。萬國來朝。謝聖恩可憐。加老夫爲天章閣學士之職。今奉聖人的命。有西延邊賞軍一事。葛監軍奏曰。每年秋七八月。犒勞三軍。今冬十一月并臘月。軍士勞苦。未蒙賜恩。今奉聖人之命。着老夫將五百輛衣襖扛車。上西延邊賞軍去。老夫想來。可用能幹之人。隨路防護。今有鞏勝營中有一人。乃汾州西河縣人也。姓狄名青字漢臣。此人十八般武藝皆全。除非此人可去。左右與我喚狄青來者。〔張千云〕理會得。狄青安在。〔狄青上〕〔云〕赳赳威風貌虎軀。六韜三略有誰如。爲人不把功名立。枉作乾坤大丈夫。某姓狄名青字漢臣。汾州西河縣人也。自幼學成十八般武藝。寸鐵在手。有萬夫不當之勇。今在鞏勝營中。做一箇軍健。漢人口順。都叫我做小健兒狄青。今有范大人呼喚。不知有甚事。須索去走一遭。早來到此也。令人報復去。道有狄青來了也。〔張

千云）理會得。報的大人得知。狄青來了也。（范仲淹云）着他過來。（張千云）理會得。過去。（狄青見科）（云）大人呼喚狄青。那廂使用。（范仲淹云）狄青。今爲西延邊賞軍。有五百輛衣襖。扛車。無人可去。奉聖人命。知你驍勇過人。武藝精熟。加你爲押衣襖扛車大使。上西延邊賞賜三軍。小心在意。回還自有重用你處。收拾披掛。便索登程。（狄青云）得令。自今日收拾軍裝。押衣襖扛車。走一遭去。奉命親差去賞軍。威嚴勇力有誰倫。扛車衣襖臨邊上。恁時回報受皇恩。（下）

（范仲淹云）狄青收拾軍裝去了也。憑着此人英雄。必有輔國之志。定亂之術。若幹事回來。再有計議。老夫回聖人的話。走一遭去。衣襖俱完就。扛車準備齊。狄青親押赴。回奏敢稽遲。（下）（正末扮王環上）（云）老夫王環是也。幼年間東蕩西除。南征北討。多與大宋出力。今已年紀高大了也。將這一副全裝披掛。并軍器等物。於街市貨賣。烏油甲一副。皂羅袍一領。鵲樺弓一張。鳳翎箭一壺。黃面具一箇。紅抹額一條。三尖兩刃大桿刀一柄。撒髮盔一頂。幼年臥霜眠雪。豈知今日無用也呵。（唱）

（仙呂點絳脣）則我這劍戟藏收。臂無錦鞬。衣袍舊。馬善人熟。想往日威風

赴。
（混江龍）玉門關後。老將軍無比陣雲收。若題着安邦定國。受賞封侯。擐甲披

袍騎戰馬。倒不如去拽耙扶犁使耕牛。尋幾箇漁樵作伴。將柴門扣。心忙意急。壯志難酬。〔云〕這兵器披掛。便那裡有人買。我且閑來游翫者。
〔唱〕

〔油葫蘆〕遙指南山景物幽。我自趁逐。閑來游翫興悠悠。我則見碧沿沿水面。上波紋皺。更那堪翠巍巍山色晴嵐秀。相交的野外人。作伴的村下叟。喜的是扶犁拽耙深耕耨。止不過春種與秋收。

〔天下樂〕時遇豐年五穀收。百姓每歌謳心意投。俺若是做莊農快活何處有。若有那二頃田。和他這一耙牛。倒大來千自在。百自由。〔云〕這披掛一物。一主。看有

甚麼人來。〔狄青上〕〔云〕五百衣襖延邊去。萬里平沙拒北番。某狄青是也。今蒙聖人的命。升我做押衣襖車大使。就着我押五百輛衣襖扛車。前往西延邊賞軍去。爭奈無一副披掛兵器。我如今去這街市上。買一副披掛兵器。走一遭去。遠遠的望見一箇老將軍。守着一副披掛兵器。不知他是賣也不賣。我向前去問他一聲。怕做甚麼。
〔做見科〕〔狄青云〕支揖老將軍。你這一副披掛。可是賣也不賣。〔正末云〕我這衣甲要賣。〔狄青云〕要多少錢。〔正末云〕要一千貫。〔狄青云〕老將軍。不值許多價錢。〔正末云〕壯士你聽。我說與你者。〔唱〕

〔那吒令〕這領袍用皂羅做就。這副甲着烏油漆就。這面具是生金鑄就。鵲樺

弓碧玉梢。鳳翎箭搭上絃。那三尖刀兩刃鋒秋。〔狄青云〕別的不打緊。我看這一口

刀者。是一把好刀也。〔狄青做輪刀科〕〔正末唱〕

〔鵲踏枝〕他那裡說緣由。逞搗搜。〔帶云〕是一箇好漢也呵。〔唱〕他入手輕輪。武藝滑熟。這口刀落與你介冑。抵一千箇壯士凝眸。〔云〕你要用這兵器。你將去。我則問你姓甚名誰也。〔狄青云〕老將軍。小人姓狄名青。字漢臣。汾州西河縣人氏。奉聖人的命。教我押五百輛衣襖。扛車。前往西延邊上。賞軍去。就加我爲押衣襖扛車大使。爭奈無一副披掛兵器。今日肯分的遇着老將軍。小人上告老將軍。這副衣甲。老將軍肯賒與小人麼。〔正末云〕原來你是狄青。〔唱〕

〔寄生草〕喏兩箇纔相見。心意投。英雄只說英雄手。他賢良只說賢良口。則俺這英雄志氣冲牛斗。他若是相持廝殺統戈矛。端的是強中更有強中手。〔云〕狄青你來。我賒與你這副披掛。你以後得志呵。那其間還我錢鈔。也未是遲哩。〔狄青云〕多謝了老將軍。我若久以後得志呵。此恩必當重報也。〔正末唱〕

〔尾聲〕這紅抹額似火霞飄。金面具威風。大桿刀輕輪在手。平定了乾坤四百州。施展你那武藝滑熟。統戈矛。有一日建節封侯。恁時節方顯男兒得志秋。

則我這氣衝着牛斗。胸懷錦繡。我則待播清風萬古把名留。〔下〕〔狄青云〕誰想今日遇着這老將軍。除與了我這一副衣甲兵器。若到邊境。便遇着敵兵。也不怕他。衣甲兵器都有了也。則今日押衣襖扛車。走一遭去。披袍擐甲荷鋼刀。奉使邊庭不避勞。衣襖賞軍頒國惠。須將忠勇報皇朝。〔下〕

第二折

〔范仲淹領張千上〕〔云〕忠誠報國爲良吏。留取芳名載汗青。老夫范仲淹是也。今差狄青押衣襖車。前去西延邊賞軍去。想不到於河西國。被史牙恰和魯雄邀截了衣襖扛車。趕入黑松林去了。老夫奉聖人的命。差飛山虎劉慶前去。取狄青首級。爲此人倚酒慢公。失誤了衣襖扛車。說與劉慶。若是狄青奪將衣襖車來。將功折過。若奪不將回來。二罪俱罰。若回來時。我自有箇主意也。奉使遣狄青。倚酒慢軍情。差劉慶去。剽首早回程。〔下〕〔淨店小二上〕〔云〕買賣歸來汗未消。上牀猶自想來朝。當家爲甚頭先白。一夜起來七八遭。自家店小二的便是。在這牢山店賣酒爲生。紛紛揚揚。下着如此般大雪。挑起這草囤兒。燒着這鐵鍋兒熱。看有甚麼人來。〔狄青上〕〔云〕披堅執銳爲軍健。天寒地凍奉公差。某乃狄青是也。自從奉命押着這衣襖扛車。西延邊賞軍去。衣襖扛車。先行了也。來到這牢山店。紛紛揚揚。下着這般大雪。天氣寒冷。兀的不是箇酒務兒。我

買幾鍾酒吃了呵。慢慢的行。兀那賣酒的。有酒的麼。〔店小二云〕官人有酒。請進酒務兒裏。〔狄青做入酒務兒科。〕〔云〕店小二。打二百錢酒來。纔的着熱。我喫了好走。〔店小二云〕理會得。有了酒也。〔狄青云〕將來我慢慢的飲。看有甚麼人來。〔正末扮劉慶上。〕〔云〕某乃飛山虎劉慶是也。小健兒狄青。押衣襖車去。被番軍都奪將去了也。狄青不知在何處。今奉大人將令。差我催狄青去。出的門來。撞着這般寒冷天氣。好大雪也。〔唱〕

〔南呂一枝花〕我與你拽扎了我紅納襖。牢拴住白氈帽。〔帶云〕好大雪也呵。〔唱〕恰便是顛狂飛柳絮。我則見紛紛的剪鵝毛。頭直上瑞雪飄飄。如萬對蝴蝶鬧。正彤雲罩紫霄。又遇着酷冷天寒。將令差違拗了。誰敢承招。

〔梁州〕恰過了五七層山坡隘角。早來到十數處野水橫橋。我與你湯風冒雪登長道。寒風颯颯。冷霧瀟瀟。將令嚴整。暮景良宵。往來是半月十朝。誰敢道怠慢分毫。〔帶云〕這一遭。〔唱〕我我我。雖不是北狄南蠻。來來來。又不是天涯海角。呀呀呀。過了些無爺娘的水遠山遙。不由我自猜自焦。失悞了閫外將軍號。我急行動軍健脚。不見了扛車何處抓。可怎生無一箇消耗。〔云〕可早來到這半山店。某有些飢渴。我買幾鍾酒湯湯寒者。〔云〕兀那賣酒的。有酒麼。〔店小二云〕官人有酒。請進酒務

兒裏來。〔正末做入酒務兒科〕〔云〕打二百錢酒來。〔店小二云〕理會得官人。有了酒也。〔正末做喫了酒做起身科〕〔店小二做扯住科〕〔云〕你不還我的酒錢。你就走了。〔正末云〕我是箇打差的人。那得那錢來還你。〔狄青做問科〕〔云〕店小二。爲甚的大驚小怪的。〔店小二云〕官人不知。這箇人喫了二百錢酒。他不還錢。便要走去。〔狄青云〕看起來他是箇衙門中辦事的人。小二哥。我替他還了這錢。兀那君子。你姓甚名誰。你爲甚麼到此處。你說一遍者。〔正末云〕某乃飛山虎劉慶。奉大人的將令。差我去催小健兒狄青衣襖扛車。那厮違了半箇月限。我若見狄青那弟子孩兒呵。鼻間裏足打他五百鐵索。〔狄青云〕則我便是狄青。〔正末云〕早是不曾說你甚麼。〔狄青云〕你罵的我穀了也。你來時。曾撞着甚麼人來。〔正末云〕我來迎着一簇番官。將衣襖車奪將去了。我趕在蓬科裏。我見他。他不曾見我。皂鵬旗上寫着道。大將史牙恰。他奪了你那衣襖車去了。你剗地在這裡喫酒。大人將令。你若趕上復奪了衣襖扛車。將功折罪。雖誤了半月限。其罪可免也。我和你趕那衣襖扛車去來。〔狄青云〕說的是。嚙兩箇趕去來。未知這話是實麼。〔正末唱〕

〔牧羊關〕我從來無虛謬。你心中自恁約。違了限半月期高。俺元帥殺斬權謀。你這件事非同。一箇草草。你趕的上奪了呵。不見罪。你趕不上呵。將你來怎就

饒。我便有那渾身是口也難分曉。則你那好前程可惜斷送了。〔狄青云〕俺兩箇趕

那衣襖車去來。〔同下〕〔店小二云〕我閉了這板關。噯飯去也。風雪天身上寒冷。肚裏飢且喫冰

凌。〔下〕〔智雄驢馬兒領回回卒子上〕〔云〕燦燦銀盔氣勢強。珊珊鐵鎧帶寒霜。西河隊裏惟吾

勇。凜凜英名四海揚。某乃李滾手下大將智雄是也。某文強武勇。膂力過人。久鎮河西國。某手下

有雄兵百萬。戰將千員。某使一桿方天畫桿戟。萬夫不當之勇。今有小健兒狄青。押着五百輛衣

襖扛車。前往西延邊上賞軍去。路打此處過。某將衣襖扛車盡皆奪了。我差人護着。趕入黑松林

去了也。我在此專等着後來的軍馬。這杏子河邊。我敲開這冰飲馬者。〔狄青同正末驢馬兒領

卒子上〕〔狄青云〕某乃狄青是也。劉慶俺行動些。〔正末云〕阿哥。來到這杏子河邊也。你見麼。

兀那一箇番將。敲冰飲馬哩。〔狄青云〕他是誰。〔正末云〕他是番將智雄。〔狄青云〕他是智雄。我

射他一箭。〔正末云〕阿哥。你休射他。倘射的着他。萬事都休。若射不着他。你騎着龍也似快的馬。

你便走了。他拏住我呵。我的腦子。做不的主也。〔狄青做拏箭科〕〔正末唱〕

〔哭皇天〕他款把雕弓搭。我頓斷金縷絛。紫金鉞搭上絃。撚轉鳳翎稍。〔正末搬

臂膊科〕〔狄青云〕你爲何搬我。〔正末唱〕我爲甚搬住他這臂膊。射中呵亦無話說。射不

中。啗有災殃。你若是耽的下。耽的下便發箭鑿。〔狄青云〕我這箭發無不中。中無不倒。

倒無不死也。〔唱〕你那箭發無不中。中無不倒。〔狄青云〕兀那番官。〔智雄回頭科〕〔狄青射箭科〕〔云〕着去。〔智雄中箭科〕〔下〕〔正末唱〕

〔烏夜啼〕箭離絃似一點流星落。我則見滴溜撲墜落在鞍轡。〔狄青云〕我箭射了智雄。俺尋那衣襖扛車去來。〔正末唱〕也是他今日災星照。他枉劬勞。咱不索心焦。〔狄青云〕趕上史牙恰。一刀劈下馬來。〔正末唱〕若遇着史牙恰。刀併見箇低高。奪了那衣襖車。便是把冤讐報。〔狄青云〕我不用排兵布陣。就要了衣襖車來。〔正末唱〕也不用排軍校。你端的逢山開道。遇水疊橋。〔狄青云〕咱趕那衣襖車去來。〔正末云〕這裡有兩條路。那野牛嶺上一條大路。嶺下一條小路。阿哥。我沿河路上行。你往嶺上去。你若見番官呵。你將那刀尖兒招一招。我便知道。若剽了他的首級。摘了他的虎頭金牌。帶在腰間。俺兩箇分兩路趕他去來。〔狄青云〕你也說的是。咱兩箇去來。〔同下〕〔車頭領車扛上〕〔云〕衣襖扛車五百輛。推至延邊去賞軍。自家車頭的便是。跟着狄將軍。領着這五百衣襖扛車。都被番官搶了。如今趕着扛車。往黑松林裏去。前塗扛車行動些。番官趕將來了也。〔史牙恰驢馬兒領回卒子上〕〔云〕塞北沙陀爲頭領。番將叢中第一人。某乃大將史牙恰是也。某手下的番將。人人英勇。箇箇威風。能騎劣馬。快拽硬弓。今有狄青押着衣襖扛車。被某都搶了。趕將黑松林去。兀的那押扛車人作

急的行。后面則怕有人趕將來也。〔狄青躍馬兒上〕〔云〕某乃狄青是也。我上的這野牛嶺來。正行之間。見河邊岸上旗招。莫不敢有番軍來麼。〔做見科〕〔云〕果然是一簇番軍。旗上寫着大將史牙恰。兀的不是衣襖車。我復奪去也。〔史牙恰云〕來者何人。〔狄青云〕某乃狄青是也。兀那番將。快與我丟下扛車。〔史牙恰云〕你敢廝殺麼。〔狄青云〕量你這番將。到的那裡。着他喫某一刀。〔做刀劈科〕〔史牙恰中刀科〕〔下〕〔狄青喚正末科〕〔云〕劉慶你來。我刀劈了史牙恰了也。〔正末上〕〔云〕好將軍也。〔唱〕

〔牧羊關〕史牙恰排軍校。狄將軍武藝高。紅抹額火燄風飄。鞍上將如北海的龍蛟。坐下馬似南山獸遶。狄將軍施英勇。史牙恰顯龐豪。史牙恰束手纔爭鬪。狄將軍去他頂門上搥叉的則一刀。〔狄青云〕某箭射了咎雄。刀劈了史牙恰。劉慶你先回去。我復奪了衣襖扛車。趕退番軍。我便回大人的話去也。〔正末跪科〕〔云〕阿哥。我家中還有八十歲的老母。無人奉養。你怎生可憐見。將這咎雄的金牌。史牙恰的三叉紫金冠。與我賣些錢鈔。侍養老母。可不好也。〔狄青云〕這牌與冠都與你。你就將着這兩顆首級。先往大人府裏獻功去。我押這衣襖車。我隨後便來也。〔正末唱〕

〔尾聲〕鶴隨鸞鳳飛還遠。人伴賢良志轉高。那將軍施躁暴。這將軍是勇躍。奪

了扛車。取了衣襖。咎先鋒着箭斃。史牙恰則一刀。這狄青恰似活神道。他輕輪着那三尖兩刃鋼刀。把些箇敗殘軍落荒。他可都趕去了。〔下〕〔狄青云〕劉慶將着首級去了也。他這一去。必然先與我報功。兀那車頭。押着衣襖扛車上西延邊走一遭去。箭射咎雄死。刀劈牙恰亡。復奪衣襖扛。此功第一場。〔下〕

楔子

〔淨黃軫上〕〔云〕朝中宰相五更冷。鐵甲將軍都跳井。則有一箇跳不過。跳在裏頭撲擊。自家黃軫是也。奉大人將令。着我催小健兒狄青衣襖扛車去。來到這半路中。兀的遠遠一箇人來也。〔正末上〕〔云〕某乃飛山虎劉慶是也。將着兩顆首級。大人府裏獻功去也。〔黃軫云〕兀的不飛山虎劉慶。劉慶。你將這兩顆首級往那裡去。〔正末云〕這箇是咎雄史牙恰的首級。將着往大人府裏。與狄青報功受賞去。〔黃軫云〕且住者。我若得這兩顆首級。拿到大人府裏。這功勞都是我的。我問他者。劉慶。你將這兩顆首級與我。我多與你些錢鈔。你去養活你那母親。可不好也。〔正末云〕這呆廝好要便宜。狄青復奪了衣襖扛車。箭射死了咎雄。刀劈了史牙恰。我將着這兩顆首級。大人府裏與狄青獻功受賞去。你待要倒好了你也。〔黃軫云〕則除是恁般。劉慶。你看那洞底下兩箇大蟲鬪。〔正末云〕在那裡。我看一看者。〔黃軫做推正末下洞科〕〔云〕我將劉慶推

下澗去也。我得這兩顆首級。大人府裏獻功受賞去也。把劉慶推下澗去。得首級正好賴功。〔下〕
〔正末做上澗科〕〔云〕黃軫好無禮。將我推下澗去。若不是多年樹葉子厚。那得我的命來。你要賴狄青的功。我直至大人府裏。與狄青做箇大證見也。〔唱〕

〔賞花時〕推我在深澗裡登時一命虧。我若到帥府爭知他饒過你。狄將軍英雄有誰及。若我不分一箇曲直。必索要別辨箇是和非。〔云〕想此人好無天理也。〔唱〕
〔么篇〕嘗言道湛湛青天不可欺。若順了人心。失了正理。天網是恢恢。若論着狄青的這武藝。我則待對倒了他這箇賴功的賊。〔下〕

第三折

〔李滾上〕〔云〕旗開雲月晃金戈。避暑乘涼至黑河。北塞閑中行樂處。逍遙馬上翫沙陀。某乃大將李滾是也。我手下有兩員大將。一箇是晁雄。一箇是史牙恰。今有一箇小健兒狄青。押五百輛衣襖扛車。前往西延邊賞軍去。我差他兩員大將。邀截了衣襖扛車。聞知小健兒狄青。復奪了衣襖扛車。與俺北番交鋒。未知輸贏勝敗。使的箇報喜探子去了。這早晚敢待來也。〔正末扮探子上〕〔云〕一場好廝殺也呵。〔唱〕

〔商調集賢賓〕貪慌忙。棘針窩抓住戰衣。殺敗了一箇小河西。行不動山岩下。

歇息。立不住東倒西欹。眼張皇手似撈淩。行不動一絲無力。那將軍相持廝殺對壘。有軍來誰敢迎敵。喧天般發喊聲。就地凱征聲。名傳於世。委實無敵。〔正末見科〕〔云〕報報報。〔唱〕寰中第一。〔李滾云〕好探子也。從那陣面上來。你看那喜色旺氣。探子來的意如何。穿花度柳疾如梭。中軍帳內低低問。兩下軍兵那處多。史牙恰怎生與狄青廝殺來。探子你喘息定。慢慢的說一遍。〔正末云〕將軍聽我慢慢的說一遍者。〔李滾云〕我聽你慢慢的說一遍。〔正末唱〕

〔後庭花〕殺的那血成河如聚水。死屍骸山岸般堆。疎林外槍刀響。土坡前戰馬嘶。莫迎敵誰曾見。崎嶇的山勢高阜處。遙望着見一將來的疾。雄赳赳將鎧甲披。威凜凜戰馬嘶。紅抹額似火焰飛。皂羅袍似霧黑。烏油甲甚整齊。鳳翎箭端的直。鵲樺弓偃月起。那將軍黃面皮。三尖刀兩刃齊。人和馬走似飛。喝一聲如霹靂。唬的人魂魄飛。

〔雙鴈兒〕俺這壁。急慌忙。撲倒了這雲月皂雕旗。把鎗刀不撇了等甚的。咎顧命逃生早回避。他來的雄勢威。惜不的甲馬催。〔李滾云〕智雄在杏子河飲馬。那狄青怎生發箭來。你再說一遍來。〔正末唱〕

〔醋葫蘆〕咎雄那裡飲戰馬。狄青背后隨。咎雄他英名赳赳豎神威。狄將軍怒將金鎧踢。不離了今日界河的。這兩岸要相持。〔李漢云〕那狄青急取雕翎箭。忙拈寶雕弓。連珠箭砲窩裡飛來。一點油絃頭上迸出。探子你喘息定。慢慢的說一遍。〔正末唱〕

〔醋葫蘆〕狄將軍將玉轡提相對敵。走獸壺順手取金鉗。鳳翎箭水光端的直。弓彎着神臂。更壓着漢朝李廣養由基。〔李漢云〕那狄青右手兜絃。左手推靶。弓開似那曲律山頭。蟬望着鼻凹一點星。你慢慢的說一遍。〔正末唱〕

〔醋葫蘆〕狄青將右手兜左手推。斟量着遠近觀箇高低。則他那猿猱臂膊。使着氣力。撼山般威勢。轉回頭斜望着咎雄射。〔李漢云〕那狄青去那飛魚袋內拈弓。走獸壺中取箭。弓開的十分滿。箭去的九分疾。弓開如半彎秋月。箭發似一點流星。使臂力忙將弓靶推。虎筋絃迸出紫金鉞。雕翎箭撞開樓額帶。三思臺吞滿畫桃皮。你慢慢的再說一遍者。〔正末唱〕

〔醋葫蘆〕箭着處支楞楞撇了畫戟。撲簌簌掉了豹尾。腦樁的落馬馬空回。彎着弓。插着箭。忙整理。將一頂紫金冠撞碎。三思臺吞滿畫桃皮。〔李漢云〕箭射死咎雄。史牙恰怎生和他交戰來。你慢慢的再說一遍者。〔正末唱〕

〔醋葫蘆〕一箇在河道東。一箇在臨路西。都不曾答話便相持。却便似黑殺神。撞着箇霹靂鬼。槍強刀會。棋逢對手好相持。〔李滾云〕一箇使的是槍。一箇使的是刀。殺氣騰騰罩碧霄。天愁地慘冷霧飄。有如山前猛虎鬪。恰似蛟龍出海濤。一箇憑三略。一箇顯六韜。交馬過處逞英豪。從來自自有將軍戰。不似今番槍對刀。是一場好廝殺也呵。你再說一遍。〔正末唱〕

〔醋葫蘆〕史牙恰槍去的疾。狄將軍刀去劈。刀迎槍舉。足律律火光飛。見槍來。越過着刀去劈。我則見連肩帶臂。恰便似錦毛彪。撲倒一箇玉狻猊。〔李滾云〕箭射死咎雉。刀劈了史牙恰。天朝威風浩大。猛將英雄。再不敢調遣番兵。俺則索投降納貢。便好道饒你深山共深處。到頭都屬帝王家。探子。你且回本營中去。〔正末唱〕

〔尾聲〕你與我疾快走莫迎敵。得便宜只恐怕落便宜。他每都響璫璫笑將金。鎗踢割的這人頭耳鼻。打着面勝軍旗。齊和着他這凱歌回。〔下〕〔李滾云〕狄青贏了也。俺兩員將輸了也。再不敢侵犯邊境。俺這裡收拾進貢寶貝。見聖人走一遭去。天朝上將顯威風。刀劈牙恰射咎雉。準備方物朝大國。進貢稱臣享太平。〔下〕

第四折

〔范仲淹領張千上〕〔云〕王法條條誅濫官。刑名款款理無端。爲官清正天心喜。作宰爲臣民意歡。老夫范天章是也。今有狄青失了衣襖扛車。我差飛山虎劉慶。取狄青首級去了。不見回來。隨後又差黃軫接應他去了也。令人門首覷者。若來時報的老夫知道。〔淨黃軫上〕〔云〕兩顆首級實難得。賴了賞賜喫喜酒。自家黃軫的便是。自從將劉慶推在澗裏。得了這兩顆首級。則說是我的功勞。大人府裏報功受賞去。可早來到也。令人報復去。道有黃軫得勝回來。〔張千云〕理會得。報的大人得知。有黃軫來了也。〔范仲淹云〕着他過來。〔張千云〕理會得。過去。〔黃軫見科〕〔云〕大人。我箭射智雄。刀劈史牙恰。將這兩顆首級。特來報功。〔范仲淹云〕既然如此。老夫盡知這功勞都是你的。若狄青來時。必無輕恕。令人門首覷者。狄青來時。報復我知道。〔狄青上〕〔云〕臂力過人膽氣冲。橫刀匹馬取交鋒。復奪衣襖全忠孝。今日狄青建大功。某乃狄青是也。復奪了衣襖車。杏子河箭射死智雄。野牛嶺刀劈了史牙恰。將兩顆首級。着飛山虎劉慶。大人府裏受賞去了。我趕了那敗殘兵。今日得勝而回。見大人走一遭去。可早來到也。令人報復去。道有狄青來了也。〔張千云〕理會得。報的大人得知。有狄青來了也。〔范仲淹云〕着他過來。〔張千云〕理會的。過去。〔狄青做見科〕〔云〕大人。狄青得勝回營也。〔范仲淹云〕狄青。你知罪麼。〔狄青云〕狄青不知甚罪。〔范仲淹云〕黃軫將着首級。先來報功。你怎生不知罪。〔狄青云〕大人。某杏子河箭射死

咎雄。野牛嶺刀劈死史牙恰。復奪衣襖扛車回來。是我之功也。〔范仲淹云〕你倚酒慢公。失悞了衣襖扛車。若不是黃軫復奪將回來。可怎了也。刀斧手。推轉狄青。斬訖報來。〔狄青云〕可着誰人救我也。〔正末上〕〔云〕某乃飛山虎劉慶是也。昨日黃軫奪了我兩顆首級。推我在澗裏。若不是樹葉子厚呵。那裡討我這命來。我直至大人府裏。與狄青做箇證見。走一遭去也。〔唱〕

〔中呂粉蝶兒〕我這裡步步剛捱。病身軀恰纔安泰。行不動東倒西歪。脚剛移。身強整。魂灵儿不知箇所在。也是我運拙時乖。誰承望這一場頗奈。

〔醉春風〕這怨恨重如山。咱冤讐深似海。不走了你箇奸濁徼倖賴功賊。黃軫也你暢好似歹。歹。我與你折證的明白。狄青他一心忠孝。搭救他這場災害。

〔云〕可早來到也。〔見狄青科〕〔云〕我道是誰。原來是狄將軍。〔狄青云〕劉慶。你在那裡來。黃軫賴我功勞。大人見罪。將我要殺壞了。你索救我者。〔正末云〕將軍你放心。我與你做一箇大證見。

〔正末見云〕大人。冤屈也。〔范仲淹云〕劉慶。你有何冤屈。〔正末云〕小人不冤屈。狄青冤屈。〔范仲淹云〕狄青怎生冤屈。〔正末云〕當日大人差劉慶去催衣襖車。不想大雪裏正撞見狄青。我說你遠了半月限。又失了衣襖車。被史牙恰奪將去了。狄青聽的說了。我和狄青就趕那衣襖車去。來到那杏子河邊。下着大雪。〔唱〕

〔紅綉鞋〕當日箇瓊墳滿東郊南陌。粉妝成殿閣樓臺。見一簇番兵擁將來。狄青在火坑中逃了性命。今日向雲陽內受非災。我救這一箇苦相持梁棟材。〔范

仲淹云〕誰射死咎雄來。〔正末云〕是狄青一箭射死咎雄來。〔唱〕

〔上小樓〕一來是時間免災。二來與將軍除害。狄青那裡怪眼圓睜。剔豎神眉。怒目張開。狄青那裡顯手策。使氣概。英雄慷慨。則他那咎先鋒那一場災害。〔范

仲淹云〕你說狄青箭射死了咎雄。那史牙恰是誰刀劈了來。〔正末云〕狄青箭射了咎雄。來到野牛嶺上。見一簇番兵。皂雕旗上。寫着大將軍史牙恰。狄青一人一騎趕上。不曾答話。兩馬交戰。

則一刀劈了史牙恰。〔唱〕

〔十二月〕那將軍其實壯哉。那一會氣夯破胸懷。史牙恰提槍出陣。狄將軍縱馬前來。狄將軍刀起處。他如何掙鬪。那將軍威凜凜英勇英馬二字超校劇似誤身材。

〔堯民歌〕我則見滴溜溜撲落下戰鞍來。明晃晃響璫璫的戰鎗篩。來時節遮天映日綉旗開。去時節一仰一合把身歪。恰便似嬰也波孩。驅兵索戰來。這厮可擔水在河頭賣。〔范仲淹云〕劉慶。你道狄青箭射死了咎雄。刀劈了史牙恰。這兩顆首級。可怎生得到黃軫手裏來。〔正末云〕當此一日。大人差劉慶催衣襖扛車去。狄青箭射死了咎雄。刀劈

了史牙恰。復奪了衣襖扛車。他將兩顆首級與劉慶。大人府裏獻功。不期到路上撞着黃軫。奪了我首級。又把我推在澗裏。若不是多年樹葉子厚。那得我那性命來。大人。這功勞都是狄青的。大人心下自參詳。黃軫賴功損忠良。箭射刀劈番將死。流傳千古把名揚。〔唱〕

〔尾聲〕我見來。我見來。殺的那史牙恰無剖割。想狄將軍蓋世功勞大。保護着一統山河萬萬載。〔范仲淹〕老夫盡知也。原來是黃軫混賴狄青的功勞。將黃軫推轉。殺壞了者。狄青你聽者。爲你復奪了衣襖扛車。箭射咎雄。刀劈史牙恰。有此功勞。加你爲征西都招討金吾上將軍。狄青你望闕跪者。聽聖人的命。則因你敢勇相爭。憑謀略收捕賊兵。眞梁棟世之虎將。據英雄天下馳名。黃面具千般殺氣。烏油甲萬道威風。野牛嶺刀斬牙恰。杏子河箭射咎雄。施勇烈揚威耀武。秉忠心永鎮邊庭。加你爲總都大帥。定家邦天下元戎。朝金闕躬身叩首。立乾坤帝業興隆。今日箇加官賜賞。保皇圖萬載昇平。

題目 黃軫軍前賴功勞

正名 狄青復奪衣襖車

衣襖車穿關

頭折

范仲淹

兔兒角幘頭

補子

張千

攢頂

圓領

狄青

攢頂

藍曳撒

三髭髯

正末王環

一字巾

茶褐直身

狄青又上

同前

第二折

范仲淹張千

同前

店小二

雙簷

氍毹帽

綿布襖

綿

狄青

同前

正末飛山虎

劉慶

錦大

帽

錦襖

項帕

法墨

直纏

搭

咎雄

三叉冠

抹額

白手巾

膝欄曳撒

海蛟項帕

行纏

布機

八答鞋

猛髯

襖

回回卒

回回帽

白手巾

比里罕

刀

狄青又上

繖髮

盔抹額

蟒衣

曳撒

竹節鞭

項帕

弓箭

馬兒

正末飛山虎

劉慶又上

同前

卒子

紅碗子

盔

青布釘

車頭

攢頂

青衣

項帕

車史牙恰

回回錦帽

白手巾

膝欄曳撒

海蛟項帕

回回卒

同前

狄青又上

同前

馬兒

正末飛山虎

劉慶又上

同前

楔子

黃軫

皮盔 膝襴曳撒 掩心甲 項帕 直纏 搭膊 劍

正末飛山虎劉慶又上前

第三折

李滾

犀角冠 白手巾 蟒衣曳撒 比甲 海鮫 項帕 錦手巾 鬧粧 帶 劍 三髯

正末探子

回回帽 白手巾 錦襖 海鮫項帕 如意裙 直纏

搭膊 腿紉護膝 布 襪 八答鞋 皂旗

第四折

范仲淹張千

同黃軫 同狄青 同正末飛山虎劉慶 前

乙卯七月五之日校內本清常